

**ELIAE REUSNERI,
... HORTULUS
HISTORICO-
POLITICUS
CORONAS SEX...**

Elias Reusner, Abraham : de
La Faye





D. XIII.

~~P. X~~

14-3-a 21

~~15.37.~~

22-5-54-

2

ELIÆ REVSNERI,
HISTORICI SUMMI,
HORTVLVS HI-
STORICO-POLITICVS

CORONAS SEX EX FLORIBVS
variis variegatas complectens;

ID EST,


LECTIONES HISTORICO-POLITICÆ,
publicè in alma SALANA propositæ; Rei-
publicæ cuiusvis constitutionem, admini-
strationem, conseruationemque explicantes,
vsumque exemplis historicis demonstrantes;
tam imperantibus quàm obtemperantibus
perutiles & necessariae.

Curâ & studio

ABRAHAMI DE LA FAYE GR. BER-
tum temporis Illustrissimorum SAXONIÆ DV-
CVM, Winariensis lineæ florentissima, domestici,
operosè conscripta: postquam verò sapius expetita
& desiderata, de consilio virorum magni nominis
juris publici facta, & in demissa obseruantia mo-
numentum, inclyto ac illustri Senatui populoque;
vulg Ducentis appellato, præpotentis Rei-
publ. Bernensis, dicata &
consecrata.

℥)(℥

Herbornæ Nassoviorum. 1618.





ILLVSTRI SENATVI P
puloq; Inclyto (Ducentis appellato)
præpotentis Reipublicæ
BERNENSIS,

S. P. D.

ABRAHAMVS DE LA FAYE.



ILLUSTRES SENATORES, T
que popule inclyte Bernensis Reip
blicæ, Magnifice & Clementissim
Certum est Rerumpublicarum sa
rem, & felicitatem non solum ex lege, vel sub
tis obtemperantibus, sed ex bonis & salutarib
Reipublicæ moderatoribus, qui nec ipsi à rat
nis semita deflectant, nec alios deflectere pati
tur, dependere: His Reipublicæ capitibus salu
eius quoque membra salva: hoc, inquam, Re
publicæ fulcro, & sustentaculo integro, inte
consistit ipsa Respublica. Etenim quemadmo
dum gubernatori cursus secundus, medico sa
Imperatori victoria, sic Reipublicæ modera
ribus beata civium subditorumque vita pro
fita esse debet, ut non solum opibus firma, co
locuples, gloriâ ampla, sed & virtute sit hone
& inprimis religione sancta: ut in cælestis
ætrinæ veritate absque errore edocti, Deo su
mâ fide & pietate seruiant, veramque eius ju

):(2

D E D I C A T I O.

tiam strenuè colant, & tutò exerceant: hoc stabili Reipublicæ regiminis quasi solidissimo & firmissimo fundamento, certè collocato, cætera omnia quæ superstructa fuerint, firmiter constabunt. Huiusmodi salutare Reipublicæ moderatores in sacris celebrantur David, Samuel, Ezechias, Iosias: non solum ornamentis, quibus aliàs salutares Reipublicæ moderatores, utpote virtute, prudentiâ, maiestate, clementiâ, & benevolentiâ præditi; verùm ipsi divinam veritatem magno ardore atq; studio complexi fuisse, & etiam subditis eam castam & iustam legem conservarunt.

Horum laudatissimum exemplum pio zelo æmulati sunt superioribus seculis maiores vestri, qui pro libertate patriæ & ecclesiæ, forti invictoque animo depugnarunt, falsosq; deorum cultus & superstitiones funditus extirparunt; *Rempublicam Bernensem*, immunem, liberam potentemq; reddiderunt; *Privilegiis* omnino illustrissimis fortitudine suâ ditavit, famamq; sempiternam de se posteritati æmulandam, uti facitis, reliquerunt; Inde etiam felix quoq; & beata vestra administratio hætenus fuit & manebit, vivetq; in animis bonorum omnium nominis vestri immortalis gloria: quæ nullâ hominum obliuione aut reticentiâ obscurabitur, dum ad suum finem & scopum florentissimam & fortunatissimam Rempublicam vestram administrare conabimini.

D E D I C A T I O.


nabimini. Etenim cùm præsitis hominib. hominum causâ, nec solùm domini & arbitri rerum, verùm etiam tutores & administratores sitis, in Republica non tantùm de Republica cogitandum, sed vt hominibus, subditis à Deo vobis datis, profitis, necessum esse sciatis. Sicut enim sidera splendorem, vt vsibus mortalium deserviant, sic Rempublicam administrantes, auctoritatem cum munere officioq; deinctam habere quàm probè meministis; Collatos quoq; esse subditos in sinum protectionis vestræ, vt foueatis & quæ eorum sunt, protegatis, suscipiatis. Quæ cùm ita sint, atq; exemplis tam sacris, quàm prophanis, id lucidiùs demonstrare possem, nisi auribus vestris parcere constituissèm, spero vos illis qui studio Reipublicæ administrationem docenti, & exemplis historicis demonstranti, dequæ iis qui virum Reipublicæ natum formant, & erudiunt, vt bonus & salutaris Reipublicæ fiat, proponenti, incumbunt, fatuturos, eorumq; lucubrationes gratas habituros: Qua de causâ eò audacior vos alloquor & compello, rogitans, vt *Hortulum hunc floribus variis coronatum, siue Lectiones Historico-Politicæ*, cuiusvis Reipublicæ constitutione, administrationem & conseruationem, conuersionemq; explicantes, iam olim in alma Saxoniæ Ducum Salana unicè, in vsum Illustris, Nobilissimæque vestræq; Reipublicæ Inuenturis à me operosè collectas, conscriptas, iam verò de

):(3

D E D I C A T I O.

consilio virorum magni nominis juris publici factas, vestro Nomini, vtilitati & vsui, in demissæ obseruantiae monumentum à me, ob memoriam beneuolentiæ à nonnullis vestri Senatus & *Consilii* magni exhibitæ, consecratas & à me venerabundo dicatas, suscipiatis, accipiat. Quod si munus hoc hac ipsâ scriptione censeatis, tenuissimum fore fateri cogat: si verò benigno animo, satis amplum: si rei dignitate, acceptum gratumq; erit. Etenim munus hoc meum vestri causâ comparatum, amplissimum & inclytum quod sustinetis, dilucidè explicat, quamque arduum sit, demonstrat. Vnicum ergo superest. *Illustris Senatus Populæq; inclyte* & præpotens: voti nempe mei summam cum *Hortulo* muneris loco oblatam per clementer excipiat, quod facturos mihi persuasum non solum habeo, sed manus etiam auxiliatrices benignè portecturos, spero & expecto, Deum Rerum publ. moderatorem primum, Regumq; Regem, & Principum Principem, ex intimis cordis penetralibus orans & flagitans, ut is in omni felicitate, nunquam interiturâ ad tutelam & salutem territori vestri tam Germanici quàm Gallici, longævus, & sub optimis patribus Patriæ, optimam Patriam, statumq; i. e. desideratam tranquillitatem subditi vivere possint, conseruet, ita vt inclyti & invicti sitis, felicitasque illustris & præpotentis Reipublicæ Bernensis illæsa remaneat.

Dabantur Jena, Calendii Iunii, 1612.



FLORUM HORTULI POLITI- CO-HISTORICI

Corona Prima.

De Regnorum & Imperiorum & Rerumpublicarum acquisitione, conservatione, administratione, vigore, ruinâ, interitu.

F L O S I.

A D E O Imperia.	pag. 1
2. Regnum virtute parandum.	6
3. Regnum absque gravissimâ causâ à stirpe non amovendum.	10
4. Ad regni successionem, imperiique majestatem, non temerè admittendæ fœminæ.	12
5. Facilius est, regnum occupare, quàm retinere.	16
6. Imperium facile his retinetur artibus, quibus ab initio partum.	18
7. Regni vinculum firmissimum, benevolentia subditorum.	20
8. Regnorum bases & fundamenta, religio, justitia & prudentia.	22
9. Principatus nervi, aurum & ferrum.	27
10. Regnum, splendida servitus.	31
11. Difficile, peregrinum Imperium.	35
12. Imperia moderata durant.	39
13. Nec regna ferre socium, nec tædæ queunt.	41
14. Regia sedes in regni umbilico figenda.	43
15. Regnum ut floreat, divinitus ipsi dantur viri Heroici.	45
16. Optimus regnorum status, minusque mutationibus	

);(4.

INDEX CORONARUM.

- obnoxius, monarchicus Aristocratia temperatus &c. 47
17. Omnia regna suos habent fatales limites. 53
18. Fatales, omnium Regnorum & Imperiorum, periodi. 56
19. Circumactis regnorum periodis, principū perit autoritas, & mox sequuntur mutationes. 59
20. Regnorum casus, præcipites. 61
21. Ruinæ regnorum *πρόδρομοι, τρέφη, κόρη, ὕβρις, καὶ ἀναίσθησία* publicarū calamitatū. 62
22. Pestes omnium rerum pub. præcipue; φιλοπρέμια, ambitio, πολυπραγμοσύνη (curiositas latinè) κακοζήλεια & vindictæ cupiditas. 69
23. Omnia regna evertunt idololatria, tyrannis & libidinum confusiones. 75
24. Regna & civitates everse, nunquam pristinā recuperant dignitatem. 79
-

Corona secunda.

De Regum & Principum dignitate & officio, eorundemq; in Tyrannos degenerantium naturā & interitū.

1. Reges & Principes à Deo. 82
2. Reges, Dei Regum Regis vasalli. 95
3. Principum est, veram Christi religionem adversus Tyrannos defendere. 105
4. Principum est, tyrannos & rem publicā opprimentes, vel perdentes, vi coërcere & opprimere. 117
5. Salus populi, principi suprema lex esto. 128
6. Princeps *νομοθέτης* esto justus, & acer *νομοφύλαξ*. 143
7. Sic

INDEX CORONARUM.

7. Sit piger ad pœnas princeps, ad præmia velox. 152
8. Princeps fidei memor esto, tenaxque. 163
9. In principe, domi sit sanctitas, fortitudo in armis,
utrobique prudentia. 175
10. Omnia prius experiri consilio, quàm armis prin-
cipem decet sapientem. 195
11. Regum & principum optimi consilarii, muti
& mortui. 199
12. Optimorum virorum optima consilia, prin-
ceps haud invitus audiat. 206
13. Princeps non minùs hominem se esse, quàm ho-
minibus præesse meminerit. 218
14. Imperio præsta, princeps bone, majestatem. 230
15. Tyrannorum anima sanguinolenta, vita misera,
ævum breve, exitus tragicus. 241

Corona tertia.

*De Regum & Principum consiliariis, & legatis,
cæterisque administris, & magistra-
tibus inferioribus.*

1. Optimorum amicorum, optima consilia. 252
2. Tempus, consiliarius optimus. 268
3. Senum consiliis stat respublica. 272
4. Callida & audacia consilia, primâ specie lata,
tractatu dura, eventu tristia sunt. 275
5. Consilium malum consultori pessimum. 281
6. Non est turpe, cum re mutare consilium. 286
7. Ad legationes aptissimi viri, perspicaci prudentiâ,
& singulari gravitate præditi. 289
8. Legati aures sint & oculi regnorum. 307
9. Constantia & παρρησία, pil legatorum erga
principem & patriam candoris, index. 309

):(5

INDEX CORONARUM.

10. Legati magnanimi, ἄδωροι sunt & liberales.
316
 11. Legatus spectatae esto fidei, & verax; nec mandatorum suorum fines perfide transiliat. 320
 12. Legatorum nomen apud omnes nationes sanctū inviolatumq; . (Ces. lib. 3. de bello Gallico. 328
 13. Functioni suae quenq; idoneum praeficere, prudentis habetur principis. 336
 14. Judex, templum esto innocentiae, ara justitiae, sacrarium temperantiae, promptuarium prudentiae. 353
-

Corona quarta.

De subditis, & ministris aulicis.

1. Deum time, Regem honora. 1. Pet. cap. 2. 389
 2. Omnis anima potestatibus, sublimioribus, subdita esto. Ad Rom. 13. 394
 3. Reddite, quae sunt Caesaris, Caesari; & quae sunt Dei, Deo. Matth 22. 406
 4. Subditorum in principem amor, esto sincerus & candidus. 415
 5. Principes, etiam σχολιοὶ, καὶ δύσκολοι patientiā honorandi. 443
 6. Subditis rerum publicarum novae mutationes fungenda. 441
 7. Subditi cum seditiosis ne commiscantor. 444
-

Corona quinta.

Conjugibus, parentibus, liberis, fratribus, ceterisque cognatis consecrata.

1. Conjugium in omnibus esto honorabile: ad Heb. 13. 455
2. Vir


INDEX CORONARUM.

- | | |
|--|-----|
| 2. Vir & uxor, una caro. | 483 |
| 3. Uxor sub viri esto potestate; hic illi dominator.
Genes. 3. | 497 |
| 4. Nimius conjugum amor, maturè expellendus; antequam bestia inflar, dentes & ungues producat. | 514 |
| 5. Parentibus anima sunt liberi Euripid. in Andromache. | 525 |
| 6. Liberi parentes suos honoranto, opere, sermone, & patientiâ. | 534 |
| 7. Parentum diræ, liberorum sunt furia. | 554 |
| 8. Heroum filii, noxæ. | 557 |
| 9. Fratrum & consanguineorū odia, Cainica. | 557 |
-

Corona sexta, sc. Martia.

De bellorum auspiciis, progressu & successu &c.



- | | |
|---|-----|
| 1. Preces piæ, & Dei potentia, in bellis omnia efficiunt. | 585 |
| 2. Belli æquitas, bono; iniquitas, malo plerunque litat eventui. | 593 |
| 3. Ne provoces bella, nec timeas. Plin. in Panegyrico | 69 |
| 4. Belli alea dubia. | 622 |
| 5. Bellis civilibus nihil pejus; nihil miserius. | 627 |
| 6. Belli dux bonus victoriæ non parum commodat. | 639 |
| 7. Ducum belli multitudo, siculneum præsidiū: discordia, præsentiſſimum exercitus venenū. | 647 |
| 8. Ducis improbitas, & proditio, regnorum & exercitus est perditio. | 651 |
| 9. Auxiliatores, plerunq; sunt devoratores. | 655 |
| 10. Federa licita, sunt quidem ahenea, sed iis confidere, valde lubricum est, | 667 |



ILLVSTRI SENATVI PO-
puloq; Inclyto (Ducentis appellato)
præpotentis Reipublicæ
BERNENSIS,

S. P. D.

ABRAHAMVS DE LA FAYE.



ILLVSTRES SENATORES, Tu-
que popule inclyte Bernensis Reipu-
blicæ, Magnifice & Clementissime:
Certum est Rerumpublicarum salu-
tem, & felicitatem non solum ex lege, vel subdi-
tis obtemperantibus, sed ex bonis & salutaribus
Reipublicæ moderatoribus, qui nec ipsi à ratio-
nis semita deflectant, nec alios deflectere patiantur,
dependere: His Reipublicæ capitibus saluis,
eius quoque membra salva: hoc, inquam, Rei-
publicæ fulcro, & sustentaculo integro, integra
consistit ipsa Respublica. Etenim quemadmo-
dum gubernatori cursus secundus, medico salus,
Imperatori victoria, sic Reipublicæ moderato-
ribus beata civium subditorumque vita propo-
sita esse debet, ut non solum opibus firma, copiis
locuples, gloriâ ampla, sed & virtute sit honesta,
& inprimis religione sancta: ut in cælestis do-
ctrinæ veritate absque errore edocti, Deo sum-
mâ fide & pietate seruiant, utramque eius justi-

):(2

DEDICATIO.

tiam strenuè colant, & tutò exerceant: hoc stabilis Reipublicæ regiminis quasi solidissimo & firmissimo fundamento, certè collocato, cætera omnia quæ superstructa fuerint, firmiter constabunt. Huiusmodi salutare Reipublicæ moderatores in sacris celebrantur David, Dauid, mon, Ezechias, Iosias, &c. non solùm ornamentis, quibus aliàs salutari Reipublicæ moderatores, utpote virtute, prudentiâ, maiestate, clementiâ, & beneuolentiâ præditi; verùm ipsi diuinam veritatem magno ardore atq; studio complexi fuisse, & etiam subditis eam castam & sanctam rectam conseruauerunt.

Horum laudatissimum exemplum pio zelo æmulati sunt superioribus seculis maiores vestri, qui pro libertate patriæ & ecclesiæ, forti inuictoque animo depugnarunt, falsosq; deorum cultus & superstitiones funditus extirparunt; *Rempublicam Bernensem*, immunem, liberam potentemq; reddiderunt; *Privilegiis* omnino illustrissimis fortitudine suâ ditauerunt, famamq; sempiternam de se posteritati æmulandam, uti facitis, reliquerunt; Inde etiam felix quoq; & beata vestra administratio hætenus fuit & manebit, viuetq; in animis bonorum omnium nominis vestri immortalis gloria: quæ nullâ hominum obliuione aut reticentiâ obscurabitur, dum ad suum finem & scopum florentissimam & fortunatissimam Rempublicam vestram administrare conabimini.

D E D I C A T I O.

nabimini. Etenim cùm præsitis hominib. hominum causâ, nec solum domini & arbitri rerum, verùm etiam tutores & administratores sitis, in Republica non tantùm de Republica cogitandum, sed vt hominibus, subditis à Deo vobis datis, profitis, necessum esse sciatis. Sicut enim sidera splendorem, vt vsibus mortalium deserviant, sic Rempublicam administrantes, auctoritatem cum munere officioq; deuinctam habere quàm probè meministis; Collaros quoq; esse subditos in sinum protectionis vestræ, vt foueatis & quæ eorum sunt, protegatis, suscipiatis. Quæ cùm ita sint, atq; exemplis tam sacris, quàm prophanis, id lucidiùs demonstrare possem, nisi auribus vestris parcere constituissèm, spero vos illis qui studio Reipublicæ administrationem docenti, & exemplis historicis demonstranti, de què iis qui virum Reipublicæ natum formant, & erudiunt, vt bonus & salutaris Reipublicæ fiat, proponenti, incumbunt, fautores, eorumq; lucubrationes gratas habituros: Qua de causâ eò audacior vos alloquor & compello, rogitans, vt *Hortulum hunc floribus variis coronatum, siue Lectiones Historico-Politicæ*, cuiusvis Reipublicæ constitutione, administrationem & conseruationem, conuersionemq; explicantes, iam olim in alma Saxoniæ Ducum Salana unicè, in vsum Illustris, Nobilissimæque vestræq; Reipublicæ Iuuentutis à me operosè collectas, conscriptas, iam verò de

DEDICATIO.

consilio virorum magni nominis juris publici factas, vestro Nomini, utilitati & vsui, in demissæ obseruantiae monumentum à me, ob memoriam beneuolentiae à nonnullis vestri Senatus & *Consilii* magni exhibitæ, consecratas & à me venerabundo dicatas, suscipiatis, accipiatis. Quod si munus hoc hac ipsâ scriptione censeatis, tenuissimum fore fateri cogat: si verò benigno animo, satis amplum: si rei dignitate, acceptum gratumq; erit. Etenim munus hoc meum vestri causâ comparatum, amplissimum & inclytum quod sustinetis, dilucidè explicat, quamque arduum sit, demonstrat. Vnicum ergo superest. *Illustris Senatus Populeq; inclyte* & præpotens: voti nempe mei summam cum *Hortulo* muneris loco oblatam per clementer excipiat, quod facturos mihi persuasum non solum habeo, sed manus etiam auxiliatrices benignè portecturos, spero & expecto, Deum Rerum publ. moderatorem primum, Regumq; Regem, & Principum Principem, ex intimis cordis penetralibus orans & flagitans, ut is in omni felicitate, nunquam interiturâ ad tutelam & salutem territori vestrii tam Germanici quàm Gallici, longævos, & sub optimis patribus Patriæ, optimam Patriam, statumq; i. e. desideratam tranquillitatem subditi vivere possint, conseruet, ita vt inclyti & invicti sitis, felicitasque illustris & præpotentis Reipublicæ Bernensis illæsa remaneat.

Dabantur Jena, Calendis Iunii, 1612.



FLORUM HORTULI POLITI- CO-HISTORICI

Corona Prima.

*De Regnorum & Imperiorum & Rerum publica-
rum acquisitione, conservatione, admini-
stratione, vigore, ruina, interitu.*

F L O S I.

A D E O Imperia.	pag. 1
2. Regnum virtute parandum.	6
3. Regnum absque gravissimâ causâ à stirpe non a- movendum.	10
4. Ad regni successionem, imperiîq; majestatem, non temere admittendæ fœminæ.	12
5. Facilius est. regnum occupare, quàm retinere.	16
6. Imperium facilè his retinetur artibus, quibus ab initio partum.	18
7. Regni vinculum firmissimum, benevolentia sub- ditorum.	20
8. Regnorum bases & fundamenta, religio, justitia & prudentia.	22
9. Principatus nervi, aurum & ferrum.	27
10. Regnum, splendida servitus.	31
11. Difficile, peregrinum Imperium.	35
12. Imperia moderata durant.	39
13. Nec regna ferre socium, nec tædæ queunt.	41
14. Regia sedes in regni umbilico figenda.	43
15. Regnum ut floreat, divinitus ipsi dantur viri He- roici.	45
16. Optimus regnorum status, minusq; mutationibus	

INDEX CORONARUM.

- obnoxius, monarchicus Aristocratia temperatus &c. 47
17. Omnia regna suos habent fatales limites. 53
18. Fatales, omnium Regnorum & Imperiorum, periodi. 56
19. Circumactis regnorum periodis, principum perit autoritas, & mox sequuntur mutationes. 59
20. Regnorum casus, precipites. 61
21. Ruinae regnorum *πρόδρομοι, τρέφει, κόρη, ὑβρις, καὶ ἀναίσθησία* publicarum calamitatum 62
22. Pestes omnium rerum pub. precipue φιλοπρέμια, ambitio, πολυπραγμοσύνη (curiositas latinè) κακοζηλία & vindictæ cupiditas. 69
23. Omnia regna evertunt idololatria, tyrannis & libidinum confusiones. 75
24. Regna & civitates everse, nunquam pristina recuperant dignitatem. 79
-

Corona secunda.

De Regum & Principum dignitate & officio, eorundemque in Tyrannos degenerantium naturâ & interitu.

1. Reges & Principes à Deo. 82
2. Reges, Dei Regum Regis vasalli. 95
3. Principum est, veram Christi religionem adversus Tyrannos defendere. 105
4. Principum est, tyrannos & rem publicam opprimentes, vel perditiones, vi coercere & opprimere. 117
5. Salus populi, principi suprema lex esto. 128
6. Princeps *νομοθέτης* esto justus, & acer *νομοφύλαξ*. 143
7. Sit

INDEX CORONARUM.

- | | |
|--|-----|
| 7. Sit piger ad pœnas princeps, ad præmia velox. | 152 |
| 8. Princeps fidei memor esto, tenaxque. | 163 |
| 9. In principe, domi sit sanctitas, fortitudo in armis,
utrobique prudentia. | 175 |
| 10. Omnia prius ex periri consilio, quàm armis prin-
cipem decet sapientem. | 195 |
| 11. Regum & principum optimi consilarii, nati
& mortui. | 199 |
| 12. Optimorum virorum optima consilia, prin-
ceps haud invitus audiat. | 206 |
| 13. Princeps non minùs hominem se esse, quàm ho-
minibus præstare meminerit. | 212 |
| 14. Imperio præsta, princeps bone, majestatem. | 230 |
| 15. Tyrannorum anima sanguinolenta, vita misera,
ævum breve, exitus tragicus. | 241 |
-

Corona tertia.

*De Regum & Principum consiliariis, & legatis,
ceterisq; administris, & magistra-
tibus inferioribus.*

- | | |
|--|-----|
| 1. Optimorum amicorum, optima consilia. | 252 |
| 2. Tempus, consiliarius optimus. | 268 |
| 3. Senum consiliis stat respublica. | 272 |
| 4. Callida & audacia consilia, primâ specie lata,
tractata dura, eventu tristia sunt. | 275 |
| 5. Consilium malum consultori pessimum. | 281 |
| 6. Non est turpe, cum re mutare consilium. | 286 |
| 7. Ad legationes aptissimi viri, perspicaci prudentiâ,
& singulari gravitate præditi. | 289 |
| 8. Legati aures sunt & oculi regnorum. | 307 |
| 9. Constantia & <i>παρρησία</i> , pii legatorum erga
principem & patriam candoris, index. | 309 |

): (5

INDEX CORONARUM.

10. Legati magnanimi, ἀδάροι sunt & liberales.
316
 11. Legatus spectatae esto fidei, & verax; nec mandatorum suorum fines perfide transiliat. 320
 12. Legatorum nomen apud omnes nationes sanctum inviolatumque; (cf. lib. 3. de bello Gallico. 328
 13. Functioni suae quenque idoneum praeficere, prudentis habetur principis. 336
 14. Judex, templum esto innocentiae, ara iustitiae, sacrum temperantiae, promptuarium prudentiae. 353
-

Corona quarta.

De subditis, & ministris aulicis.

1. Deum time, Regem honora. 1. Pet. cap. 2. 389
 2. Omnis anima potestatibus, sublimioribus, subdita esto. Ad Rom. 13. 394
 3. Reddite, quae sunt Caesaris, Caesari; & quae sunt Dei, Deo. Matth 22. 406
 4. Subditorum in principem amor, esto sincerus & candidus. 415
 5. Principes, etiam σχολικοί, καὶ δύσκολοι patientiam honorandi. 443
 6. Subditis rerum publicarum novae mutationes fugendae. 441
 7. Subditi cum seditiosis ne commiscantor. 444
-

Corona quinta.

Conjugibus, parentibus, liberis, fratribus, ceterisque cognatis consecrata.

1. Conjugium in omnibus esto honorabile: ad Heb. 13. 455
2. Vir

INDEX CORONARUM.

2. Vir & uxor, una caro. 483
 3. Uxor sub viri esto potestate; hic illi dominator.
Genes. 3. 497
 4. Nimius conjugum amor, maturè expellendus; antequam bestia inflat, dentes & ungues producat. 514
 5. Parentibus anima sunt liberi Euripid. in Andromache. 525
 6. Liberi parentes suos honoranto, opere, sermone, & patientiâ. 534
 7. Parentum diræ, liberorum sunt furia. 554
 8. Heroum filii, noxæ. 557
 9. Fratrum & consanguineorū odia, Cainica. 557
-

Corona sexta, sc. Martia.

De bellorum auspiciis, progressu & successu &c.

1. Preces piæ, & Dei potentia, in bellis omnia efficiunt. 585
2. Belli æquitas, bono; iniquitas, malo plerunque litat eventui. 593
3. Ne provoces bella, nec timeas. Plin. in Panegyrico 69
4. Belli alea dubia. 622
5. Bellis civilibus nihil pejus; nihil miserius. 627
6. Belli dux bonus victoriæ non parum commodat. 639
7. Ducum belli multitudo, siculneum præfidiū: discordia, præsentissimum exercitus venenū. 647
8. Ducis improbitas, & proditio, regnorum & exercitus est perditio. 651
9. Auxiliatores, plerunq; sunt devoratores. 655
10. Federa licita, sunt quidem ahenea, sed iis confidere, valde lubricum est, 667



FLORUM
HORTULI POLITI-
CO-HISTORICI

Corona prima.

*De Regnorum, Imperiorum & Rerumpubli-
carum acquisitione, conservatione, admi-
nistratione, vigore, ruinâ, in-
teritu.*

FLOSL

A DEO Imperia.

FUIT initiò ante diluvium mitissima do-
minatio; & planè paterna, majorum in
minores potestas, quæ in pœnis in-
fligendis, sacrorum, consortii; & forsan,
bonorum quoque exheredationem, non exce-
debat. Postea verò crescente hominum mul-
titudine cùm simul malitia cresceret, & summa
scelerum flagitiorumque impunitas; novo Deus

A

præsidio humanam societatem munivit, excitato
 NIMRODO viro audace & strenuo, qui violentum Imperiū primus arripuit, & vi à subditis extorsit obedientiam, publicis legibus propositis, & judiciis atq; pœnis constituit. Unde quoq; sermone multitudinis venator coram Domino audiit; siue quòd dominator esset violentus atq; injurius; qui homines domesticis tantum, paternisque imperiis antehac assuetos, ceu feras bestias, in suam ditionem potestatemq; rede gisset; siue quòd primus esset Rex, à Deo tanto robore, fortunâ & auctoritate armatus; ut formam Imperii legibus & præfidiis constituere, & fontes atq; rebelles vi ad pœnas trahere posset. Ex quo non solum in admirationem traduxit homines; sed tantum quoque eis injecit terrorem, ut & pro terreno quodam numine haberetur. Hujus exemplum mox aliarum familiarum Principes certatim secuti; quilibet in suos regio uti imperio, quàm propriâ potestate maluit.

Hinc videre est, Imperia & regna mundi, quamvis primitus vi sint extorta, non sponte extorta, non tamen esse latrocinia; sed singulari Dei consilio constituta: & quantum ordinis politici in hac naturæ humanæ confusione manet, ab ipso adhuc verè & efficaciter conservari; non secus, atque idem stellarum motus, quos suo consilio semel ordinavit, adhuc potentiâ suâ conservat. Cujus profectò patrocínio & protectione si
 desti-

destitueremur, jam pridem honestam societatem
Diabolus in universum dissipasset.

DEUM autem conservatorem esse Imperio-
rum, & totius ordinis politici, manifestò ipso o-
stendit effectū; quippe qui homicidas & seditio-
sos ex magistratuum manibus elapsos mirabili-
ter ad pœnas retrahit: qui item nonnullis guber-
natoribus ad constituenda & mutanda Imperia
heroicos addidit impetus, qui omnes naturæ vi-
res longè superant. Sic nimirum contra Julium
Cæsarem, quem regnare & ad Monarchiam Ro-
manam Augusto Cæsari viam sternere fatum
volebat; nulla nec prudentia Pompeji, nec S. P. Q.
Romani potentia, nec denique fraus Ægyptio-
rum valuit: qui denique terribilium Imperato-
rum impetus tyrannicos sæpe frangit, ne possint
ultra terminum præfixum progredi; juxta illud
Salomonis Prov. 21. *Sicut rivuli aquarum, ita cor
Regis in manu Domini: qui, quocumq; vult, id in-
clinat.* Sic nimirum tercio secundi belli Punici
anno post Cannensem cladem Romanis fune-
stissimam, Hannibali non dedit DEUS impetum
& animum, ut Romā caperet, cū in promptu
jam esset optatissima urbis invadendæ & expu-
gnandæ occasio; anno verò belli octavo dedit
quidem animum, sed eventum aliter gubernavit.
Non enim Carthagini, sed Romæ ex Danielis
vaticinio divinitus destinata erat quarta Mon-
archia, ideoque Dei hoc decretum impedire

4 *Florum politico-historicorum*

non potuit ulla humana sapientia & potentia.

Quod enim DEUS decrevit, non potest ab hominibus mutari; ut verissimè apud Herodotum inquit Mardonius: Nempe Dei Imperium (ut post amissionem regni ad sanio rem mentem reversus apud Daniele m c.4. ipse fatetur Nabuchodonosor) sempiternum est Imperium, & regnum ejus tale, quod non corrumpitur; qui arbitratu suo & cælorum exercitu, & terræ incolis utitur; qui regnum, cui vult, dat: nec quisquam est qui manum ejus impediatur, aut ab eo facti rationem exigat.

Sic & superioribus seculis in maxima illa & confusissima interregni anarchia, Italiâ intestinis disidiis & seditionibus flagrante, Germania ex veteribus odiis, novisque motib. dubio flatu fluctuante, cunctisque rebus ubique ad tristem ruinam spectantibus, DEUS Principum Electorum animos impulit, ut multis aliis præteritis uni Rudolpho Habsburgensi Imperii gubernacula committerent, & ipsum Rudolphum, quanquam plerisque aliis inferiorem opibus, authoritate, viribus, animi tamen quadam magnitudine incitatum confirmavit, ne onus difficillimæ & periculossimæ gubernationis recusaret. Affectabat tunc Imperium ambizioso pariter ac minaci conatu Otocarus Bohemus, empto Ottonis Brandenburgici suffragio, & nonnullis inter cæteros Ordines

Ordines pecuniâ expugnatis; & præterea in senatu Septemvirum tunc disputabatur de nonnullis aliis, quorum aliquos opum splendor, aliquos rerum præclarè gestarum fama, aliquos sapientiæ opinio, authoritatisque respectus commendabat, sed Rudolphi fatum vicit. *Fato ergo potestates dantur*, inquit Aurelius Victor: *nec est potestas, nisi à Deo*, teste Apostolo ad Rom. 13.

Quòd si potestates à Deo sunt; quantò magis regna, à quibus reliquæ potestates progrediuntur. Si autem regna diversa, quantò æquius regnum aliquod maximum, cui reliquorum regnorum potestas universa subjicitur; ut in hunc modum eleganter argumentatur Paulus O. osius lib. 2. Hist. cap. 1.

Hoc flosculo monentur Reges & Principes, Rempublicam non esse suam, sed se esse Reipub. Nec quicquam ipsis ipsorumve administris tantandum fiduciâ propriarum virium: sed potius cogitandum, quòd venientur coram Deo; ideoque veluti ratione Deo aliquando reddituros, torno, amissi & gnomone (ut est in versibus Theognidis) rectiores esse oportere.

Porrò, quòd Magistratus politicus ordinatio est divina, cui qui resistit, Deo resistit, teste apostolo ad Rom. 13. Ideo & subditorum mentibus sapientissimum illud Salomonis præceptum Proverb. 24. semper obversari debet; *Deum time, & Regem honora*: nec cum seditiosis miscere, quorum repentinus est interitus.

F L O S II.

Regnum virtute parandum.

DE Philippo Macedonum rege memorat Plutarchus in apoph. quòd Alexandrum filium, conquestū de numerosiore sobole ex pluribus ipsius mulieribus, his verbis ad virtutem extimulaverit: Ergo cū plures habeas regni competitores, da operam, ut honestus ac probus evadas, ne per me, sed per te ipsum regnum obtinuisse videaris. Innuere nempe voluit vir prudentiā verè regiā præditus, ipsi non aliter sperandum regnum paternum, nisi se successionē dignum præbeat: nec tam magnum esse, regnum adipisci, quàm regnum promeruisse. Et profectò terminum iusti regiminis difficillimè sortitur, quod malo principio est inchoatum. Cū enim ea matura sit potestatis, ut etiam optimum quemq; in deterius mutet, impossibile quodammodo fuerit, ut qui fraude, vi, aut largitionibus potentiam sibi quæsit, eam postea justitiā, clementiā, liberalitate, aliisq; bonis artib. taceatur. Et principatus scelere quæsitus, non potest subitā modestiā & priscā gravitate retineri, ut scribit Tacitus lib. I. Historiarum.

Exemplo sit Domitianus, qui (anno Christi 80) Vespasiano patre defuncto, jactitans relictū se Principem Imperii, sed fraudem testamento adhi-

adhibitam, nō cessavit fratri Tito insidias struere
etiam palamque, quoad correptum gravi valetu-
dine, prius, quàm planè efflaret animam, pro
mortuo deferri sepeliriq; iussit.

Imperio potitus tantæ fuit ab initio clemen-
tiæ, ut ab omni cæde abhorreret; cupiditatis atq;
avaritiæ ne ullam quidem suspicionem haberet:
deinde & privatus, & initio principat⁹ largissimè
familiares suos prosecutus, abstinentiæ & libera-
litas aliquot experimenta dedit, quæ Suetonius
latè enarrat: verum mox ad sævitiam conversus
& libidinem, Nerōnem ipsum superasse visus est.

Nullum præterea regnum scelere partum esse
diuturnum, testis est Didius Julianus, qui (*anno
Christi 193.*) Imperiū à militib. sesteriis 25. mer-
catus, ararium cum expilaret, post tertium men-
sem Imperio abrogato est obtuncatus. Testis
Decius, qui (*anno Christi 252*) Philippi cæde Im-
perium invasit; altero regni anno voragine palu-
stri absorptus in Mœsia. Testis Heraclionas, qui
(*anno Christi 641.*) Constantino fratre consan-
guineo sublato, cum matre Martinâ Imperium
arripuit; à senatu, populoq; Constantinopolitano
naso mutilatus, in exiliū relegatus quarto regni
mense. Testis (ut alios innumeros prætereamus)
Richardus Clocestriensis dux (in Anglia) ab ex-
cessu fratris Eduvvardi Quarti regis Angliæ filio-
rum ipsius tutor relictus, quib. in carcerem con-
jectis, ut regnū liberius occuparet, Hastyngium

in procerum concilio indictâ causâ securi percussit. Ipse vi regno occupato, Eduvvardum & Richardum fratris sui filios (anno Christi 1485) in carcere necari curavit; sed biennio vix exacto, ab Henrico V I I. regno & virâ exutus sepulturæ honore caruit: quippe cujus cadaver nudû dorso equi impositum artubus utrinque dependentib. Lacæstriam sine honore est delatum; ut autor est Polydorus l. 25.

Quid? quòd cruentâ plerosq; morte interficere, qui ad regiam vel imperatoriam potestatem non ritè pervenerunt, omnium gentium & seculorum loquuntur historiae. Notum hoc ex exemplis modò allatis; notum ex Attaliæ reginæ internecione; notum ex perpetuis regum Israëlitarum laniens & conspirationibus; in his rapientibus regnum qui vi & armis plurimùm poterant; notum deniq; (ne plerorumque monstrorum, quæ vel ad clavû Imperii Rom. vel aliorum regnorum olim sederunt, tragicos casus recenseamus) ex longissimo illo viginti octo annorum interregno inter Frid. secundum & Rudolphum Habsburgium. Nimirum contra Fridericum secundum Imperatorem, ejusq; filiû Conradum ab Innocentio Pâpa excitatus, & à quibusdam Imperii proceribus Cæsar electus, Henricus Landgrav. Thuringiæ, cum hoc ob Imperium confligens in obsidione Ulmæ sagittâ ictus oppetiit. Contra eosdem eodem hoc anno electus

Wil-

Wilhelmus Comes Holandiæ, à Conrado pro-
 figatus, in inferiori Germania delituit: bonis
 tandem omnibus exutus privatam vitâ arripiens
 in Frisia à dispositis insidiis circumventus confo-
 ditur (*anno Christi 1213. 22. Maji.*) Anno ab hu-
 jus cæde quinto diversis Electorum votis Impe-
 ratores creantur Richardus Anglus, & Alphon-
 sus Hispanus, quorû ille præsens mox Imperium
 à Moguntino, Coloniense & Palatino, quorum
 suffragia emerat, accepit, in quo se cõfirmaturus
 vi potius quàm benevolentia, dissoluto fœdere
 principum & pace publicâ perturbatâ, in illorum
 agros, qui à cæteris in electione dissenferant, igne
 & rapinis sæviens multum dedit damni. Verûm,
 ut violentum nullum diuturnum, ita citò ex-
 haustus pecuniâ, quam largitionibus immo-
 dicis in suffragiorum emptionem profuderat,
 & tandem à suis quoq; spretus atq; desertus, de-
 speratione in Angliam rediit ad Henricum fra-
 trem, bella cum subditis gerentē; ubi obsidione
 Bargaestedi oppidi sagittâ trajectus periit (*anno
 Christi 1272.*) Alphonfus Castellæ rex, ad quem
 factio adversa legatos miserat, qui in Germaniâ
 adducerent, dum cunctatur philosophicâ qua-
 dam moderatione, seu potius timiditate, discor-
 dias reformidans, quib. tunc Germania & Italia
 flagrant, Imperium foris, regnû domi amisit:
 dejectus à spe consequendi Imperium novis
 Principum cõsiliis, paterno verò regno exutus à

filio Sanëtio; Hispalin ergo conversus mœrore contabuit.

Hæc & hujus farinæ alia futuro Regi calcar addere debent, ut à primis statim ætatis incunabulis animum suum in Virtutis templo salutaribus imbui patiatur opinionibus, optimamq; imperitandi artem unâ cum lacte materno imbibat, virtutiq; , quæ verè unica illa & certissima Rerumpub. norma est, quæq; vel maximè subditos allicit ad diligendum ipsum, per totam vitam intensissimè studeat, inq; ejus cursu ita progrediatur, ut, quicquid tandem agendum suscipiat, non semel tantum aut bis (nam, ut vetus monet proverbium, *una hirundo non facit ver*) sed semper idem benè & generosè agendi propositum teneat. Sic ille non solùm, juxta Homericum illud, *τολλῶν ἀνδράξιν ὁ ἀρχὼν*, h.e. præ aliis dignus erit, cui fasces Imperii committantur, sed & ipsam Rempublicam pace, tutelâ, honore, omniumq; rerum abundantia beabit.

F L O S III.

Regnum absq; gravissimâ causâ à stirpe non amovendum.

IN regnis à constitutis patriis & Legib. non discedendum, nisi extrema cogat necessitas. Electio itaque si invaluit, ut in Imperio Romano, suc-

successio non quærenda. Sin verò successio in-
valuit, ut in plerisq; regnis & principum familiis,
electio nequaquam est introducenda. Omnis n.
Reipublicæ, quæ utcunq; tolerari potest, muta-
tio inceptu difficilis est & ardua, progressu an-
ceps & incerta, exitu verò infelix & calamitosa.
Et quanquam magna omnino electionis sint
commoda, utpote quæ optimum quemque Im-
perioq; dignissimū invenit, & in qua minùs pe-
riclitatur Reipubl. libertas, & plus benevolentia
est in subditos, minus onerum & expilationum;
non tamen minoris, forsitan etiam majoris sunt
ponderis, quæ successionem suadet. Ut enim de
successione in regibus ab ipso Deo approbatā
nihil dicamus; non rarò fortes creantur fortibus
& bonis, & parentum virtus unā cum semine in
sobolem transfunditur; ipsi quoq; Reges regnū,
quod norunt esse suum suorumq; , dexterius ad-
ministrant; nec patrimonium Imperii, quod ad li-
beros devolutum illi sciunt, facile profundunt,
ipse denique populus libentiùs consueto, quàm
novo Domino obtemperat. Quibus commodis
& hoc addimus, quòd in regno successivo omnia
sint quieta, regna verò cōfusus suffragiis collata,
rapinis sint exposita & latrociniis: Unde vasta-
tiones agrorum, direptiones urbium, competi-
torum mutuæ cædes & laniæ, diminutio juriū
majestatis & infinita alia mala atq; scelera. Satis
superque hoc testatur Interregnum illud quod

inter Friderici secundi & Rudolphi Habsburgensis intercessit Imperium: testantur & aliorum Imperatorum discordes electiones, & adhuc hisce in regionibus arcium ruinæ atque rudera, quæ latronum tunc longè lateque per Germaniam erant receptacula, deplorant.

Quia verò Regum filios à parentum sæpe degenerasse virtute, & regum Judaicorum aliorumque loquitur historia, & communis testatur experientia; ideo Reges & Principes memores, patriæ genitos esse educandos; ab ipsis statim incunabulis filios, quibus destinatum regnum, artibus cum imperandi, tum parendi sedulo instituendos curent. Utique enim, ut rectè M. Cicero scribit lib. 3. de LL. *Qui bene imperat, paruerit aliquando necesse est; & qui modestè paret, videtur, qui aliquando imperet, dignus esse.*

FLORUS IV.

Ad regni successionem, Imperiiq; majestatem non temere admittendæ
fœminæ.

Leguntur sanè passim aliquot fœminatum exempla, quas in summo honoris, Imperiiq; gradu nationes quædam tulerunt; nequaquam tamen illas iudicio & suffragio electas, sed nascendi sorte oblatas. Nec enim ullus unquam
popu-

populus, ubi virorum quantulacumque fuit copia, liberis existentibus suffragiis foeminas sibi praefecit. Nec immerito. Primum nempe reclamant sacrae literae, quae viris parere jubent foeminas, Gen. 3. ad Ephes. 5. Col. 3. & loco poenae gravissimae denunciant muliebri imperium, Esa. cap. 3. Deinde ipsa quoque natura repugnat, quae ἡγεμονία τῶν ἄνδρων, magis ad imperandum aptum efficit marem in omni genere animantium, juxta Aristotelem lib. 1. Polit. c. 4 & 8. Viris siquidem illa dedit prudentiam, animi magnitudinem, robur corporis, patientiam laboris, constantiam in adversis, placabilitatem in offensis, taciturnitatem in occultis, auctoritatem in arduis, quae omnia Reip. moderandae summopere necessaria. At haec in foeminis pauciora & parciora sunt omnia: nec nisi rarissima foeminarum nonnullarum in omni historia inveniuntur exempla, quae naturam suam supergressae ab ingenio, prudentia, doctrina, animi magnitudine praecclare instructae, parataeque laudabiliter regnis suis praefuerunt. Harum est numero fuit Debora Jud. 4. Artemisia Cariae regina à Xerxe in arcano consilio saepe ad consultandum adhibita, teste Herodoto lib. 8. Irene, Leonis quarti Imperatoris Constantinopolitani relicta vidua; Margareta Daniae, Noroegiae, & Suetiae regina, quam tamen licet Dani in deorum numerum retulerint, Sueones apud inferos sempiterno excruciarum supplicio putant;

ut author est Johannes Magirus lib. 21. & Elisabeth, quæ nostro seculo ad annos fermè 47. regno Angliæ præfuit, foemina præter multas corporis dotes supra sexum prudens, literisquæ & linguis multis expolita. In cæteris plerisq; mulieribus verum est Ciceronis illud pro Cluent. *Abundat mulier audaciâ, consilio & ratione destituitur.* Unde ex omnibus foeminis una Pallas Jovis cerebro nata matre caruit, ut est apud Lucianum in dial. Vulcani & Jovis, ut intelligeretur sapientiâ à foeminis manare non posse. Meticulosæ præterea sunt foeminæ, sententiâ leves, loquaculæ & garrulæ; & si quid præ se ferre gravitatis velint, non secus ac sponsa Æsopica, quæ musculus fuerat, sui facilè obliviscuntur. Imò malorum quoq; & injuriarum sunt impatientes & crudeles, si legum frenos licentia perrupit.

Exemplo sunt Attalia & Jezabel, quarum illa regiam Davidis stirpem excidit, hæc Nabothum & prophetas Domini occidit: 3. Reg 21. & 4. Regum 11.

Tullia minor, quæ dominandi libidine pruriens, Tarquinium Superbum suum maritum non modò ad patris sui Servii Tullii cædē extimulavit; sed nec ipsa verita est, per cadaver ejus carpentum agere, teste Livio lib. 1. & Ovidius lib. 6. Fast. Cleopatra Ægypti regina, quæ fratrem, cui regni successio debebatur, veneno sustulit, & Arfinoën sororem Ephesi in templo occidit; teste Josepho

Josepho lib. 2. contra Appionem; Brunegilidis, uxor Sigeberti regis Francorū, quæ ut post mortem mariti regno Galliarū potiretur, decem regii sanguinis pueros partim consilio, partim manu aut veneficio extinxit, ut scribit Aymo de gestis Francorum lib. 4. c. 1. Trahomira Lucensis, quæ ut post mortem Ladislai mariti Principatu Bohemæ potiretur,, filium Wenceslaum unâ cum hujus aviâ Ludomillâ in templo, sacerdotes verò extra Pragam occidit; & nostro seculo Catharina Medicea, cujus lanienas Gallia adhuc deplorat. Unde non frustra barbara ista vox tam sæpè ab Historicis repetitur: *Nullum regnū sine domesticâ cadē, aut parricidio esse solere.* De hujusmodi Reginis, rem turbantibus publicam, Græcus iste versus in proverbium abiit:

Γεγυῖς ἀνασκητῆσαι πολὺν κονίωσιν ἐγείρει.

Vetula saltans multum pulveris excitat.

Porro munera publica sexui quoq; & pudori fœmineo planè sunt contraria: Quid enim ad bellum mulier?

Bella viri pacemq; gerant, quis bella gerenda.

Fœminarum verò est colum capere cum calathis, & stamina pollice torquere. Hinc sapienter constitutum lege Salicâ, ne regnum Francicum cadat in colum, h. e. ne mulieres vel in regno succedant, vel regum administrent, ut quæ ob sexus imbecillitatem impares sunt rebus gerendis, si vis quædam gravior ingruat. Hinc Eudoxia

Imperatrix Constantinopolitana, Sultano Turcico Imperium bello premente, coacta fuit nubere Romano Diogeni militum fortissimo, teste Zonarâ tom. 2. Et de Hedvige Poloniæ regina, quæ postmodum nupsit Ladislao Gaddelloni Litvano, scribit Cromerus lib. 14. nō satis in tuto visum reginæ pudorem illâ ætate illâq; formâ, & necessariâ cum viris conversatione. *Nec enim fœmina amissâ pudicitia alia abnuerit,* inquit Tacitus lib. 4. Annal. Exemplo sunt Semiramis Assyriorum, Cleopatra Ægypti, reginæ, Semiamira Heliogabali mater, Johanna Neapolis regina, & aliæ. Concludimus ergo cū Tacito de moribus Germanorum, *mulieribus obedire, indecorum nimis, & servum hoc esse servitium, quod non modo à libertate, sed etiam à servitute degenerat.*

F L O S V.

Facilius est regnum occupare, quàm retinere.

Nobilis de Pyrrho Epirotarum rege fama est, semper eum parandis, quàm retinendis regnis meliorem extitisse, quoniam ad nova subinde properaret. Qua de causa Antigonus Asia rex Pyrrhum aleatori similem esse dixit; qui cū optimè caderent tesserae, arte utendi iis, quæ jecisset, destitueretur. Hinc non abs re Franciscus

Guic-

Guicciardinus libr.4. hist. celerem & incruentam describens victoriam Caroli octavi regis Gallæ, quâ Arragonios Neapolitano regno exuit, sed quod defectione Neapolitanorum mox rursus amisit; tacitè eos imprudentiæ arguit, qui armis Imperia faciliè propagant, ea tamen retinere non valent; nec vident apertum Imperium iis, qui domesticâ disciplinâ uti nesciunt, non modò non utile, sed etiam grave & perniciosum semper fuisse. Et profectò stultum est, eos invadere quos victor in officio retinere non potest; ut apud Thucy didem libr.6. rectè sentit Nicias. Et hoc ipsum non ignoravit Augustus Cæsar, quem, cum Alexandri Magni res in Oriente gestas legeret, admiratum ferunt; cur Alexander in animum suum non induxerit, quomodo quæsitâ conservaret, & regeret, sed tantùm quomodo quæsitâ alia adjiceret. Hujus certè principatus priùs penè diffluxit, quàm ab ipso partus fuit. Ex quibus liquet, nullum esse dubium, quin minoris sit industriæ & laboris regnum acquirere, quàm partum in suo statu conservare. Cujus sanè reidus afferri possunt causæ: Una, quòd naturâ suâ omnia regna, perinde ut cæterę res humanæ, ubi ad summum pervenēre, iterum decrescant; adeò ut ir gentis & vix humanæ sapiētiæ opus sit, diu in eodem statu regnum aut Rempub. conservare: altera, quia exiguæ sepe vires, ubi hostes incautos & imprudentes nactę sunt, Imperia quan-

tumvis prævalida circumveniant. Quod & Totilas Gothorū rex occupatā Romā considerans, ita orationem ad suos milites concludit apud Aretinum de bello Italico contra Gothos lib. 3. Tueri quæsitā difficilius est, quā acquirere; quoniam in acquirendo ignavia possidentis plus sæpè confert, quā propria virtus; tueri autem quæsitā sine propriā virtute nemo potest.

F L O S VI.

Imperium facilè iis retinetur artibus,
quibus ab initio partum.

POlybius lib. 9. histor. *Quidam putant, inquit, aliā ratione acquirendos esse principatus, & aliā rursus servandos. At ignorant, eos demum optimè principatus servare, qui eandem voluntatem & mentem, quā primū principatus sunt adepti, firmiter retinent.* Non itaq; temerè apud Turcas vetus atque perpetuum institutum, ut intranti templum supplicandi causā Sultano Talismanus ædituus sacerdos occurrat, claraq; voce pronunciet; Meminisse velit, Imperium quod justitiā & virtute bellicā partum sit, non aliis, quā iisdem artibus conservari, propugnariq; oportere, teste Jovio in Elogiis, lib. 2.

Hinc videmus, maximo nostro cum malo, hostem hunc eā esse vigilantiam, eam servare discipli-

sciplinam, eâ uti in conservandis iis, quæ sibi adjunxit, ratione, ita regnare, ac dominari, ut ubi semel vestigium fixerit, inde se moveri nunquam patiatur; *nunquam se attollat seges, quam semel ista calamitas deprefferit*, ut Busbequius loquitur in sua exclamatione, de acie contra Turcas instruendâ. Rectè itaque cum Salustio de conjuratione Catilinariâ sentit Franciscus Patricius in Dial. 6. de historia, quòd quib. modis acquiratur Imperium, iisdem etiam augeatur. *Quoniam* (inquit) *non est aliud incrementum, quàm adjectio ejus, quod augetur.* Sed ubi jam acquisitum est auctumque Imperium; superest, ut conservetur, subditorum animos continendo, ut libenter aut etiam inviti maneant; quorum istud vi perficitur; illud, si optimè eos tractaris; aut meliùs quàm alii; aut saltè, si meliùs quàm alii tractare videberis. *Sic nimirum regna ut fortitudine comparantur, sic mansuetudine & humanitate conservantur.*

Hic tamen & illud Jovii lib. 2. histor. notandû, *non iisdẽ semper artib. reges magna Imperia tueri posse, quibus ea quasierint.* Ignoscendo, largiendo, indulgendoque regna læto admodum hospitio feliciter incuntur. Cæterùm cùm prava inquietaque hominum ingenia audendo moliendoque insperatas ex occulto tempestates cient, tum denique servitutem pro clementiâ, parsimoniam pro munificentiâ, pro facilitate autem


20 *Florum politico - historicorum*
& liberalitate, illiberalem duriolemq; naturam
utilia, salubriaque didiceris.

F L O S V I I .

Regni vinculum firmissimum Bene-
volentia subditorum.

Dionyſium juniorem, Siciliae tyrannum, de-
perditum inſcitiâ, moribusque profligatiſſi-
mis, Dio videns (ut Plut. ſcribit in ejus vita) hor-
tatus eſt, ſe ad diſciplinam ut conferret, Platonique
philophorum principi ſe formandum, & vir-
tute exornandum traderet. Ita fore, ut pulcer-
rimo exemplari & divino ejus, cui gubernanti
univerſum hoc ob emperans pro confuſione or-
dinem, conſtantiamque tueretur, conformatus; pi-
riſſimam & ſibi & civibus, quibus ſe pro Tyranno
regem præberet, felicitatem pareret, ut quæ illi
modò metu tyrannidis mœſti inviti que face-
rent, eadem deinceps modestiam & juſtitiam
ipſius venerantes, itidem ut patri præſtarent.
Non enim (ut pater ipſi dixiſſet) metum ac vim,
non catervam juvenum ſtipantium, non immen-
ſum barbarorum ſatellitium, adamantina iſta
eſſe vincula, ſed benevolentiam, ſtudium, gratifi-
candi que voluntatem virtutis reverentiâ civibus
ingeneratam, quæ ut rigidis iſtis & duris vinculis
molliora eſſe videantur, ſint tamen ad perpetui-
tatem

tatem regni firmitiora. Quem eundem in modum, & M. Antonius Imp. prudentissimus in sua oratione, quam paulò ante mortem suam ad Commodum filium & amicos habuit, teste Herodiano, monet: Neque aut pecuniæ vim tyrannidis luxuriam explere, aut stipantia satellitum agmina tueri Principem posse, nisi illi ipsi, quos regit, animum imperanti, benevolentiamq; accommodent. *Quippe ii demum diu tutoq; imperant, qui non metû ex crudelitate, sed amorem ex bonitate civium suorum animis instillant.* Neq; enim quos servire necessitas coëgit, sed quos obtemperare sua quemque voluntas adigit, ii sunt in agendo patiendoque à suspitione omni assentationeque vacui; nunquam Imperia detrectant nisi violenter, contumeliosèque sint habiti. Quò respexit & Plinius in Trajano, *Quantò nunc tutior, inquit, quantò securior eadem domus, postquam non crudelitatis, sed amoris excubias, non solitudine & claustris defenditur.* Et quid ergo non discimus experimento, fidissimam esse custodiam Principis, ipsius innocentiam? Hæc arx inaccessa, hoc inexpugnabile munimentum, munimento non egere; frustra se terrore succinxerit, qui septus charitate non fuerit; armis enim arma irritantur. Hoc sanè consideravit Eberhardus Primus, Dux Wirtenbergicus, optimus & prudentissimus Germaniæ princeps. Cùm enim in Imperii Conventu Vormatiæ celebrato



cæteri Principes gloriarentur de rebus pretiosioribus, quas singuli in ditione vel thesauris haberent; illum dixisse ferunt, se habere quidem ditionem non tam latam, quàm omnibus rebus refertissimam. Nihil tamen pretiosius in ea ducere, quàm se ita amari à suis subditis, ut si vel in venatione, vel aliàs aberraret, & solus in devitis locis relinqueretur, nullas prorsus insidias metueret; sed absque omni sollicitudine somnum capere posset in sinu cujusvis sui subditi. Et profectò rerum omnium nihil commodius est quicquam ad principatum tuendum & conservandum, quàm ab his, quibus imperamus, amari potius, quàm metui. Rectè itaque à prudentissimis hominibus dictum, malum esse custodem diuturnitatis metum; & econtrà benevolentiam fidelem esse vel ad perpetuitatem.

F L O S VIII.

Regnorum bases & fundamenta: Religio, Justitia & Prudentia.

TRia sunt, inquit Plato de LL. quibus minime carere Principes possunt, Religio, Justitia, & Scientia militaris: ac primò quidem ad perfectionem sui; secundò ad retinendum subditos in officio; postremò ad vim hostium reprimendam.

Ad Re-

Ad Religionem quod attinet, primaria illa est causa conservans Regnorum & Imperiorum, quæ idcirco à Platone 2. Polit. rectè fundamentum Reipublicæ constituitur: quâ sublatâ simul tollitur fides & societas generis humani, & excellentissima virtus Justitia, teste M. Cicerone lib. 1. de Natura deorum: & ex qua omnis omnino Reipublicæ pendet felicitas. Nimirum ut tota domus Aminadabi felix fuit propter præsentiam Arcæ, quæ per annos quinquaginta ibi mansit, donec eam David rex Hierosolymâ transferret comitatu frequenti & triumpho celeberrimo: ita Deus Regnis & Politis benefacit, quæ veram religionem fovent, quæ, quoad Ecclesiarû manent hospitia, non dissipantur, nec funditus delentur. Exemplo est regnum Ægyptium, quod tamdiu floruit, donec familiæ Jacobi hospitium præbuit; postea verò regum Ægyptiorum tyrannide contra Israëlitas exasperatâ, regnum florentissimum diu variis quassatum est seditionibus. Porro si verum est, quod de vanâ scribit religione M. Cicerone de arusp. responsis; nec Romani numero Hispanos, nec robore Gallos, nec calliditate Pœnos, nec artibus Græcos, sed pietate ac religione omnes gentes & nationes superarunt; quantò magis de verâ? quippe quæ in Principe ars est non solum orandi, sed etiam exorandi à Deo quæcunq; petierit. Cujus rei locupletes testes sunt Moyses, qui Israëlitis contra Amalekitas pugnantibus

plus effecit orando, quàm Josua pugnando, Exodi 17. Testes sunt omnes pii Reges in populo Judaico, quos non arma, sed pia servavit oratio. Testes denique celebres Christianorum Principum Dei auxilium implorantium, de hostibus suis partæ victoriæ.

Altera Regni basis & fundamentum est Justitia; quâ Regis thronus stabilitur, Prov. 16. quâ remotâ nihil aliud sunt regna, nisi magna latrocinia, teste Augustino lib. 4. de civ. Dei cap. 4. imò cujuscumque tanta vis est, ut ne illi quidem, qui maleficio & scelere pascuntur, possint sine ullâ particulâ justitiæ vivere, secundum Cic. 1. Offic.

Quid? quòd justitiæ servandæ causâ videntur olim bene morati Reges constituti. Nam cum premeretur inops multitudo ab his, qui majores opes habebant; ad unum aliquem fugiebant virtute præstantem, qui cum prohiberet injuriâ tenuiores, æquitate constituendâ summos cum infimis pari jure retinebat, ut est apud eundem Ciceronem Offic. 2. Talemq; subditi, tanquam patrem patriæ, defensorē publicæ salutis, publicum parentem, parentē generis humani, bono Reip. natum, tutoremque status publici coluerunt. Hinc Aristides ille Atheniensis ob insignem justitiam *Græcorum felicitas* est dictus: & quæcum tulit, ætas aurea appellata, teste Plut. in Aristide.

Tertia Regni basis & fundamentum est Prudentia, quæ sibi aliisque cautioribus semper
utitur

utitur consiliis; quæ bona & mala discernens rectissime, quæ in vita expetenda, retinendaq; sint, adjudicat. Neq; enim magnificis murorum stru-cturis, neq; numerosâ civium multitudine civitas continetur: sed sapientiâ & moderatione gubernatorum; inquit Isocrates in Areopagitico: & licet Respubl. labantur & ruant, sapientiâ tamen adhibita facile emendari, & ad rectam revocari moderationem eas posse, Orosius censet lib.3. de Regum institutione.

Ego ita comperi (scribit Salust. ad Cæsarem) omnia regna, civitates, nationes usque eò prosperum Imperium habuisse, dum apud eos vera consilia valuerunt. Ubiunque verò gratia, timor, voluptas ea corrumpere, post paulò imminutæ opes, deinde ademptum Imperium, postremo servitus imposita est. Sub Salomone certè rege felix extitit regni Judaici status, tantaq; auri argentiq; Hierosolymis fuit abundantia, quanta lapidum, 3. Reg. 10. Infelix verò & afflictus sub Roboamo, qui calida & callida juniorum secutus consilia, damno suo didicit, primâ specie illa quidem esse læta, attractatu dura, exitu denique tristia, 3. Reg. 12.

Pari modo sub Augusto Cæsare tranquillum maximè & pacatum fuit Romanum Imperium, teste Suetonio & Dione lib. 53. Miserum econtrâ sub stultis Imperatorib. Caligulâ, Claudio, Ne-

rone, Heliogabalo, & aliis Reip. pestibus, eodem teste Suetonio, Tacito, & Dione.

Sic & Persicum regnū, quod sub Cyro floruit, sub Xerxe, qui Hellesponto cōpedes ac verbera stultè minabatur, teste Herodoto lib. 7. & Diodoro lib. II. defloruit.

Princeps igitur memor, regnū munus quoddam & officiū esse divinum, in quo bene recteq; administrando opus sit religione sanctā & cultu divino, sine quo nihil neque domi neq; militiae feliciter geri, aut confici possit; potissimā rerum divinarum justitiæq; curam habeat. Etenim, ut Diothogenes Pythagoricus philosophus eleganter scribit in lib. de regno: *Perfectus ut rex sit, eum bonum Imperatorem & judicem & sacerdotem esse necesse est.* Hæc namq; virtutem & majestatem regiam comitantur atq; ornant. Nam ut gubernatoris munus est, servare navim; aurigæ currum, medici ægrum; ita Regis & Imperatoris officium est, servare in bello periclitantes. *Cuiusq; enim rei quis præfectus est, ejusdem tutor & artifex est.* Deinde judicare, & jus suum singulis distribuere, proprium munus est regis, qui ceu Deus in mundo dux atque præses est; insuperque benefacere, subditis & benefactis sibi demereri; idque non præter justitiam & Legem.

Postremò cultus divinus, cultus omnino regie dignitatis est; quippe optimū ab optimo, & summum à summo coli fas est. Nimirum inter præstan-

stantissima naturæ Deus excellit; inter homines verò & in terrenis, Rex & Princeps. Ut igitur Deus ad mundum, sic Rex se habet ad Remp. & ut Respublica ad mundum: ita Rex ad Deum. Civitas enim ex multis diversisque concinnata, mundi structuram & harmoniam imitatur; Rex autem innoxie & justè imperans, & lex viva Dei existēs, Dei figuram inter homines repræsentat. Hactenus Diotrogenes. Præterea à cultoribus numinis divini, injusti nihil sperant homines; nec facile factio, aut seditiones coalescunt adversus eos, quos claros esse & protegi numine divino credunt, ut Aristoteles scribit in Politicis.

F L O S I X.

Principatus nervi aurum & ferrum.

Aurelianus principatu Rhodianorū potitus magnates rogavit, quo pacto imperandum esset: quorum unus respondit: Si Rempublicam ritè administrare volueris, auro & ferro te munitum esse oportebit: ac ferro quidem contra hostes uti; tui verò observantes auro remunerare. Autor Zonaras Tom. 2. annal. in Aurelianium. Nimirum & munificentia indicat regis justitiā. Nam qui res suas ad hominū utilitatem largiri gaudet, ab alienis manus ut absteineat, verisimile est. Si enim pecuniarum cupidus esset, longè facilius suas servaret, quàm alienas raperet. O-

ptima igitur Principis erit persuasio, si opina-
bitur, pecuniis non modò justè, verùm etiam li-
beraliter esse utendum; justo siquidem satis erit,
aliena non rapere: liberalis autem insuper cogi-
tabit, quomodo suam ad hominum utilitatem,
suorumq, benevolentiam sibi comparandam e-
largiri possit.

Documento sit Alexander ille Magnus, qui
naturâ ad largitiones cùm inclinaret, & benefi-
centiam; fama de ejus liberalitate disseminata a-
morem & benevolentiam illi tantam conciliavit,
ut illius in ministerio esse omnes expeterent.
Narrat Plutarchus, Dario ad Arbela victo & ex-
tincto, Thebanum quendam in foro Atheniensi
in colloquio plurimum extulisse fortunam Alex-
andri, qui tantarum rerum jacturam fecisset.
Cui subridens philosophus quidam; falleris, in-
quit, Thebane, dum existimas, Alexandrū mul-
tas civitates acquisivisse, Darium verò plurimum
perdidisse. Hoc enim prælio præter lapides &
tectâ nihil expugnavit Alexander, qui multò an-
tè animos civium expugnavat; contrâ verò infe-
lix Darius in hoc bello præter tectâ & lapides ni-
hil perdidit. Jamdudum enim subditorum suo-
rum animos perdiderat, & à se abalienarat. Quia
& subjungens; Principes, inquit, qui Imperia sua
augere, & bellis regna sua dilatare cupiunt; be-
nevolentiam prius & amorem hominum conci-
liare sibi debent: beneficentiam & liberalitatem

in cos

in eos exercendo. Deinde exercitus suos mittere, qui arces & incenia expugnent: secus namq; facientibus nihil proderit domus & muros expugnasse; animos verè subditorum experiri rebelles, & refractarios. Hinc ergo patet, Alexandrum tam multa acquisivisse suâ liberalitate & beneficentiâ: Darius verò cur se, regnumq; suum perdiderit, aliunde non promanasse, quàm quòd avarus fuerit, & ad corradendas asservandasque opes justo propensior. Teneamus igitur hanc regulam firmissimam; Principem avarum (nisi prodicione id consequatur) nunquam aut ratò admodum regnum expugnaturum, & in suam potestatem redacturum; & licet etiam prodicione illud adipiscatur, perexiguo tamen tempore esse retenturum.

Sed & aliarum rerum agendarum, & in primis bellicarum, pecuniæ sunt nervi, quibus Princeps minùs carere potest, quàm animal nervis, primis illis in corpore ipsius sensus motusque instrumentis. Quemadmodum enim nec animal sine nervis: ita nec bellum absque pecuniâ progredi potest, utpote quâ opus habet Princeps tam ad alendos exercitus, quàm ad arcendos, vel etiam expugnandos hostes.

Primum itaq; pecunia, quæ non deficiat, ei paranda, qui fidum, obsequentem, strenuum & præstantem secum habere cupit exercitum. Idque apud Xenophontem lib. 1. *anabasis* Cyrus filium

graviter monet Cambyfes, quòd qui milites in exercitu magis sint obsequentes, magisque strenui, in rerum necessariarum copia, minusq; alios onerent; & inter illos disciplina militaris rectius conservetur. *Ultiq; enim qui legum sunt metuentissimi, iidem in hostes sunt audacissimi; & pati quidvis minimè verentur, qui malè audire maxime verentur*, scribit Plut. in Agi & Cleomene.

Deinde multò commodius atque facilius hostes arcentur auro, quàm in ipso belli discrimine sustententur ferro atq; viribus: ipsaq; experientia sæpe comprobavit, eos, qui pecuniæ parcendo remota neglexerunt pericula, incumbantibus iis desperato sæpe remedio gravioribus sese intricasse malis.

Tandem nihil tam munitum est, secundum Cic. Verrin. 2. quod pecuniâ expugnari nequeat; *nec ulla præsidio, aliisque propugnaculis munita arx, qua non facile expugnetur, si asinus auro onustus eò penetravit*; quod Philippum Macedonem Alexandri patrem dictitasse ferunt.

Neq; verò minùs, quàm auro, Princeps carere potest ferro & armis; utpote quæ & LL. suo conservant præsidio, teste Justiniano in epistola de Justiniano Codice conservando: & sine quibus nulla quies gentium haberi potest, nec Princeps sua retinere, nec contra vim & injuriam aliorum subditos suos defendere, aut etiam horum ferociam reprimere.

Vere

Verè igitur, secundùm Dionē lib. 37. ab armis omnia pendent: quibus qui prevalet, hujus legibus necessariò obtemperandum.

F L O S X.

Regnum splendida servitus.

ANtigonus Asiæ rex, teste Æliano Va: histor. lib. 2. c. 20. filium suū conspicatus aliquantò ferociùs insolentiusque subditos tractantem; an ignoras, inquit, regnum nostrum splendidam esse servitutem? Idem vetulæ cuidam regni ipsius felicitatem prædicanti, ostenso diademate: Si nosse, dixit, quantis malis panniculus iste refertus esset, ne humi quidem jacentem tolleres. Utroque hoc apophthegmate innuere voluit vir sapiens, quantum malorum fronte tam blandâ tegat regnum, ut Senecæ utar verbis in Octavia. Quem in modum & Euripides in Jove, regnum specie quidem externâ latum & jucundum; intus verò triste & molestum esse asseverat. Non igitur diadema regium respiciendum, sed curarū tempestas, per quam ipsis corona paritur, inquit Chrysost. Homil. 66. Et profectò ut Imperium majestate suâ maximum onus: vel, ut Isocrates loquitur in oratione ad Nicoclem, regnum omnium rerum humanarum maximum est, & quod maximam curam providentiâq; postulat: sic Principi

laborandum, ut aliis liceat otari; Principi vigilandum, ut aliis liceat dormire; Principi curis distringendus animus, ut aliis liceat securè vivere. Quid multa? Principi omnia ferenda incommoda, ut subditi sui omnibus fruantur cōmodis. Sic fit, ut Imperio maximo maxima insit cura, & ut Tacitus loquitur historiarum lib. I. *arduum sit & subiectū fortune, regendi cuncta, onus*. Et hinc est, quod multi egregii viri Reip. gubernationem gravem & molestim sentientes, privatam vitam agere, depositā amplorum Imperiorū curā, concupierunt. Augustus certè Imperator, teste Suetonio, multarū in administratione Imperii molestiarum pertæsus, bis de reddendā senatui Reip. cogitavit, & jam senatoribus domum accitis, rationarium Imperii tradiderat, cū à quibusdam amicis id consilii mutare persuasus est. Diocletianum quoq; Imperatorem (anno Christi 304) post gloriosissimum triumphum & rerum à se gestarum perceptos honores, metus rerum humanarum, quæ aut rarissimè, aut nunquam consistunt, Imperii administrationē deponere suasit: qui postmodò Salonis annos adhuc decem superstes, iterumque ad Imperium sollicitatus, à privatā vitā abduci non potuit: testatus tunc primum habuisse vitæ principium, cū à molestiis Reipublicæ liberatus privatam vitam delegisset; *istā peste se liberatum amplius venena bibere nolle*: satis se pro Rep. laborasse, & tempus appetiisse, ut sibi

sibi vivat: Dicebatque sæpius, *nihil difficilius esse, quàm bene imperare, & Remp. sine fama dispendio administrare.* Sed præstat huc ascribere locum ex Flavio Vopisco in Aureliano ita scribente: Queritur, inquit, quæ res malos Principes faciat? primum nimia licentia, deinde rerum copia: præterea amici improbi, satellites detestabiles, eunuchi avari, aulici stulti, aut certe improbi: & quod negari non potest, rerum publi. ignorantia. Sed Diocletianum Principem ferunt jam privatum dixisse: Nihil esse difficilius, quàm bene imperare. Colligunt se quatuor vel quinque, atque unum consilium ad decipiendum Imperatorem capiunt; hi dicunt, quid probandū sit, Imperator qui domi clausus est, vera non novit; cogitur hoc tantum scire, quod illi loquuntur: facit iudices quos fieri non oportet; amover à Rep. quos retinere debet; quid multa? *bonus, cautus, optimus venditur Imperator.* Hujus exemplum imitatus Carolus V. Imperator, cum fortunam sibi adversam post multas è tribus mundi partibus victorias adeptas cerneret (*anno Christi 1558*) tradidit filio Philippo regnorum omnium, quibus poteratur, administratione, Electoribus resignato Imperio, privatam vitam in sacerdotum contubernio delegit, palam professus, ut nonnulli, præsertim Pontificii, scribunt, se in sua monastica solitudine uno die plus delectationis & voluptatis percepisse, quàm ex omnibus suis victoriis & triumphis.

Memorabilis quoq; est Johannis I I. regis Aragoniæ & Siciliae, Caroli V. Imperatoris materni proavi, oratio ante mortē (*anno Christi 1479*) quam ita refert Lucius Marinius de reb. Hispanicis lib. 18. prope finem: Mox respirans & jam reclusis oculis omnes qui aderant adspiciens, ô vanas, inquit, hominum cogitationes! ô miseros omnes, qui ad principatus adspirant! qui divitias & nimios honores adfectant! ô felicem pauperum conditionem, & illorum securam vitam, atque beatam, qui panē comedunt cum sudore vultus sui, qui vivunt labore manuum suarum! Nam mihi misero quid regnum, quid homines, quid obsequia plurimorum contulerunt? quid? labores scil. magnos, & multa corporis atque animæ pericula, nec unquam ætate tam longâ potui mihi dies videre aliquos bonos. O me miserū & infelicem, qui tam serò fallacem mundum cognosco! qui vitā certè vixissem multò meliorem, si non Rex, sed pauperis agri cultor fuissem. Hæc magno cum dolore animi referebat (*subdit Marinius*) Alphonsi fratris, ut arbitror, recordatus, atque secutus exemplum, qui Neapoli olim moriens eadem protulisse verba memoratur.

F L O S X I.

Difficile peregrinum Imperium.

ET si nec semper, nec omnino Principis alienigenæ Imperium est improbandum; potest siquidem ejusmodi incidere tempus, ut huic facies deferri expediat; si vel status Reip. exteri alicujus præsidium requirat, vel metuenda civium seditio, vel aliis de causis: quia tamen, teste Cic. lib. 2. de Orat. *caput Reipublica est, perspectos habere civium mores*, quod peregrino denegatum; utique multò rectius, & tutius indigenæ, quàm peregrino Respublica committitur. Præterquam enim quòd indigenis Principibus ad obtemperandum faciliores & proniores sunt subditi, & ab his quoq; Rempublicam diligentius & fidelius, quàm à peregrinis administrari persuasum habent; (unde Vladislai posthumi regis Ungariæ & Bohemiæ obitu (anno Christi 1458) Bohemi ne externis publicâ salutem crederent, Georg. Bogiebratium, cujus in longa gubernatione justitiam, fortitudinem, integritatē & prudentiam sat exploratam habuerant, repulsis competitoribus externis, Regem sibi delegerunt; ut & Ungari Matthiam Corvinum) multæ quoque sese offerunt difficultates, quibus & Regnum & Principes externi non rarò involvuntur. Etenim, si Princeps

36. *Florum politico-historicorum*

alienigena juxta id, quod honestum videtur, & apud suos est, novorum civium mores conformare, & omnia innovare voluerit; certè non emendabit, sed perdet. Hinc & Deus in lege sua populo Israëlítico mandat, *ut à numero fratrum eligatur Rex*, Deut. 17. Prævidit nimirum Deus, per extranei Imperium non tantùm pejus malum in regno accidere posse.

Et quia *unius saltem legis mutatio ruinam trahit omnium*, ideo omnibus temporibus omnes bene constitutæ Respublicæ, ut non necessarias legum & Rerum publicarum mutationes caveant, magistratus suis demandarunt civib. quemadmodum & hodie in inclyta Venetorum Rep. peregrinis non est locus: & apud Germanos, ne Romani Imperii decus ad externos Principes transferatur, legibus cautum est. Et Cominæus lib. 8. de rebus Ludovici II. & Caroli VII. opinatur, singulari Dei beneficio factum esse, quòd juxta legem Salicam Imperium Galliarum non deferatur ad fœminas: ut ne summa regni sit penes aliquem externum Principem. Vix enim (subdit) ulla est natio, quæ diu ferat peregrinum Imperium. Ante annos 40 (*circa annum Christi 1436*) maximas in Galliis possessiones tenuerunt Angli; hodierno autem die præter Calctum, & duo quædam castella, quorum tuitio ipsis magno constat, nihil habent, & temporis ferè puncto amiserunt omnia. (Ipsum quoque Calctum à Gallis ductu
Guili

Guiffi iterum subactum est anno Christi 1558.) Galli per complures annos aliquando possederunt Siciliam & Neapolin: his autem omnibus ita nunc sunt exuti, ut præter majorum suorum sepulchra, nihil ibi reliquū habeant. Nam etiam ut Princeps aliquis externus bene rem gerat, & commodè gubernet; tamen quia moribus & ingenio differt, nec eam erga populum repræsentare potest benevolentiam, ac si esset indigena, facile oriuntur disensionum occasiones. Itaque fit, ut ille, quò principatum ad se delatum, suasque fortunas tueatur, aliunde militem & copias adducat, eorumque se præsidiiis muniat; qui beneficiis deinde singulariter ab eo & honoribus aucti, magnam multitudinis invidiam & odium in se concitant. Haftenus Cominæus, cui Bodinus quoque suffragatur lib. 6 de Rep. c. 5. ubi multis hoc exemplis confirmat; Wilhelmi nempe regis Siciliæ & Neapolis (*anno Christi 1168*) qui cum hominem Gallum primicerium fecisset, præteritis indigenis, tantâ iracundiâ populus exarsit, ut Gallos ferè omnes unâ conjuratione necaverint; Canuti Duri regis Daniæ & Angliæ (*anno Christi 141*) qui exercitu potentissimo populos oppresserat; ubi similiter Dani & Angli cuncti interfecti, ipseque Rex veneno necatus est. Ungarorum; quorum regem Ludovicum sibi cooptaverant Poloni, qui ob unius Poloni interempti necem à Polonis cæsi fuissent omnes, nisi regiam

arcem occupassent; nec tumultus antea cōquie-
vit, quàm Ungari arce relictâ demū rediissent. Si-
gism. Imp. Marchionis Moraviæ, ad quem sponsa
MARIA, Ludovici regis filia, Ungariæ regnū affe-
rebat: qui socrum suam eadē compositâ inter-
emptam ulturus, (hanc namque Johannes Hor-
vatus Pannonius in aquā immerSAM suffocârat)
Pannoniam cum exercitu ingressus, regis susce-
ptis insignibus, nuptiisq; celebratis, cū de Hor-
vatio parricida & aliis 32. proceribus, qui sub
muliebri regno jugum excusserant, supplicium
sumpserat; tanta ipsius gentis invidia cōflata est,
ut post cladem Nicopolitanam armatis comitiis
captus, necandusq; magis, quàm asservandus
fœminæ, cujus maritum è nobili familiâ Gare-
norum inter factiosos supplicio affecerat, sit tra-
ditus; cujus tamen irato animo promissis am-
plissimis pacato è vinculis liberatus, in Moravia
milite conscripto, regnum Ungarię mox recepit,
præsidiisq; firmavit; Stephanum verò Weivvo-
dam, captivitatis suæ authorem, securi feriit. Sic
& Albertus dux Megapolensis in Suecorum re-
gem electus, cū Germanis loca & officia pu-
blica committeret, nobilissimasq; virgines ac
viduas in extraneorum & indignissimorū conju-
gia cōsentire cogeret, à suis victus & in carcerem
est conjectus, ut auctor est Johannes Magnus
lib. II. Quocirca (concludit Cominæus) qui ex-
terna alicujus gentis Imperium suscipit, nisi magnâ
quadam

*quadam & eximiâ sit præditus dexteritate, multis
haud dubiè & longè gravissimis implicabitur dif-
ficultatibus.*

F L O S XII.

Imperia moderata durant.

ARistoteles lib. 5. Pol. cap. 11. maximè diuturna
& stabilia ea regna esse censet, in quibus re-
gum ipsorum potestas ad moderationem revo-
catur. Nam quò pauciora (inquit) regibus licent,
eò ipsi & sunt modestiores, & minus tyrannicè
imperant, & hac ipsâ Imperii moderatione sub-
ditis quoq; suis minùs sunt invidiosi vel odiosi.
Hinc non sine causa à Theopompo Lacedæmone
instituti sunt Ephori, ut quemadmodum postea
Romæ consulari Imperio Tribuni plebis, ita illi
regiæ potestati objicerentur; atque ita ille legiti-
mis vinculis regnum constringendo, quò lon-
giùs à licentiâ retraxit, eò propiùs ob benevolen-
tiam & immunitatem civium admonet: ita &
hodie Electorum autoritas & Principum, civi-
tatumq; Imperialium senatus nimix Impp. Cæ-
sarum potestati sapienter objectus est. Sic & olim
David sapienter senatum septuaginta virorum
instituit, cujus veluti autoritate & consilio re-
stringeretur potestas regia. Utiq; enim, ut Mene-
laus ait apud Euripid.

*Si vela tendas nimium, navis mergitur,
Sed si relaxes rursus, vehitur tutius.
Odit Deus nimis vehementes impetus,
Odere cives: gratior est moderatio.*

*Et Seneca in Troade: Violenta nemo Imperia
continuit diu; moderata durat.*

*Utraque igitur optima, ait Plato ep. 8. moderata
libertas, & moderata servitus. Quocirca in ad-
ministranda Rep. convenit imitari ipsum solem,
quem Mathematici tradunt, niti quidem contra
supremi orbis impetum, sed oblique molliterq;
ex transverso. Convenit & citharas imitari, in
quibus fides rumpuntur, si nimium tendantur;
sin autem nimium laxentur, sonos edunt obtu-
sos. Utraque nimium Reipubl. est perniciofa;
& dura nimium, populatiq; voluntati semper
adversa severitas qualis fuit in Appio Claudio &
M. Catone: & blanda nimium, & ad vulgi libidi-
nem accommodata facilitas. Ut enim periculo-
sum est prægrave Imperium, difficileque conti-
nere, quod capere non possit, juxta Curtiū lib. 4.
ut item nihil acerbius est hominibus Imperio
crudeli & adstricto nimis: sic nihil exitiosius est
iis, qui effusè nimis populi se dant aures, & o-
mnem etiam infimæ plebis rumorem affectant,
ut haud injuriâ Fronto vir ille sapiens apud Dio-
nem lib. 68. dubitasse se diceret; Utrum Imperiū
melius, sub quo nihil, an sub quo omnia omnib.
licerent? *Mediocritas igitur omnibus in rebus o-
ptima:**

prima est. Ac proinde, qui severitatem cum mansuetudine & comitate conjungunt, hi sapientissimè gubernandi viam incedunt. Hinc non abs recommendatur sapientissimum illud senatoris Norinbergenfis responsum, qui à rege Ferdinando (alii tamen ad Maximilianum primum Imperatorem referunt) interrogatus, quomodo tantam multitudinem regerent, respondit: Blandis verbis, & atrocibus pœnis. Sic enim Imperia debent esse constituta, ut gubernatores omnib. comiter respondeant, at in pœnis sumendis gravitatem adhibeant. Vide Philippum in locis Manlii pag. 5.

F L O S XIII.

Nec regna ferre socium, nec tedæ
queunt. *Senec. in Agam.*

IN magnis Imperiis non potest firmus esse consensus inter plures collegas & socios, auctoritate & potentiâ pares, quantumvis eorum animi fœderibus & aliis firmioribus vinculis colliguntur. Facile namque inter tales nascuntur dissidia, quæ in bella civilia erumpunt. Quod probe intelligens Alexander Magnus, Darii legatis, magnam ipsi auri vim offerentibus, Asiæque totius divisionem æquis portionibus repromittentibus, respondit: *Nec mundum duos soles, nec duo summa regna, salvo rerum statu, posse cōcoquere, teste Plu-*

tarcho in apoph. & Curtio lib. 5. Quod idem responsum quidam ex Lydis dedit Cræso, qui fratrem in Imperii consortium assumpserat : Omnium in terra bonorum author est sol : si verò gemini forent soles, periculum esse, ne omnino omnia conflagrarent, teste Serino apud Stob. serm. 45. Ex quo rectè Q. Curtius regnum vocat insociabile. Quod sanè ita verum esse, exemplo suo comprobavit M. Antonius Caracalla Imperator (*anno Christi 212.*) qui ardens cupiditate regni intolerabili Publium Septimium Getam fratrem, socium atque consortem Imperii, cùm veneno tollere non posset, clàm ferro trucidavit in cubiculo.

Quod Romuli quoque & Remi exemplo probat Lucanus lib. 1. ita scribens :

*Nulla fides regni seciis, omnisq; potestas
Impatiens consortis erit; nec gentibus ullis
Credite, nec longè fatorum exempla petantur;*

Fraterno primi maduerunt sanguine muri.

Sic & Jugurtha Numidiæ rex, post mortem parentis sustulit fratres collegas, ut solus rerum potiretur: teste Salustio in Jugurtha. A Constantini Magni morte, Imperio in tres ejus filios sortitò divisò, accepit Constantinus junior Galliam, Hispaniam, Alpes, Cottias, Britanniam, Orcades, Hyberniam, Thulen: sed sorte suâ non contentus, fratri Constanti parricidiale intulit bellum;

bellum; in quo ad Aquilejam obtruncatus vitam cum omnibus illis provinciis amisit.

Inter Johan. Palæologum & Johan. Cantacuzenum tutorem, qui simul in Oriente imperarunt, ut firmior coalesceret benevolentia, hic pupillo filiam matrimonio conjunxit. Verum, ut regna socium ferre nequeunt, ita citò disiliit malefacta inter utrumque concordia: Gener potestatem soceri exosus in Tenedon profugit, adducturus nova auxilia ad socerum exturbandum; Cantacuzenus tandem post varias clades Palæologo cedens, Imperio abdicato, in monasterium sese abdedit; ut scribunt Laëonicus Chalcondylas lib. i. de rebus Turcicis, & Nicephorus Gregoras lib. ii.

Germania quoque ex discordibus Imperatorum electionibus, bellis civilibus compluribus afflicta, suo tandem damno didicit, quàm impatiens consortis sit Imperium, infidelitatisque & malevolentiae plenum: quod Plutarchus scribit in Demetrio, &c.

F L O S XIV.

Regia sedes in regni umbilico
figenda, &c.

CAlanum Gymnosophistam referunt ejusmodi exemplū Imperii Alexandro Magno

ob oculos posuisse. Corium in medium coniecit siccum & recurvum, cuius oram pedibus calcavit. Id uno loco pressum cum cæteris partibus subinde resultaret; idem undiquaque circulans & pedibus stringens, in quaque parte id ipsum ostendit evenire; quoad medium pedibus occupavit; quo facto pellis tota resedit. Tali imagine significavit, media regni maximè premenda, neque procul ab iis Alexandro vagandum esse: inde omnibus provinciis ipsius, quietem & securitatem fore. Author Plut. in Alexandro. Sic & Arpaces Medorum rex primus in medio regno Imperii sedem fixit, teste Herodoto lib. 1. Et Cyrus superatis Medis regiam suam habuit Susis, teste Strabone lib. 15. quæ urbs media est inter Persidem & Babyloniam; & aliis quoque gentibus propinqua. Et Romani in umbilico Italiae urbem condiderunt. Idem Strabo lib. 12. author est, Cappadocum reges, Mazacam ad montem Argium, quanquam incommoda ibi plurimis rebus sint, sedem tamen regni ideo elegisse; quòd locus iste totius regionis medius fuerit, & lignis lapidibusque abundarit, & herbâ, quâ plurimum ad alenda pecora indigebant. His exemplis moventur Reges & Principes, ut in medietate suarum ditionum, si fieri possit, sedem potissimum habeant; quò facilior & commodior ad illos undiquaque sit aditus, & cum belli tempestate, tum in pace, inde in omnes ditiones & provincias suas regimen

regimen habeant, & ad quamvis fortunam tuendam prompti paratique sint: & ut apum rex in medio alveario se continens, intus opera circumit, exhortanti similis; ita & hi in aulis suis tanquam in speculis assidentes, subditos in officio contineant.

F L O S X V.

Regnum ut floreat, divinitus ipsi
dantur viri heroici.

Non inest naturâ hominibus virtus heroica, & doctrinâ comparatur; sed divinitus existit in præstantibus naturis, ut Plato in Menone verissimè dixit: & Marcus Cic. lib. 2. de natura deor. *Nullus, inquit, magnus vir unquâ fuit sine afflatu divino.* Quotiescunq; igitur Deus regnum aut Rempublicam voluit florere, dedit ei viros heroicos; eosque excellenti instruxit sapientiâ, virtute, & felicitate. Sic nimirum Davidi dedit Jasebeam, Eleazarum, Abisajum, Benajam, Azahalem & alios, quorum catalogus 1. Paralip. cap. 12. recensetur. Sic Alexandro Magno adjunxit Clitum, Parmenionem, Seleucû, Ptolomeum, Lysimachum, Craterum & alios sapientes & fortes viros. Sic Reipublicæ Atticæ dedit Miltiadem, Themistoclem, Aristidem, Cimonem, Cononem: Reipublicæ Romanæ Fabricium, Ca-

millum, Scipiones, Fabium, Marcellum & alios. Quoniam igitur Deus Opt. Max. adhuc cum hominibus ex gratiâ agit, & dona illis offert sua; & ex his præcipuè viris principibus, cæterisque qui generis profapiâ inclyti sunt; hi in primis quoque virtuti studeant, & sapientiæ; quæ & ipsa Dei sunt dona, & heroës faciunt; non gens, non nobilitas: sibiq; persuadeant (ut pulchrè monet Musonius) *nemini cuiquam magis, quàm Regi, esse philosophandum*: neque id ob aliam causam magis, quàm quia rex est. Regis siquidem est posse homines conservare, & beneficiis afficere: quod qui facturus est, cum necesse est scire, quid homini bonum aut malum sit, quid commodum aut noxium, quid utile aut inutile. Sic ergo verè, juxta illud Platonis dictum in Dialogo 5. de Republ. *tunc florent Respublice, quando vel Philosophus regit, vel Rex philosophatur*. Cui & Siracides suffragatur c. 10. *quando potentes sapiunt, florent urbes; & ubi prudens est magistratus, ibi omnia suo ordine procedunt.*

F L O S X V I.

Optimus regnorum status minusq; mutationibus obnoxius, Monarchicus, Aristocratia temperatus, &c.

ET si ex rectarum Politiarum speciebus Aristocratia quoque & Democratia satis laudabiles sunt, tum bonum publicum respiciunt: præ illis tamen ab omnibus tam veteribus, quam recentioribus philosophis, palma tribuitur Monarchiæ: 1. Quia est antiquissima. Etenim si principia humanæ societatis considerare volumus, & historiarum monumenta revolvere; inveniemus gentium nationumque Imperia penes Reges & Principes extitisse, teste Justino libr. 1. Unde & Marcus Cicero lib. 3. de LL. omnes antiquas gentes, Regibus primum paruisse, scribit.

2. Eadem quoque est naturæ convenientissima. Etenim, secundum Tacitum lib. 2. Annal. *ut unus Imperii corpus unius animo regatur, ipsa suadet natura & ratio.* Quemadmodum igitur Deus unus est, in quo & à quo sunt, quæ in rerum hac universitate sunt, omnia; & cujus unius Imperio salubriter reguntur omnia: quemadmodum præterea sol unus diei præsidet, nocti verò luna una: quemadmodum item sola ratio in homine, veluti

dux fasces obtinet, appetitus verò huic obtemperat: quemadmodū deniq; in apibus dux unus est; & grues unum sequuntur ordine literato, & cætera quoq; rationis expertia animantia unum aliquem habent, quem quasi ducem sequuntur: ita quoque par est, ut unum Imperii corpus unâ regatur animâ.

3 Omnium quoque Politiatum justissima & æquissima esse Monarchia videtur: quippe quæ, ut est apud Isocratē in Nicocle, principem locum præstantissimo cuique defert; secundum illi, qui à primo proximus est. Et Xantes Pythagoricus philosophus lib. de regno, de Principis prærogativa hunc in modum disferit: In terra quidem, inquit, & apud nos optimum sanè ingenium præ cæteris animantibus homini datum est: diviniior autem inter homines rex est, ut qui multum supra communem naturam eminet; corpore reliquis hominibus non dissimilis, utpote natus ex eadem materiâ: sed ab optimo artifice factus, qui fabricavit ipsum archetypo ex sese sumptum. *Æquissimum præterea est, ut uni alicui excellenti viro libenter & sponte cives obtemperent*: inquit Aristoteles lib. 3. Polit. cap. 9. Facilius denique in Monarchia retinetur ordo legum, executio poenarum, & *Ἀταξία*, quàm in cæteris Politiarum formis.

4 Eadem quoque est tutissima, utilissima, & felicissima. *Virtus siquidem unita longè est potentior,*

tentior, quàm dispersa, & utilior ad omnes bonas
& rectas rationes. Respublicæ nimirum, quibus
plures præsumt, ambitiosis dissensionibus per-
petuò ferè conflictantur, & mutuis sese odiis per-
sequuntur; quippe inter quos assiduū est gloriæ
honorisq; certamen: unde inimicitias aliquando
maximas etiam inter amicissimos extitisse, no-
tum est ex æmulationibus istis Athenis inter Æ-
schinem, Phocionem, Demosthenem & alios. Et-
enim plerunque in re aliqua, in qua plures excel-
lere nequeunt, tanta fit concertatio, ut nō modò
Reipublicæ illa multum afferat incommodi &
detrimenti: sed & æquitas atq; iustitia servari
difficulter possit. At Monarchæ neminem ha-
bent, quem æmulentur, & cui invidiant: inque
omnibus rebus rectiùs & laudabiliùs & saluta-
riùs consilia suscipiunt, Reipublicæque tantum
commodis atq; utilitati inserviunt. Hinc Tac-
itus libr. i. Annal. discordantis patriæ non aliud
esse remedium scribit, quàm si ab uno regatur:
& ut idem ait libr. i. historiarum, *Pacis interest, o-*
mnem potestatem ad unū conferre. Porro cæteris
in Rebuspublicis qui præsumt, domesticis nego-
tiis ut plurimum sunt occupati; quæ Reipublicæ
negotiis frequenter anteponunt, & maximas sepe
atque optimas occasiones temere negligunt. At
Monarchæ, liberi ab his occupationibus, totos
se Reipublicæ addicunt; nec ulla occasiones in
omni procuratione muneris publici præter-

mittunt: sed in tempore singula peragunt; imò suam salutem salute communi posteriorem ducunt: & in hoc unum elaborant, ut qui ipsorum in Imperio sunt, sint quàm felicissimi & quietissimi. Sed & hoc liquet; eos, ex vulgi qui pendent arbitrio & iudicio, plerunque in consilium adhibere audacissimos, & qui de rebus consulant fidentissimè. *Vulgus enim hominum cupiditatibus magis, quàm ratione ducitur*: unde fit, ut Democratia facilè degeneret in Anarchiam; cuius exemplum superius seculum vidit, quando Germania exarsit tumultu rusticorum. At Monarchæ prudentissimos quosque in consilium adhibere solent, qui de rebus prudenter & rectè judicare valent, nec ad affectum cujusquã orationẽ suam instituunt; sed ea tantùm dicunt, quæ rebus gerendis sunt idonea, & quæ necessaria. Unde rectè cum Homero concludimus *Iliad. β. multos imperitare malum; rex unicus esto.*

Monarchia tandem, ex omnibus rerum publicarum formis, est constantissima & durabilissima. Regnarunt nempe Assyrii, à Nimrodo usq; ad monarchiæ divisionem in regnum Babylonicum, & Medicum, annos mille trecentos, sexaginta. Inde usq; ad Persicam monarchiam, annos ducentos, octoginta sex. Ægyptii ab Osiride usque ad Cleopatrarum mortem, antequam Ægyptus in provinciæ formam redigeretur, annos mille nongentos, octoginta novem. Scotorum

rum regnum, quod trecentis triginta annis ante
 natum Christum cœpit, in hunc usq; diem, con-
 tinuâ Regum serie, durat. Et ut cætera regna o-
 mnia, quæ vel defloruerunt, vel adhuc florent, si-
 lentio præteream; apud Germanos nostros, Au-
 gustalis dignitas ultra octingētos mansit annos,
 manebitq; usq; ad universalem omnium regno-
 rum mundi *πανελευσίου*. Bodinus sanè lib. 2. de
 Rep. c. 1. & 5. hodiernum Imperii Romani statū
 censet esse puram Aristocratiam, quæ trecentis
 ferè Principibus & Optimatibus coalescat; qui-
 bus unus Princeps præsit, ut cōcilii iussu exsequa-
 tur, aut magistratu se abdicare cogatur. Quòd
 itē in Comitibus Imperialibus. cū ab Imperatore,
 tum singulis Principibus & civitatibus leges fe-
 rantur, de bello & pace decernatur, vectigalia &
 tributa imperentur, quæ tamen non in fiscum
 Imperatoris, sed in urbes delectas ab Ordinibus
 inferantur: Deniq; iudices Imperialis curiæ, qui
 de famâ & fortunis omnibus Imperatoris, Prin-
 cipum, ac civitatum judicare possint, potestatem
 dandi jus habeant. Huc quoque facere videtur,
 quòd in publica illa & solenni deliberatione, de
 novo Imperatore Maximiliano surrogando,
 (anno Christi 1519) Elector Moguntinus, inter
 cæteras rationes, quæ electionē Francisci Galliæ
 regis impedire videbantur, etiam hanc attulit;
 quòd in Francisco animi fortitudo ad Monar-
 chiam spectet; in Romano autem Imperio reti-

nendam esse Aristocratiam ; teste Sleidano lib.1.

Quòd præterea Caroli Quinti Legati, ipsius nomine, in hæc à Septemviris proposita capita jurarunt; quòd leges omnes Imperii, præcipuè verò auream Bullam, non solùm confirmare, sed & cum res ita feret, de ipsorum consilio amplificare: jura, privilegia, dignitatem Principum & Ordinum Imperii, minimè convellere aut diminuerè; nec Electorum conventum impedire, nec de rebus Imperii fœdus aut pactum externum facere, nisi de Septemvitorum assensu, facultates Imperii nec distrahere, nec oppignorare velit, &c: Sleidanus ibidem lib.1 author est. Verùm enim verò diversum suadere videntur, investitura principalis, & extrema appellatio: quòd item Imperatori provincias Imperii obeunti Principes occurrunt; quòd fidem & obsequium eidem in solenni inauguratione præstare tenentur: quòd magnificâ oratione, sacra majestas, à Principibus salutatur; quòd sceptrum, regale solium, corona, pallium regale, pomum orbis figuram repræsentans, ipsi dantur; maximè verò illud, quod ex visione propheticâ conspicuum, Romanum Imperium pro quarta numerari Monarchia. Ex his liquidò patet, statum Romani Imperii monarchicum quidè esse, sed tamen Aristocratia temperatum: ita, ut unus rerum potiatur; ejus verò consilia regant, potentiaq; moderamen addant.

& co-

& conatus injustos reprimant, Principes electores, viri sapientes, & hunc statum ad durabilitatem longè esse accommodatissimū, nec ita facile degenerare posse, vel in tyrannidem, vel in Oligarchiam. Quod in simplicibus Politiarum formis non raro accidisse, historiæ testantur. Sic & in populo suo, Deus primū voluit esse Duces; quorum tamen potestatem moderarentur, & quasi cohercerent ii, quos in Senatum populus legerat numero septuaginta; quorum potior erat autoritas, quàm ipsorū Ducum. Et talis quoq; forma videtur esse regni Gallici; vbi Rex similiter legibus alligatus nil audet facere sine iudicio Parlamenti.

F L O S XVII.

Omnia regna suos habent fatales
limites.

Nulla unquam Monarchia suo Imperio subiectum habuit totum orbem terrarum: sed Deus regna, qui constituit & conservat, singulis regnis suas constituit metas & fines, ultra quas progredi feliciter nulli potuerunt Reges.

Prima nempe Monarchia, ut & secunda, terminū fatalem habuit, Hellespontum, angustum illud fretum inter Asiam & Europam, non procul à Constantinopoli, ultra quem progressi tam

Chaldæi, quàm Persæ, semper magnis affecti fuere cladibus: veluti accidit Dario in pugna Marathonia, quâ Miltiades Atheniensis profligavit Persarum sexies centena millia; itemq; Xerxi, qui itidem numerosissimo exercitu expeditionem in Athenienses suscipiens, Hellespontum pontibus conjungi, flagrisq; cædi, & mari compedes injici jussèrat; sed à quibus in mari primum ad Artemisium, & in terra ad Thermopylas; ad Salaminem, & tandem ad Plateas & Mycenem, numerosissimo amisso exercitu, intra fatales limites revocatus est, teste Herodo lib. 7. 8. & 9.

Ultima Monarchia Romana, tempore Cæsaris Augusti, quando fuit potentissima & florentissima, versus Orientem fatalem habuit terminum Euphratem; versus Septentrionem verò, ut & cætera regna omnia, Tanaim, & montem Caucasum; ultra quem nemo ex Regibus aut Monarchis regni & potentiae suae limites protulit. Exemplo sunt Marcus Licinius Crassus, qui ex Syria provincia in Parthos profectus, trans Euphratem, unà cum filio, & toto fermè exercitu, cum ignominiâ & dedecore periit. Trajanus Imperator Ctesiphontem (urbs hæc est regia ad Euphratis ripam) quidem expugnavit, victriciq; manu Romanorum fines longius produxit; sed mox totum ferè Orientem, defectione populorum subactorum, amisit. Ctesiphontem, superato

nto Tigride, transire cupiens Valerianus Imperator, anno Christi ducentesimo sexagesimo à Sapore Persarum rege captus, miserâ apud eum ignobiliq̃ue servitute consenuit. Carus Imperator (*anno Christi 283*) Probi exercitû Sarmatico bello latè victorem in Persida ducens, hostile regnum vastavit. Seleuciam civitatem Euphratæ, quam olim ceperat Ælius Verus, Antoninus expugnavit. Ctesiphontem deinde petentem & longius progredi volentem, ictus fulminis, cælo turbido & coruscante, absumsit. Sic & Julianus Apostata (*anno Christi 363*) Alexandrum Magnum in Monarchia Persarum occupanda æmulari cupiens, Euphratem cum exercitu transgressus justissimas suæ impietatis & tyrannidis pœnas persolvit. Sic nec versus Septentrionem ultra Mithridatis regnum in Ponto ascenderunt Romani. Sesostris rex Ægypti potentissimus, orbis imperium affectans, postquam totam Asiam victricib. armis percurrit, in Colchide tandem victus est, teste Diodoro lib. i. c. 4. In eadem vicinia, à Thamyri Massagetarû regina, victus & occisus est Cyrus Medus, teste Herod. lib. i. Darius quoque Hystaspes Persarum rex, contra Scythas profectus, infectâ re, domum rediit. Author Herod. lib. 4. Alexander verò Magnus, feris Septentrionis gentibus non irritatus, portas Caspias ferratis repagulis obseratas clausit; ut gentes Scythicas hoc pacto ab Asiæ aditu arceret,

teste Plut. in ejus vita. Sic & Turcæ, in omnibus ferè bellis cum Persis, infelicissimi, maximis acceptis cladibus intra fatales limites subinde sunt revocati.

F L O S X V I I I.

Fatales omnium Regnorum & Imperiorum periodi.

CUm omnem omnium temporum memoriam repetimus, certò constat, nullum unquam regnum, nullam unquam Rempublicam potentio-rem, ultra quingentos annos floruisse; plurima terminum hunc non atigisse; nulla, aut paucissima, superasse; sed in quingentesimi anni momento, aut propè incidisse mutationes, quib. vel everfa ac deleta funditus, vel aliò translata defuerint, vel in aliam novam sint transmutata formam: Multa quoq; circa medium hujus periodi defecisse reperiemus, vix ducentis quinquaginta annis completis. Aristocratia nimirum Ducum populi Israëlitici, à Mosis vocatione ad regnum usq; Saulis, annos duravit quadringentos viginti octo. Regnum Judaicum ad exilium usq; Babylonicum, annis stetit quadringentis octoginta quatuor. Israëliticum verò regnum, sive Samaritanum ad decem tribuum in exiliū perpetuum deportationem annis duntaxat ducentis sexa-

sexaginta uno; à fine captivitatis Babylonicae, Judæorumque reditu, duce Zorobabele, ad captam ab Herode Hierosolymam, sceptrique à Judæis ablationem, intercesserunt anni quingenti completi; & ab hinc centum quatuordecim annis insecuta *παραλεηρία* totius gentis Judaicae. Assyriorum Monarchia à Nino usque ad ejusdem divisionem, & interitū Sardanapali, annis stetit mille ducentis quadraginta duobus; atq; ita bis quingentorum annorum periodum, & ferè ejusdem dimidium complevit. Ab ejusdem cum Medis divisione, Babylonicum regnum annos duravit ducentos octoginta sex. Persica Monarchia, quæ à Cyro usque ad Darium ultimum opibus & potentiâ floruit, post ducentos septem annos armis Alexandri Magni dissoluta corruit. Græcorum Monarchia ab Alexandro inchoata, complexa initio penè maximam orbis terrarum partem, sed tandem post longas successorum hujus diminutiones ad distinctos Macedoniae, Syriae, Asiae & Aegypti reges devoluta, post ducentos octoginta duos annos, tota in Romanorum subacta est potestate.

Atticum regnum ad Codri usq; devotionem à Cecrope & interitum, postquam annos stetit quadringentos octoginta octo, mutatum est in Democratiam. Romani suis regibus ante constitutum Consulariū abrogarunt regnum, quinquennio ante dimidiæ periodi finem, h. e. anno

ab urbe conditâ ducentesimo quadagesimo quinto; à quo tempore usque ad Monarchiam Augusti, rexerunt Rempublicam Romanam, formâ gubernationis mixtâ ex Aristocratia & Democratia, Cōsules, per annos quadringentos septuaginta octo. Qui numerus à completâ periodo abest annis viginti duobus. Anno quingentesimo tertio, post constitutam Monarchiam ab Augusto Cæsare, Occidentis Imperium sub Augustulo Imperatore ultimo penitus concidit & esse desiit; barbaris & peregrinis populis totî Italiæ dominantibus; adeò, ut etiam nomina sæpe sint fatalia; & regna in iis deficiant, à quorum nominibus inceperunt. Sic nimirum Constantinus Magnus Constantinopolim & Orientis Imperiū incepit, Constantinus Palæologus ultimus amisit. Atque ita urbi huic idem accidit, quod oraculi versu Macedonibus significatum fuit: ut *Constantini nomen urbi fatale, & Constantinus imperans ἀρχὸν καὶ πῆμα* esset. Sed ut eò, unde digressi sumus, redeamus; à Constantini Magni Monarchia, qui Imperii sedem ex Italia Constantinopolim transtulit, usque ad Caroli Magni Imperium, qui victis & domitis Longobardis, à quibus Gothi prius erant debellati, Italiâq; exacti, Occidentis Imperium in libertatē asseruit, & ad Germanos transtulit, itidē anni ferè quingenti effluerunt; apud quos à Caroli quarti tempore ultra ducentos quinquaginta annos per

Electo-

Electores administratur adhuc. Hoc Romano-Germanicum Imperium, cum quo cetera quoq; regna vel coeperunt, vel incrementa sumpserunt, quia jampridem periodum sesquiunam complevit; metuendum est, omnibus his regnis magnas & fatales imminere mutationes, quas clementer Deus ut mitiget, & in regni quod nutat, gremio, Ecclesiæ suæ aliqua largiatur hospitia, ardentibus votis precamur.

F L O S XIX.

Circumactis regnorum periodis Principum perit autoritas, & mox sequuntur mutationes.

Belsazer Chaldeorum rex ultimus, Herodoto Labinetus, cum vasa sacra, quæ Nabuchodonosor è templo Hierosolymitano ablata in Beli templo vel dedicarat, vel seposuerat, cum suis pellicibus & satrapis in convivio temulento profanaret, & contra Deum multa impiè effutiret; ecce manus Dei è pariete repente apparuit, hæc verba scribens: Mene, Thecel, Phares, h. e. ut Daniel cap. 5. ea postea interpretatus est, mensura, pondus, divisio. Mensus est Deus regnum tuum: pondere trutinæ inventus es levior: regnum tuum dividetur, & Persistradetur. Nec ita longè post eadem nocte, Babylonis bella-

antibus, Cyrus per exiccatum Euphratis fluvii alveum milites introducens, urbe & arce occupatâ Belsazarem jugulavit: & Monarchiâ Babyloniorû ad Persas transtulit (*anno mundi 3043.*) Literis his ignotis in parietis tectorium pictis, docemur, omnibus regnis certam divinitus destinatam periodum, quam non transcendunt; hac exactâ authoritatem Regum & Principum frangi & extinguî: quâ amissâ, Imperiorum sequi mutationem non sine publicis & privatis calamitatibus. Sunt namq; Imperiorum mutationes, quæ plerunq; fiunt armis, dubio procul pœnæ publicorum & privatorû peccatorum; quas præcedunt ut plurimùm in animis Principum errores consiliorum, & furores stolidarum cupiditatum, quibus extra metas feruntur; suasque furenter in clades ruunt, sibi quas noxiis accersierunt consiliis: ut veteres habent versus in oratione Lycurgi contra Leocratem:

Iratus ad pœnam si quos trahit:

Auferre mentem talibus primum solet,

Caliginemq; offundit: ut ruant suas

Furenter in clades; sibi quas noxiis

Accersierunt ultrâ consiliis mali.

Denique Principum authoritate perditâ, & mutatâ fortunâ, simul mutatur benevolentia in animis subditorum; & paulatim fiunt distractiones, aliis contra eos conspirantibus, aliis alibi novis rebus studentibus, & modò has, modò illas pro-

vincias avellentibus. *Sic cum fortuna Principum statq; caditq; fides subditorum.* Documento sit Sardanapalus, Assyriorum Monarcha ultimus; cujus exactâ periodo, cum totus ille otio & voluptate diffuens, & inter pellices suos lanas trahens, nullâ planè gubernationis afficeretur curâ, in omnium odium offensionemq; incurrit; unde quoque Arpaces Mediæ præfectus biennali eum obsidione pressum, Ninivâ tandem captâ, cum ipsius scortis ad rogam compulit, atque ita Assyriorum regnum ad Medos transtulit (*anno mundi 3418.*) Exemplo quoq; sit (ut alia innumera prætereamus) Zedechias regum Judaicorum ultimus, qui sacramenti sui immemor, nec Jeremię faciem erubescens, cum ab Assyrio Nabuchodonosore deficeret: ab hoc obsidione pressus, exercitu intra moenia fame & peste absumpto, in fuga tandem captus (*anno mundi 3365*) post triste liberorum suorum internecionis spectaculum exoculatus, duabusq; catenis vinctus, Babylonem est adductus, & totum regnum excisum.

F L O S X X.

Regnorum casus præcipites.

NUnquam Regna aut Imperia his gradibus retroëunt, quibus ad summa pervenêre, sepe inter fortunam maximam & ultimam; inter præ-

cipitia, aut summa ; aut, ut Seneca ait, *inter folium & aliena genera nihil interest*. Testantur hoc & Medorum & Persarum & Lacedæmonum & Macedonum, omniumq; nationum ferè Annales; quorum Imperia, multorum temporum serie quæsitæ, uno & altero anno, penè dixerim die, decoxere. Nimirum ut magnæ arbores, quæ diu crevère & auxère, unâ horâ extirpantur, teste Curtio lib. 7. aut, ut in annua cæli conversione, mota sidera tonant, suosq; flexus paucillâ tempestate significant: sic in Regnorum cōversione, ubi levi saltem motu intremuère, externo vel interno bello, multorum annorum cumulatum Imperii corpus, subito turbine quassatum ad ima deturbatur.

F L O R XXI.

Ruinæ regnorum *πρόδρομοι, προφή, κόρη, ὕβρις καὶ ἀναιδηνσία* publicarum calamitatum.

PERIODIS Regnorum circumactis, cū ad finem illa tendunt ; ruinam proximè antecedunt, immanis luxuria, atrox legum & discipline contemptus, & domesticæ similitates atque seditiones. Primum nempe in urbes irrepit *πρόφη*, (inquit Pythagoras apud Laërt. lib. 7. cap. 1.) h. e. luxuria & petulantia in apparatu conviviorum, vestitu,

vestitu, & reliquo vitæ cultu: *Luxuries*, inquam,
 — *præ dulce malum, quæ dedita semper*
Corporis arbitriis hebetat caligine sensus,
Mēbraq; Circeis effœminat acribus herbis.
Blanda quidem vultu, sed quâ non tetrior
ulla

Interiùs: fucata genas & amicta dolosis
Illecebris torvos auro circumlinit hydros: ut
Claudianus canit in laud. Stiliconis.

Etenim ex hoc fonte prodit, quidquid in hominum vita est scelerum & calamitatum. Unde rectè Architas apud Ciceronem in Cat. maj. *nullam pestem capitaliorem in mundo dixit, quàm corporis voluptatem.* Hinc enim patriæ proditio- nes, hinc cum hostibus clandestina consilia nascuntur: nullum deniq; scelus, nullum magnum facinus est, ad quod suscipiendum voluptatis libido non impellat. Sen. epist. 84. alias luxuriæ pestes enumerans: Cogita, inquit, quas clades ediderit publica ebrietas; hæc acerrimas gentes bellicosasq; hostibus tradidit; hæc multorum annorum pertinaci bello defensa moenia patefecit; hæc contumacissimos, & jugum recusantes, in alienum redegit arbitrium; hæc invictas acies merodomitæ. Campana certè luxuria (ut est apud Val. Max. lib. 9. c. 1.) invictū armis Hannibalem illecebris suis complexa, vinciendum Romano militi tradidit; illa vigilantissimum Ducem, illa exercitum acerrimum, dapibus largis, abundanti

vino, unguentorum fragrantia, Veneris usu lascivire, ad somnum & delicias evocavit; ac tum demum fracta & confusa Punica feritas est, cum Seblasia ei & Albania castra esse ceperunt. Age, inquit, Xerxes opum regiarum ostentatione eximia, eousque luxuriam gaudebar, ut edicto premium ei proponeret, qui novum voluptatis genus reperisset. Quanta, dum deliciis nimis capitur, amplissimi Imperii ruina evasit! Belsazer quoque dum temulentum suis satrapis exhibet convivium, se & regnum perdidit, Daniel c. 5. Quis ergo fieri potest, ut regna & Respublica, in quibus luxuria & deliciae vigent, diuturnam prosperitatem fruantur?

Alter ruinam Imperiorum & Rerum publicarum gradus secundum Pythagoram est, *ἀνέτης*, saturitas nempe, fastidium, securitas, impudentia, legum & disciplinae contemptus. Scilicet hic communis ordo vitiorum est in prepotente regno: ut potentia atque opes superbiam & confidentiam, confidentia securitatem, securitas contemptum, & hunc ruina comiterur. Ad hanc potentiam magna magnas quoque divitias suggerit; divitiae voluptates, voluptates omne genus vitiorum, quibus labefactari civitatum felicitas solet. Adeo omnibus Imperiis ex sese perniciēs & ruina nascitur; quando auctis opibus, virtutes interim emoriuntur. Porro plerumque urbium & regnorum exitia totisque gentibus clades denunciant & accelerant ista quatuor: Enormium delictorum magni-

magnitudo, delinquentium multitudo, delinquendi consuetudo, naturā ipsam inficiens atq; depravans, & atrocium delictorum publicè concessa licentia atq; impunitas. Quæ consuetudinem in *audaciam* sive impudentiam venit, & mentes in effrenem & portentosam rabiem agit, ut instar brutorum erubescere nesciant, & scelera sceleribus annectere non desinant: donec eadem, clamore suo nubes penetrante, justam in se Dei vindictam provocent & concitent. Huc congruit Bonaventuræ istud dictum, quod lib. 3. Pharetræ c. 12. ex Sen. allegat: *Mali mala sua, quod malorum ultimum est, amant.* Tunc autem consummata est infelicitas: ubi turpia non solum delectant, sed etiam placent; & desinit esse remedio locus, *ubi, quæ antea vitia fuerant, mores sunt.* Exemplo sunt; tribus Benjamin deleta (anno mundi 2533) cum iussi Benjaminitę nollent sistere cives Gibeonitas, qui Levitæ conjugem stuprarent, Jud 19. v. 20. Troja itē eversa (anno mundi 2788) propter Helenæ raptū, cum eam Paris Menelao marito nollet restituere. Dyc̃tes Cretensis & Herod. lib. 2.

Lacedæmonii, qui cum nollent punire nebulones, qui Scedasi viri inter Bœotios dirissimi filias per vim constuprarent, scelerisq; occultandi gratiā in puteum dejecerant; insequentib. annis eadem in regione (anno mundi 3601) à Thebanis ducibus Pelopidā & Epaminondā maximā clade

victi sunt ad oppidum Leucæ. Quo prælio
 ipsorum opes ita sunt accisæ, ut nunquam dein-
 cept recuperari potuerint, teste Pausaniâ lib. 8. &
 9. Corinthus à Romanis funditus deleta; (*anno
 mundi 3826*) cùm Corinthii impunitos dimisif-
 sent nebulones, à quibus Romanorum legati lo-
 tio fuerant perfusi. Vide Flor. lib. 2. c. 16. Pausa-
 niam lib. 7. Justinum lib. 34. Alliana deniq; Ro-
 manorum clades (*anno mundi 3584,*) qui inju-
 riam contra jus gentium Gallis illatam à tribus
 Fabiis, cùm non modò nō punirent, sed hos ipsos
 quoque juris gentium violatores præmiis affice-
 rent; utpote quos in annum proximum tribunos
 militum consulari potestate crearunt: à Gallis ad
 fluviū Alliā maximā suorū strage, in qua omnis
 penè flos Romanæ juventutis periit, sunt profligati; ipsaq; urbs, Capitolio excepto, incensa con-
 flagavit. Autor Liv. lib. 5. Flor. lib. 1. c. 13. Plut. in
 Camillo.

Tertium ruinæ regnorū gradum Pythagoras
 nominat *ὕβρις*, h. e. injurias & contumelias, stu-
 dium premendi alios per ambitionem, fastum &
 malevolentiam; domestica deniq; dissidia & se-
 ditiones: quas pestes proximè comitantur Im-
 periorum mutationes, quæ secum trahunt exi-
 tium, ruinam, & vastitatem. Nimirum quemad-
 modū aquilæ pennæ primū adjacentes, postea
 proprias plumas atterunt & absumunt; ita ma-
 gna persæpe Imperia subjugatis variarum gentiū
 & na-

& nationum regnis, etsi antè & domesticis & externis bellis immota steterunt, à propriis mèbris, nullo impellente, nonnunquã everfionis calamitatisq; venenum hausêre. Exemplo est tertia Monarchia post Alexandri Magni mortem à propriis Ducibus disrupta & dissipata (*anno mundi 3648.*) Sic & Græciæ civitates, tribus bellis Persis debellatis, seipsas everterût, moto bello Pelopõnesiaco, & sacro sive Phocico (*anno mundi 3616.*) Sic & Romanũ Imperium (*anno mundi 3541*) cùm eousque crevissêt, ut magnitudine laboraret suâ, atq; adèò jam majus esset, quàm ut ullis externis viribus extingui possè videretur; ipsum sese in exitium suum, Cæsare & Pompejo Ducibus, infirmavit & afflixit. Pari modo Occidentis Imperium (*anno mundi 3923*) primò discordiis successorũ convulsus, paulatimq; velut nervis incisis & solutis compagibus inclinatum ad ruinam, postea exterarum gentium impetu ac violentiâ gravius impulsus, penè corruit: his per ruinas involantibus, & rudera diripientibus nemine prohibente, imò consternatis & trepidantibus omnibus. Sic & cùm domesticis bellis atque seditionibus enervatæ, & in contemptum adductæ essent vires Cōstantinopolitanæ, initio commoti suâ sponte, deinceps invitati quoq; & acciti ex Asia Turci, ex Europa Hispani & Itali; inque diversi & inter se disidentes, Veneti, Pisani, Genuenses, Florentini, uno quasi impetu in reli-

quias miserè dilacerandas incubuerunt; donec Turci oppressis per partes Palæologis, Serviis, Bulgaris, Hispanis verò & Italis exclusis, Græciâ omnem edomuerunt. Sic omnis ferè magna potentia non alienis & externis, sed suis disoluta & dissipata viribus concidit.

Postremò, ut in ægro corpore medici pro lethali signo habent, quando ægrotus morbum non ampliùs sentit, nec, quid in toto corpore doleat, dicere potest: sic, quando publicæ calamitates non sentiuntur ampliùs, aut metuuntur, certum est, impendere totius regni aut Reipublicæ extremam eversionem. His signis Alexander Magnus magis, quàm ullâ aliâ re invitatus, Asiâ & Darum, cum jam nimium voluptatum deliciis obbeuisset, aggressus, quod voluit, perfecit. De Pompeianis quoque scribitur, eos paulò ante ultimam cladē tam securos ab omni metu fuisse, ut inter apparatus magnificentissimos de summis magistratibus in urbe gerendis tractarint consilia. Sic & Judæi ante exilium Babylonicum (ut & deinceps ante πανολεθείαν totius gentis) in mediis pœnis peccatis peccata cumulabant, & risum Sardonium ridebant; in qua populi ἀναστροφὴς ἢ ἀναληψία, verè grave fuit Jeremiæ prophetæ, medicum agere istius civitatis animam agentis, & cum morte colluctantis. Quando enim Regna & Respublicæ suis urgentur fatis; *tunc doctâ plus valet arte malum*. Etenim ut in ho-

mine

mine jamjam expiratur oculus caligant, & omnes sensus hebetantur, ac tandem amittuntur: ita quò propior est extrema pœna, eò magis crescit in hominibus furor & amentia, cæcitas & securitas, omnia malorum remedia spernens, nec ullum salutaribus consiliis atque monitis locum relinquens. Adeò ruentibus regnis multa simul ruunt, & omnes ad salutem viæ præcluduntur: ut pernicies atq; ruina rabiosè attractæ, modis omnibus, ac scelere.

F L O S XXII.

Pestes omnium Rerum public. præcipuæ
 φιλοπρία, ambitio, πολυπραγμοσύνη,
 curiositas, κακοζηλία & vindi-
 ctæ cupiditas.

IN corde humano duo sunt turbulentissimi & sævissimi affectus; *ira* & *ambitio*: qui & facile in magnis viris excelsoque loco natis, aut ad aliquod honoris dignitatisq; fastigium erectis accenduntur; & accensi latè turbant Imperia & vitam communem. Facillimè nimirum ad res injustas impellitur, ut quisque est animo altissimo, & gloriæ cupido. Unde plerunq; maximi adducuntur, ut *justitia* eos capiat *oblivio*; cum in Imperiorum, honorum, gloriæve cupiditatem inciderint: inquit Marcus Cic. Offic. I.

Hæc certè tabes, ambitio nimirum, multorum mentes adeò occupat, ut obliti, se omni jure ad patriam conservandam obstringi, eam tamen sæpenumero seq; & cives suos obstinatis animis perditum eant; saltem ut honoris spem inanem & fumum quendam fortunarum, vite & animarum suarum pretio emant.

Impotens verò ira, si furere cæpit, omni bestia truculentior & sævior; nec quicquam hominum societati & ipsi humanitati magis contrarium, quàm iracundia & vindictæ cupiditas: quippe, quæ magnâ ex parte radix est & origo tumultuum, bellorum, cædium, excidiorum & vastationum; ex quibus perpetuò mundus laborat. Sed nec minor Reipublicæ pestis, est stulta πολυπραγμοσύνη, extra vocationem ruens; quæ cum malevolentia semper est conjuncta: præsertim verò illa, quæ ingenii pertinaciâ attrahit bellum, de qua præclare Sophocles: *Si putas cacam pertinaciam esse rem præclaram, valde erras.* Utique enim, quando homines propriis consiliis fatales vincere conantur calamitates, nec Deo volunt cedere, sed sine vocatione & necessariis causis tumultuari pergunt; calamitates tandem & sibi & aliis cumulant. Quod & de κακὴ ζηλία & stultâ æmulatione virorum heroicorum verum est. Ut enim magna cùm necessitatis, tum commoditatis; ita ingentis periculi res est, pleraque consilia & actiones suas aliorum exemplis ponderare;

derare; nisi eadem rationes, nō universæ modò, sed singulatim omnes conspirent; & nisi pari utrinque prudentiâ tractentur: nisi deniq; præter cætera omnia suas etiam fortuna partes agat. Secus, consilia ejusmodi omnia ipso ortu dubia, tractatu dura, eventu tristia esse solent. Exemplum harum Regnorum & Rerump. pestium luculentissimum exhibet nobis sacra pagina in Absolone; qui ob fratricidium patri, intercessione Joabi, vix dum reconciliatus, partim vindictæ cupiditate, partim ambitione, tanquam rabie & furore abreptus, contra eū universum populum concitavit seditiosè; & ut olim Phaëthon gubernationem currus paterni appetens, majora sibi, quàm pro viribus arrogasse legitur; ita & hic rudis & ignarus negotiorum atque periculorum, quæ regni administrationem comitantur, melioris status conditionem subditis arroganter est pollicitus. Sed ut Phaëthon currus auriga paterni magnis excidit ausis, & totam rerum naturam flammis involvit: ita quoque tantum abest, ut Absolon meliorem Reipubl. statum constituerit, ut patriam potiùs crudelissimo luctuosissimoq; , & planè parricidiali bello implicuerit; quippe in quo, domo & thalamis paternis publicè absque ullo pudore conspurcatis, perpetuâque infamiâ commaculatis, patrem fugientem armatâ manu diligentius, quàm vel infensissimum hostem persecutus, non conquievit, quoad omnia indicia,

atque argumenta hominis, omnis pietatis & humanitatis expertis, palàm ederet.

Unde quoque justo Dei judicio in hoc bello miserabiliter confossus, dignas suæ impietatis, ambitionis, & stultæ πολυπραγμοσύνης aliorumque scelerum persolvit pœnas, 2. Reg. 15. 16. 17. 18. Census populi à Davide (*anno mundi 2928*) actus, & stulta πολυπραγμοσύνη & mera superbia atque ambitio, quæ ipsum ad potentiae suæ robur cognoscendum compulit, quantam stragem in populo ediderint, repentinâ pestis lue septuaginta millibus absumptis, itidem sacra testatur historia, 2 Reg 24 & 1. Paralip. 22.

Amasias rex Judæ (*anno mudi 3118*) victoriâ de Idumæis paucâ suorū manu partâ elatus, Joam regem Israëliticum, cui tamen non par erat potentiâ, bello petulanter lacessebat; quòd hic illum facetè admonuit, ficto apologo de carduo cedri filias ambiente, & à bestiis istius saltus vanam hujus arrogantiam cognoscentib. per contemptum conculcato; ne & ipse victoriâ semel partâ elatus, periculosâ istâ & infelici πολυπραγμοσύνη, stultâque temeritate & ambitione, malum sibi crearet; sed eâ admonitione repudiâtâ, Amasias ad prælium egressus, expertus est fortunam hominum sine Deo pugnantium, & alios temerè provocantium. Desertus enim à suis in manus venit hostis; qui parte mœnium urbis Hierosolymæ dirutâ, thesauris sacris & regiis direptis,

reptis, acceptisque obsidibus, Amasiam graviter multatum ægrè dimisit incolumem, 4. Reg. 14. Zedechias rex, Jeremiæ prophetæ monita surdis auribus audiens, suisque viribus atque potentia plus justo confidens, *κακὸς ζηλίας* regum superiorum urbis defensionem frustra parans; tum violatâ jurisjurandi religione Regi Babylonio rebellat, se & universum regnum perdit, 4. Reg. 25. & 2. Paral. 26. Sic & ante ultimū Hierosolymorū excidium Judæi urbis & templi defensionem contra Romanos movebantur exemplo Macchabæorum, qui parvâ suorum manu numerosissimas Antiochorū, Epiphanis & Eupatoris, itemque Demetrii, Syriæ regum, eorumque legatorum copias multoties olim profligarant, plurimis ex his non rarò deletis, dextras eorum gubernante ipso Deo: sed quia non similes his fuerunt, qui orando divinam armaturam è cælo tunc deportant: ideo stultâ & infelici hac *κακὸς ζηλίας* sibi totique genti *παρολεθρίαν* accersierunt. Philippo Macedonum regi penultimo quantum profuerit bellum, quod *κακὸς ζηλίας* incitatus superioris Philippi Alexandri Magni patris (qui & ipse multum negotii Atheniensibus olim fecerat, urbis libertati infensus) urbi Atticæ movit, magnis suis cladibus à Romanis acceptis est expertus. Æoli, qui bello Macedonico primo contra hunc Philippum sociatum Romanis junxerant arma, hoc debellato offensi, quòd nō ex ipsorum

D

arbitrio Macedonia Philippo esset adempta, ipsisq; in belli præmium data, Antiochum (*anno mundi 3780*) in Romana bella impulerunt, atq; ita irrequieti sibiipsis foveam foderunt. Eo namq; victo, cum soli adversus Romanos & viribus impares, & omni auxilio destituti remanissent; ab his paulò post & ipsi domiti, imperata facere sunt coacti. Sic ergo Ætolos ambitio & vindictæ studium in exitiū præcipites egit, ipsaq; libertate, quam illibatam adversus dominationem Atheniensium & Spartanorū inter tot Græciæ civitates soli retinuerant, tandem privavit. Adeò res misera est, non solum vindictæ cupiditas, sed & ambitio & appetitio principatus; *ut calum ruere, dummodo magistratus adipiscantur, multi exoptent*; quod Varro dixit apud Nonium. In hæc, & similia exempla, quorum totus orbis plenus est, intuentes Reges & Principes, cæteri q; ad clavum Reipubl. qui sedent, Spartam quam nacti sunt, hanc orrent; & juxta Siracidæ præceptum c.3. *quæ mandata ipsis sunt, sanctè cogitent*: nec fiduciâ propriæ sapientiæ aut potentiæ res periculosas & non necessarias suscipiant. *Qui enim amat periculum, peribit in illo*. Modum præterea donorum suorū agnoscant, vel potius imbecillitatis suæ memores, in sua vocatione non tentent ea, quæ vident magnâ cum laude à viris heroicis esse gesta, nisi ipsi quoque à Deo supra communem hominum infirmitatem sint instructi

structi excellentibus illis donis, sapientiâ, virtute & felicitate, quibus illi. Humanitati denique, & mansuetudini studeant, nec propter privatum dolorem, Rempublicâ turbent; dentq; operam, ut sint tales, quales videri cupiunt; quæ, teste Cicerone in Officiis, rectissima est ad gloriam via.

F L O S XXIII.

Omnia Regna evertunt idololatria, tyrannis & libidinum confusiones.

INter omnia peccata Deus præcipuè detestatur, severissimeq; punit, teste sacra pagina Deuter. 27. Esaiæ 33. ad Heb. 13. idololatriam, tyrannidem & libidinum confusionem. Idololatriam quidem, quia crimen est læsæ majestatis divinæ; Tyrannidem, quia mater est omnis injustitiæ; Libidinem denique, quia pecudem illa ex homine reddit, quem ipse Deus ad imaginem suam creavit; & quia hæc peccatorum trias polluit & contaminat omnes vitæ humanæ Ordines, Ecclesiâ nempe idololatria, Regna & Politias tyrannis, æconomias denique libidinum commixtiones; ideo proximas eas causas ~~æconomias~~ ^{æconomias} ever-
sionis omnium Regnorum esse, omniū gentium & populorum testantur historiæ. Diluvium certè

orbis terrarum catholicum, hæc scelerum trias invexit, Gen. 6. & 7. anno mundi 1657. Hæc Sodomam, Gomorrhæam, Adamam, Seboim & Segoren cælesti igne & sulphure incendit, Gen. 19. Ezech. 16. Ubi causas tam horrendi supplicii propheta recensens: Ecce, inquit, hæc fuit iniquitas Sodomæ sororis tuæ: 1. Superbia, i.e. Epicureus contemptus verbi divini. 2. Saturitas panis, i.e. in cibo & potu luxuries, aliæque voluptates. 3. Abundantia otii, i.e. neglectio munerum vocationis necessariorum. 4. Crudelitas & immisericordia erga pauperes; quibus gradibus tandem conscenderunt ad vagas libidines, & alias præter naturam consuetudines. Ex hac scelerum triade, idololatria præcipue regnum Israëliticum post mortem Salomonis primum dilaceravit, & ab hujus posteris avulsi, duodecim tribubus in duo regna distractis, 3. Regum 12. quorum alterum exinde, nempe Samaritanum, penitus excisum, per Salmanassarem Assyrium in perpetuum deportavit exilium, 4. Reg. 17. Alterum Judaicum, sive Hierosolymitanum per Nabuchodonosorem Babylonem deportatum, septuaginta annorum captivitatem subire coëgit, 2. Paral. 36. Prima Monarchia primum ob Sardanapali libidines dilacerata, partim Phul-Belocho Assyrio, partim Arpaci Medo cecidit; dehinc ob horrendas Sennacherib in Deum blasphemias & tyrannidem ad Babylonios; & tandem itidem ob Balzaaris in Deum blas-

blasphemias, impietatem & temulentiam, ad Persas est translata; juxta illud Syracid. c. 10. *Propter injustitiam transferuntur regna de gente in gentem.* Ob incestas regum Persarum cum sororibus nuptias, & tyrannidem in populum Judaicum, Deus per Alexandrum Magnum Persicam potentiam, quæ maximam complexa erat orbis terrarum partem, penè momento evertit. Postea quoque per Romanos regnum Macedonicum sustulit, & reges Macedonicos multiplicibus sceleribus infames; reges item Syrios, & Ægyptios, fractos voluptatibus, & cùm incestis nuptiis, tum immani sævitie in populum Judaicum toti terrarum orbi notâ, aliisque flagitiis contaminatos. Propter Helenæ raptum, quam PARIS à Menelao marito abduxerat, urbs Troja olim solo æquata. Nec dissimili de causâ Thebana mulier, à Phocense quodâ amoris stimulo rapta, bello sacro inter Phocenses & Thebanos causam præbuit. A simili libidinum occasione, Lucumonis Clusini, per Acurvem civem Hetruscum, cujus conjugem ille rapuerat, Galli lenones attracti in Italiam, octodecim Tyrrenorum maximas urbes, gente eâ oppressâ, in suam redegerunt potestatem, quæ Italiæ pars postea generali appellatione Gallia togata & Cisalpina est nominata. Nos eam hodie nuncupamus Longobardiam. Superioribus aliquot seculis, propter Arrianorum in filium Dei blasphemias,

totus Oriens pœnas dedit, vastatus armis Turcicis; ad quas cum alia flagitia, tum libidinū quoq; turpitudine accessit. Caroli Andegavenſis tyrannidem, Gallorumq; libidines, quibus mulieres & virgines Siculas ituprabant, execrantur Vespere Siculæ; quib. sub vesperam festi Paschatis, Galli, qui in Sicilia fuere, omnes interfecti sunt; infantes ab uberibus maternis rapti, sicilibus illiſi, gravidæ dissectæ, ut foetus avulsi feris objicerentur. Mutationi in Helvetia factæ, vindicanti se in libertatem, causas præbuerunt inclementiora & injustiora imperia illorum, qui pro Imperatoribus illa loca administrarunt, & vobis nobilitatis: inprimis verò præfectorum Suitensis & Undervaldensis, quorum ille ad scopū collocato Suitensis civis filio, & supra pueri caput imposito pomo, coëgit patrem ad pomum ceu metam jaculari; quâ re, ausu insigni, feliciter peractâ, filio illæso, patrem vinctum secum abduxit; quo in itinere excussis compedibus sic tyrannum trucidavit: Alter, adulterio per vim & contumeliam, conjugi civis Undervaldensis oblatos causam conjurationi præbuit. Atque his ex historiis omnibus satis superque intelligimus, Deum apertis esse oculis, & paratâ manu, ad observandos, temporeque opportuno plectendos, non solum ipsos scelerum authores, sed etiâ Regna & Respubl. à quibus tolerantur: juxta illud in lib. Sap. *Potentes potenter tormenta patientur.*

F L O S XXIV.

Regna & civitates everſæ nunquam
priſtinam recuperant digni-
tatem.

Regna & civitates eſi trifti aliquo quaſſatæ
caſu in meliorem reſtitui poſſunt ſtatum:
cùm tamen prorfus deletæ ſunt, nullâ amplius
ſpes eſt inſtaurationis. Etenim, ut homo vivus ex
adverſis rebus eluctari poteſt, mortuo nihil ſpei
in hac vitâ ſupereſt: ita quoque regnorum & ur-
bium, quæ opibus & gloriâ floruerunt, mors eſt
deſertio & vaſtitas. Et quemadmodum ex cor-
pore humano, in cadaver quod tranſiit, naſcun-
tur quidem animalia, vermes nempe putridi,
ex materiâ corporis humani, in aliam formam
& ſubſtantiam degenerantes; ita quoque ex ſub-
verſione Regnorum & Imperiorum magnifico-
rum videmus, vel tantùm nomen & umbratilem
imaginem hodie legi, vel minutum quendam
inde natum principatum; & Imperia in Regna
exigua, vel in Ducat⁹, vel in Provincias, vel aliud
quippiam vilius degeneraſſe, tanquam ex cada-
vere maximi Imperii. Exemplo eſt regnum Æ-
gyptium florentiſſimum, quod poſt Cenchrem
Pharaonem in mari Erythræo ſubverſum, nun-
quam recuperavit priſtinam dignitatem; quod

sub regibus Persicis, à quibus subinde deficiebant, prorsus defloruit: restitutum exinde (*anno mundi 3649*) à Ptolomæo Lagi filio, post Cleopatæ mortem, à Romanis in provinciæ formam est redactum; à Saracenis postmodò subactum (*anno mundi 3942*) in Turcarum tandem, post Campsonis Gaurii Suldani cædem, cessit potestatem. Sic & regnum Babylonicum, post everfam ejus Monarchiam à Cyro (*anno mundi 1517*) nihil fuit ampliùs, ipsa que Babylon omniù, quas unquam sol aspexit, urbium maxima, jam nihil præter muros reliqui habet; quorum ambitu tantùm omnis generis bestias coherceri, scribit Divus Hieronymus comment. lib. 5. in Esaie c. 13. Regnum Hierosolymitanum à Nabuchodonosore eversum post 70 annorum captivitatem (*anno mundi 3365*) à Judæis postliminio reversis, instauratū quidem est; sed quantula Principum fuerit potestas atque dignitas, Judaica loquitur historia: quippe sub quibus urbis Hierosolymæ & templi instauratio modò à Persis (*anno mundi 3443*) modò à Samaritanis & vicinis populis aliquoties prohibita; urbs postmodò ipsa à Syriæ regibus duriter *anno mundi 3803 & seq.* afflicta, exinde à Pompejo Magno expugnata, & in Romanorum potestatem redacta (*3909.*) à Tito tandem Imperatore penitus excisa, & ad extremam redacta solitudinem; nunc tota in rudibus jacet. De regnis in Græcia olim florentissimis,

mis, hodie ne nomen quidem superest. Mycenæ, quæ urbs Troicis temporibus Græciæ universæ imperabat, & regia Assyriorum Mines, funditus deleta sunt (anno mundi 3504.) In Bœotia verò Thebæ, quæ sibi olim Græciæ principatum vendicabant, ad arcem jam unam, & non ita multos incolas redactæ, vetus nomen vix dum servant: jam verò quæ cunctas urbes opum magnitudine antecellebat Ægyptiæ Thebæ, & Minyarum Orchomenos, ne mediocres quidem nunc privati hominis fortunas adæquant: quemadmodum de his urbibus suo sæculo scripsit Pausanias, cui Ovidius suffragatur Metamorph. 15.

——— *Magna fuit censuq; virisque,*

Perq; decem potuit tantum dare sanguinis annos.

Nunc humilis veteres tantummodo Troja ruinas

Et pro divitiis tumulos ostendit avorum.

Clara fuit Sparte, magna viguere Mycena,

Nec non & Cecropis, nec non Amphionis arces:

Vile solum Sparta est, alta cecidere Mycena:

O Edipodionia quid sunt, nisi nomina, Theba?

Adeo de omnibus regnis & civitatibus verum est Maronianum illud Georg. 1.

——— *Sic omnia fatis*
In pejus ruere, & retrò sublapsa referri.



F L O R U M H O R T U L I H I -
S T O R I C O - P O L I T I C I

Corona secunda.

*De Regum & Principum dignitate & officio, eo-
rundemq; in tyrannos degenerantium na-
turâ & interitu.*

F L O S I.

Reges & Principes à D E O.

Quemadmodum Regna & ordo in Impe-
riis, D E I sunt opera, & ex summo illo di-
vinitatis fonte, qui in altissimo & secretissimo la-
tet, qui reficit nec deficit, ut & alia omnia bono-
rum genera manant: ita quoque Reges & Prin-
cipes à Deo sunt. Hic nimirum, quemadmodum
bestiis & cæteris rebus gubernatorem præposuit
hominem; ita & ut hominum societati, sine qua
bene vivere nemo potest, consulere; humano
generi qui præsent, quosdam omnibus tempori-
bus dedit Reges & Principes. Hinc sacrâ paginâ
attestante, nec Israëliticum populum, quem sibi
dixit & fecit peculiarem atq; electum, sine Duce
& Principe in terris unquam esse voluit, nisi
quando

quando pertinacem illius ingratitude cohercere necesse habuit: ideoque suscitavit illis Moſen, Joſuam & alios Duces atque Reges, qui eum in virtutibus & legum præſcripto regerent, innoxieque & rectè imperando Dei ipſius figurā inter homines repræſentarent. Magnum ergo & neceſſarium bonum eſt Princeps, qui, ut Deus unus imperat in magno mundo; & ut divina anima in homine, parvo mundo; & ut anima rurſum in corpore; ſic ipſe in ſua Republica, tanquam in proprio corpore, cujus ipſe eſt caput, membra verò ſunt, qui in ea degunt. Nec enim regnum ſine Rege aliud eſt, quàm corpus ſine pectore aut capite: nec turba ſine Duce aliud, quàm belua multorū capitum: quæ Cyclopum eſt Republica, vel potiùs Anarchia, in qua, ſecundùm Euripidē, *ἀνὰ τὰς εἰς εἰς εἰς εἰς, nemo cuiquā ulla in re obtemperat, ſed ex libidine geruntur omnia*. Dum autem unusquiſque ſecundùm voluptatem ſuam cogitat vivere, regulam cognoſciunt omittere diſciplinæ; ut eſt apud Caſſiodorum lib. 7. var. hiſt. c. 17. Unde non abs re, pro radice omnium malorum, quæ tunc inter Iſraëlitas graſſabantur, notatur, Judicum 17. & 21. populum iſto ſeculo deſtitutum fuiſſe Rege, & quemq; quod ſibi rectum videbatur, hoc egiffe. Hominiſ namque ſuperbia, dum putat omnia ſibi licere, rebus omnibus abutiſtur; atque ita ſeipſum in barathrū perditionis corporis & animæ:

dat præcipitem. Fieri enim non potest, quin ejusmodi regnū Principe destitutum pessum eat; non aliter ac navis gubernatore carens, mediis in fluctibus & undis jactata; aut currus sine aurigâ à furibundis equis raptatus. Inprimis verò magnum donum Dei sunt, Principes boni, divinitus instructi excellentiâ virtutum & felicitate, qui rectè suum faciunt officium, & res gerunt necessarias ac salutes; ejusmodi in regno Judaico fuerunt Moses, Josua, Gideon, Simson, David, Salomon, Josaphat, Ezechias, Josias: in regno Persico, Cyrus; in Romano Imperio, Augustus Cæsar, Constantinus Magnus, Theodosius Magnus, Justinianus, Carolus Magnus, & nonnulli alii, ut & cæteris in regnis atque principatibus nonnulli; sed quorum omnibus temporibus summa fuit paucitas, adeò ut rectè à Claudio dictum legatur, *omnium bonorum Principum imagines in uno annulo sculpi posse*. Neq; verò solùm boni & salutes Principes à Deo dantur, qui sint ποιμένες λαῶν, & patres patriæ, quos nomine suo augustissimo Deus ipse dignatur: sed nec rarò malis quoque à Deo conceditur Imperium, qui sunt partim mercenarii, tranquillis temporibus mediocriter facientes suum officium. At in periculis minimè firmi, ignavi item otioque dediti, de religione, disciplinâ, judiciis parum solliciti, quæstores denique suos exsugentes & deglubentes; cum fucis idcirco mella ab apibus congesta.

gesta devorantibus, interim ipsis nihil laborantibus comparandi; cujusmodi in regno Judaico fuere Roboamus, Abia, Asa, Osias; in regno Persico Darius; in Romano Imperio Tiberius, Honorius, Constantinus Romani Imperatoris filius; Wenceslaus, qui complures in omnibus regnis & principatibus habuerunt & reliquerunt complices & commilitones. Partim verò sunt lupi, miseras oviculas diripientes & dilaniantes, tyranni nimirum, quorum anima ex libidine & crudelitate est conflata; cujusmodi in regno Judaico fuere Choran, Joas, Achas, Manasses, & filii Josiæ; in regno Persico Cambyfes; in Imperio Romano Caligula, Nero, Domitianus, Decius, Diocletianus, & innumeri alii in omnib. regnis, quorum exemplis omnes historiæ sunt refertæ.

Non est ergo potestas, nisi à Deo vel jubente, vel sinente: ut Paulinum illud ad Rom. 13. explicat Augustinus contra Faustum Manichæum lib. 2. c. 75. Nec est Princeps, nisi à Deo vel jubente, vel sinente: quod ita explicatur ab Origene Homilia 4. in lib. Jud. Non semper Princeps populi & Ecclesiæ judex per Dei arbitrium datur; sed ut merita nostra deposcunt. Si mali sunt actus nostri, & operamur malignū in conspectu Domini, dantur nobis Principes mali: si verò boni sint actus nostri, dantur nobis Principes secundum cor nostrum. Et hoc tibi de scripturis probabo. Audi namq; quod Dominus dixit Osee c. 8. Fecerunt sibi

Regem, & non per me : Principem, & nō per consilium meum. Et hoc dictum videtur de Saulo, quem utique Deus elegerat, & Regem fieri iusserat; sed quia non secundum voluntatem Dei, sed secundum peccatoris populi delictum fuerat electus, negat eum cum suā voluntate & consilio constitutum. Quibus ex verbis colligitur, duplicem esse principatum : bonorum, ex voluntate Dei; & malorum, ex ejusdem permissione. Permittit autem Deus malos sepe numero Principes ad Reipublicæ clavum sedere tribus potissimum de causis. Ac 1. quidem, ut per ejusmodi tortores vindicet peccata populi, Job 34. v. 30. Unde in facto Codice passim legimus, populum Israëliticum à verā religione desciscientem, & majorum scelera sceleribus cumulātem, sub variis tyrannis, Deo ita permittente, durissimo multorum annorum servitutis jugo pressum, Jud. cap. 3. 4. 6. 11. 12. Et tandem etiam (anno mundi 3365) ab Assyriorum rege Nabuchodonosore in exilium septuaginta annorum Babylonem deportatum, 2. Paral. 36. Unde & Assurem apud Esaiam c. 10. Deus vocat virgam & baculum sui furoris, per quem impios flagellare disposuit. Solet nempe Deus, ut pulchrè divus Hieronymus loquitur, improbitatem aliquando improbitate, & calamitatem calamitate vindicare; cū ad improbos puniendos, tanquam instrumentis quibusdam & flagellis uritur improbis tyrannis; quorum vi & cru-

& crudelitate orbis terrarum ruit, cùm in nobis peccata non ruunt. Sic ergo *non est malum in civitate, quod non creavit Dominus*, Amos cap. 3. & Esa. c. 45. Malorum nempe pœna malum quidem est malis, sed in bonis Dei operibus est; *quia justum est ut mali puniantur*: ut Augustinus hoc explicat in lib. Retractationum. Deinde malis quoque à Deo permittitur regnum & potestas; ut pii ab iis agitati, quasi frenis quibusdam in officio contineantur: eorumque fides & in vera religione constantia magis magisque exerceatur; & Dei ipsius quoque gloria hostibus ipsis illustrior & conspectior reddatur. Exemplo sunt cùm aliæ innumeræ, tum imprimis decem istæ catholicæ Christianorum persecutiones sub impiis Imperatoribus Romanis: quibus tantum abfuit, ut Ecclesia Dei oppressa fuerit, ut indies subinde creverit. Unde & Severus Imperator ex sanguine Christianorum novam subinde animadvertens pullulantem propaginem, eamque majorem indies & auctiorem *semen Ecclesie sanguinem esse piorum dixit*. Nimirum, ut Cassiodorus super Psal. i. eleganter scribit: Novit Ecclesia, beneficio Domini, triũphare de suis cladibus: ingravata siquidẽ persecutionib. proficit; afflictionibus semper augetur, sanguine martyrum irrigatur, tristitiã magis erigitur, angustia dilatatur, fletibus pascitur, injuriis reficitur; & inde potius crescit, unde mundus deficit. Tandem malum

quoque nonnunquam Deus ad regium solium evehit, ut hoc beneficio ad poenitentiam cum invitet, ad Rom. 2. Quem, si in impietate pertinaciter perseveraverit, eò profundius postea dejicit, juxta illud in Salomonis Sapia c. 6. *Potentes potenter tormenta patientur.* Exemplo est Jeroboamus, decem tribuū rex, à propheta Abia, vivo adhuc Salomone, designatus; cujus ob idolatriæ peccatum, tota ipsius stirps, statim in limine regni, improbi filii Nadabi, est excisa, 3. Regum 15. Exemplo item est Saul, ex abjectissimâ tribu Benjaminis, & obscurissimâ familiâ ad regnum Israëliticum à Deo evectus; sed nō multo post ob hypocriticam pietatem ab eodem reiectus; qui exinde à spiritu malo agitatus cū duram exerceret tyrannidem, nec Samuelem curaret, & in sacerdotes innoxios capitalem ferret sententiam; tristissimo tandem & miserrimo interitu suo docuit, divinam justitiam etiam à Deo unctis non parcere, quando suam illi consecrationem sanguine innoxio aspergunt, divitiasque bonitatis Dei impiè contemnentes furenter in suum se præcipitant exitium. Hujus rei in aliis quoque, Israëliticorum, Ethnicorum & Christianorum Regibus atque Imperatoribus, significantissima habemus exempla; ut in Achabo, ejusque domo; Manassè, Zedechiâ, Herode, Antiocho, Nerone, Juliano apostata & aliis innumerabilibus. A Deo autem esse Reges & Principes,

cipes, evidentissimum est argumentum, divina eorundem in summis periculis atq; insidiis protectio & conservatio. Exemplum luculentissimum exhibet David, quem Saulus propter affectu regni suspitionē acerrimē persecutus, tam fraude & dolo, benevolentiaēque simulatione, quā apertā vi & armis, è medio tamen tollere non potuit, 1. Reg. 18. & seqq. Exemplo item est Jeroboamus Sattapa Salomonis, decē tribuum rex à propheta Ahia designatus; qui famā istā pervulgatā, ut manus effugeret Salomonis, vitæ ipsius insidiantis, in Ægypto apud Sesacū regem usque ad Salomonis mortem delituit, 3. Reg. 11. Exemplo denique in sacro Codice est Joas rex Judæ, infans, à cæde Attaliæ, quæ regiam Davidis stirpem parricidio extinguere moliebatur, liberatus amitæ suæ Josebetæ prudentiā, quæ sex annis ipsum in aditu templi clām educabat, donec anno ætatis septimo à sacerdote Jojada, nec quicquam Attaliā resistente, oleo consecratus, puer diadema regium accepit. Hujus rei exempla in profanis quoque historiis non pauca reperiuntur; Astyages, Medorum rex, metuens sibi in regno successorem nasci ex filiā Mandane, juxta sibi revelatum somnium; necare ex ipsā natum filium Cyrum voluit, teste Herodoto lib. 1. Voluit & Amulius oppresso fratre Numitore, regnū Albanum in suos transferre posteros, filiā ipsius Iliā sive Rheā Sylviā carceri mancipatā, & hujus

filiolis infantibus, Romulò & Remo, in profluentem exponi atq; necari jussis, teste Livio lib. 1. Justino lib. 43. Sed neuter voti sui compos fieri potuit. Cyro namq; divinâ providentiâ servato Monarchia Persica erat destinata; à Romulo verò jacienda erant fundamenta ejus Reipublicæ, cui quarta destinata erat Monarchia. De Tito Vespasiano memorat Suetonius, eum duos patricios in manifestâ adversum se conspiratione deprehensos, deductos in spectaculum, utrumq; sibi assidere jussisse, petitoque ex industriâ gladio Mirmillonum, quasi ad explorandam aciem, uni atque alteri dedisse, quibus percussis, & constantiam mirantibus, in hæc ille verba erupit: Vide-tisne potestates fato dari, frustra que tentari facinus, potiundi spe, vel amittendi metu?

Idem cum propius ad mœnia Hierosolymæ explorandi causâ accederet, neque galeâ, neque thorace septus; licet multis erumpentium hostium telis peteretur, nullum tamen in ejus corpus delatum est; sed tanquam, ne ipsum ferirent, ex industriâ mitterentur, omnia prætervolabant, teste Josepho lib. 6. belli Judaici c. 3. Quo sanè tempore maximè intelligi potest, & belli momenta, & Imperatorum pericula Deum curare. Historias Augusti & Tiberii Cæsaram, itemque Henrici tertii, Henrici quarti, Friderici primi, & Caroli quinti, Imperatorum Romano-germanicorum & aliorum Regum, divinitus ab insidiis
& peri-

& periculis conservatorum, recenset Camerarius Tom. I. meditat. histor. c. 30. & 98. Memorabilis quoque est historia Henrici barbati, Ducis Silesiæ, qui in villa quadam majoris Poloniæ, Gausona (*anno Christi 1227*) (ubi totius Regni conventus à Lesco Poloniæ Principe erat indictus) in balneo à sicariis Suandopulzi Pomeraniæ Principis petitus, jamq; ex vulneribus collapsus, divinitus tamen ex mediâ morte retractus & servatus est, virtute aulici sui Viefenburgi, hominis Germani, qui seipsum gladiis hostiû objecerat, gladioque transfixus, demum in Henricum se perjecerat; qui post sicariorum discessum sese recolligens, lectica clam Vratislaviâ est delatus, teste Cureo in *Annal. Siles.* Sic & olim Alexander Magnus (*anno mundi 3638*) cum satrapis Darii ad Granicum, Phrygiæ fluvium, dimicans, divinitus est servatus virtute Clythi sui ministri, ut *Atrianus* scribit lib. 2. & *Curtius* lib. 3. Pari modo superiori seculo, patrum nostrorum memoriâ, Mauritius Dux Saxoniz, in bello Pannico voluntariè militans, cum è castris quodam die progressus, uno saltem comitatus satellite, in Turcas aliquot incidisset, & inter dimicandum equo confosso in terram prosterneretur, famuli sui toto corpore superincumbentis, & tantisper hostes demorantis atque sustinentis, donec equites supervenirent, qui Principem eriperent, virtute vitam retinuit; ille verò plurimis acceptis

vulneribus, in castra relatus, non multò pòst interiiit. Vide Sleidanum lib. 15.

Hujus rei quoque luculentissimum exemplum exhibent nonnulli Principes divinitus è carcere ad regnum evecti. Utique enim & hoc mirandū Dei est opus, ex pulvere & luto inopem & miserum attollentis, & inter Principes collocantis, soliumque gloriæ tanquam hereditatem ipsi attribuentis; utpote *cujus sunt columna terra, super quas urbem fundavit*, Psal. 113. & 1. Reg 2. Horum è numero est Josephus patriarcha, primum quidem pro mancipio in Ægypto venditus, postea quoque compedibus ferreis vinctus, neque minùs animo, quàm corpore constrictus, donec tandem tempore constituto, mentio de eo apud Regem fieret; & sermo, quem Jehova ipsi Regi suppeditarat, quis & quantus vir esset, declararet. Tunc igitur illū, missis nuntiis, Rex ipse nō modò vinculis exsolvit, verum etiam aulæ suæ præfecit, adeoque rerum omnium administrationem ei commisit; attributâ quoq; illi in maximos quosvis Ægypti Principes arbitriâ potestate; ut & ipsos magistratus Ægypti sapientiâ suâ consiliisq; regeret, ut regius propheta canit Psal. 105. Sic & Matthias Corvinus à Ladislao, posthumo, rege Ungariæ & Bohemiæ, catenis vinctus, in Bohemiam abductus: hoc paulò pòst in nuptiarum apparatu extincto, dum ipse capitalem trepidus expectat sententiam, è carcere

ere ad Ungariæ regnum vocatus (*anno Christi* 1458) cum maximâ pompâ Budam Rex coronandus est profectus. Matthiæ Corvini casibus haud dissimilis fuit fortuna Jacobi Lusignani, quem in Petri Cypri regis adhuc pueri coronatione (*anno Christi* 1372) controversiâ inter Venetos & Genuenses de superioris honoris loco oriâ, cum Jacobi hujus regis patruî operâ quidam Genuensis nationis cæsi essent, Genuenses ut injuriam & cædem istam ulciscerentur, ingenti classe in Cyprum missâ, & urbe Famagustâ deditione captâ, vinctum abduxerunt, & per novem annos in turri arctissima custodierunt; eum tandem (*anno Christi* 1383) Petro absque liberis extincto, Cypriis populis Regem petentibus, libertate donarunt. Pari modo Ismaël secundus Persarum rex è carcere, in quem à patre Tamaso (*anno Christi* 1576) conjectus, ad mortem usque ejus asservabatur, ad regnum evolavit; ut author est Leonclavius parte secūdâ annal. Turcic. Non multò dissimilem fortunam expertus est Gustavus, Erici obses, præter fidem datam captivus in Daniam abductus à Christierno Rege (*anno Christi* 1523) inde mutato habitu elapsus, in veneratione ad regnum Suetiæ potentissimum, ex afflictissimis iniitiis & desperatâ penè fortunâ, divinitus erectus. Vide Chytræ. Chren. lib. 9. Hoc flosculo pius Princeps admonitus, majestatem & potestatem omnem à Deo profluere; & ab ipso

Reges & Principes, & quicunque rerum potiun-
 tur, & rebus publicis præsunt, tam benignè re-
 spici & defendi; se & suam ditionem, & quicquid
 habet dignitatis, opum & fortunarum, in Dei
 manus & voluntatem assiduè commendet; spiri-
 tumque sapientiæ & fortitudinis ab ipso seriò pe-
 tat, ut norit, quid in hac functione sua sibi agen-
 dum, quidve fugiendum sit; & cum Davide in
 solius Dei præsidio fiduciam suam collocet, non
 in equis & curribus, non in arcibus & munitio-
 nibus; subindeq; in memoriam sibi revocet tri-
 stissimum Nabuchodonosoris exemplum, qui
 fastu turgidus, suisque viribus & sapientiæ, pote-
 statem suam stultè arrogans, divinitus è regno
 ejectus, in solitudine sylvestri bovis usus pabulo,
 cælique tempestatibus sub dio obnoxius, mente
 atq; sensu animante bruto nihil sanior, malo suo
 didicit, *Dei solius regnum perpetuum esse regnum,*
& potestatem ejus immensam potestatem; ad quem
 universi terrarum incolæ nihil sunt; *nec esse quen-*
quam, qui ejus manum impediatur, aut ab ipso facti-
rationem exigatur, ut est apud Daniel. prophet. c. 4.

Subditi verò ex Apostoli præcepto 1. ad Ti-
 moth. 2. pro Principibus & Regibus assiduas ad
 Deum fundendas preces meminerint; *quia*

in illorum pace, ut Jeremias ait

c. 29. etiam nos fruemur

pace.

F L O S II.

Reges, Dei, Regum Regis, vasalli.

EST quidem Rex in suo regno, quod Deus in universo mundo, quem in suo ille collocavit folio, ut jus & justitiam administraret; quem idcirco honorifico quoque passim Dei ipsius sacra pagina indigitat nomine: sed tamen utriusque longè diversissima est jurisdictio & potentia. Nimirum ut Dei regnum nullis limitibus est circumscriptum; utpote qui cæli & terræ omniumq; quæ in eis existunt & comprehenduntur, est dominus proprietarius, (omnia siquidem ipse ex nihilo creavit) ita quoq; ejusdem jurisdictio est immensa, & potentia infinita. Ipse enim, ceu omnium dominus, in sua potestate ima terrarum penetralia & altissima montium juga plenumq; jus in universum mare obtinet, ut Psalmus canit 95. Quam Dei majestatem & potentiam David rex præterea multis verbis celebrat & prædicat, 1. Paral 30. Verè itaque magnus est Jova, & Rex omnibus diis, h. e. sublimioribus potestatibus superior suâ authoritate, & per se regnat; nec regnum ejus ullis circumscriptum est limitibus. Quòd si ergo Deus omnium est dominus, & verè proprietarius, utique omnes, quicunque terram incolunt, ejus sunt tanquam coloni & emphy-

teutæ. Et quia cælum ipsius est solium, terra verò subsellium, Esa. 66. ideo quoque omnes Reges & Principes, & quicunque in terra jus dicunt, & aliquâ ratione cæteris præsumt, pedibus ejus subiecti sunt; & qui regnant, per ipsum tantummodò regnant: quod ipsa sapientia Dei disertis verbis testatur c. 6. Unde & Dei quoque beneficiarii & clientes & vasalli sunt, ab eoq; solo investituram capere & agnoscere tenentur, ac proinde illorum quoque jurisdictio est tantum dimensa, & potentia præfinita, & regnum certis cancellis terminatum.

Quemadmodum autem vasallus se habet ad dominum superiorem, ita Rex ad Deum. Vasallus per enssem, scutum, vexillum à domino superiori feudo investitur cum munere juris dicendi, & onere militiæ; & quidem eâ lege, ut iisdem ipsi armis, quandocunque opus fuerit, militet: cui se quoque jurejurando devinxit, fidemq; & obsequiû promittit; quod nisi servet, feudum amittit, ipsoque jure se omni prærogativâ privat. Pari ratione Rex regnum à Deo accipiens, per gladium regię majestatis insigne investitur, eâ lege & conditione, ut isto gladio legem divinam tueatur, bonos protegat, malos perdat, atque ita populum suum rectè judicet: quod si fecerit, tum ipsum, tum posteros regnum diu possessuros; sin minus, contrarium experturos; & ad hoc jurejurando simul obstringitur, quod si violaverit, & feloniam

Ioniam adversus Deum committat, ipso jure regnum amittit, & ex facto eo plerunque privatur. Hęc ex fœdere inter Deum & Regem fieri solito, (*confœderatorum enim nomine servos suos dignatur Deus*) magis erunt perspicua; cujus conditiones prolixè satis (*anno mundi 2493*) recenset Moses moriturus, ipsaq; pacta conventa, legem nimirum divinam, in arca fœderis asservari præcipit, Deut. c. 25. 30. & 31. Fœderis hujus capita summatim hæc erant: ut cùm Rex ipse, tum populus universus, Deum ex legis præscripto & singuli colerent, & universi colendū curarent; quod si facerent, Deum ipsis affuturum, Rei q; publicæ præfuturum; sin secus, missos eos facturū & disperditurum. Unde Josuam quoque, Mose defuncto, Deus ipse admonet, si res suas prosperè gerere velit, ne à lege suâ latum recedat unguem, Jos. c. 1. Quam hic quoq; postea Israëlitis terram Cananæam ingressis, cap. 8. coram universo populo legit; ut palàm eis faceret, quâ conditione in hanc possessionem à Deo sint missi; ad cujus observationem morti jam proximus in publicis comitiis Sichemæ, ubi tum arca fœderis erat, multò ardentius eos cohortatur; omnia fausta, si pactis iis starent, pollicitus; dira verò, si negligerent, minatus, Josuæ c. 23. & 24. Hanc legem quotiescunq; postmodò deseruerunt Israëlità, variis tyrannis mancipatos legimus, Jud. 3. 4. 11. & 12. Quod Samuel illis in publicis comitiis in Gilga-

lis celebratis valedicens exprobrans, Saule rege denuò uncto, ad legis divinæ observationē, cū Regem ipsum, tum populum feriò, nec absque minis iræ divinæ, si eam prævaricarentur, est adhortatus, 1. Reg. 12. Ejecto Saule, quò pacto non stetit, David eādē lege rex constituitur; ut & Salomon Davidis filius, 3. Reg. 2. v. 4. & c. 6. v. 12. & 2. Paralip. 6. v. 16. & cap. 7. v. 17. ubi fœderis hujus conditiones disertis verbis repetuntur; ut & postmodò in Joæ inauguratione, inter Jojadā summum sacerdotem, Dei nomine, & inter Regem & populum fœdus hoc renovatur, 2. Par. 23. iterumque sub Josia rege, 2. Paral. 34. quo solenniter sancito uterque, fanis lucisque Baalis destructis, verum Dei cultum restituit. Magis hæc perspicua erunt ex fœdifragorum pœna, quæ reges, Dei contemptores, legisq; divinæ violatores atque oppugnatores ilicò excepit, non tantum in populo Israëlítico, sed & in Christianis, imò & in Ethnicis regibus, apud quos omnino obtinet pactum, eādē conditiones, eādē pœna, idemque vindex perfidiæ est Deus. Nam & Ethnicī reges licet extrinsecus non ungentur à Deo, nihilominus tamen ejus sunt vasalli, & ab eo uno suam accipiunt potentiam; sive sorte, sive suffragio, sive aliā quavis formā eligantur. Si suffragio, Deus dirigit corda hominum, quò ipse vult. Sin sorte, *sors conjicitur in sinum*, inquit Salomon Prov. 16. & *judicium ejus à Domino*. Qui unus perpe-

perpetuò est, qui pro suo arbitrio Reges tollit & statuit, firmat & evertit. Saul (ut ad propositum revertamur) regio fastu nihil non sibi licere arbitratus, & contra legem Dei sacrificia tractare ausus, insuperque contra disertum Dei mandatum Agago Amalekitarum regi, ejusque armentis parcens, confestim à Samuele rebellis audiit, & rebellionis quoque pœnas luit, 1. Reg. 13. & 15. Pari modo Salomon insanis mulierum externarum amoribus dementatus, ad idola deficientes, ab Ahia propheta decem tribuum à stirpe suâ alienationem, & ad Jeroboamum servum defectionem audiit, 3. Reg. 11. & 12. Sed nec ipse Jeroboamus regnum hoc suum per idololatriam stabiliens, populumque Dei à Deo abducens, nefandi hujus plagii & ingratitude perfidiæque crimen impunè tulit. Primò nempe filius ipsi moritur, deinde universa ejus domus per Baësam, regnum scelere invadentem, juxta minas Ahia prophetae extirpatur, 3. Reg. 15. Nec meliorem fortunam cæteri quoque reges Israëlitici & Judaici à vero Deo ad hostes ipsius, gentium idola, deficientes, experti sunt. Quàm horrendum in modum Nabuchodonosoris, fastu tumidi, divinosque honores sibi & statuae suae exhiberi præcipientis, effrenem audaciam represserit Deus, & avia desertaque loca asini instar oberrare ipsum adegerit, Daniel c. 3. & 4 in præcedenti flore planum fecimus. Belsazer hujus nepos, vasis sacris

è templo raptis, & ad suam ebrietatem abusis,
 inter vinum conspexit Dei manum literas in pa-
 rietis tectorium ignotas pingentem, quas solus
 Daniel intelligens de subitâ regis pernicië inter-
 pretatur; eâdemque nocte, regno pessundato, in-
 ter pocula trucidatur, Daniel. c. 5. Pharaon Zen-
 chres, Deo ipsi præcipiente, ut suum dimittat po-
 pulum, quò ipsi sacra faciat; Deum illum notum
 sibi non esse, fastu tumidus respondens, popu-
 lumque tandem cum selecto exercitu infecutus,
 in mari rubro cum omnibus copiis, ne uno qui-
 dem homine superstite, æquoris procellâ & im-
 pressionem, funditus obrutus atque submersus
 periit, Exod. 5 & 14. Julianus apostata, à Christo
 ad idola gentium transfuga, paulò post in bello
 Persico potentē Galilæi (quo nomine probrosè
 vocabat Christum) dextram expertus, cum ge-
 mitu & fremitu impiam animam evomuit. Va-
 lens Imperator Arrianâ impietate cōtamina-
 tus, (fuit namque, ut Nazianzeni verbis utar,
 Christi cultor pariter, & Christi osor, post perse-
 cutionem persecutor, & post apostatam nō qui-
 dem apostata, sed nihil melius; quippe Christi
 nomen præ se ferens, Christum mentiebatur;)
 prælio cum Gothis infelicitè commissò, in tu-
 gurio quodam, haud procul Hadrianopoli, quò
 saucius spe salutis profugerat, ab hostib. incenso,
 combustus periit. Heraclius Imperator, qui Mò-
 notheletarum errorem in Dei ecclesiâ invexit, à
 Sara-

Saracenis victus, amissis centenis quinquaginta millibus hominum, noctu præterea ab angelo cæsis quinquaginta duobus millibus, ex dolore morbum contraxit, & novo tandem mortis genere occubuit, testium folliculis sursum versis cum priapismo, adeò ut quoties mejeret, nisi tabulâ umbilico admotâ prohibente, vultum lotio conspergeret. Philippicus Pardanes de exule Imperator factus, Monotheletarum itidem defensor, ab Artemio successore captus, regnoque & oculis privatus, miserrimè periit, altero regni sui anno. Constantius Copronymus, magicis artibus ad insaniam usque deditus, omnis impietatis lerna & sacrilegus, elephantiasis tandem periit. Eum, tanquam præclarum sanctitatis exemplum, imitatus Michael Balbus Imperator, Christi religionem, quantum potuit, subvertendo studuit, Judæis plus, quàm Christianis, addictus, eoque tandem impietatis evasit, ut futuram resurrectionem negaret, & Diabolum nullum esse contenderet, quòd de eo nihil apud Moysen scriptum esset. Hic ad extremum dysenteria periit, ad quam phrenesis accessit. Galerius Maximinus Imperator, ob crudelitatem in Christianos ulcere inguinibus innato, genitalibus consumptis defecit; & vermibus ubique erumpentibus, fœdissimo exitu periit. Quo eodem ferè mortis genere periit paulò pòst hujus ex sorore nepos Galerius Maximinus, itidem Christianorum

hostis infensissimus. Fœdissimo hoc pediculari morbo, præter alios tyrannos plurimos, periere quoque Herodes Aſcalonita, qui ad intercipiendum ſemper-virginis Mariæ partum, infantes Bethlehemiticos trucidavit, teſte Joſepho lib. 17. antiq. c. 10. Herodes Agrippa adulatorum plauſu & vocibus, in theatro Cæſaræ Deuſ ſalutatus; quo mendacio cùm delectaretur, ab angelo fœdiſſimâ hac *φθηνός* percuffus legitur, Actor. 5. Ex qua, cum ingenti & membrorum & conſcientiæ cruciatu, lamentiſque, nullum uſpiam in terris hominem ſe miſeriores vivere, quinto die poſt expiravit; itemque Antiochus Epiphanes Syriæ rex, qui in templo Hieroſolymitano ſtatuum Jovis Olympii erexit, ſummamque tyrannidem in Judæos, religionis ſuæ conſtantes & liberos deſenſores, exercuit, 1. Maccab. 6. & 2. Maccab. 9. Et quis verò præterea tragicos ignorat exitus Neronis, qui Chriſtianos urbis incendio inſimulatos, ſceleratè contrucidavit: Caligulæ, qui ſe cœu Deum adorari edixit; Domitiani, qui ſe Deum vocari, ſcribi, & coli voluit; & aliorum omnium, qui honores ſoli Deo debitos, aut ſibi vindicare, aut Deo tollere voluerunt. Plenæ ſunt omnium ætatum hiſtoriæ ſimilibus exemplis: quæ nec noſtro etiam ſeculo nobis deſunt. Aliquot abhinc luſtris plerique Reges & Principes Babyloniciſ poculis inebriati, Papæ antichriſto adverſus Chriſtum, lupo adverſus agnum

agnum militarunt; è quibus nonnulli in ipso, quod agitabant, scelere periere; nonnulli quoq; à triumpho in tumulum sunt elati. Horum è numero sunt Franciscus primus, rex Galliae, biennio post persecutionem Waldensium Christianorum, in Gallia Narbonensi extinctus: Maria, Angliae regina, triennali Evangelicorum persecutione, à Reginaldo Polo Cardinali excitata, famosissima, cū in centore isto suo, uno eodemq; die extincta (*anno Christi 1558.*) Franciscus Lotharingus, Dux Gvvisius, nondum elapso anno, post Vassegianam Christianorum in Comitatu Campaniae stragem, in Aureliae obsidione, tribus sclopeti globulis trajectus; qui paucis diebus post, inter magnos cruciatus expiravit: Carolus nonus, rex Galliae, nuptiis & horis Parisiensibus notissimus, biennio post, acuta febre cum multa sanguinis effusione extinctus: Henricus, Princeps Gvvisius, non multò post irruptionem & tyrannidem in Comitatu Mompelgardico, cū in Henrici tertii, Galliae regis, vitam insuper conspiraret, confossus (*anno Christi 1588.*) Jacobus, Marchio Badensis, apostata, qui Pontificiam religionem in ditiones suas reducturus, ipsa die Ecclesiarum consecrationi deputata, dysenteriam corruptus, animam efflavit (*anno Christi 1590.*) Neque verò solùm naturali aut violenta morte, Deus regibus, vassallis suis foedis fragis, regna eripit; sed & de sede eos suam depositurus, infelicitate

eventuum, & errore in consiliis, punit; ut nolentes volentes, Imperio relicto, cœnobii se includant. Exemplo sunt ex Græcis Imperatoribus, Michaël Curopalates, Isacius Comnenus, Michaël Ducas, & nonnulli alii: ex Germanis Imperatoribus, Carolus Quintus, qui ante bellum Germanicum instinctu Papæ & Pontificiorum, religionis ergo, motum in Johannem Fridericum Ducem Saxonie Electorem, & Philippum Hassie Landgravium, fortissimus fuit & victoriosissimus; quarum rerum gestarum successu, confidentior factus, cum in comitiis Augustanis armatis, Pontificiam Interreligionis formulam Principibus protestantibus & statibus Imperii intruderet, ejus fortuna paulò post subitò instar Bellerophontis pegaso in cælum evolare conati, mutata est; Meti nimirum imperiali urbe amissâ, OEniponte deinde à Mauritio Electore, & Principibus fœderatis fugatus, & religionis pace Passaviae ipsi extortâ, non multò post, Imperio Electoribus resignato, omniumque regnorum & provinciarum Belgicarum gubernatione traditâ Philippo filio, in Hispania cœnobio se inclusit. De qua vitæ Cæsaris commutatione epigramma quidam fecit non inscitum.

*Cæsar eram, theotimus ero, do robur & arma
Petro, ut sit frater, qui theotimus erat.*

*Imperii tibi frater onus, tibi regna, Philippe,
Linquo, subjectis damna, jugum & gemitum.*

Hoc

Hoc foscuro & his exemplis admoniti Reges & Principes, quod regnant, in totum soli Deo, Regum Regi Opt. Max. acceptum referant; seq; ejus ministros, clientes, beneficiarios & vassallos, cū debitā animi submissione agnoscant, cumque cum timore & tremore colant atque revereantur, nec tributum ipsi suum, cultum nempe divinum aut intercipient, aut averrere tentent; nec ullā aliā in re divinam sibi jurisdictionem usurpent, id quod propriè affectati regni crimen est, *ne balthæum eorum solvat*, (Job c. 12.) & solio deturbet, aut etiam ferreo eos sceptrō conterat, & tanquam vas fictile diffingat.

Subditi verò meminerint, quoniam Reges Dei tantum vicarii sunt; nec verò vicariis, nisi eorum, quorum personam gerunt, causā, honos defertur: Regibus propter Deum, non adversus Deum, Deo servientibus, non adversantibus esse obtemperandum.

F L O S I I I.

Principum est, veram Christi religionem adversus tyrannos defendere.

DEus Opt. Max. electo ex omnibus nationibus populo Israëlítico, à quo secundum legis suæ normam coleretur, & in quo Ecclesiam

haberet constitutam, fœdus cum illo pepigit, ut suus esset populus, eumq; obligatum voluit legi suæ curandæ, Ecclesiæq; tutandæ, & è contrario idolis gentium exterminandis, ut cùm alibi passim, tum imprimis Deut. 27. 28. & 29. & Jos. c. 24. hoc videre est. Et hoc fœdus deinceps subinde repetitum, perpetuoque confirmatum legimus, postquam populo petenti dati sunt Reges. Sic n. Samuel propheta, 1. Reg. 12. Saule rege constituto, inter alia Israëllem affatur: *Tam vos, quàm Rex vester, qui vobis præfectus est, sequimini Deum vestrum, cui placuit vos suum eligere populum; quem si neglectui habueritis, & deserueritis, tam vos, quàm Rex vester peribitis.* Hic vice Dei stipulatur Samuel; an non promittant, se daturos operam, ut Deus Ecclesiam suam in medio ipsorum perpetuò habeat? Spondet populus, spondet Rex, & quidem conjunctim, non divisim; non ex intervallo, sed in continenti. Et in ejusdem penè stipulatione, uterque tam populus, quàm Rex, tanquam duo rei manifestè conjunguntur. Idem nimirum hinc observavit Deus, quod in civilibus negotiis inter dubiæ fidei homines fieri consuevit, ut duo pluresve in unam summam obligentur, à quorum unoquoque, tanquam principali, Deo solidum petatur. Quia enim lubricum erat, Ecclesiam uni committere homuncioni; (poterat siquidem Rex in tam lubrico cõstitutus gradu, faciliè in impietatem delabi) ideo uni-

verso

verso potius populo eam commendare & committere voluit, à quo magis quoque, quam à Rege suum tributum remque integram petit; quò plures & difficilius labuntur, & magis solvendo sunt, quam unus. Et hinc est, quòd Regibus fœdus hoc negligentibus prophete Judam, domum Jacobi, Samariam, tanquã alterum promittendi reum, perpetuò alloquantur, ut sui eos officii admoneant; nec id tantum, ne Baali sacrificent ipsi, sed ut Baalem quoque, ejusque sacerdotes, Rege vel invito, vel reclamante, deturbent atque exterminent. Sic nimirum Elias propheta, totius regni synodo in monte Carmelo convocatâ, Achabi regis impietatem & idololatriã, eademque prophetarum Domini arguit; Baalisque sacerdotes, deterrimæ idololatriæ reos peractos, heroico zelo accensus mactat, Israëlitis itrenuè suam illi operam in hac strage edenda locantibus.

3. Reg. 18. Hinc quoque est, quòd, quotiescunque Regi legem divinam violanti Israël non obstitit, uterque, tam Rex idololatriæ & perfidiæ suæ, quam populus conniventia & socordia suæ poenas dedit. Sic nimirum (anno mundi 2889) intertio Saulis bello Philistino, non solum ipse Rex tristissimo exitu periit, sed & miserandam filiorum suorum mactationem, maximaque exercitus sui internecionem vidit, 1. Reg. 28. Deo justissimo scelerum vindice, populum ipsum quoque ad supplicium trahente, quòd Sauli regi legem

divinam violanti, non modò non restitit, sed & pios, Davidem puta & sacerdotes Domini, impiè persequenti, quodammodo applausit. Sic quoq; legimus 2. Reg. 21. famem triennem sub Davide accidisse ob Saulis scelus; qui, ut tribus Jude possessiones amplificaret, fidem publicam Gabeonitis à Josua datam fregerat, & ex stulto zelo erga legem Dei, quâ jubentur omnes gentes è terrâ Cananæâ extirpari, quosdam ex Gabeonitis jugularat. Quo sanè factò violabatur secundum pariter & quintum præceptum; Deus siquidem ipse hujus pactionis erat testis, & innocuos ille injustè interfecerat. Utraq; ergo Legis tabula vindicanda erat, nec in Saule tantùm, qui scelus istud perpetravit, ejusq; familia, sed & sceleris hujus universus tenebatur populus, qui cum debuisset & potuisset publico & manifesto sceleri sese opponere, negligenter tamen tulit. Pari modo Davide rege ex merâ ambitione, & stultâ πολυπραγμοσύνη censum populi agente, tam Rex ipse, quàm universus populus, repentinâ lue pœnas hujus criminis luit; Deo justissimo vindice, tanquam πολυμέχῳ, legionis universæ delictum, universali terrore, particulari quorundam supplicio, quadam quasi decimatione castigante, 2. Reg. 24 & 1. Par. 22. omnes siquidem Dei iram provocarant; David quidem impia præcipiendo, legemq; Dei (Exod. 30.) prævaricando; præfecti populi, quos Israëlitis nomine reclamare oportet.

oportuisset, aut connivendo, aut segniùs repugnando: universi deniq; ad eum delectum comparando. Ideo quoque non modò Rex, sed & Seniores populi, qui universitatem representant, saccum induerunt, seque cinere consperserunt; quod tamen propter Davidis parricidium adulterio cumulatam, neutiquam accidit. Quoniam ergo Regū peccata, & pravaricatio legis divinæ, non rarò damno fuere populo Israëlítico, ideo omnino hic non modò cavebit, ne quid suâ culpâ negligentiave sensim introducatur, quod temporis tractu purum Dei cultum queat corrumpere: sed nec crimina in majestatem divinam commissa tolerabit; imò Regem ipsum legem Dei impiè abrogantem, Ecclesiamq; vastantem, coercebit, ei que omnibus modis resistet, non tantum verbo, sed & vi, si vi oppugnabitur; imò & dolo bono, si dolo; cum nihil intersit, ubi justū bellum susceperis, utrum aperte pugnes, an ex insidiis, modò absit perfidia, quæ nusquam licita est. Hic tamen illud probè est notandum, populi universi nomine nos minimè intelligere promiscuam illam multitudinem, turbam turbulentam, beluam multorum capitum; sed qui à populo acceperunt auctoritatē, magistratus nempe rege inferiores à populo delectos, aut aliā ratione constitutos, quasi regni consortes, regumque ephoros, qui universum populi cœtum representant. Hujusmodi in regno Israëlítico erant se-

p[er]uaginta Seniores, quibus p[re]erat summus sacerdos, qui de rebus summis judicabant; Principes item trium, in singulis singuli; judices denique, & p[re]fecti singularum urbium, h. e. chiliarchæ, centuriones & cæteri, qui totidem familiis p[re]erant. Hujusmodi hodie in Imperio Germanico - Romano sunt Electores & Principes, Comites & Barones, itemque urbes Imperiales. In cæteris regnis Officarii regni, Pares, patritii, optimates, & cæteri ab Ordinibus delecti, è quibus conflatur aut Concilium, Parlamentum, Diæta, cæterique conventus in diversis regionibus, diversa nomina sortiti. Qui, ut singuli Reges sunt inferiores, ita universi superiores, & hi omnes, quo gradu tandem sunt, æquè ac Reges ipsi Dei sunt villici & vassalli; qui licet non diserte, ut olim populus Israëliticus, tacitè tamen spondent, se curatores, ut Deus ex legis p[re]scripto in medio sui colatur; qui idcirco Regem officium suum deferentem & exhibentem omnibus modis, quibus possint, coërcere tenentur. Exemplo sit Jojada, summus sacerdos, qui Attaliæ tyrannidem occupante, temploque Dei abolito Baalis fana erigente, consilio cum proceribus Israëlitis clanculum inito, Joam regem divinitus à cæde Attaliæ servatum, septimo ætatis anno ungendum curavit, aviâ nec quicquam reclamante, quam à regio exturbatam solio, & ex templo extractam obtruncavit, 4. Reg. ii. Hoc in Jojadæ facinore.

facinore ejus elucet fides in promissionem divinam Davidi factam; zelus pietatis & gloriæ Dei, fides in suum Regem & populum; fortitudo in adeundis pro Republica periculis; prudentia denique & industria in tota re gubernanda. Minimè itaque ceu injustum & impium facinus improbandum. Nec enim Jojada sacerdos, ad quem rerum quoque civilium cognitio pertinebat (judicia siquidem ex lege divinâ tum administrabantur) oppugnabat regnum, sed tyrannidem; nec solùm tyrannidem absque titulo, ut Jurisconsulti neoterici loquuntur (lex enim regni Judaici mulieres ad sceptrum non vocabat) sed etiam tyrannidem cum exercitio. Attalia namque regnum non modò invaserat nepotum, summo scelere; sed & scelera sceleribus cumulabat, quorum caput erat, quòd, neglecto vero Deo, Baalem adorari præcipiebat. Quòd autem Jojada de more comitia in Mizpa non indixit; quòd item furtivè ista consilia, de Attalia obtruncanda, cum Judæ Principibus & Levitis iniit, neutrum culpatur; alioquin enim res minimè, nec pro voluntate successisset: fuitq; hæc bona & necessaria conjuratio, licet seditionis præ se ferat speciem. Quia ad bonum finem tetendit, & ab iis inita est, qui Reipublicæ curam suscipere debebant, Rege non existente. Quemadmodum enim tutor diligenter cavere debet, ne pupilli bona depereant;

quod nō fecerit, actione tutelæ tenetur: ita & hi populi salutē tueri tenentur, qui se totum ipsorū curæ tradidit & credidit, suasq; in ipsos actiones omnes quodammodo transtulit. Non dissimili ferè modo Antiocho Epiphane, rege Syria, qui Hierosolymâ per dolū captâ, in templo statuam Jovis Olympiaci erexerat, Judæis mandante, ut, Deo vero deserto, suam ipsius sequerentur legem; Mathathias, Maccabæorum parens, solus & unus ex optimatibus, cæteris partim conniventibus, partim colludentibus, nō modò impio Regis mandato detrectavit parere, sed & pio zelo correptus, civem in patria sua idolis sacrificantem, manu suâ transfodit, Regisq; legatum, Apollonium, impiū hoc mandatum urgentem, eodem fervore prostravit; insuperque ad libertatem popularibus suis civibus Modinensibus convocatis, Antiocho furenti primus se & solus ex omni nobilitate opponens, pro aris & focis bellum adversus eum ita prosperè gessit, ut Hierosolymam recuperaret, & armis gentilium in Ecclesiæ perniciem conjuratis, fractis atque debilitatis, purum Dei cultum restitueret, 1. Mac. 2. & 2. Mac. 5. Sic & superiori seculo, Johannes Fridericus, Dux Saxoniae Elector, & Philippus Landgravius Hassiæ, summum scelus esse rati, si quis Deum; verè omnium proprietarium dominum, jubere Rege, Dei vasallo & ministro, ablegget, ab eoque deficiat, aut etiam urbibus suis expellat,

pellat, aut in manus hostium prodat; Carolo V. Cæsari, ex Papæ, Principumque & Episcoporum Pontificiorum instinctu, bellum Ecclesiæ Christi inferenti, purioremque religionem pio Lutheri aliorumque doctorum ministerio in Germania disseminatam, armis funditus extirpare conanti, armis fortiter restiterunt. Quo in bello, licet ipsi in Cæsaris victoris potestatem venerunt; à verâ tamen religione, quam summâ semper constantiâ professi sunt, nec minis, nec vi, nec contumeliâ, multò verò minùs blanditiarum *ἑλγήτοις* abduci potuerunt; quâ piâ in asserendâ religione constantiâ effectum, Deo, cujus in manu corda sunt Regum, Cæsaris conatus ita dirigente, ut horum provinciæ *ab Augustanâ Sphinge, & Pontificiâ Interreligionis formulâ*, quam aliis Principibus ille obtrusit, immunes relinquerentur.

Neque verò hoc facto ullam rebellionem fenestram aperuisse censendi sunt. Nec enim à Rege, sed ab Antiocho; non, inquam, à Republica, sed à privatâ unius pluriûmve tyrannide, extremâ necessitate urgente, secessionem facere: sed nec hostili animo, Cæsaris imperio sese subtrahere: utpote cujus imperata æqua & justa facere nunquam recusarunt: nec tributa oneraq; consueta detrectarunt; illud tantum tributi Deo quod debuerunt, interverti sibi noluerunt: imò nec suis armis Cæsare lacefferunt, sed laceffiti ipsi armis insidiisque petiti, vix tandem imminente undi-

quaque morte, arma induerunt, quibus se ad-
 versus vim illatam tuerentur, ut in Apologia sua
 ad proscriptionis tabulā, apud Sleidanum lib. 18.
 ipsi disertis verbis ostendunt. Neq; verò solum
 impia sacra à suis arcere mœnibus, sed & cæteris
 Ecclesiæ membris vexatis opem ferre tenentur
 Principes. Est enim unica Ecclesia, cujus caput
 CHRISTUS; & cujus membra ita inter se co-
 hærent atq; consentiunt, ut ex illis ne minimum
 quidem vim læsionemve pati possit, quin cæteræ
 lædantur, & dolorem percipiant. Hęc Ecclesia ut
 unica est, & prius Palæstinā tantum circūscripta,
 nunc verò per universum orbem diffusa; ita sin-
 gulis Principibus Christianis, nunc in universum
 & in solidum est commendata atque commissa,
 ut eam & propugnent, & quantum possunt, pro-
 pagandam curent; idque exemplo Ezechix &
 Johæ, regum Judaicorum pientissimorum, qui
 non suum modò regnum, verum etiam Isiaëlitic-
 um, quod Assyriorum regibus tunc parebat, à
 cultu idolorum repurgarunt; piis, ex tribubus
 præsertim Manasse & Ephraim, strenuam ipsis
 operam in diruendis fanis navantibus, 2. Paralip-
 pom. 31. & 34. *Nimirum, ubi Dei gloria, ubi Chri-
 sti regnum alitur, nulli limites, nulli fines, nulli can-
 celli, piorum Principum zelum arcere debent.*
 Horum exemplum laudatissimum æmulatus
 Constantinus Magnus Orientis Imperator, Ma-
 xentium primum tyrannum in Christianos de-
 fœvi-

szientem, fulgidæ crucis auspicio ad pontem
Mibrium superatum, Tiberinis gurgitibus ab-
sorberendum dedit, anno Christi 312. Licinium
dehinc, Occidentis Imperatorem, Christianos
pariter divexantem & contrucidantem, bello
petiit; liberumque religionis cultum Christianis
vi impetravit; fidem denique frangentem, Theſ-
ſalonicæ morte mulctari jussit, teste Eusebio
libr. 9. historiæ Eccles. cap. 9. & ult. & tripartitæ
historiæ libr. 1. cap. 5. & 8. Sic & Theodosius se-
cundus, Imperator, Attico Episcopo suadente,
adversus Istigerden, Persarum regem, bellum
suscepit; ut Christianis religionis ergo vexatis
succurreret, ut author est Sozomenus lib. 7. c. 12.
Pari modo nec Regum & Principum Europæo-
rum improbamus expeditiones, in Syriam toties
adversus Saracenos susceptas, ut Dei Ecclesiam
tyrannide, & Christianos servitutis jugo libera-
rent: non autem, quemadmodum multis à Papâ
Romanensi persuasum tunc fuit, ut Chri-
stianam religionem armis suis propagarent,
atque ita Ecclesiæ pomœria dilatarent; (*re-
ligio enim cogi non potest; & verbis, non ver-
beribus constituitur*, ait Lactantius libr. 5. In-
stitut. div. cap. 20. & 21.) multò verò minùs,
ut indignam Servatoris nostri mortem ulci-
scerentur, quem tamen non Saraceni, sed Judæi
crucifixerant; quemadmodum has duas belli
adversus infideles suscepti causas recenset

Froßardus lib. 3. Quis verò piam, Principum Germaniæ, Johannis Friderici primi, Ducis Saxoniz Electoris, & Philippi Landgravii Hassiæ, improbabit zelum, qui à sociis foederis Schmal-kaldici civitatibus, Goslariâ & Brunsvvico, quas Henricus Dux Brunsvvicensis, religionis ergo, perpetuis divexare excursionibus atque rapinis non desistebat, posthabitis etiam ipsius Cæsaris & Ferdinandi regis interdictis, ad opem ferendam sollicitati, suppetias tulerunt? Quo de bello lege Sleidanum lib. 14. Utiq; enim, *ut, qui quem neci eripere potest, nec tamen eripit, a què tenetur, ac is qui occidit; quia enim opem ferre noluit, occidi voluit*: sic, qui Christum, quem suum profitentur redemptorem, & Deum in suis membris torqueri & crucifigi ultro patiuntur, cum tamen impedire possint, Christum ipsum verè persequuntur & crucifigunt. Moses desertores fratrum comparat rebellibus Cadesbarneæ, quorum nemo, ita decernente Deo, hæreditatis promissæ terram ingressus est, Deut. c. 1. Sic nec ex cælesti illâ hæreditate per Christum partâ, particulam percipient ullam, qui Christo in membris suis afflicto, opemque ostiatim quasi imploranti, non subveniunt; Christo ipso, igni eos infernali mancipante, qui ipsum inopem non juverunt; nudum non vestierunt, peregrinantem non susceperunt, captivum non liberarunt.

Sic ergo tandem concludimus, Principes cæterosque

terosque regni officarios, populi auctoritatem penes se qui habent, tam plures, quàm singulos, Regem impia jubentem, aut pia vetantem, intra suas metas continere & coërcere posse & debere; nō fecerint, si saltem potuerint, ex fœdere cū Deo inito graviter peccare, & divinæ majestatis esse reos: eosdem præterea, cæteris suis fratribus religionis causâ vexatis, auxiliarem manum ut porrigant, omnino teneri; ac nō fecerint, homicidium eò gravius committere, quò plures, quos liberare possunt, interficiunt; & quò fratrem, quàm quemlibet, occidere sceleratius est.

F L O S IV.

Principum est, tyrannos vel Rempubli-
cam opprimentes vel perdentes, vi
cohercere & oppri-
mere.

QUæ de Principum officio, in iis cohercendis tyrannis, qui luci Evangelii flammæ, verbo Dei verbera, gladio Spiritus acies instructas opponunt; omnesque, quantum in ipsis est, ad impia sacra, oblati tormentis adigunt, modò diximus: ea quoque locum habent in illis Regibus vel cohercendis, vel opprimendis, in tyrannos qui degenerantes Rempubl. consultò evertunt, jura protervè pervertunt, nullamque fidei datæ,

nullam conventionum, nullam justitiæ, nullam pietatis curam habent. Quoniam enim Reges regiam à populo accepere dignitatem, utpote à quo cõstitutos, sacra partim Saulis, Davidis, Salomonis, Roboami, Uriæ testatur historia, 1. Regum 10 & 11. 2. Reg. 2. & 5. 3. Reg. 1. & 12. & 2. Par. 26. partim ex Herodoto quoque liquet, lib. 5. disertis verbis scribente, apud Medos, Dejocen, ex arbitro judicem, è judice Regem creatum; partim denique ex Livii lib. 1. videre est, ubi scribitur, cùm Romulo sublato, centum senatorum interregnum Quiritibus minùs gratum esset, convenisse, ut deinceps Reges suffragiis populi, cõprobante senatu, deligeretur; (ex quo Marcus Cicero Offic. 2. Non apud Medos solùm, ut ait Herodotus, sed etiam apud majores nostros, servandæ justitiæ causâ, videntur olim bene morati Reges constituti.) & quanquàm in quibusdam regionibus, ubi Regum filii nepotesque regna sibi quasi hæreditaria fecisse videntur, libera electionis facultas quodammodo desiit: mansit tamen perpetuò in omnibus bene constitutis regnis ea consuetudo, ut demortuis non priùs succederent liberi, quàm à populo de novo quasi constituerentur, nec tanquam sui hæredes patribus agnascerentur; sed tum demum Reges censerentur, cùm ab iis, qui populi majestatem repræsentarent, regni investituram quasi per sceptrum & diadema accepissent: Quoniam, inquam,

quam, Reges à populo regiam accepere dignitatem, utiq; populus universus (quo nomine intelligimus Electores, Principes, Palatinos, Ordinū conventus, omnes regni Officiarios, qui auctoritatem habent) Rege potior est & superior; ipse verò Rex regni tantum supremus existit minister atq; actor. Unde quoque, quæcunque Rex aut bello acquirit, aut cum finitima occupat jure belli, aut jure dicundo, atq; in fiscum rediguntur; acquirit ipse nō sibi, sed regno; populo, inquam, qui regnum constituit, nec ulla cum ipso, nisi auctore populo, obligatio contrahi potest. Et hinc est, quòd Imperator Germaniæ, antequam coronetur, sanctè jurat, se ex his, quæ ad Imperium Imperiiq; patrimonium pertinent, nihil alienaturum, distracturum, oppignoraturumve; si quid verò recuperet, aut acquirat viribus publicis, Imperio, non sibi quæsitum iri; ut tam ex aureâ Bullâ, quàm ex coronatione Caroli V. apud Sleidanum lib. I. videre est. Et hoc juris in cæteris quoque regnis hodie usurpatur. In hoc itaque fœdere sive pacto, quod in constituendo Rege inter ipsum & populum intervenit, stipulatoris partibus, quæ in jure potiores censentur, fungitur ipse populus, cui Rex purè promittit, se justè & secundum leges regnaturum; populus demum sub conditione justè imperanti, Reipublicæ inservienti, jusque unicuique suum tribuenti, fideliter se obtemperaturum obligat;

quæ conditio si non impletur, populus ipso jure omni obligatione solutus censetur. Mutuæ autem hujus inter Regem & populum obligationis, quæ siue civilis, siue naturalis tantum sit, siue tacita, siue verbis concepta, nullo pacto tolli, nullo jure violari, nullâ vi rescindi potest, tanta vis est, ut Rex, qui eam contumaciter violet, tyrannus; populus, qui ultrò rumpat, seditiosus verè dici possit. Et hujus pacti, siue foederis, custodes & vindices sunt, ipsi regni officarii, populi majestatem qui repræsentant. Ex his intelligitur, Regem pactum hoc perfidè & pervicaciter violantem, in populum tanquam feudi dominum, feloniam (id est, facinus capitale) committere; Regni Imperiique sacram majestatem ledere, & rebellem esse; ac proinde à superiore justissime deponi posse, vel etiam ex lege Juliâ de Republ. gravissimè puniri. In his tamen coercendis cautè procedendum. Quoniam enim & Reges nati sunt homines, nec perfecti semper haberi possunt, sed vel mediocribus contentos nos esse oportet; ideo non, si quibusdam in rebus Rex modum non servat; non, si rationi interdum non obtemperat; non, si segniùs utilitatem publicam curat; non, si aut in jure dicundo minùs diligens, aut in bello propulsando minùs est acer; continuò tyrannus erit; (illum siquidem prudentiâ juvare potest senatus, juris cognitione prætor, belli peritiâ tribunus) sed quando Rempubl. subruit,

ex uni.

ex universis prædam agit, omnium vitæ insidia-
tur, omnem fidem violat, omnem sacri jurisju-
randi religionem contemnit; tunc demum tyran-
nus, h. e. Dei hominumq; hostis judicari potest.
Præterea, ut Regi non quidlibet licet, ita nec po-
pulo sæpe, quod licet, expedit; & sæpe remedium,
quod adhibetur, ipso morbo deterius esse depre-
henditur: itaq; omnia prius, quàm arma, experiri
sapientem decet. Si quid ergo per vim fraudemve
à Rege adversus Rempublicam geri viderint, qui
populum repræsentant; principiis statim obstant,
Regemque sui officii admoneant, nec expectent,
dum malum ingravescat, & vires acquirat. Est
enim tyrannus feбри hecticae similis; quæ primùm
facilis curatu, difficilis cognitu, postea verò co-
gnitu facilis, curatu perquam difficilis evadit. Sin
pergat, nec sæpius admonitus resipiscat, sed eò
tantùm tendat, ut quidvis impunè patrare possit;
tunc sanè tyrānidis reus est peractus, & quæcunq;
adversus tyrannum seu jure, seu justā vi licent,
adversus eum, ceu hostem patriæ rei; publicæ,
adhiberi queunt. Sic nimirum, ut ab Imperato-
ribus Romanis ordiamur, Nero, impura scele-
rum omnium sentina, post majora numero fla-
gitia, à senatu hostis patriæ judicatus, uncoq; &
Gemoniis damnatus, supplicium hoc violentā
morte *αὐτόχθον* prævertit. Aulus Vitellius, vir
nefarius & sanguinolentus, itidem à senatu da-
mnatus, religatus post terga manibus, & laqueo

cervicibus injecto, nudus ad Gemonias ductus
 scalas, ibi excarnificatus, numerosissimisq; icti-
 bus confossus, in Tiberim tandem est projectus
 (*anno Christi 70.*) Didius Julianus, cum totus
 in obscenis voluptatibus, & æratio expilando
 esset occupatus; senatus autoritate, Imperio
 ipsi abrogato, à Septimio Severo in abditas pala-
 tii balneas ductus, ibique extentâ damnatorum
 instar cervice est decollatus (*anno Christi 194.*)
 Maximinus quoque decreto senatus hostis Rei-
 publicæ est declaratus, inq; ejus locum à senatu
 subvecti Maximus & Albinus (*anno Christi 239.*)
 Stauratius à Nicephoro patre in Imperii socie-
 tatē adscitus, eo defuncto, ob corporis deformi-
 tatem, ingenii stoliditatem, & turpem libidinem
 à senatu Constantinopolitano dejectus Imperio,
 monachum profiteri est coactus (*anno Christi*
811.) Romanus Diogenes maximâ suorū clade
 à Turcis captus, ab illis tamen honorificè habi-
 tus atque dimissus, cum domi bellum denuò pa-
 raret, à senatu captus oculisque privatus, in in-
 sulam Proten est relegatus (*anno Christi 171.*)
 Andronicus Comnenus, lupinâ sævitiâ nulli se-
 cundus (*anno Christi 1183*) Alexio agnato & pu-
 pillo perfidè strangulato, Imperium invaserat; &
 quò tyrannidem stabiliret, brevi quoq; procures
 omnes, quorum suspectam virtutem habebat,
 trucidarat. Bello itaq; à Wilhelmo Siciliae rege,
 impuberis Alexii cædem vindicaturus, undique
 pressus,

pressus, ab Isaaceo Angelo, quem ad supplicium destinarat jam, præter suam omniumq; opinionem ab Imperio dejectus captusque, & alterâ manu oculisq; mutilatus, asinæ præposterè impositus; capite aliorum recte loco diadematis præcincto, bestiaque caudâ manibus pro sceptro alligatâ, spectaculum factus mundi, turbæ tandem tumultu lacerperiit. Pari modo Romano-Germanico Imperio dejectum fuisse legimus Wenceslaum, regem Bohemiæ, qui à patre Carolo Quarto successor in Imperio dictus, cunctis quidem Electorum, at multo pretio coëmptis & extortis suffragiis, cum per ignaviam & socordiam Imperii res miserè affligeret; passus sibi eripi regalia jura, Ducatus præsertim Mediolanensis; præsentique rerum statu contentus, nec præterita corrigere, nec futura præcavere curaret; adeoque ingenio esset hebeti, stolido & sordido; animo verò non tantum à Republica, sed penè ab omni honestate alieno, & ad immanitatem usque sævo ac truculento; corpore denique ignavo, vino saltem & Veneri dedito, bis Imperio omnium suffragiis est ejectus, mense Majo & Augusto 1040. Ad eundem modum & Franci, concilii publici authoritate, curantibus regni Officiariis, Childericum primum, Theodoricum & Childericum tertium, partim propter tyrannidem regno expulerunt; partim etiam propter desidiam, ignaviam & insaniam, propter

quam aut exterorum injuriis, aut adulatorum mulierumve libidini & impudentiæ patebant, exautorarunt; & quasi Phaëthonti habenas abstulerunt, ne universi eodē conflagrarent incendio. Pari modo Eduardus secundus, Angliæ rex, levis, futilis & ignavus, bis tēve Scotiā ejectus non sine suorum clade; cū domi ē primoribus multos supplicio afficeret, Spenserosque pravorum consiliorum authores nimis efferret; à Parlamento regno indignus judicatus, à filio & uxore Isabellā arctissimæ custodiæ mancipatus, in ea fœdo mortis genere periit (*anno Christi 1326.*) Consimiliter Christiernus, Daniæ & Suetiæ rex, ob tyrannidem & crudelitatem, quam cū in omnis generis homines, tum præcipuè in senatū Holmensē, & proceres Suecos exercuit, mortuis ipsis non parcens (*anno Christi 1522*) à regni proceribus, itemque Lubecensibus, & Friderico patruo, regno exactus; post decemnale exilium, comparatis in Belgico copiis, spe regni recuperandi reversus, captus, custodiæque mancipatus; in diuturnis tandem viginti septem annorum vinculis expiravit (*anno Christi 1599.*) Sic & cū Maria, Scotiæ regina, Henrico Stuarto, marito suo dolosè interfecto (*anno Christi 1565*) Jacobum Hephornum, Bethuliæ comitem, quem vivente adhuc marito in intimam familiaritatem admiserat, præcipitatis duxisset nuptiis; indignitate tanti flagitii proceres aliquot, parricidii vindices,

dices, moti, armis adversus reginam captis, deditam ejurare regnum, & filio infanti constituto pro Rege, tradere coëgerunt; ipsam verò in Levi-ni lacus insulam relegarunt; ubi persuasis custodibus insequenti anno elapsa, & Hamildoniorū copiis ad maternos in Galliam amicos proficisci cogitans, per Angliam iter instituit. Verum ibi detenta, cum al. æ atque aliæ subinde conspirationes adversus Angliæ statum, ipsius nempe liberandæ, & utriusq; regni ipsi tradendæ causâ, Papâ instigante, institutæ retegerentur, diligentius custodita est; donec tandem vitæ quoque reginæ Elisabethæ aliquoties structis insidiis, in judicio senatus regni Anglici, capitis damnata est (*anno Christi 1587.*) Non multum dissimili modo regno Suerico excidit Ericus, qui sub initium septennalis belli, quod intulit Friderico secundo, regi Daniæ, fratrem Johannem captum in vinculis toto belli istius tempore detinuerat, necique jam destinârat: quem tandem sceleris conscientiam in rabiem versum Johannes è carcere eductus, procerum populiq; voluntate Stocholmiæ obsessum, urbe deditâ, iisdem, in quibus antea se detinuerat, carceribus inclusit; exemplo eum constituens Regibus & Principibus, ne potentiâ elati, aut dominandi cupiditate impulsî, bella non necessaria contra finitimos moveant, nec injustè ac violenter subditos opprimant; atque ita sibi ruinam, regno publicas cala-

mitates accersant. Neque verò propterea incurrent Principes, & cæteri regni Officiarii in crimen vel seditionis, vel majestatis. Seditiosi enim non sunt, qui leges, qui Rempublicam, qui se & alios tuentur. Majestatis verò crimen committitur tantum in legitimum Principem, qui nihil nisi lex est animata; & in Rempublicam, quæ ibi demum est, ubi legum valet autoritas, non ubi privata tyranni libido rempublicam absorbet. Tantum quoque abest, ut perduelles & perfædi censeantur, ut multò potius fidelissimi sint sui juramenti observatores, tam erga eos, quorum gubernationem suscepere, quam eiga perjurum & regni oppressorem, cujus protector esse debuerat. Non itaque modò licet, sed & ex officio his incumbit, tyrannum quovis modo coercere; utpote, quibus & ipsis Respublica est concredita, tanquam contutoribus, & cujus salutem ipsi quoque se curaturos promiserunt; & in qua administranda ut Rex primas, ita illi secundas tertiâsve tenent partes, suas quique suo loco. Minimè igitur, Rege fidem suam frangente, suo se idcirco sacramento absolutos putabunt; quin potius, si colluserint, prævaricatorum; si conniverint, desertorum & proditorum; si Rempubl. à tyrannide non vindicaverint, tyrannorum numero ipsi censebuntur. Imò quoque si optimatum unus, cæteris colludentibus aut conniventibus, grassantem tyrannidē animadvertat, ex animoq;
excre-

excretur; utiq; à suis saltem finibus eam arcere tenetur; exēplo Mathathiaë, qui, Antiocho regnū Judaicum tyrannicè opprimente, non tantum pro aris, sed & pro focis, pro patriâ, inquam, non minùs, quàm pro religione à tyrannide istâ vindicandâ, suos populares est exhortatus. Sic & Arpaces Mediæ præfectus, Sardanapalo Assyrio, regni curâ prorsus neglectâ, inter pellices suas lanam trahente, regiasq; opes in eas profundente, ceteris proceribus dormientibus & conniventib. biennali cum obsidione pressum, Ninivâ captâ, unâ cum scortis suis ad rogam tandem compulit (*anno mundi 3148.*) Quemadmodum igitur nautarum quilibet, si navarchi culpâ negligentiaë navis periclitetur, manum admoveere tenetur: ita in politica hac navi, si Regis collegarumq; scelere vel desidiâ Respublica pereat, optimatum quilibet pro virili laboranti Reipublicę succurrere, regnumque in solidum, ejusve saltem eam partem, sibi quæ commissa fuerit, à tyrannide vindicare tenetur; neque hoc tantum, sed & vicinis tyrannide oppressis auxiliarem manum porrigere, & extra suos proflire limites, non quidem ut invadat aliena, sed ut suis Regem, pietatis & justitiæ limites violenter transilientem, contentum esse jubeat. Sic nimirum Constantinus Magnus à Romanis in Maxentium tyrannum accersitus: sic Carolus Magnus à patriciis Italiæ in Longobardos; sic Principes Europæi in Sara-

cenos; & multi Germaniæ proceres, in Turcas, fratribus afflictis adjutricem præbuere manum. Pietas nimirum jubet, Ecclesiam Dei tueri; justitia, tyrannos, legum rei que publicæ eversores, coercere; charitas, oppressis succurrere. Hæc qui tollunt, pietatem, justitiam, charitatem è medio tollere, & extinguere omnino volunt.

F L O S V.

Salus populi, Principi suprema lex esto.

Regibus & Principibus colophon iste legum 12. tabularum rectissime convenit; *Salus populi suprema lex esto.* Quam legem si exequantur, fieri nequit, ut non vicissim à populo diligantur, quia natura humana prona est ad remunerandum, & Gratia ita se manibus conjungunt, ut una gratia aliam pariat. Est & Principis vera gloria, populi salus; si eam procuret, tueatur & conservet. Regem esse, sæpe hoc pendet (ut Ferdinandus Apuliæ rex dicebat) ex fortunâ sive casu: At Regem talem se gerere, ut unicus ei sit finis, salus & cura populi, hoc ex verâ gloriâ, & propriâ virtute Principis pendet. Quemadmodum enim, secundum Tullium lib. 5. de Repub. gubernatori cursus secundus, Medico salus, Imperatori victoria; sic Reipublicæ moderatori beata civiû vita proposita esse debet, ut opibus firma, copiis locuples,

locuples, gloriâ ampla, virtute honesta, in primis
verò religione sancta sit. Potissimam igitur Prin-
ceps bonus curam habebit, religionis SS. propa-
gandæ, interque subditos purè conservandæ; Ec-
clesiæque Dei ab omni hæresi, corruptione & i-
dololatriâ purgandæ; idque exemplo Mo-
sæ, Davidis, Josaphati, Ezechie, Josiæ; qui, quòd Dei
Opt. Max. causam promoverunt, idola idolo-
rumque reliquias subverterunt, falsosque deorum
cultus & superstitiones funditus extirparunt,
plurimis à Deo affecti beneficiis, celeberrimisque
fuere donati victoriis: exemplo item Regum &
Principum Christianorum, quorum antesignani
sunt, Constantinus, Theodosius & Carolus, Im-
peratores Romani, re & nomine magni, qui fi-
dem Christianam multoties tyrannorum vi &
crudelitate oppressam, non modò in pristinam
dignitatem restituerunt, sed & multis ornamen-
tis, firmisque præfidiis auxerunt, & hostes reli-
gionis magno numero aut penitus extinxerunt,
aut saltè bellicâ virtute domitos, errorem suum
deponere, seque ad societatem Ecclesiæ recipere
coegerunt. Imò & proprio exemplo, veram Dei
religionem Princeps subditos suos doceat; ut-
pote, quo efficacissimè pietatis & virtutis amor
animis illorum instillatur; & in hoc ipso imitan-
dos sibi proponat pientissimos illos, quorum
modò facta est mentio, Reges & Principes, è qui-
bus David septies in die laudasse legitur, Psal. 119.

Josaphatum & Ezechiam non puduit consistere in medio cœtu Judæ & Hierosolymorum, pronosque in terra Dei implorare misericordiam & clementiam, 2. Paralip. 20. & 32. Constantinus Magnus, populo in templo congregato, studiosè exordiri solitus, sumptis in manus libris, constitutasque cum universo Ecclesiæ cœtu preces reddidit, teste Eusebio in ejus vita, lib. 4. cap. 17. & 33. Theodosius Magnus summo diluculo, cum conjugè & sororibus suis hymnos alternatim decantatos recitavit, & cum Episcopis de sacris literis disseruit, ut author est Socrates lib. 7. hist. eccles. c. 22. Alii sacras Bibliorum Pandectas nocturnâ diurnâque manu pervolutarunt, sacris concionibus frequentissimè non solum interfuerunt, sed & aures attentas præbuerunt; & quæ scitu digniora visa fuere, suos in pugillares conjecerunt; deque illis cum theologis & amicis suaviter sermocinari consueverunt. Porro, ut beata civium vita virtute sit honesta, ad omnis generis virtutes Princeps bonus eos exsuscitabit, utpote in quibus præsidii ad vivendum satis est; neque solum ad vivendum, sed ad bene beatèque vivendum. Tanti nimirum æstimanda est virtus, secundum Ciceronem in Paradox. *qua nec eripi, nec surripi potest, neque naufragio, neque incendio amittitur, nec tempestatum, nec temporum permutatione mutatur*; quâ præditi qui sunt, soli sunt divites, soli possident res & fructuosas & sempiternas, soli que
(quod

(quod proprium est divitiarum) contenti sunt rebus suis; satis esse putant, quod est; nihil appetunt, nullâ re egent, nihil sibi deesse sentiunt, nihil requirunt. Non fastidioso enim aditu virtus excitata, ingenia vivida ad se penetrare patitur; neq; haustum sui, cum aliquo personarum discrimine, largum malignumve præbet; sed omnibus æqualiter exposita, quid cupiditatis potius, quàm quid dignitatis homines attulerint, æstimat; deque captu bonorum suorum illis ipsis pondus examinandum relinquit, ut, quantum subire animo sustinuerint, tantum secum auferant. Quo evenit, ut & humili loco nati ad summam dignitatem consurgant; & generosissimarum imaginum fœtus, in aliquod revoluti dedecus, acceptam à majoribus lucem in spississimas tenebras convertant. Hinc rectè Iphicrates Atheniensis, patre sutore natus, (quem deinceps ob singularem prudentiam & fortitudinē bellicam, Artaxerxes, Persarum rex, bellum Ægypto illaturus, ducem quæsivit) cum ipsi ab Harmodio, uno de prisca illius Harmodii Pisistratidarum tyrannicidæ posteris, ignobilitas exprobraretur; Meum, respondit, à me incipit genus: tuum in te definit, teste Plut. in apoph.

Virtutum autem præstantiæ ejusmodi homines compotes fieri possunt, qui ab ineunte ætate in illis ipsis & educati fuerint & versati.

Ad quam honestam educationē leges summæ

opere necessariae sunt; adultis quidem, ut in virtute magis magisque exerceantur & conserventur: junioribus verò, ut ad virtutem, à qua alieniores sunt, cum vagam vivendi & luxuriandi licentiam vulgi more sectantur, pertrahant.

Magnum quoque ad virtutis studium calcar subditis injicit, bonum & laudabile Principis exemplum; utpote *cujus vita*, ut Plinius ait in Panegyrico, *censura est, eaq; perpetua, ad quam dirigitur, ad quam convertitur populus: nec tam imperio ipsi opus est, quàm exemplo.*

Tertiò, beatâ civium vitâ gloria ampla redditur; si ad gloriæ studium à salutaris Principis subinde extimulantur.

Virtus nimirum & gloria ita firmiter annexæ atq; arctè colligatæ sunt, ut nullâ arte divelli aut distrahi possint.

Ideo solidæ veræque virtutis cultores, vel inviti & nolentes, gloriæ palmam nunquam interituram assequuntur; quemadmodum econtrâ ad decus & laudem frustra aspirant, qui contumaci animo virtutis patrocinium aspernantur.

Cùm igitur probè culta virtus honoris præmium cumulatè rependat, ei pertinaciter adhaerendum; & ut rectè excolatur, nulli recusandi labores. Et quia gloria virtutis comes est, ideo cū virtute laudandi sunt, qui veræ gloriæ cupidi, illustrium virorum facta adæquare vel superare conantur.

Porrò,

Porro, ut beata civium vita copiis quoque sit locuples, Princeps salutaris propter illorum salutem, quæ sibi semper suâ vitâ carior esse debet, à bello, etiam si belli graves habeat causas, abstinere, nec ullam dimicationem eademque faciet; memor ex divinâ lege, Exod. 20. & 23. alieno sanguini tanquam suo esse parcendum; & ut Seneca loquitur epistola 89. *homine non esse prodigè utendum*; ac proinde nunquam, nisi coactus, nunquam, nisi Reipublicæ causâ, bellum faciet; & in ipso bello primam hanc aget curam, ut quàm minimâ civium jacturâ pareatur victoria.

Quamquam n. ut Nero jactat apud Senecam, *extinguere hostem, maxima est virtus Ducis*; tamen, ut idē monet Seneca, *servare cives, majus est patria patri*. Inprimis verò Princeps bonus pacem & concordiam in subditos fovebit, & rixarum semina suffocabit.

Concordia nimirum verè fundamentum est otii, bonorum civium seminarium, & aureum atque adamantinum vitæ vinculum; per quam res quæque minimæ non modò convalescunt, sed & coalescunt; & sine qua neque civitas bene gubernari, neque domus rectè administrari potest. *Quæ enim domus*, inquit Cicero in Læl. *tam stabilis, quæ tam firma civitas est, quæ non odiis atq; dissidiis funditus possit everti?* Unde rectè discordiam Livius libr. 3. decad. i. appellat *ordinis Reipubl. venenum*; utpote, quæ agris, oppi-

dis, regnis vastitatem, solitudinem, orbitatem affert.

Postremò, subditorum vitam opibus firmam reddet salutaris Princeps, si in privatorum divitiis suas consistere ratus, apud subditos suas quodammodo opes deposuerit; seq; tñ amplissimū tenere thesaurum, cum subditi divitiis affluunt, putaverit. Utiq; n. nullæ opes aut certiores sunt, aut utiliores, quàm quæ sunt apud subditos; hæ solæ stabiles firmæque permanent, quibus Princeps, ubi necessitas postulat, utatur ac fruatur cum voluntate & studio subditorum.

Rectè hoc ita intellexit Cyrus, rex Persarum, qui non modò familiares & amicos, sed è subiectis unumquemq; adeò gavisus est copiâ rerum abundare, *ut boni Regis proprium officium & opus esse diceret, etiam civitates beatas efficere.* Tributum à Persis exegit nullum; ideo pater ab eis audit, quòd omni ratione de subditis benemereri studeret, teste Herodoto lib. 3.

Pari modo, Constantius Chlorus Imperator, utilitati & commodis provincialium & subditorum studuit. Et sicut quondam Cyrus non pecuniam, sed amicos, quibus ipse plurimum contulisset divitiarum, suos esse thesauros dixit; ita Constantius in ore sæpiùs habuisse fertur, *opes publicas rectius à privatis compluribus generari, quàm intra unum Principis claustrum reservari.*

Idem ingentem auri vim, propter Diocletiani & Ma-

& Maximiani criminationes, ad nutum ipsius à subditis certatim atque promptè collatam in Gallia, eis cunctantibus, & Imperatori suo gratificari cupientibus, domum reportari jussit: quòd nimirum eis nusquam tutior custodia, nusquam ex eâ fructus major, quàm apud subditos, capi posse videretur; à quib. quoties opus foret, cum centuplo fœnore, & cum maximis usuris repeti ea posset. Sic & Ptolomæus, Lagi filius, Ægypti rex, *magis decere Regē dixit, ditare subditos, quàm ipsum divitem esse.* Hoc itaque boni Principis menti, hoc successibus congruit prosperis, ut integra omnium patrimonia labore & fortitudine suâ servet; summumque adeò, & primum pietatis ejus munus est, *Rempublicam ceu domum paternam, & subditos ceu liberos diligere*; secundum Ammianum Marcellinū lib. 17. & 27. Nec enim Principi civium servitus, sed tutela tradita est, quorum ipse & tutor & defensor, imò pater esse debet; qui verè est Homericus ille ποιμὴν λαῶν; qui, teste Xenophonte lib. 8. Cyropæd. eligitur, non ut ipse se molliter curet, sed ut per ipsum ii, qui elegerunt, bene beatèque agant. Et hoc de subditis suis bene merendi studio, eorumque salute curandâ, in primis bonus & salutaris Princeps à tyranno differt; utpote, qui omnes in artes, quibus subditos deglubat & excoriet, illorumque opes exhauriat, & in proprium fiscum redigat; ut in victu quærendo anxii, de libertate

quærendâ minùs cogitent , nec in ipsum aliquando insurgant; ideoque & foris bella semper parat & nutrit, aut saltem imminere simulat, ut inde vires subditorum enervet; domi verò subditos in se colligit, & factiones in Republica ferit atque alit, ut unius ope alterum teneat, & superstitem tandem opprimat, & ex hoc, tanquam ulcere, (quod perfidis chirurgis in more est) lucrū perpetuum captet; sentiens cum Aulo Vitellio Cæsare, *optimè olere hostem mortuum, at melius civem.* Inprimis verò viros bonos & justos, Reiq; publicæ primates dolo, fraude, calumniis tyrannus opprimit: & quò citiùs eos è medio tollat, conspirationes in se initas subinde commiscitur, ne fratribus quidem & consanguineis parcens. Semper enim cum tyrannide conjuncta est sophistica calumniatrix & præstigiatrix. Exemplo est Achab, rex Israëlitarum, vineæ Nabothi Israëlita, palatio regio vicinæ aut contiguæ, inhians; quam cum nec pretio, nec precibus obtinere posset, tantopere stomachatus est, ut cibum præ ægritudine non caperet. Jezabel regina literis ad senatum & opimates missis, Nabothum læsæ majestatis falsò accusat; quo in judicium vocato, testibusque conductis damnato, & saxis obruto, Achab hujus vineam vi occupavit, 3. Reg. 21. (*anno mundi 3045.*) Pari modo Herodes Ascalonita, Judæorum rex, expugnatis Jerusalemis, ope Romanorū, Marco Antonio (*anno mundi*

mundi 3935) persuasit, ut insolito exemplo Antigonus regem, sicut Antiochiæ 45. primates percusserat, qui Antigono favebant, interfecerit (*anno mundi 3935.*) Idem Josephum patrum & Sohemum, amicos summos, falsâ suspitione adulterii cum Mariamne regina commissi, infontes peremit; Hyrcanum, socerum suum, è Parthia magnis pollicitationibus ad se vocatum, regni affectati crimen falsò ei objiciens, trucidavit (*a. M. 3942.*) Mariamnem, uxorem amantissimam, de veneficio suspectam, capitis supplicio affecit immerentem; mortuæ desiderio contabescens, amicorum optimos levissimis de causis sustulit: Aristobulum & Alexandrum, filios suspectos tantum de insidiis, criminationibus Antipatri, fratris ex alterâ uxore, injustè strangulavit (*a. M. 3966*) teste Josepho lib. 15 & 16.

Sic & Tiberius Cæsar Drusum fratrem apud Augustum in apertum vitæ discrimen adduxit; Germanicum Drusi filium, quem Augusti jussu adoptaverat, veneno interemit (*a. C. 20.*)

Agrippina ejus conjugem Neronem, & Drusum filium, jam adultos, variis calumniis cooperatos, senatui damnandos objecit; quorum hic in palatio necatus a. C. 32. ita ut subductis alimentis tomentum è culcitris mandere coactus sit; ille, scil. Nero, in Pontia insula, quò fuerat relegatus, viso unco, & catenis in carnificis manibus, ratus patrum decreto ad supplicium venire, sibi vim

intulit, ex omnibus amicis vix duos tandem incolumes præstitit, ut scribunt Dion & Suetonius.

Domitius Nero, cum Agrippinam matrem multis insidiis frustra attentatam, apertâ tandem vi aggressus, à centurione necandam curasset; scriptis ad senatum literis multa ei objecit crimina; & præter alia, quas vitæ suæ insidias struxisset, ut cædem istam specioso prætextu excusaret, ut iidem authores scribunt. Antoninus Caracalla (*anno Christi 213*) Getâ fratre in sinu matris confosso, ex urbe ad exercitum fugit, simulans, percussores ab aliis subornatos fuisse, qui se & fratrem occiderent; quo prætextu omnes occidit fratris domesticos & amicos; sic ut ne ætati quidem parceretur, & sævitum in quosq; quavis de causâ, qui opibus excellerent, ut bona eorum raperet. Sic & Maximinus Imperator (*a. C. 237*) contra salutem suam initas conspirationes multas fingens, quatuor millia hominum interfecit.

Habent & hoc tyranni sibi proprium, ut virtute præstantes ministros, aliosq; viros egregios, si sibi sint suspecti, populo verò grati & accepti, vel honestis prætextibus à Reipublicæ curâ prorsus amoveant, vel militiæ periculis objectent; (sicuti nimirum Saul Davidem, ut Philistinis interficiendum objiceret, honoris specie tribunum militum fecit (*anno M. 2885.*) generum quoque postea egit promissâ filiâ Michol, si centum hostium

stium præputia reportasset, i. Reg. 18. Sic Mizypsa (anno mundi 3841) Jugurtham ad Scipionem, qui Numantiam tum obsidebat, ablegavit; ut ferox juvenis, objectando se periculis, extingueretur, teste Salustio in Jugurtha. Sic Galerius Maximinus Cæsar Constantinum Magnum, Constantii Cæsaris collegæ sui filium, quem pater fraternæ fidei obsidem Galerio in re militari erudiendum dederat, laudi ejus invidens, consultò sub honoris specie variis periculis objectavit; quæ ille semper insigni animi fortitudine depulit, ut author est Sigonius lib. i. Imperii Occidentalis: vel deniq; honestis muneribus, & longis per legationes peregrinationibus, ab iis quibus chari sunt, abstrahant; quò faciliùs amicorum auxilio destitutos, insidiis & astu, & excitationis in eos validis adversariis, specie simultatum, vi vel veneno de medio tollant. Quo scelere & astu Germanicus Cæsar, à Tiberio Imperatore, cui diu invisus fuerat propter excellentes animi virtutes, tandem per Cneum Pisonem fuit sublatus (anno Christi 20.) ut Tacitus scribit lib. 2. Annal.

Ex his & similibus exemplis, quibus omnes historiæ refertæ sunt, tyranni conspiciuntur natura; quæ haud immeritò sacra pagina Prov. 18. Leoni rugienti comparat; cui tamen vulpes sæpissimè copulata est. *Quæ enim totius injustitiæ, inquit Marcus Cicerō Offic. i. capitalissima est, et se*

re ipsâ id facit tyrannus: id tamen ita ferè curat, ut tum, cum maximè fallit, vir bonus esse videatur. Itaque etsi Deum ipsum, ejusque leges, justitiam item & æquitatem contemnit, humanitatem deniq; studiosè pervertit; pietatem tamen erga Deum simulat, ne populus in ipsum, ceu Deo charum, quidquam moliatur; studium item erga Rempublicam simulat, non tam ut Reip. profit, quàm ne sibi ipsi noceat; justitiæ quoq; & fidei laudem levioribus in rebus affectat, ut faciliùs in gravioribus injuriam facere & fallere possit; non secus ac latrones, & qui maleficio atque scelere pascuntur, qui sine justitiæ saltem aliquâ portiunculâ diu consistere nullo modo possunt; clementiæ item affectat laudem, veniam indulgendo interdum sceleratis, quos morte mulctare clementia summa erat; humanitatem denique simulat, ut Comicâ istâ facie tragœdias agat.

Exemplo est Saul, qui bello Philistino primo (anno mundi 2883) cum duobus tantùm millib. (reliquis Israëlitis metu diffugientibus) apud Gilgala, Samuelem prophetam ad 7. usque diem expectare jussit; eo ad tempus constitutum nondum præsentem, ipse sacra in Dei honorem per se peregit, ex merâ ambitione & polypragmosyne sacerdotis munere functus. Deinde Samueli quidem obviam progreditur, non ut ipsum tantâ veneratione complectatur; sed ut modestiæ saltem gloriolam coram populo venetur, & simul hoc

hoc prætextu suam dissimulet impietatem atq; inobedientiã; & tandem, licet fateatur hoc suum factum, interim tamen id non solum excusat, sed & quicquid hîc peccatum est, in Samuelem potius, quàm in se culpam rejiciendã censet, 1. Regum 13. Idem contra Amalekitas exercitum ducere, eosque ad internecionem exscindere à Samuele jussus omnes; uni Agago regi, atque armentorum optimis quibusque pepercit, quæ ad sacrificium Jhovæ ad Gilgala faciendum conservasse milites prætendit; hypocriticam hanc suam pietatem, & perversam clementiam, summam interpretatus justitiam & clementiam, 1. Reg. 15.

Porro cæso Goliatho, cùm populus in Davidis prædicationem totus effusus, Sauli cum præferret, hic invidiæ & æmulationis furiis agitatus, propter affectati regni suspicionem, persequi illum cœpit dolosâ benevolentiæ simulatione; insidiosè ipsi spondens filiã suam, hac tamen lege, ut sponsalia, ducentis Accaronitis cæsis, fortiter redimat; sub honoris hac specie Davidem manifesto periculo objecturum se sperans, 1. Reg. 17. & 18.

Sic & Herodes, Judæorum rex, in simulandâ benevolentia astutissimus (*anno mundi 3936.*) Hircanum socerum è Parthiâ advocatum, quasi regni consortem facturum, interemit; & Aristobulum, suum sororium, de sanguine regio, ponti-

ficatu ornatum (anno 3939) specie colludendi, in piscina natantem suffocavit, teste Josepho lib. 15. Antiquitat. c. 2. & 3.

Ab eodem Magi quoque blandissimis verbis ad prodendum Christum invitati leguntur, Matthæi 2. Quibus monitu divino ab hospitali urbe digressis, hic ad intercipiendum virginis partum multa puerulorum millia morti dedit. Nec ab hac virulentâ patris sui astutiâ degeneravit Herodes Antipas, qui Johannem Baptistam, incestuosas ipsius cum Herodiade nuptias improbantem, religioso jurisjurandi puellæ saltatrici dati prætextu, quod tamen non debuit esse vinculum iniquitatis, in custodia Macheruntina capite minuit, ipsique Christo in Galilæa docenti, & insolita edenti miracula, non semel insidias tendit; quem idcirco, fraudulentè & astutè agentem omnia, ipse CHRISTUS vulpem appellavit, Marc. 7. Luc. 9. & 15. Sic & Tiberius Cæsar, mortuo Augusto, Romam reversus, in senatu perlecto Augusti testamento, maximos gemitus atque dolores simulavit, principatum pluribus recusans; multis precantibus senatoribus, plerisque ad genua procumbentibus, onerosam sibi injungi servitutem, conquerens. Quod quidem, ut Aurelius sextus scribit, astu fecerat, ut disceret, quid singuli sentirent; atrociter explorans omnium animos; quæ res bonos omnes pessumdedit. Existimantes enim, ex animo cum longâ oratione

oratione Imperialis molestiæ magnitudinem declinare, dum sententias ad ejus voluntatem promunt, incidere in exitia extrema, ut in ejus vita refert Cuspinianus. *Summatim, quod rex ipse est, tyrannus callidus videri vult;* & ut virtutis amore homines incendi scit, ita & virtutis aliquâ umbrâ decipiendos esse novit. At certè utcunq; vultum fingat, vulpina cauda semper prominet; & utcunque obganniat, rictus & rugitus leonem prodit.

F L O S V I.

Princeps νομοθέτης esto justus, & acer
νομοφύλαξ.

DEus Rex regum Opt. Max. cujus nutu justissimo hæc rerum universitas regitur, ut omnibus in universum hominibus, ita vel maxime Regibus & Principibus, quos suam in terra repræsentare vult personā & imaginem, seipsum quasi formulam quandam & normam, non minus factis, quàm rebus præbet; quem illi fontem atque authorem omnium bonarum legum, quæ murus sunt, & vallum Societatis humanæ, grato agnoscant animo, eumq; justissimum νομοθέτην καὶ νομοφύλακα per totam vitam pro viribus imitentur. Utiq; enim non munitiones, quantumvis inexpugnabiles, non Societates, non fœdera ar-

Atissimè devincta, non fines quàm latissimè pro-
 lati, non congestæ vel Croesi opes Rempublicam
 conservant; sed diligens & severa legum custodia
 atque administratio. Hæ Reipublicæ, ceu cor-
 poris cujusdā, sunt anima & nervi, quarum nutu
 & autoritate homines docentur domitas habe-
 re libidines, coercere omnes cupiditates, sua
 tueri, ab alienis mētes, oculos, manus abstinere,
 omnia deniq; alia agere, quæ ad salutem civium,
 civitatum incolumitatem, vitamque hominum
 & quietam & beatam pertinent; sine quibus nec
 domus ulla, nec civitas, nec gens, nec hominum
 genus universum, nec ipse mundus stare potest.
 Ante omnia igitur Princeps bonus & salutaris in
 exercendis judiciis, & justitiā administrandā
 Deum justissimum judicem exemplar sibi pro-
 positurus, Dei vox sit, legisque divinæ, in qua ipse
 se conspiciendum præbet, & quam normam esse
 vult omnium consiliorum, vocem sonet, ejusq;
 contemptum severè puniat; idque laudatissimo
 Mosis exemplo, qui blasphemum illum in divi-
 nam majestatem, & alterum sabbathi violato-
 rem, Dei jussu damnatos, multitudini lapidādos
 objecit. Quo eodem supplicio à Josua affectus
 Achanus, qui in direptione Hierichontis, de ana-
 themate pallium purpureum auro intertextum,
 & argenti prædam furatus fuerat.

Sic & David rex Amalekitā, spe consequendi
 magnum aliquod premium mentitum, se esse
 illum,

illum, qui Saulē interfecerit, ablatum diadema, quasi prima novi Regis auspicia, asportantem, justissimâ morte mulctavit.

Deinde suas quoque Princeps Decalogo leges addat, non quæ malarum cupiditatum sunt ministræ; cujusmodi fuit illa Lycurgi lex, quæ adultero cōcedit pacisci de alterius conjuge; cujusmodi fuit & Cabadis, Persarum regis, ut sceminæ viris in commune essent expositæ: & ut cuivis ex lege liceret, ad quamcunque animus ferret, accedere, privatiq̃ue tori participem fieri, teste Agathiâ lib. 4. Nec quæ ab honestate abhorrent; cujusmodi fuit illud regni Poloniæ statutum, cujus meminit Dubravius libr. 32. histor. Bohemicæ, quo sancitum erat, ut accusator furis suis illum manibus in furca suspenderet; aut si ad manus carnificem suum non haberet, ipse à fure suspenderetur, si fur id exequi voluerit. Nec quæ cum naturæ legibus pugnant, sed commodas, æquas, & ad communem utilitatem, tanquam ad peculiarem scopum, directas; quæ legum divinarum sint adminicula, & quasdam legum generalium circumstantias probabili ratione determinent; cujusmodi sunt, quæ in codice Theodosiano & Justiniano extant; itemque Caroli V. Imperatoris, & aliorum Germaniæ Principum publicorum judiciorum constitutiones; quarum & ipsarum legum custos & executor sit bonus Princeps, omniaq̃; scelera & flagitia externa, majestatemq̃;

G

divinam quæ violant, & societatem humanam perturbant, severissimè puniat; totumq; munus ad disciplinam & pacem referat, nec unquam à justitiâ deflectat; memor, se non hominis, sed Dei exercere judicium, ad cujus inevitabile tribunal, exactissimam de omnibus actis redditurus sit rationem.

Minimè ergo maleficis & sceleratis, quos leges è medio tollere, & ad supplicium rapere jubent, ipse supra Principis potestatem pœnæ gratiam faciat; nec se mitiorem aut prudentiorem Deo, qui ipsissima est justitia, æstimet; (crudelis enim est clementia, quæ sine probabili ratione sceleratis in Deum & homines injuriis parcit) ne delictorum impunitas præbeat delinquendi incentivum, etiam in ipsius personam. Etenim non rarò Deus permittit, ut, quam pœnam facinorosi meruerunt, in illorum, à quibus impunitatem impetrarunt, capita redundet atque recidat.

Exemplo est Achabus, Israëlitarum rex, qui Benhadado, Syriæ rege in Deum blasphemo, & gentis Israëliticæ hoste aspondo, divinâ ope acie superato, sed illæso dimisso, à propheta audit, illius vitam suâ vitâ, populumque suo populo repensum iri; quod & triennio pòst accidit, 3. Reg. 20. & 22. Sic & Saul, justo Dei judicio, regno se privatum iri audit, quòd Agagum, Amalekitarum regem, quem cum omni prædâ totâque gente

gente exscindere jussus erat, vivum conservaverat, 1. Reg. 15.

Pari modo cum ab Attalo, Cleopatre reginæ, quam repudiata Olympiade duxerat Philippus Macedo, avunculo, Pausanias adolescens nobilissimus constupratus, & ab eo per contemptum plurium convivarum libidini, ceu vile scortum, subjectus esset; sæpius apud Regē tam insignem contumeliam frustra questus, ultionem, quam ab adversario non potuit, ab ipso Rege, tanquam ab iniquo judice, exigens, cum obtruncavit, ut ex lib. 1. supplementi Curtii refert Sabellicus lib. 3. Enneadis quartæ.

Non immerito itaque apud omnem posteritatem commendantur Reges & Principes, tam in legibus ferendis & exequendis, quam in pœnis sceleribus infligendis, justitiæ & æquitatis observantissimi; quorum è numero olim fuit Antigonus tertius, Asiæ rex, qui omnibus regni sui orbibus scripsit; Si quid in literis, quæ ejus nomine scriberentur, esset, quod legibus adversum videretur; crederent, ignaro se literas ejusmodi scriptas fuisse, & propterea eis non parerent, ut author est Fulgosius lib. 6. c. 5.

Romanis, ob severè cultam justitiam, orbis terrarum imperium à Deo concessum, censet divus Augustinus in lib. de civitate Dei.

Ex his Trajanus Imperator, ob justitiam & humanitatem adeò clarus, ut postea quoties

crearetur Cæsar, lætæ acclamationis præbuerit formulam, *Sis felicior Augusto, melior Trajano*; præfectum prætorii aliquando eligens, & gladiū tradens fertur dixisse: Cape hunc ensem, & si bonus fuero, pro me; sin malus, contra me eo utitor, teste Dione lib. 68.

Marcus Antoninus Pius, Imperator, tantæ justitiæ fuit, ut multi Reges, multæque nationes, positis ipsius jussu armis, ad hominem controversias suas litesque deferrent, ac ejusdem sententiæ statim parerent, ut author Platina ex Capitolino.

Alexander Severus, Imperator, ad componendam Rempubl. vitio superiorum Principum labefactatam, animum adjiciens, justitiam ita coluit, ut nemo unquam de illatâ ab ipso injuriâ questus sit, ut idem scribit Platina.

Idem, judicatas à se religionis causas, à Pontificibus & Auguribus retractari patiebatur; minime sibi dedecori arbitratus, in iis, quæ ad religionem pertinerent, Imperatoriam majestatem sacerdotum authoritati cedere, ut author est Lampridius.

Valentinianum Imperatorem à justitiâ nunquam alienum, ideoque quibusdam Severum cognominatum, vitiisque infestum, moribus Aureliano similem fuisse, scribit Cuspinianus.

Theophilus, Imperator Constantinopolitanus, justitiæ cultor, apprimè gravem sese, & in-

EXORA.

exorabilem delinquentibus præbuit, teste Zonara tomo 2.

Sic & Andronicus Comnenus, Imperator, nullâ personarum habitâ ratione, genere & opibus illustres, æquè ac tenuis fortunæ homines, in jus adductos, ex æquo audivit. Scripsit & ad quosdam magistratibus fungentes: *Aut injurias, aut vitam relinquit: nam vos injurios esse & vivere, neq; Deo acceptum est, neq; mihi servo ejus tolerabile*: Author Nicetas lib. II. de rebus Andronici Comneni. Edgarus, Angliæ rex, delictorum inquisitor & punitor fuit acerrimus, quod tamen sine irâ & sævitie faciebat. Quandoq; enim ad crimina leviora non gravatè connivebat, ut salubrè magis, quàm ambiciosum Principem se præberet; scribit Polydorus lib. 6. hist. Angl. Ericus, cæso Nicolao, rege Danorum, regno positus, majorum leges, quæ inter bellorum tempestates, & armorum usum penè interciderant, restituere summo conamine nixus, ac non tam fortitudinis, quàm justitiæ laude insignis haberi cupiens; in quosvis delinquentes, nullâ personæ aut dignitatis ratione habitâ, vel ferro, vel laqueo, prout res postulabat, animadvertibat.

Itaque magnatum conjuratione, in tribunali sedens, à Plego quodam lanceâ transverberatus est, regni sui anno quinto, teste Saxone & Cranzio lib. 5. Daniæ.

Sic & Jacobus primus, Scotorum rex, ex An-

gliâ (ubi per 18. annos captivus manserat, cùm regnū interim à Ruperto Stuardo patruo, ejusq; filio Mordaco gubernaretur) domum reversus, (a.C.1424.) perlustravit omnes Scotiæ regiones; ac si quos nefarios populi ac sacerdotum, aut mercatorum, rusticorumve oppressores comperisset; convictos capite damnavit omnes, nec cuiquam remissio culpe homicidii perpetrati, à Governatore accepta, profuit; cùm diceret, indulgentiam illius non perpetuam fuisse, neq; ex usu Reipublicæ. Duobus primis regni ejus annis, per varia suppliciorum genera, ob vetera flagitia à Rege sumpta, plus quàm tria millia hominum interempta fuisse scribit Hector Boëtius lib. 17.

Usque adeò nullum æquè ac justitiæ munus Regi convenit, quo ipse præter alia à tyranno potissimùm differt. Rex nimirum ex legum præscripto & bene Rempublicam administrat; ac tyrannus ex arbitrio, libidine, cupiditate, avaritiâ usurpat sibi regendi potestatem, præter id quod fas est. Id quod de Tarquinio Superbo refert Dionysius Halicarnassæus lib. 4.

Tyranni enim nolunt subjecti esse legibus, & opprimuntur, qui leges tueatur.

Exemplo est Bassianus Caracalla Imperator, qui (a.C.213.) interfici curavit Papinianum Jurisconsultum, nolentem excusare fratricidium fratris Getæ, teste Dione in Caracalla.

Et, crescente tyrannide, authoritatem legum perire,

perire, documentum est Cambyfes, rex Persarum, cujus metu iudices Persarum ab ipso interrogati; utrum lex sit inter Persas, quæ Regi sororem ducere concederet? negarunt quidem talem extare, sed aliam ejus adjutricem invenerunt, quæ concederet Regi facere, quodcunque lubitum esset: quod metu supplicii à iudicibus dictum memorat Herodotus lib.3.

F L O S VII.

Sit piger ad pœnas Princeps, ad præmia velox.

EST quoque justus Principis, suum cuique tribuere: nec tantum pœnis plecti scelera, sed & bene merita præmiis mactare. Nihil enim magis subditos devincit magistratui, quam præmia. Nec quicquam justius est, magisque homines ad virtutis studium, sine quo tota Respublica quasi exangue & mortuum jacet cadaver, incitat, quam virtutis remuneratio. Nimirum ubi proposita sunt virtutum præmia; ibi student homines, omnesque intendunt nervos, ut ad gloriam contendant. Et id (inquit Livius lib.4.) labor & periculum impenditur, unde emolumentum & honor speratur; ubi verò nullum discrimen est inter ignavum & strenuum, inter bonum & malum; ibi prorsus virtutes algent.

Hinc Trajanum Imperatorem laudat Plinius in Panegyrico, quòd bonos cives faciat nō pœnis malorum, sed præmiis bonorum. Proinde Reges & Principes, si suæ & populariū saluti consulere voluerint, minimè alienæ laudi invidere debent; nec claros viros, optimèque de se & Republicâ meritos, debitis honoribus fraudare; sed veteres potiùs imitari Romanos, qui cives suos ad fortia facta incenderunt triumphis, coronis, & publicis laudationibus.

Sic & Augustus Cæsar, teste Suetonio cap. 38. non parcus fuit in bellicâ virtute honorandâ, sed ampliùs triginta Ducibus justos triumphos, & aliquantò pluribus triumphalia ornamenta decernenda curavit.

Idem, proximum à diis immortalibus honorem memoriæ Ducum præstitit, qui populi Romani Imperium ex minimo maximum reddidissent.

Itaque & opera cujusque, manentibus titulis, restituit, & statuas omnium, triumphali effigie, in utraque fori sui porticu dedicavit, &c.

Alexander Severus, Imperator, ubi quem de Republicâ bene meritum persecuturus esset; antè illi gratias agebat & suo & Reipub. nomine; quòd ita quidem Rempubl. gessisset, ut bene de eâ meritis judicaretur. Non enim ignorabat vir integerrimus, *illud liberalitatis proprium esse,*
ut dona

ut dona ipsa gratis verbis exornentur; scribit ex Lampridio Pontanus c.24. de liberalitate.

Sed non tantum viris militaribus præmia esse debent verborum, rei que pecuniariæ, & aliorum commodorum honores; sed vel maximè translationes ad superiores Ordines & Imperia; idque laudatissimo quorundam Regum exemplo, qui obscuro quoque loco natos, ob res domi militiæque fortiter & laudabiliter gestas, ad summas evehere dignitates.

Sic nimirum Hermannum Dillingum, pauperibus ortum natalibus, virum acris ingenii, Otto primus, Imperator, primum filiis suis adolescentiæ, & morum informatorem adjunxit (a. C.950.) dehinc Italicam contra Berengarium suscepturus expeditionem, Albaniæ Saxoniam, quæ jam inde à Wittichindo nullum peculiarem Principem habuerat, administrationem ipsi commisit; fidem tandem ejus & integritatem expertus (a. C.966.) in altera in Italiam expeditione Ducem eum Saxoniam creavit, teste Cranzio lib.4. Sax. c.8.9. & 15.

Sic & Ottoni majori, Comiti Wittisbachio, aquilifero suo, qui sæpius susceptâ legatione in Italiam & Græciam profectus, Cæsari modeste parendo, omnem suam operam Reip. devoverat, omnes nervos disciplinæ militari intenderat, plurima in Italia præclara facinora fortiter ediderat;

Fridericus primus, Imperator (*anno Chr. 1180*) Ratisponæ in comitiis, Henrico Leone crimine læsæ majestatis damnato, Bavariæ Ducatum virtutis ergo concessit, ut author est Aventinus lib. 5. annal. Bojorum.

Pari modo Fridericus Comes Zollerius ab Imperatore Rudolpho Habsburgio, cui cum aliâs sæpe, tum inprimis in bello Basiliensi, suam probaverat fidem (*an. C. 1273*) veterum Burggraviorum Norinbergensium, è prosapia Marchionum Vogburgiorum, familiâ extinctâ, dignitate est remuneratus.

Hujus postea pronepos, Fridericus quartus, Burggravius Norinbergensis, ob fidam & strenuam Sigismundo Imperatori in Ungaricis, Bohemicis, & Imperii difficillimis negotiis præstitam operam, remunerationis ergo (*an. C. 1417*) Marchiam Brandenburgensem unâ cum Electoratus dignitate accepit, in suamque stirpem perpetuâ successionem propagavit.

Eidem Imperatori, contra rebelles Bohemos, militavit Fridericus bellicosus, Landgravius Thuringiæ, & Marchio Misniæ; quib. ad Brixiam superatis, & arce Carolofteniâ obsidione liberatâ, ob fidele hoc præstitum auxilium, Ducatum Saxoniae cum septemvirali dignitate ab ipso familiae suæ acquisivit.

Sic & superioribus annis, bello Turcico durante, ob insignia virtutis & fortitudinis militaris docu-

documenta, Adolphus Baro Schvvartzebergius in Comitum, Melchior Röderus, eques Silesius, in Baronum ordinem, ab Imperatore Rudolpho secundo sunt cooperti. Vaba Curtius item, Nobilis Lotharingus, equitis aurati jure & dignitate donatus, aliisque muneribus & honoribus est ornatus.

Et hac ipsâ quoque præmiorum in bene meritos de Republicâ collatione, Rex à tyranno differt: utpote qui improbos tantum, ignobiles, & quasi terræ filios, extollit; qui, quòd sua omnia ipsi debeant, quibuslibet in rebus adulentur & inserviant. Sic nimirum, ut author est Suetonius, Cajus Caligula, Cæsar, turpissimos & perditissimos homines in curiam induxit; per hos suam se dignitatem recuperasse dictitans. Sic & Tiberius Imperator in ipsa publicorum morum corruptione, cum Pomponio Flacco & Lucio Pisonio, noctem continuumque biduum epulando, potandoque ubi consumpsit, alteri horum Syriam provinciam, alteri præfecturam Urbis confestim detulit; codicillis quoque jucundissimos, & omnium horarum amicos professus. Idem ignotissimum quæsturæ candidatum nobilissimis anteposuit, ob eporam in convivio, propinante se, vini amphoram, eodem teste Suetonio.

Sic & Michael, Theophili Imperatoris Constantinopolitani filius, homo omnium flagitiorum genere contaminatissimus, adeptus Impe-

rium, regias opes in res scurriles effudit; adeò, ut Himerium quendam, quòd ventris crepitu cereum extinxisset, auri aliquot libris donavit, ut author est Cedrenus.

Porro in pœnarum quoque irrogatione boni & justì Principis elucere debet lenitas & clementia, quem non singula ad vivum refecare, aut severitate potiùs & vi, quàm mansuetudine & humanitate conficere decet. Princeps enim bonus subditis utitur tanquam liberis; utpote quorum pater est, teste Homero *Odyss.* 3.

Quemadmodum igitur pro peccato magno parum supplicii satis est patri, ut est apud Comicum in *heautontimorumenos*: ita quoq; Princeps bonus, ut Ovidius canit lib. 2. de Ponto,

Est placidus, facilis, parens, veniaq; paratus,

Et qui fulmineo sæpe sine igne tonat.

Qui, cum triste aliquid statuit, sit tristis & ipse,

Cuiq; ferè, pœnam sumere, pœna sua est.

Et, quia Imperium nihil aliud est, quàm curâ salutis alienæ, ut sapientes definiunt; homines nullâ ad Deum ratione propius accedunt, quàm salutem hominib. dando, ut Cicero scribit in Orat. pro Ligario: utique boni est Regis & Principis, restringere potestatem, & cupiditati atque iracundiæ quantâ maximâ vi resistere. *Miserum siquidem est instrumentum senectuti, recordatio crudelitatis*; teste Ammiano Marcellino lib. 29. Nec unquam gladius cuiquam sui amorem persuadere

suadere aut extorquere potuit; sed cum, qui punitur, perdit: cæterorū animos ab eo, qui pœnas sumit, alienat. Neque enim ob aliorum scelera amare incipiunt, sed oderunt magis ob merum sibi quoque impendentem, ut in Augusto scribit Zonaras tomō secundo.

Quocirca de vitâ & spiritu hominis, quia pars mundi est, multâ cum cunctatione & exploratione sententia ferenda, ne præcipiti cæde, ubi irrevocabile fatum est, Princeps cum animo suo postmodum exagitetur. Et quanquam, ut in corporum morbis, ita quoq; in civitatum ægitudinibus, unum potiùs membrum resecandum est, quàm ut totum corpus intereat; quia tamen, quicquid ex multis constat partibus, ita à naturâ comparatum est, ut aliqua ejus pars laboret: nec tamen ægra pars, quæ in humano corpore laborat, à peritis Medicis resecatur; aliàs reliquum corpus aspectu turpe redderetur; & tandem, ne corpus quidem remaneret: ita quoque Princeps salutaris, non statim societatis civilis partem laborantem abscinderet; (hoc enim modo totum corpus brevi interiret) sed, ut Medici, plus interdum quiete & connivendo, quàm movendo & agendo, proficiet, ut in hanc sententiam egregiè monet Dionysius Halicarnassæus lib. 6. Naturâ enim contumax est humanus animus, & in contrarium atque arduum nitens; quem qui intempestivè corripit, aliud non consequitur, quàm ut

delicta accendat, inquit Tacitus lib. 12. Anna-
lium.

Quocirca decet Principem, quàm diu potest, verbis primùm mollibus ingenia curare; trans-
eat deinde ad tristiorē orationem, quā moneat
adhuc, & exprobrat delicta; novissimè ad pœnas,
& has adhuc leves & revocabiles, decurrat: *ulti-
ma verò supplicia sceleribus ultimis ponat, ut nemo
pereat, nisi quem perire pereuntis etiam intersit.*

Exemplo è multis sit Cajus Julius Cæsar, in
ulciscendo naturâ lenissimus. Hic, authore Sue-
tonio, piratas, à quibus captus erat, cùm in dedi-
tionem redegisset, quoniam suffixurum se cruci
antè juraverat, jugulari priùs jussit, deinde suf-
figi.

Cornelio Plagitæ, cujus quondam nocturnas
insidias æger ac latens, ne ad Syllam perducere-
tur, vix præmio dato evaserat, nunquam nocere
sustinuit. Philemonem Amanum servum, qui
necem suam per venenum inimicis promiserat,
non gravius, quàm simplici morte punit. In Pu-
blius Clodium, Pompejæ uxoris suæ adulterum,
atque eâdem de causâ pollutarum ceremonia-
rum reum, testis citatus, negavit se quicquam
comperisse, quamvis & mater Aurelia, & soror
Julia apud eosdē judices omnia ex fide retulif-
sent: interrogatusque, cur igitur repudiasset uxo-
rem? *Quoniam, inquit, meos tam suspitione, quàm
crimine judico carere oportere; sic quæ aut cogita-*
rentur

rentur graviùs adversus se, aut dicerentur, inhîbere maluit, quàm vindicare. Itaque & delectas conjurationes conventusque nocturnos non ultrà arguit, quàm ut edicto ostenderet, esse sibi notas; & acerbè loquentibus satis habuit pro concione denunciare, ne perseverarent. *Utique enim satius est oblivisci injuriarum subditorum, quàm esse sine subditis*: quia emendati, Principis sui bonitatem experti, fideiores sunt futuri.

Sic & Titus Imperator, eodem teste Suetonio & Xiphilino, non modò senatorem, quàm diu principatum tenuit, interfici jussit nullum; sed nec alius quisquam sub ejus Imperio morte affectus est. De crimine læsæ majestatis nunquam cognovit, neque permisit aliis, ut cognoscerent; *Nemo enim (ait) injuriâ me afficere, aut insequi contumeliis potest, propterea quòd nihil ago, quod reprehendi mereatur; ea verò, quæ falsò de me dicuntur, prorsus negligo.*

Pari modo quoque Nerva Imperator, reos majestatis absolvit, exules in patriam reduxit; & omnes qui metu mortis diffugerant, revocavit.

Theodosius junior, Imperator Constantino-politanus, sic patientiâ & clementiâ cæteris præstabat hominibus, sic passiones animi frenabat, sic iracundiam & libidinem conculcabat, ut ratione vivere à cunctis prædicaretur.

Cùm olim à quodam interrogaretur, cur se

lædentes non condemnaret morte? Utinam, inquit, mortuis vitam dare possem. Zonaras.

Sic & Alphonsus, rex Neapolitanorum, admirabili dissimulatione præterit quorundam oblationes & maledicta; quin etiam illatas injurias vindicare cum posset, oblivisci maluit, teste Pontano lib. 2. c. 10. de fortitudine domesticâ.

Pari modo Henricus sextus, Anglorum rex, jam inde à puero contemptor rerum omnium, quæ animos mortalium labefactare solent; injuriarum, quibus itentidem affectus est, (bis enim in vincula ab Edovardo quarto, regni invasore, conjectus fuit) sic patiens, ut ne vindictam quidem appeteret, sed ob illud ipsum Deo gratias ageret, quòd per id sua delicta dilui putaret, ut author est Polydorus lib 24. Nimirum, ut Seneca canit in Octaviano,

Consulere patria, parcere afflictis.

Ferâ cæde abstinere, tempus a:q; ira dare,

Urbi quietem, seculo pacem suo:

Hæc summa virtus; petitur hæc calum viâ.

Quòd si tamen viro Principi pœnarum, aut coercitionis res est, (Reipublicæ enim interest, puniri fontes; & his pœnas infligere magistratibus incumbit, quibus idcirco gladius à Deo traditus, ad Rom 13.) hoc justitiæ munus aliis commendabit, & per suos exequetur ministros; non autem spectabit, ne subditorum sanguine gaudere videatur. *Ferina enim illa est rabies, sanguine*

guine gaudere ac vulneribus, & abjecto homine in sylvestre animal transire, inquit Seneca lib. 1. de clementiâ c. 24. Quique hominem, quamvis ob merita, in conspectu suo jugulari pro voluptate computat, æquè suam polluit conscientiam, quàm si homicidii, quod fit occultè, spectator & particeps fiat, teste Lactantio lib. 6. c. 20. de vero cultu. Quare non absque causâ, in synopsi Caroli noni, regis Galliæ, ipse reprehenditur, quòd (anno C. 1572. 27. Octob.) in natali die filix suæ, quam ex Isabellâ Austriacâ, Maximiliani secundi Cæsaris filiâ, tulit; ita avidus fuerit suppliciorum spectandorū, ut sub occasum solis accendi faces jussit circa furcam, ut morientium ora certiùs cognosceret.

De eodem Rege in eodem libello scribitur, quòd Ianienam & cædem Amiralii & sociorum ejus ex arce lætus spectarit; & aliquot pòst dieb. cùm Amiralii cadaver ad furcam publicam suspenderetur, servis foetorem non ferentibus, dixerit: *Hostis mortui bonum esse odorem.* Quam delectationem sanguinolentam procul dubio didicit ab Aulo Vitellio Cæsare, qui Ottone interfecto, cùm campos, in quibus pugnatum fuerat, adiisset, tabernq; cadaverum conspexisset, dixisse fertur: *Optimè olere occisum hostem, at melius civem.* Non enim hoc Regum & Principum, sed tyrannorum est, qui animam habent ex libidine & crudelitate conflata, & cum Caligula optant,

populo unam esse cervicem, quam uno ictu amputent; nec vulgaribus contenti suppliciis, nova suppliciorum genera non raro excogitant; quasi non satis sit, hominem semel mori.

Tale supplicii genus subiit Sisamnes iudex, ob iniquam sententiam à Cambyse, Persarum rege, excoriatus; cujus pelle tribunali instratâ, filium ejus Othanem in eam sedem collocavit, jubens patris intuentem exuvias, rectè judicare, teste Herodoto lib. 4.

Tale supplicii genus fuit quoq; Scaphismus, quo Cyri à se interfecti jactantiâ miserè periit Mithridates Persa, de quo vide Plutarchum in vita Artaxerxis. Hoc supplicio plectendus, supinus, oculis ad solem conversis, duobus imponebatur scaphis, & ungebatur melle, lacte, aliisque dulcibus liquoribus, quorum dulcedo magnam multarum & culicum copiam invitat; & quotidie ei præbebatur cibus, ut diutius cruciatus tolerare posset. Hoc modo Mithridates 17. dies cruciatus, lentâ morte absumptus est. Hujusmodi horrendo supplicii genere affectus quoq; fuit à Selimo (a.C. 1512.) Mustapha Bassa, cujus subnixu ad Imperium ille conscenderat; quòd videretur ad Achomaten declinare metu immanitatis; quem strangulatum canibus deinceps dilaniandum objecit. Barbaricam hujusmodi crudelitatem ab hoc patrono suo didicit Johannes Zapoliensis, Transylvaniae Weyvvoda, qui postea

postea contra Ferdinandum Cæsarem, regnum Ungariæ invasit. Hic cum seditiosis rusticis ad internecionem præliatus, in eorum duces tam horrendis sævit exemplis (a.C. 1514.) quæ vix cadere potuisse in sensum humani pectoris, scribit Curæus in annalibus Silesiæ pag. 233. Georgium enim Imperatorem rusticorū, in equuleo extendit; caput ipsi coronâ ex ferro candenti cinxit; venas aliquot aperuit, & sanguinem profluentem, Lucatio, fratri Georgio potandum præbuit. Deinde præcipuos ex rusticis, quos inediâ tridui excruciaverat, coëgit, ut dentibus artus Georgii adhuc spirantis lacerarent & vorarent. Membris ipsius laniatis cum jam expirasset, viscera ipsi extraxerunt, dissecarunt, & ahenis cocta, veruque assata, militibus voranda proposuerunt; eosque demum illis Thyesteis epulis satiatos, unâ cum Lucatio longis & diris suppliciis interfecerunt.

F L O S VIII.

Princeps fidei memor esto tenaxque.

Hujus imagine ante oculos positâ, inquit Valerius Maximus lib. 6. cap. 6. venerabile fidei numen, dextram suam, certissimum salutis humanæ pignus, ostentat: Fides, inquam, sanctissimum humani pectoris bonum, quæ nullâ ne-

cessitate ad fallendum cogitur, nullâ corrumpitur pecuniâ, teste Senecâ epistola 89. Fides justitiæ fundamentum, & aurea illa catena, quæ de cælo demissa totam hominum societatem continet, omniumque contractuum, fœderum, pactorum, omnis denique amicitiae vinculum est firmissimum. Unde rectè Cicero ait 2. Offic. *Nihil vehementius Rempublicam continere, quàm fidem*, quàm dictorum conventorumque constantiam & veritatem; ex Stoicorû sententiâ definit, Offic. 1. ubi duplex fidei ratio ostenditur: Una, quæ consistit in veritate dicendâ, & nō dissimulandâ; ne decipiatur, vel in errorem inducatur, qui dictis, testimoniis & scripturis nostris fidem adhibet; Altera, quæ est in constantia conditionum, ut nimirum fiat id, quod alter nobis paciscendo vel contrahendo credidit. Utraque hæc in Principibus potissimum desideratur; utpote, *quorum simplex verbum tantum valere debet ad fidem, quantiû privatorum hominû jusjurandum*: quod apophthegma sæpenumero dicere solitum fuisse Alphonsum, regem Hispaniarum sapientissimum, in ejus dictis & factis memorat Panormit. libr. 1. Hinc in symbolum fidei, in codicillis Principum magnum sigillum apponitur, inseruntur fila, quæ pendent è chartâ, medio sigillo Principum; ut doceatur, Principes suis promissis in perpetuum esse ligatos; *quos non decet labium mendax*, teste Salomone Prov. 17. Quem-
admo-

admodum enim Deus, de cujus fide dubitare nefas est, (quippe qui mentiri non potest, imò ipsa est veritas; qui præterea omnia, quæ futura sunt, novit; quique omnia, quæ vult, potest: vult autem omnia, quæ pollicetur; nec, quæ de labiis suis procedunt, facit irrita, nisi quis sese ejus voluntati refractariè objiciat, fidemque datam violet) sua custodit pacta, nec illorum obliviscitur; ita quoque Principis, qui in potestate & autoritate suâ Dei representat imaginem, verba & promissiones ad firmitatem propemodum divinam accedere debent, postquam fidem dedit, etiam cum rerum suarum jacturâ; atque ita *honestum semper præferendum utili.*

Docet hoc, Sigismundi Imperatoris exemplo, Æneas Sylvius libr. 3. comment. in Panormit. qui exigenti promissâ veterano cùm diceret, immoderatam ejus fuisse petitionem; hic autem respondisset: *Poteris negare cùm peterem; nunc sine turpitudine, quod promissum est, rescindere non poteris: tum Sigismundus; Si ex duobus alterum me ferre oportet, facilius rerû, quàm fama, jacturam subibo.* Sic & teste Zonarâ lib. 3. Annal. Leonem Magnû (a. C. 457) recens Imperiû adeptum, crebris flagitationib. urgebat Aspar, cujus autoritate Imperator declaratus fuerat; ut, quemadmodum promississet, alterum filiorum suorum appellaret Cæsarem; cùmque cunctaretur, purpurâ ejus prehensâ, *Imperator, inquit, hac veste*

indutum mentiri nefas est. Cui ille respondit; *Etiam cogi, & instar mancipii trahi nefas est.* Sed cum tandem resistere non posset, necessitati cedens, filium ejus à patricio Cæsarem fecit.

Jurasse Fridericum tertium Imperatorem, nunquam compertum est, (ut in convivalibus quæstionib. refert Johannes Peregrinus Petrose-
linus) nisi cum Aquisgrani & Romæ coronatus est; idque juramentum constantissimè tenuit. Cum enim jurejurando promississet Electoribus, bona Imperii nullatenus se alienaturum; *maluit avarus negando, quàm concedendo perjurus videri.* Itaque petenti Bursio, Marchioni Estensi, Ducatum Mutinæ tam diu restitit, donec monstratum est, eum Ducatū, qui sub annuo tributo concederetur, lucri magis, quàm alienationis spem habere; præsertim, cum Mutina & Rhegiū in potestate sua non essent. Tunc igitur Bursius à Friderico Imperatore Dux Mutinæ & Rhegii Lepidi creatus est (a.C. 1452.)

His exemplis monentur Reges & Principes, ne temerè quid promittant, nec statim annuant postulantis; sed prius exquirant, & personarū, & rei petitiæ conditiones: semel a. promissis non patiantur se à præstando, ullo suo avocari incommodo; nisi res sit impia, & prorsus iniqua: *Non enim debent promissa esse vincula iniquitatis.* Promissam itaque fidem religiosè servant; quandoquidem à fide, si sanctè colatur, omnes
in Prin-

in Principe fulgent virtutes, non aliter, ac luna cæteraque sidera à sole lumen accipiunt.

Quid? quòd tam jus gentium & lex naturæ, quàm ipsæ sacræ literæ satis superque docent, *fidem omnem, etiam non juratam, ac tantò magis juratam, esse servandam; ipsi quoq; hosti & latroni & perduellioni.* Nec enim redimenda est salus corporis cum nominis divini contumeliâ. Hinc gravissimè (*a. M. 2496.*) judicavit Josua c. 9. juramentum servandū esse Gibeonitis, quanquam errore datum erat; & quidē, ut videbatur contra legem Dei; quam fidē in Gibeonitis postmodò violatam gravissimè ultus est Deus, 2. Reg. 21.

Hujus rei illustre quoque documentum præbet Marcus Attilius Regulus, consul Romanus, à Carthaginensibus, à quibus captivus detinebatur, Romam sub jurejurando dimissus, ut cum senatu de pace, deque captivis reddendis ageret; qui ad crudelissima redire supplicia maluit, quàm fidem datam fallere, ut author est Cic. Offic. 3. Val. Max. lib. 1. c. 1. & Gellius lib. 6. c. 4. Sic & Johannes Valesius, Galliæ rex (*a. C. 1356.*) ab Anglis prælio victus captusque apud Pictones, post quadriennii captivitatem, magnâ vi auri, atque locis quibusdam, redemptionem suam pactus, & datâ fide liber in Galliam dimissus; cùm domi invenisset, nimium hac re regnum gravari, neque ea adesse, quibus promissa servaret; ut fidem suam liberaret, in Britanniam reversus, brevi in adver-

sam valetudinem incidit atq; decessit, ut author est Æmilius lib. 9.

Pari modo à Philippo pulchro, rege Galliæ, cum filio captus Guido Flandriæ Comes, rebellantibus subinde Flandris, è custodiâ à Rege dimissus, si suos tanto ex intervallo revisens, & ipse moveri conspectu suorum, & movere charitate sui posset; ut spe veniæ impunitatisque in fidem Regis, posito furore, redirent. Ivit solo jurejurando reditus, nisi permoveret, fide oppignoratâ; rediitque in custodiam re infectâ; pauloque post obiit (A.C. 1304.) ut scribunt Æmilius lib. 8. & Fulgosus lib. 1. c. 1.

Sic & Ludovicus nonus, rex Galliæ, Alphonsum fratrem, Comitem Piëtaviensem, ducentis librarum millibus à Saracenis redemptû operâ Philippi Munpfortii, cûm Saracenus *decẽ millib.* per imperitiam calculi hallucinatus, Regi nunciaret; ad hostes redire, eamque summam bonâ fide persolvere coëgit, ut author est Ægidius Corrozetus, de dictis & factis memorabilibus. Sic & Fridericus Pulcer Austriacus Cæsar, à Ludovico Bavaro victore post triennem captivitatem liber dimissus; his conditionibus jurejurando corroboratis; ut uterque, quoad viveret, regio uteretur titulo; Fridericus Italiam Ludovico liberam permitteret, nec pro eâ assequendâ jus aliquod à Pontifice peteret; juramentum hoc sanctè observavit, etiam si à Johanne 22. Papâ crebrò in

brò in Italiam pro Imperiali coronâ evocaretur, teste Cuspiniano in Cæsar.

Pari modo Carolus quintus Imperator (*anno Christi 1521.*) in Comitibus Vormatiæ habitis, etsi sollicitaretur à quibusdam Germaniæ Principibus, ne fidē servaret Luthero; (nam juxta Constantiensis Concilii decreta, *heretico non esse fidem servandam*) fidem tamen servavit inviolatam; & illum incolumem rursus domum per caduceatorem deduci mandavit; Ludovico Palatino electori maximè urgenti, interrogatus, cur id faceret? respondit, fidem rerum promissarum, etsi toto mundo exulet, tamen apud Imperatorem consistere oportere, ut author est Guilielmus Zenocarus in vita Caroli.

Et meritò. Ecquis enim ei, fidem qui violavit, fidem ulteriùs habebit? & quis perfidiam, occultum illud & insidiosum, imò tartareum & furiale malum, non potiùs execrabitur, & præsertim illam, quæ conjunctum habet perjurium? quod utrumque scelus vindicem habet justissimum Dei oculum; qui & fraudes, quocunque vel necessitatis vel utilitatis publicæ fuce delibutæ fuerint, punit; nec nominis sui profanationem relinquit inultam; adeò, ut non rarò in prolem dilata ruant perjuria patris.

Notum hoc est ex historia Saulis, cujus posteritas (*a. M. 2925.*) ob violatam à Saule fidem Gibeonitis quondam à Josuâ datam, in crucem est

acta, 2. Reg. 21. Notum ex historiâ Zedechiæ regis, qui fidei datæ & jurejurando confirmatę immemor, ubi cum Ægyptiorum, Ammonitarū, Moabitarum & Idumæorum regibus, adversus Nabuchodonosorem conjurasset; post triste interneccionis liberorum suorum spectaculum exocularus, catenisque vinctus, Babylonem abductus, regnum unā cum urbe & templo (*anno M. 3365.*) perdidit, 4. Reg. 25. & 2. Paral. 36.

Notum denique hoc ex funestissimā & luctuosissimā Christianorum clade, ad Varnam acceptā, (*anno Christi 1444.*) cui causam præbuit rescissio fœderis, ex instinctu Juliani Cardinalis legati Pontificii, negantis valere juramentum, Papā inconsulto cum hostibus religionis percussū. Nimirum decennalis pax, inter Ladislaum Ungariæ, & Amuratem, Turcarū reges, erat sancta, & jurejurando, nostris in Evangelio, illis in Alcorano firmata. Amurates itaque, cū suos in pugna Varnensi à Ladislao rege, qui violato fœdere prior bellū fecerat, non sine magnā cæde fugari conspicaretur, ad expianda fidei violatę piacula, ad ulciscendam Christianorum perfidiam, & ad vindicandum jus rescissę pacis, depromptum è sinu codicem initi sanctissimę, fœderis explicuit, intentisque in cælum oculis, ingeminans; hæc sunt (*dixit*) Christe crucifixe fœdera, quæ Christiani tui mecum percussere, per numen tuum sanctè jurarunt, datamque sub nomine tuo fidē perfidē violarunt. Nunc Christe,

si tu es Deus, ut ajunt, & nos hallucinamur, tuas
 measq; hîc injurias ulciscere; & his, qui nomen
 tuû nondû agnovêre, violatæ fidei pœnas ostêde.
 Vix his dictis pugna, quæ primum anceps, incli-
 nare cœpit, & primum proceres, Episcopi, Vara-
 diensis & Agriensis, mox Julianus legatus, fœde-
 ris violati suator & dædæx cecidêre: postremò
 rex ipse Ladislaus telorum sylvâ inter confertis-
 simos hostes prostratus est; cujus caput abscissum,
 hastæq; adfixum, Amurates pro vallo statuit, his
 vocibus concitatis: *Tales jussus Deus pœnas, ex-*
auditis Turcarû imprecationibus, à perfidis Chri-
stianis exigit, author Bonfinius libr.6. decad.3.
 Chalcondylas libr.7. Jovius libr.2. & alii com-
 plures. Hoc exemplo Principes, & quotquot
 fœdera & conventiones ineunt, meritò commo-
 veri debent; ut divinæ vindictæ memores, nomi-
 ne Dei omnipotentis fraudulenter, aut compen-
 dio quæsito, non abutantur; utpote qui, ut dixi-
 mus, non inultum finit sui nominis abusum.
 Neque hîc prætextus impiæ gentis ullâ excusa-
 tionē meretur; Deus siquidē nominis sui usum,
 etiam apud Ethnicos, & à vero Deo alienos, in-
 violatum esse vult. Sed non tantum in promissis
 & pactis fides tam injurata, quàm jurata hosti à
 Principe est servanda; sed nec omnino bellica fi-
 des erga hostes violanda, quocunque modo id
 fiat; præsertim verò insidiando illis per fraudem,
 aut legatos obsidesque illorum violando. Hujus

rei documento sunt ex priscis Romanis, Camillus & Fabricius, quorum alter Faliscorum, quos octennali obsidione jam irrito successu presserat, pueros (*anno mundi 3580.*) à magistro per deambulationis speciem eductos, sibiq; , tanquã certam victoriæ spem, traditos accipere noluit, sed turpem hunc proditorem averſatus, vinctum nudatumque terga, adolescentulis verberibus in urbem agendum tradidit, teste Liv. lib. 5. Alter (*an. mundi 3694*) medico Pyrrhi promittente, se venenum regi propinaturum; monuit Pyrrhum, caveret insidias; quẽ idcirco Pyrrhus hoc præconio ornare non dubitavit: *Hic est ille Fabricius, qui difficilius ab honestate, quàm sol à cursu suo averti possit*, teste Polybio lib. 2. & Plutarcho in Pyrrho. Horum exemplum æmulati leguntur laudatissimi nonnulli Reges & Principes Christiani. Imperator nimirum, Conradus secundus, postquam Miecislaum, Polonię Ducem, ad Ulricum Bohemum confugere coëgit; hic autem spretâ hospitali fide Conrado offerret, se Miecislaum captivum ipsi in potestatem daturum; ab eo scelere ita abhorruit Cæsar, ut statim Miecislaum periculi, in quo versabatur, moneret. Eâ remotus Polonus, qui armis nunquam cesserat, ad Conradum profectus diadema deposuit, & consuetum tributum confirmavit; teste Fulgoso lib. 6. c. 5. & Aventin. lib. 5.

Ad Rudolphum Imperatorem cùm quidam
venisset

venisset, (*an. Christi 1278*) qui Ottacarum Bohemiæ regem, atrocem ipsius hostem, in venatione se occisurum promitteret, si facto præmium esset; Rudolphus respondit: Etsi noster hostis est Ottacarus, non tamen id efficiet, ut justitiæ & moderationis fines transeamus; ut cum sequentibus aliquot historiis hanc quoq; recenset Æneas Sylvius lib. 3. comment. de rebus gestis Alphonsi. Inter Johannem, Caroli quarti Imperatoris patrem, & Henricum Carinthiæ Duce[m], de regno Bohemiæ longâ & difficili existente contentione, (*an. C. 1311.*) cum quidam Johanni regi promitteret, veneno se hostem occisurum, si præmium speraret; Johannes justitiæ & integritatis amator respondit: Si me nescio Henricum interemisses, & ad me fugâ adornasses, crux tibi præmium futurum erat, qui te regio sanguine commaculasses; & tu me modò tanti sceleris authorem petis?

Pari modo cum Rogerius, Palantiæ Comes, vir integer & manu promptus, Alphonsum Aragonium adiens, diceret, in animo sibi esse Johannem Castellæ regem, ipsius hostem, confodere: idque sibi factu fore perfacile, modò ipse annuat; *Non per scelus, sed virtute gloriæ querendam esse,* respondit Alphonsus; se enim nō solum pro Castellæ atque Italiæ dominatu, sed ne pro totius quidem orbis Imperio adipiscendo, tam crudele atque detestabile facinus permisiurum.

Idem, cùm quidam Renati Andegavensium Ducis, hostis sui atrocissimi, mortem promitterent, se in eos, ceu in parricidas, animadversurum respondit, si hoc tentarent, dicens, *se nequaquam insidiis cum hoste de regno, sed manu tantum & virtute dimicaturum*. Idem his, quì se in mortem Francisci Sfortiæ paratos esse significarant, respondit; *nunquã victoriam sibi placuisse, cujus postea pigendum pudendumve esset*. Igitur, nî ob hujusmodi consiliis abstinerent, talia exempla se in illos editurum, ut ejusmodi consilia sibi admodum molesta esse omnes intelligerent.

Sic & Matthias Ungariæ rex (a. C. 1469.) bello contra Georgium Bohemiæ regem flagrante, cùm quidam quinque aureorum millia pactus recepisset, se Georgium, cui familiaris esset, facile ferro perempturum; postmodum verò causaretur, Georgium fidâ satellitum turbâ stipatum, gladio perimi non posse, at veneno posse, si modo ipse annueret, severè admodum hominem increpuit, Fabricii exemplum addens: *Ferro, non veneno Romanos Romanaq; virtutis amulos victoriam parare solere*; & Georgium seriò, ut sibi à beneficiis caveret, per literas monuit, ut author est Curæus in Silesiæ annalibus.

Idem, rege Georgio, socero suo, cruce signatorum armis in summas redacto angustias, cum illo in civitate Olomucensi colloquium instituerat. Eò cùm Georgii duo filii, Victorinus & Hen-

Henricus, humanitatē & fidem Matthiæ secuti, sese contulissent, Rudolphus, legatus Pontificius, regem hortatus est, ut captis iis, quibus reditum non esset pollicitus, præsertim hæreticis, ancipiti bello finem imponeret; quòd Georgii spes omnis à filiis penderet. Tum verò Matthias torvo vultu sceleratum consiliū detestatus, *fidem suam non Bohemia modo, verum etiam totius terrarum orbis Imperio sibi antiquiorem esse, dixit; & ut à similibus consiliis deinceps abstineret, edixit.* Author idem Curæus in Silesiæ annal.

F L O S I X.

In Principe domi sit sanctitas, fortitudo in armis, utroque prudentia.

Sextus Aurelius Victor, in Trajano, Duo sunt, inquit, quæ ab egregiis Principibus expectantur: sanctitas domi, in armis fortitudo, utroque prudentia. Et his tribus omnia ea continentur, quæ Principem suis reddunt charum & acceptum, fortunatas Respublicas, Regna beata, & Imperia florentia.

Ac primū quidem, etsi multis Principibus Senecæ illud arridet in Thyeste:

*Sanctitas, pietas, fides,
Privata bona sunt; quæ juvat, Reges eant.*

Unde non abs re scurra quidam Cæsarum Italicorū temporibus dixerit, authore Vopisco: *In uno annulo omnes bonos Principes posse perscribi atq; depingi.* Nullis tamen magis, quàm iis, Imperii clavum qui tenent, & ad publica sedent gubernacula, morum integritas atque sanctitas necessaria est. Morum integritas atque sanctitas necessaria est, si modò diu consistere, à suis subditis amari, suamque simul apud eosdem auctoritatem tueri velint.

Documento est Augustus Cæsar, qui tanto in amore apud suos fuit cives, ut nō modò maximo omnium ordinum consensu pater patriæ fuerit salutat, sed & ejus nomine civitates duæ conditæ, quæ Sebaste & Cæsarea nominarentur. In Trajani Imperatoris honorem, Armenis & Persis devictis, multa senatus decrevit, & Parthici cognomen dedit; sed illud inprimis, ut *Optimus* appellaretur; quā solâ appellatione magis gaudebat, quòd suis moribus & mansuetudini conveniret, quàm ullâ aliâ; teste Cuspiniano ex Dione.

Unde & in Cæsarum electione, lætæ congratulationis ergo, hæc acclamationis formula usurpata legitur; *Sis felicior Augusto, sis melior Trajano.*

Sic & Titio Vespasiano, ad promerendam omnium voluntatem, tantum vel ingenii, vel artis, vel fortunæ superfuit, ut non solum privatus, quando

quando sub patre Principe vixit, sed & in Imperio semper omni odio, nedum vituperatione publicâ, caruerit; & amor deliciâq; generis humani à senatu populoque Romano fuerit appellatus.

Marcus Antoninus Imperator, Pii cognomen meruit, quòd naturâ fuerit pius & clemens, ut nihil triste aut asperû ab eo expectaretur. Quod idem de Ludovico Pio, Caroli Magni filio, memoriæ proditum.

Edovardus tertius, unus fermè omnium Regum Anglorum, qui nullis, vel levibus saltem, deditus fuerit vitiis, post mortem in Divorum numerum est relatus, teste Polydoro lib. 8. & 9.

Econtrâ, ut est apud eundem Senecam in Thyeste;

Ubi non est pudor,

Nec cura juris, sanctitas, pietas, fides;

Instabile regnum est.

Et, ut Publantium illud habet: *Malè imperando imperium amittitur.* Ubi præterea morum vitæque probitas exulat; ibi authoritas, Imperiorum & magistratuum fulcrum, non potest esse diuturna. Qui enim seipsum contemnit, nec, quem sit in locum à Deo Opt. Max. erectus, cogitat; quomodo ab aliis in oculis ferri potest, magnique fieri? Exemplo sunt, præter alios innumeros, in Judæa Ochozias, qui in solio despectus & vexatus sedit, annum duntaxat unum; à

Jehu , è fugâ & latibulo Samariæ tandem extractus miseréque jugulatus:& Ammon propter tyrannidem, initio regni, fraude suorum familiarium sublatus: Romano in Imperio Caligula, Vitellius, Opilius, pro Macrino appellatus Macellinus, quòd macelli in modum domus ejus vernularum sanguine cruentaretur; Heliogabalus itidem; in limine regni miserè contrucidati, quòd impietati, crudelitati, omnisque generis vitii, libidinis, voluptatibus essent dediti. (Plura exempla repete ex secundo flore primæ coronæ.) Nec mirum. Nam juxta Senecam lib. i. de clementiâ c. 24. *non est ibi Rex tutus, ubi nihil à Rege tutum: severitas severitate mutuâ paciscenda est.* Quis enim aut eum diligat, quem metuit? aut eum, à quo se metui putet? *Metus nimirum & terror,* inquit Tacitus in Agricola, *infirma vincula sunt charitatis; quæ ubi removeris, qui timere desierint, odisse incipient.* Cui Ennianum illud suffragatur; *Quem metuunt, oderunt; quem quisq. odit, periisse expetit.*

Deinde cùm is, qui summæ rerum præest, vir bonus est, etiam sincerius institutis majorum statur; cùm malus, minùs. Ideo rectè Cyrus Xenophontæus lib. 3. *ne idcirco arbitratus est, nemini convenire Imperium, qui non subditis esset melior;* ac proinde quoque sibi virtutem esse colendam. Subditos nimirum se maximè putabat ad præclaras & laudabiles actiones excitaturum; si ipse,
cui

cui esset in eos imperium, ostendere se niteretur supra omnes virtute ornatissimum. Videbatur enim animadvertere, *meliores homines effici etiam legibus scriptis; at bonum magistratum arbitrabatur hominibus esse legē viventem*: quippe qui ad ordinem revocate queat, & ordinis negligentem cernere ac punire. Quomodo autem cum gravitate vitæ rationes ab aliis potest reposcere, & in delinquentes animadvertere, qui ipse malus extiterit? Num cæcum cæcus ducere, lapsus lapsus erigere consuevit? imò, sanctimonia si abfuerit, æquè periculosum est, Principem Imperii clavum, atque mente captum tenere gladium, quo & se & alios lædat. Denique, quia à *capite bona valetudo*, juxta Senecam lib. 1. de clement. c. 2. ideo summopere Principi bono operanda, ut vitæ sanctimoniâ & integritate subditis præcat. Etenim, teste Paterculo lib. 12. *facere rectè, cives suos Princeps optimus faciendo docet; cùmq; sit imperio maximus, exemplo major est*. Nam populus in Regem, tanquam in edito loco positum, & in clarissimâ luce versantem, oculos projiciens, omnia curiosè & diligenter inquit, quid agat, quid dicat, quomodo vivat; & in illius *animum quasi per rimulas inspicit*. Hinc imitandi oritur cupiditas; hinc fit, ut in subditos, aut virtutes Principum emanent, aut vitia deriventur.

Notum hoc exemplis Ludovici XI. & Fran-

cisci primi, regum Galliæ; quorum ille, cum Carolum filium scire Latinè vetuisset, præter unum illud: *Qui nescit dissimulare, nescit regnare*; malo & pessimo à Principe petito exemplo, nobiles Franci nullum literarum genus non contempserunt; econtrà, cum alter miro studio bonas & liberales literas, à quibus sui majores semper abhorruerant, amare cœpit, statim nobilitas secuta est. Deinde reliqui ordines tanto studio conquisierunt, ut nusquam major literatorum existeret copia, teste Bodino in methodo historicâ. Sic & Hipparchum Pisistrati filium, Principem doctissimum, Athenienses olim secutos fuisse in viris doctis observandis atque colendis, scribit Ælianus lib. 8. variæ historiæ: Et ad Imperatorum Arcadii & Honorii exempla, multos subditos conversos esse, tum Græcos, tum hæreticos, narrat Sozomenus lib. 8. c. 1. Et de Scotorum gente memoriæ prodidit Hector Boëtius lib. 11. eam, si ullam aliam, Regum exemplo duci, eoq; promptissimè, vel ad virtutem, vel ad probitatem sese componere. Adeò verum est Siracidis illud in Ecclesiastico c. 10: *Quales in Republica sunt Principes, tales reliquos solere esse subditos & cives*; ut proinde facilius sit, ipsam naturam rerum errare, quàm ut Principes dissimilem sui Rempublicam formare possint: ut est apud Cassiodorum lib. 11. variar. epist. 12. Major tamen vitiorum, quàm virtutum est ratio; utpote, quæ avidissimè hauriri, & tena-

tenacissimè hæere consueverunt; de qua perniciosâ vitiorum in Principibus imitatione, eleganter admodû Gregorius Nazianzenus: *Nulla, ait, tam preparata induendo vestis est ad colorem; neq, tam idonea ad odorem recipiendum, neq, tam pestilens halitus ullus in aëre diffunditur, cujus contagione animantes inficiantur, quàm sollet celeriter principum virorum pravitate atque vitiis compleri vulgus; multò quidem citius, quàm è contrario virtute.*

Exemplo est Manasses, rex Judæ, qui non solum vitia & scelera incepit ipse, sed & in totum regnum ea infudit; cujus impietatem maxima pars populi est imitata; quæ idola ab ipso introducta pertinacissimè & mordicus retinuit; & quamvis ipse postea conversus est, non tamen simul conversi sunt, quos antea seduxerat, 4. Reg. 21. 2. Paral. 33.

Sic & Ptolomæi regis mores, qui patris parentum ac fratris cædibus, flagitiosæ luxuriæ sese tradidit, tota Ægyptus secuta est, teste Justino lib. 30.

Sic & multos, nefariis libidinibus deditos, Romæ repertos esse, cum ne publicis quidem in locis ab his Nero Imperator abhorreret, testatur in ejus vita Suetonius.

Adeò fœdum est, qui rationem rectè vivendi aliis præscribere debet, eum vitiorum esse mancipium; quod servitutis genus, ut Xenophon in-

quit lib. 4. de factis & dictis Socr. *peffimum est omnium*; quippe domini ipsi sunt omnium deter-
rimi, eoque pejus de Republ. merentur vitiosi
Principes, quòd non solùm vitia concipiunt ipsi,
sed ea infundunt in civitatem; neque solùm ob-
sunt, quòd ipsi corrumpuntur, sed etiam quòd
corrumpunt alios, *plusq; exemplo, quàm peccato*
nocent, ut Cic. disferit lib. 3. de legibus.

Porro cùm de Polybii sententiâ lib. 6. *duo sint*,
quibus quavis Respublica servatur, fortitudo vi-
del. adversus hostes, & mutua inter se concordia;
nec sine viribus & viris tuta semper esse sanctitas
& morum integritas possit; etiam fortis sit Prin-
ceps ac magistratus, necesse est; qui pericula non
declinet molliter & muliebriter, sed animo ea
excelsò infractòq; adeat; proque Imperio, pro li-
bertate, pro aris & focis suum profundere san-
guinem minimè dubitet. Idcirco enim Reges &
Principes Dei & olim sunt constituti, & adhuc
hodie constituuntur vicarii, ut ipsius in terris ge-
rant vices, sintque ministri ad hominis salutem.
Idcirco præterea gladius & arma illis à Deo con-
cessa, ut injuriâ affectis auxilium ferant, è medio
tollant scelera, subditos à metu liberos, omnium
malorum & periculorū expertes reddant. Unde
& horum ipsi opibus sumptibusq; sustentantur,
& tributa recipiunt; ut rebus suis posthabitis, pu-
blicas curent civitates, & agros contra vim hosti-
lem rueantur, & subditorum commoda facta re-
staque

Etæque conseruent. Et hujus sui officii admonere eos debent nomina, post res strenuè gestas, in titulum honoris & dignitatis viris egregiis non sine ratione indita; quòd nimirū nihil æquè ipsis, atque Marcia jura capeffenda sent. Imperatores enim olim sunt dicti, quòd hostibus, à quibus insignem reportassent victoriam, imperarent; Reges, quòd & alios in virtutibus regerent; Duces, quòd exercitus ducerent; Comites, quòd Reges & Principes suos ad bellum ituros suis copiis comitarentur; Barones, quòd fortitudinis ergo eligerentur, qui armis Rempubl. tutarentur; Nobiles deniq; , quòd eorum in bellicis maximè periculis nota claraq; esset virtus.

Minimè ergo hujusmodi aliquo honorifico titulo dignos se præstant Principes, quibus ad levissimum belli rumusculum animus in pedes decidit. Exprobrat certè hoc Achazo, regi Judaico, sacra pagina, Esa. c. 7. quòd certior factus de Rezinis & Pekæ, Syriæ & Samariæ regum in se conspiratione, animo commotus fuerit, *non aliter ac vento moruentur foliorum arbores* (an. M. 3213.) Multò verò minùs honorifico isto titulo digni sunt, qui per animi socordiam inertiamque, non solum nihil egregiū, nihil arduū audent aggredi, sed ipsam quoq; Remp. ignavo isto ocio pessundant, atque ita patriam suosq; subditos prædæ hostiū exponunt. Præter alia innumera flagitia, hoc quoq; in Tiberio Cæsare detestatur Sueton.

quòd biennio continuo extra urbem pedem non extulerit; Reipub. curâ abjectâ, Capreas Campaniæ insulam petierit; Hispaniam & Syriam per aliquot annos sine consularibus legatis habuerit; Armeniam à Parthis occupari, Mœsiâ à Thracis Sarmatisque, Galliam à Germanis vastati, neglexerit; non sine magno Imperii dedecore, nec minori discrimine. Sic & apud Trebellium Polliōnem malè audit Licinius Gallienus Imperator (a.C.259.) quòd otio & ignaviæ deditus barbaros minimè represserit, & occasionem dederit 30. tyrannis, ut Romanum Imperiū invaderent, miseréque per annos 12. lacerarent. Sed nec reprehensione ii carent Principes, qui turpem & ignominiosam ab hostibus mercantur pacem; ejusmodi à Parthis vices centenis aureorum millibus emit Macrinus (an.C.218.) & à Scythis, sub tributo, Vibius Gallus Imperator (a.C.252.) non sine maximâ Romani nominis ignominiâ: Cujusmodi denique à Persis redemit Nicephorus, Imperator Constantinopolitanus (a.C.810.) pro incolumitate Imperii triginta millia nummum aureorum, pro capitis sui salute 30. millia, in singulos annos pactus; quam pecuniam à Bulgaris emuncturus, arma in eos ubi sumpsit, in prælio miserè occubuit; ejus postea cranium, argento obductum, poculi loco per ludibrium Bulgari in conviviis circumtulerunt. *Est quidem bellam fugiendum*, inquit Polybius lib. 4. *non tamen*

tamen ita fugiendum, ut omnia, ne in id incidamus, sustinere perpetiq; velimus. Quid enim vel æquabilitatem in Republica, vel fiduciam, vel libertatis jucundissimum nomen laudaremus, si nihil omnino esset paci anteponendum? Quanto verò rectius Pelopidas, Dux Thebanorum clarissimus, contra hostes bellum gesturus, cum arma indueret, lachrymisque largis eum domi retinere uxor conaretur, ac rogaret, ut seipsum servaret; alii, istud ut faciant, respondit, monendi sunt, non Princeps & Dux; qui potius hortandus, ut cives servet, teste Plut. in apoph. Et quantum in bellis ipsorum Principum præsentia conducatur, vel Macedonum exemplum testatur; qui etiam infantem Regem suum prælio tum interesse voluerunt, cum contra Illyrios & Thraces pugnandum fuit (anno mundi 3371.) ut auctor est Justinus lib. 7. Intellexerunt hoc omnis seculi fortissimi quique Reges & Principes; quorum è numero Alexander Magnus, quod nusquam sibi in periculis parceret, cum nullo unquam hostium esset congressus, quem non vicit; nullam gentem adiit, quam non in ordinem redegit. In bello Julii Cæsaris Hispaniensi ad Mundam cum Pompeji filiis, Cæsariani cunctantiores ad prælium facti, nec precib. nec minis moti pugnam prius inierunt, quam Cæsar, primus omnium in adversam aciem irruens moriendi consilio, clamitavit; *Hic, milites, hic mihi vita finis, vobis mi-*

litia terminus. Tum demum mota est tota acies, metuq; aut pudore Cæsaris impetum secuta, in adversos hostes cum clamore irruit, teste Frontino lib. 2. c. 8.

Sic & Maximilianus primus, Imperator, in obsidione Morini (*an. C. 1479.*) certior factus de adventu Gallorum, noctu retractis bellicis apparatibus, ordines instruxit, & quadrato agmine hostibus obviam processit, juxtaque Bovini oppidum pertinaciter cū eis manus conferuit. Qui cū non cederent, pedes cum militibus cœpit inire pugnam, equitibus tamen in suo manentibus ordine. Ubi medium conspexerunt Ducem suum Alemanni, tū verò in pectora vigor rediit, hostesq; ferociter urgent, & cedere loco cōpellunt, multā illorum strage editā, ut author est Cranzius lib. 12. Saxon. c. 21.

Etiam de Carolo quinto Imperatore Historici referunt, quòd primus in agmine suo semper extiterit; sæpe quindecim, nonnunquam plures horas, armatus equo infederit, nunquā ad bombardarum ictus inclinārit caput, nusquā pedem moverit, nusquam expalluerit. Nimirum, ut Plutarchus scribit in Cæsare, *spiritus militum animiq; ardores Dux ipse excitat, quando omnibus ultrò se periculis obijcit, & nulli labori succumbit.*

Sed ut & sanctitas vera sit domi, & in armis fortitudo profit, illud accedere oportet, prudētia utrobique ut adsit: quā salutaris Princeps & perspicat,

spiciat, quid quavis in re verissimum sit, & acutè
 celeriterque videat atque explicet rationem; &
 quid in vita expetendum fugiendumque sit, diju-
 dicet. Quoniam enim, teste Tullio in Officiis,
 nulla vitæ pars nec publicis, nec privatis, nec fo-
 rensis, nec domesticis in rebus; nec si tecum
 agas quid, nec si cum altero contendas, vacare
 officio potest; in eoque colendo omnis sita est
 vitæ honestas, & in negligendo turpitudine; nemo
 unquam negaverit, nisi rationem omnem exuat
 atque sensum, antequam ad agendum veniatur,
 deliberatione opus esse & recto iudicio, quo offi-
 cium hoc discernatur & cognoscatur. At verò
 nulla deliberatio, nullum rectum iudicium sine
 prudentia; quæ sola præit, atque ducit ad rectè vi-
 vendum; imò ipsa vivendi ars est, optimaque vitæ
 magistra; quæ auream illam mediocritatem in-
 vestigat; quæ vitam tranquillam & jucundam fa-
 cit; quæ sibi aliisque consulit; quæ cautiore
 semper utitur consiliis; quæ in posterum providet;
 quæ omni ratione est perfectior. Sic igitur verè
 regni prudentia custos, sine qua nemo Rex aut
 Princeps rectè imperare, multoque minus Remp.
 beare aut amplificare potest. Id quod tam stoli-
 dorum, quam prudentium Regum & Principum
 exemplis manifestum sit. Roboam⁹, vir quadraginta
 unius annorum, patris Salomonis in regno suc-
 cessor, puerili animo & consilio cum stultis ado-
 lescentibus, de regno constituendo temere de-
 liberans; cum populo petenti *συστάμεναι*,

hoc est, onerum publicorum levationem denegaret, immemor præcepti paterni, Prov. 15. *de molli responsione mitigante iram, deq; aspero sermone eandem provocante*, populum hac suâ levitate, superbiâ, & asperitate alienavit, decem tribubus ad Jeroboamû deficientibus (a. M. 2971.) perpetuæque distractioni occasionem præbens, damno suo didicit; *calida & callida consilia primâ specie esse lata, tractatu dura, exitu tristia*, quod Livius dixit decadis quartæ lib. 5. Itemque nonnunquã satius esse, de parte sui juris aliquantû cedere, majoris præsertim boni consequendi causâ, (nec enim omnia populus detrectavit onera) *quàm totum amittere*.

Idem immemor jurisjurandi, quo ex lege fœderis Reges Deo, vasalli domino suo superiori, obstricti sunt, cùm à Deo unâ cum populo Judaico ad idola deficeret, Sefacus divinitus (anno mundi 2975.) excitatus, Roboamum bello peti-
tum profligavit, urbeque Hierosolymâ direptâ, regiam & ærarium omnibus thesauris spoliavit, & scuta atque hastilia aurea in Ægyptum transportavit, 3. Reg 14.

Bello Punico secundo (anno mundi 3754.) omnium malorum & vulnerum, quæ Respublica Romana tribus continuis annis accepit, origo & caturigo fuit, inconsulta Ducum Sempronii, Flamini, & Terentii Varronis, temeritas; quorû primus, fidelis sui collegæ dehortatione speretâ,
nimis

nimis præcipiti pugnandi cupiditate, & ambitionis stimulo percitus, ad Ticinum fluvium hostis sese insidiis implicuit: alter itidem, consilio salutaria magis, quàm speciosa suadentium spreto, iratus, signum simul itineris pugneq; proponens, in loco insidiis nato, lacu Thralimeno, & montibus clausus, & undiquaque hostibus circumfusus, maximâ suorum clade occubuit: tertius ad Cannas audaciâ & temeritate suâ, omnium funestissimæ cladi Romanorum causam præbuit. Utiq; ergo, ut de temerario quodam, nullâque ratione in bello pericula subeunte, Cato major dixit; *multum interest, utrum quis virtutem magni, an verò vitam parvi pendat. Temeritatis nimirum, ait Valer. Max. lib 9. c. 8. subiti & vehementes sunt impulsus; quorum ictibus hominum mentes concussæ, nec sua pericula dispicere, nec aliena facta justâ estimatione prosequi valent.* Sic ergo Duces isti, prudentiâ bellicâ destituti, dum Hannibalis artes despiciunt, & seipsos parum noscunt, nimiumq; suis viribus fidunt, rem Romanam penè funditus subverterunt, Polybiiq; illud lib. 4. comprobarunt; *temeritatem sæpenu-mero homines ad insaniam, & ad nihilum adducere solere.*

Pari modo Carolus, Burgundiæ Dux potentissimus, cùm arrogantis & elati supra modum esset ingenii, & amicorum bene consulta contemneret, infelici conatu multa tentavit; donec

bellum ex bello serens, & multis præliis profli-
gatus (an. C. 1477.) ad Nancæam in fuga misère
occubuit. Non immeritò ergo eorum reprehèn-
ditur inscitia, audacia & insolètia, qui res arduas
præcoci & temerario ausu suscipere & perficere
satagunt, nec priùs prudenti habitâ deliberatione
perpendunt, qualis eventus expectandus sit.

De Carolo octavo, Gallorû rege, qui magno
cum Italiæ probro Neapolitanum regnum sub-
egit, scribit Guicciardinus lib. I. quòd, *quamvis*
fortuna donis præclarissimè esset cumulatus, tamen
omnibus ferè natura animiq; dotibus vacuus fue-
rit. Ut enim de partium corporis constitutione,
quâ monstro similior, quàm homini, nihil dica-
mus, non solùm notitiâ bonarû artium prorsus
caruit, verùm etiâ communium literarum notas
ignoravit. Imperandi quidem cupidissimus fuit,
sed ad quidvis potiùs, quàm ad Imperium aptus;
propterea quòd à suis perpetuò circûactus, cum
eis neq; majestatem, neque authoritatem ullam
retinebat; à laboribus & negotiis omnib. alienus;
in iis tamen, quibus operam accommodabat, o-
mni prudètiâ & judicio destitutus. Quòd si fortè
quid in eo laude dignum apparebat, si quis peni-
tiùs introspiceret, à virtute, quàm à vitio, id re-
motius esse comperisset. Erat in eo quædam ad
gloriam propensio, verùm impetû magis, quàm
consilio; liberalitas quoq; , at inconsulta, ac sine
modo ac delectu; immutabilis interdum in deli-
bera-

berationibus, verum ita, ut pertinacem potius, quam constantem diceret: ac quam alii bonitatem appellant, ea veriùs stupor, atque animi remissio quædam erat appellanda. Hic cum, post suum ex Italia discessum, Ferdinandum Neapolin recuperasse cognovit, & ad auxilium suis ferendum maturaret; amore cujusdam è reginæ cubiculo puellæ captus, ad Turonenses profectus, sub specie divi Martini salutandi, mensē postea integrum Lugduni inaniter consumpsit, & pulcherrimam rerum gerendarum occasionem turpissimè amisit, eodem teste Guicciardino & Jovio libr. 2 & 3. historiarum. Ignoravit nimirum stolidus iste & indoctus Rex, Vegetii illud militare præceptum lib. 3. c. 26. *Solere occasionem in bello amplius juvare, quam virtutem.* Econtrà Constantinus Magnus, Imperator, corporis atque animi dotibus cum optimo quoque Principe comparandus, ut militaris gloriæ fuit appetentissimus; ita in administrandis & gerendis bellis victoriosissimus, & in tyrannis opprimendis fortunatissimus. In omnibus Imperii sui locis census publicos diminuit, & quartā eorum partē agrorū dominis remisit; quos privatus dilexit, opib. honestavit; liberalitate & gratiā omnium sibi benevolentiam comparavit. Ingenii nimir. illā acie donat⁹, quā bona deliguntur, rejiciuntur contraria; vidit id quod Agesilai in laudib. Xenophō refert: *pulchrius esse Principib. exercitus & alios, quam seipsos locupletare: & q̄ Pomponi⁹ Lætus in*

Diocletiano, *potissimam in Principe esse dotem, liberalitatem & clementiam*. Pacem petentibus libenter dedit; liberalibus studiis, ubi per otium licuit, summè est delectatus: Leges ex æquo & bono multas rogavit, superfluas abscidit, severas nimium emendavit. Novit enim ex Christianâ religione servare parsimoniam, mansuetudinem colere, paci studere, simplicitate & constantiâ uti. Eum, non supplicantem dæmonibus, sed ipsum verum Deum colentem, Deus tantis terrenis implevit muneribus, quanta optare nullus auderet; cui etiam condere civitatem Romano Imperio sociam, velut ipsius Romæ filiam, sed sine aliquo dæmonum templo simulacroque, concessit, ut scribit Augustinus lib. 5. de civitate Dei c. 25.

Gratianus & Valentinianus secundus, Imperatores, cum ipsi de Deo piè sentirent, suis quoque subditis orthodoxos præfēcere pastores, & religionis puritatem, quantum in ipsis fuit, conservant; ne penitus à Barbaris, Hunnis, Gothis, Vandalis, uti Imperium Romanum, sic orthodoxa pietas everteretur, ut scribunt Socrates, Sozomenus, Theodoretus. Ex his Gratianus, adolescens octodecim annorum, religione clarus, militiâ strenuus, apud Argentaream oppidum Galliæ, uno prælio ad triginta millia Alemannorum, fines Romanorum vastantium, cum minimo suorum incommodo cecidit (*anno Christi 377.*) In
 Italianam

Italiam rediens, pulsâ Arrianâ hæresi, totam provinciam ad veram Christi fidem redegit. Irumpentibus Gothis Theodosium Hispanum, socium Imperii delegit. Fuit autem Theodosius Magnus inter omnes Imperatores memorabilis, non tantum, quia propriâ virtute, atq; eximio Gratiani Imperatoris iudicio, ad illius dignitatis culmen est evectus; sed etiam, quia in Imperio dignum se tanto fastigio præstitit: Republicâ non solum fortitudine, (Maximo & Eugenio, tyrannis magnâ felicitate superatis) sed etiam pietatis Christianæ studio sublevatâ; quibus laudibus proximè ad Constantinum accessit Magnum; scribit Sigonius lib. 9. Imperii Occidentalis.

Theodosius junior philosophiâ ita didicit, ut non eam verbo profiteretur, quemadmodum cathedrarii philosophi, sed opere exqueretur, sic patientiâ ac clementiâ præstabat cæteris hominibus, sic passiones animi frenabat, sic iram ac libidinem conculcabat, ut *ratione vivere* apertissimè à cunctis prædicaretur. Tertiam synodum OEcumenicam, Ephesinam, contra Nestorium celebravit, & constitutiones Principum in unum codicem collegit, (a. C. 435.) qui adhuc extat titulo codicis Theodosiani. Cùm in Perside Christiani miserè per totos 30. annos tractarentur, cùm ad suorum, quos Persæ captos ad fodinas auri damnarant, defensionem, tum ad Ecclesiarum Persicarum liberationem, bellum movit;

hostibusq; uno atque altero praelio cæsis atque attritis, propter Ecclesiarum in Persia tranquillitatem, ultrò pacem obtulit: (a. C. 421.) quâ initâ unâ cum bello persecutio conquievit, teste Socrate lib. 7. c. 20. & Nicephoro lib. 14. c. 21. Fuit & Carolus Magnus, si ejus res cùm domi, tum foris inspicias, vir bello paceq; summus, justitiæ literarumq; cultor eximius, atq; omnium Imperatorum, post Constantinum Magnum, maximus. Et quis omnium Regum & Principum, qui prudentiâ suâ tam domi, quàm foris Remp. bearunt atque amplificarunt, exempla recensere valet? Quamobrem sit hæc quasi norma atque regula, ad quam res rationesque suas Reges & Principes, omnesque alii, ad Rerum publ. gubernacula qui sedent, componant & conforment; ut *sanctè domi, fortiter in armis, utrobyq; prudenter sese gerant*: idque assidue cogitent; cùm Princeps & quivis alius magistratus sit lex viva & videns, minimè fieri posse, quin bona vel mala Rei-publicæ gubernatio ex hujus moribus vitaque pendeat.



F L O S X.

Omnia prius experiri consilio, quam armis, Principem decet sapientem.

PRæclarum Mithridatis apud Vellejum Paternulum lib. i. extat elogium, *quod consiliæ dux, miles armis fuerit.* Quo eodem ferè in Panegyrico suo Pacatus tribunus Theodosium Imperatorem exornat, asserens, *Ducem eum fuisse consilio, militem exemplo.* Duæ nimirum sunt columnæ, quibus omnis administratio fulciri debet, prudentia & strenuitas: illa gubernatori pro oculo, hæc pro manu est; illa suggerit consilium, hæc robor; illa acuit iudicium, hæc firmat cor. Synesius in oratione ad Arcadium de regno, Ægyptios, ait, geminum Mercurii depinxisse simulacrum; alterum iuvenem florentis; alterum maturo senio venerandi. Quo innuere voluerunt, eum qui rectè Rempubl. aut regnum sit administraturus, conjunctam cum prudentia fortitudinem habere debere. Et, ut Castoris & Pollucis faces, si solitariè appareant, dirum esse ostentum, olim creditum fuit, si geminæ, salutare signum: ita quoque ex sententia Isocratis ad Demonicum, *robur cum prudentia conjunctum prod-est, quâ sine plus habenti incommodat, nihilque*

aliud est, quàm gladius in manu furentis. Melior ergo viribus est sapientia, & vir prudens forti est præstantior, teste Salomonis sapientiâ c. 6. & juxta Agathonis illud; plus vis valet consilii, quàm robur manus. Parum enim foris esse arma, nisi sit consilium domi, scribit Marcus Tull. Cic. Offic. 1. Quoniam, eodem autore in Catone majore, non viribus, aut velocitatibus, aut celeritate corporum res magna geruntur, sed consilio antiquorum & scientiâ: imò, plura in summa fortuna auspiciis & consiliis, quàm telis & manibus geruntur, ut Tacitus sentit libr. 13. Annal. Verissimum itaq; est illud Diodoti apud Thucydidem lib. 3: Quisquis rectè deliberat, iste contra hostes magis pollet, quàm qui temerariâ virium ferocitate fretus in eos ferrur, & factis aggreditur. Exemplo est bellum Punicum secundum, in quo Flaminius & Sempronius, aliique Romanorum Duces feroces atque fervidi, viribusque suis nimium fidentes, Romanam rem penè funditus subverterunt. Fabius econtrà sedendo & cunctando magis, quàm ullis viribus, Hannibalem fregit, eumq; tutis & lentis consiliis, veluti amnis sine strepitu collabens, continenterq; lambens, subruit & absumpsit; atque ita, juxta magnificum ipsius elogium, unus homo patria cunctando restituit rem; secundum Ennii vers. Sic & Periclem Atheniensem Plutarchus in ejus vita commendat, cui contra sexaginta millia armatorum Pelopon-

lopōnensium ac Bœotiorū dimicare, nullo modo visum fuerit, etiamsi de ipsis Athenis ea dimicatio fuisset futura: ideo cives suos, ait, pugnam poscentes, indignęque hostium populationes ferentes, verbis mitigavit, dicendo; *arboribus quidem excisis facile alias renasci, hominum jacturam haud ita proclivem esse.* Populum præterea in concionem non vocabat, ne quid præter animi sui sententiam agere cogeretur. Ac quemadmodum navis vector, vento navi incumbente, omnibus rectè curatis instructisque armamentis, arte suâ utitur, valere jussis eorum, qui navi vehuntur, periculumque & nauscam ferre nolunt, lachrymis precibusque: ita Pericles urbe tum clausâ, omnibusque locis præsidio firmatis, sua consilia secutus est; parvifaciens obrectationē, indignationemque civium. Etenim ex amicis multi cum precibus urgebant; ex inimicis multi minis ac criminationibus territabant; multi dicerent imperium ejus exagitabant, mollitiem ei & prodicionem objicientes; verum his omnibus nihil motus Pericles, æquo animo & tacitus ignominiam odiaque toleravit, missaque in Peloponnesum classe centum navium, ipse in urbe remansit, resque domi tantisper administravit, quoad hostes discesserunt. Et rectè. *Prudentis namque est Imperatoris, turpe existimare, non, malè audire apud alios, sed temerè se in discrimen mittere, ac, quæ tuta sunt, dimittere;* ut de Antigoni

prudentia in Cleomene idem scribit Plutarchus; sed & ideo Principi sapienti omnia prius consilio, quam armis experiunda sunt: ne quid furenter per iracundiæ affectum impotentissimum decernat aut admittat, cujus ipsū postea poeniteas. Documento est Theodosius Magnus, Imperator, qui irā æstuans, ob præfectum prætorii concursu multitudinis oppressum Thessalonicae, ultra octo millia hominum immisso exercitu contrucidavit; nullā habitā ratione aut sexus, aut ætatis, aut innocentiae cuiuspiam, teste Sozomeno lib. 7. historiae eccles. c. 24. Quam animi sui impotentiam & præcipitantiam postea lege obstrinxit, quā cavet, ne ulli magistratus sententiam severiùs, quàm pro suā consuetudine à se latam, intra dies 30. exequerentur, ut est textus in leg. si vindicari. Cod. de poenis. Parum quoque abfuit, quin David petulantia & feritate Nabalis Carmelitæ, à quo in suo exilio per legatos comitum humiliter petierat, quem non solum ipse denegarat, sed & verborum addiderat contumeliam, supra modū offensus, eum cum totā domo ferro everterit (a. M. 2889.) nisi prudenti Abigaëlis oratione & liberalitate mitigatus fuisset, 1. Reg. 25. Nimirum ut aqua tepida inflammationes, sic oratio prudens & humanitatis plena iram restinguit, secundum Plutarch. in moralib. & ut Ovidius canit lib. 7. de arte.

Ut fragilis glacies, interit ira, morā.

Quem-

Quemadmodum nihil econtrà tam contrarium est consilio, quàm ira & festinatio; quod Bias dixit.

F L O S X I.

Regum & Principum optimi Consilarii,
muti & mortui.

Alphonſus Arragonũ & Neapolis rex, teſte Panormitâ lib. 3. optimos Conſiliarios eſſe, dixit, mortuos; libros designans, à quibus ſine metu, ſine gratiâ, quæ noſſe cuperet, fideliter audiret. *Hiſtoria nimirum multa vera, plura item arcana Principibus detegunt, quàm omnes illorum amici & familiares.* Homines enim cum fortuna Principum magis, quàm cū iſſis plerunq; Principibus loquuntur; hiſtoriarum verò ſermo candidus, non fucatus; rectus, non obliquus; rerum expetendarum & fugiendarum præcepta, Reiſque publicæ gubernandæ normam, & diſciplinæ militaris conſervandæ modum, non verbis tantum, ſed omnium gentium exemplis tradit, ut inde ſibi ſuæque Reipublicæ, quod ſalubre & frugiferum, appareat, capere; quod ſcædum inceptu, ſcædum exitu, vitare & declinare; atque ita omnem vitam ſuam, tanquam in ſpeculo, ad alienas virtutes ornare, ac cõponere tuto poſſint; malorumque facinorum pœnas, & bonorum

præmia, ipsi quodammodo sentire sibi videantur. Historiæ præterea singulorum Imperiorum auspicia, progressus, casus præcipites & interitum, varias vitæ humanæ mutationes, concursionesque rerum, & quæ fenestram aperire soleant mutationibus, luculentissimè cōmonstrant. Historiæ, magistratum in subditorum benevolentia concilianda industriam, in seditione sedanda solertiam, in hoste profligando prudentiā, provida in rebus arduis suscipiendis consilia ita expriment, ut nullus Apelles corporis effigiem in tabula repræsentare valeat evidentiùs. In historiis, veluti in patenti campo, & amplissimo vitæ humanæ theatro, spectamus, quid quemque; ad misericordiam, quid ad indignationem, quid ad justitiam atque æquitatem impellere possit; quantum referat, domi sapere, quàm perniciosum sit, aures sapientibus præclusas patefacere assentatoribus; quantum noceat, & quales eventus habeat, stultā πολυπραγμοσύνη extra vocationem ruens; & quantò rectiùs, & majori cū magistratum, tum subditorum commodo gerantur ea, quæ fiunt accuratè, diligenter, prudenter, justè, sobriè, moderatè, cunctanter, continenter, clementer, comiter, fortiter; quàm, quæ suscipiuntur negligenter, imprudenter, iniquè, temerariè, libidinosè, avarè, asperè, perfidiosè, muliebriter. Historiæ, tanquam in clarissimo speculo commonstrant, quæ res Principibus & optimatibus

matibus præcipuo sint ornamento; eisque non solum apud subditos & vulgus, sed vel in privatis apud viros sapientes, gratiam ad omnem posteritatem concilient. Nimirum non generis nobilitas, non territorii & reddituum amplitudo, non opum affluentia, non ædificiorum magnificentia, non vestitus luxus, non satellitum copiosus numerus, non superciliosus fastus, multoque minus morum turpitudine & obscœnitas, aut in interturbanda tranquillitate temeritas, aut subditos supra modum premens acerbitas; sed sapientia, sed laudabiliter administrata Respublica, sed comitate conditum virtutum studium, sed viris bonis atque sapientibus gaudens familiaritas, sed honos virtuti & rectè factis habitus, sed vera animi pietas, ex qua cœu radice virtutes ceteræ enascuntur universæ. Quid multa? Ex historiis pacis artes addiscuntur; ex historiis rei militaris scientia hauritur; in historiis salutaria consilia, dicta, facta cernuntur; indeque bene sentiendi, bene dicendi, bene agendi præcepta colliguntur; eaque tantò efficaciora, & ad movendum aptiora, quantò sensus ipse rationem oculari superat certitudine. Hujus siquidem monumenta, in excelso & illustri posita loco, magis percellunt atque movent, quàm auda & simplicia philosophorum præcepta. Etsi enim apud hos quoque multa sapienter dicuntur de rebus, quæ Politicis vel salutis & præsidio, vel detrimento & exitio sint; nisi ta-

men ista experimentis in rem præsentem deducantur, minus sunt perspicua. Quoniam igitur historia vera, viva & expressa est imago, ac velut theatrum quoddam civilis prudentiæ, quæ Resp. constituit, rectèque constitutas servat & auget, dum evi prioris facta accuratè considerat, & laudatissimorum heroum exempla ob oculos posita intuetur; ad quæ, tanquam ad cynosuram, universa dirigatur Reipublicæ administratio, & populorum sana gubernatio; ideo præstantissimi quique & prudentissimi Principes historiam in sinu, in manibus, in oculis assiduè habuère, ad ejusque trutinam actiones suas direxère; eamque in omnibus vitæ labyrinthis, tanquam Thesei filum, sunt secuti.

Pindarus ob hoc ipsum suum laudat Hieronem, Principem Syracusanum, qui ex omnibus majorum suorum, & laudatissimorum virorum virtutibus, florem summumque decus decerpere; & qua optima sunt, ex crebrâ libatione, apum instar, in suum convertere mellificium solitus fuerit. Et M. Cicero in Orat. pro Archia, disertis testatur verbis, se fortissimorum virorum imagines à Græcis & Latinis scriptoribus relictas, sibi in administranda Republica proponentem, animum suum & mentem ipsâ cogitatione hominum excellentium conformasse.

De Lucio Lucullo, qui Mithridatem vicit in Ponto, idem scribit Cicero lib. 4. Academicarum quæst.

quæst. cum Româ profectum, rei militaris ignarum ac penè rudem, cum totum iter & navigationem legendis historiis, & doctorum virorum disputationibus consumpsisset, tantum evasisse Imperatorem, ut Mithridates rex, post Alexandrum maximus, cum majorem Ducem, quàm quenquam eorum, quos legisset aut vidisset, à se cognitum confiteretur.

Publius Scipio Africanus, cum Cyropædiam Xenophontis animo penitus haberet comprehensam, ex eaque omnes omnium virtutem & laudum cumulos collegisset, tantus vir evasit, ut non modò bellum ingens in Hispania non aliâ de causâ exarscrit, quàm ex admiratione Scipionis, aliorum Imperatorum orto contemptu, verùm etiam latronibus ipsis sanctus & inviolatus extiterit. Hunc nimirum veræ gloriæ fructum attulit historia Cyri majoris, nō tam vera, quàm ad justissimi & fortissimi Regis ideam expressa, scribit Bodinus in proœmio methodi historice.

Sic & Alexandro M. tot victoriarum causa fuit virtus Achillis ab Homero, sine quo ne formnum quidem capiebat, ad Imperatoris optimi exemplar efficta.

Cajum Julium Cæsarem ad militarem virtutem impulit Alexandri emulatio, cujus victorias cum legeret, lachrymas uberius effudit; quòd eâ ætate, quâ ille orbem terrarum domuerat, nihil dam gessisset.

Augustus Imperator, teste Suetonio, in enucleandis utriusq; linguæ authoribus, nihil æquè spectabat, quàm præcepta & exempla publicè vel privatim salubria; eaque ad verbum excerpta, aut ad domesticos, aut ad exercituum provinciarumque rectores, aut ad urbis magistratus plerunque mittebat, prout quique monitione indigerent.

Constantinum Magnum, & in Imperio propagando fortunatissimum, & in eodem administrando prudentissimum, ex literis non ornatum tantum, sed fructum quoque maximum cepisse, constat.

Carolus Magnus non solum patriâ linguâ, sed etiam peregrinis linguis eruditus, in cæna & prandio præclaras antiquorum historias sibi legicuravit; omniumq; nationum, quæ ipsi subessent, memorabilia gesta, quæ scripta non erant, scribi & memoriæ mandari iussit, teste Cranzio lib. 1. Saxoniae. c. 8.

Selymus, Turcarum Imperator, Alexandrum M. & Dictatorem Cæsarem pluris, quàm alios omnes antiquos Duces, faciebat; quorum gesta in Turcicam linguam versa sine intermissione legebat; eorumque imitatione, brevi magnam Asiæ minoris, & Africæ partem, cum Imperio majorum conjunxit, ut author est Jovius in ejus vita.

Alphonfus, Arragonum & Siciliae rex potentissimus,

tissimus, dicere solebat, teste Panormit. lib. I. se malle privatam vivere, quàm eruditione carere: Caji Julii Cæsaris commentarios in omni expeditione secum ferebat, nullum omnino intermit- tens diem, quin illos accuratissimè lectitaret, lau- daretque & dicendi elegantiam, & belli gerendi peritiam. Hujus quoque comes, Alphonsus se- nior, Calabriae Dux, nunquam sine libris in ex- peditionem proficiscebatur, ex quibus magno suo cum fructu longè meliùs præstantissimorum virorum virtutes se cognoscere posse affirmabat, quàm ex mutis imaginibus: Antonium Panor- mitam, veteres authores interpretantem, quam- vis maximis curis pressus, diligentissimè audie- bat, ut author est Pontanus in libro de Principe.

Etiam Carolum V. Imperatorem ad tantam gloriam extulisse, Ludovici undecimi, Galliae re- gis, ab historia Cominæi, æmulationem, refert Bodinus in præmio meth. hist. Horum ergo Regum & Principum laudatissimo exemplo, quibus historiæ tam uberem præbuere fructum, in omnigenâ comparandâ prudentiâ, tam ad po- liticam, quàm ad privatam vitâ necessariâ, quàm maximè earum lectio commendata esse debet viris principibus; utpote, quæ optimi consilarii sunt, qui vocati semper adsunt, nihil adulantur, nihil occultant, omnia vera ad veritatem lo- quuntur; & quid, quare, quomodo appeten- dum fugiendūq; sit, candidè & sincerè aperiunt.

F L O S . X I I .

Optimorum virorum optima consilia
Princeps haud invitus audiat.

PRæclare quidem eo cum populo agitur, cui Princeps obtrigit, qui suoapte ingenio sapiat, & suâ prudentiâ satis instructus sit ad imperandum, nec alieno consilio indigeat. Huic certe nihil utilius atque optabilius accidere potest, & hujusmodi sub Principe sapiente regna & Resp. florere opibus omniumq; rerum copiâ, satis superque Salomonis evincit regnum, 3. Reg. 4. & 2. Paral. 9.

Quoniam verò, teste Isocrate ad Nicoclem, *regnum omnium rerum humanarum maximum est, & quod maximam curam ac providentiam desiderat; Princeps autem secundum Tacit. lib. 3. & 12. annal. suâ scientiâ non potest cuncta completi, sed gravissimi labores, quibus ipse orbem terrarum capeffit, magnis egent adminiculis: ideo propriæ sapientiæ opinio non debet usque adeò eum inflare, ut alienam aspernetur; quin potius, quò majore sapientiâ pollebit, eò modestiùs de se sentiet, libentiusque se suasque res sui senatus consilio prudentiâque regi patietur; memor, se quoque esse hominem, nec adepto principatu naturam humanam exuisse; ac proinde quoq; se humanitas posse labi & decipi.* Tur-

Turbida nimirum sunt eorum consilia, quæ sibi suadent; obstat aliis metus, aliis cupiditas, nonnunquam naturalis eorum, quæ cogitaveris, amor; inquit Curtius lib. 6. Quod si Salomôn omnium Regum sapientissimus, sapientes viros in consilium adhibere non erubuit, quantò magis id decebit Principem, sapientiâ huic longè inferiorem? Sic & Nerva Imperator, nihil unquam de suo arbitrio statuisset, sed semper principes viros consilio suo adhibuisse, legitur, dum Reip. consulere. Sic & M. Antoninus Pius Imperator nihil vel in civilibus, vel in bellicis negotiis egit, de quo non prius cum Scævola, Volusio, Mœtiano, Ulpiano, Marcello, aliisque cum gravibus & consultis viris egisset. Quam ob causam à quopiam reprehensus, quod nimio plus tribueret amicorum consiliis: Quantò, inquit, æquius est, me tot & talium amicorum sequi consilia, quàm ut tot talesq; amici meam unius sequantur sententiam vel voluntatem, ut author est Julius Capitolinus, & Sabellius lib. 4. Enneadis 7.

Pari modo Sigismundus primus, Polonorum rex, Cromero teste, licet acri & solido esset, cum in judicando, tum in consultando, iudicio; & neq; gratiâ, neque odio facilè deduci se ab æquo & bono pateretur; tamen nihil ferè majus sine consilio senatus unquam fecit aut statuit; ac nonnunquam de rectâ sententiâ suâ, consensu senatus, adductus, decessit, ne pertinax esse videretur.

Sic & Principi opera danda, ut horum exemplo omni depositâ pertinaciâ, proprio iudicio diffusus, aliorum sententiâ, ubi opus erit, libenter accedat, nec sibi soli fidat; quandoquidem & ipsius recta ratio odio, amore, irâ, avaritiâ, ambitione, & negotiorum ignorantia intercipi potest. Sin verò (*ut nullus ferè stolidâ sapientiâ opinio majores subdit spiritus, quàm is, qui nihil sapiunt*) hoc in animum induxerit, suo unius consilio posse res suas stare; nec à quoquam moneri, aut à temere incepto revocari se patietur; superbe istę aures, & stolidâ prudentia ipsum & Reip. statum pessundabunt.

Notum hoc Justiniani Imperatoris secundi exemplo, qui sedecim natus annos, Imperium adeptus, propriis consiliis usus, maxima incommoda Romano nomini attulit. Bellum namq; , adversus Arabes & Bulgaros contra fœdera motum, utrumque gessit calamitosissimum. Ab illis enim in fugam compulsus, & ex Mesopotamiâ ejectus, cùm utramque Mœsiâ cœdibus arque incendio fœdaret, à Bulgaris, saltus & locorum angustias obstruentibus, in id redactus est necessitatus, ut captivis cum omni prædâ restitutis, pacem sibi precario redditam suo suorumque sanxerit juramento. Byzantium reversus tot incommodis affecit cives, ut nemo non summo cum prosequeretur odio. Conspiratione ergo contra ipsum excitatâ, à Leontio amputatis naribus

Gersd.

Gersdnam est relegatus. Imperio Trebellii, Bulgarorū regis, ope recepto, cū flagitiosè indies majores cædes exerceret, à Philippico Bardane acie victus, & cum filio securi est percussus. Sic & Andronicus junior, qui cum avo, sex & ampliùs annis, patricidiali ob Imperium confligit bello, nullius consilium admittebat sui unius sententiæ & scientiæ insistens, teste Gregorâ lib. 11. De Bajazete quoque, Turcarum rege, author est Chalcondylas lib. 3. cum adeò præfractum & temerarium fuisse, ut neminem monentem sequeretur, sed sibi soli confideret, quando eundum erat in hostes. Qui tandem à Thamerlane, Tartarorum Principe, (A.C. 1397.) magnâ suorum strage acie victus, miserabile fortunæ ludentis spectaculum toti Asiæ præbuit. Nam catenis vinctus aureis, inque cavêâ ferreâ cancellatâ per Asiam circumductus, victori equum ascendenti, dorso subdito, scabelli usum præstitit. Jacobus tertius, Scotorum rex, homo acris ingenii, nō facilè bene monentes audiebat; & cū nollet reprehendi, homines novos ad consilia capienda adhibebat. Nobiles tandem, conjuratione factâ, ne viderentur contra patriam facere, filium ejus Jacobum quartum, etsi nolentem, sibi Ducem constituerunt; vociferantes passim, *se malum Regem, non regnum everfuros*. Patre in prælio interfecto, filius Rex creatus est; teste Polydoro libr. 24. & 26.

Memorable quoque, quod de Xerxe, Persarum rege, infelicissimo & imprudentissimo, omnia salutaria consilia spei nente, ut ex Herodoti lib. 7. videre est, scribit Valerius Max. lib. 9. cap. 5. Xerxes, cujus in nomine superbia & impotentia habitat, suo jure tam insolenter abusus est, cum Græciæ indicturus bellum, adhibitis Asiæ Principibus, ne viderer, inquit, meo tantummodò usus consilio, vos contraxi: cæterum mementote, parendum vobis esse potius, quàm suadendum. Arroganter! Etiam si victori repetere ei regiam contigisset, tamen deformiter devicti, nescias, utrum insolentius dictum, an imprudentius? Sic verè, ut Horat. canit lib. 3. carm. od. 4.

Vis consilii expers mole ruit suâ:

Vim temperatam dii quoq; provehant

In majus, iidem odere vires,

Omne nefas animo moventes.

Holophernis, Judith c. 6. Judæ Maccabæi, 1. Maccab. 9. Mardonii Persæ, ex Herodoti lib. 9. Vladislai, Ungariæ regis, ex Bonfinio decad. 6. libr. 5. & aliorum Regum & Principum, qui suo cum exitio bonis parere consiliis detrectarunt, exempla recensere nimis longum foret. Quocirca in administranda Repub. Princeps sapiens alienâ potius prudentiâ uti assuescat; iis præsertim in negotiis, ancipitem quæ habent aleam; nec rerum fluctibus, suis unius frerus consiliis, temere se committat, ne se suasque res mergat
& pef-

& pefundet. Idq; multò magis observandum virtutis & ingenii modici Principibus, qui confulere ipfi, quid in rem fuam fit, nequeunt; cujusmodi non paucos, quoad prudentum virorum confilio ufi fuere, Remp. egregiè adminiftraffe legimus.

Notum hoc ex historia facra, exemplo Joæ, feptimo ætatis anno ad regnum Judæ admoti; qui, quamdiu vixit Jojada vir fapientiffimus, tantisper regnum præclare adminiftravit, 2. Paralip. 25.

Notum hoc ipfum ex historia Romana, exemplo Gordiani junioris, undecimo ætatis anno Cæfaris appellati, qui Mifithei focer, viri fapientiffimi, confiliis adjutus, multa præclara domi, multa militiæ geffit, teſte Capitolino in ejus vita.

Notum hoc ex annalibus Galliæ, exemplis Clotharii quarti, & Chilperici ſecundi, Regum, qui animo ingenioque ſocordes, cum per imprudentiam inertiamque regni muneribus per ſe obeundis eſſent impares, regnum hoc, ſub Caroli Martelli viri fortiffimi regimine, incolu-
me perſiſtit. Sed quia fieri non poteſt, ut unus tam accuratè Reipublicæ cauſas negotiave inſpiciat atque expediat; nec difficultatibus atque periculis tam maturè obviam eat, quàm plures, confociatis confiliis & curis; ideo non abs re Salomon confilium ex pluribus conflatum appro-

bans, Proverb. II. *ibi multam esse salutem ait, ubi multa sunt consilia.* Quemadmodum enim in antidoto illo, Mithridaticum quod vocant, plures res per se noxiæ, ubi confunduntur, salutare adversus venenum remedium pariunt: sic &, quæ nonnullis hominibus obest, tarditas & celeritas, aliis verò præcepta temeritas; hæc in pluribus commixtæ, temperamentum quoddam utile, & gratam mediocritatem pariunt.

Et quemadmodum sol non uno eodemque motu, ac cælum, volvitur; neque tamen prorsus adverso & opposito; at obliquam leviter atque inflexam cursus formam tenendo, lentum, flexibilem & sequacem efficit anfractum, quo tota hæc rerum universitas optimam accipit temperaturam: ita quoque, si summum Principis Imperium per se violentum & formidabile, æquitate & prudentiâ fidelium ipsius amicorū temperetur; inde existet salubris illa & suavis in Republ. moderatio, quâ mundum quoque ab ipso Deo regi perhibent. Principis nimirum authoritas, prudentiâ fidelium consiliariorum temperata, fundamenta stabilit principatus, & benevolentiam atque obsequium subditorum ipsi conciliat, vicissimque illum subditis; ut sub ejus fide beatè ac tranquillè vivat. Metuunt enim eum offendere, quia sciunt eum consilio scelera vindicaturum; diligunt verò, dum sciunt, justè eum absque *περὶ σωποληψία* cum consilio tribuere

tribuere unicuique quod suum est. Imò etiam, si quid durius à Principe imperetur; justum tamen & rectum illis vel unicâ hac de causâ videbitur, quòd consilio prudentum factum sit. Et hic quoque non mediocris boni consilii est fructus. Sed nec minùs præclarus iste; quòd Principi illud bonam famam laudemque comparet; utpote cui plerunque rerum præclari exitus solent tribui; veluti victoriæ laus in bello, quod ipsius quidem auspiciis, Legatorum tamen & Ducum præcipuè gestum est industriâ; in pace verò leges & edicta, & alia quæ ad Reipubl. incolumitatem spectant. Exemplo est Justinianus I. Imperator, qui, ductu Belisarii plurimis confectis bellis, plurimisq; partis victoriis, audiit Alemannicus, Gothicus, Alanicus, Vandalicus, Africanus. Eidem præterea sanctissimæ tribuntur leges, & Juris Romani constitutio atque ordinatio; quod tamen non ipse per se, (quippe qui, Suidâ & aliis testibus, analphabetus fuit) sed per alios viros prudentes, ad opus illud ex consilio adhibitos, componi & consarcinari curavit; quod ingenuè ipsemet faterur in epistolis ad senatum missis, sub titulis de novo codice faciendo; de emendatione codicis Justiniani; de veteri jure enucleando, & alibi. Porro Princeps sanis consiliis morem gerens, ut apud subditos majorem auctoritatem; ita dubio procul apud externos sui admirationem, & apud hostes formi-

diem concitabit; quod ex belli Punici secundi
 historiâ notum, exemplo Hannibalis, qui vehe-
 mentiùs metuit solertem cunctationem Fabii
 Dictatoris, & alios Romanorum Duces cautos
 atque prudentes, quàm ferociam & fervorem
 Sempronii & Flamini Consulum. Tandem fieri
 quoq; non potest, quin Princeps, (si modò planè
 hebes & plumbeus non fuerit) assiduè sapienti-
 bus consiliariis assidens, eorundemq; in dirimen-
 dis controversiis & negotiis decernendis ratio-
 nes audiens, seipse non acuat atque perpoliat ad
 res cognoscendas & gerendas, & bonum atque
 malum consilium discernendum. Assequetur
 autem hoc, si, quæ à contrariis, paribus & dis-
 paribus suffragiis dicuntur, patienter audierit;
 rationesque, quibus dicta illi sua firmarint,
 probè observaverit; sic tandem naturali iudicio,
 & frequenti usu negotiorum similium, bene vel
 malè succedentium, ex illis, quæ dicta sunt, per-
 pendere poterit, quid sibi expediat, quid secus?
 Quòd si consulta sibi in consilio non suffecerint,
 ampliùs & plenius deliberandum statuatur; nec
 turpe sibi ducat cum re mutare consilium; præ-
 stat enim mutare in melius, quàm in malè insti-
 tutis pergere; & ut Lucilius in Asino dixit: *Me-
 liùs recurrere è medio cursu, quàm malè currere.*
 Cæterùm satius erit, astipulari parti meliùs sen-
 tienti, quàm suæ sententiæ; ne suâ præsumptione
 se & Rempubl. in præcipitium, à quo resurgere
 nequeat,

nequeat, sciens prudensq; conjiciat. Cæterum regula discernendi boni consilii à malo, est honestas, à qua quod deflectit, malum est. Nam, ut ait Papinianus Jurisconsultus in l. filius 15. ff. de conditionib. institutionum: *Qua facta legum pietatem, existimationem, verecundiam nostram; & ut generaliter dixerim, contra bonos mores fiunt, nec facere nos posse credendum est.* Deceri hoc potest exemplis, ex Romanorum Republ. quæ nihil per fraudes, sed virtute etiam cum hostibus gessit, & honestum utilitati prætulit, ne antiquam majestati Reip. labem inureret, de promptis. Faliscis à Romanis octennali jam obsidione irritò successu pressis, cum ludimagister plurimos & nobilissimos inde pueros per deambulationis specie eductos, in castra Romanorum adduxisset; quibus interceptis non erat dubium, quin Falisci, depositâ belli pertinaciâ, tradituri se Camillo Imperatori essent: hic turpem hunc proditorem averfatus, vinctum nudatumque terga, adolescentulis virgis in urbem agendum tradidit. Quo justitiæ exemplo, & honesto consilio, & dignitatem Reipublicæ Romanæ conservavit, & hostiū animos expugnavit; qui, cum armis vinci non possent, justitiâ victi, portas Romanis ultrò aperuerunt. Hac de historiâ lege Livium lib. 5. Plutarchum in Camillo, Florum lib. 1. cap. 12. & Valer. Max. lib. 6. c. 5.

Sic cum bello Tarentino Timockares Am-

branensis medicus, Fabricio consuli esset pollicitus, Pyrrhum se veneno per filium, qui potionibus ejus præerat, necaturum; eaque res ad senatum esset relata; senatus missis legatis Pyrrhum monuit, ut adversus hujus generis insidias cautiùs se gereret; memor, à filio Martis urbem conditam, *& armis bella, non veneno, gerere debere*; Timocharis autem nomen suppressit, utroque modo æquitatem amplexus, quia nec hostem malo exemplo tollere, nec eum, qui bene mereri paratus fuerat, prodere voluit, teste Plutarcho in Pyrrho; Aulo Gellio libr. 3. c. 8. & Valerio Max. lib. 6. c. 5. Sic & cum post victoriam de Xerxe, saluberrimo consilio Themistocles Atheniensis ruinas patriæ in pristinum habitum reformaret, & opes clandestinis molitionibus ad principatum Græciæ capessendum nutrit, classem Lacedæmoniorum, quæ tota ad Gytheum subducta erat, incendere volens; ut eâ consumptâ dominatio meris Atheniensibus cederet; è vestigio, ubi hoc ejus consilium utile quidem, sed minimè justum, ad concionem est relatum, universa concio, *quòd æquum non videretur, ne expedire quidem*, proclamavit, ac protinus Themistoclem incepto desistere jussit, ut auctor est Plut. in vita Themist.

Pari modo cum Ladislaum, Ungariæ & Bohemiæ regem, adhuc puerum, Fridericus tertius, Romanorum Imperator, apud se educaret, sanguine

guine sibi conjunctum, non defuerunt ex consiliariis (*an. C. 1443.*) qui puerum clam perendum Cæsari persuaderent, cujus mors opes maximas plurimaque regna ipsi esset allatura. At Imperator; quî sit, inquit, quòd me divitem potius, quàm pium erga meos esse cupitis? *Ego sanè divitias non ita amo, ut impiis consiliis persuasus, propter eas indignum facinus perpetrare velim; ut author est Æneas Sylvius lib. 3. comment. de rebus gestis Alphonsi.* Ad eundem modum Fridericus III. Dux Saxoniae Elector, multis ab Erfordiensibus injuriis affectus, cum comitiis populo indictis de bello suscipiendo deliberaret; erat eques magnæ auctoritatis, qui bellum summo studio suadebat, & à dedecore, & à facilitate victoriæ, ductis præcipuè argumentis. Ei Dux: Præclare tu quidem, Sigilimunde, pro ipso, cujus interest bella ex bellis feri, concionatus es; pro me non item, *cujus gloria & incolumitas ex subditorum commodis potius, quàm ex hostium ruinâ & interitu pendet.* Concione in præsens dimissâ, non multò post conventu Wormaciensi Erfordienses, coram Imperatore Carolo V. graviter accusatos, insperato suo dignatus patrocínio ex inimicis amicissimos reddidit. Has artes si reliqui imitarentur, plures Principes, quàm tyrannos haberemus, inquit Johannes Agricola, in proverb. German. *velox consilium, velox malum.*

F L O R X I I I .

Princeps non minùs hominem se esse,
quàm hominibus præesse, memi-
nerit.

C Ommune est, omniumque literis celebra-
rum adagium; *Nosce teipsum*: quod è cælo
descendisse, ait Juvenalis Satyr. ii. Quod ut olim
in Apollinis Delphici templo literis aureis fuit
consecratum, teste Platone in Charmide: ita
quoque dignum omnino est, ut Principum ani-
mis penitus infigatur, ut mentis oculis apertis
ilicò perspiciant atque intelligant, quid sint, &
qui sint; unde suam ducant originem; quid perso-
nam deceat, aut dedeceat; quidque dignitatem,
quam gerunt, ornet aut deformat. Ad originem
ipsorum quod attinet, Principes iisdem, quibus
subditi, orti seminibus, iisdem constant & alun-
tur elementis; eundem spiritum ab eodem hau-
riunt initio, eodem fruuntur cælo, iisdem subje-
cti sunt naturæ legibus. Quod Salomon omnium
Regum sapientissimus, probè secum expendens,
Equidem (inquit in sua Sapiëntia c. 7.) sum & ipse
mortalis homo, æquè ac cæteri; natus ex genere
hominis protoplasti; & in ventre matris simila-
tus caro, decem mensium spatio coagulatus sum
in sanguine ex semine virili, accedente coitus;
inque

inque lucem hanc editus, communem hausi aërem, similemque cæteris emisi ploratum, panniculisque involutus, magnis nutritus sum curis. Nemo enim ex Regibus aliud nativitatis suæ habet principium; sed ut unus eque omnibus introitus ad hanc vitam, ita & similis exitus. Porro dignitatem, quam Principes gerunt, si spectemus, ipsius Dei in terris sunt legati atque vicarii; ejusque personam in hoc magno corruptibilis theatro seculi sustinent; quos idcirco quoque nomine ille suo honorificentissimo appellat divos (Psal. 82.) quod officium gerant in his terris amplissimum, ac prope divinum, pacem & salutem populorum, sacrorumque religionem tuendo, & Christi regnum propagando. Sic ergo majestas, quâ à Deo ornati, & ceu Gorgone sunt armati, supra fastigiū humanitatis est; sed quam moriendo deponere, & cum insignibus, coronis, sceptris, ditionibus & cæteris, quæ dignitatis habent nomen, relinquere coguntur. Quod si intrinsecus ipsos intueamur Principes, non raro fœdiora & turpiora nonnullorum præcordia, pluribus item ærumnis referta, & tristiores in illis animi morsus reperiemus, quàm in subditis. Ex quo nō malè Lucianus lib. de regno, regnum prægrandibus comparat Colossis, à Phidia aut Praxitele fabricatis; in quibus illa quæ foris apparent, vel Neptunum, vel Jovem repræsentant, mirificè decorum, aut eboreque compactum;

& aut fulgur, aut fulmen, aut tridentem fuscina dextrâ sustinentem. Cæterum si immisso capite, quæ intus sunt, inspicias, videbis vestes quosdâ, papiliones & clavos extrorsum prominentes; nec non vimina, cuneosque & picem sublitam; & aliam id genus deformitatem intrinsecus inhabitantem; nonnunquam quoque muscarum & mustelarum vim, in Colossis illis mansitantes.

Hæc omnia si secum expendissent Alexander Magnus, Sapor, rex Persarum, & Cæsar Caligula; (ut de aliis monstris nihil dicamus). & primus ille pudori habuisset, Jovem assequere patrem, & mortali habitu spreto, divinum æmulari; & secundus ad Constantium Imperatorem scribere erubuisset; solis ac lunæ se fratrem, partem inter stellas haud exiguam habere; nec denique postremus eò dementiæ pervenisset, ut inter deorum statuas sedens, tanquam numen aliquod coli se juberet; Jovem etiam ab urbe depulsum minitaretur, quòd imbribus interdum ludos & spectacula turbaret atque impediret. Sed nec adhuc hodie Reges & Principes nonnulli superbe atque insolenter cristas erigerent, & alios transverso despicerent naso, seipsos si nossent, & illud sacræ in mentem redigerent, *Pulvis es, & in pulverem reverteris, Gen. 3.* Prudens igitur Princeps, quemadmodum se hominibus imperare norit; ita quoque se hominem esse cogitet; & quamvis ipse factus sit in terra Princeps, se tamen quoque

quoque ex terra factum meminerit; gnarus, se quidem ex pulvere ad solium conscendisse, sed tamen in pulverem tandem descendere posse; & licet altiorem ipse gradum in sua gubernatione teneat; inde tamen graviolem quoque esse lapsum & miseriorem, si præcipiti ruinâ labatur, ut reparari aut restitui nequeat; rerum denique humanarum esse circulum consideret, qui circumrotatus, eosdem secundâ, & ad voluntatem fluente fortunâ uti, perpetuò non sinat.

Monuit hoc olim Cyrum, Medorum regem, Cræsus consultus ab ipso de bello suscipiendo contra Tomyrin Massagetarum reginam (anno M.3451.) Si tibi, ait, esse videris immortalis, nihil est opus, ut meâ tibi sententiam dicam: si verò te quoque agnoscis hominem, illud inprimis discito, *talem humanarum rerum circulum esse, qui rotatus eosdem semper fortunatos esse non sinit.* Verùm Cyrus imperandi libidine accensus, dum Cræso non pareret, in bello periit (an. M.3453.) teste Herodoto lib.1. & Justino libr.3.

Didicerat hoc olim à Solone Cræsus, cùm neminem uspiam fortunatiorem, quàm cum ipso Fortunam, scil. deam, judicaret, à quo audit, *neminem ante obitum posse dici beatum*; sed quo Solonis dicto de rerum caducitate spreto, cùm ipse rebus uteretur florentissimis, Cyrum Persarum regem in se provocavit; à quo victus in maximas incidit calamitates, proverbioque locum

fecit; Viro Lydo negotium non erat, at ipse foras profectus paravit: author Zenodotus ex Herodoto lib. 1. & Plutarcho in Solone. Idem Syphacis, Maurusiorum regis, exemplo docet Valer. Max. lib. 6. cap. 9. quem amicum, hinc Roma per Scipionem, illinc Carthago per Asdrubalem, ultrò petierat. Hic eò claritatis eveetus, ut validissimorum populorum tantum non arbiter victoriæ existeret; parvi temporis interjectâ morâ, catenatus à Lælio legato, ad Scipionem Imperatorem pertractus est; cujusque dextram regio insidens folio, arroganti manu attigerat, ad ejus genua supplex procubuit. Caduca nimirum hæc (subdit Valerius) & fragilia puerilibus consentanea crepundiis sunt, quæ vires atque opes humanæ vocantur; affluunt subitò, repentè dilabuntur; nullo in loco, nulla in persona stabilibus nixa radicibus consistunt; sed incertissimo statu fortunæ huc atque illuc acta, quos in sublime ex-tulerunt, improvise cursu destitutos, profundo cladium miserabiliter immergunt. Quod ibidem Quinti Cæpionis quoque comprobatur exemplo, qui præturæ splendore, triumphî claritate, consulatus decore, maximi pontificatus sacerdotio, ut senatus patronus diceretur, affecutus; in publicis vinculis spiritum deposuit, ejusque corpus funesti carnificis manibus laceratum, in scalis Gemoniis jacens, magno cum horrore totius fori Romani conspectum est.

Docet

Docet hoc quoque apud Quintum Curtium lib.4. Darius, rex Persarum ultimus, inter alia ad pugnandum fortiter milites suos ita cohortatus; *Breves & mutabiles vices rerum sunt, & fortuna nunquam simpliciter indulget.* Forſitan ita deorum fata ordinarunt, ut Persarum Imperium, quod ſecundo curſu per ducentos 30. annos ad ſummum faſtigium evexerunt, magno motu concuterent magis, quàm affligerent, admonerentque nos fragilitatis humanæ, *cujus nimia in proſperis rebus oblivio eſt.* Præſagiebat nimirum tunc Darius culminis ſui & felicitatis proximam cladem; qui paulò poſt victus, regnoq; ſpoliatus, fugiens à ſuis, necatus eſt (anno M.3641.) eodem teſte Curtio lib.5.

Docemur hoc ipſum aliis quàm plurimis Regum & Principum exemplis; Cneus Pompejus Magnus, potentiffimus Romanorum habitus, *quem ſæpius cum hoſte conflixiſſe, quàm quiſquam cum inimico concertari; plura bella geſſiſſe, quàm ceteri legerint; plures provincias confeciſſe, quàm alii concupiſſerint,* affirmat Cicero; intra octo illos dies, quibus olim de Mithridate & Pyratibus triumphaverat, jam à Cæſare victus, in Ægyptum fugiens, per inſidias obtruncatus (a. M.3424) legitur apud Dionem lib.41. Plutarch. in ejus vita; Appianum lib.1. de bello civili, & alios.

Henricus quartus Imperator, qui ſexagena duo commiſit prælia victor, à Pontificibus ſemel

iterumque diris devotus, ab Henrico tandem filio dignitate exutus, acie insuper victus, Spiræ in summa paupertate præ mœrore expiravit (*anno Christi 1106.*) Sigonio teste lib. 9. regni Italici. Belisarius, Justiniani Imperatoris Archistrategus, devictis Persis, ultraque Euphratis ripam dejectis, non multò post in Africam missus, Vandalos omnes ejecit, Gilimeremque eorum regem cepit; de eoque postmodum triumphavit. Hinc in Italiam Exarchus missus Gothicum omne nomen contudit; Romam libertate donavit; de Vitige, Gothorum rege, apud Ravennam capto, Gothisque ipsis omni Italiâ pulsus, triumphavit; omnibusque in provinciis maximè insignis semper extitit. Constantinopolin tandem revocatus, premente invidia excæcatus, in Sophiæ templo panem quotidie mendicare coactus est, frequenter hac voce usus: *Panem Belisario date, quem virtus extulit, invidia oppressit;* author Egnatius lib. 6. c. 10. & Pontanus lib. 2. cap. 8 de fortitudine domesticâ. Nimirum hoc clarissimis Ducibus fatale videtur, inquit Jovius in Consalvo, ut in ultimo vitæ actu circumventi invidiâ, imminutâque dignitate in ipso contumeliæ dolore moriantur. Sed nec eorum Regum & Principum desunt exempla, qui rebus secundis nimium elati, dum contemptu humanæ imbecillitatis, multa temerè, inconsideratè, audacter, crudeliter egerunt; sibiipsis innumera mala, extremumque accer-

accerfiverunt exitium. Xerxes certè, teste Herodoto libr. 7. 8. & 9. quinquagies bis centenis, octoginta tribus millibus militum superbus & sex millium omnis generis navium classe, maris quasi dominus expeditionem contra Athenienses suscipiens, Asiam Europæ ad Hellespontum Persiæ conjunxerat; verùm ex tantis copiis perexiguâ Spartanorū manu ad Thermopylas Leonidas trucidavit viginti millia; classem ad Salaminem Themistocles consilio & prudentiâ suâ depressit: nec multò pòst Mardonius ad Plateas, peditum bis centenis millibus, equitum viginti millibus amissis, à Pausaniâ cæsus occubuit, ut de ejusdem clade ad Mycalem Ioniæ à Xantippo acceptâ eodem die, nihil dicamus; quibus cladib. Rex tam elati animi consternatus, unâ scaphâ c-lapsus, didicit suo malo, quàm verum sit illud Quinti Curtii lib. 17. *Arbores magnas diu crescere, at unâ horâ extirpari; stultum esse, qui fructum earum spectat, altitudinem non metitur: eum, qui ad cacumen pervenire contendit, cum ipsis ramis, quos comprehendit, decidere; leonem etiam aliquando minimarum avium fuisse pabulum, & ferrum rubiginem consumere; proinde fortunam pressis manibus tenendam esse, & felicitati imponendos frenos, ut facilius eam regamus.*

Marcus Attilius Regulus bello Punico primo aliquot victoriarum cursu elatus, cùm nullâ erga Carthaginienses ad extremas redactos an-

gustias misericordiâ moveretur, pacemque suppliciter petentibus, non nisi iniquissimis conditionibus concederet; mox ipse eò redactus, ut eadem illa supplex à Carthaginensibus petere cogeretur; didicit suo malo, quàm verū sit illud Senecæ in epistolis, *Fortunā in castris suis magis, quàm in deliciis esse habendam*; ac proinde si quibus vitæ alludit prosperitas, se velut in lubrico retineant, nec sibi dent impetus liberos; sed circumspiciant, quò eundum sit, & quousque.

Adonibezecus, Cananæorum rex, in prælio ab Israëlitis captus, amputatisq; manuum pedumq; digitis, miserrimè in vita servatus; (vivere siquidem is diu potest, qui eo modo habitus, in longam potius mortem conjectus videtur) quoniam istâ morte 70. reges vicinarū urbium antea affecerat, ut ipse fatetur Judicum c. 1. cū longo eos tempore veluti canes sub mensâ ad pedes suos pavisset, malo suo didicit veritatem dicti Polybii lib. 5. *quàm parva temporis intervalla homines in excelsò fastigio collocent, & eosdem rursus ad extremam miseriam atq; calamitatem redigant*. Quicquid enim excellit, quando ad summum claritatis fastigium evasit, iram & indignationem numinis effugere nequit; sed deturbatum de suo statu in nihilum & venti spolia redigitur, inquit Dionysius Halicarnassæus lib. 8. Et hoc potissimum sævis atque superbis accidit ingeniis, quæ naturæ & felicitatis humanæ terminos transgrediuntur.

Huc

Huc quoque spectat memorabilis & tragica historia Theodoricæ Marchionis Brandenburgici, qui Princeps potentiâ & studio rei militaris nimium insolens factus & efferatus, cum etiam consiliarios arrogantia & elatione insignes circum se haberet, quorum impulsu nihil non temerè & injuriosè faceret; tandem sic depravatus est, ut induceret animum, *sibi licere quod liberet*. Accidit a. ut erga Mistovium Obotritarum regulum, nuper ad Christianismum conversum, cui Bernhardus, Saxonie Dux, sororem desponderat, & reliquam Vandalicam gentem valde iniquus & sævus esset ut non solum in ejus contumeliam effecit, quod duo Lusatiorum Principes jussu Henrici secundi Imperatoris capti, laqueo suspenderentur, sed etiam suasor Bernhardo Duci fuerit, ut suam sororem alteri desponderet; Vandalos esse indignos, quibus cum Germanicus sanguis misceatur; quin etiam Duce[m] Saxonicum admissurum dedecus, si cum isto cane, (sic enim Mistovium appellare solebat) affinitate devinciretur. Mistovius hac contumeliâ irritatus, ilicò abnegatâ fide Christianâ, totam Vandalicam gentem ad arma excitavit; missosq; feciali ad Theodoricum, nunciare illi jussit; Mistovium canem istum Vandalicum jamjam editurum latratus, effecturumq[ue] morsus, quos tota Marchia & Saxonia perhorrescat. Cum autem Theodoricus non minus ferociter re-

spondisset, se curaturum canicidas, qui latratum & rabiem ejus compescant; & non expectato auxilio cum Vandalis temerè conflixisset, mox victus & profligatus, totâque suâ ditione exutus, quoad vixit, nullâ unquam aut reconciliatione potiri, aut suam ditionem à Vandalis recuperare potuit; nec aulicorum quenquam habuit, à quo restitueretur; sed omnibus invisus, in perpetuo exilio vitam traduxit miserâ, Magdeburgi elemosynâ Canoniorum sustentatus, ut author est Georgius Sabinus in ejus vita. Hujusmodi tragicum eventum & exitum habuit quoque Ludovicus Sfortia, Mediolanensium Princeps, teste Guicciardino libr. 4. hist. Ital. qui nimîâ arrogantiâ & fastu se arbitrum totius Italiæ fore putaverat, & tamen inter Helvetios milites domum discedentes amictu gregarii militis latitans, à Gallis agnitus & ignominiosè captus, Lugduni clathrato in carcere decē circiter annos captivus, mortalium omnium miserrimus periit. His & similibus exemplis prudens Princeps admonitus de rerum omnium instabilitate, si qua in re numen maximè favens atque propitium habet, in ea fortunæ beneficia prudenter dispensare, iisq; sapienter uti meminerit, & consideratione humanæ fragilitatis atque imbecillitatis, & simul fortunæ lubricitatis atque inconstantiae semetipsum ad humilitatem & modestiâ excitet; (exemplo Nabuchodonosoris, qui ob nimium fa-

stum

stum è regno ejectus, postquam in solitudine vagus & bovis pabulo usus didicit, *nunquam in solido stetisse superbam felicitatem, & sequi superbos ultorem à tergo Deum*; humili dehinc animo Deū coluit. (Sic & Theodoricus Marchio Brandeburgicus, cujus modò facta mentio, in hanc miseriam ubi incidit, tum demisit animum, quo nihil antea fuerat elatius; agnovitque se vindice & ultore Deo, à divitiis in paupertatē, ex alto atque illustri loco in infima dejectum esse, propter injustitiam & insolentiam, quòd nimium onerasset suos cives, & quòd fiducia potentiae & assentationibus inflatus, vix se hominem esse meminisset;) erga alios autem misericordiam & clementiam exercere discat; idq; exemplo Cyri, Persarum regis, qui Cræsum, Lydorum regem, pyræ impositum, altâ voce ter Solonem inclamantem, & hunc sibi exitum ab eo prædictum, asferentem audiens, dimisit; & quamdiu vixit, in honore maximo habuit, teste Herodoto lib. i.

Sic & Sesostris, rex Ægyptiorum, solenni quadam festivitate adigens reges captivos currum aureum, quo vehebatur, humeris suis agitare, quendam illorum crebrò ad rotas respicientem, indignabundus interrogavit, cujus rei gratiā tam frequenter oculos in rotas conjiceret? quo timidè respondente, *se, cum rotas sursum deorsumq; volvi cernat, vita considerare instabilitatem, in qua summa ad imum devolvuntur, ima ad sum-*

munere vehantur: quod ubi audiit, cum comiter honore affectum, in currum sustulit, liberatumque; & ipsum & reliquos vitam donavit, aut author est Nicephorus libr. 18. hist. eccles. c. 29. Sic &, cum Gilimer, Vandalorum rex, in Africa captus à Belisario, & in triumphum ductus Constantinopolin, in hippodromo, Justinianum Imperatorem, in altâ sede constitutum, populumque circumstantem conspiceret, suumque fatum considerans, illud Ecclesiast. c. 1. narraret; *Vanitas vanitatum, & omnia vanitas*: Justinianus humanæ vitæ vicissitudines æstimans, ipsum solvit vinculis, & apud se aliquandiu in magno honore habuit: tandem cum omnibus suis, in Galatia quedam loca inhabitare concessit; ut scribunt Evagrius lib. 4. c. 17. Procopius lib. 3. de bello Vandalorum, Blondus lib. 3. decadis 1. & Paulus Diaconus lib. 17.

F L O S XIV.

Imperio præsta, Princeps bone, majestatem.

MAjestas magistratui, tanquam Deo cuidam terreno, & potestatis divinæ vicario, in primis convenit; non tam dignitatis, quam virtutis ratione; quæ in eo, aliis qui præest, summa esse debet, vel re ipsâ, vel saltem opinione. Hæc majestas.

jestas atque authoritas nata est ex admiratione & metu, quâ veluti Gorgone ornavit & armavit Deus magistratus, in subditis singularem excitat amorem, reverentiâ & honorem, ut illos ex suo erga virtutes affectu suspiciant & observent, eisque ultrò pareant, & sequantur quocunque velint; in hostibus & aliis facinorosis parit metum quendam, ne quid contra eos moliantur aut aggrediantur; atq; ita quivis magistratus, tam à contemptu, quàm à rebellionē, aliisque injuriis vindicetur; id quod Sabellicus lib. 6. cap. 8. multis exemplis è sacrâ & profanâ historiâ petitis, confirmat. Moverunt, inquit, procul dubio Israëlitas prodigia, quæ in Ægypto facta dicuntur, ut Pharaonis minas & imperium quadantenus contemnerent; sed Moſis authoritas multò impensius perpulit, ut sine armis, sine comœatu, per deserta & dispēdia viarū sexies centena millia hominum unū sint Ducem secuta; *ut cum certa relinquerentur, quærentur incerta.* Hæc eadem in causa fuit, ut tam numerosa multitudo, Ducem per medios maris fluctus vadentem, sit intrepidè secuta, leges ferentem audierit, conflatilem vitulum sustulerit, inermis in armatam aciem iverit, in quo demum aliquid esse crederet, quod supra fastigium humanitatis esset, secundum cæli numen, præcipuè venerabile. Accessit & Josuæ, qui post hunc Dux fuit, sua authoritas, cujus jussu, circa Jordanem, omnis virilis stirpis

gens circumcisa est; eodem authore 30. Regibus bello victis, æternum observationis fœdus cum Deo sanxerunt Israëlita; ; omnis Cananæorum terra tributim & viritim victori populo divisa est.

Judæ Maccabæi ductu permodica Hebræorum manus cum validissimis hostium copiis sæpius confligit. Quòd nisi egregia Ducis auctoritas adfuisset, nullâ subjici necessitate potuissent, ut, rebus gentis atrociter afflictis, cum eo hoste manum confererent, cui toties cædenda terga obvertissent.

Habuit sub signis Annibal, cùm bellum in Italia gessit, Afros, Numidas, Mauros, Hispanos, Gallos, Ligures, & Italicae nationis numerum ingentem; tanta tamen in eo fuit auctoritas, ut nullam, in tanta hominū colluvione, tam longo bello, ac tam varii eventus, sit seditionem expertus.

Publius Scipio Africanus, qui Annibalem vicit, militarem seditionē est nunquam expertus. Fuit in eo alioquin tanta de ipsius virtute opinio, ut multi Italici nominis, qui jam stipendium erant emeriti, sponte secuti sint illum, Africam provinciam extra sortem adeptum. Hactenus Sabellicus.

Infamis ante Cannensem pugnam timiditas Quinti Fabii Maximi & legnities, mox post conflictum, humanā major sapientiā habita est, & divini

divini præstantisq̃ue miraculum consilii tantò antè prospicientis insequentia, quæ animo vix valebant concipere ii, quibus evenerant. Itaque mox in illo civitas reliquam spem ponens, & ad ejus mentem, tanquam ad sacram confugiens anchoram, salutem suam, & quòd non undiquaque dissiparetur, (sicuti urbe à Gallis oppressâ factum erat) unius acceptam ferebat consiliis Fabii, teste Plutarcho in ejus vita. Idem in Philopœmonis vita; Quemadmodum, inquit, in præliis & discriminibus equi novelli consuetum fessorem trahunt, alium si vehunt, tumultuantur & ferociunt: ita exercitus Achæorum dejiciebat alio Duce animum, atque solum Philopœmonem circumspectabat; quo viso tantùm, illicò erat ex fidentiâ erectus agilisq̃ue. Nempe hostes intelligebant, unum hunc contueri nò posse; sed & gloriam ejus & nomen, ut re ipsâ declararent, formidare. Macedonum rex Philippus, ratus, sublato Philopœmonè, Achæos iterum se respecturos, misit certos occultè Argos, qui eum trucidarent: at detectis insidiis planè flagravat invidiâ, & traductus est apud Græcos. Bœotii Megaram obsidentes cùm sperarent, se oppidum expugnaturus, vano referente allato rumore, Philopœmonè suppetias obsessis venientem adesse; scalis, quæ muris jam erant admotæ, relictis, fugâ sibi consuluerunt. Ut Nabidi, tyranno Lacedæmoniorum, qui Messenem occupat,

nuntiatus est, Philopœmonem in propinquo
esse; non remansit illic, quamvis castra in op-
pido haberet; sed subduxit se per averſam por-
tam, agmenque raptim abegit, præclare ſecum
agiturus, ſi elaberetur. Idem Plutarch. in Agide
ſcribit, regem Lacedæmoniorum, ne hoſtes qui-
dem temerè, cùm occurreret eis in acie, attigiffe;
ſed deflexiſſe, verentes venerantesque ejus maje-
ſtatem. Cùm per legatos Numam Pompiliū
Sabinum ad regnum populus Romanus vocaſ-
ſet; idque haud ſine difficultate impetraſſet; adeo
ſeſe audientem dicto ejus præbuit, ut ipſo re-
gnante nulla unquam ſeditio mota fuerit, nul-
losque is corporis cuſtodes habuerit. Urbem,
quæ Marte orta, Martialibusque rebus aucta
erat, iisq; etiam alebatur, nominis ſui majeſtate
atque virtute, ad religionem antea actæ vitæ
proſus contrariam ipſe traxit, eodem teſte Plut.
in ejus vita. Sic & Marcus Antoninus Pius Cæ-
ſar, ejus authoritatis apud omnes fuit gentes, ut
per tres & viginti annos proſus ſine ſanguine ci-
vili & hoſtili (quod nemini Principum contigit)
imperarit, ut Aventinus ſcribit libr. 2. annalium
Bojorum. Caroli Magni Imperatoris Romani
tantus terror, & nominis ejus armorumque me-
tus non ſolū Græciam, verū etiam Africam
& Perſiam penetravit, ut Ægypti, Africæ, Perſa-
rumq; reges, miſſis legationibus ac muneribus,
ultrò amicitiam ejus ambirent, eodem teſte
Aven-

Aventino lib. 4. Henricus, Anglorum rex, facto patris funere, concilium Principum ad Westmonasterium convocandum curavit; in quo, dum de Rege creando more majorum agitabatur, continuò aliquot Principes ultro in ejus verba jurare coeperunt. Quod benevolentiae officium nulli antea, priusquam Rex renunciatus esset, prestitum constat; scribit Polydorus lib. 22. Adeò Henricus ab ineunte ætate spem optimæ indolis fecit.

Machometus secundus, Imperator Turcarum, voluit se palàm laudari, cunctisque summis Imperatoribus ac Regibus, quotquot sunt aut fuerunt uspiam gentium, glorià anteponi; Matthiam, Ungariæ regem solum excipiebat; quem etiam strenui Principis nomine ornabat. Alphonsus Aragonius ad Trojam memorabili prælio hostes vicit. Eques unus in conflictu Regi obviis, ubi cæteris ornatorem esse vidit, impetu in illum invehens, quis esset interrogavit? Tum rex, Rex sum Alphonsus, respondit. Quâ voce perterrefactus eques, properè ex equo descendit, genuaque ejus amplexus, sese ejus clementiæ dedit, ut author est Ludovicus Dominicus libr. I. variæ historiæ; Panormita libr. 4. de rebus ejusdem gestis. Alphonsi, licet victi & capti à Genuensibus, tantam fuisse authoritatem scribit, ut nihilominus condiciones dixerit, & victores victo metu cesse-

rint; victoriam casu, non virtute, se consecutos arbitrati. In Sigismundum Imperatorem Hungari cōspirantes, cū aut capturi Regem, aut, si non succederet, occisuri, in palatium irruissent, videntes Regem armatum, & singulare certamen non recusantem; statim ira obstupuerunt conjurati, ut sibi quisque timens abierit re infecta; teste Æneâ Sylvio libr. 3. comment. de rebus gestis Alphonsi. Pari modo cū Capuani ad Carolum VIII. Gallorum regem defecissent. Neapolitani Ferdinandi, Hispaniæ regis, exercitum recipere renuebant: hinc multitudo opificum, perditorumque hominum, ad diripiendum Regis stabulum, quod arci propè erat conjunctum, deferabatur. Ejus fœdi facinoris adeò ingratum graveque regiis oculis spectaculum fuit, ut Ferdinandus, cū nobilem ejus loci apparatus diripi, generososque equos ab infimæ sortis hominibus trahi cerneret; factumque ex angusto ejus conspectu, ut alii metu pudoreque confusi, projectis in terram armis, veniam orarent; alii relictâ prædâ diffugerent, teste Jovio lib. 2. historiarum. Ex his & similibus exemplis patet, *majestatem Imperii salutis esse tutelam*, quod apud Curtium legitur lib. 8. *& eandem sine viribus parum tutam*, authore Livio decad. 1. lib. 1. *difficiliusque à summo fastigio ad medium detrahi, quàm à mediis ad ima precipitari*, ut idem scribit decad. 4. lib. 7. *eandem denique magis retinere ho-*
mines

mines in officio, quàm arma & supplicia. Ceterum salutaris & prudentis Principis est, præstare imperio Dei majestatem & potestatem integram, auctoritatemq; publicam concessam, conservare inviolatam. Quod ita efficiet, si id egerit, ut summa totius potentia, aut belli, aut honoris à se dependere videatur; & ipse solus sit arbiter rerum, jure ac nomine regio, aliis secundum leges suas vivere jussis. Præterea secundum Aristotelem libr. 5. Polit. cap. 11. communis erit custodia principatus, neminem unum nimis magnum facere, nec proximos honores regiis, nec valde magnos eosq; diuturnos cuiquam concedi. *Corrumpuntur enim homines magnitudine honoris, & immodicis potestatibus,* teste Dione lib. 36. Nec cujuslibet est, in rebus tam prosperis nimiam fortunam concoquere, quia magna potentia, ut Plut. ait in Sylla, eorum, qui ipsam adepti sunt, ingenium mutat; & recordiam instabilesq; & inhumanos mores efficit. Nec enim paucos reperias, qui ex nimia à Principibus sibi concessa potestate, ad majora audenda paulatim ambitiosè impelluntur, ut tandem, nisi prospiciatur, præsentì fortunâ non cõtenti, nihil sibi habere videantur, nisi principatum ipsum, dominis clam vel palam sublatis, occupent. Quod notum exemplo Philippi Arabis, præfecti negotiorum Imperii, existente adhuc minore Gordiano III. scil. quo per seditionem oppresso sibi usurpavit Impe-

rium, teste Julio Capitolino in Gordiano: sic & majores domus in Gallia, in quas omnis regni administratio à Regibus erat translata, tandem ipsis Regibus à solio deturbatis, sibi Imperium retinuerunt, usq; adeò nunquam satis fida est potentia, ubi nimia est; teste Tacito lib. 2. hist.

Porro etsi solitaria vita Principis arguit vel indignam Principis superbiam, vel regnandi incapacitatem; quòd per se non noverit respondere, aut negotiis subditorum providere; quod utrumque non rarò rebellandi dare solet occasionem subditis; tamen etiam *continuus aspectus*, teste Livio decadis quartæ lib. 5. *minùs verendos magnos homines ipsa satietate facit*; & econtrà secundum Tacitum Annalium lib. 1. *majestati major ex longinquo venerantia*. Unde apud Herodotum lib. 1. legimus apud Persas, citra adorationem nò facilè ad Regem patuisse aditus; utpote, qui sub majestatis specie semper ferè latuerit. Quod à Turcis in more positum, quorum Rex Oratores & Legatos non audit, sed Bassæ, tanquam interpretes atque intercessores, ad Regem referunt, more regum Persarum, *familiaritatis vitanda gratiâ, qua contemptum parit*. Et certè multum detrahitur Principis authoritati, si ille omnibus omni tempore sit obviuS, præsertim cum vilia negotia tractantur. Proinde ex dignitate Principis fore viri docti arbitrantur, si non nisi magnis gravibusque rebus & personis pateat,

teat, easq; singulari quapiam gravitate admitti atque audiri sinat. Deniq; authoritatem quoq; suam conservabit Princeps, legitimo modo pœnarum his irrogandarum, qui leges regias & salubres transgrediuntur, in quibus salubris adhibenda severitas; quandoquidem nimia clementia, & delictorum impunitas addit delinquendi illecebram; nimia autem asperitas proximus in tyrannicam crudelitatem est lapsus. Unde rectè Dio Cassius lib. 43. *Potentia mediocriter exercita omnia quasita conservat; qui verò imprudenter & passim in omnibus potentia abutitur, is neque veram benevolentiam, neq; firmam securitatem invenit.* Princeps igitur, (inquit Plut. in comparatione Thesei & Romuli) qui vel remittit, vel intendit suam potestatem, jam non Regis aut Principis dignitatem tuetur, sed vel populo servit, vel dominus fit; eoq; aut contemptum sui, aut odium in subditos creat; quorum tamen delictorum alterum ab æquitatis studio & humanitate, alterum à sui amore fastuq; profectum, à multis judicatur. Pro cōlophone notatu dignissimum est strategema Rudolphi Habsburgensis, quo usus legitur in majestate Imperii tuendâ cōtra Ottocarum, regem Bohemię, apud Cuspinianum in Cæsaribus, Bodinū in lib. 8. dec. 2. & Fulgosum lib. 6. c. 4. Hic cū contra Ottocarum, Bohemię regem rebellem, (qui Austriam à Margaritâ uxore, Fridetici bellicosi, Austrię

Ducis, suæ familiæ postremi, filiâ dotis nomine obtinuerat, quam repudiatâ veneno sustulerat) bellum suscepisset; Moguntinus, Salisburgensis & Erisingensis, Antistites cum Palatino, concordiam inter duos Reges tractaturi, Ottocarum Viennam accersunt, cum eoque in hanc formam paciscuntur; ut relictis terris Austriæ, Styriæ & aliis, quas Rudolphus jam occupaverat, cis Danubium Ottocarus contentus esset possidere partem illam trans-Danubianam, versus Moraviam vergentem, quæ Marchiæ campus appellatus; feudum deinceps de regno Bohemiæ à rege Rudolpho acciperet; filios insuper Baronum, quos prius obsides acceperat, liberos emitteret; literis denique ac juramento concordiam ratificaret. Consensit Ottocarus in omnia; unum rogavit sibi condonari, ne scil. in publico feudum accipere cogeretur. Erat enim superbissimus, & verebatur poplite flexo illum adorare, qui olim ipsi servierat, ut magister curiæ suæ. Annuit Rudolphus rex, ut sub tentorio, aut papillione id fieret. Erat enim id tentorium mirâ arte factum ad eò ingeniosè, ut uno tractu in quatuor partes dissolveretur. Dum itaque flexis genibus accipit vexillum à Rege, quidam fune tracto dissolvit tentorium, ut ab omnibus palàm videretur, Regem de more adorare. Hoc Rudolphi Imperatoris strategema imitatus postea Casimirus, Poloniæ rex, in fidem recipiens Stephanum,

num, Walachiæ Despotam multorum Regum victorem; qui, quòd Machometi, Turcarum Imperatori, armis impar esset, Bessarabi amissâ, hac ratione regnum suum tueri posse, falsò sperabat, ut scribunt Curæus in Sil. annal. & Crome-
rus lib. 29.

F L O S X V.

**Tyrannorum anima sanguinolenta, vita
misera, ævum breve, exitus tra-
gicus.**

Magna est omnino virtus in Principe, clem-
mentia, qua, ut Seneca scribit ep. 89. alieno
sanguini, tanquam suo, parcit; & scit, homini non
esse homine prodigè utendum. Neque Principis
fortuna quicquam habet majus, quàm ut possit;
neq; natura melius, quàm ut velit conservare ho-
mines quamplurimos; ut pro Q. Lig. ait Cic. Unde
rectè alter Seneca in Hercule canit:

*Sanguine humano abstine,
Quicumq; regnas, quisquis est placide potens,
Dominusq; vitæ, servat innocuas manus;
Et incruentum mitis Imperium regit;
Animoq; parcit: longa per mensus diu
Felicis ævi spatia.*

Econtrà nihil est tam deforme, quàm ad sum-
mum imperium etiam acerbiter naturæ ad-

jungere, ut ad Q. fratrem scribit Marcus Cicer.
 Maximè verò hominum naturæ inimica est cru-
 delitas; imò *crudelitas*, authore Senecâ libr. 1.
clementiâ c. 24. minimè humanum malum est, in-
dignum tam mitti animæ; ferina ista rabies est, san-
 guine gaudere ac vulneribus, & abjecto homin-
 in sylvestre animal transire. Tyranni nimirum
 quorum anima, ut Plut. loquitur, conflata est e-
 libidine & crudelitate, semel gustatâ carne hu-
 manâ, fiunt lupi. Nec ullus, ipsorum semel or-
 receptus, pollutas patitur sanguis mansuescere
 fauces, ut Lucanus canit. Unde non incommodè
 horum atrocitas à Polybio lib. 15. histor. vitæ p-
 scium assimilatur, de quibus fertur, quòd, cum e-
 jusdem sint generis, *nihilominus tamen minorum*
perditio, majorum sit cibus & vita. Imò ejus-
 modi efferi & truculenti tyranni, dum exutâ o-
 mni *σεγνῇ*, filios quoq; suos & agnatos immar-
 sevitiâ trucidant, belluarum ferociam excedunt
 quæ, licet exasperatæ, nunquam in foetus suos ra-
 biem effundere solent. Exemplo sunt (ut hin-
 ordiamur) xxx. Atheniensium tyranni; à fontib-
 paulatim ad infantes, à malis ad bonos & præci-
 puos cives in urbe Attica progressi, consuetud-
 ne cædium, & assiduâ lanienâ, ut Xenoph. libr.
 affirmare non vereatur, intra menses 8. Atheni-
 plures esse interfectos cives, quàm superiori tot
 decennio in bello Peloponnesiaco, à renovat-
 nempe bello, usq; ad finem. Horum fuisse tant-
 trad

traditur truculentia, ut quorundam interfecto-
rum civium filias in cruore parentum saltare
compulerint. Cambyfes, rex Perfarum, cum per
iracundiæ furorem, magnam Ægyptiorum mul-
titudinem, in urbe Memphi feftum Apis deæ ce-
lebrantium interfeciffet, cœpit poftea promifcûe
in quosvis ſervire; nec minùs in fuos debacchat⁹,
fratrem Smerdin five è fomnio, five è Magi cu-
jusdam criminatione, infidiarum & affectati re-
gni ſuſpectum habitum, per Prexaſpen ſuſtulit;
& Meroën ſororem atq; uxorem, fratris cædem
ipſi in Ægypto exprobrantem, parricidio crudeli
interemit, ut author eſt Herodotus lib. 3.

Cajus Caligula, teſte Sueton. ſibi omnia & in
omnes licere ratus, cum cœdibus ſatiari non poſ-
ſet, optavit, ut *populus Romanus unâ cer vice ſus-
tentaretur, quæ ſuâ manu det truncanda foret*; i
procul dubio à Tiberio avo ſuo ſucceſſor in Im-
perio deſtinatus, eo conſilio, ut reliqua ſenatus
pars, in quam ipſe ſervire non potuiſſet, poſt
mortem ſuam è medio tolleretur. Tantus a. ſub
Tiberio ſenatorum numerus periit, ut ſorte du-
cti provinciarum præfecti prætorii, quidam per
triennium, conſulares per ſexennium præfue-
rint, cum nō ſuppeterent ſucceſſores. De hujus,
ut & aliorum nonnullorum monſtrorum, tyran-
nide in conſanguineos, ſuprà quoque dictum in
flore quinto hujus Coronæ.

Nero per omnia vitia & ſcelera Caligulæ æ-

mulus, majorem senatus partem, Agrippinam matrem, uxorem Octaviam, privignum Ruffinum Crispinum, præceptorem Senecam occidit; nec minori sævitiâ foris & in externos est grassatus.

Commodus, Caligulæ & Neroni si non antefendus, tamen æquiparandus, sæviit & ipse in senatum, & matrem Faustnam, quâ in exilium pepulit; germanam Lucillam, aliosque clarissimos viros occidit. Cùmque ita ad nefandas cædes animum appulisset, omnes sine clementiâ miseros & mutilatos viros in theatrum coactos, serpentinis quibusdam spectris ad genua alligatis, tanquam Gigantes clavâ confecit; teste Herodiano lib. I.

Caracalla Bassianus, cùm fratrem Getam Imperii consortem ferre non posset (*anno C. 213.*) in ejus cubiculum irrumpens, supra matris pectus eum obruncavit; mox omnes ipsius domesticos & ministros, nullâ ætatis ratione habitâ, occidit, & ex militibus ad viginti millia, ut & Papinianum, præfectum prætorio, hoc fratricidium excusare nolentem, Parthos item (*anno C. 215.*) sub falsâ nuptiarum specie, cum filiâ Artabani, insidiosè & perfidè trucidavit, ut idem author est Herodianus lib. 4.

Fuit Lucinius Gallienus tantæ crudelitatis in milites, ut terna millia & quaterna singulis diebus, cū in eos excanduit, occidi curaverit; sæviit
& in

& in cives Mœsiacos atrocissimè; nec quenquam suæ crudelitatis expertem esse voluit. Ejus animus maximè crudelis, ex epistolâ, quam ad Celerem Verianum scripsit, dignoscitur; quem ad eandem faciendam his verbis cohortatur apud Trebellium Pollionem. Non mihi satisfacies, si tantum armatos occideris, quos & fors belli interimere potuisset; perimendus omnis sexus virilis; occidendus quicumque malè voluit; occidendus quicumque malè dixit; lacera, occide, concide, meâ mente irascere, qui hæc meâ manu scripsi.

Justinianus secundus, Imperator, Constantinopoli receptâ, capto Leontio, quoties pituitam à naribus truncatis profluentem abstergeret, toties aliquem ex iis, qui Leontio faverant, trucidari jussit; ipsum quoque Leontium & Absimarum, qui Imperium invaserant, pedibus conculcatis, acclamante populo, *super aspidem & basiliscum ambulabis, & leonem atq; draconem conculcabis*, jugulari fecit, teste Diacono lib. 19. & 20. rerum humanarum.

Johannes Maria, Vicecomes Mediolanensium, insanæ feritatis morbum concepit, usque adeò horrendum, ut iracundiâ in rabiem versâ, damnatos, aut sibi invisos, voracissimis canibus laniandos objiceret, eoque atroci spectaculo magnopere lætaretur, teste Jovio in ejus vita.

De Cæsare Borgiâ, Alexandri sexti, Pape, filio,

qui sanguinario ingenio, & immani sævitia omnes sui temporis tyrannos vel truculentissimos superavit; lege Joviū in Consalvo, & Guicciardinum lib. 5. Hæc & similia monstrorum potius, quàm Principum exempla testantur, quanto furore atq; amentia ipsi corripiantur; qui lenitate, hominis nature maximè conveniente, repudiata, belluinam ferociam atq; immanitatem ad laudem assequendam, & securitatem conducere arbitrantur; seque metui, quàm amari malunt; nec quicquam curant, nisi quod impotens suggerit libido. Unde in exitium miserum præcipites cadunt; aut omnibus exosi in perpetuo metu vivere coguntur. Ælianus libr. 10. variat. hist. c. 5. suis eos comparat; quas si quis tetigerit, protinus clamare incipiunt, mortem scil. somniantes, cum nec vellera habeant, nec lac, nec aliud quiddam præter carnes: sic & tyranni in suspicionibus & metu semper versantur, cum sciant, sicut fues, suam vitam omnibus deberi. Nimirum hæc est vita tyrannorum, in qua, ut in Lælio docet Marcus Cicero, nulla fides, nulla charitas, nulla stabilis benevolentia potest esse fiducia; omnia semper suspecta atque sollicita, nullus locus est amicitia. Quis n. aut eum diligat, quem metuit; aut eum, à quo se metui putet? Ego, inquit Salustius ad Cæsarem, *cuncta Imperia crudelia, magis acerba, quàm diuturna arbitror; neq; quenquam à multis metuendum esse, quin ad eum*

eum ex multis formido recidat; eam vitam, bellum æternum & anceps gerere; quoniam neque adversus, neque à tergo, aut lateribus tutus sis, semper in metu aut periculo agites. Quid? quòd quamdiu vivunt tyranni, impurum horum animum, Deo hominibusq; infestum, Furiae diræq; ultrices ita excarnificant, ut neque vigiliis, neq; quietibus sedari possint. Estque memorabile, quod de Tiberio Cæsare Tacitus narrat lib. 5. annal. Tiberius, cum ad summum tyrannidis fastigium pervenisset, atque in insulam Capreas sese abdideret, literas aliquando ad senatum scripsit; quibus sævitiae & scelerum conscientiam mentem exagitata vastari, quasi semet ipse pertæsus, restaretur; adeò facinora atque flagitia sua (subdit Tacitus) ipsi quoque in supplicium verterant. Neque frustra præstantissimus sapientiae (Platonem intelligit) affirmare solitus est; si recludantur tyrannorum mentes, posse aspici laniatus & iectus; quando ut corpora verberibus, ita sævitiâ, libidine, malis consultis animus dilaceretur. Quippe Tiberium non fortuna, non solitudines protegabant, quin tormenta pectoris, suasque ipse poenas fateretur. Quid? quo cruciatu timoris angis solitum Neronem censemus, qui perfectam matris cæde sæpè confessus est, se maternam specie exagitari, verberibusque Furiarum ac tædis ardentibus? Quam jucundam quoque vitam egisse Caligulam & Caracallam putamus, qui

arcas variorum venenorum plenas secum circumferebant; tum ut alios, tū ut seiplos veneno tollerēt, si fortè esset opus, ne in manus inimicorum vivi inciderent! Quid Heliogabalum? qui funes serico & cocco intortos paraverat, quibus, si necesse esset, laqueo vitam finiret; paraverat & gladios aureos, quibus se perimeret, si aliqua vis urgeret. Dionysium, Siciliae tyrannum, quo animo vixisse arbitramur, qui nec familiarium, nec filiarum, nec uxorum, nec cujusciam fidei se credebat; de quo, ut & de Alexandro Pheræo, vide Cic. Offic. 2. & Tusc. 5. Neque enim tyranni fidem cuiquam habent, neque à quoquam ipsis habetur fides; nec diligunt, nec diliguntur. Quomodo enim fieri posse credendum est, ut qui ab his, quos & natura & lex inprimis amare jubet, usque adeò habentur odio; ab alio quoquam amari, aut diligi possint? inquit Xenoph. in Hierone. Quis verò non potius eos etiam post mortem execretur? Tiberii certè Cæsaris morte Romæ nunciata, non minori gaudio perfusi sunt omnes, quàm si de infensissimis hostib. insignem victoriam reportassent. Neronem item propter crudeles & obscænos mores populo fuisse exosum; seditiones in eum obortæ, & lætitiâ publicâ, quæ, eo extincto, omnium animos occupavit, maximè declaravit. Tam invisus populo Domitianus fuit, ut post ejus mortem, omnes statuæ in ejus honorem erectæ, subito populi concursu dejectæ

dejectæ & confractæ fuerint, & arcus in illius titulum & nomen positi, eversu. Cōmodus tanto in odio & execratione apud omnes fuit, ut fato functus, *hostis humani generis* à senatu populoq; judicatus sit, statuis ipsius contumeliosè revulsis, Heliogabalo unà cum matre Juliâ Soæmide, muliere flagitiosissimâ, Romæ tumultu militari obtruncatâ, capita utriusq; abscissa, & cadavera denudata per totam urbem raptata ac dilaniata; matris tandem in cloacam, filii in Tiberim, annexo pondere, ne fluitaret præcipitata sunt. Justinianus secundus, Imperator Constantinopolitanus, cū flagitiosior plures indices cædes exerceret; à Philippico tandem Bardane, exercitus sui præfecto, securi percussus, hanc laudem sibi reliquit; ut *hereticus, adulter & tyrannus* ab omnibus proclamaretur. *Quid ergo homini infelicius contingere potest, quàm in vita malè semper audire, & post mortem ejus nomen execrationi perpetuò esse?* Sed & hoc pulcherrimè à diis immortalibus comparatum est, (inquit Ælianus libr. 6. var. hist. c. 13,) *ut nullam tyrannidem usq; ad tertiam generationem propagent;* sed aut confestim tyrannos, tanquam proceras piceas, perdant & extirpent; aut liberos eorum viribus denudent ac spolient. Quod omnium tyrannorum doceri potest exemplis, qui vel ipsi in regni limine è terrâ sunt excussi; (*rarum enim est, ut in Hercule: O Eteoc ait Seneca, felix itemq; senex tyrannus*)

vel tertium hæredem non reliquerunt; nullam siquidem scelere quasitam potentiam diuturnam esse, secundum Curtium lib. 4. probavimus supra in coronæ primæ flore secundo; exemplis Dydii Juliani, Decii Heracleonæ, & Richardi Glocestriensis, regis Galliæ; & tyrannos ipsos non raro sui necandi occasionem conquirere, docet Bodinus lib. 2. de Repub. c. 4. exemplis Caracallæ & Commodi; quorum ille Julium Maternum Mathematicum cum rogasset, quemnam in Imperio sibi successurum putaret? vates verò iste, Maerinum fore, per literas responderet; hæ literæ in Maerini manus inciderunt, qui sibi metuens, Caracallam ex insidiis occidit: Commodus verò, ubi sicarii manus evasit, omnes eos, quos ad eandem confignarat, tabulis conscripsit; quas cum Martia concubina casu reperisset, seque eo numero comprehensam intelligeret, tyrannum occidi curavit. Nam & hoc regulare est, ut tyranni, qui ab immani crudelitate omnem humanitatem exuerunt, cruentum ut plurimum & tragicum sortiantur exitum. Sic iusto Dei fit iudicio, ut qui fuderit sanguinē, fundatur & ipsius sanguis, Gen. 9. Ut plurimum itaq; accidit, ut quavis immitia tyrannorum Imperia palam non detrectent subditi, tacite tamē illis diras imprecetur, fidemq; & obsequium inviti prestant. Quod si indies illi magis magisque sævierint; tunc, rûpente invidiâ, q̄ diu in offensis pectorib. ebullierat, unanimi cōsensu in illorum

illorū vitā conspirant omnes; nec desinūt, donec funditus eos everterint. Exemplo sunt Caligula, Cōmodus, Heliogabalus, & alia nōnulla mōstra Cēsarū Italicorum: itē Phocas & Andronic⁹ Comnen⁹, Imperatores Constantinopolitani; quorū ille à conjuratis (a. C. 611.) membris omnib. mutilatus, truncumq; corpus in æneo tandē tauro cōbustum est; de hujus verò supplicio vidē suprà in Coronē hujus flore quarto: Et ne singulos recensamus, Johannes Maria, Vicecomes Mediolanensis, ob immanem in cives sevitia, & crudele in omnes imperiū, à civiū generosā cohorte, in ipsa curia, cū in templum divi Gothardi, sacrorum causā proficisceretur, trucidatus, teste Jovio in ejus vita. Persæpē quoq; Deus, impietatis justissimus cultor, ob truculētos mores, divineq; justitię contemptū, tyrannos atrocib. suppliciis subjicit; & vel maximē securos, ad infelicē exitū stupentib. cunctis, & vim divinā agnoscētibus adducit.

Exemplo est Absalon ppter tyrannidem, incestum, & alia scelera, bello parricidiali in patrem moto, justo Dei judicio (an. M. 2920.) in arbore pendens, tribus lanceis confossus, 2. Reg. 18.

Exemplo item sunt Achabi & Jezabelis tragicus interitus, ob injustē lapidatum Nabothum, quorum ille in bello Syriaco (an. M. 3047.) cum Benhadado, sagittā ictus, oppetiit. Cujus sanguinem eodem in loco, quo antea interfectus Nabothus, canes linxerunt, 3. Reg. 22. Hæc de fe-

neſtrâ præcipitata periit, & equorum ungulis conculcata, & à canibus laniata fuit, 4. Reg. 9. (a. M. 3059.) Sic & Brunehildis, uxor Sigeberti, Francorum regis, uno pede & brachio mutilata, ad caudam equæ indomitæ religata, ex Lotharii regis & procerum ſententiâ, ob inaudita ſcelera, & decem Reges extinctos, diſcerpta eſt; teſte Regineſe lib. 1. Gaquino lib. 2. & Aventino lib. 3.

Boleſlaus ſecundus, Poloniæ rex, ob cædem ſancti Stanislai, Cracoviienſis Epilcopi, regno à Romano Pontifice exutus, actusque in exilium (a. C. 1082.) in tantam amentiam incidit, ut vagus per ſylvas errans, à ſuis tandem canibus dilaniatus eſſe tradatur, ut author eſt Dubravius lib. 8.

De Juliani apoſtata, Mariæ Scotiæ reginæ, & aliorum interitu, ut & illorum tyrannorum tragico exitu, quos φθηνάσθαι, aliisque horrendis morbis, Deus ad pœnas rapuit, dictum ſuprà in Coronæ huius ſecundæ flore ſecundo & quarto.

Non rarò denique idem Deus contemptiſſimis beſtiolis, muribus, ad puniendos tyrannos, velut instrumentis, uſus eſt; de quo lege Camerarium tom. 2. operarum ſuccilivarum cap. 12. allegantem exempla Popeli ſecundi (a. Chriſti 830.) Principis Polonorum, Haddonis Moguntinorum, & Wilderolſi Argentoratenſium Epilcoporum; quæ, ut & cæterorum tyrannorum, Principes admonere debent, ut affectuum impotentiam comprimant, omnibusque

modis

modis efficiant, ut subditi metuant non ipsos, sed pro ipsis; satiusque & jucundius esse ducant, diligere & charum esse, quàm metui & timeri; quod & tutiorem vitam & voluptatem efficit plenior.



F L O R U M

H O R T U L I H I S T O -

R I C O - P O L I T I C I

Corona tertia.

*De Regum & Principum Consiliariis & Legatis,
ceterisque administris & magistratibus in-
ferioribus.*

F L O S I.

Optimorum amicorum optima
consilia.

RECTÈ Tacitus historiarum libr. 4. *nullum majus boni Imperii instrumentum esse dixit, quàm bonos amicos; hoc est, fidos & sapientes Principis consiliarios.* Minimè enim aureum sceptrum illud est, quod regnum custodit; sed copia potiùs ejusmodi amicorum, qui rerum hominumque periti, consilia ex fide & religione suggerunt salutaria, tam pace, quàm bello, longè

tutissimum est sceptrum Regib. ac Principibus, teste Cyro Xenophonteo lib. 4. *παίδεας*. Verum enim est, quod ad Cēsare scripsit Salustius; *omnia regna, civitates, nationes, usq; eò prosperè habuisse imperium, dum apud eos vera consilia valuerunt; ubicunq; verò gratia, timor, voluptas ea corrumpere; paulò post imminui; as opes, deinde ademptum Imperium, postren.ò servitutē fuisse impositam*. Bene ergo agunt Reges & Principes; ut, cum ipsi non omnia videant, sibi assumant alios fidos & sapientes homines, qui bonis & salutaribus instructi consiliis, cōmoda juvent publica. Quam sane ad provinciam magnā curā & providentiā deligendi sunt, qui honesto loco & bono genere nati; qui à primis statim annis bene instituti; qui verā veri Dei religione & doctrinā; qui Juris & historiarum, omniq; adeò civili prudentiā; qui omnibus artibus studiorum liberalium exculti; qui fide, integritate ac prudentiā singulari præditi; qui denique omnibus virtutibus, ac præterea authoritate præclarā divinitus sunt ornati; ut non tam monitis & consiliis, quàm exemplis bonis atq; salutaribus, Principum & Regū animos rectè utiliterq; instruant atq; informent; & ad omnem bene vivendi rationem facilius eos traducant: Sit igitur bonus consiliarius, nō solum prudens, qui non præsentia solum, verum etiā futura prospiciat; sed & justitiæ cultor eximius, cuj⁹ dicta sint gravia, virtuti & veritati consonent; qui Prin-

cipem

cipem suum & Remp. sincero amore, ac pietate
 debitâ psequatur; iisq; vitam, honorem & for-
 tunas suas impendere sit paratus. Hujusmodi fi-
 diffimū consiliariū habuit Lescus Albus, Polonię
 Princeps; Gonoritū Ravitū, Palatinū Sandomi-
 ricensē, teste Cromero l. 7. Qui, cū Poloni ipsi
 regnū eā offerrent conditione, si Gonoritū rele-
 garet; regnū repudiare, quā hunc deserere ma-
 luit. Et meritò. Sunt namq; fidi consilarii, veluti
 canes, qui ovib. adversus lupos sunt p̄sidio; quib.
 submotis, vagantur in incerto Principes, multo-
 rumq; fallaciis & deceptionib. exponuntur. Hu-
 jusmodi a. amorem ut non fucatē habeat consi-
 liarius; debet in limine consilii, odiū in adversa-
 rios, gratiam erga amicos, pervicaciā & arrogan-
 tiam ex seipso exuere; & privatos affectus omnes
 deponere; avaritiam omnium vitiorū matrem,
 omnisque mali radicem fugere; & ea solū in-
 rueri, quæ ad Dei cultum, & Rēip. spectant com-
 modum. Quod & Salusti⁹ de conjur. Catil. pru-
 denter monens; Omnes, ait, homines, q. de reb. du-
 biis cōsultant, ab odio, amicitia, irā atq; misericor-
 dia, vacuos esse decet. Etenim haud faciliē animus
 verum praevidet, ubi illa officiunt, neq; quisquam
 omnino libidini simul, & usui paruit. Ubi inten-
 deris ingenium, valet; si libido possidet, ea domi-
 natur, animus nihil valet. Et paulò antè: Ava-
 ritia fidem, probitatem, ceterasq; artes bonas sub-
 vertit; pro his superbiam, crudelitatem, deos

negligere, omnia venalia habere edocuit. Documento est bellum illud intestinum, inter fratres germanos, Fridericum II. Electorem & Wilhelmum, Ducem Saxoniae (a.C. 1445.) ob provinciarum divisionem, ab utriusq; motum consiliariis; vel cupiditate propriâ, vel mutuo inter se odio, vel quòd ex publicâ calamitate suum illi quærebant emolumentum; vel denique, quòd suo quisque Principi, præter æquum & bonum, gratificari cupiebat; cui tandem, cùm jam adversæ starent acies in Vogtlandia, Deus ipse unico fratrum colloquio finem salutarem imposuit (a.C. 1450.) Probè hoc intellexit Fridericus Cæsar, qui consiliariis suis in curiam vocatis, optavit, *ut in palatii vestibulo duas res deponerent, simulationem nimirum, & dissimulationem;* quòd & ipsi rectè consulerent, & sibi etiam inter consilia dijudicare, facillimum esset; teste Æneâ Sylvio lib. 3. comment. de rebus gestis Alphonfi. Et quanta raritas sit talium tantorumque amicorum, qui ex sincero erga Principem & Rempublicam amore, illis bene consulant, idem Alphonfus, rex Aragoniæ, apud Panormitam lib. 2. pulchrè innuit (anno C. 1416.) Cathalanis nimirum optimum factu fore consentibus, si Alphonso adhuc adolescentulo, septem viri ad gubernandas Resp. adjungerentur, *qui Deum timerent, justitiam colerent, cupiditatem sub freno tenerent, neq; donis, neq; muneribus tangerentur,* (Exod. 18.) Alphonsum

sum laudasse consilium, atque ita respondisse ferunt: *Si horum, non dico septem, sed unum tantum dederis, continuo illi & regimen & regnum ipse facile concessero.* Optimus igitur consiliarius ille est, inquit Dionysius Halicarnassæus lib. 10. qui non privatis inimiciis impulsus, aut gratiâ adductus; sed publicâ utilitate commotus, suam dicit sententiam, quique, juxta Taciti illud lib. 1. histor. *pestimum veri affectus & consilii judicat, venerum, suam cuiusq; utilitatem.*

Porro Plinius in Panegyrico ad Trajanum, in Principis consiliario requirit libertatem, fidem & veritatem; ut nimirum liberè, fideliter, constanter, non obnoxie & inconstanter suam dicat sententiam; nec aliud ore proferat, quàm quod in corde reconditum habet. Nec secundùm Tacitum annal. lib. 1. *cum fortunâ magis Principis, quàm cum ipso Principe loquatur; nec quæ jucundissima, sed quæ sunt optima, consulat;* quod Solonem dixisse refert Strobæus, inque dictis & factis æquè apertus sit; & licet veritas odium pariat, maximè apud Principem, sibi qui nimium placeat, in veritate tamen ipsi neutiquam cedat; illud tantùm caveat, *ne παρρησίαν istam, & loquendi libertatem, cū audaciâ & immodestiâ confundat.*

Exemplo sit Antistius Labeo, apud Suetoniū in Augusto cap. 34. qui, cū in senatus lectione triumvirum legeret M. Lepidum, hostem olim Augusti, & tunc exulantem, interrogatus ab hoc, an essent alii digniores? *suum quemq; judicium*

habere, respondit. Eidem aliquando, ob immodicas altercationes disceptantium, è curiâ per iram se proripienti, quidam ingesserunt; *licere oportere senatorib. de Repub. loqui: nec ideo libertas, aut contumacia fraudi cuiquam fuit*; & notum est illud Prisci Helvidii apud Arrianum, in Epicteti disceptationibus, lib. 1. c. 2. Ad quem cùm Vespasianus misisset, ne in senatum veniret; Penes te, inquit, est, ne me senatorem esse patiaris; quamdiu enim loco me non moves, est in curiam mihi veniendum. Age; at ingressus taceto, inquit. Ne me roga, & tacebo. At est mihi rogandû. Et mihi dicendum, quod rectum putavero. Verùm si dixeris, Occidâ te. Quando ego tibi dixi, me immortalem esse; tu tuum facies, ego meum: tuum est occidere, meum mori non trementem. Teneantur nimirû assessores consulere potiùs, quod magis expedire, quàm quod placere putant. Princeps a æquo ferre debet animo consiliariorum *πρόβουλον*, si quæ justa ipsis videantur, ipsi liberè & candidè sine dolo & malitiâ protulerint.

Sic nimirû Philippiden Atheniensem Comicum summâ benevolentia cõplexus est Lysimachus rex, nullâ aliâ de causâ, nisi quòd liberè loqueretur, & ex animi sententiâ, proculq; ab adulatione vitam probam & modestam ageret; teste Plutarcho in Demetrio.

Hieronem quoq; Codeonis in tyrannide successorem dicere solitum, idē Plut. in apoph. memorat;

morat; *neminem, qui liberè loqueretur, sibi importunum esse.* Et Plinius Trajanum suum laudat, quòd, eo rogante, sententias liberè dicere liceret; *vinceretq; sententia non prima, sed melior.*

Prudens itaque & pia fuit admonitio Ludovici sancti, Galliarum regis, ad filium in regno successorem; quæ inter alias à Tilio lib. 2. de rebus Gall. his verbis recensetur: Ita te gerito, ut confessarii, necessarii quæ & familiares tui, possint te liberè admonere mali quòd feceris, & docere facta tua.

Sed quam plerunque reportarint gratiam ejusmodi cordati viri, in sententia dicenda, & reprehendendo liberi, nulla non testatur historia. Harpagus Medus, cùm liberior in Astyage, rege suo, admonendo fuisset, eâ libertate Rex offensus, filium ipsi suum epulandum apposuit, teste Herodoto lib. 1.

Cambyses, Persarum rex, cùm à Prexaspe Satrapa sibi charissimo audivisset, Persas de ipso propter temulentiam malè loqui; liberâ hac & fidei admonitione ita excanduit, ut hujus filium, suum pocillatorem, in medium produci jussit, & arcum intendens, sagittâ cor ejus transfixerit. Còversus inde ad Prexaspen, Abi, inquit, & refer Persis, vel temulentum regem munere suo probè functum, filii quæ tui cor medium non frustrato ictu transfixisse. Idem, cùm ppter crudelitatem à Croëso, Rege captivo, reprehenderetur, & quòd patris vestigiis non insisteret; arcu correpto

eum confixisset, nisi fugâ sibi consulisset; eodem
 authore Herodoto lib. 3. Philippus, Antipatri fi-
 lius, Macedonum rex, Aratū Sicyonium, (quem
 Antigonus propter merita, & propter rerum ge-
 starum gloriam summis affecerat honoribus) eo
 quòd liberè iracundiam & crudelitatem suam
 reprehenderet & coërceret; nihil tale timentem
 veneno dato necavit, ut author est Pausanias in
 Corinthiacis.

Cùm Alexander Magnus Persico more velle
 adorari, & Callisthenes ei familiarissimus palàm
 dictitaret, adorandum non esse; Alexander eum
 velut conjurationis consciū criminatus, trun-
 catis membris, abscissisq; naribus, labris & naso
 deformatum, post varia tormentorum genera,
 de medio sustulit; teste Senecâ lib. 6. nat. quæst. &
 Plut. in ejus vita.

Eadem libertas monendi ex nimio amore pa-
 triæ, Boëtium perdidit, qui diu maceratus in car-
 cere, Ticini tandem à Theodorico, rege Italiæ,
 interfectus est (a. C. 1526.) Sic & Thomas Mo-
 rus, regni Angliæ cancellarius, cùm regis Hen-
 rici octavi matrimonium, qui repudiata Catha-
 rinæ alteram superinduxerat, approbare nolleret;
 nec acquiesceret constitutioni editæ, in qua Rex
 post Christum, supremum Ecclesiæ Anglicanæ
 caput dicebatur; in carcere Londini per quindecim
 menses maceratus, cùm palinodiam canere
 nolleret, morti adjudicatus, securi percussus est.

(ann

(anno Christi 1535. 2. Julii.) de quo lege Erasmi. lib. 17. ep. 8. 9. 10. 26. Quid ergo mirum, quòd ab aulis plerunque exulet monendi libertas, nec veritati aditus sit, & accessio in domos regum & Principum; dum ea quæ volunt, libenter audiunt, sibi adulari sinunt, & falli æquo animo patiuntur? quo fit, ut assentatio, quamvis perniciofa sit, nocere tamen nemini possit, nisi ei, qui eam recipit, aut qui eam delectatur. *Semper enim fortuna magna, comes est adulatio*, authore Paterculo lib. 2. Unde fit, ut ea quoque perpetuum sit malum Regum, quorum opes sæpius assentatio evertit, quàm hostis, ut notat Curtius libr. 8. Quomodo & Demosthenes in Philippicâ oratione tertiâ, omnem Reipublicæ calamitatem assentationi refert acceptam. Alexander Magnus, dum aures adulatoribus, Paguæ nimirum, Agidi Argivo, Anaxarcho Medo, & cæteris ejusmodi quisquiliis, omni supplicio dignissimis, præbet, seq; supplantari sinit; non modò Parmenionem, Philotam, & Callisthenem, viros probos & germanos amicos sustulit; sed etiam sese stolis ornari ac adorari jussit. Qui si Callisthenem audivisset, neque tantâ viri libertate offensus esset, existimationi & rebus suis meliùs consulisset.

Dionysius junior, Syracusanorum tyrannus, si Dioni & Platoni rectè monentibus obtemperasset, nunquam Philistus, & alii adultores, eum ad miseriarum redegiscent, ut cogeretur Corinthi

ludum aperire (*a. M. 3629.*) & quidem tantâ soliditudine, ut Diogenes jocus sit, eum cum Musis & Apolline, duodecim habere discipulos. Si Hieron, Siciliae tyrannus, non occlusisset aditum ad se, tutoribus suis vera monentibus; neque se Arthenodoro totum tradidisset, dictitanti juvenem jam esse Hieronem & potentem; contemptu omnium mortalium, insolentibus auribus, injuriosis dictis, inauditis libidinibus, immani crudelitate animos civium suorum non avertisset; quorum tandem conspiratione, multis vulneribus est confossus (*a. M. 3758.*)

Si Senecæ libertatem Nero averſatus non eſſet, in tanta & tam nefaria vitia prolapsus nunquam fuisset. At jucundiores erant ipsi impuri, qui virum optimum & Imperatoris amantem criminantes, dicebant, *ſinitam jam eſſe Neronis pueritiam, & robur juventa adesse; exueret magistrum, ſatis amplis doct̃oribus inſtructus majoribus ſuis; ut Tacitus loquitur annal. 14.* Ecquid verò magis præcipitem egit Vitelliū, quàm adulatio, cū ita, ut idem ait Tacitus *h̃ſtoriar. lib. 3.* *formatas haberet aures, ut aſperrimè, quæ utilia eſſent, contrà jucundiſſimè, quæ laſura forent, acciperet?*

Marcus Craſſus ab adulatore Andromacho, quî cum omnia communicare conſueverat, hoſtibus miſerrimè proditus, foediſſimè vitam finiit (*a. M. 3917.*) cujus in demortui os, auro fuſo, his

Parthi

Parthi verbis ipsi insultasse leguntur; *Bibe fortiter, bibe aurū, quod sūisti.* Usq; ad eò perniciosissimus omniū est adulator, Regibus qui assidet; utpote quos corrumpendo, universum penè regnum perdit. Hinc non absurdè Aristonymus adulatores igni; Phavorinus, Actæonis canibus comparat: ille enim, quæ se nutriunt, ligna exest; hi verò dominum suum laceraverunt. Hinc & Theodoricus, Marchio Brandeburgicus, cujus historiam in flore 13. Coronæ secundæ attulimus; inter alia conquestus est de consiliariis, quos habuerat adjutores & ministros injustarum actionum; & quorum assentatio ei tantos attulerat spiritus, ut non dubitaret concitare offensiones, unde deterrimum bellum nasceretur: incusavit deniq; & seipsum, qui rectè monentes aversatus, & ad voluntatem suam loquentes, plurimū apud se valere passus esset. Ita fit, ut Principes, apud quos improbi cōsiliarii meliori sunt conditione, & in majori gratiā, quàm boni, non nisi tristissimo casu, & stultorū illo magistro eventu edocti, errata sua agnoscant. Tandem, *quia secretum est anima consiliorum*; ideo in consiliario Principis, silentii quoque fides, & taciturnitas desideratur, optimum illud atque tutissimum rerum administrandarum vinculum, quæ omnia consilia, cum pacis, tum belli, tuta factuque facilia reddit; quæ si retegerentur, magnas habitura forent difficultates; scil. quemadmodum pulveris pyrii vi &

imperu, si occultus ille, res magnæ patrantur
 ipsis autem authoribus exitio est, si hosti innotescat; ita Principum consilia, si silentio clausa sint
 magnū & efficacem in gerendis reb. usum habent
 palam facta, omnē ilicō usum vigorēq; amittunt
 Consiliarii igitur Principis, *quia sunt pars corporis ejus*, ut Arcadius & Honorius Imperatores
 loquuntur, *l. quisq. Cod. ad leg. Jul. majest.* idem
 non nisi cum voce Principis, voluntatem & mentem
 ejus exponere tenentur. Quod si, qui amicū
 consilium de re privatā aperit, omnium odio
 meritō dignus habetur. (*etenim, qui commissum
 sibi instar depositi sermonem divulgat, aut iniustus
 est, aut admodum incontinens; injustus quidem,
 si lucri causā id faciat; sin absq; lucro, incontinens*: quod Anaxandridam dixisse memora
 Stobæus sermone 39.) quoniam odio illum di
 cemus dignum, qui Principis sui consilium de
 Reip. salute, de propriā dignitate, de publico officio,
 contra tam sanctē datam fidem, magno magistratuum
 contemptu & damno, evulgar? Alexander Magnus,
 cū arcanas quasdam literas quibus crimina & delationes
 contra Antipatrum continebantur, legendas tradidisset
 Hephestioni, detractum annulum ori ipsius admovit, testis
 Plutarcho in apoph. & orat. prima de Alexandri
 fortunā. Idem sibi quisque hoc factum putet
 simul ac in consilium electus est; os sibi à Principe
 clausum signatumq; credat; ut silentii ab eo

nume

numen colatur; id quod apud Persas ita fieri solitum fuisse scribit Ammianus Marcellinus lib. 21. Cui & Quintus Curtius suffragatur lib. 4 Persæ, inquit, arcana Regum mirâ celant fide; non metus, non spes elicit vocem, quâ prodantur occulta; vetus disciplina Regum, silentium vitæ periculo sanxerat; lingua gravius castigatur, quàm ullum probrum; nec magnâ rem sustineri posse credunt ab eo, cui tacere grave sit, quod homini facillimum voluerit esse natura. Ea siquidem & geminas aures, & unicam linguam homini accommodavit; *quasi eum plura deceat audire, quàm loqui.* Et præterea linguam labiis atque dentibus quasi vallavit & conclusit; ne verba, *quæ missa reverti nesciunt*, ore prolaberentur.

De Romanis elegantissimè Valer. Max. lib. 2. c. 2: *Adeò magnâ charitate patria*, inquit, omnes tenebantur, *ut arcana consilia patrum conscriptorum multis seculis nemo senatorum enuncia verit.* Quintus Fabius Maximus tantummodò, & is ipse per imprudentiam, de tertio Punico bello indicendo, quod secretò in curia erat actum, Publio Crasso, rus petens, domum revertenti in itinere narravit; memor, eum triennio antè quaestorem factum, ignarusque adhuc, à Censoribus in ordinem senatorium allectum; quo uno modo his, qui jam honores gesserant, aditus in curiam dabatur. Sed quamvis honestus error Fabii esset, vehementer tamen à consulibus objur-

M

gatus est; nunquam enim taciturnitatem, optimum ac tutissimum rerum administrandarum vinculum, labefactari volebant. Ergo cum Asiæ rex Eumenes, amantissimus nostræ urbis, bellum à Persæ adversus populum Romanum comparari, senatui nunciasset; non antè sciri potuit, quid aut ille locutus esset, aut patres respondissent; quàm captum Persen cognitum est. *Fidum erat & altum Reip. pectus, curia, silentiique salubritate munitum & vallatum undique; cuius limen intrantes, abjectâ privatâ charitate, publicam induebant.* Itaque non dicam unum, sed neminem audiisse crederes, quod tam multorum auribus fuerat commissum. Elogium hoc insigne Catoni quoque tribuit Plutarchus in ejus vita; *eum nullum unquam verbum emisisse, quod emissum doleret.* Pompeji etiâ probabilis virtus, (inquit Valer. Max. lib. 3. c. 3.) qui, cum legationis officio fungeretur (anno M. 3804.) à Gentio, Illyriorum rege, interceptus, cum senatus consilia prodere juberetur, ardenti lucernæ admotum digitum cremandum præbuit; eâque patientiâ Regi simul & spem tormentis quicquam è se cognoscendi excussit, & expetendæ populi Romani amicitiae magnam cupiditatem ingeneravit.

Habebant Galli olim legibus sancitum in civitatibus & Rebuspub. ut Cæsar scribit libr. 6. de bello Gallico; *ut, si quid quis de Republ. à finitimis etiam rumore aut famâ accepisset, ad magistratum deferret,*

deferret, nè ve cum quo alio communicaret. Quia
 sæpè homines temerarios atque imperitos falsis
 rumoribus terreri, & ad facinus impelli, & de
 summis rebus consilium capere, cognitum est;
 Magistratus verò, quæ visa erant, occultabant;
 quæq; ex usu judicassent, multitudini pdebant;
 nec de Rep. nisi per consilium, loqui permitte-
 batur. Apud Cassiodorum quoque libr. 6. var.
 ep. c. 6. in formula notariorū; Non est dubium,
 (inquit Princeps) ornare subjectos, Principis de-
 cretum; dum nullis æstimantur necessaria posse
 committi, nisi qui fuerint magnâ fide solidati:
 Publicum quidem est, quod agimus, sed multa
 non sunt antè scienda, nisi cùm fuerint, Deo au-
 xiliante, perfectâ, *quæ tantò magis debent occuli,*
quantò amplius desiderantur agnosci. Non ta-
 men omnia sunt arcana, quæ in senatibus tra-
 ctari solent, quæ ideo à consiliariis prudenter
 narrari possunt. Cujusmodi sunt ea, quæ mo-
 rum reformationem, religionis ampliandæ stu-
 dium, & Principis vigilantiam in genere testan-
 tur; & ex quorum relatione, neque scandalum
 ullum timendum, neque damnum. Sic ergo Res-
 publica rectè geretur, (inquit Dio Cassius lib. 52.)
cùm neq; de omnibus consilia inita vulgentur, neq;
in aperto ea agitentur; neq; iis, qui ultro sese
obtrudunt, mandentur; neq; ob eorum
ambitionem in periculum
veniant.

F L O S : I I.

Tempus, consiliarius optimus.

Bias interrogatus, quis esset optimus consiliarius? Tempus, respondit; quod apophthegma Nazianzenus his verbis reddidit; Σύμβουλος δὲ εἰς βελίων χρόνον. Bonum nimirum consilium non debet esse præcipitatum, sed deliberatum, & maturè expensum atque agitaturn; in primis, cùm de instituendâ, conservandâ & defendendâ agitur Republicâ; de quæ gravioribus belli pacisve negotiis; quod & Augustus Cæsar symbolo isto suo verè regio monere voluit, *ἄλλ' ὅμως, festina lentè*; innuens, ad rem agendam simul esse adhibendam & industriæ celeritatem, & diligentia tarditatem; ex quibus duobus contrariis fit maturitas: & scitum est nobile illud Catonis dictum; *Sat citò, si sat bene*. Quemadmodum enim canis, quia celerius parit, cæcos veluti, adhuc nō maturos, edit catulos: ita quoque teste Livio decad. 3. lib. 2. *festinatio improvida est & cæca: omnia verò non properanti, clara sunt & certa*. Et quemadmodum flosculos vernos, qui citò proveniunt, mox interire videmus: ita multò magis actiones & consilia præcocia, non absque dispendio, parum diuturna cernimus. Rectissime igitur eorum reprehenditur inscitia atque audacia,

audacia, vel insolentia, qui res arduas præcoci & temerario ausu suscipere & perficere satagunt; neque prius, prudenti deliberatione habitâ, perpendunt, qualis eventus expectandus sit. Hinc rectè Tacitus annal. lib. 3. *multos, inquit, etiam bonos festinatio pessumdedit*; qui spretis, quæ tardâ cum securitate, ad præmaturâ vel cum exitio properant. *Nihil itaq; magni discriminis consiliis tam inimicum, quàm celeritas*; ut est apud Livium de cad. 4. lib. 1. Omnis siquidem res properando parit errores; unde magna detrimenta fieri assolent: in cunctando autem bona insunt, si non talia, quæ statim videantur esse bona; certè, quæ suo tempore bona quis esse comperiat, scribit Herodotus lib. 7. Hinc & Artabanus Xerxi, expeditionem in Græciam paranti, ibidem ait; *Iterum atq; iterum, cum tibi videbitur, re apud te ipsum prole consideratâ, edicito, quod optimum arbitraberis*. Bene enim & præmeditatè consultare, comperio maximum esse lucrum. Nam etsi quid è contrario eventurum est; nihilo tamen minùs bene consultum est, superavitque fortuna consilium; quæ, teste Cæsare lib. 6. de bello Gallico, cum omnibus in rebus, tum in re militari multum potest. Hinc, cum Athenienses adversus Alexandrum feliciter pugnasent, ac diis jam gratias agerent, rogatus Phocion; an hæc ita gesta nolle? *Hæc quidem, inquit, gesta vellem, sed illa decreta; sentiens, etiam inconsulta consilia non-*

nunquam feliciter cedere; id quoties accidit, gratulandum quidem esse Reip. non tamen idcirco non semper utendum optimis consiliis. Fortunam enim tentare, ubi consilio locus est, temerarium est. Unde & Demosthenes Atheniensibus exprobrat, quod, cum alii consultare prius, deinde rem aggredi soleant, ipsi post rem factam consultare consueverint. Quem in modum & Demadem dixisse testatur Plutarchus; Athenienses nunquam, nisi bellicis indutos vestibus, pacem decernere: juvenes eos, bellandi cupidos, non nisi accepta glade, nitescere. Quanto verò rectius Cicero Officiorum I. In omnibus, inquit, negotiis, priusquam aggrediare, adhibenda quedam est preparatio diligens, ac prudens deliberatio. Et Salustius in bello Catilinario, Priusquam incipias, consulto; & ubi consulueris, maturè factu opus est. Omnia itaque, si salvi esse velint Reges & Principes, necessarium est, ut, antequam res magnæ, & ardua negotia susciplantur, animus ipsorum, repudiatis præcocibus & turbidis actionibus, consilio maturo & prudenti in omnem eventum diligenter muniatur; ne, si quid præter opinionem accidat, planè is dejiciatur, & metu atque anxietate oppressus, in desperationem redigatur. Quæ enim hominibus præter expectationem, & quæ maximè inopinatò accidunt, ea & animos hominum dejiciunt, & rationem conturbant; ut ad ferendam de eo, quod agendum sit, sententiam, minimè

minimè omnium valeant. *Neq; enim consiliis juxta metum locus est*, inquit Dio lib. 42. sed ubi animum consilia anteceperunt, strenuè admodum timores ea exturbant; sin anteveniantur ab his, succumbunt. Accidit hoc Ludovico hujus nominis secundo, regi Ungariæ & Bohemiæ, ex præcoci consilio Episcopi Tolmariensis; cujus hortatu cum Solimanno, numero militum omniumque aliarum rerum instructissimo, prælium imparatus, auxiliariibusque destitutus copiis, juvenis ipse, quodammodo imbellis, perturbato & meticuloso animo, committere coactus fuit, in quo multitudine hostium oppressus, ad Mohaciam, in extremum adductus præcipitium, in fuga magnâ suorum clade periit (*an. C. 1526. 29. August.*) ut author est Dubravius historiæ Bohemicæ lib. ult. Verè itaq; præcipitis consilii comes est pœnitentia, sed sera nimis atque inutilis; cum præcipitata raptim consilia neq; revocari, neq; in integrum restitui possint.

Cæterum in omni re arduâ præceptum hoc tenendum, ut *rapiamus consilia, non queramus*; nec verbis aut sententiis diu concertemus, ubi res perurgent, & occasiones præcipiti prorsus casu fluunt; sed proximum quodque consilium tutissimum est. *In rebus enim arduis deliberationes perniciosissimæ esse solent, præsertim in bello*; ubi non semel consilium, alioquin per se tutum & salubre, morâ temerarium & infelix factum, le-

gimus. Cujus rei documento sunt Lanuvini, qui, cum lentâ deliberatione tempus trivissent, Latinis victis demum auxilium ferre cœperunt. Itaque, cum portis egressus, de Latinorum clade Millo-nius prætor eorum audisset, dixisse fertur; *Pro paululâ morâ magnam mercedem Romanis esse solvendam*. Nimirum nullus cunctationi locus est, in eo consilio, quod non potest laudari, nisi peractum; ne, quorum tempus effugit, ea tum demum optima videantur.

F L O S I I I.

Senum consiliis stat Respublica.

RECÈ Iſocrates in oratione de Regno ad Nicoclem, *optimam regni custodiam esse*, ait *prudentiam*, sine qua nemo Rex aut Princeps rectè imperare, multoque minùs Rempublicam beare, aut amplificare potest. Neque enim cuiusvis est, Rempublicâ, ut & navem, gubernare, præsertim, si fluctibus ac procellis rapiatur navis; licet tranquillo mari utcunque gubernari possit: sed interturbato rerum statu etiam atque etiam videndum, quis ad gubernacula sedeat. Quemadmodum igitur, qui in navi clavum tenet, quamvis nec loco moveatur, nec remiget; nec vela aut rudentes aptet, nec anchoram jaciat, nec alia ministeria nautica obeat; plus tamen, quàm
ceteri

cæteri omnes ad navis gubernationem confert: ita quoque in regno aut Repub. bene constitutâ, domi multò plura consilio & prudentiâ suâ, vel etiam sedendo, proficiunt senes, tam pacis, quàm belli tempore; quàm foris miles fortis & armatus. Sic nimirum Agesilaus (*a. M. 3601.*) suâ prudentiâ cavet, ne post Leutricam pugnam Lacedæmon à Spartanis capta diriperetur, teste Plut. in ejus vita. Sic & Nestor, regi suo Agamemnoni in Trojano bello administrando optimorum consiliorum fuit author.

Atheniensibus olim ad eligendum Ducem convocatis, cùm Chares quidam juvenis velox, & robusto validoq; corpore, Iphicrati valde seni præferretur; Timotheus Princeps senatus surgens, cives monuit, *ne talem eligerent Ducem, sed qui Duci stragulas suas portaret*, teste Plutarcho in apoph. innuens, ad Reip. defensionem tutiùs senes, qui sapientiâ & peritiâ juvenes antestarent, adinoveri, quàm juveniliter ambitiosos & feroces.

Tertio belli Tarentini anno, Romanis prælio ad Sirim fluvium utcunque fractis, cùm Cineas, orator eloquentissimus, à Pyrrho legatus ad senatū, pacem ageret iis conditionibus, ut Pyrrhus in urbem reciperetur: Appius Claudius, ut jam-jam inclinantes Romanorum animos à pace illâ cum Pyrrho revocaret; & senex & cæcus in senatum se jussit deferri; qui, etsi lumine orbus

erat, mentis tamen oculis admodum lynceus, patriam, quod honestum erat per se parum cernentem, praevidere coëgit; gravi oratione suâ, quæ apud Plutarchum extat in Pyrrho; ita senatum commovens, ut pacis conditionibus simpliciter repudiatis, Pyrrho renunciari mandaret; Romanos ipsum, pacem illis offerentem, non prius audituros, quàm universâ Italiâ decessisset; id quod nisi faceret, effecturos eos, ut sentiat, nec vires, nec animum ad resistendum deesse ipsis, etiam si mille cinctus esset legionibus.

Phocionis, Masinissæ, Q. Fabii Maximi, Corvini, Fabricii, Metelli, Lælii & aliorum exempla, in quibus senilis prudentiæ & virtutis typus exprimitur, pete ex Plutarcho & Cicerone; ex quibus omnibus patet, senes suâ prudentiâ Resp. optimè gubernare, & labefactatas erigere ac restituere, Principum denique negotia suis consiliis saluberrimè dirigere posse.

Roboamus certè, si sanioribus paruisset consiliis seniorum, sapientiæ Salomonis qui fuerant discipuli, suadentiū, ut furorem populi suâ mansuetudine, lenitate & moderatione frangeret; non autem responsionis duritiâ augetet; sic firmius ipsi fore imperium, si amari mallet, quàm merui; plus quàm dodrantem regni (4. M. 2971.) non amisisset, 3. Reg. 12.

Probè hoc intellexit Ludovicus undecimus, rex Galliæ, qui moriturus (4. Christi 1483.) Carolum

relum VIII. Delphinum filium monuit, ne, quos ipse relinqueret senes consiliarios, amicos & familiares commutaret; se suo exemplo edoctum, quàm propè in limine regni à ruinâ ipse abfuerit, quòd relictis sibi à patre consiliariis fidem habere noluerit.

Neq; tamen propterea à consiliis Principum & senatu omnino excludimus viros juvenes, qui ex seniorum dictis factisque similia & dicere, & consulere assuescant. Expedit enim juxta annosas arbores, novas inserere plantas, quæ in locum vetustarum intereuntium aliquando succedant. Quia tamen juniores plerunque perturbationibus animi concitationibus obnoxii, calore feruntur juvenili, & præcipiti temeritate, inflatoque spiritu; ideo vehementiores & subitas illorum cupiditates senum consilium & prudentia rectè moderatur, non aliter, ac ignis ardor aquæ frigore temperatur.

F L O S IV.

Callida & audacia consilia primâ specie læta, tractatu dura, eventu tristia sunt: *Livius decad. 4.*

lib. 5.

EST quoddam genus hominum agile, callidum, igneum & subtile, qui naturali quâdam

M 6

sagacitate omnium mortalium cogitationes atq; actiones, & eventus rerum futurarum per-
rimari ac persentiscere student, præclarumque
putant, si aut ipsi aliorum pervertere consilia, aut
versutiâ suâ quempiam irretire possint. His ut-
plurimum Reges & Principes, præsertim curiosi
illi, & juveniliter ambitiosi, delectantur; sed
quantâ illorum cum pernicie conjunctum hoc
sit, dici vix potest. Nam ut omittam, nullos ma-
gis falli & errare in consultando, quàm acres &
subtiles hujusmodi homines, dum plerunque ea
sibi fingunt futura, quæ nec facta sunt antea, nec
ab aliis cogitata; certum est, ægerimè experiri,
& non nisi magnâ cum difficultate in rem deduci
ejusmodi consilia posse. Quemadmodum enim
horarium, quò tenuius est & subtiliùs elabora-
rum, majori curâ regitur, frangiturque faciliùs;
sic consilia, quæ nimis innituntur subtilitatibus
& versutiis, multis opus habent mediis, assiduo
studio, & accuratâ observatione; & vix tamen
scopum suum adipiscuntur, imò etiam non rarò
tragicum exitum sortiuntur.

Atque hinc fit, ut secundùm Thucydidem
lib. 3. *hebetiores meliùs, quàm acutiores Rempubl.
administrent*; quippe qui, dum suæ peritiæ diffi-
dunt, rerum & consiliorum æqui æstimatores,
quàm concertatores, esse malunt; isti verò, dum
supra cæterorum prudentiam & intellectum sa-
pere aliquid, & in publicis consultationibus
suam

suam semper sententiam obtinere volunt; importunâ suâ ambitione Resp. plerunq; evertūt. Sic ergo, quemadmodum primum mobile tantâ incitatione fertur, ut etiam secunda mobilia, stellas nempe fixas & planetas secum rapiat; ita consiliariorum impetus sæpenumero bonos quoque & moderatos abripiunt Principes, ut quid durius decernant, non rarò suâ cum perniciē.

Exemplo sunt Hanonis, Ammonitarum regis, aulici; ad quem cū David rex (a. M. 2905.) honoris causâ legatos misisset, qui ob patris sui Nahæ obitum ipsum consolarentur; hujus aulici non aliter ac canis vinctus, qui vincula ipsi solvere volentem, suum esse adversarium suspicatus, allatrat ac mordet stultissimè & iniquissimè, beneficium hoc Davidis interpretantur insidias, ejusque gratitudinem (Davidis nimirum exulis, cujus parentibus Nahas præbuerat hospitium) exponunt dolum. Horum ergo calumniis fasciatus Hanon, Davidis legatis ludibrii ergo partem barbæ radi, & vestes ad nates usq; præscindi jussit. A Davide ergo, injuriam istam atq; ignominiam atrocissimâ justissimo bello vindicante, gemino prælio, magnâ suorum & sociorum Syrorum clade victus, pro barbâ rasis tandem amisit diadema capitis, & pro succisis vestibus, regnum, 2. Reg. 10.

Exemplo item est Roboamus rex, qui super

populi, petentis onerum publicorum levationem, postulato, seniores pariter & juniores consuluit: Verùm, salubri illorum consilio repudiato, his obsecundatus, qui ipsi authores erant, ut nihil tributorum subditis remitteret, nec quicquam condonaret, (nec enim reditus & jura regni accidenda & attenuanda esse,) sed jugum aggravaret; ut discerent, se non dominos, sed subditos esse; istâ suâ superbiâ atque asperitate voluntates populi à se abalienavit; perpetuæque distractionis occasionem præbens, damno suo didicit; *aulas esse fœcundas crudelibus consultoribus: callida item & audacia consilia primâ specie esse læta, tractatu dura, exitu tristia; cautiùs denique dimicare milites veteranos, quàm tyrones.* 3. Regum 12.

Sic & consilium illud, quod Amnoni Davidis primogenito dederat Jonadabus hujus patrue-
lis (an. M. 2911.) de vi comprimendâ sorore Thamarâ, etsi primâ specie blandiebatur stultis illius affectibus; exitu tamen fuit tristissimum, Absolone ignominiam hanc sorotis nefando fratricidio vindicante (a. M. 2913.) 2. Reg. 13.

Pari modo, Mardonii adhuc juvenis, gloriæq; cupidi consilium, Xerxi, Persarum regi, fiduciâ humanæ potentiz elato, expeditionem contra Athenienses suadentis, arripit; sed quàm tractatu durum, exitu triste hoc fuerit, ostendunt tot ipsius clades, ad Artemisium (a. M. 3492. pugna accidit)

accidit) Thermopylas, Salaminem, Plateas, & Mycalem Ioniæ ab hostibus acceptæ; de quibus lege Herodotum lib. 7. 8. 9.

Sic & Antiochus Magnus, Asiæ & Syriæ rex, prosperis rerum successib. insolentior redditus; Ætolorum insuper adulatione, & promissorum vanorum confidentiâ; Nabidis Lacedæmonii societate, & Hannibalis apud ipsum exulantis crebris cohortationibus inflammatus, ut in Europam Imperii sui terminos proferret, Romanorumque potentiam retunderet; injurius ipsis, & terribilis primum quidem insultavit.

Verum eodẽ mox anno è Thermopylis, quas infederat, non solum naturâ loci tutis, sed & præsidio atque muro obseptis; Marii ac Cælii Glabronis consulis virtute deturbatus, Ephesumq; in Asiam ex Europâ expulsus, ibi à Lucio Æmilio Regillo prætore, maximâ clade victus fususque; iterumque, anno vertente, à Lucio Cornelio Scipione ad Magnesium, acerrimo & cruentissimo prælio victus, durissimas pacis leges accipere coactus; teste Floro libr. 2. cap. 8. Justino lib. 31. & Appiano in Syriaca; didicit suo damno veritatem dicti Hesiodi:

Desipit, incertum qui captans certa relinquit.

Sic & Andronico Palæologo consilarii avari suaserant, ut classis sumptus, quibus fiscum Imperatorium exhauriret, tolleret. Quo facto, Romanorum maritima potentia imminuta est, &

hostium firmata; adeò, ut pyraticæ triremes Bizantium usque per ludibrium accesserint, ut auctor est Gregoras lib. 6.

Carolo VIII Galliaë regi, juveni alacri & fervido, atque ex assentatorum applausu, spebus amplissimis, inexplabiliq; gloriaë cupiditate inflammato, regni Neapolitani, tanquam ad se jure spectantis, armis acquirendi animus non defuit jam inde à puero. Evocatus itaque à Ludovico Sfortiâ (an. C. 1494.) contra Arragonios, ad Neapolitanam expeditionem temerario accessit consilio; cum illum neque ærarii inopia, neque procerum indignatio, neq; Ludovici insidia propositæ, ab incepto abducerent; Juliani Roverei, Cardinalis Ostiensis, fatalis calamitatum Italiaë instrumenti, autoritate & consiliis accensum. Quæ res etsi primùm ex animi sententiâ successit; celeri siquidem & incruentâ victoriâ, Arragonios regno isto exegit; in reditu tamen triplici, Romanorum, Venetorum, & Mediolanensium, exercitu, itinere ipsi præcluso; medias hostium phalanges ad Tarrum fluvium armatus perrumpere necesse habuit; nec multò post regnum hoc Neapolitanorum defectione iterum amisit. Hanc ejus expeditionem Cominæus libris descripsit quinque; Jovius & Guicciardinus libris tribus prioribus.

F r o s V.

Consilium malum, consultori pessimum.

QUemadmodum in consilio capiendo prudentia: ita in dando fides requiritur & religio: ut; religiosè, citraque fraudem detur, si quis egeat. *Est enim consilium res sacra; ideo nihil debet, qui consilium dat, prestare præter fidem;* ut Cicero scribit libr. 16. epist. ad Atticum. Alioquin non defuturum est numen aliquod, quod poenas repetat ab eo, qui rem sacram & divinam perfidiâ violarit. Utiq; enim perniciofa consilia plerunq; in authores redundant, à quibus profecta sunt; quod & Hesiodi hic aphorismus testatur lib. 1. ἔργων, & veritatem hujus sententiæ omnes omnium seculorum historiæ comprobant.

Bileamus à Balaco, Moabitarum rege (*anno Mundi 2493.*) Israëlitas diris execrari jussus, cum caninam ejus linguam ab allatrando maleficio Deus compesceret; regi Balaco hoc dedit consilii, ut blanditiis potius Israëlitas seducere, & ad scelera omnemque impietatem allicere, quam armis opprimere conaretur: sic enim fore, ut divinam illi incurrant indignationem, & Moabitarum cæterarumque gentium postmodò pateant direptioni. Hoc Bileami consilium, de scandalo

Israëlitis objiciendo, & Moabiticis meretricibus ad fœda stupra prostituendis, nonnihil quidem successit; quippe quarum lenocinio & lascivio Israëlitæ ad scortationem simul, & ad profana sacrificia allecti, tantam Dei offensionem incurrerunt, ut non solum præcipui hujus sceleris atque impietatis authores jussu Dei in crucem fixi acti; sed & ex plebe repentinâ pestis hæc perierint vigintiquatuor millia hominum, teste Paulo i. ad Cor. 10. Nec prius plaga hæc cessavit, donec Pinehas divino excitatus zelo, Zambrium tribu Simeonis, Principem libidinosum, ad scortum Midianiticum commeantem, in ipso facinore suâ confodit gladio. Etsi autem hoc Bileamini consilio nonnihil cladis illatum tunc fuit Israëlitis; nihilominus tamen & ipsi Bileamo in extremum hoc exitium, totique genti Midianiticæ & Moabiticæ in maximam cessit perniciem utpote cujus utriusque impietatem atque impotesturam gravissimè vindicare Moses jussus, neminem ex Midianitis, pueris tantum & puellis exceptis, superstitem est passus, Num. 22. 23. 24. & 25.

Achitophel, ob prudentia consilia in tanta auctoritate apud Davidem æstimatione habitus, ut quicquid diceret, de cælo prolatum duceretur; (unde & de defectione ejus David tantopere consternatus est, ut nullo unquam periculo magis,) quoniam videbat, populum adhuc quâdam erga Davidem religionem

religione teneri; & non posse adduci, ut crederet, Absalonem filium tanto patrem odio habere, ut extremum ejus exitiū quæreretur; imò & metueretur, ne si reconcilientur, faba in ipsorum caput caderetur; primū impudentissimus Absaloni fuit author, totum patrum luce clarā coram populo contaminandi; ut hoc facto declararet, pessimè ipsum velle patri, nec ex composito rem geri: post scdātum patris cubile eidem consulit, ut patrem imparatum citra omnem moram armis obruat, nec ullum ipsi tempus ad vires recolligendas permittat. Quod consilium suum ubi videbat sperni; Chusajo contrarium suadente, & probabiliore more interponendæ causas afferre viso; victus partim indignatione, partim vano metu supplicii sibi irrogandi, si David regnum recuperaret, laqueo seipsum domi suæ strangulavit, atque ita proditoris & mali consilii sui dignas dedit pœnas; (*anno Mundi 2920.*) horrendo relicto exemplo, quàm tragico exitu pereant malorum consiliorum architecti, & quàm sæpè ea divinitus impediantur, 2. Regum 16. & 17.

Sic & Haman, patefactis calumniis, quibus impetraverat edictum regis Perfici, de totā gente Judæorum delendā, (*a. M. 3519.*) in ea ipsa furca, quam Mardocheo erexerat, ipse suspensus est; atque ita in magistrum scelera redierunt sua, Estheræ 7.

*Circumsedit enim vis atq; injuria quemque;
Atq; unde exorta est, ad eum plerunq; revertit.
Ut Lucretius canit lib. 5.*

Sic & Appius Claudius Decemvir, ubi Virgineæ castitatem, undique pudicitiam septam, muneribus & pollicitis expugnare non potuit; tum illam in servitutem, spe ipsius potiundæ per Marcum Claudium, suum clientem, afferere conatur: (4. M. 3524) sed præda hæc à Lucio Virgineo patre, non solum miserabilissimo modo ipsi erepta; sed & decemviratum abdicare coactus, in carcerem à scædificatum, (quem teste Sabellico lib. 10. c. 4. *Romana plebis domicilium* vocitare solitus erat) è vestigio conjectus, in eo judicii reus, mortem sibi ipsi conscivit, teste Livio dec. 1. lib. 3. & Dionysio Halicarn. lib. 11. Notabile quoque est, quod Comineus refert lib. 10. de rebus gestis Ludovici XI. Galliarum regis, de Cardinale Balvensi, cujus instinctu Rex parari jussit carceres horrendos, qui adhuc Lutetiæ conspiciuntur; caveas nempe partim ferreas, partim ligneas, ferreis laminis coopertas, latitudine octo pedum, & altitudine paulò majori, quàm est statura hominis; itemque compedes ferreas gravissimas, quibus illigarentur crura; pedes vinciebantur anulo ferreo, à quo pendebat catena, ad cujus exitum maximi ponderis globus. In has tetras caveas Cardinalis ipse, & quidem in eam, quæ primum perfecta fuit, inclusus est, perque totos 14. annos.

annos detentus. Nec mitiorem fortunam expertus est ipse Rex; quippe qui spontaneis quodammodò vinculis sese induit; ita in arce quadam se includens, custodiisq; circumsepiens, ut, teste Cominæo, nullus arctiori custodiâ cohercere potuisset, quàm ille seipsum cohibuit.

Christiernus secundus, rex Daniæ, Suetiâ subactâ (a. C. 1520.) tormentis hominum innocentum libidine animi expletâ, in Daniam terrestri itinere cùm redire contenderet; ad quamcunq; urbem devenit, furcam erigi curavit, procurante Nicolao Holstenio, qui regio ex mandato Suederopiæ in crucem à se ipso erectam sublatus est, teste Chytræo in Chron. Saxon. lib. 9.

*Tam bene dispositum terris, ut dignus iniqui
Fructus consilii primis authoribus instet.*

Plura exempla recenset Camerarius lib. 1. mediat. histor. c. 9. De Lyfia, Atheniensi senatore, (a. M. 3493.) ob consilium malum patriæ datum, lapidibus obruto, lege Herodotum lib. 9.

Antiphon, cujus nimia eloquentia, nimiaq; in dicendo authoritas, iudicibus semper suspecta fuit, temporibus belli Peloponnesiaci (a. M. 3561.) cum Archeptolemo & Onomacle, ab Atheniensibus legatus missus ad Lacedæmonios; accusatus deinde & convictus, è re Lacedæmoniorum utilissima consilia, & pro Atheniensibus deteriora protulisse; tantas consilii mali, patriæ dati, pœnas luit; ut ipsius sociorumque ædes solo aqua-

rentur; gens familiaque tota partim necaretur partim infamiâ perpetuâ notaretur; ut author est Petrus Ætrodus ex Thucydidis vitâ.

F L O S VI.

Non est turpe, cum re mutare consilium: *Seneca libr. 4. de benef.*

NON magni fiunt, qui quolibet levi vento ad diversos opinionum scopulos alliduntur; planè improbandi sunt, qui ex alienâ libidine huc illuc fluctuantes agitantur, interdum alia iterumque alia decernunt; & ut eorum, qui dominantur, simulas atque arrogantia fert, ita bonum malumve publicum existimant; scribit Sallustius ad Cæsarem. *Constantia ergo in consiliariis requiritur*; ubi tamen cautè providendum, ne, ut alias vitia virtutum specie se insinuant; ita pro constantiâ pertinacia nobis imponat. *Demenest, qui in errore perstat*; multoque præstat, mutare consilium in melius, quàm in malè institutum pergere. Sed nec inconstantis est, etiam bene cogitata consilia mutare, & sententiam, tanquam aliquod navigium atque cursum, ex Reipublice tempestate moderari, atque ita temporibus servire & ventis nolle resistere. Quam eandem in sententiam

tentiam & Cicero ad Lentulum scribit libr. i. fam. epist. 9. Non permanendum est viro sapienti patriæque amanti in una sententia, rebus converfis, ac prioris consilii causis & rationibus immutatis, sed temporibus assentiendum. Nunquam enim præstantibus in Repub. gubernandâ viris laudata est in una sententia perpetua permanſio; sed ut, in navigando tempeſtati obſequi, artis est, etiamſi portum tenere nequeas; cum verò id poſſis, mutatâ velificatione, aſſequi, ſtultum est, eum tenere cum periculo curſum, quem cœperis, potiùs, quàm eo commutato, quò velis, tandem pervenire. Sic cum omnibus in adminiſtranda Rep. propoſita eſſe debeat ſalus patriæ; *non idem ſemper dicere aut facere, ſed idem ſemper ſpectare debemus.* Oportet enim eos, qui in Reipublicæ navi ſedent, *tanquam in talorum jaſſu,* ad id quod ceciderit, res ſuas aptare, qualiter id cunque ratio eſſe dixerit; non autem quaſi pueros, ipſos quoque cadentes, firmiter eam rem tenere, in quam impegerint, & clamando queritandoque tempus conſumere, ut Plato ſcribit libr. io. de Repub. *Sic ſapiens non it uno gradu, ſed unâ viâ; nec ſe in aliquibus mutat, ſed potiùs aptat.* Et apud Romanos quoque; juſ fuiſſe ſenatori, à ſententiâ, quam ſemel dixerat, ſi probabile quid contrâ afferretur, deduci, patet ex graviffimâ ſenatus deliberatione apud Saluſtium de modo poenæ conjurationis Catilinae

sociis irrogandæ. Conjuratone nimirum Calpurniâ detectâ, cum in senatu de modo pœnæ conjurationis socios gravissima institueretur liberatio; quos alii, cum Syllano consule, multimolendos; alii, quorum princeps erat Julius Cæsar, per municipia, in custodiis habendos, publicatis pecuniis, censebant. Vicisset mitior sententia, nisi labantem Ordinem confirmasset Marci Catonis oratio; qui penè inter ultimos gatus sententiam, tantâ vi animi & ingenii inictus in conjurationem; oris ardore orationem omnium, lenitatem suadentium, de societate consilii suspectam fecit; & impendentia, ex ruinis cendisque urbis, & commutatione status publici, pericula ita exposuit, ita virtutem consilii amplificavit, ut universus senatus in ejus sententiam transiret, & in conjuratos animadvertendum capitaliter censeret. Tanti interest, ut senatu sint Catones, Appii, & horum similes viri, qui priscâ severitate molles aliorum sententias castigant, liberéq; & fortiter censeant. Quam enim graves illæ & severe sententiæ vincere semper non debeant; (nec enim, ut vincant semper expedit,) interjectæ tamen aliis, jucundum innatu, ex dissimilibus judiciis, tanquam ex distinctis sonis, concentum efficiunt, neque parum consilium capiendum profunt. Maximè in bellicis in rebus consilia, quæ hostibus prodiciamus, mutare convenit; utpote, quæ non sol

solum successu, sed nec raro quoque periculo
carent; quod inter alia Vegetius præcipit lib. 3. de
re militari c. 26. De quo fusiùs egimus lib. 2. Stra-
tegematographiæ nostræ c. 8.

F L O S VII.

Ad legationes aptissimi viri, perspicaci
prudentiâ, & singulari gravitate
præditi.

Quemadmodum in bono consiliario, ita
quoque in egregio legato requiritur nobi-
litas generis, pulchritudo & concinnitas corpo-
ris, ingenii vivacitas & sagacitas, rerum cum di-
vinarum, tum humanarum scientia, ejusq; philo-
sophiæ, ad formandos mores gubernandi que
scientiam quæ pertinet, cognitio; in primis verò
multarum & variarum historiarum lectio. Hi-
storia siquidem dux est actionum, consiliorum
inventrix, comes itineris, pronuba instituti salu-
taris; quam quò magis variam, & exactiùs ali-
quis legerit, & legendo rebus atque temporibus
præsentibus adaptaverit; eò & plures legationes
obiisse, & in portum, quem quærit, faciliùs vide-
bitur pervenisse. His postea accedat exterarum
gentium peragratio, regionumq; lustratio,
& rerum intelligentia; ars & copia in utramque
partem disserendi; negotiorum usus, atque tra-

Etatio; ejusq; lingua, apud quem Principem
 populum legatione defungi necesse habet, fide-
 tia; fides demum in Principem, amor in sue-
 mitas erga exteros, humanitas in convivio
 colloquio familiari; invicta fortitudo, & de-
 harum omniũ moderatrix, perspicax pruden-
 tiæ. Probè itaque norit prudens legatus, muneri
 sui, non nisi jussum adesse, non nisi pro re &
 occasione verba facere, non nisi acceptis respon-
 sibus quæ patienter ipsi audienda sunt, pauca lo-
 qui, non denique, niſi de re & materiâ temporis,
 & personæ suæ accommodatâ, in publico
 orare. Ac primò quidem, etsi nihil prius au-
 diquius habere debeat, quàm sine morâ
 Regem aut Principem; ratò tamen & mo-
 exponendorum mandatorum tempus po-
 bit, semelque concessum strictè & accuratè
 servabit. Nolunt enim cogi, sed rogari Prin-
 cipes, & ab ipsorum nutu atque authoritate,
 nostro arbitratu & cupiditate, nos penderi
 nec ludificari se patiuntur, si quis concessio-
 pore abuti velit.

Dabit præterea operam, ut non tam po-
 divitiarumque splendore, quàm rebus sit in-
 ctus; memor dictæ Agidis Spartani apud
 in Lacon. qui ad Philip. Macedonem le-
 missus, solus sine comitatu Regem acci-
 cùmque Rex hoc mirum miraretur; *Veni, in-
 unus ad unum*; tacitè legatorum aliorum
 mas perstringens.

Deinde ad Principis conspectum admissus, premissâ honorificâ salutatione ejus, à quo missa est legatio, itemque commendatione ejus, ad quem directa est, mandata sua brevi atq; sincerâ exponere oratione meminerit; nec anfractu, & quasi verborum longâ quadam circumitione utatur; nec fictis, aut etiâ nimis laudationibus Principis venetur gratiam; utpote, quæ assentationis quandam habent speciem, *quæ omnem delet veritatem*, & non modò non amico, nedum inimico, sed ne libero quidem homine digna est. Unde regiè omnino Carolus V. Cæsar, post initam cum Francisco, Galliarû rege ad Cameracû pacificationem, cuidam legato, summis encomiis in os eum laudanti, in orationis fine dixit: *Utinam & nunc laudasses, & ante biennium in Anglia vituperasses me parcius, agrè utroq; nunc caruisssem.* Et Carolus, Burgundiæ Dux, crebris usurpasse sermonibus fertur; Neq; laudari acriter, neque vituperari vivos Principes oportere; quòd alterum non careat periculo, alterum adulatoriæ artis valde inertis suspicione. Perspicuum hoc fit ex belli historiâ, quod inter Greg. X I. Papam & Florentinos gestum est, quo Romanensium Legatus Florentiam missus, gratias illis egit ob restitutam libertatem; mulis verbis in Pontificem & tyrannos, sive Principes urbium, Pontificis ministros, invectus; nullâ ratione habitâ Rudolphi, Cameracensiû domini, qui tum

Florentinorum polemarchus erat; tum Rudolphus petens ab Oratore illo, cuius facultatis aut artis esset? cùm ille Doctorem Juris civilis se diceret, quæsit, quanto tempore legibus operam dedisset? cùm ille amplius decennio respondisset, *quàm vellem*, respondit, *ut saltem annum discretionis studio vacasses*; stultum illum judicans, qui tam multa se præsentē contra Principes effudisset; ut author est Poggius in facetiis. Quàm ægerrimè verò domi suæ Principes alienas laudes deprædicari patiantur, (siquidem quantum exteris datum, tantum per id sibi detractum nonnulli arbitrantur,) exemplo est L. Sylla apud Plutarch. in ejus vita, à quo bello Mithridatico Aristion Atheniensium tyrannus obsessus, & victus rerum omniū inopiâ, duos ad eum in castra misit legatos, qui ex tyrannisententiâ, non humili oratione præsentive fortunæ accommodatâ sunt usi, sed à Thesei laudib. & Eumolpi exorsi, memoriam inde rerum adversus Medos & alias gentes ab Atheniensibus gestarum, stultè & insolenter executi, non modò non flexerunt aliquo modo hostem; sed iis hinc multò infensior factus, quàm antea fuisset, *beatos abire jussit, retroq; secum totam illam laudationem ferre*; se à populo Romano Athenas missum, non capiendæ disciplinæ causâ, sed ut invidam urbem bello captam everteret. Nec ita multis idem diebus interjectis noctu Athenas occupavit. Non omit-
tenda

tenda hîc Magni, Ducis Holsatiæ, Episcopi Orpatensis in Livonia, historiola, quam Christophorus Warsebicius recenset in libello de legato & legatione; Hic ut distortus ipse fuit, sic & legatum, oppidò monstrosum oratione & gestu habuit; qui, cùm Stephanum, Poloniae regem, miris in os decantatis laudibus extulisset; illud postea addidit, scire se ex astris, Johannem Basilium, magnum Ducem Moscoviæ, insequenti anno regiis armis cessurum, & vitâ cum Imperio amissurum; utpote, qui hoc & illud cæleste signum in ascendente haberet; prætereaque nemini esse obscurum, quo, quanto & quam periculoso morbo laboraret: ita iste & legatum, & Mathematicum & Medicum, & denique stultum egit, coram Rege & senatu verbis sine delictu faciundis. Ut enim furiosus educto gladio aërem verberando; sic legodædalus, ubi verba fundere cœperit, nec rationem incipiendi, nec modum desinendi scit. Modus ergo in laudando juxtâ & vituperando fuerit optimus; nec minùs quoque res & materia, de qua perorandum erit legato, tempori, loco & personæ suæ sint accommodatæ; ita ut rei expositioni persuasionem adjiciat verbis, ad id consequendum, quod petitur, idoneis, & simul explicet modû, quo id fieri possit; & denique afferat exempla rerum similium, unâ cum sufficientibus rationibus. Exemplum hujus rei habemus apud Livium decad. 1.

lib.2. & Plut.in vita Coriolani, in Menenio Agrippa, principe legationis ad plebem Romanam, quæ ære alieno pressa, in montem sacrum juxta ripam Anialis quondam secesserat. Hic plebem partim obsecrans, partim senatum defendens, extremæ orationi apologū Æsopicum de disidiis membrorum in corpore humano aspergens, omnes hominis partes conjurasse ait contra ventrem; ignavum eum & immunem quiescere, omniaque, ingenti cæterarum labore & ministerio, quæri illius aviditati, questas; ventrem verò stultitiam illarum derisisse, ignorantium, recipere quidem alimentum intra se omne; sed reddere id ex se, & in alias distribuere. Hunc apologum ad præsens negotium ingeniosè ipse accomodans, pingui figurâ demonstravit, quàm insana sint & pestifera ejusmodi intestinorum mota certamina; atque ita hac ratione populum novâ & insolitâ libertate temere gaudentem, ad meliora & saniora consilia revocatum, senatui subjecit, *h.e. urbem urbi junxit*; ut Valer. Max. loquitur lib.8.c.9. Sic & anno Mauriti 13. cum Cajanus, Alvarorum, Hunnorū & Sclavorum rex, Thraciam infestaret; Priscus, Mauriti Dux, cum non posset armis frangere, oratione flexit barbarum. Misit enim Theodorum Medicum, qui hac oratione eum compellavit; Audi Cajane: Sciostris rex illustris & felix, opibus clarus, & inexpugnabili potentiâ, plurimas & ingentes

gentes nationes servituti subigens; hoc encomio clatus, currum aureum preciosissimis gemmis ornatum sibi construxit, cui insidens à 4. Regibus devictis, plaustra subeuntibus, se trahi passus est. Hoc verò cum sæpius fieret, & celebri quodam festoque die ex 4. istis Regibus unus oculis conversis continuè retrospiceret, & rotæ volubilitatem intueretur, Sesostrisq; eum, cujus rei gratiâ tam frequenter oculos in rotam conjiceret, percontaretur; respondisse is fertur: Cum stupore admiror rotam, cum eâ instabili modo ferri, atq; aliâs aliter volvi; & nunc quidem sublimia demittentem, rursus demissa sublimantem, conspicio. Sesostris ergo, ubi dictum hoc intellexit; statuit, ne illi posthac currum traherent. His auditis Cajanus subrisit, & respondit; se porro deliberaturum, ut auctor est Paulus Diaconus de rebus Romanorum libr. 7. & Niceph. lib. 10. c. 29. Sic & Attilâ Italiam vastante, Valentinianus III. Imperator, de pace legatum ad eum misit Leonem Pontificem, hominem non majestatem solùm, sed & ætate venerabilem; adjectis mandatis, ut quacunque conditione posset, Attilam non solùm à progressionem averteret, sed etiam ad relinquendam primo quoque tempore Italiam impelleret. Hic comitatu honestissimo sumpto, quam maximâ potuit, ad eum celeritate contendit, nactusque ipsum ad Mimesum utproximè confidentem, ac sæva adhuc secum de perdendâ

Româ consilia volutantem, se venisse à Valentiniano legatum ostendit; hominemque ferum, atque ab omni religione aversum, gravi divinæ justitiæ commemoratione adeò permulsi, ut ipsum, promisso annuo tributo, à vastatione Italiæ & Romæ destructione averterit; teste Sigonio libro 13. Imperii Occidentalis.

Franciscus Marchesius JCtus, à Genuensibus ad Johannem Galeacium, Mediolanensium Duce, Orator missus, cum difficilem ad eum haberet aditum, die sancti Johannis Galeacio munus, basilicę herbæ vas plenum, misit. Dux Franciscum statim accersivit, ut missæ herbæ causas intelligeret. Franciscus omissis iis, quæ à Genuensibus mandata erant, paucis explicavit: Ego, Princeps Genuensium, ad te Orator veni; quorum ingenia basilicæ herbæ persimilia sunt, leviter tacta, suavem perfundunt odorem; contrita, scorpiones procreant. Hac parabolâ adeò Principis animum permovit, ut qui antea nullis flectebatur rationibus, tum æquas aures in posterum præberet, teste Fulgoso lib. 8. c. 10.

Laurentius Medices, à Florentinis legatus Neapolim ad Ferdinandum regem missus, cum ex regiis equis unus adduceretur, quo ipse vetus unâ cum Rege, (qui ei, non tanquã privato, obvius venerat,) in arcem contenderet; tum sibi equo opus fore respondit, cum à tanto rege pacem impetrasset; quo nuncio optatissima civitatem
summâ

summâ celeritate perfunderet. Neque eum spes sua fefellit. Nam Ferdinandû lenocinio orationis, & comitate quâdam, quę in eo virtus dicitur planè regia fuisse, ita sibi devinxit, ut ex hoste infensissimo amicum patrię summum redderet. Sic qui Laurentii odio bellum Florentinis indixerat, ejusdem colloquio iram omnem posuit, ut author est Brutus libr. 7. hist. Florentinæ. Iidem Florentini, cû frustra, non semel missis legatis, Venetos de mittendis auxiliis adversus Philippum Mariam, Vicecomitem Mediolanensem, sollicitassent, tandem Nicolaus Usanus ultrò Venetias profectus; patrû tamen consensu, & in conspectu Ducis senatusque Veneti introductus, enumeratis cladibus populi Florentini, & egestate ærarii, insuperque alienatione animorum vicinorum, novissimè addidit; *Nos quandoquidem à vobis repellimur, Philippum regem facimus, vos postea Cæsarem vel inviti facietis.* Ea verba cû indignantis, & præceps consilium capientis, esse viderentur; inflexerunt tandem Venetorum animos, fœdusque contra Philippum cum Florentino populo ictum est, ut author est Brazellus lib. 1. belli Hispanici.

De Rudolpho Imperatore refert Cuspinianus in Cæsarib. quòd, cû duo insignes Oratores, in arduo quodam negotio accessissent; quorum alter barbam canam, & capillos nigros; alter verò capillos canos, & barbam nigram habe-

bar; Rex eos audire noluerit, nisi prius rationem diversitatis barbæ & capillorum exposuissent. Hi, deliberandi spatio accepto, altero die Regem adeuntes; Ego, inquit primus, canam habeo barbam, quia omnis mea cura fuit, ut omni satisfacere & gulæ, de nullâ re aliâ cogitans; idcirco caput mansit cum suis capillis nigris, & mentum vestitum est barbâ canâ. Alter inquit Capilli mei simul, cum egressus sum uterû matris meæ, creverunt; post vigintiquatuor annos demum erupit barba; quæ, cum eandem assequitur, quam nunc capilli habent, ætatem, eundem quoque colorem sortietur. Rex argutiâ utriusque laudans, remisit honestè expeditos. Scit. æquum nonnunquam argutiis, & jocosis, quàm seriis sermonibus Principis gratia aucupatur; & negotium cujus gratiâ legatio suscepta est, felicem & optatum exitum sortitur. Sic & olim Leo Byzantium Platonis auditor, Athenas legatus missus, cum agitatam videret inter eos longâ contentione seditionem; in concionem ascendens, risum populo excitavit ob nimiam ventris pinguedinem. At ille nihil magis perturbatus; quid rideris, inquit Athenienses, quòd vobis videar pinguis? scitote mihi uxorem longè pinguiorem esse, talesque actanti cum simus, concordēs tamen brevis ac modum lectulus nos capit; discordes, ne totius quidem Byzantium urbs; ut author est Philostratus in Sophistis, & Plut. in politicis.

Porro

Porro *quoniam animi index semper habetur oratio*; ideoque, ut eum penitus cognoscat, Principis responfionibus audiendis legatum patientem & moderatum esse, necesse est; alioquin nihil horum, quæ in rem suam erunt, intelliget; & sibiipfi tantum sapiet; Principis deniq; animum istâ loquendi, omniaque sibi arrogandi quâdam licentiâ facile abalienabit; utpote qui ægrè feret, intelligentiæ laudem sibi eripi. Quò magis eorum vituperanda est animi impatientia, qui tantum abest, ut Principū verba patienter audiant, ut etiam sermones illorum interrumpant, & prolata verba, aut sententias reprehendant; quasi ipsi perfectissimi omnium sint magistri, & doctores. Quo sanè nomine quendam legatum apud Ferdinandum Cæsarem notatum esse memorant; cum quo Cæsar, remotis arbitris, sermones miscens, cum nescio quod verbulum contra præceptiones Grammaticas Latinè protulisset, & è vestigio, quòd Latinum non esset, à legato acclamaretur; Cæsar subridens, *oblitum se esse, quòd cum pedagogo, non cum legato loqueretur*, argutè respondit. Et rectè. Quorsum enim fuerat, in eum Principem Legatum sibi sumpsisse tantum libertatis? Debet Legatus vir esse prudens, nec tam loquens, quàm eloquens; nec tam dicax, quàm perspicax, cui in omni vita & actione, in verbis & sermone, in habitu denique & vestibus, ipsis, commendata semper sit modestia. Quare,,

si impugnanda quoque Principis aut alterius magistratus fuerit sententia; legatus se primò excusabit, in verbis demum, gestu & oratione omnem necessariam adhibebit modestiam, & suam propensissimam erga illum testabitur voluntatem,

Denique si duriora fuerint postulata, ob quod meritò repulsam ferat, non ad minas & expositiones descendat; sed potius non à se, sed à suo Principe, cujus legatum agat, ostendet ea profectici. Quemadmodum n. sol, si vertici hominis immineat, aut prorsus tollit, aut quàm minimam reddit umbram; ita & maximi alicuius Principis conditio aut gloria minuit invidiam Minor denique supremi, quàm minoris, livor & magistratus; nec tantus absentis regis, quàm præsentis ipsius oratoris; qui, quò minùs dolenter aliquando sibi negata rulerit, eò celerius illius, qui negaverat, vicissim erga se experietur voluntatis commutationem,

Ferunt, Carolum V. Imperatorem Johannem Dantisco, Episcopo Warmiensi, Sigismundi regis Poloniae legato, petenti pro reginâ Borbonica Sfortiâ, illius conjuge, ab Isabellæ Arragoniæ matris hujus morte, Barrensem hæreditatem duriolem se initio præstitisse; quod Dantisco paulò immoderatiùs ferens, cum regem suum vim pati proclamasset, in aulâ istâ hæsit opinione suâ diutiùs, donec tantum modestie

in se

in sermone factus, è medio, quod apparaverat, convivio, ad Cæsarem accersitus, voti sui compos redditus, moderationis simul & eloquentiæ à Cæsare tulit laudem. Utiq; enim non peræquè urgendis Principibus, quàm nutu ipsorum observando, compotes nostræ voluntatis reddimur; tantumque momenti in prudentia legati situm; qui, quæ impetrari possint, vel secus, animo cernit; & in posterum quoque rei tentandæ vires non incídit, nec spe concordia alios excludit. Hic enim finis omnibus legationibus debet esse propositus; conciliandi animos Principum, & publicæ omnium tranquillitatis tuendæ. Unde & legati partium erit, primùm quidem à sui Principis pendere nutu & voluntate; & nihil non agere, quod ipsius expedire commodis imprimis judicabit; deinde & alteri pariter, ad quem missus fuit, Principi omni officio satisfecisse. At verò, si fortè id, cujus rei gratiâ legatus petitum est missus, obtinuerit, ut universæ rei atq; tractationi finem quamprimùm imponat, nihil moræ interponet; sed quæ promissa ipsi fuerint, literis consignabit; & quoad ejus optimè fieri poterit, acta confecta efficiet firmiora, ne res controversa semel decisa instar morbi recrudescat, curatuque fiat difficilior. *Semper enim nocuit differre paratis; ac proinde præstat in faciendis negotiis maturâ quâdam celeritate, quàm supinâ uti tarditate.* Præproperea siquidem cele-

ritas inimica est consilio; at procrastinatio omnium & consiliorum & actionum est perturbatrix. Responso à Principe accepto, salutatis per humaniter omnib. & prætermisiss quibuscunque confabulationibus, domum se legatus recipiat, & demum aulae proceres atque consiliarios, aliorumque externorum Principum legatos, non tamen, qui ipsi multis gradibus inferiores sunt, ne Principis suae authoritati detrahat, domum ipsorum visitet atque alloquatur. Quod si prius ab aliquo visitatus fuerit, pari humanitate vicissim respondeat, nec se officio superari patiatur. Sic namque aulae procerum conciliabit sibi benevolentiam, & ad Principis sui honorum redundat gloriam, & ad aliorum procul dubio gratiam struitur ipsi via maximè compendiaria. Nitidae & magnificae sint legatorum mensae, personentque aeneis dictis, & excellentium scriptorum monumentis. Absit verò intemperans aut procer locutio, & quae aliorum existimationem rodant, calumniandi libido absint & Gnathonum, & parasitorum greges, cauponantium item mores & clamores, obsecrantes omnes exulet voces, ne quae una, Regibus imprimis eorumque; legatis odio esse debet, participes fiat levitatis; absit denique, tam à legato ipso, quam à ipsius domo, blasphemandi, gaudiendi, insanientium, & quicquid collibuerit, agendi consuetudo.

Cæterum frequentibus comestationibus voluntatibusque; aut nimis, aut illicitis, nec privatim nec publicè indulgeat; nec in urbem se det frequenter

quenter; quod utrumq; contemptū legato parit, sed domi maiore ex parte se contineat; & ut paucis dicamus, *amicum omnibus, familiarem se præstet nemini; in privatis deniq; rebus humanitatem, in publicis retineat dignitatem.*

Ceterum cum ex legatorū moribus ipsi Principes vulgò æstimentur, præter prudentiam in legato permultum quoq; valet authoritas & gravitas morū facilitate condita; quæ ad suadendum & persuadendum aptissima, & consistit partim in forma corporis dignitati congruente; quæ aptâ membrorum compositione movet oculos, & vel hoc ipso delectat, quòd omnes partes cum quodam lepore inter se cōsentiant; partim in generis nobilitate, partim deniq; in ætate, in qua seniores præferendi sunt junioribus; utpote in quibus ingenium sapientiâ validius habetur. Contrà a. adolescentum animi parum plerunque providi, molles & ætate fluxi, dolis illecebrisq; voluptatū facilè capiuntur; ideòq; non modò à consiliis & legationibus, sed omnino à Rep. sunt amovendi.

Cum aliquando Romani in Bithyniam tres misissent legatos, qui inter Nicomedem filium, & Prusiam patrem, domesticam discordiâ componerent, quorum unus caput habebat multis cicatricibus sparsum; alter pedib. laborabat; qui reliquus erat, stupido habebatur ingenio; in eos M. Cato haud insulse cavillans, *legationem istam capite, pedibus & corde carere dixit; ut author est Sabellicus lib. 9. Enneadis 5. ex Plutarchi Catone.*

Olivarius Tonsor, Ludovici XI. Galliarum regis (a. C. 1477.) legati nomine cum literis missus ad Gandavenſes, propter generis obscuritatem, (originem nempe habebat ex quodā vico prope Gandavum,) & ineptum sermonem tanto cum ludibrio & indignatione exceptus fuit; ut nisi clam fugā salutem quæſivisset, in flumen fuisset abjectus, teste Cominato lib. 8.

Venetorum quoque legatos duos juvenes, ætate eorum offensus Fridericus III. Imperator, in conspectum prodire vetuit. Illi extra ordinē, privatim aditu impetrato; Si sapientiæ & prudentiæ vis, inquit, in barba & canis sira esset, senatus Venetus tibi, Imperator, loco nostro duos hircos egregiè barbatos misisset. Superba hæc responsio suspicionem Cæsaris magis confirmavit; ut author est Ægidius Corrozerus de dictis & factis memorabilibus.

Cum anno 1530. Carolus V. Cæsar ex fœdere cum Pontifice Clemente septimo, contra Florentinos percussio, Mediceos in patriam reducturus, Florentiam obsidione diurnā premeret; ea fuit pertinacia civium, populari statui faventiū, ut crudeli pœnā sæviretur in eos, qui pacem amplectendam liberiùs dicerent.

Tandem verò Philippo Meliore, honesto in Rep. juvene, è suggestu apud senatum frequentissimè perorante, & pacem accipiendam suadente, patres legatos omnino mittendos ad Pontificem,

ificem, decreverunt. Sed ea præpedientium malignitas fuit, ut non hi, quos negotii magnitudo flagitabat, sed levissimæ alioquin auctoritatis, verum egregiè populares, homines legerentur.

Hi fuere Aloysius Soderinus, qui nihil usque adeò gravi negotio dignum ab usu rerum præter familiæ nomen præferebat; Andreotus Nicolinus, assiduus & diligens potius mercator, quam senator; & Robertus Pontius, quem jam pridem Thomæ Soderini soceri propinquitas, quò minus enixè concordia studeret, maximè suspectum faciebat. Hos, ubi Bononiam pervenerunt, Pontifex, quòd nec satis dignitatis, nec satis industriæ sinceræque voluntatis & fidei in his conspiceretur, adeò contempsit, ut effusè rideret, quòd ad se pro eximiis senatoribus mercatores, nec primæ quidem classis, è Florentiâ mississent. Nam quod ad elevandam legationis estimationem maximè pertinuit, apparitores, ministriq; vectigalium Bononiensium, in ipsorum farcinis nexi auri filorum, ad telas aureas texendas, magnam vim, mercimonii causâ, ut portorium subterfugerent, deprehenderant. Quæ calliditas inepta in negotio longè gravissimo, tanquam involuta tenuissimi lucri sordibus, eò validius ridenda fuit; quòd nihil certi ad conficiendam pacem prolatis mandatis attulissent; atque ita Clemens, ridente etiam Cæsare, mercatorum

avaritiam atque imperitiam in maximarum rerum consilio periculoq; ad exiguam lucri spem revocatam, stomachatus; pertinaciam insaniae proximam exprobravit, ut in se non obscure explosi dimitterentur; teste Jovio libr. 28. historiar. Et quis enim non ægerrimè ferat, in tanta nobilium virorum regni corona ad se mitti, nunc facie deturpato, nunc obscuro, nunc inepto, nunc stupido?

Horum in numero quoque annumerandus Orator iste populi Florentini, ad Johannam reginam Neapolitanā missus, Franciscus quidam, Jctus professione, re ipsā admodum indoctus, cujus Poggius meminit in facetiis. Hic cum Reginae quædā mandata exposuisset, postridieq; ad eam reverti jussus, audisset interim, Reginam haud aspernari viros formā cōspicuos; reversus, multis ultrò citròq; dictis, tandem se cum ea secretiora quædam velle dixit. Tum Regina, cum hominem in remotius conclave deduxisset, existimans aliquid esse occultius, quod communicandum cum pluribus non esset; stultus ille, qui sibi de propriā formā plurimum persuaserat, Reginam concubitus postulavit. Tum illā nihil immutatā, vultum hominis inspiciens comiter; numquid, ait, hoc tibi Florentini in mandatis quoque dedere? Tacentem atque erubescentem deinde oratorem, quòd tale mandatum exhibere nullo modo posset, impunem abire à se absque

absque indignatione iussit. Quàm verò his omnibus aptior & prudentior, legatus ad Pyrrhū, Cajus Fabricius, cujus tanta apud hostem fuit dexteritas atque authoritas, ut non solum impetrarit omnia, quorum gratiā profectus fuerat, sed ultrò magnam rei partem, si modò vellet, donato acceperit; teste Plutarcho in ejus vita.

Tantum momentum solet esse in utroque legatorum genere, vel ad perficiendas res commissas, vel ad evertendas.

F L O S V I I I .

Legati aures sint & oculi regnorum.

ES. & prudentis legati, totius aulæ, ejusdemque procerum & familiarium investigare mores, statum, rationes conditionesque universas, & tam munera, quàm munerum ipsorum expiscari momenta, omnemque ad eò magistratum potestatem; ut, quantum cuiquetribuendum, qua re & quomodo gratificandum, quid denique ab unoquoque expectandum sit, intelligat. Sed & bello quoque exorto, *ut ne hostium quidem repudiandi sunt legati;* ita vicissim ad eos nostri ablegandi, qui diligentissimè observent, quid quovis tempore

geratur, & qui cum quibus colloquantur. Ne enim ullus, quamvis providus & fidus, explorator tantam habere potest facultatem tam multum cognoscendi, quantam ejusmodi legati; qui cùm sint unus & alter, aut etiam plures, fieri non potest, quin aliquid odorentur. *Nam qui sunt prudentiores Principes, id operam dant, ut etiam apud adversarios habeant quosdam à se non alienos,* & prudenter Cominæus monet lib. 4. comment.

Sic nimirum Majorianus, qui Avito defuncto Imperator designatus est Ravennæ, à Valentiniano III. Imperatore (a. C. 442.) legatus missus in Africam ad Vandalos, pacis causâ; exploratorem insuper egit; & ne ab hostibus agnitus cùm conveniretur, nomen mutavit, & capillos flavo colore tinxit, teste Cuspiniano in Cæsaribus.

Pari modo, cùm (anno Christi 940.) Berengarius, Adelberti Eporediæ Marchionis filius Hugonis, regis Italiæ, metuens insidias, ad Ottonem Magnum Imperatorem confugisset; sexennio post missus ab eo in Italiam Amedius quidam explorandi causâ, mutato ornatu, iis qui religionis causâ Romam petebant, se junxit; in Italiam profectus, singulos Principes convenit, & quid eorum sit consilii ac voluntatis, exquisivit; neque tamen omnibus eodem habitu se obtulit; verum aliis atrum, aliis album, aliis alio colore se ostendit. Hoc ubi fortè ad aures Hugonis accidit, jussit hominem conquiri, & statim com-

pro

prehendi. Verùm ille, quâ erat versutiâ præditus, omnes ejus insidias facilè elusit; quin etiam barbâ, quam nitentem alebat, pice foedatâ, & capillis fulvis attratis, & facie pollutâ, cùm se debilem simulasset; nudus inter pauperes, in conspectu Regis vescentes, obversatus, neque agnitus ab eo, vestem tulit, & quicquid de se & Berengario loqueretur, excepit. Quibus actis, quòd claustra Alpium custodiri ab eo, atque viatores excuti accepisset; per invia atque aspera loca trajecit; atque ad Berengarium cum legatione salvus pervenit. Ita Berengarius, cùm se desiderari ab Italis cognovisset, cum paucis per venustam vallem in Italiam transiit; ut author est Sigonius lib. 5. regni Italici.

Ita verè Legati & oculi & aures sunt regnorum, quod Guicciardinus lib. 15. historiar. notat.

F L O S I X.

Constantia & *παρρησία*, pii legatorum erga Principem & patriam candoris index.

SEd & in legato necessariò nunquam satis laudata requiritur fortitudo animi, *quæ muri adamantini instar est*, cum prudentiâ tamen conjuncta; ut susceptâ legatione dispiciat, qua-

tenus ipsi sit progrediendum, & quibus in rebus, & quomodo, & quando fortitudine & *παρρησία* uti debeat. Nonnunquam enim cauta consilia, quàm elata sequi; & parere potiùs necessitati, quàm indulgere appetitui aut perversæ voluntati, præstiterit. Multi enim, in primis verò Principes, tenellam habent cuticulā, qui aculeatum legati sermonē & facillimè sentiunt, & ægerrimè patiuntur. Exarsit aliquando inter Cruciferos & Polonos bellum (a. C. 1419.) Nicolao Curovio Archiepisco Gnesnensi, apud magistrū Ordinis legationem his verbis peragente: *Desinas nos bello terrere: si tu arma contra Lituanos ceperis, vicissim arma nostra tue domi habebis; teste Cromero lib. 16.*

Et notatus est Caroli V. Cæsaris legatus, Didacus Mendoza, qui Venetiis in senatu, quasi ex abrupto ita peroravit (an. C. 1526.) Audio, inter Cæsarem meum, & Galliarum regem, vos alere velle bellorū incensionem, & Galli partes sequi; non est, quòd ejusmodi consilia & molitiones agitetis, vidi ego hodie ante hoc vestrū proximè palatium alborum lapillorum acre certamen, quibus ova præ invidiā confestim se immiscuerunt, & minutissima in frustra concisa sunt; cū illud, quod lapides facere poterant, præstare se posse judicassent. Molestissimè hoc Veneti tulerunt, monentes legatum, *ne istā loquendi libertate apud eos uteretur; nec dubitaret, eam Rempublicam*

publicam, qua mille stetisset annis, factorum suorum rationem optimè nosse.

Sic & Dominicus Pisanus, Venerus Orator, apud Pontificem Julium secundū, hoc minante, se Imperium Venetum eversum, cū responderet, *Pontificem ipsum, vilem Clericum Venetorum operā evasurum*; hoc dicto ita commotus fuit Pontifex, ut foedus cum Cæsare & Gallo Cameraci inierit, quo totum Venetorum Imperium extremè periclitatum fuit; ut author est Egnatius lib. 9. c. 5.

Parum quoque abfuit, cū Spigneus Cardinalis, Polonorum legatus, Sigismundo, regi Hungariæ, Caroli IV. filio, Budæ quædam exprobraret, quin illorum poenam capitis periculo exsolverit. *Non enim temere dicendi potestate concessâ abutendum legato, nec in quemquam invehendum; sed si fortè quid liberiùs dicendum, vitia, non homines, notabit.* Vulnera quidem cicatrice obducuntur: at verba in alicujus famam prolata frequenti memoriâ recrudescunt. Quis ergo non improbaret Democharis, ob nimiam & procacem linguam parrhesiastis appellati, rusticitatem? cujus meminit Seneca lib. 3. de irâ cap. 23. Hic inter alios Atheniensium legatos ad Philippum Macedonem, acerbum quidem, sed occultum illorum hostem venerat; qui, auditâ benignè legatione,

Dicite, inquit, mihi, facere quid possim, quod sit Atheniensibus gratum? Excepit Demochares; Ut te suspendas. Indignatio circumstantium ad tam inhumanum responsum exorta est; quos Phlippus conticescere iussit, & Thersitem istum saluum incolumemque dimittere. At vos cæteri legati, inquit, nunciate Atheniensibus, multò superiores esse, qui ista dicta audiunt, quàm qui impunè dicunt. Et haud scio, an etiam probanda sit Popilii ista audacia, qui à senatu quidam Romano literas Antiocho regi Syriæ attulit, quæ eum jubebant exercitum ex Ægypto abducere, neque regnum pupillorum Ptolomæi, vitâ defuncti, usurpare; sed quâ epistolâ lectâ, cùm, deliberatione habitâ, responsurum se rex diceret; eminus eum hic circulo circumscripsit, prohibens inde pedem efferre, priusquam responderit, teste Justino lib. 43.

Est quidē legatis authoritas suorū Principum defendenda, sed tamen sine arrogantia & immodestia: Et licet libertas loquendi alicubi est necessaria; hac tamen ipsâ, nec peræquè singulis, nec omni loco & tempore, nec sine delectu & freno expedit uti; imò &, *si duriora fuerint, legatis injuncta mandata, prudenti temperamento mitiganda sunt.*

Quantò rectiùs ergo Polycrates, teste Plut. in Lycurgo & in Laconicis, cum cæteris missus orator ad præfectos regios, cùm ab his interroga-

retur,

retur, utrūm privatim venissent, an publicè missi? *Si impetramus*, inquit, *publicè; sin minùs, privatim.* Quæ vox pii candoris in patriam fuit index. Etenim si cessisset legatio ex sententiâ, gloriam volebat Reip. cedere; sin minùs, ignominiam repulsæ ad patriam non pertinere.

Rectè quoq; Megacles Messanæ, quæ in Sicilia est, civis fortissimus, Agathocli tyrannò, cum invadere conanti, modis omnibus adversatus; cū à tyranno Messanam oppugnaturò, dedi sibi exposceretur, utrò se ad tradendum ipsi obtulit, si legatus mitteretur. Decernentibus hæc Messeniis, accedens ille ad Agathoclē; Ego verò, inquit, & legatus civitatis nomine venio, & moriturus; sed antè de legatione cum amicis audias. Concilio convocato, Megacles patria jura percensens, extremum attulit: Si ad exscindendas Syracusas expeditionem Messenii suscepissent, an pro Messeniis omnia faceres? Subridens Agathocles, relicto bello Megaclem incolumem domum remisit, amicitiamque cum Messeniis iniit, ut auctor est Polyænus lib. 5.

Non improbanda quoque est παρρησία Democriti Abderitis, qui, cū pro Atheniensibus apud Philippum Macedonem legatione fungeretur, liberèq; loqueretur, interroganti ipsi, num metueret, ne sibi caput ipse jubeat amputari? Minimè verò, respondit. Nam si hoc mihi abstuleris, patria ipsa mihi immortale pro hoc re-

ponet, ut est apud Maximum serm. 31. Sic Thercylides Lacedæmonius, à Spartano populo missus ad Pyrrhum regem legatus, cùm eum Pyrrhus gravibus verbis urgeret, ut Lacedæmonii Cleonymum regem, quem expulerant, in regnum reciperent; nullâ illius dignitatis rationem habitâ respondit; Si Deus es, nobis, qui iustam causam fovemus, minimè timendus es; sin homo, tantopere nobis à te formidandum non est, teste Plut. in Laconicis.

Germanorum legatos gladium aliquando Alexander Magno obtulisse, memorat Aventinus lib. 1. annal. quos convivio adhibitos cùm Alexander, quidnam maximè timerent? (ratus, se, dicturos) interrogaret; nihil aliud, Rex præstantissime, responderunt, quàm ne cælum in nos ruat. Marcus Crassum, teste Plut. in ejus vita, contra Parthos proficiscentem, adierunt Arsacis legati hujusmodi oratione; Si missus à populo Romano exercitus esset, gesturum ipsum implacabile & inexpiabile bellum; sin patriâ invitâ, privata quæstus gratiâ, Crassus arma Parthis intulisset, & urbes occupasset; acturum Arsacem moderatè, Crassi senectutis miserturum, populoque Romano milites, quos obsessos teneat potius, quàm in præsidio locatos, remissurum. Ad ea Crassus jactante, Seleuciæ se responsum daturum, ex legatis Vagises, qui cæteros ætate anteibat, ridens manus supinæ ostensâ volâ; *Hinc prius*, inquit

pili, Crasse, exorientur, quàm tu aspicias Seleuciam. Atque ita ad regem Hieronem discessere Arsacis filii, bellandum esse nunciantes.

Non dissimili ferè modo Scarbicus, Comes Polonus, legatus ad Henricum V. Imperatorem, cum ei Cæsar ingentem thesaurum monstrasset, subjiciens hic Polonus per jocum, annulo, quem digito gerebat, in thesaurum projecto; *aurum*, inquit, *adjiciamus auro*; stultam scil. Cæsaris jactantiam notans. Hoc scomma Cæsar gratias agendo elusit; (*Hab danc*/inquiens linguâ Germanicâ.) Inde familiæ nomen mansit, ut Habdanci dicantur, teste Cromero lib. 5.

Ex his & similibus exemplis planum fit, *legatorum neppnoia nonnunquam tolerari, sed mordaces & contumeliosas linguas semper & ubique coherceri*: ac proinde enixè cavendum esse legato, ne Principis, ad quem missus est, titulis aut juribus, tam dicto, quàm facto, vel tantillum detrahat, sed eum potiùs observet & revereatur; imò & quantascunque ejus injurias non solum patienter, sed *hilari quoq; fronte perferat*.

Sæpè namque accidit, ut potentior injuriam injuriâ cumulet, quam ubi patienter ferri videt, conscientia propriâ victus, beneficio eam oblitescere desiderat. Probè hoc intellexit Franciscus Tandulus, Venetorum orator, in Galliam ad Clementem VII. Pontificem missus, ut eum infestiores Veneto nomini, propter Ferrariam

receptam placaret; qui, cùm multa & varia secum agitasset consilia, neque à Pontifice iratiore quicquam impetraret, quadrupes effectus, catenâque ferreâ collum nexus, ad Pontificis prandentis pedes canis in morem sese substravit; quo novo spectaculo Pontifex attonitus, illum in gratiam recepit, Venetoque nomini injuriam remisit, teste Egnatio lib. 6. c. 1.

F L O S X.

Legati magnanimi ἀδωποι sunt, & liberales.

COrinthiorum legati ad Dionysium seniore, Syracusanorum tyrannum, missi, cùm ille pro more amplissima eis dona obtulisset, planè recusabant, eò quòd Lex esset apud ipsos, ne legatione fungentes munera acciperent à Principe. Quibus Dionysius respondit; *Rem profectò absurdam facitis, qui, quod unum bonum habent, tyrannis hoc tollitis; dum docetis, etiam beneficium à tyrannis accipere, periculosum esse.* Adeò gravem judicabat Rex esse contumeliam, oblata recusare munera; cùm hac unicâ re tyranni aliis se commendare possint, ut scribit Plutarchus in apoph. Idem & apud Athenienses lege interdictum fuit.

Unde & legatus quidam, licet honorificam proba-

probatissimamq; omnibus Atheniensibus cum Artaxerxe Mnemone, Persarum rege, confecerat pacem; (*anno M. 3606.*) quia tamen in legatione munera accepisse visus fuerat, parum abfuit, quin occideretur; ut testatur Xenophon lib. 7. rerum Græcarum.

Sic & apud Romanos Cajus Fabricius, honoribus & autoritate omni cive temporibus suis major, censu par unicuique pauperrimo, cum aliis legatus missus ad Pyrrhum de redimendis captivis (*anno Mundi 3692.*) contendente Pyrrho, ut aurum à se acciperet, nullam quidem ob rem turpem, verum ut esset amicitiae & hospitii pignus, prorsus abnuit, ut author est Plutarchus in Pyrrho.

Quintus Fabius verò Gurges, Cnei Fabii pictores, & Quintus Ogulnius, legati ad Ptolemaeum regem missi (*a. M. 3695.*) munera, quae ab eo privatim acceperant, in aëtarium, & quidem prius, quam ad senatum legationem referrent, detulerunt; de publico scil. ministerio nihil cuiquam, praeter laudem bene administrati officii, accedere debere judicantes, teste Val. Max. lib. 4. cap. 3.

Idem in Venetorum Rep. *veteri libertatis domicilio, & virtutum omnium armamentario*, observari testatur Hermolaus Barbarus de Rep. Venetorum, & Jovius in Iconibus affirmat, Ducem Moscovitarum, legatis ad se redeuntibus,

genus alia, ad divinam gloriam Reiquepub. utilitatem conservandam.

F L O S X I.

Legatus spectatæ esto fidei, & verax; nec mandatorum suorum fines perfidè transfiliat.

Legatus præterea animum in fronte, & candorem gestet in pectore; noritq; , fide in ipso nihil esse præclarius, magisq; memorix hominum sempiternæ commendatum. *Fides siquidem* juxta vetus illud verbum, *obligat fidem*; omniumq; contractuum, foederum, pactorum, omnis denique societatis & amicitix vinculum est arctissimum, ipsiusq; justitiæ fundamentum firmissimum.

Fidem itaq; suo Principi debitam non modò omnibus modis probabit legatus; sed & operam dabit sedulò, ne apud eum quoq; Principem, ad quem missus est, in suspicionem aliquam sinistræ fidei aut levitatis incurrat. Accidit nimirum hoc Morono Cardinali, Gregorii 13. Pontificis Romani, ad Maximilianum II. Imperatorem, in comitiis Ratisponensibus legato; cujus medicus, cùm ibidem Stephani Battorii, Cæsaris æmuli, eodem illo tempore in regem Poloniæ inaugu-

augurati, legatos inviseret; ilicò non levem suspicionem præbuit, quasi de omnibus iis, quæ inter Cæsarem & Pontificium legatum acta essent, redditi fuissent certiores.

Quo nomine quoque cum Morono Cæsar expostulavit vehementius, & cum hujus suspicionis ergo, tum quòd suum quoque legatum ad Gedanenses profectum, in Polonia violatum audierat. Stephani Regis legatos Ratisponâ abeuntes jussit in itinere detineri; qui tamen, Cæsare vitâ functo, statim sunt dimissi. Non itaque solum rectè facti legato suffecerit conscientia, sed nec ullam præbeat occasionem, de se sinistrè suspicandi; imò & ut ipse non falli, ita nec alios fallere velit, qui suæ personæ atq; authoritati confidunt. Quo sanè nomine malè audit Johannes Monlucius, à Sigismundi Augusti, regis Poloniæ morte (a. C. 1571.) Caroli I X. Galliarum regis in Polonia legatus; qui, ut Henricum Valesium, regis sui fratrem crearent Regem, aureos montes non modò Ordinibus, sed & hominibus penè promiserat universis; tandemque cum Cracoviæ (a. C. 1573.) Rex inaugurandus esset, nusquam in regio comitatu inter cæteros proceres comparuit; ideoque cœnobii præfectus per jocum & ludibrium à non nemine appellatus est. A vanis ergo promissis, quæ præstare nec potest, nec vult, omnino non solum ipsi abstinendum, sed & hoc multò magis fideli cavendum legato, ne eos, qui

O 5

Dicite, inquit, mihi, facere quid possim, quod sit Atheniensibus gratum? Excepit Demochares; Ut te suspendas. Indignatio circumstantium atque tam inhumanum responsum exorta est; quos Philippus conticescere iussit, & Therfitem istum saluum incolumemque dimittere. At vos ceteri legati, inquit, nunciate Atheniensibus, multo superiores esse, qui ista dicta audiunt, quam qui impunè dicunt. Et haud scio, an etiam probanda sit Popilii ista audacia, qui à senatu quidem Romano literas Antiocho regi Syriæ attulit, quæ eum jubebant exercitum ex Ægypto abducere, neque regnum pupillorum Ptolomæi, vitâ defuncti, usurpare; sed quâ epistolâ lectâ, eum, deliberatione habitâ, responsurum se rex diceret; eminus eum hic circulo circumscripsit, prohibens inde pedem efferre, priusquam responderit, teste Justino lib. 43.

Est quidē *legum* *authoritas* suorū Principum defendendâ, *libertas* *loquendi* alicubi est necesse, *ipsâ*, nec peræquè singulis, *tempore*, nec sine delectu & *duriora fuerint*, *temperamento*

Plut. in
ceteris missus o-
ab his interroga-
retur,

retur, utrum privatim venissent, an publicè missi? *Si impetramus*, inquit, *publicè; sin minùs, privatim.* Quæ vox pii candoris in patriam fuit index. Etenim si cessisset legatio ex sententiâ, gloriam volebat Reip. cedere; sin minùs, ignominiam repulsæ ad patriam non pertinere.

Rectè quoq; Megacles Messanæ, quæ in Sicilia est, civis fortissimus, Agathocli tyranno, cum invadere conanti, modis omnibus adversatus; cum à tyranno Messanam oppugnaturus, dedi sibi exposceretur, ultrò se ad tradendum ipsi obtulit, si legatus mitteretur. Decernentibus hæc Messeniis, accedens ille ad Agathoclē; Ego verò, inquit, & legatus civitatis nomine venio, & moriturus; sed antè de legatione cum amicis audias. Concilio convocato, Megacles patria jura per censens, extremum attulit: Si ad excindendas Syracusas expeditionem Messenii suscepissent, an pro Messeniis omnia faceres? Subridens Agathocles, relicto bello Megaclem incolumem domum remisit, amicitiamque cum Messeniis iniit, ut auctor est Polyænus lib. 5.

Non improbanda quoque est παρρησία Decriti Abderitis, qui, cum pro Atheniensibus Philippum Macedonem legatione fungereq; loqueretur, interroganti ipsi, num ne sibi caput ipse jubeat amputari? Mirrespondit. Nam si hoc mihi abstu- ipsa mihi immortale pro hoc re-

ponet, ut est apud Maximum serm. 31. Sic & Thercylides Lacedæmonius, à Spartano populo missus ad Pyrrhum regem legatus, cùm eum Pyrrhus gravibus verbis urgeret, ut Lacedæmonii Cleonymum regem, quem expulerant, in regnum reciperent; nullâ illius dignitatis ratione habitâ respondit; Si Deus es, nobis, qui justam causam fovemus, minimè timendus es; sin homo, tantopere nobis à te formidandum non est, teste Plut. in Laconicis.

Germanorum legatos gladium aliquando Alexandro Magno obtulisse, memorat Aventinus lib. I. annal. quos convivio adhibitos cùm Alexander, quidnam maximè timerent? (ratus, se, dicturos) interrogaret; nihil aliud, Rex præstantissime, responderunt, quàm ne cælum in nos ruat. Marcum Crassum, teste Plut. in ejus vita, contra Parthos proficiscentem, adierunt Arsacis legati hujusmodi oratione; Si missus à populo Romano exercitus esset, gesturum ipsum implacabile & inexpiabile bellum; sin patriâ invitâ, privati quæstus gratiâ, Crassus arma Parthis intulisset, & urbes occupasset; acturum Arsacem moderatè, & Crassi senectutis miserturum, populoque Romano milites, quos obsessos teneat potius, quàm in præsidio locatos, remissurum. Ad ea Crasso jactante, Seleuciæ se responsum daturum, ex legatis Vagises, qui cæteros ætate anteibat, ridens, manus supinæ ostensâ volâ; *Hinc prius*, inquit,

pili.

pili, Crasse, exorientur, quàm tu aspicias Seleuciam. Atque ita ad regem Hieronem discessere Arsacis filii, bellandum esse nunciantes.

Non dissimili ferè modo Scarbicus, Comes Polonus, legatus ad Henticum V. Imperatorem, cum ei Cæsar ingentem thesaurum monstrasset, subjiciens hic Polonus per jocum, annulo, quem digito gerebat, in thesaurum projecto; *aurum*, inquit, *adjiciamus auro*; stultam scil. Cæsaris jactantiam notans. Hoc scomma Cæsar gratias agendo elusit; (*Hab danc*/inquiens linguâ Germanicâ.) Inde familiæ nomen mansit, ut Habdanci dicantur, teste Cromero lib. 5.

Ex his & similibus exemplis planum fit, *legatorum præpñcia nonnunquam tolerari, sed mordaces & contumeliosas linguas semper & ubique coherceri*: ac proinde enixè cavendum esse legato, ne Principis, ad quem missus est, titulis aut juribus, tam dicto, quàm facto, vel tantillum detrahat, sed eum potius observet & revereatur; imò & quantascunque ejus injurias non solum patienter, sed *hilari quoq; fronte perferat*.

Sæpè namque accidit, ut potentior injuriam injuriâ cumulet, quam ubi patienter ferri videt, conscientia propriâ victus, beneficio eam oblitescere desiderat. Probè hoc intellexit Franciscus Tandulus, Venetorum orator, in Galliam ad Clementem VII. Pontificem missus, ut eum infestiores Veneto nomini, propter Ferrariam

receptam placaret; qui, cum multa & varia secum agitasset consilia, neque à Pontifice iratiore quicquam impetraret, quadrupes effectus, catenâque ferreâ collum nexus, ad Pontificis prae-
dentis pedes canis in morem sese substravit; quo novo spectaculo Pontifex attonitus, illum in gratiam recepit, Venetoque nomini injuriam remisit, teste Egnatio lib. 6. c. 1.

F L O S X.

Legati magnanimi ἀδωποι sunt, & liberales.

COrinthiorum legati ad Dionysium seniore-
rem, Syracusanorum tyrannum, missi, cum
ille pro more amplissima eis dona obtulisset, pla-
nè recusabant, eò quòd Lex esset apud ipsos, ne
legatione fungentes munera acciperent à Prin-
cipe. Quibus Dionysius respondit; *Rem profectò
absurdam facitis, qui, quod unum bonum habent,
tyrannis hoc tollitis; dum docetis, etiam beneficium
à tyrannis accipere, periculosum esse.* Ad eò gra-
vem judicabat Rex esse contumeliam, oblata re-
cusare munera; cum hac unicâ re tyranni aliis se
commendare possint, ut scribit Plutarchus in a-
poph. Idem & apud Athenienses lege interdi-
ctum fuit.

Unde & legatus quidam, licet honorificam
proba-

probatissimamq; omnibus Atheniensibus cum Artaxerxe Mnemone, Persarum rege, confecerat pacem; (*anno M. 3606.*) quia tamen in legatione munera accepisse visus fuerat, parum abfuit, quin occideretur; ut testatur Xenophon lib. 7. rerum Græcarum.

Sic & apud Romanos Cajus Fabricius, honoribus & autoritate omni cive temporibus suis major, censu par unicuique pauperrimo, cum aliis legatus missus ad Pyrrhum de redimendis captivis (*anno Mundi 3692.*) contendente Pyrrho, ut aurum à se acciperet, nullam quidem ob rem turpem, verum ut esset amicitiae & hospitii pignus, prorsus abnuit, ut author est Plutarchus in Pyrrho.

Quintus Fabius verò Gurgēs, Cnei Fabii pictores, & Quintus Ogulnius, legati ad Ptolemæum regem missi (*a. M. 3695.*) munera, quæ ab eo privatim acceperant, in ærarium, & quidem prius, quàm ad senatum legationem referrent, detulerunt; de publico scil. ministerio nihil cuiquam, præter laudem bene administrati officii, accedere debere judicantes, teste Val. Max. lib. 4. cap. 3.

Idem in Venetorum Rep. *veteri libertatis domicilio*, & *virtutum omnium armamentario*, observari testatur Hermolaus Barbarus de Rep. Venetorum, & Jovius in Iconibus affirmat, Duce[m] Moscovitarum, legatis ad se redeuntibus,

auferre solere omnia munera. Neque verò hæc
 carent ratione. Utiq; enim *δωροφάγῃς*, maxima
 Rerum publ. pestis, pietatem Deo patriæque de-
 bitam, justitiam, fidem, magnanimitatē, aliasque
 pulcherrimas virtutes proilituit; *nec quicquam*
turpius, quàm eum, quem non modò facto, sed nec
verbo violare fas est, muneribus posse corrumpere.
 Nam qui semel munera acceperit, seque largi-
 tionibus patitur corrumpi, is jam non potest
 constans manere judex publicorum commodorum;
 quandoquidem sui ipsius dominum constituit,
 à quo pecuniam accipit. *Non concio*, inquit
Æschines, manu in sinum conditâ, habenda;
sed legatio, eâdem manu in sinu retentâ, potius est
obeunda. Hæc utut vera sunt, nihilominus ta-
 men & hic locum habet Græcum illud adagium;
ἢ τε πάντῃ, ἢ τε πάντῃ, ἢ τε παρὰ πάντων; nec omnia,
 nec quovis tempore, nec omnibus. Sunt enim
 quædam, quæ neutiquam decorum sit accipere;
 est deinde locus & tempus, quo pulchrum sit,
 oblatum munus recusare; sunt deniq; nonnulli, à
 quibus inhonestum sit admittere donum. *Dis-*
tinguendum itaq; inter munera lautiora, quæ pro-
pterea dantur, ut legati corrumpantur, & inter ea,
quæ honoris & benevolentia ergo dantur. Quæ
 certè si quis quodam veluti contemptu asperne-
 tur, Principique remittat, rusticitatis notam non
 levem incurreret; quam ut effugiat, pro re & tem-
 pore munera legatus quidem accipiet, sed tum &
 dona

dona ferentes, & Principes ipsos, si tanti fuerint, rursus alacriter remuneretur. Ita nimirum in ore versabitur omnium, & ad munera crebrò sibi offerenda, vicissitudine humanitatis, invitatum excitabit non neminem. *Sic gratia gratiam parit*, ut Pindarus dixit. Absit tamen semper hîc & ubique inanis profusio. Uti enim, non abuti nostris regiisq; debemus opibus & muneribus; & cùm domi, tum foris esse continentes; idq; tam cunctis, quàm inprimis Regibus nostris probare, *qui dissolutis & profusis beneficia haud libenter largiuntur.*

Sic nimirum Ferdinandus Consalvus, cùm Ferdinando Hispaniarum regi Catholico, regno Neapolitano sub Gallis recuperando, multis annis egregiam navasset operam; tandem quarundam rerum insimulatus, & regni illius administrati, & tam perceptorum, quàm expensarum rationem reddere iussus, omnibus expensis parvâ quâdam schedâ consignatis, facile obtinuit, ut & rei bene gestæ, & pecuniæ non malè locatæ memoriâ nihil magis ab ipso exigeretur. Ut enim magno constet, videtur constare modico publica quies, & regni possessio restituta. Sic & aliis interdum modis excusabitur profusio, si ejus constiterit ratio; cujusmodi fiunt ad Regum regnorumq; secretiora indaganda, ad eorum consiliarios corrumpeudos, ad fomites bellorum impediendos, ad oppressos sublevandos; & id

tenus ipsi sit progrediendum, & quibus in rebus, & quomodo, & quando fortitudine & *παρρησία* uti debeat. Nonnunquam enim cauta consilia, quàm elata sequi; & parere potiùs necessitati, quàm indulgere appetitui aut perversæ voluntati, præstiterit. Multi enim, in primis verò Principes, tenellam habent cuticulā, qui aculeatum legati sermonē & facillimè sentiunt, & ægerrimè patiuntur. Exarsit aliquando inter Cruciferos & Polonos bellum (a.C. 1410.) Nicolao Curovio Archiepisco Gnesnensi, apud magistrū Ordinis legationem his verbis peragente: *Desinas nos bello terrere: si tu arma contra Lituanos ceperis, vicissim arma nostra tue domi habebis; teste Cromero lib. 16.*

Et notatus est Caroli V. Cæsaris legatus, Didacus Mendoza, qui Venetiis in senatu, quasi ex abrupto ita peroravit (an. C. 1526.) Audio, inter Cæsarem meum, & Galliarum regem, vos alere velle bellorū incensionem, & Galli partes sequi; non est, quòd ejusmodi consilia & molitiones agitetis; vidi ego hodie ante hoc vestrū proximè palatium alborum lapillorum acre certamen, quibus ova præ invidiā confestim se immiscuerunt, & minutissima in frusta concisa sunt; cū illud, quod lapides facere poterant, præstare se posse judicassent. Molestissimè hoc Veneti tulerunt, monentes legatum, *ne istā loquendi libertate apud eos uteretur; nec dubitaret, eam Rempublicam*

publicam, qua mille stetisset annis, factorum suorum rationem optimè nosse.

Sic & Dominicus Pisanus, Venerus Orator, apud Pontificem Julium secundū, hoc minante, se Imperium Venetum eversurum, cū responderet, *Pontificem ipsum, vilem Clericum Venetorum operā evasurum*; hoc dicto ita commotus fuit Pontifex, ut foedus cum Cæsare & Gallo Cameraci inierit, quo totum Venetorum Imperium extremè periclitatum fuit; ut author est Egnatius lib. 9. c. 5.

Parum quoque abfuit, cū Spigneus Cardinalis, Polonorum legatus, Sigismundo, regi Hungariæ, Caroli IV. filio, Budæ quædam exprobraret, quin illorum poenam capitis periculo exsolverit. *Non enim temere dicendi potestate concessâ abutendum legato, nec in quemquam invehendum; sed si fortè quid liberius dicendum, vitia, non homines, notabit.* Vulnera quidem cicatrice obducuntur: at verba in aliqujus famam prolata frequenti memoriâ recrudescunt. Quis ergo non improbaret Democharis, ob nimiam & procacem linguam parthe-riastis appellati, rusticitatem? cujus meminit Seneca libr. 3. de irâ cap. 23. Hic inter alios Atheniensium legatos ad Philippum Macedonem, acerbum quidem, sed occultum illorum hostem venerat; qui, auditâ benignè legatione,

Dicite, inquit, mihi, facere quid possim, quod sit Atheniensibus gratum? Excepit Demochares; Ut te suspendas. Indignatio circumstantium ad tam inhumanum responsum exorta est; quos Phlippus conticescere iussit, & Therfitem istum saluum incolumemque dimittere. At vos cæteri legati, inquit, nunciate Atheniensibus, multò superiores esse, qui ista dicta audiunt, quàm qui impunè dicunt. Et haud scio, an etiam probanda sit Popilii ista audacia, qui à senatu quidam Romano literas Antiocho regi Syriæ attulit, quæ eum jubebant exercitum ex Ægypto abducere, neque regnum pupillorum Ptolomæi, vitâ defuncti, usurpare; sed quâ epistolâ lectâ, cùm, deliberatione habitâ, responsurum se rex diceret; eminus eum hic circulo circumscripsit, prohibens inde pedem efferre, priusquam responderit, teste Justino lib. 43.

Est quidē legatis authoritas suorū Principum defendenda, sed tamen sine arrogantia & immodestia: Et licet libertas loquendi alicubi est necessaria; hac tamen ipsâ, nec peræquè singulis, nec omni loco & tempore, nec sine delectu & freno expedit uti; imò &, si *daricra fuerint, legatis injuncta mandata, prudenti temperamento mitiganda sunt.*

Quantò rectius ergo Polycrates, teste Plut. in Lycurgo & in Laconicis, cum cæteris missus orator ad præfectos regios, cùm ab his interroga-

retur,

retur, utrùm privatim venissent, an publicè missi? *Si impetramus*, inquit, *publicè; sin minùs, privatim.* Quæ vox pii candoris in patriam fuit index. Etenim si cessisset legatio ex sententiâ, gloriam volebat Reip. cedere; sin minùs, ignominiam repulsæ ad patriam non pertinere.

Rectè quoq; Megacles Messanæ, quæ in Sicilia est, civis fortissimus, Agathocli tyranno, cum invadere conanti, modis omnibus adversatus; cum à tyranno Messanam oppugnaturus, dedi sibi exposceretur, ultrò se ad tradendum ipsi obtulit, si legatus mitteretur. Decernentibus hæc Messeniis, accedens ille ad Agathoclē; Ego verò, inquit, & legatus civitatis nomine venio, & moriturus; sed antè de legatione cum amicis audias. Concilio convocato, Megacles patria jura percensens, extremum attulit: Si ad exscindendas Syracusas expeditionem Messenii suscepissent, an pro Messeniis omnia faceres? Subridens Agathocles, relicto bello Megaclem incolumem domum remisit, amicitiamque cum Messeniis iniit, ut auctor est Polyænus lib. 5.

Non improbanda quoque est *παρρησία* Democriti Abderitis, qui, cum pro Atheniensibus apud Philippum Macedonem legatione fungeretur, liberèq; loqueretur, interroganti ipsi, num metueret, ne sibi caput ipse jubeat amputari? Minimè verò, respondit. Nam si hoc mihi abstuleris, patria ipsa mihi immortale pro hoc re-

ponet, ut est apud Maximum ferm. 31. Sic & Thercylides Lacedæmonius, à Spartano populo missus ad Pyrrhum regem legatus, cùm eum Pyrrhus gravibus verbis urgeret, ut Lacedæmonii Cleonymum regem, quem expulerant, in regnum reciperent; nullâ illius dignitatis ratione habitâ respondit; Si Deus es, nobis, qui justam causam fovemus, minimè timendus es; sin homo, tantopere nobis à te formidandum non est, teste Plut. in Laconicis.

Germanorum legatos gladium aliquando Alexandro Magno obtulisse, memorat Aventinus lib. i. annal. quos convivio adhibitos cùm Alexander, quidnam maximè timerent? (ratus, se, dicturos) interrogaret; nihil aliud, Rex præstantissime, responderunt, quàm ne cælum in nos ruat. Marcum Crassum, teste Plut. in ejus vita, contra Parthos proficiscentem, adierunt Arsacis legati hujusmodi oratione; Si missus à populo Romano exercitus esset, gesturum ipsum implacabile & inextinguibile bellum; sin patriâ invitâ, privati quæstus gratiâ, Crassus arma Parthis intulisset, & urbes occupasset; acturum Arsacem moderatè, & Crassi senectutis miserturum, populoque Romano milites, quos obsessos teneat potius, quàm in præsidio locatos, remissurum. Ad ea Crasso jactante, Seleuciæ se responsum daturum, ex legatis Vagises, qui cæteros ætate anteibat, ridens, manus supinæ ostensâ volâ; *Hinc prius, inquit,*
pili,

pili, Crasse, exorientur, quàm tu aspicias Seleuciam. Atque ita ad regem Hieronem discessere Arsacis filii, bellandum esse nunciantes.

Non dissimili ferè modo Scarbicus, Comes Polonus, legatus ad Henticum V. Imperatorem, cum ei Cæsar ingentem thesaurum monstrasset, subjiciens hic Polonus per jocum, annulo, quem digito gerebat, in thesaurum projecto; *aurum*, inquit, *adjiciamus auro*; stultam scil. Cæsaris jactantiam notans. Hoc scomma Cæsar gratias agendo elusit; (*Hab danc*/inquiens linguâ Germanicâ.) Inde familiæ nomen mansit, ut Habdanci dicantur, teste Cromero lib. 5.

Ex his & similibus exemplis planum fit, *legatorum præpñcia nonnunquam tolerari, sed mordaces & contumeliosas linguas semper & ubique coherceri*: ac proinde enixè cavendum esse legato, ne Principis, ad quem missus est, titulis aut juribus, tam dicto, quàm facto, vel tantillum detrahat, sed eum potius observet & revereatur; imò & quantascunque ejus injurias non solum patienter, *sed hilari quoq; fronte perferat*.

Sæpè namque accidit, ut potentior injuriam injuriâ cumulet, quam ubi patienter ferri vider, conscientia propriâ victus, beneficio eam oblitescere desiderat. Probè hoc intellexit Franciscus Tandulus, Venetorum orator, in Galliam ad Clementem VII. Pontificem missus, ut eum infestiores Veneto nomini, propter Ferrariam

receptam placaret; qui, cum multa & varia secum agitasset consilia, neque à Pontifice iratiore quicquam impetraret, quadrupes effectus, catenâque ferreâ collum nexus, ad Pontificis praeudentis pedes canis in morem sese substravit; quo novo spectaculo Pontifex attonitus, illum in gratiam recepit, Venetoque nomini injuriam remisit, teste Egnatio lib. 6. c. 1.

F L O S X.

Legati magnanimi ἀδωποι sunt, & liberales.

COrinthiorum legati ad Dionysium seniores, Syracusanorum tyrannum, missi, cum ille pro more amplissima eis dona obtulisset, plane recusabant, eò quòd Lex esset apud ipsos, ne legatione fungentes munera acciperent à Principe. Quibus Dionysius respondit; *Rem profectò absurdam facitis, qui, quod unum bonum habent, tyrannis hoc tollitis; dum docetis, etiam beneficium à tyrannis accipere, periculosum esse.* Ad eò gravem judicabat Rex esse contumeliam, oblata recusare munera; *cum hac unicâ re tyranni aliis se commendare possint*, ut scribit Plutarchus in apoph. Idem & apud Athenienses lege interdictum fuit.

Unde & legatus quidam, licet honorificam proba-

probatissimamq; omnibus Atheniensibus cum Artaxerxe Mnemone, Persarum rege, confecerat pacem; (*anno M. 3606.*) quia tamen in legatione munera accepisse visus fuerat, parum abfuit, quin occideretur; ut testatur Xenophon lib. 7. rerum Græcarum.

Sic & apud Romanos Cajus Fabricius, honoribus & autoritate omni cive temporibus suis major, censu par unicuique pauperrimo, cum aliis legatus missus ad Pyrrhum de redimendis captivis (*anno Mundi 3692.*) contendente Pyrrho, ut aurum à se acciperet, nullam quidem ob rem turpem, verum ut esset amicitiae & hospitii pignus, prorsus abnuit, ut author est Plutarchus in Pyrrho.

Quintus Fabius verò Gurges, Cnei Fabii pictores, & Quintus Ogulnius, legati ad Ptolemæum regem missi (*a. M. 3695.*) munera, quæ ab eo privatum acceperant, in ætarium, & quidem prius, quàm ad senatum legationem referrent, detulerunt; de publico scil. ministerio nihil cuiquam, præter laudem bene administrati officii, accedere debere judicantes, teste Val. Max. lib. 4. cap. 3.

Idem in Venetorum Rep. *veteri libertatis domicilio, & virtutum omnium armamentario*, observari testatur Hermolaus Barbarus de Rep. Venetorum, & Jovius in Iconibus affirmat, Ducem Moscovitarum, legatis ad se redeuntibus.

auferre solere omnia munera. Neque verò hæc
 carent ratione. Utiq; enim *δωροφάγῃς*, maxima
 Rerum publ. pestis, pietatem Deo patriæque de-
 bitam, justitiam, fidem, magnanimitatē, aliasque
 pulcherrimas virtutes prostruit; *nec quicquam*
turpius, quàm eum, quem non modò facto, sed nec
verbo violare fas est, muneribus posse corrumpere.
 Nam qui semel munera acceperit, seque largi-
 tionibus patitur corrumpi, is jam non potest
 constans manere judex publicorum commodorum;
 quandoquidem sui ipsius dominum constituit,
 à quo pecuniam accipit. *Non concio*, inquit
Æschines, manu in sinum conditâ, habenda;
sed legatio, eâdem manu in sinu retentâ, potius est
obeunda. Hæc utut vera sunt, nihilominus ta-
 men & hic locum habet Græcum illud adagium;
ἢ τε πάντῃ, ἢ τε πούτῃ, ἢ τε παρὰ πάντων; nec omnia,
 nec quovis tempore, nec omnibus. Sunt enim
 quædam, quæ neutiquam decorum sit accipere;
 est deinde locus & tempus, quo pulchrum sit,
 oblatum munus recusare; sunt deniq; nonnulli, à
 quibus inhonestum sit admittere donum. *Dis-*
tinguendum itaq; inter munera lautiora, quæ pro-
pterea dantur, ut legati corrumpantur, & inter ea,
quæ honoris & benevolentia ergo dantur. Quæ
 certè si quis quodam veluti contemptu asperne-
 tur, Principique remittat, rusticitatis notam non
 levem incurret; quam ut effugiat, pro re & tem-
 pore munera legatus quidem accipiet, sed tum &
 dona

dona ferentes, & Principes ipsos, si tanti fuerint, rursus alacriter remuneretur. Ita nimirum in ore versabitur omnium, & ad munera crebrò sibi offerenda, vicissitudine humanitatis, invitatum excitabit non neminem. *Sic gratia gratiam parit*, ut Pindarus dixit. Absit tamen semper hîc & ubique inanis profusio. Uti enim, non abuti nostris regiisq; debemus opibus & muneribus; & cùm domi, tum foris esse continentes; idq; tam cunctis, quàm inprimis Regibus nostris probare, *qui dissolutis & profusis beneficia haud libenter largiuntur.*

Sic nimirum Ferdinandus Consalvus, cùm Ferdinando Hispaniarum regi Catholico, regno Neapolitano sub Gallis recuperando, multis annis egregiam navasset operam; tandem quarundam rerum insimulatus, & regni illius administrati, & tam perceptorum, quàm expensorum rationem reddere jussus, omnibus expensis parvâ quâdam schedâ consignatis, facilè obtinuit, ut & rei bene gestæ, & pecuniæ non malè locatæ memoriâ nihil magis ab ipso exigeretur. Ut enim magno constet, videtur constare modico publica quies, & regni possessio restituta. Sic & aliis interdum modis excusabitur profusio, si ejus constiterit ratio; cujusmodi fiunt ad Regum regnorumq; secretiora indaganda, ad eorum consiliarios corrumpendos, ad fomites bellorum impediendos, ad oppressos sublevandos; & id

genus alia, ad divinam gloriam Reiquepub. utilitatem conservandam.

. F L O S X I .

Legatus spectatæ esto fidei, & verax; nec
mandatorum suorum fines perfidè
transiliat.

Legatus præterea animum in fronte, & candorem gestet in pectore; noritq; , fide in ipso nihil esse præclarius, magisque memoriæ hominum sempiternæ commendatum. *Fides siquidem* juxta vetus illud verbum, *obligat fidem*; omniumque contractuum, foederum, pactorum, omnis denique societatis & amicitiae vinculum est arctissimum, ipsiusque justitiæ fundamentum firmissimum.

Fidem itaq; suo Principi debitam non modò omnibus modis probabit legatus; sed & operam dabit sedulò, ne apud eum quoq; Principem, ad quem missus est, in suspensionem aliquam sinistre fidei aut levitatis incurrat. Accidit nimirum hoc Morono Cardinali, Gregorii 13. Pontificis Romani, ad Maximilianum II. Imperatorem, in comitiis Ratisponensibus legato; cujus medicus, cum ibidem Stephani Battorii, Caesaris æmulus, eodem illo tempore in regem Poloniæ inaugu-

augurati, legatos inviseret; ilicò non levem suspicionem præbuit, quasi de omnibus iis, quæ inter Cæsarem & Pontificium legatum acta essent, redditi fuissent certiores.

Quo nomine quoque cum Morono. Cæsar expostulavit vehementius, & cum hujus suspicionis ergo, tum quòd suum quoque legatum ad Gedanenses profectum, in Polonia violatum audierat. Stephani Regis legatos Ratisponâ abeuntes jussit in itinere detineri; qui tamen, Cæsare vitâ functo, statim sunt dimissi. Non itaque solum rectè facti legato suffecerit conscientia, sed nec ullam præbeat occasionem, de se sinistrè suspicandi; imò & ut ipse non falli, ita nec alios fallere velit, qui suæ personæ atq; authoritati confidunt. Quo sanè nomine malè audit Johannes Monlucius, à Sigismundi Augusti, regis Poloniæ morte (a. C. 1571.) Caroli I X. Galliarum regis in Polonia legatus; qui, ut Henricum Valesium, regis sui fratrem crearent Regem, aureos montes non modò Ordinibus, sed & hominibus penè promiserat universis; tandemque cum Cracoviæ (a. C. 1573.) Rex inaugurandus esset, nusquam in regio comitatu inter ceteros proceres comparuit; ideoque cœnobii præfectus per jocum & ludibrium à non nemine appellatus est. A vanis ergo promissis, quæ præstare nec potest, nec vult, omnino non solum ipsi abstinendum, sed & hoc multò magis fideli cavendum legato, ne eos, qui

sub silentii legibus ei se crediderint, temere & perfidiosè aliquando prodat, periculisque obijciat. Præterquam enim, quod indignissimum fuerit, malam iis referre gratiam, qui de nobis bene mereri cupiunt, *nemo unquam fudit ei amplius, què novit secreta sibi communicata tam leviter effutire.* Porro falsa quoque pro veris, incerta pro certis, incognita pro exploratis narrandi consuetudo, fugienda prudenti & fideli legato; utpote quæ aut intellectus ipsius arguunt imbecillitatem, aut certè malignitatem, quam non semper manere impunitam, testatur Israëlitarum exploratorum duodecim historia, Num. 13 & 14. Ex quibus cum decem istis mendacibus populus præberet aures, in tantum conjectus est periculum, ut non solum necesse postmodò habuerit, continuos annos 40, in deserto vagari; sed & plusquam sexies centena hominum millia in eo extincta sint: nec, præter Josuam & Caleb, terram promissam quisquam viderit.

Deniq; prudens & fidelis legatus intra mandatorum suorum metas & fines se contineat, omniaque ad præscriptum imperiumque ejus, qui mandavit, agat; à *παραπρεσβεία* verò & falsâ legatione summopere abhorreat; utpote quæ cum perfidia ut plurimum conjuncta est, quâ nulla Alecto, nec Furia infernalis perniciosior, quæ perfido non tantum dedecus, sed perniciem quoque affert.

Et quis

Et quis enim non execretur Dosithei perfidiam? qui ab Hircano, Herodis regis socero, missus cum literis ad Malchum, regem Arabum, quibus Hircanus fugam meditabatur, literas eas Herodi tradidit, & hujus consilio denuò ob-signatas ad Malchum detulit; cùmque Malchus Hircano opem polliceretur, hujus quoque literas Herodi ostendit; qui mox Hircanum socerum, annum agentem octogesimum, interficiendum curavit, teste Josepho libr. 15. Antiquitatum Jud. c. 9.

Quis non improbareret nefarii illius Spadonis perfidiam, qui ab Alexio Angelo, Byzantino Imperatore, à quo Ibancus defecerat, & loca monti Hæmo finitima firmis castellis munierat, ad hunc reconciliandum missus, utque pacta simul & conventa, insuperque neptis suæ nuptias in memoriam ei revocarer, non modò nihil, quod ad rem pertineret, confecit; sed illum quoq; suâ præsentia, ut cœpta persequeretur, magis confirmavit; cùm temere effutiisset, Græcos è vestigio illum invasuros, & monuisset, ut campestribus relictis salutem suam & popularium montanis locis committeret; ut Niceta scribit lib. 3. de Imperio Alexii.

Magis verò detestanda Constantini Diogenis perfidia, qui à Constantino Imperatore ad Sermonem, Sirmii dominum, legatus missus, interposito jurejurando affirmavit; cupere seipsum

convenire, ac de rebus necessariis colloqui. Quòd si ipse insidias vereretur, tribus tantum famulis stipatum se ad ripam profluentis ibi amnis accessurum; idem tamen ipse quoque faceret. Ibi ergo, cum jam collocuturi essent, Diogenes pugionem, quem in sinu abditum gestabat, subito in latus Sermonis adegit, eumque occidit, ut Cedrenus scribit.

Franciscus Zabarella Cardinalis, cujus scripta à Jureconsultis summopere probantur, legatus missus à Johanne XXIII. Papâ, ad Concilium Constantiense (a. C. 1477.) auctor eis fuit Johannis è statu deijciendi, eâ spe, ut ipse voluntate Concilii ei succederet; verum morte præventus, ambitioni simul, & perfidiæ simul satisfecit, teste Garinberto lib. de vitis Pontificum.

Inprimis verò memoratu dignum est supplicium Nicolai de Boo, equitis, apud Cranzium lib. 9. Sax. c. 8. Hic legatus Waldemari Marchionis Brandenburgensis, Principis sui nomine Francofurtum ad Romani regis electionem missus; (Imperiũ tunc simul ambiebant Fridericus pulcher, Austriæ, & Ludovicus, Baviaræ Dux,) cum nihil muneris à Friderico, quẽ Marchio Regem suo suffragio, multis literis diplomate munitis, constituerat, speraret; sed & plurium animos in Ludovicum inclinare animadverteret; abrasâ membranâ, expunctoq; nomine Friderici, Ludovicum contra voluntatẽ domini sui constituit, ob quod

ob quod scelus Marchio eum diu carcere maccatum fame demū extinxit. Et meritò. Sic enim Aulus Posthumius dictator, bello cum Æquis & Volscis; itēq; bello Latino, Titus Manlius Torquatus consul filios suos, quia nō ipsorum jussu, sed suā sponte è præsidio progressi hostes fuderant, securi percusserunt victores; *satiùs esse judicantes patrem forti filio, quàm patriam carere militari disciplinâ*, teste Livio dec.i. libr.4. & 8. & Valer. Max. 2.c.7. Quod de Epaminondâ Thebano quoque memoriæ prodidit Plutarchus in parallelis; Cur, quæso, legato laxandæ habenæ? illic siquidem de re bene gestâ jam non dubitabatur: hîc vel si certus spondeatur eventus, non desit dubitationi locus. Imò quàm malè cesserit Romanis legatorum *παρὰ πρεσβείας*, Alliana ipsorum clades (*an. M. 3584.*) satis superque testatur apud Livium lib.5. dec.i.

Tres nimirum Fabii, à senatu populoque Romano legati ad Gallos missi, ut à Clusinorum eos obsidione verbis amicis dehortarentur, utpote, à quibus nullâ ipsi injuriâ affecti essent, ferociore horum responso offensi, mox mandatorum suorum fines transgressi, non satis habuerunt, ad fortiter resistendum Gallis, exhortari Clusinos; sed seipsos quoque Duces præbuere conflictus, in quo, unius ex legatis manu, Gallorum quidam Princeps ferociter in Hetruscorum signa incursans, prostratus est. Quam injuriam

contra jus gentium Gallis à legatis suis illatam, cum Romani non modò non punirent, sed hos ipsos quoque præmiis afficerent; hoc facto Galli exasperati, bellum adversus Romanos propalam susceperunt; quibus ad Alliam fluvium non sine maximâ strage, in qua propemodû flos Romanæ juventutis periit, profligatis, subitò urbem universam, solo excepto Capitolio, occuparunt. Multò verò prudentiùs alteri illi Romanorum legati, à senatu Tarentû ad res repetendas missi, cum gravissimas ibi injurias acceperant, unus etiam urinâ respersus esset, in theatrum (ut est consuetudo Græciæ) introducti, legationem, quibus acceperunt, verbis peregerunt. De his, quæ passi erant, questi nō sunt, ne quid ultra, ac mandatum esset, loquerentur, ut scribit Valer. Max. lib. 2. c. 2. Et hæc quidem in illis obtinent mandatis, & ceu cancellis quibusdam circumscriptis, in quibus omnis legato adempta licentia. Cæterum non rarò quoque accidit, ut libera agendi facultas pro suo arbitrio legato detur à Principe; quæ res etsi periculo quandoque non caret, pro re tamen & occasione est necessaria. *Multa enim nec opinantibus eveniunt, de quibus nihil prorsus constitui in mandato poterit.* Id quod contigit Maximiliano secundo Cæsari (a. 1565.) qui, patre Ferdinando defuncto, paulò tardiùs legationem Constantinopolin misit, pro pacis foederibus cum Solimanno Turcâ confirmandis, ad quem & illum

& illum vicissim suam misisse multi crediderunt, sed cum mandato, ut si fortè in itinere Cæsaris legatus fieret obviam, Constantinopolin ilicò reverteretur; quo reverso, res ad illud bellum, in quo Julia & Zigethum à Turcis sunt captæ, tandem devenit. Contra hanc Barbari monitionem nihil certè committi poterat legato, quo eludi potuissent; nec legatus Cæsareus quicquam præstare potuit, aut debuit.

Quoniam ergo multa nonnunquam præter opinionem eveniunt, ac proinde multa legati credenda sunt prudentiæ, ejusque potestati necessariò committenda; memor hic authoritatis sui Principis, suæq; in illum fidei & observantiæ, prudenter cavebit, ne quid minùs honorificum illi curetur; & tam à nonnullis, quæ ipsi permittentur, consultò abstinebit, Principemque suum requiret; quàm & ipsis rursus finem liberè imponet, quibus nulla videbitur mora interponenda: atque ita in omnibus singulisque uno eodemq; utetur candore & sinceritate.

F L O S XII.

Legatorum nomen apud omnes nationes sanctum inviolatumque. *Cæs.*

lib.3.de bello Gallico.

XEnophon lib.8. *παίδειας* memorat; Legatos inter res maximi momenti, *Cyrum* posuisse, nempe ut absque bello impetraretur id, quod necessitas postulare. Sunt nempe legati pacis nuncii, & Principis Rei^q publica personam gerunt; ideoq; non solum in amicorum tectis, sed etiam inter hostium tela tutò versari debent. Ac proinde Principi, ad quem missi sunt, incumbit, non modò cavere, ne à se suoque consilio lædantur; sed & ne ab alio quovis injuriâ ullâ afficiantur; utpote quorum jus etiam inter externas gentes sacrum, teste Tacit. histor. lib.3. Quia verò sublegationum specie multa sæpè perniciose tractantur; ideo prudentiâ singulari, & dexteritate quâdam opus est in tractandis exterorum legatis. Et principio, meo quidē judicio, (inquit Comineus libr.4. comment.) amicorum legati, de quibus nullam habemus malè suspicandi causam, liberaliter sunt & honestè tractandi; factâ subinde illis potestate conveniendi Principis, ad quem missi sunt, modò sit prudens & honesta species.

Nam

Nam alioquin præstat, cum vel rariùs conspici, vel non diu insistere colloctioni.

Cùm autem vel publici vel privati veniunt ab aliquo Principe, parum amico, tamen si periculum est in ea re non leve; excipiendi tamen sunt non incommode, & destinandi aliquot idonei homines, à quibus tractentur. Hoc enim ad honestatem pertinet, ac simul eò confert, ut quid agant, & quibuscum loquantur; & quos habeant sibi familiares, cognoscatur. Nec id modò, verùm etiam ut homines leves atque seditiosi non habeant ad ipsos aditum. *In omnibus enim Principum familiis semper aliqui existunt, qui mutationem aliquam, & res novas cupiunt.* Et quoniam periculi plenum est, habere domi suæ hostem; sua se rim, primo quoq; tempore ejusmodi legatos dimitti. Verùm ita tamen, nequam habeant occasionem de inhospitalitate conquerendi. Haftenus Cominæus.

Et hunc in modum Totilas quoque Gothorum rex, apud Procopium lib. 3. de bello Gothico: *Constat, inquit, apud Barbaros omnes, id lege cautum esse, plurimùm ut hi colant & venerentur oratores & legatos.* Et in Pandectis l. 48. tit 6. quod ad legatos, (inquit lex) oratores, comitesve attinet, si quem eorum quis pulsasse, & injuriâ affecisse arguetur, lege Juliâ de vi publ. tenetur. Nimirum legatum hostium pulsasse, contra jus gentium peccatum esse, semper existimatum est,

quia sancti habentur legati. Et quoniam utile est hominibus, non immortales esse inimicitias, *ideo inviolabiles quoq; esse oportet eos, per quos de amicitia & fœdere tractatur.* Ac proinde cum, qui legatum pulsasset, dedi hostibus, quorum erant legati; atq; ita publicè ei satisfieri, *utilius esse, plerunq; responsum & judicatum est.* Hinc Lucius Minutius, Lucius Myrtilus, & Manlius (anno M. 3785.) quod legatos Carthaginensium pulsasse dicebantur, jussu Quinti Terentii prætoris urbis, per fœciales traditi sunt legatis, & Carthaginem advecti.

Sic, cum legatos ab urbe Apolloniâ Romam missos (an. M. 3706.) Quincus Fabius & Cneus Apronius, & diles, ortâ contentione pulsassent, eos senatus continuo per fœciales legatis dedit, quæstoremque cum his decrevit Brundisium proficisci; ne quam in itinere à cognatis deditorum injuriam acciperent; ut testatur Liv. dec. 4. lib. 8. & Val. Max. lib. 6. c. 6.

David verò rex, ignominiam suis legatis illatam ab Hannone, Ammonitarû rege (an. Mundi 2905.) æstimavit atrocissimam, & quæ bello vindicaretur, justissimam, 2. Reg. 10.

Pari modo, cum Romanorum legatos Corinthii injuriosius non solum appellassent, sed fordibus quoq; perfudissent (a. M. 3826.) eo nomine Corinthus à Lucio Mummius Achaico, solo æquata est, & reliquus usq; ad Macedoniam tractus

tractus sub Romanorum cessit imperium; ut scribunt Florus lib. 2. c. 16. Justinus lib. 34. & Strabo lib. 8. Geographiæ.

Tarentini quoq; (*a. M. 3690.*) cùm Romanorum classem ex occasione adorti hostiliter diripissent, insuperq; eorū legatos, ad res de more repetendas, ex urbe missos, scelus sceleri addere ausi, contra jus gentiū violassent; decennali tandem bello ab iis debellati, imperata facere coacti sunt. De quo lege Polybium lib. 2. Florum lib. 1. c. 18. & Plutarchum in Pyrrho.

Sic & Teucas, Illyriorum Regina (*a. M. 3740.*) ferociori responso alterius legati Romanorū offensa, cùm percussorē ipsi subornasset, violati juris gentiū mox multiplici suorū strage condignas dedit pœnas, ut author est Bonfinius dec. 1. lib. 6.

Sic & Arabes, (*a. M. 3941.*) astu superato Herode, Judæorum rege, & Judæâ vehementi terræ motu miserè concussâ, cùm Judæorum legatos pacem poscentes necassent, non multò post ab Herode gravissimis affecti cladibus, domitiq; suæ perfidiæ dignas lucrunt pœnas, teste Josepho lib. 15. Antiquitatum, c. 8.

Orætes, Sardinum præfectus, (*a. M. 3451.*) cùm quendam è Darii legatis, qui parum jucunda ipsi nunciarat, in itinere trucidandum curasset, & eum ipso equo occultandum; submisso Pagæo, Regis operâ interfectus est, teste Herodoto lib. 3.

Ejusdem Darii, Persarum regis, legatos, terram & aquam petentes, (*a. M. 3479.*) cum Athenienses & Spartani partim in barathrum, partim in puteum deiecissent, jubentes illic terram & aquam petere; Lacedæmonii quidem duos suorum civium ad expiandum facinus miserunt, quos tamen Xerxes lædere noluit, ne ipse faceret, quod aliis exprobraret: Athenienses verò, cum de expiatione parum solliciti essent, totam Atticam depopulari à Persis viderunt (*a. Mundi 3492.*) & ipsâ quoque urbe tandem sunt exuti; eodem teste Herodoto lib. 6. 7. & 8.

Alexandri Magni caduceatores, qui Tyrios ad pacem hortarentur, cum hi contra jus gentium interfecissent, & corpora eorum in pelagus projecissent; hac Macedo injuriâ irritatus, quia navibus carebat, perpetuo aggere Tyrum continentem reddere, est adortus; (*a. M. 5640.*) & tandem crudelissimè expugnavit, ut auctor est Sabellicus Enneadis 4. lib. 4. ex Curtii lib. 4. & Arriani lib. 2.

Hasmundus, Norvajorum rex, cum Frislevi, Daniæ regis legatos, filiam ejus Regi suo in uxorem petentes, odio gentis interfecisset, bello petitus, violati gentium juris pœnas & ipse morte dedit; ut scribit Crantzius lib. 1. Norvegiæ c. 21.

De Manuele Comneno, Græcorum Imperatore, memoriæ proditum est à Volaterrano lib. 4. Geographiæ, & Sabellico lib. 5. Enneadis 9. eum, postea-

posteaquam famâ comperit, Venetam civitatem gravi pestilentia affectam; Henrico Tandulo, uni ex legatis, quos Vitalis Michaël Princeps, Græciâ decedens, ad eū miserat, per speciem colloquii in secretum abducto, æream objecisse tabulam, prius igni admotam, cujus aspectu propemodum luce ille privatus sit. Hanc ob injuriam, ut & ob alteram illam, quâ (an. C. 1148.) farinam gypso mixtam vendidit Principibus Christianis, ab expeditione in Palæstinā domum revertentibus, à Veneris, & Rogerio, rege Siciliæ, oppugnatus, Græciâ vastatâ, Corcyram, Thebas, Corinthum & Chalcidem amisit. Quid multa? haud facile invenire datur in omnibus historiis, impunè violatos fuisse legatos. Vigilat nimirum sempiternus justitiæ oculus, ultricesque diræ sunt legatorum, quorum corpora sunt sancta, & sanctum nomen apud omnes nationes, & jus sanctissimum etiam apud efferratissimas gentes.

Sed de Darii, Persarum regis, legatis quid dicemus, in Macedoniam, ad Amyntam regem missis, petum ab eo aquam & terram (an. M. 3466.) cujus in aula crudeliter sunt jugulati in ipso convivio, teste Herodoto lib. 5: Jure nempe eos ab Alexandro Amyntæ filio esse interfectos, quòd turpiter lascivientes Regis filias ad concubitum sollicitassent. *Debet enim legatus sanctimonia & castitatis esse speculum; non artifex libidinis, aut inhonesta alicujus voluptatis.* Et quia

legatorum corpora habentur sacrosancta, ideo & legationem ipsam innocentiam decet esse rectam, non stupris aut maleficio publico cooperatam. Hinc rectè Procopius libr. i. de bello Gothico: Magna quidem (inquit) & inclyta oratorum dignitas est, & apud omnes mortales aliquin honorabilis; *sed tam diu id in se muneris retinent, quoad ipsi sua legationis officium servant.* Nam hominem occidere, qui legatione fungatur, tum quidem & jure pro humanis legibus licet; cum Regem videbitur contumeliâ affecisse, vel si adulterium commiserit.

Ad eundem modum Stephanus, Walachiae Princeps (a. C. 1476.) centum Tartaros Præcopitas, ad repetendum Regis filium missos, occidit; quòd soli æquationem Walachie minitarentur, ut author est Bodinus lib. 5. de Rep. c. ult.

Pro coronide & hoc quæritur; sitne licitum hostium legatos ad alium Principem euntes intercipere? Factum nimirum hoc (an. M. 3757.) à Romanis, qui secundi belli Punici anno quarto Hannibalis legatos, ad Philippum Macedoniae regem potentissimum missos, ceperunt. Ad hoc respondemus; *usitatum hoc & licitum esse, legatos hostium, perferentes mandata patriæ suæ nocitura, intercipere.* Etsi enim legati sancti sunt & inviolabiles, de iis tamen solum hoc verum est, qui non moliuntur hostilia. Quoniam ergo Macedones & Carthaginenses foedus tunc erant
facturi

facturi contra Romanos, quis Hannibalis legatos justè ab his esse captos & occisos, inficiabitur?

Simile exemplum extat quoque apud Herodotum libr. 7. & Thucydidem lib. 2. de Lacedæmoniorum legatis, altero belli Peloponnesiaci anno, ne non omnia ad Atticas opes evertendas experirentur, (*an. M. 3542.*) in Asiam ad Artaxerxem, Persarum regem, missis, à quo & societatem, & pecuniam in belli usum petituri erant; quos per Thraciam iter facientes, cujus Regem Sitalcem similiter ab Atheniensium abducere societate moliebantur; Sadocus, Sitalcæ filius, suasu Atheniensium legatorum, qui tum fortè aderant, oppressit, & in Atticam misit; ubi publico decreto similiter interfecti sunt, & in foveas dejecti.

Pari modo superiori seculo, Cæsar Fregosus Genuensis, & Antonius Rincko Hispanus (*anno Christi 1541.*) missi à Francisco primo, Gallorum rege, ad Turcam legati; cùm Padum navigarent, ituri Venetias, à Cæsarianis & Hispanis capti sunt & trucidati. Quâ re offensus Gallus, venientem tunc ex Hispaniis Georgium Austriacum, Maximiliani primi Cæsaris nothum, Episcopum Valentinum, Lugduni in vincula conjecit; & ut Lascum, Ferdinandi legatum, comprehenderet; Solimanno author fuit; bello insuper injuriam hanc prosecutus est, teste Sleidano lib. 14.

F L O S XIII.

Functioni suæ quemque idoneum præficere, prudentis habetur Principis.

Quoniam Regnū, ut ait Isocrates in oratione ad Nicoclem, omnium rerum humanarum maximum est, & quod maximam curam providentiamq; desiderat; ac proinde Princeps suā scientiā cuncta non potest complecti; ideo gravissimi labores, quibus orbem terræ compescit, magnis egent adminiculis, secundum Tacitum Annal. libr. 3. & 12. Multis igitur ille opus habet, oculis, & multis auribus, h. e. ministris, quorum operā vel publicè, vel privatim uti necesse habet; cujusmodi sunt præfecti, præsides, quæstores, judices, & ceteri magistratus inferiores. In his legendis ante omnia sequatur salutare illud Jethronis consilium, Mosi genero datum, Exod. cap. 18. ut sibi viros adjungat pios, sapientes, veritatis amantes & incorruptos; quò facilius & quietius onus administrationis sustineat, & singulorum commodis magis consulat. Sic & Plato lib. 3. de Rep. & lib. 6. de ll. requirit; ut, qui quarendi sint judices ac magistratus, probitatis testimonium per singulas etates habeant. Nec immeritò. Non enim regnant, sed serviunt qui mali sunt. Et ut
oculi

oculi vitio aliquo laborantes perperam cernunt; ita malè imperat anima, qua mala est, ut idem loquitur Plato lib. I. de Repub. Pervertit enim intellectum malitia, nec nisi à viro bono bona proficisci possunt, teste Aristotele lib 6. cap. 12. Virtutibus ergo præditum magistratum esse oportet, & imprimis pietate. Est enim præcipua magistratus pars religio, sine qua nec prudens, nec justus esse potest; quia facile deviare solet à justitiâ, qui in causis non Deum, sed homines pertimescit. Vicina pietati est justitia, cuius magistratui summè necessaria. Etenim ut ignis, quæcunq; admoventur, calefaciens, ipse primùm innatâ vi calet; nix contrà suapte naturâ frigida, & alia frigida reddit; sic judex & magistratus ipse plenus justitiâ esse debet, si aliis jus administraturus est, ut author est Simanca lib. 5. de Rep. c. 6. ex Philone. Unde & sacræ literæ maximè justitiam in magistratu requirunt; Diligite, inquit Sap. cap. 1. justitiam, qui judicatis terram: & Prov. 19. qui judicat in veritate pauperes, ejus thronus in aeterno firmabitur. Justitiæ verò conjuncta esse debet prudentia, ut rectè monet Cicero 2. Offic. ut justitia, inquit, sine prudentiâ nihil prodest; sic sine justitiâ nihil valet prudentia. Ut igitur magna & necessaria virtus justitia est, ita magistratuum proprium est prudentia; quippe qui civitatis oculus est & spiritus vitalis. Quemadmodū igitur obscuratis oculis partes reliquæ non vident, nec

suis ritè fungi possunt officiis; *ita subditi non bene vivunt, quando stultis utuntur magistratibus*, inquit Aristoteles lib. 3. Polit. c. 3. Sic & magistratum, tanquam spiritum vitalem, multa millia trahunt; nihil ipsi per se futura, nisi onus ac præda, si mens illa Imperii subtrahatur, ut Seneca loquitur de clement. c. 4. Unde & eadem sacra pagina Proverb. 4. *in omni possessione acquirere jubet & arripere prudentiam*; utpote quæ capiti det augmenta gratiarum & coronâ inclytâ protegat, & sapientiæ populi esse stabilimentum, asserit Sap. cap. 6. Ad prudentiam fortitudo ut accedat, necesse est, quandoquidem animus propter formidinem cōsilio privatur & turbatur, flectiturq; precibus, aut misericordiâ, aut pœnitentiâ, ut inde minimè in improbos animadvertat. Unde & Sir. c. 7. non nisi fortem vult esse judicem, *ne potentis faciem extimescat*. Has ergo & similes virtutes in eo, cui demandandus est aliquis magistratus, prudens Princeps magis expendat, quàm genus, corporis formam, & divitias; quæ tamen & ipsa magnum ad dignitatem momentum habent. Quia verò ex omni memoriâ inventus est nemo, cujus virtutes, quantumvis cæ magnæ, nullo vitiorū confinio læderentur; (usq; adeo enim, teste Polybio lib. 4. *natura hominum non solum corpora, sed etiam animos dissimiles sui finxit*, ut sæpenumero unus idemque vir, non modò in rebus diversis, hîc quidem fortiter, illic segniter

segniter se gerat; sed in simillimis quoque negotiis, nunc inauditam quandam celeritatem, nunc incredibilem ignaviam ostendat; & aliquando quidem fortissimus, nonnunquam verò timidissimus videatur. Exemplo sit instar omnium Aratus Sicyonius, qui, cum in tolerandis laboribus & periculis singulari esset audaciâ, sicubi tamen acie dimicare cogeбatur, in consiliis segnis, in subeundis periculis timidus erat & abjectus; teste Plut. in ejus vita.) Ideo magnæ prudentiæ est, quemvis cuique functioni pro indole suâ admove-re, ne inde magnæ rerum confusiones orientur. Alexander Severus Imperator, teste Lampridio, ubi aliquos voluisset vel rectores provinciis dare, vel præpositos facere, vel procuratores, h. e. rationales, ordinare, nomina eorum proponebat; hortans populum, ut, si quis quid haberet criminis, probaret manifestis rebus; si non probasset, poenam capitis subiret; dicebatque grave esse, cum id Christiani Judæque facerent in prædicandis sacerdotibus, qui ordinandi sunt, non fieri in provinciarum rectoribus, quibus & fortuna hominum committerentur & capita. Constantius quoque Imperator in magistratibus & conferendis dignitatibus diligens estimator fuit; quandoquidem neminem in senatum legebat, nisi bonis esset disciplinis honestè institutus, teste Cuspiniano in Cæsaribus. Optimum igitur fuerit, non nisi honestos & bonæ famæ viros,

ad honores admittere. Quibus eos quoque annumeramus, qui, etsi prudentiæ & probitatis famam teneant, à publicis tamen muneribus abhorre magis, quàm ultrò appetere videntur. Sic nimirum idem Alexander Severus Imperator, honores ambitiosis aut quærentibus minimè dedit, sed modestis, quos potius rogare oporteret; ut ex Lampridio author est Volaterranus libr. 23. *αὐτοβιογραφίας*. Etenim cùm aliquando præfectum prætorio designasset, isque ne fieret, sese occultasset; Imperator retractum à fugâ, quamvis vehementer reluctantem, eâ dignitate ornavit; *Invitos, inquit, non ambientes Reipub. præficiendos esse*. Nescio enim, quomodo majore plerunque fide & industriâ officio defunguntur, qui tardè & quodammodo nolentes, magistratus adeunt, quàm qui ambitu & largitione eos emercantur. Etenim qui officia publica ambiunt, plerunque authoritatem suam, quam habere apud populum poterant, prostituunt, & in gubernatione infelices sunt; utpote qui negotiorum publicorum, quæ per jocum & ludum tractarunt, difficultatem tandem cum dolore & dedecore experiuntur. Præterea, ut est in Mæcenatis oratione ad Augustum apud Dionem libr. 52. *Verè hi novandis, quàm gerendis rebus aptiores sunt*; quandoquidem ubi præclarum aliquod facinus in re militari civiliq̃ fecêre, contemptor ille spiritus amentia & stoliditate completus, secundâ

cundâ se aurâ sustollit, nec patitur eodem apud se loci modestiam & potentiam esse; sed ubi se clientelis præsidiiisq; amicorum satis munitum conspicit, palâm jam insurgit in salutis suæ auctorem, aut quidvis, prout collibitum est, exprimere ab eo conatur. Unde Plut. in Agide (qui fuit Rex Lacedæmoniorum) cum Ixione, quem poëte cum Nebulâ pro Junone concubuisse, atq; ita Centauros præcreasse fingunt, ambitiosos comparat; quòd, *dum calum sese digito attingere opinantur, plerunq; facinora adulterina & exilia edant, monstrosos & centauricos habeant impetus*; multa denique propter imperandi cupiditatem injustè agant. Exemplo sunt Pompejus & Cæsar, itemque Themistocles & Aristides, quorum neuter cum altero in eâdem urbe vivere potuit. Sic & Joab metuens, ne Abnerus illi præferretur, & ipse deteriori esse conditione inciperet, ne præfecturâ copiarum privaretur, Abnerum perfidiosè transfodit, 2. Reg. 3. Multò igitur rectius Reipublicæ consulitur, si ad clavum boni & sapientes sedcant. *Quorum ea natura est & conditio, quòd quiescere atq; obedire, quàm aliis imperare malunt; nec honorum cupidine flagrant, qui vi potius legum audiendi, quàm impetu contumelioso ad officia publica raptandi sunt, nisi excusationem mereatur ætas, professio, corporis imbecillitas, egestas; alioquin magistratus & officia publica recusare, non videtur esse boni viri. Neq;*

enim sibi quisquam nascitur, sed ortus nostri partem precipuam patria sibi vendicat. Ideoque quemadmodum navis omnium manibus officioque; habet opus, ne evertatur; sed ut in portum tutissimum sese recipiat: ita quoque omnium & singulorum consilia, opes atque actiones eò sunt dirigendæ, ut Respublica non modò servetur, sed indies quoque feliciter augeatur. Præterea, quemadmodum nihil quicquam ilicò natura producit, ita nec aliis in rebus summa officia antè cuiquam sunt demandanda, quàm in inferioribus ac mediis data documenta fuerint. Sic nec in re nauticâ naves æstuariæ aut cataphractæ cuiquam committuntur, nisi antè remos duxerit, & in celocibus (navis exigui genus) limbis & cymbis se exercuerit; nec in bello subito quis aut Ordinum ductor, aut equitum magister, aut polemarchus evadit, nisi tyro antè, & miles triarius veteranusque extiterit, & intermedios gesserit honores. Sic & in rogatâ Republica omnium officia & magistratus lento quodam gradu & ordine bonis viris à Principe sunt conferenda, ita, ut à minoribus ad honestiora & graviora, & tandem ad summa & altissima munia conscendant; id quod & leges civiles præcipiunt lib. 14. Digest. tit. 4. Sic nimirum prudentiores modestioresque, & magis idonei, ad unumquodvis eorum rectè promoventur. Quod & Romanâ in Republica accuratissimè observatum, in qua nemini licuit, transscensis mediis honoribus,

ribus, tribunatu plebis, præturâ, ædilitate, ad
consulatum statim tendere; Tito Flaminio, P.
Scipione Africano, Q. Metello, Augusto Cæsare,
& paucis aliis exceptis, quibus hoc singulari ex-
emplo contigit. Estque memoratu dignum,
quod Plut. refert in Flaminio, Fulvium & Man-
lium, tribunos plebis, cum Flaminium consula-
tum petentem impedire conarentur, demon-
strasse: *Rem mali exempli esse, juvenem nondum*
Reip. quasi primis sacris & mysteriis initiatum, ad
summum honorem contra leges perrumpere. Sed
nec virum bonum pudeat, ullâ ac ne minimam
quidem delati officii partem recusare, modò au-
thoritati & gratiæ parandæ prosit; *Memor, quod*
non solum magistratus virum, sed etiam vir magi-
stratum ostendat; quod Epaminondam, Ducem
Thebanorum fortissimum, olim dixisse, cum ci-
ves cum contemptu quodam & invidiâ Tetrar-
chum (cujus officium erat, curare, ut sordes ex
angiportis ejicerentur, aquæ rectè derivarentur,
viæ sternerentur, plateæ mundæ essent,) creassent;
author est Plutarchus in præceptis regendæ Reip.
Ad summos autem hic honores pervenit, cum
Pamenem Ducem amaret & coleret. Nec mi-
nùs sensim & gradatim apud Athenienses, ad
summos in Repub. honores ascenderunt Aristi-
des & Phocion, obscuris orti natalibus; cum ille
Clistheni sc̃ adjungeret, hic Gabriam sequeretur;
apud Romanos M. Cato cum Q. Fabio Ma-

ximo adhæreret; itemque Ventidius Bassus, qui puer bello sociali, quo Cn. Pompejus Strabo Asculanos subegit, captus; inter cæteros, ante Imperatoris curram matris sinu vectus; ubi adolevit, victum sibi satis ægrè quæsierat, quem & sordidè reperisse fricandis & tergendis muris, testatur Cic. Tusc. 1. Inde cum Cajo Cæsare in Gallias profectus, ejus amicitiam captavit, à quo Tribunus plebis primùm, deinde prætor creatus est. Eo interfecto, hostis quidem ipse cum M. Antonio à senatu judicatus; pòst tamen conjunctis partibus, non modò pristinam dignitatem recuperavit, sed & pontificatum, ac exinde consularum est adeptus; teste Val. Max. lib. 6. cap. 10. & Gellio, lib. 15. c. 4. Noctium Atticarum.

Nimirum quemadmodum hederæ solæ relictæ in altum non evehuntur; validas autem celsasque arbores amplexæ, unà crescunt & attolluntur; ita quoq; juvenes & obscuri ad honores & dignitates ascendunt, ubi prudentibus, magnis & claris viris se adjungunt; utpote quorum auctoritate crescunt, & velut radices in Republica agunt, ut Plutarchus scribit in præceptis politicis. Sic & Jacobus Parisatus, obscuro loco natus, dum puer adhuc nauticæ rei vacarat, paulatim per omnes dignitatis gradus in maritimis rebus evectus, à Petro Mozenico, rei maritimæ Vene-
torum Imperatore, in summum principemque locū advocatus, quem Arabico verbo Admiralia-
lium

lium appellamus, ita se gessit, ut nullius post Imperatorem ipsum clarius illustriusq; nomen in totâ classe haberetur.

Hujus forti feliciq; operâ Mozenicus Imperator semper usus, Caramanicâ expeditione contra Turcas sic excelluit, ut hujus potissimum ductu, Corcyros, urbs Ciliciæ, primum, mox Seleucia è Turcarum manibus erepta sit, cum ipsa Sichino, aliisque aliquot castellis, ut Egnatius scribit libr 3. cap. 4.

Pari modo Jacobus Mutius Attendulus, qui postea magnus Sfortia appellatus, Sfortianæ genti primus nomen dedit, tenui vico, Æmiliâ viâ, inter Faventiam Ravennamq; urbes, orus patre Johanne agrorum cultore, castra secutus, prima militiæ rudimenta sub Boldrino celebri Duce, inter lixas calonesq; posuit, virtuteq; ad eum conscendit locum, ut Johannæ secundæ, Neapolis Reginae, omnium militarium copiarum Dux esset, & post obitum Boldrini Magni Connestabilis honorem gesserit, multorum populorum in eo regno imperiû assecutus; eodem teste Egnatio lib. 6. cap. 9. & Fulgoso lib. 3. cap. 4. Quod & de Nicolao Picinino ibidem memoriæ proditum.

Cæterum diligenter cavebit prudens Princeps, ne uni magistratus plures cômittat, quòd hoc modo via præcludatur viris idoneis, conscendendi ad honores, atque ita Principi boni &

strenui depereant, qui, dum eum in unum solum honores conferre vident, aliò sese conferunt. Adde, quòd & rectiùs ac meliùs negotia à pluribus, quàm ab uno conficiantur; non aliter ac manus multos in digitos divisa, ad negotia peragenda celerem magis expeditumque habet usum, teste Plut. in præceptis gerendæ Reipubl. Et quamvis quis interdum sagacem habeat animum, duas tamen res, magnas præsertim, non modò uno tempore nō agere, sed ne cogitando quidem explicare unquam potest. Ut mala taceamus & incommoda publica, quæ hinc oriuntur, plurima; quandoquidem officia negliguntur, corrumpuntur judicia, & multi vicarii introducuntur, qui pestes sunt Rerumpubl. ut Aristoteles scribit lib. 2. Polit. c. 9. & Simanca lib. 9. de Rep. cap. 30. Non igitur absque ratione laudatur Ludovicus, Ungariæ rex, qui à Casimiro Magno, Polonorum rege, in regni successorem adoptatus (a. C. 1370.) petentibus Polonorum legatis, & Ungarorum proceribus, ut regnum susciperet, (quanquam postea, victus ab oratoribus, annuit;) non satis intelligere, respondit, neq; hos, qui suadeant, nec illos qui petant: E neutrorum enim re id fore: Quemadmodū nec duobus gregibus expediat, unū habere pastorem; sic vix duas Respublicas sine alterutrius, aut etiam utriusque, malo atque incommodo, ab uno posse administrari, ut auctor est Cromerus lib. 13. Quid? quòd nec hujusmodi

jusmodi πολυπράγμονες immunes sunt ab aliorum reprehensionibus. Planum hoc fecit Corrozetus de dictis memorabilibus; exemplo Grebanni, Principis cujusdam Galliae; qui, cum Ludovicus XI. Rex, Balvo Erusiorū Episcopo potestatem dedisset Parisiis recensendorū militum, ægrè id ferens, à Rege censoriam petiit potestatem animadvertendi in Canonicos Erusios. Rege verò respondente, *alienam à messe falcem esse cohibendam*; Minimè verò, dixit. *Nam cum Episcopus nostrā messem fecerit suam, superest, ut nos ipsius nostram esse ducamus.* Diligenter item providendum bono Principi, ne cui, qui graviore aliquā injuriā affectus est, aut saltem se affectum esse existimat, magni momenti res committatur. *Tanta enim cupiditas est in animis hominum ulciscendi, ut in omnes temporū occasiones excubent; eāq; oblata, occultatam diu iram effundant.* Documento est apud Justinum lib. I. & Herod lib. I. Harpagus, cujus filium in ultionem Cyri senioris interfecit Astyages, rex Medorum, eumque patri epulandū apposuit. Hic, dolore ad præsens tempus dissimulato, odium Regis in vindictæ occasionem differens, cum Cyro, ubi adolevit, clam conjuravit, eumque ad bellum stimulavit. Astyages, meriti in Harpago oblitus, belli huic summam committit, qui traditum sibi exercitum ilicò Cyro dedit, Regisq; ita crudelitatem, perfidiā defectionis est ultus.

Sic & Conradus, Dux Glogoviensis, bellum adversus Henricū Lignicensem animo versans, cum se illi viribus imparem esse intelligeret, ut incautum dolis circumveniret Luticum unum de familiaribus & consiliariis Henrici, gente Habdancum, donis ac promissis ad proditiōē Heri induxit. Hujus patrem Pacoslaum, gratiā & favore Principis insolentem, Henricus olim capite plecti jusserat, quod is homicidii reus crimen, frustra dissuadente iudice, gloriabundus fateretur. Hunc tamen Lutici dolorem lenierat postea Henricus, plurimis & magnis in eum collatis beneficiis; sed cum faces Lutici animo subderet Conradus, effecit, ut plus apud eum valeret vetus dolor, quā tot recentia beneficia. Fortē in balneo ad Oderā haud longē ab arce Vladislaviensi, corpus curabat Henricus, (*an. C. 1295.*) advolat eō Luticus cum armatis, & Henricum nihil tale suspicantem, nudum ē balneo extrahit, viliq̃ue pallio tectum, atque equo impositum, continuato nocte dieque cursu, Sanvoëthum, quod in ditione Conradi erat, asportat. Inde miser Henricus vinctus, Glogoviam perductus, in angustum vas ferreum est conclusus, in quo duo erant foramina parva, alterum, quo cibum sumeret, alterum, quo alvum purgaret. In eo sex totos menses asservatus, nec jacere, neque sedere potuit; ad extremum eō miseriarum redactus est, ut jam tabescente corpore, sanies & vermes

de sca-

de scapulis & femoribus ejus scaturirent; quibus malis victum, durissimis tandem conditionibus Conradus dimisit, ut author est Cromerus lib. 10.

Minimè verò omnium à Principe prostitui debent, & divendi magistratus, quod ab Helio-gabalo factum scribit Lampridius, qui honores & dignitates tam per se, quàm per omnes servos vendidit.

Nec enim plus divitiis, quàm virtuti tribuendum, secundùm Platonem lib. 5. de Rep.

Respublicæ quoque amittunt splendorem suum, populo pecuniâ & donis corrupto, & ipsa magistratus dignitas atque authoritas vilescit; quandoquidem, ut Gregorius ait epist. 116. *Nemo sceneratur id, quod venditur. Nemo enim vile esse putat, quod emit.*

Adhæc cùm jure venditur, quod prius emptum fuerat, fit, ut dominetur pecunia, non prudentia quæstus, non virtus; cui assuescere probabile est Magistratus, qui emerunt dignitates. Unde rectè Alexander Severus Imperator, teste Lampridio, ejusmodi nundinationes prohibens, *neceesse esse* dixit, *ut qui emit, vendat, & qui rem familiarem emendis dignitatibus exhausserint, aliunde lacunas suas expleant.* Quem in modum & Ludovicum XII. Galliarum regem dicere solitum ajunt; eos, quòd a versione emissent, singillatim postea vendere. Utique enim fieri non potest, ut qui

similia officia administrant, puris putentur manibus, & à prædâ abstineant, nisi quoque ipsi gratuita officia acceperint, ut Justinianus ait novellâ Constitutione 8.

Pessimè igitur cum eo regno agitur, in quo præsides, præfecti, judices non ad beneficium, sed pretii magnitudinem leguntur; siquidem hoc modo improbi ferè ad clavum sedebunt, & honesta paupertas ab omni dignitate civitatis excludetur. Estque turpissimum audire, quod de Româ Jugurtha olim dixit: *O urbem venalem, cito perituram, si emptorem invenerit!* ut est apud Salust. Quantò verò laudabilius Alexii Angeli illud factum, qui suscepto Imperio (anno Christi 1203.) proclamari jussit; *Magistratus sese non venditurum, sed delectu ex optimis habito, gratuito mandaturum*, teste Nicetâ lib. 2.

Quò spectat quoque illa constitutio, in publico regni Galliæ Concilio (anno Christi 1561.) sub Carolo IX. Aureliæ habito, facta; quâ ventum fuit, ne officia venalia essent, sed conferrentur à Rege (nominatione factâ ab amplissimis cujusque loci civibus) spectatæ probitatis & doctrinæ viris; de quorum scientiâ ac peritiâ extemporale examen fieret, priusquam admitti possent; ut author est Antimachiavellus libr. 3. theorem. 24. Sed & judicum atque magistratum, qui juri dicundo præsent, prudens Princeps cavebit multitudinem; utpote quam Reipublicæ

publicæ minùs commodam atque utilem esse, modicum verò numerum salubrem, vel ipsius naturæ judicio facilè intelligi potest. Etenim si quæstio, in judicium quæ venit, ardua non est, quorsum, quæso, opus pluribus judicibus, cujus expediendæ unus suffecerit, integritate, innocentia & mediocri doctrinâ præditus? Deinde Princeps, qui juri reddendo multos magistratus instituet, vel multiplices judicum gradus sive ordines, vel multos eodem gradu & pari dignitate juridicos statuatur, necesse est; si multos gradus judicum fecerit, judicia haud dubiè longiora & perturbatiora erunt, non sine litigantium jacturâ; quippe quos per longos circuitus circumduci, & variorum judicum tribunalibus adeundis, per multiplices instantias, veluti gradatim ascendendo, fatigari oportet. Si multos eodem gradu & dignitate legerit, (quod ante statutum illud Concilium Aureliæ habitum, in Gallia factum, scribit Antimachiavellus, ubi præsidiales sedes fuerant institutæ, veteribus consiliariis in Parliamentis ascripti novi; multi denique præpositi, aliique juris ministri creati) tantum abest, ut tanta judicum turba jus meliùs atque promptiùs reddat; ut etiam longiorem litium seriem, majoresque sumptus afferat. Nam ut plures unum in locum conveniant, & sententias ordine dicant, multum temporis consumi necesse est; imò &, secundum poëtam,

Segnius expediunt commissa negotia plures.

Postremò non satis est, ut bonorum judicium delectum habeat Princeps, sed etiam operam dabit, ut *σωφροσύνη* judiciale ex diversis ordinibus salubri & concordi temperamento sit mixtum & conflatum; quo Romanos quondam in creandis magistratibus usos fuisse legimus, qui non tantum nobiles & patricios, sed equites quoque & plebejos ad honores promiscuè admitterebant, *ne pars una civitatis ab alterâ fastidiri videretur; ipsiq; magistratus nec summis, nec infimis suspecti essent.* Quod ex Marci Valerii, prudentissimi senatoris, & fortissimi Ducis patet oratione, apud Dionysium Halicarnassæum lib. 7. Vix aliud, inquit, utilius est ad salutem Reip. tuendamque libertatem, quàm assumi plebem ad res gerendas, & Reipubl. administrationem ita temperari, ut nec penes solos optimates, nec solos plebejos sit, sed utrinque mixta. Sic enim potentiores senatores, novatis rebus, in prudenti civitate dominationem tyrannicam non inferrent. Quandoquidem, si quis in senatu aliquam factionem paraverit, die per tribunos dictâ, cogetur rationem factorum & inceptorum plebi reddere; & quò major terror legum transgressoribus, morumque corruptoribus propositus fuerit, superbis & avaris hominibus multos adhibendo observatores & custodes; tantò meliùs constitutam habebimus Remp.

Sic & Josaphatus, rex Judæorum, per omnes
urbes

urbes & oppida regni sui, lectos constituisset judices, Hierosolymis *סניד עיון*, seu Parlamentum quoddam instituit, ex præcipuarum regni familiarum Principibus compositum; qui supremæ jurisdictionis gradum tenerent, & cognoscendi de causis appellationum, à sententiis inferiorum judicum, litiumque sine provocatione finiendarum, summum jus haberent, 2. Paral. 19. & apud Joseph. lib. 9. Antiq. c. 1.

F L O S X I V.

Judex templum esto innocentiae, ara justitiae, sacrarium temperantiae, promptuarium prudentiae.

THeodoricus Veronensis, Italiae rex, apud Cassiodorum lib. 1. ep. 12. judicem suum sic instruit: Esto innocentiae templum, temperantiae sacrarium, ara justitiae; absit à judiciariis mentibus aliquid profanum. Quod præceptum non dissentit à Jethronis, Moïsi soceri, consilio, de legendis in magistratus viris, Dei timentibus, veritatis amantibus, & qui avaritiam odissent, Exod. 18. Primum ergo necesse est, judicem virum esse bonum, & omni virtute, in primis verò pietate, instructum. *Judex enim Dei metuens, eumque serio*

cordis affectu amans, proximum quoque, tanquam seipsum diligit; cavebitque sedulo, ne in functione muneris sui quicquam adversus ipsum committat, quod in se factum nolit; insuperque actiones suas, velut in tabellas referet, tanquam earum rationem summo illi Principi ac domino redditurus. *Nec enim hominis, sed Dei exercet judicium, 2 Paralipom. 19. qui rationem ab ipso exiget, juxta Salomonis Sapientiam cap. 6. Et idem Salomon Proverb. 28. Viri mali, inquit, non cogitant judicium; qui autem inquirunt Dominum, advertunt omnia.* Imò & pietate sublata, fides, quæ justitiæ fundamentum, tollitur, secundum Ciceronem lib. 2. de naturâ deorum, & Offic. 1. Unde non sine causâ veteres olim, teste Platone lib. 6. de ll. forum judiciale templis volebant esse vicinum. *Nam & templum sanctum Deo est, mens pii, & altare optimum, cor mundum, & sine peccato, inquit Xystus Pythagoricus in Enchiridio.* Debet igitur vir bonus (quo nomine à veteribus sæpè non aliud, quam judex intelligitur,) proprias virtutes perpendere, & pro qualitate virium curam aliorum suscipere; ne, dum delectatur loco gloriæ, fiat subditis author ruina; & qui gravatur pondere suarum, velit fieri judex alienarum culparum. *Durum enim est, ut, qui nescit tenere moderamina vitæ suæ, judex fiat alienæ, ut pulchrè scribit Gregorius*

gorius in Ecclesiast. cap. 7. Cui & divus Ambrosius suffragatur sermone 20. *Judicet*, ait, *ille de alterius errore, qui non habet in seipso, quod condemnet*; *judicet ille, qui non agit eadem, quæ in alio putavit punienda; ne, cum de alio judicat, in se ferat sententiam. Nec enim potest ullam auctoritatem habere sententia, ubi, qui damnandus est, damnat*, inquit Seneca lib. de remediis fortuitorum: Et hoc ipsum quoque judicis parit contemptum, quo nihil studiosius fugiendum judici. Si enim non patimur verrucas nostras ab iis, qui ulceribus scatent, reprehendi; quantò minùs vitia à similibus condemnari? Unde rectè Athenienses, in Areopagum ascensuros, triplici priùs *doctrina* probarunt, ne quid viti orum in iis maneret. Verè igitur

Sic agitur censura, & sic exempla parantur,

Cum iudex, alios quod monet, ipse facit.

ut Ovidius canit Fastorum libr. 6. & Epictetus apud Stobæum sermone 9. *Minimè in judiciis, inquit, delinques, si ipse in vita tua delicta caveris.*

Quemadmodum autem vera trutina neque à bonâ & concinnâ corrigitur, neque per falsam examinatur; sic etiam justus iudex neque à justis castigatur, neque apud injustos judicatur. Quocirca sicut ignem oportet esse calidum, ut urat, ita & iudicem justitiâ

oportet esse indutum, ut eam reddere queat aliis, authore Philone in lib. de iudiciis. Hæc enim virtus animæ est, & quasi spiritus iudiciorum, ab ipso Deo severè mandata iudicibus, Deut. cap. 17. *Judices, inquit, & magistros constitues in omnibus portis tuis, qui iudicent populum iusto iudicio, nec ius inflectant.* Et in Salomonis Sap. cap. 1. *Diligite iustitiam, qui iudicatis terram.* Et Proverb. 17. *Abominabilis coram Domino, qui iustificat impium, & condemnat iustum.* Sic & Ægyptiis Regibus, ex præscripto legis antiquæ, moris fuit, iudices mox futuros iurejurando adigere; *ne si rex quidem iniusti quippiam injunxisset, à virtutis medio declinatu- ros, nec lineam omnino, quod dicitur, moturos,* teste Plut. in Catone minore. Et rectè. Iudici enim conscientie religio & muneris sui fides Regis sui gratiâ charior esse debet. Documento sit Helpidius præfectus urbis Constantinopolitanæ; cui, cum coram innocentem quendam torquere Constantius Imperator præcepisset; *hò magis æquo, quàm magno animo* abrogari sibi potestatem oravit; & hæc potioribus aliis ex sententiâ Principis agenda permitti, teste Ammiano Marcellino lib. 21. Omnino enim, etiamsi reus plurium testimoniis vincatur, iudex verò sciat, rem aliter se habere; *potius personam & officium suum debet deponere, & pro veritate testimonium dicere,* ne quis innocens aut indefensus opprimatur. Siquidem
sacra

sacra pagina, etiam muti causam agendam esse, docet Prov. 31. Extra talem tamen casum, judex juxta allegata & probata judicare tenetur. Idem Plut. lib. de vitiosâ taciturnitate testatur, fabulam de Bochoro, Ægyptiorum rege, jactatam fuisse; quòd, cum esset naturâ gravis & austerus, Isis illi aspidem immittere solita sit, quæ capiti circumvoluta supernè hominem inumbraret, ut ostento eo territus, nisi de causâ jam comperitâ, & certis argumentis deprehensâ, rectè judicaret. *Tam diu autem judex dicitur, quamdiu & justus putatur*, inquit Cassiodorus in epist. quia nomen, quod ab equitate sumitur, per superbiam non tenetur. Unde & apud Aristotelem lib. 5. Eth. c. 4. ad judicem ire, nihil aliud est, quàm ad jus ire. Sunt autem justitiæ in judice, quæ requiritur, septem potissimùm quasi propagines.

Ac primò quidem veracem eum esse oportet, & cum omne mendacium odisse, tum verò maximè sycophantarum calumniis & assentionibus aures occlusas habere. Quod Deus ipse apud Prophetas severissimè præcipit, Zach. 7. *Judicium verum judicate: & iterum cap. 8. Veritatem & judicium pacis judicate in portis vestris: & Jerem. 21. Judicate manè judicium, & eruite vi oppressum de manu calumniantis.* Judicis ergo est, *semper in causis verum sequi;* ait Cicero Offic. 1. Apud Ægyptios ex ejus collo, qui inter judices primarium obtinebat locum, numinis imago

pendebat, è gemmis & auro confecta; quod Numen ipsi veritatem nuncupabant, innuere volentes, *judicis cordi oriq; veritatem inesse, semper debere*, teste Æliano lib. 14. & Diodoro libro 1. capite 6. Qui eodem lib. 1. cap. 4 narrat, in Simandii, regis Ægyptiorum, sepulchro, ab unâ muri parte, judicum stetisse signa triginta numero absque manibus, eorumque Principem ita constitutum, ab ejus ut collo suspensa propenderet veritas, ipse autem esset oculis subclausis, librorum cumulo circumjecto, ceu veritas modò sit inspectanda. Deinde *aqualiter utraque pars est audienda*. Sic enim, teste Senecâ lib. 2. de irâ, cap. 29. *magis veritas elucet, quò sæpius ad manum venit*. Etenim, ut Plato scribit, *quo pacto quispiam aut jus rectè dicere, aut homines decenter judicare poterit, qui non utrumq; litigatorem audierit?* Sermones enim, ut purpura & aurum, melius *dijudicantur, si invicem conferas*.

Nam quam ob causam aliam vel dicendi tempus utrique conceditur adversario, aut cur judex utrumque se similiter auditurum jurat, nisi existimaret legislator, causas hoc modo justius & melius à judice disceptari posse. Unde & Siracides in Ecclesiastico cap. 11. *Antequam scruteris, ait, ne reprehendas; intellige prius, & tunc increpa; antequam audieris, ne respondeas*. Etenim

Etenim ut eleganter & appositè Lyfias dixit, si quidem fieri posset, ut, quod justum, aut justitiæ consentaneum est, ex priori sive præcedente oratione cognosceretur; utique nihil opus esset, reos causam suam ipsos dicere, sed indictâ causâ supplicia subeundo mori: veruntamen quandoquidem nonnunquam ita contingere atque usuvenire potest, ut accusatores sepositâ veritate mendacia dicant, sanè convenit, ut auditâ utrâque parte ita demum justitiæ feramus suffragium.

Utiq; enim, juxta Ammianum Marcellinum libr. 15. *nec visum hominem, nec auditum damnare, nefas ultimum est.* Respondendi itaque altercandique potestas patet, inquit Tertullianus in Apologetico, quando nec liceat inauditos & indefensos omnino damnari. Hinc rectè Seneca in Medea:

*Qui statuit aliquid parte inauditâ alterâ,
Æquum licet statuerit, haud æquus fuit.*

Quocirca in utraque parte audiendâ judex fidem & diligentiam præstet, exemplo Alexandri Magni, qui, cùm in causis, præsertim capitalibus, sederet judex, accusatori aurem occludebat alteram, ut reo eam conservaret integram, teste Plutarcho in ejus vita.

Apud Athenienses etiam, Heliastæ judices, ita jurabant: Audiemus æquè accusatorem

& reum, teste Demosthene in Timocratem. Juramentum item magistratuum & judicum extat in Justiniani Imperatoris Constitutione, Novella 9. *Æquum me utriq; parti, tam in disceptandis cōtroversis, quàm tuendâ disciplinâ publicâ, prebebo; neutri parti prater jus & fas addictus ero. Quod si hac non observavero, omnibus incommodis ero expositus, tam hîc, quàm in futuro seculo, in horrendo judicio magni Dei, & salvatoris nostri Jesu Christi; habebog; partem cum Judâ, & lepram Giezi, & tremorem Cain; insuperq; pœnis, quæ lege continentur, ero subjectus. In duodecim quoque tabulis, teste Gellio libr. 13. c. 2. lex extat; Ante meridiem causam conscito, cùm perorant ambo præsentes; post meridiem præsenti litem addicito, si ambo præsentes; sol occasus suprema tempestas esto.*

Ἀποφάσις quoque justus judex fugiat, & avaritiam omnium malorum matrem & radicem, quâ nullum vitium tetrius est in iudice, cæterisque Remp. gubernantibus. Quoniam habere quæstui Remp. non modò turpe est, sed sceleratum etiam & nefarium, inquit Cic. Off. 2. Sed nec ullum officium tam sanctum est atque solenne, quod non avaritia comminueret atque violare soleat; ut idem loquitur in oratione pro Quintio; utpote quæ sola, ut in veteri est oraculo apud Suidam, perdit Spartam, non ornat; & non modò singulos homines, sed universas quoque familias

familias evertit, totamque labefactat Rempubl. Unde non absque ratione sacra pagina judicem munera accipere prohibet; utpote *qua oculos sapientum excacant, & causas justorum judicii que semitas pervertunt*, Exod. 13. Deut. 17. & Prov. 17. vel, ut Cic. loquitur Verrinâ secundâ, *judiciorum religionem veritatemque perfringunt*; imò & dira illis minatur, qui pro muneribus impium justificant, & pauperes in judicio opprimunt, Esa. 5. & 10. Quòd si qui rectè judicat, & præmium inde remunerationis expectat, fraudem in Deo perpetrât; *quia justitiam, quam gratis impertiri debuit, acceptione pecunie vendit*, ut Isidorus ait libro 3. de summo bono, c. 58. Quàntò magis judices nequam & pravi, qui cupiditatis causâ aut differunt, aut pervertunt judicium, quo usque marsupia eorum, qui causantur, exhauriant. Cujusmodi pravi & avari judices fuerunt Ophnis & Phineas, Samuelis filii, qui muneribus corrupti, perverterunt judicium, 1. Reg. 8. Callistratus item in Atheniensium Rep. quem judiciarias exactiones supra modum auxisse, tradit Aristoteles, citante Suidâ. Et Romani illi judices; quibus Publius Clodius, ut incesti crimine, in Bonæ deæ sacris commissi, nocens, reus absolveretur; noctes, matronarum & adolescentium nobilium magnâ summâ emptas, mercedis loco erogavit; ut author est Valerius Maximus lib. 9. c. 1. Statenus senator, qui cum judex esset, in eodem judicio ab

Q

reo pecuniam accepit, quam iudicibus divisit; & ab accusatore, ut reum damnaret; teste Cic. O. rat. 2. in Verrem; Felix deniq; Judææ præses, qui, cum Paulum Apostolū in vinculis captivū haberet, magnū aliquod mun⁹ ab eo sperans, frequenter ad se vocabat: sed cum pecunia nulla offerretur, Festo successori suo victū reliquit, Act. 24.

Rectè igitur hujusmodi iudices corruptos lege Juliâ repetundarū teneri, Marcellinus J. C. res respondit, & Imperatores Gratianus & Valentinianus rescripserunt, l. 3. ff. ad l. Jul. repetund. & l. omnes. C. cod. *Judicium .n. simile esse debet castæ virgini, ideoq; longè hinc amovenda corruptela & largitiones*, secundum Platon. lib. 12. de ll. *Gladius namq; conditur, ubi aurum suscipitur*; scribit Cassiodor. lib. 2. ep. 1. Atq; ita consequenter crescit peccantiū libido, ubi redimendi spes datur, & facile ad culpā itur, ubi venalis est innocentium gratia, inquit Arnobius lib. 3. adversus gentes. Apud Thebanos olim publicæ judicū statuæ fingebantur absq; manib. & clausis oculis, quòd nec munera recipere, nec oculos in cujusquam gratiam deflectere debeant, teste Plut. in libello de Iside.

Nam & à iudice *μεσωπολησίαν* procul abesse præcipit Deus Deut. 1. & 16. & ut eruat vi oppressum de manu calumniantis, Deuter. 18. & Jer. 21. Unde rectè Archytas; *Judicem & Arā idem esse*, dixit: *ad utrumq; siquidem confugiunt, qui injuriæ afficiuntur*, sentiens, tales oportere esse iudices, qui oppress-

oppressis sint præsidio, ut Arist. refert Rhet. lib. 3.

Ita namq; cōparatum est, ut dives citò corrūpat judiciū, pauper a. dū non habet quod offerat, nō solūm audiri contemnatur, sed etiā contra veritatem opprimatur, quod Isidor. scribit lib. 3. de summo bono. Quemadmodū igitur sol nō alius est pauperi, quā diviti, sed omnib. cōmunis: ita & iudex nō personā, sed rem spectare debet, si ritē suo fungi velit officio. *Tamdiu n. iudex dicitur, quādiu & justus putatur.* Iniqui v. iudices errant à veritate sententiæ, dū intendunt qualitātē personæ, & justos sepē exulcerant, dum improbē defendunt iniquos, ut ibid. scribit Isidor. Quisquis igitur es iudex, juxta fidele cōsiliū à Hieronymo datū Damaso, alienū te à personis omniū redde in iudicio, ac ppter justitiā in iudicio pauperem defendas, nec propter gratiā diviti indecenter assistas; aut si non potes facere, cognitionem respue causarum. Quemadmodū n. sol ad animū libertatis studiosum cōparari potest, sic homo alien⁹ ab avaritiā, nec ulli rei mancipatus, sed ingenuus neminis personā acceptat; non excelsō loco conspicuos metuit, neminē formidat; dixeris eū esse volucrem aquilā, celerē, sublimia perentē, nullis reb. terrenis addictam. Sic si purā habeas mentē, & lucri superiorem, si donorū captione animum non sordidaveris; Reges non formidabis, plebem non reverberis, non eximios, & magnā potentiā præditos metues; scribit Constantinus Manasses in Annalibus suis, pag. 91.

364. *Florum politico-historicorum*

Quatuor nempe modis, eodem teste Isidoro, dicto loco, iudicium humanum pervertitur; timore, dum metu potestatis alicujus veritatem loqui pertimescimus; cupiditate, dum præmio animum alicujus corrumpimus; odio, dum contra quemlibet adversa molimur; amore, dum amico vel propinquo complacere contendimus. Quàm verò grave sit, vel odio, vel amicitia, vel metu, vel munere, vel quolibet modo, iudicium pervertere, testatur divus Hieronymus in Amos cap. 6. his verbis: Quicumq; aut consanguinitate, aut amicitia; & econtrà, vel hostili odio, vel inimicitia, in iudicando ducitur, pervertit iudicium Christi, qui est justitia; & fructum illius vertit in amaritudinem. Et divus Augustinus ad Casulanum; Quisquis, inquit, cujuslibet potestatis metu veritatem occultat, iram Dei super se provocat: quia magis timet hominem, quàm Deum. Quoniam ergo affectus justitiæ maximè obstant; siquidē juxta Senecam epist. 60. rem consilio & cogitatione videre non sinunt; (quemadmodum enim arquatis & veteriosis omnia lutea videntur, & febricitantibus amara, quæ dulcia; aliterq; omnibus de rebus ebrii, aliter sobrii judicant; idem quoq; putandum evenire iis, quorum animus affectu quodam occupatus est, ut Muretus scribit ex Varrone in oratione de iudicandi munere;) ideo omnes oportet affectus in tribunalis vestibulo exui; & ideo quoque solent
judices

judices sedere, ut tranquillitatis animi admoneantur. Hanc eandem ob causam Areopagitæ, litium controversias non interdium, sed noctu & obscurâ luce judicabant, ut procul ab omni affectu, qui animos in diversum agit, ferre possent judicium.

Non enim ignorabant, hominis aspectu, cultu, vestitu, gestibus item moveri interdum judicem, ut à justitiæ & æquitatis tramite decedere cogatur. Lege item apud eos cautum fuit, ut, qui causam diceret, nec præmio uteretur, nec ad miserationem aut invidiam judices adduceret, *ne cui plus in misericordiâ, quàm in causâ spei esset*; ut ex Luciani Hermotimo, & Anacharside hæc refert Alexander ab Alexandro lib. 3. dierum genialium c. 5.

In primis autem ab irâ sibi caveant, quorum judicandi munus est, utpote cum quâ nihil rectè fieri, nihil consideratè potest. *Quæ enim cum aliquâ perturbatione fiunt, nec constanter fieri possunt; nec ab iis, qui adsunt, probari*, inquit Cicero Offic. 1. Et iterum: *Prohibenda est maximè ira in puniendo*. Nunquam enim iratus, qui accedet ad poenam, mediocritatem illam tenebit, qui est internitium & parum. Cavendum est igitur, *ne major sit poena, quàm culpa*; ex Sen. lib. 1. de irâ cap. 16.

Malè vitæ necisq̃ue potestas, & ferrum irato committitur; nullus siquidem affectus vindi-

candi cupidior est, quàm ira, ut idem scribit eodem libro cap. 12. Rectè itaque præcipiunt, qui judices ita sententias volunt dicere, ut illi, qui aliis medentur, pharmaca adhibent, & interim ægrotto non irascuntur; aut ut leges, quæ ad leges non iracundiâ, sed æquitate ducuntur; ut iidem scribunt authores dictis locis.

Amor quoque, gratia & benevolentia, pestes sunt & venena judiciorum. Quemadmodum n. authore Quintiliano lib. 6. c. 3. *Amantes de formis nihil possunt judicare, quòd oculorũ sensum premat amor; ita amanti, secundum Aristot. lib. 2. Rhet. c. 1. is, quo de judicatur, aut nihil, aut parũ injustè videtur agere.* Rectè ergo Publius Rutilius, cum amici cujusdã injustæ petitioni resisteret, atq; is per summam indignationem dixisset; *quid ergo mihi opus est amicitia tuâ, si, quod rogo, non facis?* respondit, *imò, quid mihi tuâ, si propter te aliquid inhonestè facturum sum,* ut author est Valer. Max. lib. 6. c. 4. Sic & Themistocles, oratus à Simonide poëta, ut amicum, non adeò justam causam habentem, quàm commendatissimum haberet, respondit; nec Simonidem fore bonũ poëtam, nisi mensuram modumq; in canendis carminibus, quæ scribebat, curaret; neq; se bonum prætorem habitum iri, si legibus ac justitiæ alicujus gratiam præponeret, teste Plut. in apoph. Hinc & Cicero Offic. 3. Neque contra Rempub. inquit, neque contra jusjurandum ac fidem, in amici causâ vir bonus

bonus faciet, ne, si iudex quidem erit, de ipso amico. *Ponit enim personam amici, cum induit iudicis.* Nam si omnia facienda sint, quæ amici velint, non amicitia tales, sed conjurationes putanda sunt. Et pro Planco: Semper iniquus est iudex, qui aut invidet, aut favet; debetq; in iudicio imbecillis esse invidia.

Deniq; & metus à judiciis est submovendus, utpote qui vacuitatem rationis habet segnem, otiosam & perplexam; mentes oculosq; obtundit, animumq; perturbat, & alligat territum; unde & metum δειμα, h. e. ligamentum Græci dixerunt, teste Plut. in libello de superstit. Unde & metus tempore ratio omnis & consilium deest; teste Xiphilino in Pompejo. Et, secundum Curtium lib. 4. *Meticulosi ad deteriora credenda sunt proni, & opprimit leges timor;* quod Seneca dixit in Hercule furente.

Præterea, quia iustitia nihil est aliud, quàm τὸ νόμιμον καὶ ἰσὸν, hoc est, legale & æquale secundum Aristotelem lib. 1. Eth. c. 1. Ideo secundum leges iudicem judicare convenit. Bonus iudex (inquit divus Ambrosius sermone 20.) nihil ex arbitrio suo facit, & domesticę voluntatis proposito, sed juxta leges & jura pronunciat; statutis juris obtemperat, non indulget proprię voluntati; nihil paratum & meditatum domo defert, sed sicut audit, ita judicat; & sicut se habet negotii natura, decernit; obsequitur legibus, non

adversatur; examinat causæ merita, non mutat. Quemadmodum ergo architectus normam habet, ad quam dirigit ædificationis laborem, & rectum à non recto discernit: sic in judiciis oportet esse scriptas leges, tanquam normas immotas justæ & injustæ, quibus & regantur homines, & controversiæ dirimantur; ut est in oratione Æschini contra Ctesiphontem. Alioquin certè, ipsa experientiâ teste, nullus unquam controversiarum foret finis, *nisi legum autoritas, velut Gorgonis caput, litigantibus objiceretur.* Ubi igitur lex sine dubitatione plana est, non tantum injuria fit legi, si judex velit eam prudentior esse; sed etiam in majestatem peccatur, quia inferior potestas nequit abrogare superiores leges; ex quibus sententiam ferre ipse jurejurando tenetur.

Memoratu digna Biantis Prienæi in judicando integritas, qui damnaturus quendam ad mortem, lachrymatus est miseriam hominis, & meritò deplorandam fortunam. Quodam verò dicente; quid est, quòd defleas, cum in tuo sit arbitrio, condemnare aut liberare hominem? respondit, *necessarium quidem esse, natura condolare, à lege autem & justitiæ regulâ discedere, magis perniciosum esse,* teste Strabone libr. 9. Geographiæ c. 14. & Stobæo serm. 44.

Quoniam verò omnia legibus comprehendere nequeunt, quod eruditè monet Aristoteles lib. 5. Ethic. c. 10. ideo ad mentem legislatoris est attenden-

dendum, & ad omnes circumstantias, quæ commodam legis subministrant interpretationem; an exasperanda sit, an mitiganda; & inprimis cavendum, *ne summum jus summa sit injuria.* Quod & Cicero monet in oratione pro Cæcinnâ: *Scriptum sequi, inquit, calumniatoris est; boni verò judicis, voluntatem scriptoris auctoritatemque defendere.*

Quæ lex enim, quod senatusconsultum, quod magistratus edictum, quod testamentum non infirmari aut convelli potest, si ad verba rem deflectere velimus; consilium autem eorum, qui scripserunt, & rationem & auctoritatem relinquamus?

Non enim ex verbis totum pendet jus, sed verba serviunt hominum consiliis & auctoritatibus; nec verba veniunt in judicium, sed ea res, cujus causâ verba in leges conjecta sunt. Æquitas igitur assumenda, ubi probabilis est ratio mitigationis; veluti, si ex casu & errore peccatum, si ex communi hominum imbecillitate, si semel tantum, si inculpabilis antea vita, si publica tranquillitas privata commoda negligi postulet. Tunc enim non audiendi sunt ἀνερгодίκατοι, qui strictum jus æquitati præferunt, sed semper facienda interpretatio in benigniorem partem, quæ scil. tendit ad liberandum, non ad obligandum; quod & Salomon præcipit Prov. 30. Noli nimium justus esse, ne pereas in justitiâ; qui enim nimium

emungit nares, elicit sanguinem. Unde & secundum Heliodorum lib. 10. iudicem legitimum definimus eum, qui aequitatis patronus ac defensor.

Illustratur hoc exemplo Jacobi Carrariensis, Principis Patavini, sicut à Bernardino Scardeonio recēsetur lib. 3. classe 13. descriptionis Patavii. Hoc, inquit, tanti viri postremū facinus minimè tacendum est, quod in novissimo penè spiritu dignum memoratu fecisse perhibetur. Nam factū sui potestate omnibus, quicunq; queri de se vel-
lent, laxatis forib. liber aditus patebat; ut, si forte aliquā in re quempiam defraudasset, præsens ipse indicaret, redditurus quicquid injustè acceperat. Interim cū omnes ejus dicta factaq; maximè approbassent; quidam arroganter petiit, pecuniam ob remissam sibi capitis damnationem restitui, tanquam indebitè solutam. Cui Jacobus generoso spiritu, sed exili voce: (animam enim exiguā vitæ spe jam trahebat) Si tunc justitia in te reddita fuisset, respondit, nunc quod injustè facis, queri de me non posses. Nam capitalis criminis reus eras factus, & ejus pœna in pecuniā, non in tuam, neq; in meam, sed in Reip. gratiam cōmutata est. Quare abi bone vir, & qui hacten⁹ malus fuisti, mutatis in melius moribus, vir bonus esto: Cū, si pecunia reddatur tibi, tu quoq; caput (quod aequū est) pariter reddas, necesse sit; id n. eā pecuniā redemisti. Nullius ego mihi peccati propterea malè conscius sum, nisi
forte

fortè quòd mitiùs, quàm merueras, multatus fueris.

Pari modo, cùm Carolus, Dux Burgundiæ (a. C. 1467.) pace cum Leodiensibus confectâ, ab iis obsides accepisset, eâ cōditione, ut, si quid contra pactiones facerent, integrū esset ipsi supplicium de illis sumere: Leodienses a. furente populo (ut est levis & inconstans,) immemores fidei datæ, violatâ pace, Carolū rursus ad arma concitassent; deliberatum fuit, quid de obsidibus statuendum esset? Multi putabant eos necandos, inter quos fuit Condæus, vir maxime authoritatis apud Carolum; obtinuisseq; tam crudelis sententia, nisi Imbercortus Ambianus Carolum ad mitiorem sententiam, quæ à majori parte consiliariorum, & quidē non immeritò, approbata fuit, flexisset. Cùm Condæus tam atrociter dixisset in obsides, qui simpliciter persuasi, & suorum fidem secuti, pro salute patriæ in eas angustias & discrimen devenerant; Ex nostris (inquit Cominæus lib. 2. de rebus gestis Ludovici XI.) quidā ad me tacitè; Vides, ait, Condæum, licet ætate sit gravis, firmā adhuc esse valetudine; sed ausim affirmare, quandoquidem adeò crudeliter sententiā dixit, intra annum esse moriturum. Atq; ita quidem accidit. Meritò a. in hoc mitior obtinuit sententia, quia absurdum est, innocentes condemnari; leges autem præcipiunt, quòd poenæ suos tenere debeant authores, *l. sancimus. C. de poenis.*

Denique judicum quoque sententiæ mandandæ sunt executioni; *alioquin enim satius esset, non proferri leges, quàm prolatæ non obtemperari*, inquit Aristoteles lib. 3. Polit. c. 8. Nec ullus Reip. est usus, quæ non habet nervos adversus delinquentes. Hinc enim oritur legum contemptus, despicientia magistratus, civium petulantia, rebellio & defectio; *cùm deteriores omnes simus licentiâ*. Imò, ut scelera puniantur, legis divinæ interest; *Dei siquidem est judicium*, Deut. 2. Unde Lactantius lib. de irâ Dei; *Judex peccatis veniam dare non potest, quia voluntati servit alienæ; Deus autem potest, quia est sua dispensator atque judex*.

Et dignum est memoratu, ex Annalibus Galliæ, insigne Ludovici IX. regis Galliæ facinus, qui, cùm forte aliquando ex Psalmis Davidis preces ad Deum conciperet; & quidam, qui pro reo quodam capitalis criminis gratiam peteret, intervenisset, & Rex, quasi aliud agens, annuisset; mox verò in versiculum Psalmi 106. *Beati, qui faciunt justitiam omni tempore*, incidisset; protinus revocari jussit eum, cui gratiam concesserat, eamque irritam fecit, memorabili editâ sententiâ; *Principem, qui punire potest crimen, nec punit, non minùs coram Deo reum esse, quàm si id ipse perpetrasset: pietatis esse opus, non servitia, justitiam facere*. Utrique enim, qui parcit malis, nocet bonis; & qui improbè defendit iniquos, sæpè justos exul-

exulcerat. Et qui injustè judicat, Dei justissimi judicis iram & indignationem in se concitat; qui ut justos judices adjuvat atq; protegit, ita injustos severè punit.

Pilatus, (ut hinc ordiamur,) Hierosolymorum præses, *non justum, sed ipsam damnavit justitiam.* Nec imprudens fecisse videri potest, quia, nisi injustè & impiè se facere sensisset, nunquam lotis manibus nefarii istius judicii expers credi voluisset; ceu quisquam, sibi sceleris conscius, aliquâ sui parte mundus esse possit. Sed dum Cæsaris timet offensionem, iram supremi Numinis sibi attraxit gravissimam, nefariæque in Christum sententiæ meritas dedit poenas (*an. Christi 40.*) ex sceleris conscientia violentas sibi manus inferens.

Sisamnes cùm, pecuniâ atque largitione corruptus, iniquè judicasset; eum Cambyfes, rex Persarum, faucibus strangulari, ac vellicato cadavere, pellem, quo federat, tribunali intendi ac consterni jussit: Quam in sedem postea ejus filium Othanem collocans; Memento, ait, quo ex loco judices, teste Herodoto libr. 4. Sic & Diodorus libr. 15. author est, sub Artaxerxe rege, judices quosdam injustos, similiter vivos excoriatos fuisse, & cute circum subsellia expansâ, judices eis insidentes, sententias dixisse; quò recens semper ante oculos supplicii exemplum extaret eorum, qui injustè judicassent.

27

Sandacem, Æolidis præfectum, quòd pecuniâ corruptus injustè judicasset, Darius cruci affixit, ut author est Alexander ab Alexandro lib. 3. dierum genial. c. 5.

Capito, cùm ab eo jus dicente reus provocasset, statim in sellam excelsiorem transfiliens, ita edixit: Age, dic causam apud Cæsarem; eumque causâ denuò cognitâ, damnavit. Hujus insolentia atq; iniquitatis accusatus apud Galbam Imperatorem, pœnas luit. Etenim à minore magistratu personam Cæsaris, summâq; potestatis nomen, & prerogativam usurpari, non leve est crimen, scribit Xiphilinus in Galba.

Apud Leonem Armenum Imperatorem, teste Cedreno, conquestus quidam, suâ sibi uxorem à senatore quodam raptam, idq; facinoris se ad urbis præfectum detulisse, neq; tamen suû consecutum. Leo statim imperavit sibi sisti actorem, tum reum tam atrocis flagitii, & urbis præfectû. Quo facto, actorem suam proponere causam, jussit; reum dehinc probationibus convictum, scelusq; professum, ex legibus puniendû dedit; præfectum deniq; interrogatum, cur flagitium dignâ pœnâ ultus non esset? cùm hic inops excusationis obmutesceret, munere suo exiit.

Andreas Isernius in c. 1. tit. quæ sunt regalia, narrat, Carolum primû, regem Neapolitanum, jussisse, ut suspenderetur judex, qui certo occisori pœnam hanc solûm indixerat, ut ei præscinde-

dere-

deretur manus; ut Bodinus scribit Dæmonomania c. 5.

Dominicus Polanus, Candiani filius, triumvir, ex advocatis Reip. Venetæ, à collegâ suo Antonio Pulduo (a. C. 1494.) accusatus acceptæ eo in magistratu à reis & litigatoribus pecuniæ; cùm senatus Venetus eum comprehendi, & ex vinculis causam dicere jussisset; ipse verò fugâ se judicio eripuisset; absens damnatus est, ut intra mensem se carceri dederet, Caniam Cretæ oppidum exulatum deportandum; quod si non faceret, comprehenso cervices abscinderentur, bonaq; publicarentur; magnis propositis præmiis iis, qui eum aut vivum magistratibus tradidissent, aut ipsi occidissent, ut Bembus scribit lib. 2. hist. Venetæ.

Strigelius denique in oratione de Josaphato, author est, præsidem Hispanicum, in quodam agri Mediolanensis oppido, mulieri promississe, redditurum se ipsi maritum, quem captivum tenebat, si cum ipso concumberet; ac postea deceptæ mulieri reddidisse interfectum; Gonzagam verò, summum gubernatorem Ducatus Mediolanensis, de hoc cruento sophistâ justum sumpsisse supplicium.

Porro summum quoq; justitiæ aculeum clementiæ melle temperare justus judex meminerit; nec ad pertinacem & temerariam propensus sit sævitiam; sed ad æquitatem respiciat, *ne major sit pœna, quàm culpa. Ubi enim fervida est vindicta, ibi non est temperata justitia.*

Parvis itaque peccatis veniam, magnis severitatem commodabit; *nec poenâ semper, sed sapius poenitentia contentus esse volet*; quod Tacitus scribit in Agricola. Præsertim in re dubiâ *sanctius esse decet, nocentem dimittere, quàm innocentem condemnare*; quod Marcellus J Cius scribit in l. ea quæ. ff. de regulis juris. & l. absentem. ff. de pœnis. Cui & Antiphon suffragatur; *Si peccatum est, inquit, in judicando, præstat fontes injustè absolvere, quàm præter fas quemquam perdere. Illud enim ἀγώνισμα, hoc ἀσέβεια*, ut est apud Stobæum serm. 44.

Sic & Augustus Cæsar, testibus Dione & Suetonio, *jus dixit non modò diligentia summâ, sed clementate*. Siquidem manifesti parricidii reum, ne culco insueretur, quòd non nisi confessi hac poenâ afficiebantur, ita fertur interrogasse; *Certè patrem tuum non occidisti? Et cùm de falso testamento ageretur, omnesque signatores l. Corneliâ tenerentur; nō tantum duas tabellas, damnatoriam & absolutoriam, simul cognoscentibus dedit; sed tertiam quoque, quâ ignosceretur iis, quos fraude ad signandum, vel errore inductos constitisset. Nimirū Regis omnia debent comparata esse ad benevolentiam & clementiam; quæ, teste Salomone Proverb. 30. thronum ejus stabilit.*

Postremò prudentes quoque sint judices, & rerum, de quibus sententiæ ferendæ, periti.

Pro-

Professionem nimirum constat esse justitiæ, ait Cassiodorus libr. 8. ep. 18. legum peritos iudices ordinare, *quia vix potest negligere, qui novit aequitatem: nec facile erroris vitio sordescit, quem doctrina purgaverit* Hinc rectè Ægyptii justitiæ picturam circumdabant libris, ut indicarent, se doctrinam in iudice requirere, teste Diodoro Siculo lib. 5. *Felices igitur artes, de quibus artifices judicant; & felices Respublicæ, in quibus à prudentissimis quibusque judicia exercentur.*

Est autem sapientis iudicis, (inquit Cicero pro Cluentio) *meminisse se hominem, & cogitare, sibi tantum esse permissum, quantum commissum sit & creditum; & non solum sibi soli potestatem esse datam, verum etiã fidem habitam esse, meminisse posse, quem oderit, absolvere, quem non oderit, condemnare; animadvertere, quã lege reus citetur, de quo reo cognoscat, quæ res in quæstione versetur. Cum hæc sunt videnda, tum illud est hominis magni iudicii atque sapientis, habere in consilio legem, fidem, religionem, aequitatem; libidinem autẽ & invidiam, metum, cupiditates omnes amovere; maximi æstimare conscientiam mentis suæ, quam à diis immortalibus accepimus, quæ à nobis divelli non potest.*

Hujusmodi sapientissimi iudicis exemplar proponunt nobis sacræ literæ 3. Reg. 3. in Salomone (*anno Mundi 2933.*) controversiam dirimente duarum muliercularum, quarum altera

filium suum dormiens oppresserat, & sociæ suæ filiolum vivum suffurata, mortuum in viventis locum reposuerat. Hæc controversia, ad tribunal Regis disceptata, cum non posset dirimi testimonio hominum; pro suâ sapientiâ Salomon accurrit ad testimonium operis divini, naturalem nempe *מִגְדָּלוֹ*, quâ mater liberos suos amplectitur: Gladio itaq; dissecari superstitem præcipit, & partes matribus distribui; non quidem, ut illo infans occidatur, sed ut maternus affectus effodiatur; quo foris se exerente, necem sobolis deprecando, retractavit sententiam; imò verò non retractavit, sed puerum matri suæ vivum adjudicavit; omnibus qui circumstabant admirantibus, quòd latentem veritatem prudenter inquisivisset & protulisset.

Similis ferè prudentiæ forensis exemplum à quibusdam memoratur in barbaro quodā Rege, qui tribus fratribus, de regni successionibus contendentibus. quod sibi & virtute, & patris defuncti benevolentia deberi pro se quisq; asserebat, consilium dedit, ut patris cadaver ex sepulchro erutum arbori alligaretur, arcuq; contenderent, ut, qui parentis cor sagittâ transfixisset, verus regni heres judicaretur. Major mediusq; natu, directis arcubus, ille quidem guttur, hic verò pectus medium, illæso adhuc corde, transfixit. Natu minimus, etsi spes adhuc scopū attingendi superesset, crudelitatem tamen & impietatem tantā detestatus.

ius, regno se fratribus cedere malle, dixit, quàm in patris cadaver impiè servare. Hoc audito, Rex ille barbarus dignum esse judicavit, qui solus patri in regno succederet; cùm & virtute, & paternâ benevolentia cæteris duobus se superiorem esse, hoc ipso manifestè ostendisset.

Similis prudentiæ forensis à naturali *συνή* ductæ, exemplum recitant Cicero pro Sext. Rosc. & Val. Max. lib. 8. c. 1. Quòd, cùm Romæ parricidii causam duo fratres Clœlii dicerent, splendido Tarracinæ loco nati, quorum pater Titus Clœlius in cubiculo quiescens, à filiis altero lecto cubantib. erat interemptus; neq; servus quisquam aut liber inveniretur, ad quem suspicio cedis pertineret; hoc uno nomine absoluti sunt, quòd iudicibus planum factum erat, illos aperto ostio inventos esse dormientes. Hic somnus, innoxie securitatis certissimus index, miseris opem tulit. Judicatum est enim, rerum naturam non recipere, ut occiso patre supra vulnera & cruorem ejus quietem capere potuerint.

Sic & Claudius Cæsar, teste Suetonio, fœminam non agnoscentem filiū suum, dubiâ utrinq; argumentorum fide ad confessionem compulit, indicto juvenis matrimonio.

Pari modo in Italia, cùm mulier, defuncto marito, secundas nuptias amatori spondisset, & conditionem addidisset, filiū se domo ejecturam; questus est filius de matre apud Theodori-

cum, regem Gothorum. Negabat constanter mulier, eum suum esse filium; supposititium dicebat. Multis hinc atque illinc argumentis cum contenderetur; Rex ingenio sagax, Claudii Imperatoris imitatione, ut veritatē erueret: Atqui, inquit, ô mulier potes, si me audis, facilè te istâ molestiâ liberare; quin tu juvenem istum, qui filium tuum se facit, maritum accipe; minor est ætate, & facie liberaliore. Mulier omnino commota primùm substitit, quid responderet; cum aliquandiu se collegisset, multis cavillationibus eam rem subterfugere, neq; sibi constare cœpit, sed omnia ambagibus involvere. Theodorico major orta est suspitio; itaque finxit, se pœnam addere, nisi consentiret. Tunc adacta mulier, sceleris horrore, suum esse filium confessa est, ut author est Johannes Magnus lib. 9. c. 29. ex Justiniano Veneto.

Sic & Alphonso adhuc adolescente, regnorum Siciliae & Hispaniae gubernacula (anno C. 1416.) in Arragoniâ suscipiente, accidit, ut cujusdã servula ex domino prægnaans facta, mox pariens ad libertatem proclamaret, ex lege Hispaniensi, sive Catalaunēsi; (quæ est: *Serva, quæ ex domino liberos suscepit, libera est.*.) Dominus autem veritus servam amittere, negabat ex se filium procreatum; ratus, se hoc pacto servam non amissurum, & filium simul habiturum. At illâ acrius instante, & natum ex domino conceptum asseve-

rante;

rante, cùm ejus rei difficilis probatio, & veritatis periculosa conjectura esset in ancipiti; Alphonsus pro suâ prudentiâ, quæ jam inde ab adolescentiâ statim resplenduit, decrevit, ut infans sub licitatore venundaretur. Cùmque uni, qui majus premium attulisset, infans traderetur; pater pietate victus, à lachrymis temperare nequii, & suum esse filium, falsus est. Quare Rex & patri filium, & servæ libertatem non cunctanter adjudicavit, teste Panormitâ libr. 2. de rebus ejus gestis, & Fulgoso lib. 7. c. 3. Bodinus lib. 4. dæmonomanie c. 4. scribit, Alphonsum mandasse, ut mercatori Afro filius venundaretur, & tum filium à patre fuisse receptum.

Similis prudentiæ forensis exemplum recitat Æneas Sylvius libr. 2. comment. de rebus gestis Alphonsi, in Friderico III. Imperatore; ad quem cùm rusticus venisset, conquestus, equorum alterum in cauponâ ex bigâ subtractum esse furto; Imperator reum sibi indicari jussit, rusticus cùm hoc nequireret; Miror, inquit Fridericus, cùm etiam alterum non amiseris. Multi enim sunt in hac urbe equites, qui equis indigent. Tum agricola, equa est altera, ô Cæsar, quæ belligerantibus nulli est usui. Tu ergo, ait Fridericus, equæ infideto, atque in omnes urbis vicos discurreto; subtractus equus in aliquo stabulo latitat, qui, cùm jugalem equam senserit, mox hinnitum dabit. Paruit homo, eoque pacto furtum compertum

est; rusticus, quod suum erat, recuperavit, & fur pœnas dedit.

Non multum dissimilem historiam recenset Johannes Paulus in Jocoseriis, de mercatore Germano, circa annum Christi millesimum quadringentesimum sextum, ad mercatum Francofurtensem profecto; qui vino madidus, hippoperam, octingentis aureis onustam, in itinere amiserat; hic die festo pro concione jacturam istam proclamari fecit, & indici centum aureos se daturum promisit. Tum faber lignarius, pauper quidem, sed integræ vitæ, mercatorem adiit, & à se repertam hippoperam affirmavit: Lætus mercator certis indiciis suam illam esse ostendit. Cumq; ea coram testibus in medium prolata esset, mercator astu fabrum circumvenire studens, octingentis aureis numeratis, quinque honorarii causam ei obrulit; centum clam ab illo suppressos dictitans, cum nongenti in hippopera inclusi fuissent. Re ad judices delatâ, cum mercatoris verutiam perspicerent; jurejurando utrique dato, cum alter octingentos tantum se reperisse, alter nongentos se amisisse, Deo teste advocato, profiteretur; decrevere, ut faber octingentos illos servaret, quoad is, qui eos amisisset, repeteret; nongentos verò mercator ab eo peteret, qui se nongentos reperisse aliquando fassurus esset. Et meritò. *Jus enim exigit, sagittas fraudis redire in dolosum verticem sagittantis,* inquit Cassio-

Cassio-

Cassiodorus libr. 5. epist. & Siracides in Eccles.
c. 27: *Qui lapidem in sublime ejaculatur, capiti suo
periculum accersit; & qui foveam alteri fodit, in
eam ipse incidet.*

Sic & Alexander Medices, Dux Florentinus,
cùm quidam, amisâ bursâ cum 40. aureis, pro-
misisset, se duos aureos indici daturum; at rustico
bursam afferenti quicquam dare negasset, quòd
duo coronati de summâ deessent; (42. enim in
bursa fuisse, nunc 40. tantùm reperiri,) improbi-
tate hominis cognitâ, bursam cum 40. rustico
restitui jussit; & alterum, qui amiserat, expectare,
donec veniret, qui bursam cum 42. illi offerret.
Hanc n. quæ 40. tantùm contineret, illius nō esse.

Præter hæc prudentiæ forensis exempla, de-
sumpta partim à testimonio operis divini, natu-
ralis nempe *regni* & conscientiæ; (quippe cujus
magna vis est in utramq; partē, ut neq; timeant,
qui nil commiserint, & pœnam semper ante oculos
versari putent, qui peccarint, ut est apud Cicero-
nem pro Milone;) partim à lege naturæ (quod
tibi non vis fieri, alteri ne feceris:) prudens quoq;
judex attendat ad circumstantias, in vulgato isto
versiculo comprehensas:

*Quis, quid, ubi, quibus auxiliis, cur, quomodo,
quando?*

Sic in judicando minùs errabit; unde & Ovi-
dius lib. 1. Fastorum,

*Judicis officium est, ut res, ita tempora rerum
Quarere; quæsito tempore, tutus erit.*

Hujusq; præcepti elegantissimum habemus exemplum in Daniele etiamnum puero, qui, severe objurgatis Israëlitis, quòd nullâ quæstione habitâ infontem morte plectere cogitarent, permissu illorum tribunal conscendit, & singillatim de senioribus, qui Susannam castissimam ad stuprum sollicitarant, eamque repugnantem, tanquam in adulterio cum juvene comprehensam, in judicium protractam condemnarant, quæstionem habuit; cùmque alter sub lentisco, alter sub ilice Susannam se cum juvene adulterantem conspexisse dixisset, perfidiâ illorum cognitâ, populo lapidibus obruendos tradidit.

Boni præterea judicis est dispensare, non tantùm quis damnandus sit, sed quatenus. Apud Persas lex erat humanitatis plena; ut, *si quis de crimine aliquo convictus esset, non prius condemnaretur, quàm tota ejus reliqua vita probè à judicibus esset expensa.* Nam si cætera probus, in hoc tantùm facinore peccasset, humanæ fragilitati veniam dabant, & quamvis noxium, absoluebant. Sin verò multis aliis vitiis vita ejus obnoxia foret, omnium calculo damnabatur; quòd non casu, sed habitu, deditâque operâ malus esse videretur.

Magnum item ad rectum judicium momentum afferet prudens judex, si sententiam non præcipitaverit; sed ad res considerandas satis temporis & diligentiz adhibuerit. Nihil enim
tam

tam contrarium est iudicio, quàm subito sine iudicio decernere; & ut Seneca in proverbiiis ait, *ad poenitendum properat, citò qui iudicat*: & lib. 2. de irâ, c. 23. *poteſt poena dilata exigi, non poteſt exacta revocari*. Hinc rectè Anaxandridas, Leonis filius, interrogatus; cur, cùm de vitâ anquiritur in iudicio, cauſa à ſenioribus per complures dies diſceptetur, & qui *absolvitur, nihilominus reus maneat*? ita reſpondit: Plures dies iudicio impendi; quòd ſi in re capitali titubent, non ſit ad poenitentiam reſreſſus; interim reum teneri legibus, quòd hac lege liceat rectius aliquid de eo decernere, teſte Plutarcho in Laconicis. Hoc nimirum temperamento proviſum eſt, ne vel innocens occidatur, vel nocens effugiat; qui, quamvis errore iudicum ſit abſolutus, poteſt eàdem lege denuò conveniri, & poenas dare legibus.

Cùm Nonius, homo Auguſto Cæſari pernecceſſarius, veneficii cauſam diceret, dubitaſſe dicitur Cæſar, quæ eſſent ſuæ partes; veritus, ne, ſi reo ſuperreſſet ſua authoritas, legibus reum eriperet: Contra, ne à ſe deſtitutum prædamnare videretur, amicis ita conſcientibus, ſedit in ſubſelliis aliquot horas, verùm tacitus, *ne iudiciali quidem laudatione uſus, ne Princeps plus velle videretur, quàm civitatis jura poſtularent*, ut ex Suetonio hoc annotavit Sabellicus lib. 4. c. 4.

Sic & Antoninus philoſophus Imperator, teſte Dione, etiam minimis in rebus diem con-

sumpsit; ratus, *non oportere Imperatorem quicquam properè agere.* Et Theodosius Imperator, (a. C. 390.) cùm per iram omnes Theſſalonicenſes damnasset, monitu divi Ambrosii legem tulit, ut supplicia capitalia post Imperatoris rescriptum per triginta dies suspenderentur, ut habetur l. 20. Cod. de pœnis. Et apud Nicephorum lib. 12. c. 41. Neq; id absq; ratione. Nam si fortè ex affectu, aut sinistra criminatione exacerbato animo lata fuerit sententia, causa exactiùs cognosci, & affectus sedatior magistratus ad clementiorem sententiam flecti poterit.

Postremò, quoniam jus gentium & naturalis æquitas quemquam indictâ causâ, & inauditum condemnari vetant; ideo prudens judex causæ veritatē priùs sedulò inquireret, quàm sententiam ferat. Hujus rei elegans exemplum proponit Dionysius Halicarnassæus lib. 5. in Servio Sulpitio consule, qui, conjuratione de reducendo Tarquinio, rege exule (a. M. 3473.) indicio duorum fratrum, Marci & Publii Laurentinorum, patefactâ, in tanto scelere tot & tantis civibus deprehensis, nihil per se agere statuit; nec in conjuratos temere vindicare. Re itaque ad senatum delatâ, cùm ab hoc potestatem accepisset inquirendi in conjurationis populares, compertosq; plectendi, & non mediocrem imminere sibi invidiam cerneret, si in tam potentes conjuratos, nobilitate multorumque affinitatibus subnixos,
haud

haud satis perspicuis argumentis convictos, animadverteret; rem omnem in tam apertam lucem protrahere, indiciisque tam evidentibus probare statuit, ut nullus dubitationi & calumniæ locus esset. Et quia conjuratorum intellexerat consilium, ut nimirum conjurationis principes noctu arces & munitiora urbis loca occuparent; servi oppressos somno dominos interficerent, & ubi hæc occupata, clamore ex composito edito, sensissent, simul improvisâ cæde & tumultu percussis omnibus, portas Tarquiniis aperirent; Ejuscemodi excogitavit consilium, delectis è senatorum numero, qui ætate & viribus valerent, negotium dedit; ut cum fidissimis amicorum & clientum munita urbis loca occuparent; collegæ Tullio Longo Fidenas tum obsidenti significat, ut initio noctis è castris ad urbem profectus cum majore exercitus parte, in valle quâdam mœnibus proximâ, subsideret; equites circa forum præsidii causâ cum telis & armis, quàm occultissimè fieri potuit, collocavit. His ita præparatis, indices jussit conjurationis ducibus edicere, Tarquinius eâ nocte ad urbem venturos; itaque circa medium noctis in forum venirent cum suis, eo loco accepturi ordinem rei gerendæ, & suum quisque negotium executuri. Hoc factò, simul atque conjurationis principes in forum concurrerant, signo dato senatores armati loca urbis editiora occuparunt; equites

circumfusi, ne quis elaberetur, conjuratos coronâ circumdedere; consul Longus eodem tempore à Fidenis cum copiis advenit; simul ac illuxit, consules in sedem suam processere, deprehensique & convicti sunt conjurationis populares, cum in re tam apertâ nihil dissimulare aut inficiari possent. Omnibus itaque approbantibus, & Sulpicii consulis diligentiam atque fidem laudantibus, de noxiis supplicium sumptum est. Pro coronide & hoc notandum; *omnino licere iudicibus de re judicandâ disceptare, sibiq; invicem contradicere*. Alioquin enim *de præteritis rectè nemo judicare potest, nisi contraria rationes inter se conferantur*; teste Isocr. in orat. de pace. Quemadmodum enim aurum per se discerni nequit, cum alio verò comparatum rectè dignoscitur: ita quoque nisi diversæ sententiæ dicantur, non potest quis eligere meliorem, secundum Herodotum lib. 7.

Exemplo sit gravissima illa apud Salustium senatus deliberatio de modo poenæ, conjurationis Catilinae sociis irrogandæ, de qua egimus in hac Coronâ tertiâ Flore 6. Sed tamen hoc ipsum fieri debet modestè & amicè, non iracundè & contumeliosè; nec reprehendenda sunt omnia, sed fiat distinctio sententiarum, & laudentur, quæ rectè facta, *nec aliorum auctoritati & honori invideatur*, ut est apud Plutarch. in præceptis gerendæ Reipublicæ.

Porro

Porro ita res agatur, ut non animorum, sed
judiciorum tantum appareat dissenſio.

Denique non tantum reprehendantur aliena,
ſed etiam noſtra afferatur ſententia; ne malum
quidem prohibere, ſed bonum quoq; conficere
videamur. Quemadmodum autem integrâ re
diſſentire fas eſt, ita peractâ re, id quod pluribus
placuit, cunctis eſt tuendum.



F L O R U M

H O R T U L I H I S T O R I

C O - P O L I T I C I

Corona quarta.

De ſubditis & miniſtris aulicis.

F L O S I.

Deum time, Regem honora, *1. Pet. c. 2.*

Mutuatus hunc videtur aphoriſmum Petrus
Apoſtolus ex Salomonis regis ſapientiffimi
Proverbiis cap. 24. *Time Deum ac Regem.* Quo
utroque aphoriſmo præcipitur, ut Deum, à
quo omnia, per quem omnia, & in quo ſunt o-
mnia, ante omnia timeamus & revereamur. Ba-

lis enim omnis felicitatis & virtutis est *ἡ σοφία*,
 & mater sapientiæ, omnisque virtutis est, timere
 Deum, secundum Jobum c. 28. vel ut Siracid. in
 suo Eccles. c. 1. multis verbis ejusdem effectus re-
 censer; timor Domini est decus & gloria, lætitia
 & pulcherrima corona, gaudio & lætitiâ perfun-
 dens cor; radices agens sapientiæ in cordibus cre-
 dentium, quæ domis suis universam domum re-
 pleat, & omnia receptacula thesauris suis; imò
 corona est sapientiæ, uberrimam pacem & salu-
 tem afferens, amplissimâque gloriâ eos ornans,
 & ad summum authoritatis fastigium evehens;
 insuperque prudentiam largè in eos effundens,
 à quibus diligitur, ut videre est in Josepho, Da-
 niele, Esdra & Nehemia, qui magnis ex pericu-
 lis divinitus liberati, & magnis in Imperiis eve-
 cti, res maximas sapienter & feliciter governa-
 runt. Quemadmodum enim navis naucleri manu
 regitur, ne maris tempestate pereat; ita timor
 Domini, gubernaculis vitæ nostræ assistens, do-
 cet, quâ ratione futura nobis pericula sint vitan-
 da. Et quemadmodum in immensum mare de-
 cidens brevis scintilla, facillè deletur; sic, quanta-
 cunq; timentî Deum illidantur, velut in vastum
 lætitiæ pelagus incidentia extinguuntur & per-
 duntur, ut in homiliis eleganter loquitur Chry-
 sostomus.

Secundum autē Deum honorandus est Rex,
 qui Dei in terris gerit imaginem & vices; ab
 ipsoque

ipsoque Deo in regio solio est collocatus, & divinâ maiestate atque potestate armatus, ut legis divinæ sit custos, bonos defendat atque ornet, sceleratos verò gladio puniat; atque ita pacem tueatur, in qua vera de Deo doctrina latè spargi, ipsique æterna colligi queat Ecclesia; quem idcirco quoque passim honorifico suo nomine Deum indigitat; ut norint subditi, regium nomen apprimè sanctum, præcipuæque venerationis esse debere; omninoq; eos decere, ut externis quoque gestibus suam erga magistratum declarant reverentiam; idque exemplo Nathanis & Bethsabæ, quos submisso in terrâ vultu adorasse Davidem, (*anno M.2930.*) sacra testatur pagina, 3.Reg.1.v.23.&31. Quem Reges adorandi morem apud Persas quoque, Medos & Indos usitatum fuisse, testantur Herodorus libr.7. Justinus lib.6. Valerius Max.lib.7.c.3. Plutarch.in Alcib.& Philostratus in vita Apollon. Idem Plutarchus in Quinto Fabio Maximo scribit, proavum ejus Fabium Rullum sive Rutilianum, qui sine controversiâ maximâ gloriâ Romæ atq; autoritate floruerat, quinquies fuerat consul, clarissimos triumphos ex clarissimis bellis duxerat, cum filio Consule in provinciam profectum legatum, in ejus deinde triumpho (*A.M.3759.*) cum curru ille quadrijugo invehceretur, equo ipsum incidentem, cum reliquis secutum fuisse; gloriantem, quòd, qui in potestate filium haberet, legi-

bus se & magistratui subjiceret. Maximâ quoq; diligentia Romani hunc retinuerunt morem, ne quis se inter consulem & lictorem proximum, quamvis officii causâ unâ progredieretur, interponeret; filio duntaxat ei que puero ante patrem consulem ambulandi jus erat. Qui mos adeo pertinaciter retentus est, ut Q. Fabius Maximus quinquies consul, vir etiam pridem summæ authoritatis, & tunc ultimæ senectutis, à filio consule invitatus, ut inter se & lictorem procederet; ne hostium Samnitum turbâ, ad quorum colloquium descendebant, elideretur, id facere noluerit; ut author est Valerius Maximus libr. 2. cap. 2. itemque Gellius lib. 2. Noct. Attic. c. 2. Ubi quoq; memorat, apud Romanos lictorû munus fuisse, ut comitantes magistratus populum de viâ discedere juberent, ne quisquam magistratum pedes offenderet, vel ullâ ex parte impediret. Si eques obviam veniret, ab equo descendere juberent; idque magni honoris loco habitum fuisse. Idem Valerius Maximus libr. 2. cap. 4. refert, per quingentos quinquaginta octo annos ab urbe conditâ, promiscuû senatui Romano & populo spectandorum ludorum locum fuisse; nunquam tamen quemquam ex plebe in theatro ante patres conscriptos spectare sustinuisse. Adeo circumspecta Romanæ civitatis verecundia fuit. Quibus ex exemplis patet, majestatis Imperii observantiam consistere potissimum in eorundem

dem adoratione, comitatu honorifico, occurſu & *μεγέλει*, ſive loci dignitate. Ægyptios quoq; ſuos Reges ſummo honore atque veneratione, ceu deos, obſervaffe, ſcribit Diodorus Siculus libr.1.c.7. quippe quos non abſque divino numine tantum imperium aſſecutos, crediderunt; & optimè de mortalibus meritos, propter res egregiè geſtas, divinæ naturæ participes eſſe arbitrati ſunt. Non ſecus apud Gallorum gentem, conſuetudine inveteratâ, venerabilis atque auguſta eſt Regis ſui majeſtas, quàm natura illa ſuprema, numénve divinum; authore Guicciardino lib.22. Sed tamen meminerint ipſi Reges, ſe infra Deum eſſe, & ab hoc omnē accepiffe, quâ fruuntur, majeſtatem atque poteſtatem. Hinc rectè Fridericus III. Imperator interrogatus, *quânam ſibi chariſſimi eſſent?* reſpondit; *qui me non magis, quàm Deum timent*, teſte Johanne Peregrino, Petro Selano in convivalib. quæſt.

Subditi quoque ſciant Imperia & principatus ſummo cum generis humani bono, à Deo Opt. Max. eſſe inſtituta, ſine quibus, ut Cicero loquitur, lib.3. de ll. nec civitates, nec gens, nec humanum genus univerſum ſtare, nec rerum natura omnis, nec ipſe mundus poteſt; ac proinde ſine graviffimo ſcelere, certiffimisq; pœnis violari nō poſſe. Deum igitur timeant, qui ſuper omnes eſt, & ſuo magiſtratui debitum tribuant honorem; proq; eo, ex præcepto Apoſtoli 1. ad Tim.2.

& Jerem. cap. 29. orent, ut in illorum pace, & sub ipsorum umbrâ ipsi quoque fruantur pace; ei denique felicissima quæque precentur, exemplo subditorum Saulis, Salomonis, Joæ, 1. Regum 10. 3. Reg. 1. & 4. Reg. 11. Itemque satraparum regis Nabuchodonosoris & Darii, ipsiusque Danielis, cap. 3. & 6. Sic Deus deorum securitatem publicam ipsis benignè indulgebit, eosque sanctorum angelorū custodiâ proteget, Psal. 34. & 91. quod est scutum supra septemplex Ajacis clypeum, ab Homero celebratum: ut & Siracides in suo Ecclesiast. c. 10. ait: *Qui Deum timent, honorant Principem; ideoq; divinitus protegentur.*

F L O S II.

Omnis anima potestatibus sublimioribus subdita esto: *ad Rom. 13.*

Π^{ΕΙΣΤΡΕΦΕΙΝ} hoc flosculo Paulus Apostolus suis Romanis commendat, quos potestatibus vult esse subditos; utpote quæ à Deo, fonte & origine omnis boni, sint ordinatæ; ac proinde qui potestati resistunt, ipsius Dei ordinationi resistent, sibi que damnationem acquirant. Quod idem præceptum Titum suis inculcare auditoribus jubet, ita ad eum scribens c. 3. *Admone illos, Principibus & potestatibus esse subditos, dicto obedire, & ad omnia*

*omne bonum esse paratos. Quam in sententiam & Petrus Apostolus scribit ad Christi fideles advenas in Ponto, Galatia, Cappadocia, Asia & Bithynia dispersos: Subiecti estote omni humane ordinationi propter Deum, tam Regi, tanquam supremo, quàm Ducibus, tanquam illius legatis, ad improborum flagitia vindicanda, & bonorum salutem procurandam missis. Hoc quoque præceptum apud Isoc. suis injungit subditis Nicocles, Cypri Salaminiae Rex: Nihil penitus à me mandatum gravatim facitore. Nam quò quisq; restitutum pluribus utilitatib. meis inservierit, eò majores fructus inde privatim percipiet. Et iterum: Verba mea pro legibus habete, operamq; date, ut eis obtemperetis; ac sciote fore, ut eis, qui maximè voluntati meae satisfacere studuerint, vivere liceat, ut ipsi volunt. Sic verè, secundum Æschilum, *παιδεία procreatrix est felicitatis*: & ut Xenoph. ait lib. 8. *Cyropæd.* Principi obedire, maximum videtur esse bonum, ad bona adipiscenda atq; conservanda. Est nimirum fato quodam, & sorte nascendi, ut, quantò quis obsequio apud Principes promptior appareat, tantò honoribus & opibus extollatur; teste Tac. annal. lib. 1. Neque verò in aula solùm, sed in liberâ quoque Repub. magnum ad honores & divitias parandas afferre adjumentum, obsequium, docent Dio & Plut. exêplo Julii Cæsaris, cujus perpetuum fuit institutum, ut promptissimum se:*

exhiberet ad quemvis etiam vilissimum hominem demerendum, *dummodo potentiam ex eâ sibi pararet humilitate*. Igitur inter quos primus fieri discupiebat, hisce ultrò tantâ dexteritate se submittebat, ut juvenis adhuc, neque ullo antea gesto magistratu, in Pontificatus petitione, multis præclaris viris, in primis verò Catullo, qui tunc princeps senatus habebatur, fuerit prælatus. Hinc rectè idem Nicocles subditis quoque suis præcipit, *ut liberos suos doceant parère regio Imperio; qui ubi parère didicerint, multò rectius postea sint imperaturi, & Reip. salutî consulturi*.

Theopompus, rex Spartanorum, cùm diceret ei quidam, *per Reges stare Lacedæmonem imperandi gnaros*: Imò verò, inquit, *per cives Principibus obtemperare doctos*, teste Plut. in Lyc. Imperiū nimirum vis omnis in consensu est obedientium; idq; longè firmissimum est Imperium, quo obediētes gaudent, inquit Livius dec. 1. libr. 2. & 8.

Obsequio siquidem, secundum Curtium lib. 8. mitigantur imperia. Ubi verò reverentia excessit animis, & summa imis confunduntur; vi opus est, ut vis repellatur, & in ordinem immodestia subditorum redigatur.

Debent igitur subditi tam cives, quàm milites magistratui suo obedire juxta leges, & alacriter citra omnem molestiam atque difficultatem facere ea, quæ à magistratu rectè mandata fuerunt; gloriosiusq; sibi ducere, juxta Platonis illud lib. 5.

lib. 3. de ll. *reliquos cives obedientiam erga leges, quam olympico certamine, vincere.* Et quænam enim urbs hostilis (inquit Chryfantas apud Xenoph. libr. 8. *Cyropædiæ*) ab iis capi potest, qui non dicto audientes? Quæ verò amica urbs conservari à non obediens? quis exercitus hominum non morigerorum victoriâ potietur? quidnam aliud rei præclaræ perfici ab iis potest, qui superioribus non parent? quæ urbes legitimè administrari, quæ domus servari queunt? Nos ipsi ea bona, quæ non possidemus, quænam aliâ ratione magis comparabimus, quam magistratibus obediendo? Unde eundem Chrysantam ibidem collaudat Cyrus, quòd hostem interfecit, jam elatum in cædem gladiū revocasset, quia receptui cani interim inaudisset. Roganti verò cuidam, cur hostem, quem in potestate habuerat, non occidisset? *Quoniam* (inquit) *rectius est, parere Imperatori, quam occidere.* Quod idem de Lacone quodam tradit Plut. in Laconicis. Et in historia Absolonis, 2. Reg. 18. miles iste Joabi prædicatur, qui videns Absolonem, cæsarie suâ ramulis patulæ quercus plexâ, hære, interficere noluerit; cum, quòd Regis erat filius, tum, quòd Rex omnibus suis præceperat, ut ipsi parcerent. Publius Scipio Africanus Major percontanti cuidam, quænam re fretus classem educere pararet in Africam? trecentos ostendit Romanos, armatos sese exercentes; turrimque excelsam mari

exhiberet ad quemvis etiam vilissimum hominem demerendum, *dummodo potentiam ex eâ sibi pararet humilitate*. Igitur inter quos primus fieri discupiebat, hisce ultrò tantâ dexteritate se submittebat, ut juvenis adhuc, neque ullo antea gesto magistratu, in Pontificatus petitione, multis præclaris viris, in primis vetò Catullo, qui tunc princeps senatus habebatur, fuerit prælatus. Hinc rectè idem Nicocles subditis quoque suis præcipit, *ut liberos suos doceant parère regio Imperio; qui ubi parère didicerint, multò rectius postea sint imperaturi, & Reip. salutî consulturi*.

Theopompus, rex Spartanorum, cùm diceret ei quidam, *per Reges stare Lacedamonem imperandi gnaros*: Imò verò, inquit, *per cives Principibus obtemperare doctos*, teste Plut. in Lyc. Imperii nimirum vis omnis in consensu est obedientium; idq; *longè firmissimum est Imperium, quo obediētes gaudent*, inquit Livius dec. 1. libr. 2. & 8.

Obsequio siquidem, secundum Curtium lib. 8. mitigantur imperia. Ubi verò reverentia excessit animis, & summa imis confunduntur; vi opus est, ut vis repellatur, & in ordinem immodestia subditorum redigatur.

Debent igitur subditi tam cives, quàm milites magistratui suo obedire juxta leges, & alacriter citra omnem molestiam atque difficultatem facere ea, quæ à magistratu rectè mandata fuerunt; *gloriosiusq; sibi ducere*, juxta Platonis illud lib. 5.

lib. 3. de ll. *reliquos cives obedientiam erga leges, quam olympico certamine, vincere.* Et quænam enim urbs hostilis (inquit Chrysantas apud Xenoph. libr. 8. *Cyropædia*) ab iis capi potest, qui non dicto audientes? Quæ verò amica urbs conservari à non obedientibus? quis exercitus hominum non morigerorum victoriâ potietur? quidnam aliud rei præclaræ perfici ab iis potest, qui superioribus non parent? quæ urbes legitimè administrari, quæ domus servari queunt? Nos ipsi ea bona, quæ non possidemus, quânam aliâ ratione magis comparabimus, quam magistratibus obediendo? Unde eundem Chrysantam ibidem collaudat Cyrus, quòd hostem interfecit, jam elatum in cædem gladiū revocasset, quia receptui cani interim inaudisset. Roganti verò cuidam, cur hostem, quem in potestate habuerat, non occidisset? *Quoniam (inquit) rectius est, parere Imperatori, quam occidere.* Quod idem de Lacone quodam tradit Plut. in Laconicis. Et in historia Absolonis, 2. Reg. 18. miles iste Joabi prædicatur, qui videns Absolonem, cæsarie suâ ramulis patulæ quercus plexâ, hære, interficere noluerit; cùm, quòd Regis erat filius, tum, quòd Rex omnibus suis præceperat, ut ipsi parcerent. Publius Scipio Africanus Major percontanti cuidam, quânam re fretus classem educere pararet in Africam? trecentos ostendit Romanos, armatos sese exercentes; turrimque excelsam mari

imminentem, asserens; *nullum horum esse, qui nō conscensā turri, semet in mare precipitatur⁹ sit, si ipse jubeat*; sentiens, non perinde referre, quā numerosam educas multitudinem; modò fortis Dux educat exercitatos, & dicto audientes, teste Plut. in Rom. apoph. Et profectò nullus unquam gubernator aut domi suam Spartam ornare, aut foris arma gerere potuit, aspernantibus subditis perscriptas ab ipso leges. Habuit sub signis suis Hannibal, cū bellum in Italia gessit, Afros, Numidas, Mauros, Hispanos, Baleares, Gallos, Ligures, & Italici nominis numerum ingentem; tanta tamen horum omnium fuit in Ducem pietas, ut nullus in tantā hominum colluvie, tam longo bello, tam variis eventibus, contra Hannibalem insurrexerit, ut scribit Sabellicus lib. 6. c. 8.

Quā felix fuerit Alexander ille Magnus, cū magni exercitus hunc juvenem sequerentur, notum est ex ejus historiā. Non disjunctissimæ terræ citiùs cujusquam passibus potuerunt peragrari, quā hujus, non dico, cursibus, sed victoriis illustratæ sunt. Quemadmodum enim torrens, auctus hybernis nivibus, aggeres objectos perumpit, & pontes labefactat: ita huic Duci prælianti omnia cesserunt, omnia prona fuerunt. Has tamen res nunquam gessisset, nisi milites sponte suā obtemperantes in exercitu habuisset. Sic Athenæ, Sparta & aliæ Respubl. tantisper floruerunt, donec cives summam gloriam

niam dixerunt esse, non triumphos, non ullas victorias, sed vincere alios diligentiam obediendi legibus. Postquam autem Alcibiades, Hyperides & horum similes intolerabili petulantia, & diuturna impietate leges violarunt; Resp. Atheniensis de suo gradu dejecta, in exilium mure coepit.

Unde rectè Sophocles; *Inobedientia*, inquit, *nullum majus malum est; hæc urbes perdit, & domos vastat.* Unde non immerito apud omnes gentes inobedientia erga leges & magistratus graviter punita fuit. Apud Josuam c. 1. Rubenitæ, Gaditæ, & dimidia tribus Manassis, mortis supplicio ex suis eos devinciunt, qui ori Josuæ contradixerint, nec cunctis ipsius mandatis obedierint. Athenienses olim damnabant reos, non quidem, si totam tantum legem, sed si unicam syllabam transgressi fuissent; teste Alex. ab Alex. genialium dierum c. 5. libr. 3. Apud Thebanos, qui ultra legum præscriptum honores gesserant, ceu cõspirationis rei, capite luebant; eodem teste Alexandro lib. 4. cap. 6. ex Probo in vita Epaminondæ. Lacedæmonii Isadam puerum, quem lex nondum ad pugnam vocabat, quoniam exsiliens gymnasio strenuum se præstiterat, coronam donarunt. Quoniam verò nondum ætate postulante, & insolitis etiam armis in hostes irruebat, poenam affecerunt; ut author est Ælianus lib. 6. var. hist. In Romana militia extra ordinem ad-

versus provocatorem citra Imperium nemini licuisse pugnare, patet ex pluribus Livianæ historiæ locis; exemplis nempe Titi Manlii Torquati, & Marci Valerii Corvini, libr. 7. decad. 1. Claudii Asellii decad. 3. libr. 3. & Titi Quintii Crispini, dec. 3. libr. 5. Qui, nisi ejus rei potestate impetratâ, in monomachiâ cum hoste nō descenderunt. Hinc Modestinus l. 3. §. 15. ff. de re militari; *In bello, inquit, qui rem prohibitam fecit, aut mandata non servavit, capite privator, etiamsi res bene gesserit.* Quod ejusdem Titi Manlii Torquati exemplo docet Livius libr. 8. dec. 1. Qui bello Latino provocatus à Genucio, sive (ut Val. Max. libr. 2. c. 7.) à Geminio Methio, Tusculanorum equitum præfecto, oblitus edicti consularis conflixerat, & provocatorem hastâ confoderat. Hic ubi comitante turmâ, ac quasi ovante, spoliis ornatus, ad patrem consulem tenderet; ille mox in conspectu omnium filium, quòd extra ordinem pugnasset, ad palum deligari, deinde virgis ex more cædi, postremò securi feriri jussit; *salubri quidem in posterum exemplo, sed in presentia nimium invidioso, consuli.* Sic & Aulus Posthumius dictator, & Epaminondas Thebanus Dux, filios suos, quòd non ipsorum jussu, sed suâ sponte è præsidio progressi, hostes fuderant, victores securi percusserunt; *satiùs esse judicantes, patrem forti filio, quàm patriam militari carere disciplinâ;* eodem teste Val. Max. libr. 2. cap. 7. & Plut.

Plut. in parall. Sic & Publius Crassus Mutianus architectum, ob Imperium ipsius, licet cum ratione spreum, (non enim majorem, quàm jussus erat, sed quem esse magis idoneum aptioremq; faciendo arieti, facilioremque portatu existimabat, minorem malum miserat,) virgis cecidit, ut author est Gellius lib. 1. cap. 13. Quintus Cæso, Lucii Quintii Cincinnati filius, à Tribunis falsò accusatus, tanquam ab eo Marcus Volusius, vir plebejus, vapulasset, atque verberibus Lucium interemisset; etsi penè exploratum habebatur, accusationem illam calumniosam esse; tamen quia plebis judicium spreuit, & citatus judicio adesse nunquam voluit; ob eas contentiones, quæ inter senatum & plebem erant exilio, atque ære multatus est, teste Fulgoso lib. 8. c. 1.

Valentinianus Imperator Rhodano eunuchò, qui Berenicem viduam injuriis affecerat, muliere de illo conquerente, judicem dederat Salustium præfectum prætorio, à quo condemnatus præpositus, cum hujus judicium nihili faceret, ab Imperatore in Hippico crematus est; omnibus archi-eunuchi bonis viduæ assignatis, ut scribit Suidas.

Sic & Theophilus Imperator, teste Zonarâ, Petronam, Augustæ fratrem, qui ædibus in altum educendis, mulieris in vicinia habitantis luminibus obstruxerat, & ad Imperatoris mandatum, damnum ei resarcire detrectabat, vestibus

direptis, & in tergo & in pectore verberari jussit; & quæ in fraudem mulieris struxerat, destrui; materiamque & solum ipsum mulieri attribuit.

His exemplis punitæ inobedientiæ subditi deterriti, debitam magistratibus suis, etiam duris & asperis, præstent obedientiam, dummodò nihil impium præcipiant, quod divinæ legi adversetur, & cum pietate ac charitate pugnet. Quibus duabus metis, veluti septis & cancellis quibusdam, magistratuum omnium, quantumvis magnâ potentiâ præditorum, autoritas est conclusa; quas si transilire ipsis cõrigerit, meminisse juvabit Apostolici istius dicti, *Act. 5. Præstat Deo, quàm hominibus obedire.* Rectè itaque factum ab obstetricibus Ægyptiacis, quæ impium Pharaonis edictum de pueris masculis Hebræorum occidendis mendacio pio eluserunt, fingentes, Hebræas mulieres ante obstetriciũ accessum parere, *Exod. 1.* Rectè item ab Obadja, qui non solum prophetas Dei contra impium Achabi & Jezabelis mandatum non interemit, sed & in speluncâ abditos aluit & servavit, *3. Reg. 18.* Rectè denique à Papiniano J Cro, qui, etsi Christianus non erat, maluit tamen à tyranno Bassiano Caracallâ occidi, quàm ejus fratricidium vel probare, vel patrocínio suo defendere, teste Herodiano lib. 4. Malè econtrà factum à satellitibus Herodis, qui ad mandatum sui Regis infantes Bethlehemiticos bimulos crudeliter jugularunt, *Math. 2.*

Math. 2. Unde quoq; rectè Michæas propheta c. 6 Dei voce omnes, qui impiis Regum parent mandatis, execratur, & diris devovet. Econtrà Danielis socii impio regis Nabuchodonosoris edicto, de aurcâ statuâ adorandâ, obtemperare nolentes, pietatis & constantiæ suæ approbatorem, Deum ipsum habuere; idque manifesto miraculo ignis, nec corporis ipsorum capillos, nec fila vestimentorum lædentis.

Sic &, cùm Principes sacerdotum Evangelii prædicationem suis minis prohibere conarentur; tantum abest, ut ipsis Christus, aut post eum Apostoli, morem gesserint, ut ille quidem sæpius publicè, ipsis in templo invitis, concionaretur, Joh 9. hi verò aperte responderint, *Satiùs esse, Deo obsequi, quàm hominibus*, Actor. 5.

Quoniam enim Reges Dei tantùm sunt vicarii, vicariis verò non nisi eorum, quorum personam gerunt, causâ deferri consuevit honos; sequitur, Regibus propter Deum, non adversus Deum; Deo servantibus, non adversantibus; Dei jura tuentibus, non invadentibus, esse obtemperandum.

Sed quid porrò faciendum subditis, si Rex ad impia sacra eos adigere velit? Si, qui ab universo populo auctoritatem accepere, regni optimates, aut sui saltem magistratus sese ejusmodi tyranno opponant, quod omnino ipsis incumbere, fusiùs suprà probavimus in Coronæ secundæ flore

tertio. Utrique subditi illis pareant, omni-
que conatu atque industriâ, tanquam Deo ipsi mili-
tantes, pios illorum conatus adjuvent; exemplo
centurionum & militum, qui Principibus tribus
Judæ, Jojathæ summi sacerdotis hortatu, Eccle-
siam ab idololatriâ, regnumque à tyrannide At-
thalie vindicantibus, paruerunt, 4. Reg. II.

Exemplo item Modinensium, qui Mathathiâ
authore, ceu optimatum uno, cæteris partim
conniventibus, partim colludentibus, impia sa-
cra ab Antiocho imperata, nō solū à suis mœ-
nibus fortiter repulerunt, sed & eidem justissimis
armis restiterunt, 1. Maccab. I. & 2. Maccab. 5.
(*an. M. 3806.*) Sin optimates & magistratus fu-
rioso Regi applaudunt, aut saltem resistere no-
lunt; nequaquam subditis, quibuscunque etiam
malorum iliadibus pressis, ad arma idcirco pro-
filire licebit; utpote quibus ipsi divinitus non
sunt accincti; imò, quæ cū gravissima potius
supplicii interminatione eis ab ipsomet Christo
sunt interdicta, qui & ipse angelicas ideo legio-
nes exautoravit, exarmavit, prohibuit, ne obedi-
entiam illam, in qua nasci voluit, vel tantillum
turbarent, vel impedirent.

Quid ergo ipsis faciendum? Primū o-
mnium, qui corda Regum in sua habet manu,
pro Rege suo precibus strenuè interpellent; ut
pro suâ immensâ misericordiâ sereno suo vultu
eos irradiet; quò & ipsi viam, quam populo
suo

suo patefecit, amplectantur. Dehinc supplices Regem suum demulcere studeant, ne verbi divini pabulo se defraudet, sed liberum ejus exercitium sibi relinquat. Quod si ne sic quippiam assecuti fuerint, præstò est consilium Christi, Matth. 10. aliam in civitatem se ut recipiant, & antiquius sibi ducant, Christum, cujus sanguine sunt redempti, retinere; quàm ob tennes quasdam facultates cum regni Dei dispendio, se sub hujus tyrannide detineri. Sic nimirum olim pii Israëlitarum cultu divino per Jeroboamum sublato, universis proceribus conniventibus, ad Regem Judaicum, verum veri Dei cultorem, se contulerunt, 2 Paral. 11.

Sic quoque Athanasius, Juliano apostatâ in Christianos persecutionem movente, (A. C. 362.) amicos suos his allocutus verbis; *Secedamus ad tempus, amici: Est enim nubecula, qua citò evanescet; fugam adornavit, & conscensâ navi in Ægyptum trajecit, teste Socrate lib. 3. histor. Eccles. c. 12. Quod si aliò fugere non datur, vitæ potiùs, quàm Deo renuncient, & cum Christo malint, crucifigi, quàm Christum denuò crucifigere; ut Apostolus loquitur ad Hebræos c. 6. Idque exemplo piorum Martyrum, quorum non rarò integras legiones ob Christiani nominis professionem, durissima subiisse supplicia, quàm armis obistere tyrannis, maluisse legimus.*

F L O S I I I.

Reddite, quæ sunt Cæsaris, Cæsari; &
quæ Dei, Deo. *Matth. 22.*

Quemadmodum hodie in plerisque Regnis, Principatibus, Rebuspub. in quibus certæ à subditis exiguntur pensitationes, capitationes, centesimæ, telonia, & alia, usu receptum & præscriptum est, easdem in certo pecuniæ genere, quod exigenti maximè placuerit, deponi; ut non sufficiat valorem & quantitatem ipsam dari, nisi in eâ specie expressa detur: ita quoque veteres Romani, & præsertim Cæsares, callidissimi gubernandi artifices, devictis gentibus, omnibusq; provinciis suis non tantum tributa imperarunt; sed ea etiam in certo monetæ genere, & quidem argenteo plenique, eoque Romano, in signum subjectionis, & recognitionis dominatus sui, fisco inferri voluerunt. Hujusmodi autem monetæ solebant Romani non tantum magistratum suorum titulos, sed illas ipsas quoque expeditiones suas, & victorias inscribere, ut passim apud Fulvium Ursinum in Familiis Rom. videre est; & nominatim pag. 200. ubi habetur nummi pictura Auli Plauti, Pompeji in Asia legati, & proquæstoris; & in adversâ facie Bachii Judæi, Arabiæ reguli, qui supplicum ritu, dextro genu
nexus,

nixus, camelum tenet; & olivæ ramum paci impetrandæ dextrâ prætendit.

Porro hoc tributum, à Cæsaribus quoq; postea petatum, primus Judæis, antea Romanorum fœderatis sociis, nunc autem à se debellatis, jure victoriæ imposuit Cneus Pompejus Magnus (*a. M. 3909.*) Ducemq; eis statuit, & Judææ fines determinavit, teste Egesippo lib. 1. c. 17. & Sulpitio Severo lib. 2. Quod deinde Cæsar Augustus, cum Triumviris sublati solus rerum potiretur (*an. M. 3942.*) in generali illâ orbis descriptione, cum per omnes subactas provincias censum ageret, in Judæa quoque revocavit (*a. M. 3970.*) & ad certam summam taxavit.

Pharisæi itaque (ut ad Evangelicam hanc historiam progrediamur,) inito consilio, ut questione ancipiti, de tributo Cæsari dando propositâ, Christum in sermone caperent, missis ad eum de sectâ scholâq; suâ discipulis, ex cōposito adjunxerant Herodianos; in speciem quidem, ut, cum ipsi inter se diversarū essent partium, hi exigerent, illi inviti persolverent tributum; dominū, quasi incorruptum judicem hujus controversiæ, compellarent, velutiq; arbitrum eligerent; sed re verâ, ut haberent negati tributi paratam non tantum probationem, densâ populi catervâ astante, sed etiam executionem; atq; ita captū in sermone confestim per hos potestati præsidis Pilati traderent. Mellitissimorum igitur verborum

palpo ipsum delinientes emissarii, dum Doctorem salutant, ejusq; libertatem ἀπροσωπόληπτον prædicant, bicornem hanc ipsi quaestionem resolvendam proponunt, rati, utriusvis partis rationes probaturus sit, alterius offensam eum incursum; hinc patriæ & civium suorum, si impiis Cæsaribus adulatus tributum dandum affirmaret; illinc Romanorum, à quibus Judæi erant subacti, si negaret; à quibus, ceu Cæsaris hostis, & tuba seditionis, ad præsentissimum rapi posset supplicium; quemadmodum ab alteris illis tumultu fortassis populari opprimi. Verùm Dominus, adversus quem nullum valet consilium aut sapientia, Prov. 21. & cui ludus est, astutos in astutiâ suâ deprehendere, Esa. 44. ut ante omnia ostendat, se non fallere insidiosam illorum blandiloquentiam, & quò res tendat; cognitâ penitus illorum nequitiâ, (inquit Evangelista) consultores suos primùm intentionis suæ coarguit; Quid me tentatis, hypocritæ? hypocritas eos vocans, quòd rationes divinas cum humanis confundant, dum de censu solvendo, tanquam de præcepti alicujus divini violatione, agunt. Dehinc jubet sibi exhiberi, non solum illum templarium, unâ parte, virgâ Aaronis perpetuò virente, insignitum; cum hoc lemmate, *Jeruschalaim Rodschah*, Latine *sancta Jerusalem*; alterâ, urnâ illâ sacrâ recondendæ mannae cum literis *Schekel Israël*, *siclus Israëliticus*, cujus dimidium singuli Judæi

Judæi majores 20. annis, in templum quotannis ferre jussi erant, pro Deo propitiando suiq; redemptione, & in tutelam ædis ipsius vel tabernaculi, Exod 30. Sed nec simpliciter exhiberi sibi requirit ipsorum numisma, quo in commerciis promiscuè utebantur; (nam præter siclos suos habuisse quoque denarios, didrachmas, stateres sive argenteos, ex evangelicâ constat historia) sed numisma census, h.e. genus monetæ huic functioni proprium, quo defungerentur censu suæ provinciæ indicto; nempe denarium Romanum, ut Marcus & Lucas hanc rem numerant; ac ne hunc quidem paulò antiquiorem, sed sui ævi Tiberiani Imperii vultu & nomine Cæsareo insignitum. Modestum planè & tolerabile hoc erat tributū; denarius siquidem, ut apud Matthæum c. 20. videre est, erat merces diurna unius operarii, & stipendium diurnum unius militis, ut ex Tacito discimus. Hoc nummo conspecto, quasi parum agnosceret, Christus istiusmodi literas atque imaginem quærit, cujus ista sit imago & superscriptio? idq; ideo, ut, qui ipsum illaqueaturi verbis suis venerant, eos ipse caperet, captosque ipsorummet verbis teneret: Respondent ipsi, quod res erat, Cæsaris. Tiberius nempe Cæsar in denario isto censuali, divi instar erat formatus; *Os humerosq; Deo similis*, cæsarie radiatâ, & lauru redimitâ, cum ejusmodi inscriptione; *Tiberius Cæsar D. Aug. F. Imperator*; & in adversâ

parte; *Pontifex maximus*: qui titulus ab omnibus Imperatoribus ad Constantinum usq; Magnum fuit affectatus. Hinc aptissimè iufert Dominus, quasi causâ bene cognitâ, re ipsâ oculis subiectâ, confessione partium auditâ; *Reddite ergo quæ sunt Cæsaris, Cæsari; & Deo, quæ sunt Dei*; hoc aphorismo docens, censualis istius denarii solutionem Deum non tangere, nec pietatem lædere; sed deberi Cæsari, tanquam victori, legumque & monetæ conditori; & qui non petat violari religionem, sacra deferi, idola adorari; sed ex communi monetâ reddi sibi numisma, in usum promiscuû cûsum, & merè Romanum; tributum nimirum ad Reip. administrationem, & redhostimentum patrociniî atque defensionis. At verò animæ tributum, pietatisque censum, vota & oblationes, Deo soli reddi oportere; ejus item templo didrachmum illud propheticæ virgulæ, & mysticæ supellectilis figurâ signatum esse persolvendum; decimas præterea, primitias & donaria alia ministerio sacerdotii destinata, solvenda: talentum denique ingenii, legis naturæ, judicii, sensus communis, conscientiæ, aliorumque donorum ad gloriam datoris bene collocandum, & cum fœnore fructibusque fideliter reddendum. Hoc aphorismo Christus non tantùm summæ potestatis apicem atque majestatem, sed omnium aliorum magistratuû authoritatem confirmavit; & voce pariter, factoque ipso solvens staterem exacto-

exactoribus didrachmi Matth. 17. docuit, se non venisse, ut evertat politias & ordinem Rerump. sed ut stabiliat; quas ideo quoque *Dei ordinationem esse* Apostolus ad Rom. 13. pronunciat. Subditi ergo, juxta ejusdem præceptum, cuivis quod debent, reddant; cui tributum, tributum; cui vectigal, vectigal; cui timorem, timorem; cui honorem, honorem; cui amorem, amorem. Magistratibus nimirum, sub quorum tutelâ corpora & facultates subditorum defenduntur, jure debentur tributa, telonia, vectigalia & exactiones, quæ tanquam nervi sunt Reip. sine quibus præsidis sustineri nequeunt Imperia. Bono quidem Principi plurius esse debet subditorum opulentia & medela, quàm redditus, qui inde inferuntur Imperii fisco; *thesaurosq; suos apud subditos habere* cum Alexandro Magno laudi sibi ducat; & cum Cyro, Constantio Chloro, & Ptolomæo, Lagi filio, (de quibus in flore 5. Coronæ secundæ dictum,) horum potissimum commodis atque divitiis studeat, *ne sua privatis crescant æraria damnis*. Quo nomine rectè laudat Honorium Imperatorem Claudianus; quo nomine quoque Stenonem juniorem, Succorum regem, commendat Joh. Mag. libr. 24. cap. 2. quòd admodum popularis fuerit, & quidem ita, ut olim patri Syvantonii, cum populū tributis oneraret, ad genua procubuerit, & tributorum laxationem impetrarit. Quocirca jam in Principem assumptus,

non modò tributa à benevolis subditis, sed ipsam eorum vitam pro suâ salute, in mille mortis pericula paratam & promptam expertus est. Sic & Alexander Magnus, ut Macedonas magis haberet obsequentes, tributa iis remisit; teste Justino lib. 15. Romani item, cùm Cappadociam, mortuo rege Archelao, rede-gissent in provinciã, quẽdam ex regiis tributis diminuerunt; *quò mitius Romanum Imperium speraretur*, inquit Tacitus Annal. 2. Utrique enim *atrum sordidumq; est aurum, quod ex lachrymis oritur*, quod Apollonium Thiancum dixisse scribit Philostratus lib. 5. Quia tamen interdum necessitas omnino tributorum exactionem flagitat, danda est opera, ut omnes intelligant, *si salvi esse velint, necessitati esse parendum*. Post interfectum Julium in senatu, cum urbs ob tot bellorum incòmoda penè exhausta esset pecuniis, & in tantâ Antonii cum Octavio Augusto contentione, & cæteris bellicis rumoribus opus esset magnâ pecuniâ; cives Romani omnes suarum facultatum quintam & vicesimam partem contribuere; senatores verò in singulos lateres, quot habebant in ædibus urbanis, non suis solùm, sed etiam alienis, in quibus habitabant, quatuor obulos persolverunt; insuperq; ditissimi quique separatim alia multa contulerunt, prætereaq; arma, & cætera militibus necessaria, multę civitates, multiq; privati homines gratis & suâ sponte suppeditarunt; teste Dione in Augusto.

Sic

Sic olim Joas, rex Judæorum, cum ruinosum esset Domini templum, tributum à Mose in deserto institutum, Exod. 30. omnib. Judæis indixit, ut honorarium quisq; afferret, 4. Reg. 12. & 2. Paral. 24.

Cum Phul Belochus, Assyriæ rex, Israëlitas infestaret (a. M. 3185.) Manahemus Israëlitarum tyrannus, viritim Israëlitarū potentissimis quinquagenos argenti siclos imperavit, & mille talentis argenti pacem ab Assyrio emit, 4. Reg. 15.

Leo III. Imperator, terræ motu quassatâ Constantinopoli (a. C. 740.) ad mœnia reparanda novum vectigal indixit, edicens, ut in singula numismata 24. obulos ærario Principis inferrent, ad restituendos muros, quod deinde in multa secula servatum est.

Eduardus IV. Anglorum rex blandum exactionis excogitavit genus, quod *benevolentiam* appellavit. Egit enim cum amicis, ut sponte in sumptus belli pecuniam corrogarent, quod ipse ex suâ re benevolentiam singulorum mensurus esset, ut, qui plus daret, plus diligere se censeret. Eodem exactionis genere Henricus VII. Angliæ rex, bello Gallico usus, magnam pecuniæ vim collegit; teste Polydoro lib. 24. & 26.

Secundo bello Punico (anno M. 3770.) victi à Romanis Carthaginenses annum stipendium populo Romano usque ad certum tempus solvere tenebantur. Cum venisset dies, in qua

prima pensio Romanis conferenda erat, & ingemiscerent omnes ad vocem tributi; ferunt Hannibalem, commotum inutili lamentatione Poenorum risum effudisse, & increpitum ab Astrubale Heduo, quòd in communi totius civitatis moestitiâ tam effusè lætaretur, respondisse; non lætantis hominis illum esse risum, sed illorum inanes lachrymas deridentis, quæ eo tempore in leviori malo quod cujusque privati civis pecuniam tangeret, potius manarent, quàm antea, cùm Romani ad Zamam victores, classem, arma & amplissimarum victoriarum spolia Carthaginensibus detrahebant, victisque leges imponebant. *Tempori igitur cedere, id est, necessitati parere, semper sapientis est habitum; ideo quoque in rebus arduis & afflictis non tam speciosa dictu, quàm usu necessaria & utilia sequenda esse, rectè docet Quintus Curtius lib. 3. Quanquam enim optandum sit, utrumque posse consequi; tamen, si optionem nobis amarissima & truculentissima necessitatis imperia imponant, honestati salus & utilitas, ut res magis necessaria generi humano, preferenda est, secundùm Dionysium Halicarnassæum lib. 6. Postquam verò necessitas superata est, tributique causa evanuit, meminerit bonus Princeps, tollendum quoque esse tributum. Sic Romanis tributum remissum est, quàm primum L. Æmilius Paulus Macedonicis opibus, rege Perse devicto, ærarium satiavit; teste Valer. Max.*

Max. lib 4 c. 3. Sic Philippus Longus, rex Franciæ, cum exiguum salis vectigal imperasset, propalam testatus est, se id, quamprimum fieri posset, sublaturum. Quem in modum Philippus Valesius rex, cum gravissimo bello coactus vectigal illud salarium duplicasset, promisit, se daturum operam, ut primo quoque tempore sustolleretur, ut Bodinus memorat lib. 6. de Repub. c. 2. *Æquum enim est, quod belli calamitas intruset, hoc pacis lenitas sopiat;* ait Justinian. l. unica, in princ. Cod. de caduc. tollend. Debet enim Rex esse *μὴ σφετεριστὴς, ἀλλὰ ἐπίτροπος*; non extortor bonorum, sed tutor, ut Aristoteles præcipit lib. 5. Polit.

F L O S I V.

Subditorum in Principem amor esto
sincerus & candidus.

QUOD Siracides in Ecclesiastico suo c. 3. præceptum liberis injungit de parentibus, sermone, opere & patientiâ honorandis; idem etiam jure optimo subditis congruit, quos Princeps bonus, non secus ac liberos & propinquos, affectu paterno gubernans, eorum utilitatem sic tuctur, ut quicquid agit, ad eam referat, oblitus commodorum suorum, ipsamque Remp. tanquam paternam domum administrat; ob quam

paternam curam meritò à subditis suis honorandus est pius Princeps, & quivis magistratus sermone, opere, h. e. opibus & operâ & patientiâ, ut nimirum grato animo agnoscant, Deum esse authorem hujus ordinis; ac proinde propter Deum eis se haud gravatim subjiciant, & in externis officiis sine contumaciâ obtemperent; eorum insuper infirmitates *ἡμετέρας* tolerant, commoda provehant, & pericula declinent; nec pecunias saltem & opes, sed & vitam ipsam pro salute ipsorum, si sit opus, profundant.

Hujus rei memorabile nobis exemplum supeditat Davidis historia, qui regno pulsus ab Absalone filio (*a. M. 2920.*) cùm in urbem Mahanaim trans Jordanem cum 40. millibus suorum fugisset, persequente eum Absalone, exercitum in tres divisit partes: unam Joabo, alterâ Abisæo, tertiam It hæo Gadæo tribuens, se unâ cum militibus ad bellum hoc profecturum dixit. Verùm milites, ut vitæ ejus consulerent, noluerunt; sed ut in urbe maneret, subsidii loco coëgerunt, affirmantes, si in bello ipse caderet, Absalonem victoriâ esse potiturum; Sin in urbe se contineret, quamvis amisso eo exercitu, nihilominus eum novum exercitum comparandi facultatem habiturum, 2. Reg. 18. Idem in conflictu cum Palæstinis (*an. M. 2925.*) defatigatus, à Jisbi Benoco gigante oppressus fuisset, nisi Abisæus succedens gigante peremisset; quo facto, Davidis
milites

milites juramento se invicem obstrinxerunt, Regem se deinceps in pugnam non admissuros, 2. Sam. c. 21..

Sic & Cornelius Lentulus videns in prælio Cannensi (*an. M. 3756.*) Lucium Æmilium Paulum consulem vulnere confectum, extra viam, quanquã hostes insequerentur, pudore motus, properè juxta illum ab equo descendit, atq; cum Æmilio obtulit, obtestatus multis verbis, ne morte suã graviolem populo Romano cladem facere vellet; etenim se juvenem corporis robore adjutum pedibus salutem inventurum; quòd si alterutri moriendum esset, referre ad Reip. salutem, ut ipse potiùs, quàm consul moreretur. At Æmilius puduit, alterius civis morte suam servare vitam; & prorsus recusans equum, juvenem, ut in tutum se locum reciperet, hortatus, mandata magni momenti, quæ ad senatum, populumque Romanum perferret, dedit; nec multò post ab hostibus oppressus interiit, teste Fulgoso lib. 4. c. 5. ex Livii dec. 3 lib. 2.

Anno Christi 835, Theophilus Imperator Constantinopolitanus, à Saracenis circumventus, penè in manus hostium venerat. Id Manuelus sentiens, Dux exercitus, animis suorum oratione recollectis, audacter discrimen adiit; cumque ad Imperatorem perripisset, fatigatum jam, & de salute desperantem, & tamen fugã se suosque prodere nolle causantem; hortatus est, ut se se-

queretur præeuntem, iterque aperientem; quem postquam erumpentem Imperator è vestigio subsecutus non est, denuò, & cum ne sic quidem Theophilus sequeretur, tertium reversus mortem ei, nisi comitaretur, minatus, vix tandem præsentì periculo eripuit. Ideo honoribus cum donisque dignis Imperator remuneratus est, benefactorem ac servatorem factus, ut author est Cedrenus.

Eâdem pietate, sed dissimili fortunâ, Joannem Capuanum, Andreae Altavillæ fratrem, Regis sui Ferdinandi Arragonii vitæ cõsuluisse interitu suo, memorant Jovius lib. 3. histor. & Guicciardinus lib. 2. Ferdinandus nimirum regnum Neapolitanum recuperaturus (A. C. 1498.) ad Semernariam prælio inito, cum hostium multitudine obrueretur, in fugam se conjecerat; quem fugientem cristis auratisque armis conspicuû, multi sunt persecuti; sed nemine ejus cursum adæquante, lapsu equi in arctas concisæ viæ angustias est præcipitatus; cui desuper, equo resupinato, stapetis ac lunatis ephippii cornibus implicito, summoque in vitæ periculo laboranti (Galli enim non multum inde aberant;) Johannes Altavilla auxilio supervenit, & memorabili charitate equum obtulit, quo ipse pernicissimo ad salutem utebatur, in quem Ferdinandus rex insiliens, ipse quidem è manibus hostium evolavit; at Altavilla in pedes destitutus, paulò post ab hostibus est interfectus. Pari

Pari modo bello Turcico (anno C.1544.) ad Pestam oppidum, cū castris quodam die Mauritius Saxoniae Dux progressus, uno duntaxat comitatus satellite, in Turcas aliquot incidisset, manuq; consertā equo confosso in terram effusus esset; ibi famulus Germanus, genere nobilis, corpore toto superincumbens, jacentem protexit, & tantisper hostes remoratus sustinuit, donec equites supervenēre, qui Principem eriperent, atq; ita vitam ei servavit; ipse verò multis acceptis vulneribus, in castra relatus, non multò post interiit; teste Sleidano lib.15.

Sic & Johannes Smiritheus inter Bohemos nobili genere natus, (an. C.1452.) dum Ladislai, Ungariae & Bohemiae regis vitae consulit, suam amisit; quippe qui (ut author est Bonfinius dec.3. lib.7.) ad Ladislaum Bohemiam ingressurum ita scripsisse dicitur; Venturum te quamprimū in regnum tuum probo, *si modò veneris imperaturus, & non periturus.* Inermem impotemque te intrare non laudo, nisi bicipitem te mater fortè pepererit; ut ex duobus unum Vienna apud amicos dimittas, alterum dubiae Bohemorum fidei caput temere credas. Vale.

Hæc epistola Ulrico, Ciliae Comiti, Austriae gubernatori, reddita perlectaque, ad Georgium Bodibracium, Bohemiae gubernatorem, exemplo est remissa; qui coacto senatu, præsente Johanne, literas has recitavit, deq; eo repente extremum sumpsit supplicium. S. 6.

Memoratu quoque dignum est, quod in Julii Cæsaris vita scribit Plutarchus, studium erga se militum, & promptitudinem eum habuisse tantam, ut, qui cæteris nihil aliis in expeditionibus præcellebant, invicti atq; intolerabiles in omne discrimen pro Cæsaris gloriâ ruerent. Qualis fuit hinc Acilius (*a. M. 3923.*) qui in prælio navali apud Massiliam, cum in hostilem navim transfiliisset, detruncatâ gladio dextrâ, retinuit sinistrâ scutum, quo pulsans hostium ora omnes avertit, naviq; est potitus. Illinc Cassius Scæva, qui (*a. M. 3924.*) in pugna ad Dyrrhachium excusso sagittâ oculo, humero pilo uno, & femore altero trajecto, scuto telorum triginta, supra centum ictibus exceptis, tanquam dediturus se, vocavit hostes; duobus accurrentibus, alterius humerū gladio defecuit, alterius sauciavit faciem, eumq; in fugam vertit; ipse amicorum præsidio evasit incolumis.

Idem Plutarchus in Bruto commendat singularem fidem Lucilii militis Bruti domestici, qui apud Philippos (*a. M. 3930.*) inclinatam jam aciem videns, se pro Bruto obtulit, ut spatium ei fugiendi daret, quem pro Bruto ad M. Antonium ductum, ubi fraus apparuit, collaudatū ob fidem ipse apud se retinuit, eumq; non minùs postea sibi fidelem sensit, atque Bruto fuerat.

Sic & capto ab Anglis (*an. C. 1356.*) Johanne, Francorum rege, Carolus Sapiens Delphinus, ci-
vitates

vitates circumiens, opemque rebus suis afflictis, & patri petens, apud singulas perfecit, quod apud universas nequiverat.

Occitani namque in provincia Narbonensi, autore Armeniaco Comite, non expectatis Delphini precibus, aurum matronarum, & omnia ornamenta pro ejus redemptione contulere, legem etiam sumptuariam, & de mundo muliebri repetiēre; octo millia denique bellatorum armaturos se, tutaturosque professi sunt, quoad domum Rex restitueretur. Horum pietatem Campani mox secuti sunt, ut author est Æmilius lib. 9.

Digna quoque est Brixia, Cisalpinæ Galliæ urbs præcipua, quæ servatæ fidei nomine multum laudis & gloriæ præter cæteras dotes mereatur, ut scribunt Egnatius lib. 6. c. 6. & Sabellius lib. 3. dec. 3. Nam cum à Philippo, Vice-comite Mediolanensi Principe, diutius obsideretur, fame quoque & peste intus laboraretur, prætor Francisco Barbaro, & præfecto Christophoro Donato, constantissimè sese & urbem tuentibus tantum abfuit, ut de urbe dedendâ Brixienses unquam ipsi cogitarent, ut omnibus obsessi malis, urbem tamen tutati sint, donec Catta Melita Imperator cum summâ rerum omnium difficultate obsidionem solverit.

Ad eundem modum toto regno Neapolitano, à Carolo VIII. Galliæ rege subactò (anno

Christi 1496.) Brundusina arx, una omnium totius regni, postea in Arragoniorum fide permansit, teste Jovio lib. 2. hist.

Sic & (*a. C. 1503.*) cum reliquæ omnes Italiae civitates, & Principum ditiones, quas Cæsar Borgia, Dux Valentinus, vi occuparat, mortuo patre Alexandro Sexto Papâ, priores dominos recipe-
rent: sola Æmilia, etsi Venetorum, qui Ravennæ magnas copias comparabant, metu non careret, in Valentini fide pacata permansit; *Præstabilius arbitrata, licet iniquum, certum tamen, eundemq; liberalem & potentem habere dominum, quam ephemeris tyrannis, ut reliquæ urbes, indies opprimi; ut* author est Guicciardinus lib. 6.

Rarum quoque fidei exemplum recitat Fulgus lib. 4. c. 7. de Alphonso Petro Gusmanno, Dariffæ urbi Sancti IV. Castulonensis regis nomine præfecto; in qua, cum arctâ Maurorum, & Johannis Sancti fratris hostisque obsidione premeretur, nunquam aut pretio, aut precibus ad deditionem faciendam flecti potuit. Cum autem Johannes ejus filium, quo in obsequio utebatur, ad muros deduxisset, fretus spe, filii periculo patrem motum iri; non modò id pater neglexit, verum etiam à muris gladium porrexit, dicens; *nolle se, ut ei modus ad occidendum filium deesset.* Quo autem vultu de muris enssem de-
jecit, eodem occidi filium, nihil ab eo mutatus, inspexit.

Alia

Alia quoq; memoratu dignissima in historiis passim illorum reperiuntur exempla, qui à suis Principibus deficere noluerunt, aut contra eos conspirare.

David rex, cùm ab Absalone filio regno pelleretur (*anno M.2920.*) omnes Crethæi & Plethæi, itemq; Gitthitæ sexcenti milites fortissimi in exilium cum comitati sunt; ex quibus Ithæus Gitthita, vel invito Regi se comitem & vitæ & mortis futurum constanter asseruit; Zadocus item & Abjathar Pontifices, & Levitæ omnes cum arcâ Domini; sed sacerdotes cum arcâ in urbem redire iussit, ut & Husæum Architam, consiliarium suum fidissimum, qui, defectione ad Absalonem simulatâ, Achitophelis consiliis se opposeret, 2. Sam. 15. Non multò post (*4. M. 2922.*) Israëlitis cæteris ad Sebam Bichri filium deficientibus, Judaica tribus sola Davidi, in regnum vix restituto, constanter adhæsit, 2. Reg. 20.

Marco Antonio, qui ad Actium ab Octavio victus, turpissimè fugam cœperat, novendecim peditum integrorum legionibus, & duodecim millibus equitum relictis, milites tantam præstiterunt fidem, ut fugâ ejus patefactâ diebus 7. cohæserint, missosque ad se Cæsaris legatos repudiaverint, donec Dux Canidius castris relictis noctu profugit; ubi ab omnibus derelicti, & à Ducibus suis proditi, aggregarunt se ad victoriam; teste Plut. in Antonio.

Corbulonem, qui à Nerone Cæsare Dux contra Barbaros factus (anno C.59.) Vulogesium, Parthorum regem, atque Teriditem, Armeniæ Principem, suo adventu perterruit, præ cæteris Romanis commendat Xiphilinus in Nerone, quòd Neroni fidem servavit.

Aquilejenses tantâ fide contra Maximinum pro senatu Romano fuerunt (a.C.238.) ut funes de mulierum capillis necerent, quibus sagittas excuterent penuriâ nervorum, teste Herodiano lib.7.

Basilienses (a.C.1325.) à Pontifice proscripti, quòd Ludovici Bavari Imperatoris partes sequerentur, legatum Apostolicum dirarum Imperatoris præconem è summo templo præcipientem in Rhenum dedêre, & natando ferè elapsum naviculis insecuti, trucidavêre. Minoritas quoq; & Dominicanos, ob Papæ edicta cessantes, ad sacra peragenda, exilii pœnâ coëgêre, his verbis; *Sie solten lesen vnd singen/ oder auß der statt springen/* ut scribit Stumphius in Chron. Helvetiæ.

Cùm civitates Imperii (a.C.1040.) dejecto Wenceslao Imperatore, rege Bohemiæ, novare sacramenta Palatino, novo Regi, juberentur; soli Norinbergenses adhærebant Wenceslao pertinaciter, asserentes, se vivente Rege suo, nisi jussu ejus, alteri non juraturos. Cùmque graviùs urgerentur, misêre oratores, qui super eâ re sententiam

tentiam & nutum Regis acciperent, offerentes aureorum 20. millia, si eos absolveret. Ille contempto auro, mox absolvit, jubens, ut optimi vini Rhenani, quod Baccharacense vocant, aliquot plaustra sibi mitterent. Ita summa illi de vino cura fuit, ut Cranzius scribit libr. 10. Vandal. c. 1. & Æneas Sylvius lib. 2. Bohem.

Sigismundus Quinq; ecclesiensis Episcopus, à Maximiliano Primo Imperatore, per literas promisso in defectionis præmium Salisburgensi Archiepiscopatu, ut ipsius se partibus adjungeret, sollicitatus, respondit; *datam semel Ladislao fidem fallere, nefas esse se existimare, quam antistitis integritatem laudavit Maximilianus, teste Bonfinio dec. 5. lib. 1.*

Sic & Michaël Orscha, Ungariæ Palatinus, cum reliqui procures Matthiam de regno deicere cogitarent, illud non minùs in corde, quàm in ore versasse dicitur; *quemcunq; sanctâ coronâ coronatum videris, etiam si bos fuerit, adorato; & pro sacrosancto Rege ducito, & observato, ut idem scribit Bonfinius lib. 3. dec. 4.* Nimirum subditis in conspectu semper esse debet Plautinum illud in Captivis; *Fac fidei, sis fidelis, cave, fluxam fidem geras.* Utrique enim perfidia, ut Nicocles ait Isocraticus, res est omnium miserrima, quæ in perpetuâ trepidatione motuque rerum omnium, amicis non plus habet fidei, quàm inimicis. Et enim ut Silius Italicus canit lib. 13.

————— Dubio qui frangere rerum
 Gaudebit pacta, ac tenues spes linquet amici,
 Non illi domus, aut conjux, aut vita manebit,
 Unquam expers luctus lachrymaq³, agat equo-
 re semper,

Aut tellure premens, aget agrum nocte dieque
 Despecta ac violata fides.

Et quis verò non detestetur perfidiam, quâ nulla Furia infernalis perniciosior est; utpote quæ jus & æquum pervertit, sacra omnia profanat, pietatem omnem & justitiam pellit, omnem amicitiam patriæq³; & sanguinis respectum tollit; Ordinem politicum, leges, jura omnia abrogat & convellit; pacem & fœdera turbat, regnorum opes comminuit, omnium cladium florentissimis regnis, nobilissimis civitatibus, populis potentissimis initarum causam præbuit; ad avaritiam, sævitiam, & mala omnia, dux & quasi magistra est, & perfido ipsi non tantum dedecus, sed & perniciem affert. Hujusmodi siquidem homines perfictæ frontis, infamiam negligentes, humanâ quidem sunt formâ, sed beluinis animis, quia longè deteriores sunt ipsis manifestis hostibus, (Nam facilè est cuivis, inquit Dionysius Halicarnassæus lib. 3. ab istorum insidiis sibi cavere, & hostiliter congressos quivis repellere potest; sed ab amicis, qui hostiliter se gerunt, illi qui jam sunt præventi, nec facilè sibi cavere, nec propulsare eos valent;) longè graviori pœnâ dignos

dignos esse multis comprobat exemplis Alexander ab Alexandro lib.2. genial.dier.c.13. Quorum aliis pollices, aliis dextra manus amputata est; alii crucibus affixi, alii securi percussi, alii denique bestiis sunt objecti. Sic & Histiaëus Milesius, cum à rege Dario defecisset, ab Artapherne Sardis in crucem est actus, teste Herodoto lib.5. & 6. Apud Romanos Hostilius, Rex, Methii Suffetii, Albanorum Ducis, qui inter Fidenatā Romanamque rem, animum gesserat ancipitem, corpus bigis diversas in partes distrahi mandavit, ut author est Livius lib.1. dec.1. & Florus lib.1. cap.3.

Pipinus, Francorum rex, Ramistanum, Vagifari, Aquitani Ducis rebellis, patrum comprehensum resti suspendit; quod à Vagifato ad se, ab se ad Vagifarum transiisset, infirmā semper fide, teste Æmilio lib.2.

Ludovicus II. Imperator post multa prælia, Rastricem, Principem Sclavorum, captum, propter violatam fidem oculis privavit, ut scribunt Sigebertus & Regino lib.2.

Theobaldus Brussatus, qui Spire militari baltheo à Cæsare donatus, ejusque beneficio in patriam receptus erat ab exilio; quod Brixianos ad defectionem sollicitasset, & in rebellionē detinisset; Brixia tandem ab Henrico VII. Imperatore (a.C.1311.) post longam obsidionem fame, ferro, flammisq; perdomitā; inter cadavera lau-

cuius repertus, (mortuum autem se simulabat, ut hostium manus elaberetur,) ad Cæsaremq; perductus; postquam ei Cæsar acerbissimis verbis prodicionem exprobravit, equo alligatus, per exercitum raptatus, & tandē in quatuor partes est dissectus, quatuor item Brixiani capti, bobus alligati, similiter sunt dilacerati, teste Cuspiniano in Cæsaribus.

Andreâ, rege Apulo, tertio post initū regnum anno, cognatorum factione, consentiente uxore Johannâ Averſæ, serico laqueo necato, conjurationis Principes Corradum Cattanchium, & Gensam militem, cum nonnullis aliis, Comes novellus, Andreæ necessarius, cepit; & per omnes comitatus sui vicos circumferri, candentibus forcipibus discerpi, demum quatripartitò discindi jussit, ut Bonfinius scribit libr. 10. dec. 2. Sic & Johannes Horvatus, Pannonius, Croatiae præfectus, qui Elisabetham Ungarię reginam, ob cæsum Carolum Neapolitanum, in aquâ submergi curarat (*an. C. 1385.*) à Sigismundo Imperatore stimulis uxoris Mariæ, matris necem ulcisci desiderātis, accenso captus, & in Quinqueecclesiarum urbe, revinctis ad palum manibus, per urbes, vicos & compita curru circumvectus, candentibusque frustulatim forcipibus passim discerptus; postremò quadripartitò dissectus est: Frusta corporis singulis portis ad deterrendam facinorosam audaciam imposita, cæteri capite sunt

sunt mulctati, ut idem author est Bonfinius lib. 2. dec. 3.

Ab eodem Sigismundo (*an. C. 1402.*) regno Ungariæ restituto, in Sclavonia conventu indicto, Stephan⁹ Weivoda conjuratorū, per quos Rex in carcerem fuerat conjectus, Princeps ad eum quidem conventum cum magnâ equitum manu advenit, partim suorum viribus, partim Regis clementiâ fretus, sed in quo à nobilitate captus & obtruncatus est, ejusque cadaver è fenestrâ in forum deturbatum. Quo spectaculo, equitum ad arma conclamantium animi sic consternati sunt, ut domini sui vindices esse formidarent; ut ibidem scribit Bonfinius.

Idem Sigismundus Imperator, postquã Pipo Florentino, magni nominis Duce, in Forum Julii misso; Urbium in potestatem redegit, hic autem in medio rerum gerendarum ardore, auro corruptus, exercitum in Pannoniam præter omnem expectationem reduxit; Imperator Parthos imitatus, ut hi Crassi mortui, sic ille Pipi viventis faucibus aurum liquefactum infudit; *Auro saturare, quod sitisti*, ingeminando; eodem teste Bonfinio lib. 3.

Et quis omnia punitæ perfidiæ in defectoribus, transfugis, proditoribus, desertoribus, & aliis nefariis, læsę majestatis Regis exempla, quibus nulla nō historia referta est, recensere valet?

Pro coronide unicum his addere operæ pre-

tium videtur de Heberto Comite Viromanduo, suomet judicio damnato. Roberto nempe Aquitaniæ Duce, à Carolo Simplice, Galliæ rege, in Sueffionum agro victo, & in acie cæso, cladem eam adeò ægrè tulit Hebertus Viromanduum Comes, Roberti sororius, ut insidias parare statuerit, quibus Regem caperet. Eum itaque per speciem amicitiae Peronam ad solenne convivium invitatum, cum omnibus Principibus & proceribus Gallis, nihil tale suspicantibus, comprehensum in arcem Peronæ inclusit, captivumque ad mortem usque detinuit; cum Principibus tamen, liberis confestim dimissis, pactus, ne unquam adversus se arma ferrent.

Ludovicus III. Caroli filius in ipso statim regni initio, de Heberto palàm expetere pœnas ausus non est, veritus, ne ejus propinqui, amici & clientes, quos multos in regno habebat, turbas & tumultus concitarent. Magnifico tandem instructo convivio, cum Principibus & regni proceribus, Hebertum quoque ei ejusque amicos adhibuit; iis epulantibus cursor Anglicus intervenit (totam fabulã ita composuerat Rex Ludovicus) ocreatus, petasatusq; Angliæ regis literas Regi Ludovico tradens; quas acceptas, quò minimum omnẽ meliùs ageret, submissâ voce Cancellarium legere jubet. Ubi perlectæ sunt, Rex subridens, clarâ voce, ut omnes convivæ exaudire possent, ita infit; Vel hoc satis probat, quod vulgò

vulgò dicitur, verum esse, *Anglos parum sapere*; quippe cognatus meus Rex Angliæ ad me scribit, repertum esse in regno suo quendam vasallum, hominem rusticum, qui, cum seniore suum ad epulas invitasset, domi suæ retinuit & strangulavit. Porro sciscitari se velle ex Principibus & proceribus Gallie, quid supplicii meritum ipsum censeant. Quid ergo tibi videtur, Comes Blæfensis? (is erat natu omnium maximus) tum Comes rusticum istum capitali poenâ dignum sibi videri respondit. Huic iudicio cæteri assensi, & Comes Viromandus quoque sententiam rogatus assensit. Tum Rex sermonem excipiens; Comes Viromandue, inquit, te ore & iudicio tuo capitalem fraudem fecisse statuo; pellexisti domum tuam per simulationem amicitiae ac convivii patrem meum, & domi tuæ incustodiam traditum foedè ad mortem compulisti. Itaque cum tuâ etiam confessione capitalem noxam docueris, tibi extremum & infame supplicium indico. His dictis Rex corripit hominem & laqueum injici jubet. Sic ergo Comes Herbertus, fractâ laqueo gulâ, suomet ipse iudicio periit, & istam perfidiæ mercedem tulit, teste Æmilio lib.3.

Subditi ergo hujusmodi perfidiæ suppliciis deterriti, perfidiam, cœu tartareum & furiale monstrum, cui *iraq; insidiaq; & crimina noxia cordi*, damnent atque execrentur; & quia famæ

fidei q; damna accepta sunt, quàm quæ æstimari queant, non modò violatæ fidei crimine, sed suspicione quoque, quoad ejus fieri potest, carere satagant; ac proinde candorem suum in dictis factisque Principi & cuivis magistratui semper & ubiq; probent. Et hunc à suis subditis quoq; subditis Nicocles Isocraticus postulans, primùm multis verbis præcipit, ne occultè aut callidè quicquam aut malitiosè inscio se agant, sed simplicitatem & candorem apertum omnibus in rebus atque actionibus adhibeant, & perinde se gerant absente Principe, ac si ipse coràm adesset. Non enim semper Deus actiones hominum in tenebris quasi & solitudine relinquit; sed necesse est, in lucem eas produci, & ab omnibus tandem cognosci. Deinde quoque vitare jubet τὴν διπλόην, *vafriciem & fraudem, qua aliud ore loquitur, aliud corde sentit; aliud coràm, aliud in absentia dicit;* (non enim, ut Patinus rustico apud Aulianum fabulatorem respondet; *ex eodem ore calidum & frigidum emittere oportet,*) & econtrà simplicitatem requirit, & veracem, sincerum atq; candidum animum, à quo omnis abest assentatio, omnis fraus, omnis obtrectatio. Denique amor & fides subditorum in suum Principem & magistratum hinc quoque conspicitur, si illorum & Rerump. hostes atque insidiatores ipsis detexerint atque patefecerint, quod & ipsum à suis subditis requirit Nicocles. Subditi nimirum

rum omni curâ & diligentia, quantum in ipsis est, debent providere, ne quid detrimenti vel ipse Princeps, vel tota Resp. capiat; & ea, quæ ipsi vident aut animadvertunt, incômoda & pericula omnibus modis avertere atque arcere. Quod nisi fecerint, tum simul eandem certè pœnam merentur, quam delinquentes. Nota enim juris est regula : *Faciens & consentiens eâdem pœnâ sunt digni.* Planum hoc fit ex historiâ Caroli, Comitis Carolesii, Ducis Burgundiæ, apud Fulgosum lib. 6. c. 5. Apud hunc Johannes Dinus accusat Johannem Costanû, Burgundionem, compellatum se ab eo dicens, ut acceptâ grandi pecuniâ venenum perferret, quo Carolus Comes e medio tolleretur. Hic ergo, postquam Costanum securi percussit, Dinum quoque ad se vocatum interrogavit, si Costanus pecuniam, quam promiserat, præstitisset; eumne accusaturus fuisset? cui Dinus, ne mentiretur, fretus quoque indultum iri, palàm fassus est, se eum non detecturum. Quamobrem Comes jubens Dinum Christiano more sacerdoti crimina sua fateri, eâdem horâ ipsum quoque securi percussit; justâ & veloci mercede ei datâ duarû proditionû erga amicum (Costanû) & Principem. Quid multa? subditos decet omni ratione & modo Principû & magistratû suorum cōmoda provehere, & pericula declinare; utpote *quorum fortuna communis esse solet.* Nam, ut Livius ait decad. 3. lib. 10. *tantum*

434 *Florum politico - historicorum*

*ex publicis malis sentimus, quantũ ad privatas res
pertinet, nec in eis quicquam acrius, quàm pecunia
damnum stimulat. Sic verè, juxta illud poëtæ,
Intrant in thalamos publica damna tuos.*

F L O S V.

Principes etiam σκολιοὶ καὶ δύσκολοι pa-
tientiã honorandi.

PRincipes, quoniam Dei inter mortales ge-
rum personam, meritò verbis & opere sunt
honorandi, quod quatuor flosculis huc usque
planum fecimus. Quia verò & ipsi homines
sunt, à quibus humani nihil est alienum; ideo
ἐπιείκεια quoque à subditis requiritur, tolerans
illorum infirmitates, & nævos atque errata con-
donans. Et quia non semper boni & humani
Principes à Deo dantur, sed etiam σκολιοὶ καὶ δύσ-
κολοι, h. e. pravi & morosi, quibus omnia dicta
& facta stomachum movent; quiq̃ue in subdito-
rum corpora proprium sibi dominium & jus
vendicantes, eos beluarum instar tractant, ideo
illos quidem à Deo optare, hos autem æquè ac
illos revereri, & patienter ferre decet subditos,
juxta Petri ac Pauli Apostolorum præceptum
servis datum in 1. Pet. 3. & ad Eph. 6. *Quemad-
modum enim sterilitatem aut inimicos imbres &
cetera, quæ videntur nobis natura mala, sic quoq̃*
luxuria

luxum, avaritiam, asperitatem & reliqua dominantium notis visa mala tolerare debemus. Cum Samuelis filii à sanctimoniâ & pietate paternâ degenerarent, & avaritiæ laqueis irretiti, venales haberent linguas, & sententias judiciorumque perverterent, indeque populus Israëliticus ansam caperet petendi Regis; Deus super importunâ istâ populi postulatione consultus, ægrè eam tulisse videtur; Non te, (inquiens ad Samuelem) sed me spreverunt. Quibus verbis innuit, *judicandi atq; imperandi potestatem non esse hominum, sed Dei.* Samuel itaque populi petitioni cedens, inter alia Regis jus futurum exponit; non quidem, quid facere Reges ex officio deceat, sed quid plerunque ex maleficio usurpent; fore nimirum, ut Reges illorum quandoq; extra metas præscriptas erumpant, suâ potestate præposterè utantur, jus omne in vi ponant, in subditorum res utrâque manu involent, deque alieno sint liberales atque munifici.

Huic ergo tam gravi sarcinæ humeros esse submittēdos præmonet, & injustas expilationes atq; rapinas nō tam culpandas, quàm ferendas; servitutem deniq; iniquam ingemiscendo, mustitudo, ac silendo prosequendâ, 1. Reg. 8. Ideoque cum Philistino bello primo Saul ex merâ ambitione populum juramento astringeret, ne quis nisi cōfectis hostibus aliquid cibi gustaret, 1. Regum 14. populus huic edicto, quantumvis gravi

& molesto obedientiam jure debuit, tum quia suâ sponte Regem postulaverat, & regiæ potestati sese subjecerat, tum quia magistratus ordinatio Dei est; cui etiâ iniqua, non tamen impia, præcipienti omnino obtemperandum; idq; non solum propter iram sive pœnam, sed etiam propter conscientiam. Quamvis n. propter inobedientiam suppliciū magistratus aliquando effugas, non tamen effugies coram Deo peccatum, quod ex ejusmodi inobedientiâ adversus Deum committis; *Deo siquidem non paret, qui legitimo magistratui non paret*, & divinam ordinationem turbat, qui temerariâ suâ importunitate civilem tranquillitatem turbat. Unde videre est, quàm graviter idem populus Israëliticus adversus Deum peccarit, suâ à Roboamo rege defectione, denegante ipsi *σεισάχθειαν*, hoc est, onerum publicorum levationem, 3. Reg. 12. Nec enim Deo consulto, nec convocatis populi Israëlitici ordinibus, quo Roboamum sive volentem, sive nolentem ad officium cogerent; novi Regis electione regnum illud, quod Deus voluit esse unicum, in duo discerpserunt; unde non tantum bellis intestinis, sed & idololatriæ Jeroboami occasionem dederunt, quos decuisset potius legitimo justoq; armorum usu Roboami tyrannidi occurrere. Sed nec justa rebellandi causa fuit Roboami stoliditas & tenacitas, pertinaciter denegans populo tributorum levationem, à Salomone

mone imperatorum, 3 Reg. 9. pro muniendis urbibus & armamentario publico instruendo. Periniquè enim de durissimo hoc Salomonis iugo conquerebantur: ejus siquidem Imperio nemo ex populo Israëlítico ad servitutem adactus, sed imò potiùs fidei ejus curâ totum regnum auro & argento divitiisque affluxisse legitur, 3. Reg. 9. & 10. Et quamvis iniqua Roboamus imperasset tributa & vectigalia, nec tunc tamen populus justam habuisset causam ab ipso deficiendi & rebellandi, sed potiùs, juxta Apostoli præceptum ad Rom. 13. decuisset eos Regi suo obedire, non solum propter iram, sed etiam propter conscientiam, ipsique reddere tributum, vectigal, honorem.

Pari modo à Romanis quoque militibus graviter peccatum, Publium Posthumiû Tribunum militû consulari potestate, ob nimiam ejus arrogantiam & crudelitatem, lapidibus obruentibus, ut est apud Livium dec. 1. libr. 4. & Florum lib. 1. cap. 22.

Et si enim Posthumius pravæ fuit mentis homo, qui non solum, quam ante Volcarum oppugnationem prædam militis fore edixerat, oppido capto eam denegavit, fidemque mutavit, sed & in eundem militem multa exinde superbè & crudeliter dixit atque egit; non tamen decait milites, seditionem contra Ducem suum concitare, multoque minùs lapidibus eum obruere, sed

potiùs injurias istas quantascunque patienter ferre, aut per leges ad supremum magistratum recurrere. Quoniam enim omnis anima potestati supereminenti, etiam injuste, debet esse subdita, secundùm Apostoli illud ad Rom. 13: ideo non licet homini privato contra tyrannum insurgere, multòque minùs è medio eum tollere, quamvis justo dolore impellatur ad sceleris vindictam exposcendam; quippe quæ fieri debet auctoritate magistratus, non privati hominis audaciâ. Duo nimirum, qui privatæ sunt conditionis, subditis, injuriam à magistratu passis, possitissimùm sunt observanda. Unum, ne quid, nisi juridicè, experiantur, utpote quib. per leges licet ab inferiore magistratu ad superiorem recurrere; alterum, ut videant non solum quid liceat, sed vel maximè quid expediat. Sic nimirum rectè Paulus Apostolus, ut injustitiam Festi Judææ præfecti declinaret, ad Cæsarem provocavit, Act. 25.

Idem, cum Philippis contra jus civium Romanorum virgis ignominiosè indictâ causâ per magistratus imprudentiam cæsus fuisset, piè omnino judicans, se suâ patientiâ Dei gloriam magis promoturum, jus suum ulterius persecutus non est; sed satis illi tum fuit, magistratum suæ injustitiæ contra leges commissæ, admonere, Act. 16.

Quòd si supremus magistratus is est, à quo
injuria

injuria proficiscatur: Christus, & post eum omnes Martyres suo exemplo satis docuerunt; injurias patienter esse ferendas. Estq; hæc summa Christianorum gloria, *injuriam ab omnibus pati, nemini autem inferre.*

Sic nimirum David (a. M. 2885.) ut initio bis declinavit Saulis lanceam, & ex aula excedere maluit, quàm vicissim lanceâ suâ in Regē suum sævire, 1. Reg. 18. & 19. ita & deinceps in suo exilio, cum bis oblata esset ipsi occasio eundem occidendi, gloriosius sibi duxit; iræ suæ & manibus imperare, & Regi vitam donare, & in hostis capite carbones igneos cumulare, quàm ut jus suum persequendo, animum vindictæ cupidum brevi voluptate expleret atque deliniret. Quâ suâ mansuetudine, Saulum non modò ad lacrymas peccatiquæ sui confessionem adegit, sed etiam illud effecit, ut publicè voce suâ innocentiam ipsius testaretur, regnumq; suum pleno ore ipsi resignaret; quo nihil majus aut magnificentius ipsi accidere potuit, 1. Reg. 24. & 26. Ab hoc ergo subditi discant, quasvis tyrannorum tolerare injurias, auxiliumq; à Deo piis precibus expectare; quæ via ad excutiendum tyranni jugum, multò expeditior est, quàm seditiosæ conspirationes, aut crudeles cædes.

Sic &, cum olim Israëlita durissimâ & penè intolerabili per multos annos à Pharaonibus premerentur servitute, fodiendâ pice, & bitumine

ducendo, minimè in eum conspirarunt, aut rebellionem fecerunt, sed in tantis angustiis Dei opem implorarunt; qui excitato Mose (*anno M. 2454.*) robustâ eos manu tandem ex ergastulis Ægyptiis eduxit, Exod. 1. & seq. cap.

Preces nempe, cum seriâ relapsionem & patientiâ conjunctæ, vera & necessaria sunt remedia ad profligandam tyrannidem, quandoquidem hoc quoq; malum inter flagella, à Deo immixta ad populum castigandum, meritò connumeratur; imò scutum illud sunt, quod magis compevit subjectis, contra tyrannos se defendentibus, quàm gladius, horum ca de manus illorum cruentans. Et hoc scutum Judæos exules in Babylone contra Nabuchodonosorem, Assyriorum regem, qui, urbe sacrâ & templo incensis, Zedechiæ Regi capto oculos effoderat, nobilitatem è medio sustulerat, populum in colonias disperse- rat, apprehendere jubent Prophetæ, Jer. cap. 29. & Baruch c. 1. preces nempe pro Rege, ipsiusque regno; quemadmodum contra Ezechiel cap. 29. maximopere detestatur Zedechiæ regis rebellionem adversus eundem regem Nabuchodonosorem. Cæterùm de legitimo armorum usu adversus superiorem magistratum, tyrannidem exercentem, dictum paulò antè in
flore secundo hujus
Coronæ.

F L O S V I.

Subditis Rerumpubl. novæ mutationes fugiendæ.

Tales sunt hominum mores, & talia ingenia, ut semper præsentia fastidiant Imperia, quantumvis mitia & bona, novosq; dominos, & nova Imperia expetant. Quemadmodū n. nulla tam felix est gubernatio, quin habeat aliquid difficultatum; ideo fit, ut leviter pressi à præsentibus gubernatoribus subditi, his excussis quærant novos, sed quas Rerump. mutationes plerunq; fieri in deterius, populi Israëlitiçi satis superq; docet historia, cujus politia omnibus mundi regnis antecellebat, Deo ipso in medio populi versante, & in gravioribus causis responsa inter Cherubin edente, Judices quoque & Duces belli pios & probos, quotiescunque rogabatur, eligente; sed qui præsentis gubernationis formā, quā Deo ejusque verbo subjiciebatur, pertæsus, à Samuele (a.M. 2881.) (qui huc usque aheneus ipsi fuerat murus & propugnaculum, & quem constabat regi atque conservari divinitus; cujus quoque innocentia & justitia in gubernatione, postea in publicis Regni comitiis, in Gilgale celebratis, apertum & ingenuum perhibuit testimonium,) ad circumfusarum gentium morem, petiit sibi

T

;

dari Regem, lubricum homuncionis, in horas mutari soliti, Imperium immutabilis Dei præferens dominationi & gubernationi, 1. Reg. 3.

Quanta verò malorum lerna sub hac populi Israëliti postulatione latuerit, & quàm proclivis sit virium in violentiam lapsus, & quàm præceps regni in tyrannidem mutatio, sub Saulis & aliorum nonnullorum Regum Imperio, malo suo didicit. Unique enim, ut verissimè dixit Xenophon; *Imperiorum mutationes non fiunt sine magnis calamitatibus, tam publicis, quàm privatis.* Cui Salustius subscribit de bello Jugurthino, his verbis: *Omnes rerum mutationes, eadem fugam, aliâq; hostilia portendunt.*

Quanta autem incommoda ex frequentibus Rerump. aut Imperiorum conversionibus oriri soleant, notum est ex seculo isto Reip. Romanæ, quo à promulgatâ lege Canulejâ (an. M. 3529.) usque ad communicatum plebi consulatum, per 30. illos annos, quibus tribuni plebis assidue factum istud volutarunt; decies novies inter consules & tribunos militares Reipubl. gubernatio est commutata; teste Liv. dec. 4. libr. 4. & Floro.

Quemadmodum enim plus est periculi corporibus nostris vere & autumno, ob aëris mutationem, ita novitas omnis offendit atque lædit Remp. non sine magnis calamitatibus publicis & privatis, quæ plurimùm augentur, si crebrò mutationes istæ incidant, qualescunq; illæ sint.

Nam

Nam bonæ quoq; & salutare mutationes, quia novum aliquid atque infuetum introducunt, rationes & consilia gubernatorum turbant, & legum tam veterum, quàm recentium auctoritatem labefactant; pariunt discordias, divulsis conjunctissimorum hominum animis, studium & curam Reip. in iis, qui præsidet, languesciunt; in subditis denique acuunt & confirmant licentiam peccandi, petulantiam obtrectandi, & audaciam legitimo magistratui adversandi. Probè hoc intelligens Nicocles Isocraticus, subditos suos hortatur, ut suam sibi gratiam atque amicitiam concilient, quâ nihil tutius, nihil firmitus, nihil felicius esse possit Reip. nec ullam mutationem requirant; utpote quæ causa sit multarum confusionum, & plurimorum malorum, non tantum in Reip. sed etiam in privatâ familiæ administratione. Quem in modum & Tacitus Annal. lib. 12. *Regum ferenda ingenia, nec usui esse crebras mutationes*, monet. Et Augustus Cæsar, cum Straton ipsi adulaturus, Catonis perviciam accusaret; quod sibi manus afferre. quàm Julium victorē agnoscere maluisset; *Quisquis*, inquit, *presentem Reip. statum mutare non vult, is & civis, & vir bonus est*. Quo dicto, abi potissimum consuluit; deterrens, ne quis in posterum res novas affectaret. Quocirca, quamvis extra controversiam est, nullam esse Remp. aut Imperii formam tam bene constitutam, in qua

non subinde aliquid desiderari queat; tamen, ut Medici ad graviora remedia, non nisi cæteris desperatis, & quidem timidè, accedunt: ita quoque in Rebus publ. & Imperiis non temere aliquid propter occurrentes difficultates est immutandum. Sæpe namque usu venit, ut, dum uni alicui malo medicina paratur, alii morbi exasperentur; & quod præsentī statui medicinam videtur afferre, id mutatis circumstantiis graviozem aliquem morbum infligat. Contenti igitur sumus, quantum fieri potest, præsentī Reip. statu, ejusq; incommoda patienter potiùs feramus, quàm ad ignota adhuc, & temporibus fortassis ipsis redarguenda recurramus remedia.

F L O S VII.

Subditi cum feditionis ne commiscantor.

INter alia, quæ Nicocles Isocraticus subditis suis præscribit præcepta, etiam conciliabula, sive conventicula, & societatum conspirationes prohibet; utpote quæ sæpius causam præbuerint discordiis, tumultibus, rebellionib. & aliis malis. Solent nimirum feditionum flabella atq; *Æoli*, homines sanguinarii, *Tribunicios gerentes spiritus*; & quibus (ut est apud Sal. in conjurat. Catil.) quæta movere, magna merces videtur; primùm

primùm clàm, & nocturnis plerunque collo-
quiis, secretisq̃ue conventiculis, absentibus me-
lioribus, deterrimum quemq̃ue ex fece homi-
num, temerarium, ambitiosum, ære alieno onu-
stus, ob scelera sibi metuentem, & similis farinę
homines congregare; & de Principe vel opti-
matibus, aut Rerumpubl. gubernatoribus, que-
relas & ambiguos inferre sermones: dehinc
promptis jam & aliis seditionis ministris, auda-
ciùs & palàm tubas inflant, utq̃ue præsens Im-
perium evertant, libertatem & tutelam publi-
cam prætexunt, Reiq̃ue publicæ mutationem in
melius pollicentur, atque ita impia ad virtutem
traducentes, ardua q̃ue & difficilia extenuantes,
imperito atque imprudenti populo furum fa-
ciunt. Etenim, teste Herodoto in Thalia, *naturâ
inest vulgo, ut nihil intelligat.* Quomodo enim
intelliget, quod non didicit, nec per se novit ho-
nestum; ac ne domesticum quidem, quódque ad
res agendas sine consilio præceps ruit fluminis
instar torrentis? Quemadmodum autem mare,
quod suâ naturâ tranquillum est, ventorum vi a-
gitari videmus, ac turbari; sic quoque populus
suâ sponte pacatus, hominum seditiosorum vo-
cibus, ceu violentissimis tempestatib. concitari
solet, inquit Cicero pro Cluentio. *Nec enim ul-
lum profundum mare, nec ullum vastum fretum,
& procellosum tantos ciet suetus, quantos multi-*

tudo habet motus, si novâ & brevi duraturâ libertate luxuriat, teste Q. Curtio lib. 10.

Sic ergo, secundum Tacitum libr. 1. historiar. in seditionibus accidit, ut unde plures erant, tandem omnes sint; ubi verò domestica quies seditionum agitata fluctibus est, priscae consuetudinis auctoritas convellitur, *plusq; valet, quod violentia cogit, quam quod suadet & precipit verecundia*, ut Val. Max. scribit lib. 3. c. 8. In seditionibus siquidē & bellis, Dione teste lib. 18. omnia præter rationem eveniunt, ubi non jure, sed utilitate suâ ac necessitate amicos inimicosque suos ii, qui rerum potiuntur, æstimant, ac pro opportunitate temporis eosdem & hostes & necessarios suos judicant.

Documento est *οὐσιας* & conspiratio illa Romæ inter Pompejum, Crassum & Cæsarem (an. M. 3912.) qui Ciceronis iudicio nihil aliud fuerunt, quàm Triumviri, h. e. tres tyranni, qui suo arbitratu gesserunt omnia. *Quæ profectò domestica factionum dominatio*, ut Thucydides loquitur libr. 4. *tristior est peregrino Imperio*; quemadmodum hæc ipsa *οὐσιας ἀπορρηλὴ* postea præbuit bello civili, inter Pompejum & Cæsarem. Pompejus nimirum videns, suam quodammodo deferbuisse gloriam, & præterea metuens, ne penitus à Cæsare, pleno gradu ad sublimia contendente, opprimeretur; denique se hoc adjutore pristinum suum decus conservare posse sperans, cum

eum Cæsare & Marco Crasso, Romanorum di-
tissimo, fœdus pepigerat.

Cæsar non tam ex benevolentia, quàm ex spe
privati commodi fœdus hoc metiens, utriusque
studio impetravit (*an. M. 3913.*) ut Gallia sibi de-
cerneretur, in quam ipse exiret Imperator. Nec
aliâ de causâ Pompejus in toto hoc negotio, & in
decernendâ Cæsari provinciâ, & in prorogando
Imperio plurimùm laboravit, quàm quod cu-
piebat, eum procul ab urbe abesse; quo remoto,
nullus dubitabat, se omnia, quæ appeteret, faci-
lius esse obtenturum. Cæsare in Galliis absente, &
Crasso quoque à Parthis occiso (*a. M. 3919.*) solus
eminens Pōpejus, tamen si hoc agebat unice, ut,
quomocunque posset, Cæsaris crescentis in-
fringeret gloriam atque potentiam; eo tamen
tempore, quo tertium gerebat consulatum, (*an.
Mundi 3920.*) non ausus fuit prorsus negligere
Cæsarem, cuique omnem spem consulatus præci-
dere, quia metuebat, ne ille neglectus eum rape-
ret, & militum plebisque studio alios premeret,
atque ita suâ potentiâ abuteretur. Cæsar, rei hu-
jus minimè ignarus, ideo magis appetebat con-
sulatum, ne, si ex Galliâ reversus viveret priva-
tus, in emulorum potestatem incideret; quorum
conatibus omnis sua authoritas atque potentia
posset everti. Cum igitur Imperii sui fine appe-
tente (*a. M. 3921.*) intelligeret, Romæ de illo ipso
privilegio, quod à Pompejo acceperat, maximas

esse disensiones; quòd alii non nisi præsentem, omniq̃ue Imperio exutum, ad consulatus petitionem admittendum, alii absentis rationem habendam esse contenderent; etsi ita se paravit, ut, si opus esset, per vim consularem obtinere posset dignitatem, tamen instante senatu (*anno Mundi 3922.*) ut omni dimisso exercitu Romam rediret, paritutum se promisit; modò Pompejus, quem in Hispania exercitum, non tam ad tutandam istam provinciam, quàm ad ipsum opprimendum habere suspicabatur, suas quoque copias dimitteret. Pompejus, quod re ipsâ facturum non erat, verbis tamen pollicitus, exercitum se, si ita visum esset senatui, animo æquissimo dimissurum, quamvis Imperii sibi demandati nondum adesset terminus, hoc unicè agebat, ut modestiæ atque humanitatis officiis magis se insinuaret, & Cæsarem in majus odium adduceret. Senatus igitur, qui antea sæpissimè summam expertus fuerat Pompeji moderationem, & de Cæsare, qui magis studebat populo, nihil hujusmodi audebat sibi promittere, nequaquã consentire voluit, ut Pompejus Imperium ante tempus resignaret, atq; ita tolleretur præsidium, quod unicum & firmissimum hic ordo habebat, si quid Cæsar vi moliri auderet. Statim itaque in initio anni urbis 74. in senatu decernitur, frustra repugnantibus Tribunis, ut aut Cæsar Imperium depositum successorì tradat, & ante certum

certum diem exercitum dimittat; aut si hoc facere nolit, hostis patriæ judicaretur. Hoc decreto promulgato, Cæsar nihilominus in armis mansit, quia ipsi non erat integrum, se omni præsidio nudatum, in quemcunque eventum committere, & adversariorum injuriis exponere. Cum igitur nihil obtineri posset, consulibus custodia urbis demandatur, extremumque illud Senatusconsultum, classicum nempe belli civilis, promulgatur: Dent operam consules, prætores, tribuni plebis, ne quid Respub. detrimenti capiat; Pompejoque pecunia & milites decernuntur, quibus extra Romæ mœnia defendat patriam. Quo facto, consules cum Pompejo proficiscuntur Capuam; plerique autem Tribuni ex urbe ad Cæsarem, utpote qui populo magis faveret, profugiunt. Hinc videre est, quòd, quemadmodum utere aperto, in quem Æolus incluserat ventos, erumpentibus diversis ventis, mare undique turbatur; ita in Imperiis & Rebusp. semel turbato ordine politico, plures subinde sequantur distractiones. Quantā verò perniciem urbi utriusque φιλαρχία attulerit, testatur pugna illa (A.M. 3924.) in campis Pharsalicis cruentissima & tristissima; utpote in qua illi, quibus patria, leges, forum, fana, templa, porticus, judicia, suffragia, consuetudines, familiaritates, communia erant, infestis animis concurrere, & in cognatum sanguinem lanienam exercere visi sunt; ita ut

hostis hostem nominatim compellere posset, & multi inter cadendum percussoribus suis mandata domum perferenda darent. Quantam item perniciem, quot & quanta pericula, & quàm luctuosos exitus præbuerint factiones illæ domus Aurelianæ & Burgundicæ; itemque domus Lancastriæ & Eboracensis; utpote ex quarum illis ortum longissimum 72 annorū bellum, cui permixti Angli magnam Galliæ partem occuparunt: ex his verò ortum bellum annorum viginti novem. Vide Antimachiavellum lib. 3. theorem. 30. Sic & Athenis sæpenumerò factiones extiterunt, quæ, ubi semel radices egerunt, vix magnâ difficultate evelli potuerunt. Unde & Æschines, Demosthenis amicus, in exordio orationis pro Ctesiphonte, non dubitat appellare *παράγονδ' αὐτὴν καὶ παροργιστὴν*, h. e. factionem & coitionem hominum appositorum, ad eximendos reos à pœnâ contra æquitatem juris, legumque interdictum. Hinc rectè M. Cato apud Livium dec. 4. lib. 4. *Ab nullo, inquit, genere non summum periculum est, si cætus & concilia, & secretas consultationes esse sinas.* Quantis enim scateant periculis omnes factiones & conjurationes, quæ tam principibus viris impendent; utpote per quas plures imperio vitâq; fuere spoliati, quàm aperto bello, quàm privatis hominibus, qui se istiusmodi conjurationibus & seditionibus implicuerunt atque miscuerunt: non solum belli
civilis.

civilis Pompejani, itemq; Gallici & Anglici, sed universa totius mundi testatur historia. Cores, Dathan & Abiron (*a. M. 2455.*) cōtra Mosen conspirantes, cum cohorte suâ hiatu terræ vivi sunt absorpti, in cōspectu populi universi, Num. 16. Absalon, seditiosè contra patrē Davidem regem universo populo concitato, patriam patriciali & luctuosissimo bello implicans, prælio cū paternis Ducibus commissio, in fuga ramis quercus cæsarie involutus, & capite adhærens, tribus hastilibus à Joabo est percussus, 2. Reg. 15. & 18. Victo Absalone, Seba Bichri filius Jeminiensis, seditiosus, Israëlitas omnes à Davide cū avulisset, à Joabo in urbe Abelâ obsessus, suasu cujusdā mulieris ab oppidanis est trucidat⁹, ejusq; caput de muris in castra Joabi projectum, 2. Reg 20.

Ionicâ seditione à Dario Persarum rege oppressâ (*a. M. 3476.*) Aristagoras est interemptus, & Histiaeus cruci affixus, teste Herod. lib. 5. & 6.

De supplicio conjuratorum in Remp. Romanam (*an. M. 3473.*) Tarquinius regem exulem reducere conantium, dictum in Coronæ tertiæ flore ultimo.

De conjuratione Catilinariâ detectâ, conjuratisq; ultimo supplicio affectis (*a. M. 3909.*) lege Florum lib. 4. c. 1. & Salust. in Catilinaria.

Tiberius Gracchus, cū legem Agrariâ turbulentissimam, patribus invisam (*anno M. 3839.*) contra senatus decreta tulisset, *ne cui plus, quàm*

quingenta jugera ex agro publico possidere liceret, novasq; alias, haud minùs perniciosas, leges ferre contenderet, Duce Scipione Nasicâ, concursu hominum factò, in Capitolio cum suis complicibus est interemptus, & in flumen præcipitatus.

Decennio pòst (*an. M. 3880.*) cùm ejus frater Cajus Gracchus seditiosis legibus iterù Remp. perturbaret, Duce Opimio consule servi manus cæsus occubuit. De utroq; lege *Florum lib. 3. c. 13. 14. 15.*

De seditione à Lucio Apulejo Saturnino, & Livio Druso, tribunis plebis, excitatâ, & utriusq; interitu, eundem vide *Florum lib. 3. c. 16. & 17. & Appianum lib. 1. de bello civili.*

Jonathas, sicariorum Cyrenensium Princeps, ob seditionem motam, & Principem Judæorum falsò accusatù, à Vespasiano Romæ virgis cæsus, vivus est exustus (*a. C. 71.*) ut author est Joseph. *lib. 7. c. ult. belli Judaici.*

Et ab Imp. Hadriano trucidata sunt tercenta millia Judæorù, qui, Duce seditioso Barnogebâ, restituere politiam Judaicam sunt conati; teste Eusebio *lib. 4.*

Gesserunt veteres Romani duo in Sicilia cum servis bella, in quorum priore amplius 20. millibus servorum cæsis, Eunus Syrus, seditionis hujus tuba, assumptis quidem sexcentis stipulatoribus, fugâ se ad loca recepit prærupta; sed cùm
hi, cxi-

hi, exitium inevitabile sibi impendere videntes, ut hostiles manus prævenirent, invicem cervices sibi abscidissent, cum quatuor superstitibus sociis ex speluncis extractus, carcerique mancipatus, in magnam pediculorum vim resoluta corpore, apud Morgentinam dignum temerariis ausibus nactus est vitæ exitum. In posteriore bello Athenion itidem tragico servorum exitu in prælio est interfectus. Similem tragediam & exitum miserabilem vidit & sensit superiori seculo Germania, in seditione rusticorum, in qua circiter quinquaginta millia seditiosorum passim occubuerunt; itemque in tumultibus Anabaptistarum Monasteriensium, in quibus illorum Rex tandem captus, candenti ferro laceratus, hinc caveæ ferreæ inclusus, ad summam urbis turrim expositus est pensilis, lege Sleid. lib. 4. 5. & 10.

De horrendo supplicio Georgii Secheli, & Lucatii fratris, qui, coactâ manu seditiosorum rusticorum, in Ungaria omnia latrociniis & depopulationibus impleverant, suprâ dictum in fine floris 7. Coronæ secundæ.

In bellis quoque contra Henricum IV. Imperatorem ostendit Deus innumerabilibus & tragicis summorum Principum exemplis, adesse se ordini politico, & legitimis magistratibus, omnesq; injustas & seditiosas molitiones elidere, juxta illud Matthæi 26. *Qui gladium acceperit, gladio peribit.* Dederunt enim pœnas, quotquot

seditionum consiliorum fuere authores & socii, ex utroque ordine ecclesiastico & politico. Nam & in authores Pontifices atque Episcopos scelera redierunt sua, ex quibus plurimi in acie sunt interfecti, & veteribus Principum familiis in Saxonia extinctis, devenerunt Principatus ad alienos. Estq; inprimis memorabilis vox illa Rudolphi, Suevii Ducis, quem Episcopi incitarant adversus Henricum I V. & Cæsarem elegerant, qui in prælio ad Mersburgum, amissâ dextrâ, his eos verbis allocutus fertur; *Videte domini, hæc est manus, quâ fidem sacramento munitam, & domino meo Henrico Imperatori datam, vobis urgentibus, præter æquum & fas temere violavi. Semper igitur omnibus subditis in conspectu sit illud sapientissimi Regis, Prov. 24. Time Jehovam, mi fili, & Regem, & cum seditiosis ne commisceto te; quippe quorum exitium subito aderit, & oppressionem eorum quis novit?*

FLORUM



F L O R U M
H O R T U L I H I S T O R I -
C O - P O L I T I C I

Corona quinta:

*Conjugibus, parentibus, liberis, fratribus, ca-
terisque cognatis consecrata.*

F L O S I.

Conjugium in omnibus esto honora-
bile: *ad Hebr. 13.*

Fulgentius epist. 3. ad Probam: Novimus, inquit, à Deo esse nuptiarum fidem, conjugum charitatem, naturæ fecunditatem; scimus, nuptias Dei esse opus, & Dei donum, quas ipse Dominus connexuit fidei vinculo, ratificavit benedictionis dono, multiplicavit propagationis augmento.

Quoniam igitur initium vitæ, & seminatum Ecclesiæ Reipublicæ est conjugium, ab ipso Deo in paradiso, & naturâ adhuc integrâ, non nisi re prius deliberatâ institutum, & post lapsum primorum parentum confirmatum, additâ

uberrimâ & largissimâ benedictione; ideo magna semper piorum fuit cura, ne per conjugium aut temerarium, aut impium vel offenderetur, vel minueretur Ecclesia. Hinc Abrahamus ob vitandum Ecclesiæ scandalum non solum ipse Saram, Harani fratris sui filiam, sanctis sibi copulavit nuptiis, sed & Isaac filio de suis cognatis uxorem voluit quæri, non Cananæam desponderi, Gen. c. 24.

Eâdemque de causâ Isaac Jacobum (*an. M. 2186.*) in Mesopotamiam ad Labanum suum levirum ablegavit, Gen. cap. 28. & ipse Deus postea populo suo (*an. M. 2493.*) impia ejusmodi conjugia cum alienigenis severissimè interdixit, Deut. c. 7. ne ad diversam religionem & idololatriam traducerentur. *Utique enim, qui picem tetigerit, coinquinabitur ab eâ*, inquit Sirac. in Ecclesiast. suo c. 13.

Neque enim fieri potest, ut, qui cum impio conversatur, non aliquid labis ipse quoque contrahat. Compertum hoc exemplo Israëlitarum, qui, ductis Cananæorum filiabus, inservierunt Baalim & Astharoth, Jud. c. 3. Salomonis item regis sapientissimi, qui (*a. M. 2963.*) alienigenarum & profanarum mulierum convictu factus est idololatra, 3. Reg. 11. Et Jorami, regis Judaici, qui à Josaphati patris sui sanctissimi moribus degeneravit, cum Attaliam Achabi, Israëlitarum regis filiâ, uxorem haberet, 4. Reg. 9. & 2. Par. 21.

Sic &

Sic & Valens Imperator nullam aliam ob causam, quàm persuasione uxoris suæ, Arrianus factus est, teste Theodoretto lib. 4. c. 12. & Socrat. lib. 4. c. 2.

Hinc rectè Apostolus in 1. ad Cor. 6. vetat *jugum ducere cum infidelibus*; quod non solum de doctrinâ intelligendum est, sed de omni vitæ consuetudine, & consequenter de summo quoq; & arctissimo conjugii fœdere, cujus vinculum est concordia, ad quam retinendam atque conservandam plurimum facit consensus in religione; quemadmodum econtrâ ob religionis disparitatem conjuges sæpe sejuges fiunt, aut inter eos perpetuarum rixarum oriuntur semina.

Sic nimirum Zipora, Jethronis filia, Mosis uxor (*an. M. 2453.*) ob falsam patriæ suæ religionem, & Deo vero & viro sancto adversata, natum sibi filium circumcidi noluit, quem tandem præsentī calamitate territa, (Angelus siquidem Mosen, conjugī indulgentem, occidere voluit,) circumcidi passa, sed propter legis sævitiam conviciū marito faciens, eum deseruit, & in domum patris repedavit, *Exod. 4.*

Sic & Constantinus Copronymus, Imperator Constantinopolitanus, cum uxore Irene, Cacani Avarū Ducis filia, semper discordi vixit animo, cū illa idololatra, ipse iconomachos esset; teste Cuspin. in Cæsaribus.

Pari modo leves Theophili Imperatoris ico-

nomachi, & Theodoræ uxoris super imaginibus disensiones, perpetuò virum erga uxorem exacerbarunt, ut author est Zonaras in Theophilo.

Prudenter igitur Tisela, Henrici secundi soror, (a.C.997.) Stephano, Ungarorum regi, nubere renuit, nisi ille priùs Christi fidem susceperet, teste Cuspin. in Cæsaribus.

Prudenter quoq; à Poloniæ proceribus consensio religionis prospectū, qui Jagelloni Litvaniæ Duci, Hetvvigem, Ludovici regis filiam, (a.C.1386.) elocare noluerunt, antequam sacro baptismi lavacro initiatus Christianus fieret. Quemadmodum ante eum quoque Vladislaus Loëticus, itidem Poloniæ rex, Jeremini, Litvaniæ Ducis, filiam Annam sacris priùs initiari curavit (an.C.1325.) quàm eam Casimiro filio jungeret, teste Cromero lib.11. & 14.

Sic & Eguinus, Northumbrorum rex (an.C.627.) Etribergā filiam Edilberti regis Cantuariorum ambiens, Christianorum fidei sese addicens, voto potitus fuit, ut author est Beda libr.2. hist.eccles.c.9.&10. Et idem Jagello, teste Cromero lib.15. postea legem tulit, ne inter Hussos & Catholicos essent matrimonia, nisi illi converterentur. Quem in modum & Imperatorum legibus in C. sub titulo de Judæis & cælicolis, hodie nō est jus connubii cū Judæis & alienigenis, h.e.iis, qui non sunt ejusdem civitatis & religionis,

gionis, five Ecclesiæ, quæ civitas Dei ab Augu-
stino appellatur, idque propter sacramenti & re-
ligionis ipsius violationem. Imò ejusmodi con-
jugium, quod inter eos, qui non sunt ejusdem
religionis, à sciente contractum est, vicem adul-
terii obtinere, ibidem scribit Justin. Imperator;
(sicut & in sacris literis passim idololatria appel-
latur adulterium) cujus pœna jure civili est capi-
tis supplicium & mors; jure autem Pontificio,
perpetua excommunicatio. Sic & lex divina,
Deut. c. 13. simpliciter mandat occidi eum, qui à
Deo defectionem suaserit, etiam si conjux fuerit,
aut alius quispiam sanguine & cognatione con-
junctus. Ex quo & illud sequitur, nullam am-
plius obligationem matrimonii inter eos conju-
ges esse, quorum alter ob fidei & religionis di-
versitatem discesserit; ita ut culpa omnis deser-
tionis tunc residere debeat penes infidelem de-
sertorem; qui, si cum alterâ conjugē consue-
scat, reus sit adulterii; & quoniam odio religionis
membrum Christi repudiat, dignissimus esse vi-
detur, à quo is vicissim repudietur.

Sic Gildebertus, Francorum rex, ab Amalrico
Gothorum in Hispania rege, sororem Glotildin
reduxit, cum jam diu frustra laborasset in con-
vertendo marito ab Arrianismo, ipsa verò inte-
rim à Gothis Arrianis ignominiosè esset tracta-
ta, ut author est Volaterranus lib. 3. Geographiæ.
Quamdiu verò vir infidelis cum fidei manet

uxore, tamdiu locus esse non potest divortio aut repudio; quatenus nimirum ipsa bonâ cum conscientia & salvâ religione cum eo vivere potest. *Sanctus enim fit vir infidelis* (inquit Apost. 1. ad Cor. 7.) *per uxorem, itemq; sancta fit uxor infidelis per virum*, alioquin liberis quoque ipsis impuris deinceps futuris, qui nunc sancti sunt. Quo dicto monet Apostolus, minimè pollui conjugis fidelis conscientiam alterius conjugis infidelitate; *cum mundis omnia sint munda*, ideoque inter eos conjugium rectè constare posse, adeò ut bona spes sit, si concordēs unâ vivant, postea eodem pacto infidelem, alterius fidelis consuetudine sanctâ, & doctrinæ sanæ communicatione converti, & à viâ falsitatis in viam redire veritatis. Sic nimirum Clotharius, Francorû rex, victo Herminfredo, Thuringorum rege, Radegundam, Bertarii fratris filiam, captivam atq; infidelem, uxorem duxit, & suâ consuetudine atque monitionibus ad Christi fidem convertit, teste Gregorio Turonensi lib. 3. hist. c. 4.

Sic & Theodelinda, Longobardorum regina pia, suâ operâ (a. C. 582.) Eutharim priorē suum maritum ad veram pietatem prouum reddidit, posteriorem quoque Agilulphum à malorum dæmonum cultu abstraxit, & Longobardos ad veram fidem reduxit, ut author est Aventinus lib. 3. Annal. Bojorum. & Bonfinius lib. 8. dec. 1.

Pari modo Clodovæus, rex Francorum, ab
uxore

uxore Chotilde, Gilberici Burgundiæ regis filiâ, persuasus (an. C. 493.) ethnicam religionem abiecit, & baptismum à Remigio Episcopo Metensi Argentorati suscepit, teste Æmilio lib. 1.

Porro quoniam, juxta Apostoli præceptum, conjugium in omnibus honestum & venerabile esse debet, justum quoque & legitimum illud sit oportet, h. e. secundum præcepta legum civilium contractum, quæ in matrimonio contrahendo primùm civitatem Romanam, deinde ætatem legitimam, tum cōsensum parentū, quorum in potestate sunt liberi qui contrahunt, & tandem sanguinis aut affinitatis gradum lege non prohibitum, requirunt.

Primum quod attinet de civitate Romanâ, jussu id interpretatione receptum est, moribus nostris, de sanctâ illâ Dei civitate, quæ est Ecclesia, cujus cives oportet esse eos, qui contrahunt, ut matrimonium verè sit, secundum Modestinum, *divini & humani juris communicatio*. De hoc satis superque modò dictum.

Alterum justî matrimonii requisitum, est ætas legitima; pubertas nimirum saltem affecta, licet nondum plena & perfecta, quæ legibus Romanis in masculis 14. in fœminis 12. anno æstimatur. Neq; enim nupta est, ait Labeo, quæ virum pati non potest, h. e. quæ, ut Ulpianus loquitur, nondum est ætatis nubilis, ut in domum mariti deducatur. Plato lib. 6. de ll. fœminam 15. annorum

ferendo viro idoneam esse censet. Marem autem matrimonio aptum anno 30. Aristoteles verò lib. 7. Polit. c. 16. foeminis ætatis annū 18. viris 36. connubio aptum constituit, quòd utriusq; sexus vires tum maximè corroborentur. Suffragatur his Tacitus de moribus Germanorum, ubi Germani hoc nomine laudantur, quòd sera apud hos Venus extiterit; ideoque eadem juvenia & similis proceritas, & robora parentum valida liberi referant. Et Cæsar lib. 6. de bello Gallico, apud Germanos in turpissimis habitum fuisse memorat, ante 20. annum uxorem novisse. Nec ratione caret, cur Aristoteles dict. libr. præproperas adolescentū nuptias reprobat, quòd nimis propè ad parentum ætatem liberi accedant; unde eorundem verecundia & observantia in parentes perire soleat, & in re familiari administranda oriri querelæ, tum liberi parentum esse magistri fatagunt; quòd foeminæ nimium pueriles, in partu plerunq; moriantur; quòd virorum corpora, ad concubitus ante diem præpetantium, enerventur, & inutilia ad res gerendas efficiantur; quòd denique ex imbecillitate parentum, imbecilles partus, & crebrius foeminæ, quàm mares nascantur. Quod Træzeniorum ibi probat exemplo, qui ab oraculo causam sciscitantes, cur apud eos tantopere condensarentur funera; audièrunt, id fieri propter immaturas nuptias. Quamvis autem in sponsalibus contrahendis

certa

certa contrahentium ætas non ita definita est in ll. sicut in matrimoniis, dummodò ante 7. ætatis annum non fiant, l. 14. ff. de sponsalibus: quamvis item reverentia patris non concedit filiæ licentiam dissentendi, nisi indignis moribus aut turpis sponsus à patre eligatur; utiq; tamen præstat, ad liberiores personarum consensum, & ad plenioram tam arduæ rei considerationem, nihil quicquam in matrimoniis tentare, donec præ ætate utraq; contrahentium persona iudicio polleat, aut, ne quid aliud nuptias inturbet. Id quod Hedvvigi, Polonorum reginæ accidit, quæ Guilhelmi Austriæ Archiducis amore capta, etsi ei se à patre desponsam esse, eodemque lecto parvulam cum parvulo cubuisse asseverabat, procerum tamen Polonorum voluntate, nubere coacta est Jagelloni, Duci Litvaniæ, teste Cromero lib. 14.

Sic & Carolus VIII. Rex Galliarum, etiamnum impubes à patre Ludovico XI. in uxorem acceperat Margaretam Maximiliani I. Imperatoris filiam vix triennem, (a. C. 1483.) sed quâ, rerum potitus, post decennium repudiata, Annam Britannam Maximiliano socero pactam, cum ad sponsum deduceretur, rapuit: Alexandro VI. Papâ dispensante, ut præter Cuspinianum & alios author est Riccius lib. 3. Reg. Franc.

Pari modo Johanna Albretana, Navarræ regina, XI. annorum puella (anno C. 1541.) invita

desponsata fuit ab avunculo, Francisco I. Galliae rege, Guilhelmo Duci Clivenfi & Juliacefi, quam & post biennium ipsi per Cardinalem Bellajum adduci curavit; sed quam idem, accepto nuncio de subjugato Clivenfi, & à Cæsare in gratiam recepto, ex itinere revocavit, nec matrimonium hoc, invitâ puellâ contractum, valere voluit, teste Sleidano lib. 13. & 14.

Tertium matrimonii justî requisitum est, parentum consensus, quorum in potestate sunt liberi, qui contrahunt; qui ad eò necessarius est, ut sine eo, qui contrahunt, non modò nuptias non contrahant; quippe quæ inter ipsos jure civili non consistunt, sed nec vir, nec uxor, nec matrimonium, nec dos intelligatur, §. pen. Inst. de nupt. & l. 3 ff. de jur. dot. Quemadmodum & injusti conjuges, & injusti liberi ex isto conjugio nati, appellantur, l. 2 ff. de rit. nupt. Cujus sanè juris æquitatem duplicem recenset Imperator Justinianus §. 1. Inst. de nupt. civilem nimirum rationem & naturalem, per illam intelligens patriam potestatem, in qua & agnationis, & sui hæredis jus continetur, ne scil. patri invito suus hæres agnascatur: per hanc verò pietatem & reverentiam, parentibus à liberis lege naturæ debitam, quæ jubet, ut parentibus, à quibus ortus nostri ducimus principium, pareamus.

Et hæc eadem quoque legis divinæ ratio & sententia est, quâ idem honor & cultus parentum

tum à liberis requiritur, Exod. 20. Deut. 5. Quod præceptum Siracides in Ecclesiastico suo cap. 3. fusiùs pertractat, cuius certè honoris nō postrema pars est, consensus parentum in contrahendis liberorum nuptiis, qui, si ab his neglectus fuerit, irritum etiam habetur matrimonium. Sic enim Moses Exod. 22. inter alias hanc quoque legem matrimonialem proponit; Si quis, inquit, seduxerit virginem nondum desponsam, & pater virginis ei filiam dare noluerit, reddat pecuniam, juxta donationem virginum, Num. c. 20. Mulier si voverit, quæ est in domo patris, si pater contradixerit, votum nullum erit. Quin imò jure divino jus & potestas est parentibus, elocandi liberos, quibus velint, ut colligere licet ex Exod. c. 34. 16. Deut. 7. 3. Jer. 29. 6. & Matth. 24. 38. Nec injuriâ; siquidem & jure divino liberi inter bona & fortunas numerantur, teste Jobi historiâ c. 1. 12. Unde & liberos certis conditionibus apud Hebræos æquè ac Romanos olim vendere licuit, de quo videre est Exod. 21. 7. & J. Crot. tit. C. de parentibus, qui filios distraxerunt.

Sic nimirum Bethuel filiam suam Rebeccam Isaac voluntate patris Abrahami elocat, Genes. 24. v. 53. De quo matrimonio pulchrè D. Ambrosius lib. 1. de Abrahamo c. 9. Honorantur, inquit, Rebeccæ parentes muneribus, consulitur puella non de sponsalibus; (illa siquidem expectat judicium parentum, cum non sit virginalis pudoris,

eligere maritum;) sed jam desponsa viro, de perfectionis die cōsultitur, nec immeritò dilationem non attulit; jure enim properare debuit ad maritum. Sic & Samson Philistæam uxorem non nisi de manu parentum accipere vult, Jud. 14. 2. Similia ferè exempla sunt Hemoris & Dinæ, Gen. 34. Thamaris & Amnonis, 2. Regum 13. 13. itemque Tobia, nuptias cum Sarâ Raguelis filiâ celebrantis, proxenetâ angelo, patre quidam fortassis ignorante, aut etiam inconsulto, sed tamen non planè invito, & pactū hoc postea sponte suâ ratum habente, ac nuptiis filii cum matre congratulante, Tob. 6. & 11. Cum hoc jure divino consentit quoque jus naturæ & gentium, ut Hermiones Menelâi filię exemplum docet apud Euripid. in Andromach. quæ ad Orestem procum suum, *non sibi, sed patri suo curam matrimonii sui competere asseverat*, itemque Achillis apud Hom. Iliad. lib. 9, qui ne Regis quidem filiam sine patris consensu uxorem ducere voluit; quemadmodum nec Cyrus Cyaxaris filiam cum magnâ dote, multisque muneribus; de quo vide Xenophontem lib. 9. pæd. ubi disertis ait verbis; Velle se cum patris & matris consensu uxorem ducere. Adeò nec in terris filii sine parentum consensu ritè & jure se nubere credunt, ut Tertull. scribit lib. 2. ad uxorem, ex quo est Catulli illud in Epithalamia:

Non.

*Non æquum est pugnare, pater, cui tradidit ipse,
Ipse pater cum matre, quibus parere necesse est.
Virginitas non tota tua est, ex parte parentum
est:*

*Tertia pars matri data, pars data tertia patri:
Tertia sola tua est: Noli pugnare duobus,
Qui genero sua jura simul cum dote dederunt.*

Juri huic divino & naturæ suffragatur quoq; vetus jus Canonicum, quod Evaristi Pontificis autoritate nititur; *Aliter, inquit, legitimum non fit conjugium, nisi ab his, quorum in potestate est, uxor petatur, & nisi ea à parentibus aut propinquis desponsetur.* Quo eodem jure matrimonium absque autoritate parentum contractum, adulterium vocatur. A Justiniano verò appellatur raptus. Itaque malè ex decreto Nicolai secundi Pontificis interpretes concludunt, consensum parentum requiri saltem ex honestate, non necessitate, sine quo contractum liberorum matrimonium nihilominus justum censi debeat. Omnino enim in illo decreto, non tam de matrimonio contrahendo, quàm de eo, quod contractum est, rursus dissolvendo potissimum agitur, ut tunc pro justo matrimonio haberi illud debeat, si per copulam jam consummatum sit. His omnibus juribus rectè conjungitur jus synodicum & ecclesiasticum, tot sanctorum Ecclesiæ patrum atque doctorum synodis unanimiter confirmatum, & perpetuâ successionē Ecclesiæ,

velut in manus traditum; non obstante decreto synodi Tridentinæ postremæ, in sessione 24. quòd contra divini & humani juris auctoritatem rata & firma sint conjugia liberorum absque parentum consensu contracta, & diversum statuentes sub poenâ anathematis sint damnandi; quippe quod nec religione fidei, nec vi bruti fulminis Ecclesiam ullo modo sibi habet obligatam.

Quartum denique justarum nuptiarum requisitum est, ne in iis contrahendis naturale jus & pudor, h. e. sanguinis reverentia, naturalis & civilis honestas violetur, ne scil. moribus aut legibus prohibitæ sint nuptiæ. Quarum, quæ moribus, h. e. ut Paulus J Cius interpretatur, jure gentium prohibitæ sunt, nefariæ & incestu appellantur, quasi contra fas & jus omne tam divinum, quam humanum contractæ; quæ verò legibus, h. e. jure civili interdictæ sunt, (veluti inter tutorem & pupillā, inter senatorem & libertam) eæ inutiles, & illegitimæ nuptiæ vocantur. Nos de prioris generis impedimentis hîc tantum agemus, quæ iria sunt potissimum: cognatio, affinitas, & publica honestas. Ac parentum quidem cum liberis conjugia non solum lex divina prohibet, Lev. 18. sed & ipse pudor in primis vetat, & sanguinis quædam reverentia naturalis, quæ in brutis quoq; animalibus conspicitur, (quod camelorum exemplo comprobatur Aristoteles lib. 9. animal. c. 47. equorum, Varro lib. 2. de re rusticâ,

c.7. Plinius lib.8.c.42. & Avicenna lib.9.de animalib.) tum & pietas illa & charitas, quæ naturâ debetur parentibus à liberis, quarû neutra cadit in conjuges, inter quos paritas quædam est, & societas, ut vitæ totius, ita amicitia & benevolentia. Hinc & hujusmodi nuptias Justinianus lib.1.Inst.tit.10.vocat nefarias atque incestas, h. e. pietati, religioni & naturæ contrarias esse, & ab omni pudore atque honestate, sanguinisque reverentiâ alienas. Hujusmodi nefarii concubitus exemplum in sacra historia est Lothi ebrii cum duabus filiabus, apud Eurip. OEdipi cum matre Jocastâ, apud Plut. Artaxerxis, Persarum regis, cum Atossâ & Amestri filiabus.

Porro, etsi jam à principio orbis, cœpere fratres & sorores inter se matrimonio jungi, cum non haberent remotiorē propinquitatem, cum qua copularentur; unde contigit, ut Adamus unus homo simul pater, simulque socer esset; & Eva ejus uxor, similiter utrique liberorum sexui, & mater & socrus. Quia tamen sic naturâ hominum comparatum est, ut, quod quisq; plus amat, hoc magis suum esse velit, & quidem totum suum, nec cum aliis communicari: itaque non diu tulit natura promiscuos rerum usus. Ac propterea, quantò fuit antiquius, ut viri sorores suas cōjuges acciperent, necessitate compellente, id postea factum damnabilius est religione prohibente. Rectè igitur cum lege divinâ, Levit.18. tum jure

civili fratrum sororumq; connubia inter se sunt prohibita, quia non tam ex latere, quàm in latere sunt; nec à latere, sed potius ab uno quasi capite primitus veniunt, adeoque sub uno sunt capite, & pro uno planè habentur, ratione ipsius consanguinitatis, & patrię potestatis. Cambyses sanè rex, minoris natu sororis amore captus, cupidusque ducendi illam uxorem, ne propter rei insolentiam malè audiret, (nam antehac Persę sorores in matrimonium accipere nequaquam consueverant,) regios iudices percontatus; num qua lex sit, quę sinat volentem cum sorore contrahere matrimonium? cùm hi negarent, ullam se invenire legem, quę sinat fratri nubere sororem; quandam tamen invenire, quã liceat Persarum Regi facere quicquid libeat; eam confestim uxorem duxit, & aliquantò post etiam alteram, majorem natu Atossam nomine, teste Herodoto lib 3.

Ptolomæus verò, Ægypti rex, ut sororis suę, quam ardētissimo amore deperibat, conjugium fortiretur, passim fratrum & sororum matrimonia permisit, ut author est Alexander ab Alexandro lib. I. c. 24.

Sed nec citra nefandum incestum, aut fratris aut sororis filiam, nec ullam ex posteris ejus uxorem ducere licet; ut nec amitam, nec materteram, sive ea proximioris, sive remotioris gradus fuerit, quoniam omnes in numero parentum libero-

berorūmve sunt; quibus idcirco naturā quādam lege, ac præscripto non minor debetur honor & reverentia, quā ipsi parentibus. Hujusmodi nuptiæ lege quoq; Mosaicā disertē prohibentur, Levit. 18. & 20: Pudorem amitæ, itemque materteræ tuæ non revelabis, quoniam est propinqua sive domestica carnis. Unde & ab Anastasio Imperatore *scelestum vocatur contubernium*, & *turpe consortium*, l. ab incestis. C. de incest. nupt. quod & pœnā adulterii puniri debere, Papinianus testatur in l. miles. ff. ad legem Juliam de adult. *Sed quid sibi non licere putant Reges, si modò libet?* Claudius Cæsar illecebris Agrippinæ Germanici fratris sui filiæ, per jus osculi & blanditiarum occasiones pellectus in amorem, subornavit proximo senatū, qui censerent cogendum se ad ducendum eam uxorem, quasi Reipublicæ maximè interesset, dandamque cæteris veniam talium conjugiorum, quæ ad id tempus incesta habebantur; ac vix uno interposito die confecit nuptias, teste Suet. in ejus vita.

Sic & Heraclius Imperator, post obitū primæ uxoris, Fabiæ Eudociæ, alteram duxit Martinam, fratris filiam, latâ lege, ut idem omnibus liceret, authore Cuspin. in ejus vita.

Andronicus Comnenus, Manuelis Imperatoris patruelis, Eudociæ viduæ, (quæ & ipsa patrem habebat Andronicum, fratrem Manuelis Imperatoris) nefariâ consuetudine palàm usus,

quoties reprehendebatur, hanc defensionem in promptu habebat, *solere subditos Principum mores imitari, & aquā ex eodem fonte petitam, eundem referre saporem.* Quibus verbis Manuelem Imperatorem perstringebat, ut iisdem, aut etiam deterioribus, affectibus obnoxium, qui cum fratris filiā, nepte suā, rem habebat, cum ipse patruelis duntaxat filiam complecteretur, ut scribit Nicetas Choniates lib. 3.

Sic & Alphonsus V. rex Portugalliæ, ejusque frater germanus Ferdinandus, infans Lusitaniæ, ex Pontificis dispensatione incesto sibi matrimonio junxerat duos sorores, Johannam & Leonoram suas amitas, & superiori seculo Maria Maximiliani secundi Cæsaris filia, nupsit suo avunculo Philippo, regi Hispaniæ; similiterque Maria Alberti, Ducis Baviaræ, filia, nupsit suo avunculo Carolo Archiduci Austriæ.

Porro quæ hætenus de cognatione dicta sunt, ea quoque in affinitate locum habent, ubi similiter ab eorum nuptiis omnino abstinere tam civili, quàm divino jure jubentur; qui vel sunt loco parentum ac liberorum, cujusmodi sunt socer & nurus, gener & socrus, vitricus & privigna, privignus & noverca; vel qui loco fratrum & sororum sunt, ut levir & fratria, sororius & glos; quibus & ipsius propinquitatis causâ verecundus quidem honor meritò debetur.

Et priorem quidem incestum, quem paren-
rela

rela prohibet, Moses ex ore Dei cum severissimâ mortis pœnâ execratur, Lev. 20. *Qui concubuerit cum uxore patris sui (i.e. cum novercâ suâ) quoniam pudenda patris sui detexit, morte moriatur. Qui item concubuerit cum nuru suâ, quoniam sanguinis fecit confusionem, morte moriatur. Et Deuter. 27. Maledictus, qui concubuerit cum uxore patris sui, aut cum nuru, aut cum socru suâ. Cujusmodi sanè maledictionem expertus est Ruben, postquam incestâ novercæ consuetudine sese impiè & tetrè polluisset; quippe qui & primogenituræ jure excidit, & toti posteritati suæ pœnas accersivit, voce patris, tanquam oraculo, ipsi his verbis denunciatus; Effusus es, sicut aqua, ne crescas, quia ascendisti cubile patris tui, & ejus stratum commaculasti, Genes. 37. & 38. Unde tribus ista numero semper exigua, & viribus minùs potens fuit cæteris.*

Sed quid & hac in re sibi non licere putant Reges & Principes? Antoninus Caracalla Imperator, cum Juliam novercâ impotenti amore deperiret, & illa, quasi per imprudentiam corpus magnâ ex parte nudasset, pulchritudine illius allectus; *O quàm vellem, inquit, si liceret!* quibus verbis ostendebat, se ejus concubitum expetere: *Tum illa, si libet, licet, respondit; leges dat Imperator, non accipit.* Quibus verbis audacior factus, novercam ipsam sibi copulavit, cujus filium Geram paulò antè interfecerat, ut scribunt Sextus Aurel. & Ælius Spartianus.

Sic & Antiochus, Seleuci Babyloniarum & Asiae regis filius, Stratonice novercā solenni patris consensu duxit, conciliante eas nuptias Erasistrato medico, qui videbat eū ex amore Stratonices extremē laborare, teste Plut. in Demetrio.

Sic & Cadualdus Rex Cantuariorum, Edilberti filius, qui primus Ecclesiae in Anglia hospitium dederat, novercam suam uxorem ducens, nuptias incestu polluit, eoq; scelere occasionem dedit suis subditis ad gentiliū superstitiones redeundi, ut author est Beda lib. 2. eccles. hist. c. 5, & 6.

Sic & Archelaus, Herodis filius, Judaeae rex, (ut ad illorum exempla, quorum nuptias fraternitas in affinitate impedit, progrediamur;) contempto more patrio, Mariamne uxore legitimā repudiata, Glaphyram Archelai Cappadocum Regis filiam, olim Alexandri fratris sui conjugē, & duorum filiorum ex illo susceptorū matrem duxit; quamvis Judaei lege prohibebantur, fratrum uxores ducere, ut Josephus scribit lib. 17. Antiquitatum c. 15. Et hujus exemplo frater ejus germanus, Herodes Antipas, Galilaeae Tetrarcha, uxore legitimā Aretae Regis filiā, nō dictā causā, repudiata, Herodiadem, Philippi fratris uxorem furtim abduxit, abjectā sanguinis reverentiā, & Johannem Baptistam nuptias istas incestuosas improbantem, in custodiā Macheruntinā capite minuit. Atq; ita uterq; fratrum incestum adulterio

terio cumulavit. Neq; verò hos relevat exemplum Jacobi, magni illius Patriarche, qui duas simul sorores, Leam & Rachelem, in matrimonio habuit, Gen. 26. Ut nec illud exemplum Jude, qui mortuâ uxore, nurum suam Thamarē in sciens oppressit, Gen. c. 38. Quippe quos vel ignorantia excusat, aut divina aliqua revelatio de Messiâ ex horum posteritate olim nascituro; aut, si minùs excusat, admonet saltem nos de infirmitate humanæ naturæ, quæ nunquam etiam in sanctis & heroicis viris est sine vitiis. Minimè ergo horum historiæ de ducendis sororibus aut nuribus in exemplum sunt trahendæ; sed potius certo Dei verbo, legibusque, quas de matrimonio contrahendo magis expressas deinceps populo suo tradidit, insustendum. Cujusmodi illa quoque est de fratriâ non ducendâ, Lev. 18: *Pudorem*, inquit Moyses, *fratris tui non revelabis*. Et Lev. 20: Qui acceperit uxorem fratris sui, rem facit abominandam, quoniam fratris sui verenda detegit. *Absq; liberis sunt*, h. e. etiam si liberos habeant, tamen pro justis & legitimis liberis nō habentor.

Quod & jure civili hoc modo cautum esse legitur, §. si adversis. Inst. de nuptiis. Quò etiâ pertinet canon ille synodi Aurelianensis: *Frater superstes fratris defuncti torum ne ascendito*: & canon synodi Neocæsariensis sextus; *Mulier, si duobus nupserit fratribus, ad diem usq; mortis ab Ecclesia communione excluditor*.

Neque verò obstat lex illa divina, Deut. c. 25. de viduâ fratris defuncti à fratre superstite in uxorem ducendâ: *Si fratrum (inquit Moyses) con- tubernalium alter mortuus fuerit sine liberis, defuncti uxor alieno ne nubito, levir cum eâ convenito, eamq; in matrimonium leviri jure ducito; quemq; ea primogeniū in lucem ediderit, in nomen fratris defuncti concedito, ne illius nomen ex populo Dei deleatur.* Etenim jus hoc singulare est, & ad solos Judæos pertinens; & ut Augustinus loquitur, exceptio legis illius generalis, - cujus peculiaris est quædam & singularis ratio, nempe familiæ primogeniorum conservatio. Quod verò contra rationem juris receptum est, quoniam jus singulare est; non est producendum ad consequentiam, l. 14. & 15. ff. de ll. Verè igitur incestum committit, qui contra legem divinam nuptias contrahit. Canonistæ quidem, qui maximam Pontifici Romano in orbe universo tribuunt potestatem; (utpote qui non hominis, sed Dei vicem gerat in terris, ac proinde ex potestatis suæ plenitudine rescribere possit contra jus non modò humanum, sed etiā divinum, ut præter alios prolixè hæc disputat Natta in consilio 33. lib. 1. & consil. 190. n. 3. lib. 2. & consil. 637. n. 10. & seqq. lib. 3.) putant, Papam in matrimoniis quoque divinâ lege prohibitis, dispensare posse, ut disertis verbis hoc decidit Johannes Andreæ Jctus in c. venerabilē, qui filii sint legitimi; quem sequi-

sequitur Panormitanus ibidem n. 4. & Socinus junior consilio 140. n. 39. lib. 2. Hinc factum, ut Emanuel, Lusitaniæ rex, Isabellâ uxore (filia hæc fuit Ferdinandi, Catholici Regis Hispaniæ,) in puerperio amissâ, filioque Michaële biennio post mortuo, Mariam Isabellæ sororem, impetratâ à Romano Pontifice facultate, matrimonio sibi junxerit, teste Osorio libr. 2. rerum Emanuelis.

Sic & Henricus Octavus, Angliæ rex, Pontificis permissu, in uxorem duxit Catharinam tertiam, Ferdinandi, Catholici regis Hispaniæ, filiam, Arthuri fratris sui viduam, sed quam postea Thomæ Volsæi, Vildoniensis Episcopi, instintu repudiavit, ut author est Polydorus lib. 27.

Pari modo Sigismundus Augustus, rex Poloniæ, successivè duas duxit sorores, Ferdinandi Cæsaris filias, Elisabetham, & Catharinam, viduam Francisci Gonzagæ, Ducis Mantuani, quam tamen postmodò ob sterilitatem repudiavit. Et nostrâ ætate Sigismundus Succus, Poloniæ rex, Annæ, Caroli Archiducis Austriæ filiæ, repudiata, ex Pontificis dispensatione sororem ejus superinduxit. Sed profectò tanta Papæ authoritas non est, ut contra jus divinum aut naturale, quod semper firmum atque immutabile est, aliquid statuere aut disponere queat. Ac proinde nec in gradibus divinâ lege prohibitis, dispensare potest, ne incestus aliquod crimen

committatur. Quoniam enim ipse quoque homo est, & peccato non caret, utique nec peccandi habet auctoritatem; & si hanc dat alteri, nullo modo excusabitur. Tantum ergo abest, ut sit supra legem divinam, ut vel ad animam usque & sanguinem hanc defendere, seque totum ad voluntatem domini sui, cuius se legatum & vicarium profitetur, accommodare teneatur.

Cæterum etsi nec consobrinorum, nec patruelium, nec amitinorum, multoque minus sobrinorum nuptiæ lege divinâ prohibitæ, sed jure quoque civili expressè concessæ sunt, §. duorum. Instit. de nuptiis. & l. 3. ff. de rit. nupt. utpote qui non sunt *οἰκεῖοι συγγενεῖς*, h. e. propinqui, & quasi domestici carnis, vel suprâ, vel infra, vel juxta; ac proinde nec parentelæ, nec fraternitatis necessitudine inter se sunt conjuncti, sed in pari gradu constituti: (unde quoque nuptiæ istæ Jacobi & Leæ, Axæ & Othonielis, Tobix & Saræ in sacra historia, itemque Marci Antonini philosophi Cæsaris, & Annix Faustinx, quarum Capitolinus meminit, similiterque Juliani Cæsaris, & Helenæ Constantini Magni filix, minimè dicendæ sunt illicitæ, nedum incestæ aut nefariæ.) Quo eodem modo nuptiæ quoque inter comprivignos, quos *ἀλλήλοπρεπύς* Græci nominant, etiam liberis ex suorum parentum matrimonio natis, jure contrahuntur, §. mariti. Instit. de nupt. & l. 34. §. 2. ff. de rit. nupt. jure tamen Pontificio & Canonico,

nonico, quod graduum tantum numerum in matrimonio spectat; non autem cognationem ipsam, aut sanguinis propinquitatem; ac imò potius ex constitutione ecclesiasticâ, publicæ honestatis in conjunctionibus vel maximam habente rationem, ut & ipsius propagandæ inter homines charitatis; nuptiæ istiusmodi neutiquam consistere possunt. Hinc rectè divus Augustinus libr. 15. de civitate Dei c. 16: Charitatis, inquit, habita est ratio rectissima, ut homines, quibus esset cordi utilis & honesta concordia, diversarum necessitudinum vinculis necerentur; nec unus in una multas haberet, sed singulæ spargerentur in singulas, atque ita ad socialem vitam diligentius colligandam, plurimi plurimos obtinerent. Huc accedit & illud, quòd hæc ipsa prohibitio juris Pontificii quasi vallum quoddam est, atque septum legis illius naturalis & divinæ; quò majore curâ ac religione ea observetur, & hoc pacto omnis vitetur incesta & nefaria commissio. Atque hanc ego puto præcipuam esse causam, cur jus hoc Pontificium passim in omnibus ferè Rebus publicis tam sanctè & diligenter observetur, & partim moribus communibus, partim quoque legibus tam provincialibus, quam municipalibus sit comprobaturum; cùm, secundum regulam Pauli Apostoli ad Rom. c. 1. v. 31. *non solum ejus quod licet, sed etiam ejus quod expedit, potissimum habenda sit ratio.*

Et in his solis gradibus lege non divinâ, sed humanâ prohibitis, dispensandi facultatem habet Pontifex Romanus. Hinc apud Guicciardinum lib. 2. & Bembum lib. 3. hist. legimus; Ferdinandum II. Arragonium, regem Neapolitanum, recuperato regno, ut res suas arctiore cum Hispaniæ Rege Ferdinando vinculo stabiliret, impetratâ ab Alexandro VI. Pontifice veniâ, uxorem duxisse amitinam, (rectius patruelem) Johannam, patruui sui Johannis secundi, Regis Navarrae & Arragoniæ filiam. Eodem modo hujus pater Alphonsus sapiens, Rex Arragoniæ & Neapolis, ejusque frater Henricus, Galliarum gubernator, patruelles suas duxere duas sorores, Mariam & Catharinam, Henrici Legionis & Castellæ Regis filias. Hujusmodi matrimonium quoque fuit nostræ ætatis Maximiliani secundi Imperatoris, & Mariæ, Caroli V. Cæsaris filiæ. Neque verò solus Pontifex Romanus, sed & Reges ac Principes, aliique magistratus in matrimoniis humanâ authoritate sancitis, liberè & licitè aliquid statuere aut relaxare possunt; (quicquid enim juris habet Pontifex in orbe Romano, hoc Episcopus in suâ diœcesi habet; & quod Imperator in Romano potest Imperio, hoc Rex aut Princeps, aliisque magistratus in suo potest regno, aut Principatu, aut Repub.) Et quod ad sobrinorum nuptias attinet, expressè eas concedit jus Saxonicum, etiam sine causâ cognitâ, ut nova

ut nova Mauritii Electoris hac de re publicata constitutio satis hoc declarat. Sed tamen longè foret consultissimū, si ab ejusmodi nuptiis planè abstineant ipsi sobrini, quàm si temere aliquid contra jus committant, in fraudem non modò suam, sed etiam ipsius magistratus; *cum, quæ contra leges & bonos mores fiunt, nec nos facere posse credendum sit*, l. ult. ff. de cond. instit.

Superest tertium impedimentum, publica nimirum honestas, i. e. propinquitas quædam & necessitudo ex sponsalibus contracta, quæ affinitatis quandā rationem habere videtur. Quamquam enim propriè non contrahitur affinitas per sponsalia, sed per nuptias duntaxat; civilis tamen ex his quædam oritur honestas, quæ & ipsa impedimēto esse solet nuptiis ob animi destinationē, & vim mutui consensus, qui facit nuptias. Semper autem in conjunctionibus non solum quod licet, sed & quod honestum est, considerandum est. Quo fit, ut nec sponsam filii, quæ propriè nurus non est, uxorem ducere liceat; nec sponsam patris, quæ noverca propriè non dicitur; imò nec defuncti fratris sponsam, quæ post ejus mortem virgo mansit, idque ex constitutione Zenonis Imperatoris. Quemadmodum nec uxorem quondam privigni matrimonio conjungi vitrico oportet, nec novercam matrimonio ejus, qui privignæ maritus fuit, sed nec matrem ejus, quæ aliquando sponsa fuit; ut-

pote quæ quasi socrus est, ut Paulus Jurisconsultus vult.

Postremò ad matrimonii quoque honestatem pertinent sponsalia, quæ nuptias semper antecedunt, *quæ secundùm Florentinum sunt mentio ac repromissio nuptiarum futurarum, ad quæ constituenda, teste Ulpiano, nudus consensus sufficit.* Quocirca sicut nuptiis, ita sponsalibus filium familiæ consentire oportet; utpote quo dissentiente sponsalia nomine ejus fieri non possunt. Etsi autem patris voluntati, si non repugnet, consentire intelligitur, eodem teste Ulpiano; hunc tamen consensum liberum ac plenum esse præstat, h. e. sine metu vel errore, & sine ullâ vi, aut perturbatione animi contractum. Neque enim locum ullum consensus habet, ubi vis aut metus intercedit; *quoniam nihil consensui tam contrarium est, quàm vis & metus, quem comprobare, contra bonos mores est.* Quò fit, ut matrimonium per vim ac metum contractum, ipso jure sit nullum; sed nec errore contractum matrimonium semper valet, *quoniam, secundùm Ulpianum, non videtur is, qui errat, consentire.* Ubi verò non est consensus, nec conjugium est. Planè enim, si quis in virginem consensit, quæ corrupta est aut vitata; utique error ejusmodi vitiat matrimonium, modò ex certis rerum argumentis atque signis constet, eam ab alio fuisse compressam aut corruptam. Semper enim in contractu ma-
trimo-

trimonii tacita intelligitur illa conditio, si res in eo, in quo nunc existit, perduret statu; salvâ nimirum pudicitia & castitate virginali aut conjugali. Idem obtinet, si alio modo consensus impeditus fuerit vel per temulentiam, vel per luxuriam; quippe qui hoc modo contraxit, non magis ac is, qui errat, consentire videtur. Cæterum in sponsalibus & hoc requiritur, ut palàm, & in conventu hominum, & imprimis parentum atque propinquorum vel affinium sponsalia contrahantur. Utique enim, quæ remotis arbitris, furim & clàm facta sunt sponsalia, fraudis & doli præsumptionem pariunt, & malos atque difficiles plerunque exitus habere solent, ejusmodi clandestina matrimonia, quæ idcirco quoq; Canonibus prohibita sunt; utpote quæ stupri aut adulterii, aut saltem contubernii appellationem merentur.

F L O S I I.

Vir & uxor, una caro.

DE u s Adamo protoplasto confestim Evam ad ipsius hominis exemplar confictam, matrimonio copulavit, ut duo inter se permisti sexus propagare sobolem possent, & ex duorum corporum complexu omnis terra multitudine oppleri. Rectè igitur inter duos tantùm, marem

& foeminam, constat matrimonium, quemadmodum & ipse Adam velut vaticinans ait; *Futuros duos unum hominem*. Quibus verbis Deus addit: *Quocirca profecto jam conjuges non amplius duo sunt, sed unus homo*: ut appareat, non trium aut quatuor esse conjugium, sed duorum. Hanc divinam ordinationem ante diluvium primus violasse legitur Lamech, qui duas simul habuit in matrimonio foeminas, Gen. cap. 4. cujus postea complures non solum ex gentilibus extiterunt imitatores, sed & nonnulli ex patriarchis, qui *ἀγαμία* & *πολυγαμία* offendiculo carere, & politicum tantum esse morem, existimarunt. Sic ergo, quemadmodum fluminum impetus secum abripiunt navigantes; ita errores temporum trahunt homines, quominus improbent praesentia. Chrysostomus homil. 55. in Gen. scribit; tum quia principia erant, permissum fuisse cum duabus, vel tribus, vel plurimis uxoribus misceri, ut humanum genus propagaretur, & pietas incrementum acciperet; sed multo rectius dicimus, Deum in populo quoque suo duræ cervicis digamiam & polygamiâ tolerasse, ad cavenda majora mala. Quem in modum & ipse Servator de divortio à Judæis interrogatus, respondit; illud propter durticem cordis ipsis fuisse permissum, ab initio vero non ita fuisse, Matth. 19. Quoniam ergo duos tantum ab initio conjunxit Deus, nec plures postea esse voluit in carne unâ; ideo nec hunc numerum

numerum transgredi sanctis patribus licuit; ac proinde rectè primam istam conjugii institutionem atque legem Christus in usum revocavit, ne *ὄζαμοι* & *πολύζαμοι* sanctâ Dei ordinatione ad suam nequitiam perfidè abuterentur, fidemque priorib. conjugibus datâ fallerent; aut etiam, ne tam manifesta adulteria cōmitterentur, ut nihil interim dicamus de invidentiâ, simultate & odio, quæ ex rivalitate oriri solent, quando aliquam in partem magis inclinat favor à multis expetitus. Nam, secundum poëtam,

Impatiens socii est omnis amor.

Non itaque magis propriè & familiariter amare potest vir conjugem suam, nisi quam scit suam esse sine rivali, cum quâ sibi arctissimè cōjunctissimèque vivendum est.

Porrò *amicum* Aristoteles ex sententiâ Pythagoræorum definit, esse cuiq; alterum ipsum, conjugem verò Deus definiit esse cuiq; eundē ipsum. Et Adam, adductâ ad se post primum illum dulcissimum soporem Evâ, conjugē futurâ & sociâ totius vitæ; Ecce, inquit, os ex ossibus meis, & caro de carne meâ. Propter hoc relinquet homo matrem & patrem, & adhærebit uxori, & erunt duo homo unus. Quæ omnia satis apertè declarant, quæ sit amoris lex in conjugio; nempe hunc amorem omnes reliquas charitates superare oportere, etiam illas, quibus à naturâ sunt filii parentibus conciliati, quas oportet esse maximas,

X 3

eumq; oportere esse tantum, ut unū fiat cum illâ charâ, cum quâ conjungitur, quod amicitia proprium esse debet. Quocirca præclare Apostolus ad Eph. 5. *qui uxorem, ait, diligit, seipsum diligit. Nemo n. unquam carnem suam odit, sed eam nutrit atq; fovet, quemadmodum Christus Ecclesiam.* Christi autem charitas erga Ecclesiam, est immensa & incredibilis; quippe pro quâ cruci affixus & mortuus est. Igitur & suam charitatem vir erga uxore declararet, quoad ejus fieri potest maximam; quæ ipsâ quoque vitâ & salute propriâ charior esse debet. Uxor enim est jam unum cum ipso; itaque ut seipsum amet, illa est amanda.

Singulari certè memoriâ dignus est amor quem Dominicus Cattalusius, qui Lesbii rerum fuit potitus, erga uxorem ostendit, ut author est Fulgosus lib. 4. c. 6. Hæc cum in lepram incidisset, vir minimè veritus à contagione se inficere, aut aspectus horrore averti; (etenim illi vix magis, quàm vivum corpus videri poterat, neque tetra odore, quem ulcera mittebant, nunquam aut mensâ, aut lecto communi eam prohibuit. Conjugalis enim charitas apud eum contagionis timorem, tetrumque conspectum odoremque in securitatem ac voluptatem vertebat, quod eam juxta Dei verbum eandem carnem secum esse arbitrabatur.

Simile amoris conjugalis in maritum exemplum

plun

plum ex actis Hispaniæ Rhoderici Toletani Archiepiscopi, refert Ludovicus Vives libr.2. de Christiana foemina, in Comitissa quadã Castulonensis Hispaniæ, quæ Roberto Britannia Regi nupta, cùm maritus in expeditione adversus Syros vulnus in brachio accepisset gravissimum, gladio venenato, rediissetque in patriam, nec sanitati reddi posset, nisi pus illud virulentum aliqujus ore exsugeretur; Rex verò certissimum illi parari exitium intelligens, quicumq; id muneris obiisset, neminem ejusmodi discrimini subjicere sustineret, ipsa noctu solutis vulneris fasciis, primùm inscio marito, post etiam connivente exsugens, paulatimq; expuens, venenum omne elicit, plagamq; medicis præbuit facillimè curandam.

Usque adeò amor mutuus, quicquid in conjugio occurrit amaroris, tollit, aut certè lenit, maximumque in conjugio solatium & levamen inde oritur, si maritus uxoris, & uxor mariti adversitates doloresque pro suis habeat.

Eidei amorisque conjugalis aliam historiam ibidem recenset Vives de uxore Ferdinandi Consalvi Castellæ Comitis, quem cùm Rex Germanicæ Legionis (urbs est hæc in Hispania Asturicensi,) in custodiâ teneret, ipsa velut visendi gratiâ ad carcerem veniens, marito persuasit, ut cultu secum commutato se subduceret, ipsamq; ibi in casum periculi relinqueret. Quo facto, Rex admi-

ratus egregiam mulieris pietatem, preceat tales sibi suisq; liberis conjuges, illam marito remisit.

Sic & Vitoudus, Litvaniæ Dux, à Gajellone patruele, per colloquii speciem unà cum patre Keustulo captus; hoc in carcere necato, simili uxoris suæ dolo liberatus est, (*anno C.1382.*) teste Cromero lib.14. Cùm enim illa liberam haberet ad maritum Vilnæ captum commeandi potestatem; nocte quâdam, commutato cum unâ ex duabus pedisequis habitu, veste muliebri indutum eduxit, qui emissus in Mazoviam, ad Johannem Ducem suum affinem, indeque in Borussia ad Crucigeros confugit. Non minorem mariti sui Davidis conservati laudem olim meruit Michal, Sauli regis filia, quem immixtis speculatoribus regiis, per fenestram demisit, & ingenio muliebri milites delusit, 1. Reg. 19.

Sic & Augusto Cæsare Imperium Romanum administrante, cùm ad ulciscendam Julii mortem multi proscriptorum in urbe trucidarentur, Danyfia matrona nobilis Titum Juniû maritum suum proscriptû in arcam coniecit, eumq; apud Philopœmenem Romanum deposuit, ut quæsitus in propriis edibus, nec inventus, incolumis in tantâ hominum crudelitate evaderet, ut author est Xiphilinus in Augusto.

Pari modo Quiniû Lucretium à Triumviris proscriptum uxor Thuria inter cameram & lectum cubiculi abditum, unâ consciâ ancillâ, ab
immi-

imminente exitio non sine magno periculo suo tutum præstitit, singularique fide egit, ut, cum cæteri proscripti in alienis & hostilibus regionibus per summos corporis atq; animi cruciatus vix evaderent, ille in cubiculo & in conjugis sinu salutem retineret, ut scribit Valer. Max. lib. 6. c. 7.

Et quis verò non summâ laude extollat singulare illud mutui amoris fideique conjugalis exemplum matronarum Winsbergensium apud Abbatem Ursbergensem, Gothefridum Viterbiensem, & Æmilium lib. 7. Contra Guelphonem nimirum Baviaræ Ducem, tyrannidem affectantem, bellum gerens Conradus III. Rex Romanorum, (A.C. 1027.) Winsbergo Sueviæ oppido obsessio, inq; deditionem accepto, ex gratiâ matronis concessit, ut quæcunque humeris portare possent, efferrent; illæ, neglectâ supellectile, maritos suos singulæ humeris extulerunt. Quas contra pacta facere, Friderico Conradi fratris dictitante, nec dolo dandam veniam, Imperator & prudentiâ & pietate illarum collaudatâ, incolumes cum suis abire jussit. Hoc facinore ita oblectatus fertur Laurentius Medices, Princeps Florentinus, ut ex ejus lectione à morbo gravissimo convaluerit, teste Bodino in methodi historica proœmio. Simili astu Cremonensium mulieres usæ perhibentur, cum oppugnati à Friderico Barbarossâ Imperatore ob rebellionem hac conditione in gratiam recepti fuerunt, ut non

plura secum bona efferrent, quàm possent humeris aut manibus gestare; quæ relictis bonis, conjuges, filios, parentes, cognatos, cùm ægrotos, tum sanos exportarunt, ut author est Hedio in Chronica Germaniæ. Quin etiam eo bello, quod Suevi confœderati contra Helvetios Maximiliani primi auspiciis gessere, cùm Helvetii, Lumenfeldo oppido in potestatem redacti, vitam obsessis essent pacti, & quantum singuli humeris efferre possent, uxor Roseneccii oppido præfæcti, cùm sciret eum maximè peti, in humeris elatum extulit, ut scribit Urstisius lib. 6. historiæ Basiliensis c. 20. Nimirum quantò ardentius conjuges se mutuò diligunt, tantò promptiores sunt ad benevolentiae officia sibi mutuò præstanda, & in fide conjugali servanda constantiores.

Memoratu quoque dignum est illud mutui amoris, qui verè quasi vinculum est & glutinum matrimonii, utpote cujus vi conjugum animi arctissimè conglutinantur, & in unum consociantur, exemplum, quod ex Luitbrandi lib. 4. c. 4. refert Albertus Crantzius lib. 3. c. 9. metropoleos. Theobaldus Camerinorum Princeps, cùm Beneventanis suppetias mitteret, Græcis fugatis, quotquot illorum cepit, eviratos remittebat, addens ignominie risum: *Quandoquidem* (inquens) *Imperator vester Constantinus eunuchis gaudet, quotquot emisit Gallos, capos remittam.* Erat autem in castris mulier, quæ virum captum seque-

sequebatur magnis ejulatibus. Principe, quid peteret, quærente, tum illa fidentiùs; quid est, inquit, quòd viri fortissimi bellum fœminis indixerint? quid in nos deliquit sexus infirmior? Ad quam Camerinus : Et quis malum fœminis, nisi Amazonibus, bellum inferat? Tum mulier; quando, inquit, ideo pugnatis, ut victos emasculeris, non cum aliis, quàm cum fœminis bellum geritis. Omnis substantia, & quicquid undecunque possident, auferatur, dummodo viros relinquatis, ut habeant, unde consolationem accipiant fœminæ. Hac verò parte deuncatos si remittitis, non viros, sed fœminas spoliatis. Hæc dicacis fœminæ libertas promeruit, ut virum cum omni prædâ reciperet. Hinc Camerinus ad mulierem conversus: Quid ergo vis, inquit, ut faciam viro tuo, si posthac contra me pugnans capiatur? Et illa: Oculos & aures cū naso amittat, modò vir adhærescat. Tantæ ipsi curæ fuit mariti sanitas, à cujus ceu principis familiæ salute suam suorumq; salutem pendere, & quo, ceu fundamento domus collapsa, ipsam domum ad ruinam vergere, rectè judicavit. Sed nec earum mulierum desunt exempla, quæ, etsi feliciter in patria apud parentes suos degere poterant, tamen suis maritis comites exilii maluerunt esse, nec recusarunt seipsas proscribi, ut eis fides sua in conjugē constaret. Talis fuit Chilonis Cleombroti, regis Spartani uxor, Leonidæ filia, apud

Plut. Talis & Cleomenis itidem Spartani regis uxor, quæ, etsi à parentibus prohibita magno studio servabatur, ingenti tamen astu adinvento, equo ad mare noctu se contulit; ubi incognita, nave conscensâ, ad maritum in Ægyptum pervenit, eodem teste Plutarch. in Cleomene.

Sic & Sulpitia, quamvis à matre Juliâ diligentissimè custodiretur, ne Lentulû Crustellionem, virum suum à Triumviris proscriptum, in Siciliam prosequeretur; nihilominus familiari veste sumptâ, cum duabus ancillis totidemque servis ad eum clandestinâ fugâ pervenit, ut idem scribit Plut. in Dione. Ad eundem modum Antonia Flacilla, & Egnatia Maximilla maritos suos Nonium Priscum & Clitium Gallum, ob Pisonianam conjurationem damnatos, in exilium committatæ leguntur apud Fulgosum lib. 6. c. 7.

Sic & superiori seculo, post Gothanum bellum, Johannem Fridericum secundum, Ducem Saxonie, in exilium ultrò comitata est conjux Elisabeth, Comitissa Palatina apud Rhenum.

Honesta nimirum & proba uxor marito non tantum in rebus secundis adesse debet, omniaq; ei benevolentie ac humanitatis officia atque obsequia præstare; sed vel maximè in rebus adversis, ut partim amicâ suâ conversatione, malorum illi levamen atque solatium afferat; partim omnem contemptus suspicionem, quæ in calamitosos homines facillimè cadit, ipsi præcidat
atque

atque adimat; partim denique suæ quoque virtutis laudem atque gloriam, cum apud ipsum maritum, tum apud alios consequatur. Rerum enim secundarum socias facile est invenire, adversas verò res mulieres præter paucissimas & optimas participare non volunt.

Sic & Hypsistratea regina Mithridatem suum conjugem adeò effusis charitatis habenis amavit, ut propter eum præcipuum formæ suæ decorem in habitum virilem cōvertere, voluptatis loco habuerit; utpote quæ, tonsis capillis, equis & armis se assuefecit, quò facilius laboribus & periculis ejus interesset. Quin etiam victum à Cneo Pompejo, per efferatas gentes fugientem, animo pariter & corpore infatigabili secuta est, ut ex Plutarchi Pompejo refert Val. Max. libr. 4. c. 6. ubi addit; *tantam ejus fidem in asperis atque difficilibus rebus Mithridati maximum fuisse solatium, & jucundissimum lenimentum*; quippe qui cum domo & penatibus vagari se crediderit, uxore simul exulante. Hujus exemplum imitata Triaria L. Vitellii conjux civili bello, quod adversus Vespasianum Vitelliani gesserunt, virum secuta armata, eâ nocte, quâ vir Terracinam magno militum numero egressus est, ipsâ inter strictos gladios audendo agendoque, dum hinc illinc manu suâ hostes obtruncat, nulli se commilitonum virtute inferiorem ostendit; *adeò audaci animo muliebre pectus maritalis amoris*

flammam repleverat, ut Plinius scribit lib. 9. epistola ad Quadratum lib. 7. ad Genitorem, ubi Ariam quoque & Fanniam ob similem fidem conjugalem miris effert laudibus. Sic & agricola ille Lentiscolensis in regno Neapolitano, cum juxta mare agrum coleret, uxorque ab eo aliquantisper disjuncta à piratis Mauris, qui in littus piraticum ascenderant, capta esset; statim ut uxorem non apparere, trirememque piraticam haud longè ancoras jecisse animadvertit; arbitratus id quod erat, in ea uxorem esse, ad triremem ilicò adnatavit, ejusque gubernatore vocato dixit, se idcirco venisse, quod sequi uxorem statueret; minimè barbarie istà territus, nationis fideique Christianæ inimicam, neque ingenti miseriam, cui religio addit laborem, omnium horum immemorem conjugalis cum amor fecerat. Quam rem cum Mauri non sine ingenti admiratione audivissent, (per multos enim ejus regionis accolæ viderant prius perpeti mortem, quàm illam miseriam malle;) atque eam postea Tuncetensi regi narrassent, tantam hominis charitate motus Rex, virum & uxorem liberos esse jussit, virumque inter regie custodiæ milites cooptavit, ut author est Fulgofus lib. 4. c. 6. Nempe ad concordiam inter conjuges magnam vim habet, si in rebus tam prosperis, quàm adversis unus alteri fideliter adsit, & tam læta, quàm tristia, tam dulcia, quàm amara communia habeant.

Porro

Porro ad amorem & concordiam conjugalem conservandam maximè quoque conducit uxoris patientia, quæ quò major fuerit in tolerandâ viri morositate & difficultate, eò majorem ab ipso inibit gratiam, ubi perturbatione abjectâ ad mentis sanitatem redierit, uxorisque suæ virtutem perspexerit. Planè enim, ut nautæ tempestatibus & fluctibus procellosis non renituntur, sed ad vada tendunt, patientiæ ancoram in tuto figentes, donec maris æstus prætereat & favire Neptunus, flare Æolus, & fulminare Jupiter desinat; ita quoque uxor mariti affectibus, & importunis atque asperis moribus reniti non debet, sed iis prudenter cedere: sic fiet, ut sicut sol radiis suis luculentis nebulas & nubeculas dissipat, aëremque turbulentum efficit serenum; ita ipsa patientiâ suâ cum humanitate & comitate temperatâ, mariti iracundiam, morositatem & difficultatem disjiciat atque propulset. Exemplo sit Abigail, uxor Nabalis Carmelitæ, quæ viri morosi & ebrii injurias atque stultitiam perpetuâ tulit modestiâ & prudentiâ, eumque cum familiâ omni è manibus Davidis, præsentique vitæ discrimine, suo eripuit ingenio & beneficiâ, 1. Regum 25. Postremò, quia sunt quasi una caro, hoc est, una persona; ideo se quoque mutuò honorare debent per pudoris & reverentiæ exhibitionem. *Debet namque conjugium non tantum amoris, sed etiam pudoris*

& reverentia esse speculum, nec quicquam magis
 conjuges decet, quàm sancta & castissima coha-
 bitatio. Inprimis verò castæ & pudicæ mulieris
 maximus est honor, si videat maritum suum ea,
 quæ ad pudorem pertinent, sibi servare, nec ul-
 lam mulierem magis, quàm seipsam curare, seque
 ipsam præ omnibus aliis scæminis sibi propriam
 & fidelem existimare, ut Aristoteles docet lib. 1.
 OEconomicæ. Sic & secundum Dionem in
 OEconomicis; *Prima virtus uxoris est castitas.*
 Et secundum Plautum in Amphi. *Dos pulcherri-
 ma, vita pudica.* Exemplo sit Penelope apud
 Homerum in Odyss. quæ tanto amore Ulysssem
 maritum est prosecuta, ut eo absente per annos
 20. castitatem servaverit impollutam, nullisque
 procorum blandimentis succubuerit. Memora-
 bile quoque est Tigranis exemplum, Regis Ar-
 menii filii apud Xenophontem in *anabasi*. Hic,
 cum in Cyri, Persarum Regis, esset potestate &
 ipse & uxor, vitâ se redempturum professus est, ne
 uxor serviret. Illa paulò post, cum Cyrus lauda-
 retur, & ex eâ quæreretur, ecquid ei Cyrus esset
 visus? sibi verò Cyrum negavit aspectum. A quâ
 cum maritus ipsius percontaretur, quid ergo
 spectasti, si illum non es intuita? Quem, inquit
 illa, alium, quàm illum, qui vitâ suâ redemptu-
 rum se confirmavit, ne ego servirem? ita mariti
 ardor uxorem accenderat. Hinc rectè à Marssi-
 lio cap. 8. in convivium Plat. de amore scriptum;
 quod

quòd, qui amat, figuram, imaginem & faciem ejus, quem amat, suo imprimat atque insculpat animo, atque ita amantis animus fiat tanquam speculum quoddã, in quo amati reluceat imago. Quocirca *cùm in amante amatus se cognoscat*, amare illum compellitur, summoque desiderio illi penitus inhærere, in quo se quasi habitare intelligit, non aliter ac infantes suas imagines in speculis deosculantur. Qui ergo à suis conjugibus amari volunt, (quæ maxima est in matrimonio & præcipua voluptas,) eas ipsi vicissim ament. Hoc illud est amatorium sine medicamento, sine herbâ, sine ullius veneficæ carmine; *Si vis amari, ama*, ut est apud Sen. ep. 9.

F L O S I I I.

Uxor sub viri esto potestate; hic illi dominator: *Genes. 3.*

EVa prima parens, cùm à serpente persuasa, Arboris veritè fructum gustasset, & quod exitius fuit, Adamum culpæ participem suo fecisset consilio; præter mortem & alia mala innumera, dolores quoque pariendi, & servitutem sibi attraxit, & viri deinceps subesse potestati iussa est. Hinc & Ambrosius lib. 5. in Gen. c. 7. Adam per Evam deceptus est, non Eva per Adamum; ideoque quem vocavit ad culpam mulier, justum

est, ut eum gubernatorem assumat, ne iterum
fœmineâ facilitate labatur. Ideo quoque fœ-
minæ, dum maritantur, velantur; ut norint, se
semper maritis suis esse subditas & humiles, ut
Isidorus scribit lib. 2. de off. cap. 19. Quod idem
Apostolus quoq; à mulieribus requirit in 1. Co-
rinth. 11. ut nimirum caput habeant velamine
tectum propter angelos; utpote quæ conditæ
sint propter viros, non autem hi propter illas; a-
lioquin fore, ut nudato capite illæ orantes, aut
vaticinantes, caput suum dehonestent, quemad-
modum econtrâ viri eâdem operâ velato capite
perficientes, ignominiâ illud afficiant; virum
igitur non debere velare caput, quia imago est &
gloria Dei, mulier verò gloria viri: hoc est, vir
ideo conditus est, ut in ejus dominio gloria Dei
eluceat; fœmina verò, ut in ejus subjectione viri
gloria emineat. Et ad Eph. 5. Mulieres subje-
ctæ sint suis viris, tanquam domino; quia vir caput
est mulieris, quemadmodum Christus caput
Ecclesiæ. Hinc rectè argumentatur D. Hiero-
nymus in c. 2 epistolæ ad Tit. ita scribens; Cùm
caput mulieris vir sit, caput autem viri Christus:
quæcunque uxor non subjicitur viro suo, h. e. ca-
piti suo, ejusdem criminis rea est; cujus & vir, si
non subjiciatur Christo capiti suo. Verbum au-
tem Dei blasphematur, vel dum contemnitur, &
pro nibilo ducitur prima illa Dei sententia, vel
dum Christi infamatur Evangelium, dum
contra.

contra legem fidemque naturæ ea, quæ Christiana est, & ex lege Dei subjecta viro, imperare desiderat; cum etiam gentiles fœminæ viris suis serviant communi lege naturæ.

Livia Cæsaris Augusti uxor, cum à quodam interrogaretur, quomodo Augustum obtinuisset? respondit: Diligenter & prudenter agens summum studium adhibui, ut omnia facerem ex animo Augusti; nec curiosè perquisivi quicquam eorum, quæ faceret, teste Cuspiniano in Cæsaribus. Andromachen quoque Hectoris conjugem memoriæ prodium est (ut Ludovicus Vives scribit de Christianâ fœminâ libr.2.) ipsam suis manibus fœnum & avenam Hectoris equis præbuisse, quòd maritus illis delectaretur, & in bellorū usum accuratissimè ac indulgenter aleret. Utique nimirum, juxta Philemonis illud apud Stobæum in præcept. connubialibus, *bona uxoris est, non imperare viro, sed obedire.*

Hinc non immeritò Vasthi, Persarum regina, Ahasvero Regi marito obedire recusans, toro atque sceptro regio exuta legitur, Estheræ cap.1. ut hoc exemplo monitæ tam majorum, quàm minorum uxores, maritis suis deferre honorem discerent. Præclarum præconiū Sara sanctissima matrona à Spiritu S. meruit, quòd Abrahamo marito suo obedierit, eūq; dominū suum appellarit, Gen. c.18. & in 1 Pet.3. Sic & Bathseba Davidem suum maritum, dominum, seque ejus

ancillam proficitur, 3. Reg. 1. In venerabili & immaculato conjugio (ut de ratione rectè vivendi ad Celantiam matronam scribit Nolanus Episcopus) apostolicæ regulæ ordo teneatur, & inprimis viro sua servetur authoritas, tantumq; à te discat onus, quantum illi honoris debeas; tu dominum illum obsequio tuo, tu magnum illum tuâ humilitate demonstra; *tantò ipsa honoratior futura, quantò illum amplius honoraveris.* Caput n. ut inquit Apostolus, mulieris est vir, nec aliunde magis reliquum corpus ornatur, quàm ex capitis dignitate. Et, ut Bodinus scribit lib. 1. de Rep. c. 3. quemadmodum à sole luna, & reliqua sidera lumen ac splendorem sumunt; ita honores ac dignitates uxorum maximâ ex parte à virorum honore ac dignitate dependent. Probè intellexit hoc uxor Maximiliani Primi Cæsaris, Maria, teste Ludovico Vive de Christianâ fœminâ libr. 2. Etenim cùm ei Gallia Belgica patris Caroli Burgundi hæreditate obvenisset, & subditi, Maximiliano contempto, ad Mariam, tanquam Principem, de rebus omnibus ditionis referrent; nihil illa pro potestate unquam statuit inconsulto viro, cujus voluntatem semper pro lege habuit, & poterat absque malâ viri gratiâ omnia administrare sola pro arbitrio, nihil non permittente Maximiliano.

Quemadmodum igitur matronæ istæ, quæ se ultro maritis subjecerunt, passim in historiis merito

meritò commendantur; ita è diverso omnium acerrimam reprehensionem merentur fœminæ, quę fidei, tempore nuptiarum in conspectu Deitatis promissæ, immemores, virorum imperium non detrectant tantum, sed & eò progrediuntur temeritatis, ut contra naturæ legem maritis imperitare contendant. Nec minùs ipsi viri omnium se ludibrio & contemptui exponunt, qui tantâ sunt ignaviâ, ut à fœminis gubernari necesse habeant; aut qui in domo suâ ferentes *γυναικράτειαν* uxoribus suis subesse coguntur. In quos effœminatos viros non ineptè semivirorum appellatio congruit; & ut appellatione muliebri salutentur: cuiusmodi est Virgilii illa *Æneid.* 9.

O verè Phrygia, neq; enim Phryges.

Et profectò, juxta Democriti illud apud Stob. *serm.* 72. *mulieris imperio subiectum esse, extremum est viro dedecus*: quemadmodum Hercules servivit Omphalæ, & Ninus imperium dedit Semiramidi, Antonius Cleopatraz. Idcirco Olorus, Thraciæ Rex, ut est apud Justin. *libr.* 32. Dacos ab hostibus paternis victos, ad sempiternam ignominiam & contumeliâ sub mulierum imperium damnavit. Hæc ipsa *γυναικράτεια* summa servitus est, summaque miseria; ipsumq; conjugium, in quo uxor maritum aspernatur, calamitosum & infelix plenum est disfidiorum atque contentionum, quibus totius domus re-

gimen atque salus labefactatur & convellitur; quod & Siracides in suo monet Ecclesiast. cap. 25. *Mulier, inquiens, quæ primatum obtinet, semper viro contraria est.*

Cleopatra, Ægypti Regina, amoribus pellectum M Antonium, ut Augusto rebellaret, effecit; quem postea ad Actium navali prælio victum deseruit, & se sequi, exercitu relicto, amore dementem coëgit, ut Josephus scribit lib. 2. contra Appionem.

Herodes Antipas, Magni filius, uxori Herodiadi plus justo obtemperans, in exilium à Claudio Imperatore est pulsus: Joramus verò, Judæorum rex, Attaliâ, Achabî filiâ, fœminâ supra sexû crudeli & furiosâ, in uxorem ductâ, dum plus uxoreis illecebris, quàm Domini prophetis paret, fratres suos & multos regni primates, suos consiliarios è medio sustulit, populumq; ad omnem impietatem adegit, 4 Reg. 8. & 2. Paral. 21. Sic & Messalina, Claudii Cæsaris uxor, in causa fuit, ut multi à Cæsare occiderentur; quippe quæ, cum aliquem interfectum cuperet, maritum perterrefacere solebat, insidiatorem ejus accusans, teste Xiphilino in Claudio.

Porro ut *ἡ ἀνδραγαθία* quisquam maximè evitet, sedulò dabit operâ, *ne oculis tantum, neq; digitis, sed imprimis animo ducat uxorem*; h. e. ne formæ, neque dotis primam præcipuamque curam in eligendâ uxore habeat, sed virtutum a-

nimi,

nimi, cujusmodi sunt pietas, probitas, prudentia, obedientia, fides, humanitas, castitas, & id genus alia. Planè enim illi ferè maritalem in fœminas potestatem à naturâ legibusque sibi concessam quodammodò repudiant, qui, nullâ virtutis ratione habitâ, formosas tantùm aut opulentiores aut nobiliores; aut denique, si ipsi sint ætatis provectioris, nimis juveneculas sibi deligunt uxores.

Primum est, quia mulieres suapte naturâ superbi elatiq̃ue sunt animi, genuinam illarum superbiam vel maximè adauget forma speciesque corporis, ob quam eas non rarò mariti insano amore adeò depereunt, ut uxoribus suis inconsultis, non solùm in privatis, sed & in publicis negotiis vix quicquam statuunt, atq; ita propriam libertatem procul abjiciant.

Philippus certè ejus nominis I. Rex Galliæ, Bertâ Flandriæ Comitissâ, legitimâ uxore repudiâtâ, toto illo septennio, quo cum Bertradâ Montfortensi cognatâ, & pellice suâ vixit; cujus blanditiis & formâ adeò occæcatus fuit, ut gravissima quæque totius regni negotia ad illius arbitrium & libidinem regerentur, teste Æmilio lib. 4. Unde videre est, quàm plena sit multæ arrogantiae atque superbiæ in fœmina eximia corporis forma & pulchritudo, quod præter alios Ovid. testatur lib. 1. Fastorum:

Fastus inest pulchris, sequiturq; superbia formam.

Quem in modum & D. Chrysostomus in epistola Pauli ad Eph. hom. 20. hæc mala ex pulchritudine nasci tradit, fastum, arrogantiam, contemptum. Exemplo sit Mariamne, Herodis regis Judæorum uxor, quæ licet formosissima esset & pudicissima; adeo tamen morosa & superba fuit, quod regio sanguine esset nata, ut, nullâ habitâ ratione regis potentis, sæpe maritum contumeliosius tractaret; apertè etiam illi, & sorori ejus Salome & matri generis humilitatem exprobraret, ut author est Joseph. lib. 15. Antiq. cap. 11. Unde non abs re formosæ uxoris, ob formæ tamen pulchritudinem superbientis, contubernium, veluti quidam scopulus, est cavendum; utpote quam perpetuò & indefinenter maritus experietur indomitam & refractariam, nec in acerrimo cōcertamine jus suum adversus eam obtinere poterit; quod innuere voluit Olympias Alexandri Magni mater apud Plut. in præceptis connubialib. & Athenæum lib. 13. c. 32. Quæ, cum aulicus quidam adolescens formosam, sed superbam & refractariam, duxisset uxorem: *Ille, ait, demens est, qui solis oculis uxorem duxit.* Sed nec digitis decet uxorem ducere, quomodo nonnulli dotem sponsæ supputant, nec qualis ea in convictu futura sit, explorant. Planè enim, qui in uxore eligendâ dotis quantitatem spectat, non uxoris dominus, sed dotis servus fit. Nimirum, ut Aristoteles scribit lib. 8. Eth. c. 10. *dominantur*

nantur uxores ob patrimonii amplitudinem. Unde Juv. Sat. 6. *Intolerabilis nihil est, quàm fœmina dives,* utpote quæ solet regnare in suis divitiis, ut est apud Sen. Hinc Mart. rectè lib. 8. epigram. ad Priscum:

Uxorem quare locupletem ducere nolim,

Quaritis? uxori nubere nolo mea.

Inferior matrona suo sit, Prisce, marito,

Non aliter fiunt fœmina virq̃, pares.

Et memorabile est, quod de Hermocrate scribit Philostratus: Huic cùm Antipater, qui Severo Imperatori ab epistolis erat, avidius affectaret filiam suam in matrimonium tradere; non censuit is arripiendam istiusmodi felicitatem; imò instanti acrius nuptiarum conciliatrice, ac viri potentiam commemorante; *Doti, ait, magna non serviam, nec soceri superbia.* Intellexit nimirum quod apud Val. Max. lib. 7. c. 1. de splendidis conjugis dixit Socrates; Hæc ut aliquando illustrent, ita nonnunquam domos funditus evertere.

Henrico certè Stuardo regium conjugium vitam ademit; quippe quem Maria Regina Scotiæ vix uno anno pro marito habuit, mox ab auctoritate clanculum dejecit, tandem etiam clandestinis insidiis per Bothueliū interfecit, ut author est Buchananus lib. 17. & 18. histor. Scot. Usque ad eò ista imparitas sæpe solet esse periculosa & damnosa, & discordias, lites, *ῥυαὶνε καὶ εἰς αὐτὴν*

aliaque mala parere, juxta illud Ovid. ep. 9. Heroid.

Quàm malè iniquales veniunt ad aratra juveni,

*Tam premitur magno conjugē nupta minor.
Non honor est, sed onus, species laesura ferentes;*

Si quæ voles aptè nubere, nube pari.

Quicumque igitur (ut eleganter scribit D. Ambrosius lib. 1. de Abrahamo patriarchâ c. 2.) suavitatem quærit conjugii, non superiorem censu ambiat, non monilibus ornatam, sed moribus: contemnit plerumque virum, si se uxor nobiliorem noverit. Hæc proxima superbiæ sunt. Sara non facultatibus ditior, non genere splendidior erat, ideo parem gratiam diligebat; ideo non censu est retenta, non parentibus, non propinquis, sed virum proprium, quocumque pergeret, sequebatur. Et Seneca ad Gallionem; *Invenies, inquit, uxorem bonam, si nihil quæris, nisi bonum, dummodo ne imagines proavosque respexeris, nec patrimonium, cui etiam ipsa nobilitas cessit.*

Non autem in genere solum & opibus, sed in ætate æqualitatis habenda est ratio; ac proinde seniores & propectæ ætatis viri cum puellis & juvenculis matrimoniū capessere supersedeant, nisi eis velint esse ludibrio & contemptui. Quoniam enim ipsi ob frigiditatem & siccitatem non amplius sunt apti palæstræ Veneræ, (nam ut Ovidius canit,

Quæ

*Qua bello est habilis, Veneri quoq; convenit
etas,*

Turpe senex miles, turpe senilis amor.)

ac proinde juvenulae uxores nihil oblectationis, nihil voluptatis in senes marito habent, quia praeterea senectus veluti inimica est amicitiae; senes siquidem, cum sint morosi & intractabiles, minus gaudent conversationibus, quae amicitiam vel maxime efficere videntur; matrimonium verò nihil magis decet, quam viri & uxoris amicitia. Quid mirum, si ex hoc quasi fonte manet impotentissimum, imperiosissimumque illud uxorum juniorum in senes maritos imperium?

Exemplo est M. Cato Censorius, qui senex jam & Princeps in Rep. uxorem sibi postulavit viduus, Salonii cujusdam sui clientis filiam: irrideri se Salonius est suspicatus, quod vir tantus affinitatem secum vellet jungere. Duxit senex adolescentulam, dives inopem, clarus obscuram, Princeps civilem: ea tamen contumaciter in maritum se gessit, minusque obsequentem se indies illi praebuit: ita vir ille, qui, quicquid sive in senatu, sive in foro, sive ad populum diceret, oraculi loco accipiebatur, tantae civitatis facile sapientissimus, & cui domi & foris in bello, in pace, in negotio parem non haberet aetas illa, domi authoritate carebat apud rudem & imprudentem puellam, tenuem, humilem; honoratam ta-

men & ferè principem matronarum mariti causâ, ut ex Plut. Catone hæc memorat Ludovicus Vives de officio mariti. Hanc uxoris suæ, cæterarumq; fœminarum Romanarum, potentiam agrè ipse ferens; *Omnes, ait, homines uxori- bus dominantur, nos omnibus hominibus, nobis uxor.* Hoc modo colligens, mulieres rerum omnium esse dominas, & hoc ex Themistoclis facetiis traditum esse, Plut. ibidem memorat. Nam & hic, cùm magnopere dominaretur in se per matrem filius, *populus Atheniensis*, inquit, *ô mulier, Græcis imperat; ego populo Atheniensi, tu mihi, tibi filius.* Hinc non immeritò quæritur, cur strenui bellatores, cujusmodi fuerunt Hercules, Themistocles, Pericles, M. Antonius, Julius Cæsar, ipsique Spartani, (de quibus Plut. scribit in Agide, semper eos audientes fuisse uxori- bus; de negotiis publicis cum illis, quàm secum illas cõmunicasse de privatis; opes quoq; Laonicas ferè penes mulieres fuisse,) & alii complures plerunq; sint *γυναιχεπατέμφοι*, & dorsum mulierculis submittant? Aristoteles lib. 2. Polit. c. 7. triplicem hujus proterviæ mulieris reddit causam.

Prima, quia dum viri bellis occupantur, & domo absunt diutiùs, interim uxores vitæ liberi-
 ori assuescunt, imperiumque rapiunt. Factum
 Lacedæmone hoc, quo tempore Spartani con-
 tinua

tinua cum Archivis, Arcadibus & Messeniis, itemque Atheniensibus bella gesserunt. 2. Quia mulierum sunt amantiore, à quibus bellorum motibus sæpe abstrahuntur. 3. Quia denique plerunque sunt salaces & libidinosi, cum quòd & corpora habeant solida, musculosa, calida, plena sanguinis ac spirituum; tum ut plurimum comedones sint & bibones: *vinum autem lac Veneris, & sine Cerere & Baccho friget Venus.*

Postremò de mariti in uxorem imperio inprimis observandum, ut cum ratione & moderatione illud exercent, nec injuriosè, nec serviliter eum tractet; utpote quæ eadè cum ipso est caro, & quasi altera ipsius manus, cui vim inferre jus naturæ prohibet; sed juxta præceptum Apostoli, *secundum conscientiam cum eâ cohabitare, eique tanquam vasi infirmiori honorem tribuat.* Et enim & lex divina exigit, ut maritus non sit leo in suis ædibus, nec amarus erga uxorem; & ipsa natura subjecit uxorem marito, non ut servam, sed ut sociam vitæ & fortunarum; quippe quæ ex costâ viri, non ex pede facta est. Cõmunis item Pythagoricorum lex postulat, ut omnis injuriæ & violentiæ opinio ab eâ absit, quæ supplicis instar est, & tanquam à foco paterno ad ædes nostras deducta, ut citatur ab Aristot. lib. I. OEcon. c. 4. Et profectò (ut eleganter scribit Chrysostomus in I. Pauli epistolam ad Cor. hom. 20.) summa injuria est, virum vitæ sociam, & in rebus ne-

cessariis antea sibi conjunctam, tanquam mancipium injuriâ afficere. Ideo hujusmodi virum (si quidem fera potius appellandus est, quàm vir,) & patricidæ & matricidæ similem esse dixeris. Nam si patrem & matrem uxoris gratiâ relinquere præcipimur, non ut injuriam ei faciamus, sed ut divini in legem impleamus; & ipsis parentibus tam gratum hoc est, ut delicti gratiam habeant, & id multo studio exequantur; quoniam, quæso, pacto non ultimæ dementiæ est, eam contumeliâ afficere, propter quâ parentes Deus dimittendos præcepit? nonne hæc insânia? Et paulò post; sed incitat, inquit, mulier. Verùm considera, mulierem debile vas esse, tu autem vir, princeps propterea factus es, & capitis loco datus, ut subditæ feras imbecillitatem. Velis igitur tuum illustrare principatum, quod facies, si subditæ non insultaveris. Et quemadmodum Rex tantò clarior apparet, quantò præfectum suum clariorem ostendit; quem si ignominiâ & contumeliâ afficeret, non parvâ suæ ipsius gloriæ partem auferret. Ita & tu, si illam, quæ secundum post te locum obtinet, contumeliâ afficis, non parum principatus tui honori derogas. Hæc igitur omnia tecum reputa, & modestus sis, & cū his illius noctis recordare, quâ ad se vocato te pater, ceu quoddam depositum, filiam tibi tradi dit, & omnibus relictis, matre, domo, & seipso omnē ejus curam tuę dextrę commisit. Præterea juxta Poëtę quoq; illud:

Nullum

Nullum memorabile nomen
Fœminæ in pugna est, nec habet victoria lau-
dem.

Quin imò potius prudens maritus concedet
 aliquid hujus sexus fragilitati, & n̄vos ab im-
 becillitate humanâ profectos condonabit, deq;
 delictis per ignorantiam commissis, placidè u-
 xorem commonefaciet, nec, nisi extremo malo,
 medicorū exemplo extremis occurret remediis.
 Idcirco Marcus Aurelius Imperator rectè in-
 quit: *Uxor admonenda per sepe, reprehendenda*
raro, violentis manibus tractanda nunquam. Et
 Varro in Satyra Menippea apud Gell. lib. i. Noct.
 Attic. c. 3. *Vitium uxoris aut tollendum, aut feren-*
dum: Qui tollit vitiū, uxorem commodiorem præ-
stat; qui fert, seipsum efficit meliorem. Sic nimirum
 Socrates uxorum convitia, jurgia, molestias mo-
 destè sapienterq; tulit. Causam rogatus ab Al-
 cibiade, *tales se domi perpeti respondit, ut cetero-*
rum injurias foris tolerare assuesceret. Cūque
 à Xantippe uxore aliquando post multa convicia
 ex superiori loco aquâ sordidâ perfunderetur,
 nihil amplius egit, quàm ut capite detergo dice-
 ret, *sciebam futurum, ut ista tonitrua imber seque-*
retur; ibidem teste Laërt. & Gellio. Sic & Jobus
 toto corpore afflictus, affectusque & animi &
 membrorū doloribus immensis, cū uxor eum
 petulantia suâ gravius exasperaret, & in suam
 necem Deum maledictis provocare juberet, in-

dignabundus durioribus verbis ejus stultitiam castigavit, cap. 2. Malè verò econtrà apud Suet. audit Nero Cæsar, qui uxorem dilectissimam Poppæam, quàm Octaviæ superduxerat, gravidam ictu calcis solo afflictam peremit, quòd ex nocturnâ aurigatione tardiùs domum cum venisset, ab eâ jurgio exceptus esset. Quis verò non improbet Hunerici, Vandalorum in Africa Regis, facinus, qui Theodorici Westgothorum Regis filiam, uxorem suam ob levem suspicionem parati veneni, naribus atque auribus mutilatam, patri suo remisit. Magis verò insectatione dignum detestandum illud facinus Præbislai, Ducis majoris Poloniæ, qui teste Cromero lib. 11. per pedissequas Luidgardin uxorem jugulari curavit, quòd ex eâ liberos non susciperet; quasi verò in arbitrio sit id cujusquam, non verò divinitus liberi concedantur. Sic & Richardus III. Anglorum rex, Annam uxorem sterilem veneno necavit, ut author est Polydorus lib. 25. Non minùs execrandum est Jarnerici, Danorum & Sueonum Regis facinus, qui Sùavildam uxorem, Piconis astu, stupri cum privigno Brodero commissi crimine falsò accusatam, boum ungulis conculeandam objecit; & quod crudelitatem augeat, cum innocentis ejulatibus commota animalia parcere viderentur, pronam humo affigi jussit, ne voce suâ pecora flectere posset, ut author est Crantzius lib. 2. Daniæ cap. 16. Denique
 mariti

mariti imperiosi quoque cogitent, mulierculas naturâ vindictæ esse appetentiores, unde ad cædes & desertiones maritorum non rarò venire soleant. Alboinus certè I. Longobardorum in Italia Rex, postquam in solenni convivio Rosimundam uxorem ex paterâ, quæ ex patris Cunimundi, Gepidarum regis, quem in prælio interfecerat, cranio erat facta, bibere compulsi; hujus instinctu ab Helmynge satrapâ in cubiculo obtruncatus est, teste Blondo lib.8. Simile fatum, teste Volaterrano, subiit Galeothus Forolivii Princeps, ductâ in uxorem Johannis Bentivoli filiâ, quæ ab illo spreta, simulatâ ægritudine, ficiarios subornavit medicos, qui eum adorti in cubiculo confoderunt.

Sic & Almaricus, Gothorum rex, cùm Crotildem Childeberti Parisiorum regis sororem, veræ religionis amantissimam, eò quòd Arrianam sectam contemneret, contumeliosè tractasset, ab hoc bello vexatus est cruentissimo, vitâq; exurus, ut Sigonius scribit lib.17. Imperii

Occidentalis, & Michaël Riccius
lib.1. de regno Francorum.

Y 5.

F L O S I V.

Nimius conjugum amor maturè expellendus, antequam bestiaè instar dentes & ungues producat.

INter tria illa, quæ in Dei hominumque conspectu speciosa videntur, Siracides quoq; in suo Ecclesiastico c. 35. numerat virum & uxorem, in societate & fide mutuâ perseverantes, & læto ac sereno, minimèq; suspicioso animo vitam transigentes, seq; invicè castè, piè, sobriè & verecundè citra ardorem amantes. Ardens nimirum amor incendium est animæ, quâ ardēte, nullus ibi modestiæ, nullus reverentiæ conjugali, nullus tranquillitati & quieti loc⁹ esse potest. Unde rectè veteres prudentes suaserunt, maturè expellendū esse nimium amorem, tanquā feram, priusquā dentes & ungues producat. Quinam verò hujus amoris sunt dentes & ungues? suspicio & zelotypia. Et profectò nulla gravior pestis humano ingenio insidet, quàm altè concepta suspicio, quæ, cum semel irrepperit, ægerrimè vel maximè illustri ratione convellitur; quæq; , ut Mim⁹ vult, semper ad tristē partē inclinat. Zelotypia verò, præterquam quòd corpus corrumpit, labefactat, corrumpit, & ad senectutem accelerat, omnium animi perturbationū est truculentissima; utpote
quæ

quæ mentem quasi eripit, & in furorẽ adigit, inq; neces suorũ & aliorũ homines armat & impellit, ut idcirco multo fatius sit mori, quàm sub hujus tyrannide vivere. Nam si de injuriâ rivalis cõstat, zelotypiæ hoc furore perciti homines ad irã, ultionem & vindictã accenduntur modò justè, modò injustè; si nõ constat, metu exanimantur, & suspicionem siue verã siue falsã conficiuntur. Quemadmodũ a. nationem aliã præ aliã hoc zelotypiæ vitio obnoxia esse, experientia testatur; ita Bodin. lib. 5. de Rep. c. 1. ex Irenico & Munstero probat, Germanos minimè zelotypiã laborare, imò præclarũ existimare, omnes fœminas cum omnibus marib. in publicis balneis simul perlui; Australes verò populos, ne sacra quidẽ publica fieri pati, nisi uterq; sexus pariete medio dividatur. Quod faceret aliquãdo Mendozẽ, legato Hispanorũ, turpe esse dicenti, viros simul cũ fœminis in concionibus sacris permistos videri, exprobravit Thalys, magister libellorũ Regis Angliæ; *turpe quidem id esse apud Hispanos, qui etiã in sacris locis cogitent de explendã libidine, à quã procul abeant Anglorũ mentes.* Italos hoc vitio ad infaniã usq; laborare, Justinæ matronæ Romanæ nobilissimæ testatur historia, quæ ætatis suę puellas formã supergressa, cùm stolido & locupleti cuidam juveni à parentibus in matrimonium esset tradita, ob solam pulchritudinem in suspicionem marito venit, qui candidissimam uxoris suæ cervicem conspi-

catus, inclinantis se ad exuendum calceum, furore ex zelotypiâ accensus, teneram puellam, novamq; conjugē jugulavit; cujus etiam nū Romæ extat hoc epitaphium in Crypta S. Laurentii;

Immitis ferro secuit mea colla maritus,

Dum propero nivei solvere vincla pedis.

Nec culpâ meruisse necem, pia numina testor,

Sed jaceo fati sorte perempta mei.

Discite ab exemplo Justina, discite patres,

Ne nubat fatuo filia vestra viro.

Huic non absimile est epitaphium fœminæ Perusinae, itidem à marito ob zelotypiam, & adulterii suspicionem interfectæ;

Si qua solet proprio gaudere puella decoro,

Quid mea sors possit, nunc ego sola queror.

Forma dedit multis famam, laudemq; puellis,

At mihi de falsâ suspitione necem.

Sic & Cotys, Thraciæ rex, cū suæ uxoris, eum quā 14. annos concorditer vixerat, aliquando zelotypus esset, suis ipsius manibus à pudendis incipiens, dissecuit mediā, ut ex Theopompi libr. 1. rerum Philippicarum recenset Athenæus lib. 12. c. 14.

Inter Barbaros quoque præcipuè zelotypos esse Persas & Parthos, seque eā in re peracerbos præstare, memoriæ proditum est. Etenim apud Persas non modò qui conjugem, vel pellicem Regis attrectaverit, sed etiam, qui ex itinere appropinquant, currusque, quibus vehitur, impulerit,

lerit, capite punitur, ut tradit Plutarchus in Artaxerxe. Idem in Themistocle refert, apud Persas & Parthos non modò uxores, sed etiam servas & concubinas adeò sollicitè asservari, ut domi occludantur; aut si prodeundum sit, obferatis ferantur vehiculis. Et de Turcis scribit Busbequius ep. 3. suas eos uxores domi servare occlusas, atq; abdere, ut vix sol aspiciat; quòd si in publicum necessitas eas evocet, ita testas, ita pannis obvolutas emittere, ut meræ larvæ, aut spectra occurrentibus videantur; in tantum apud ipsos invaluisse opinionem, quasi non possit mulier, quam vel minimùm forma aut ætas commendet, à viro sine potiundi libidine, mentisque labe conspici.

Puna, rex Indorum, ut zelotypiæ curâ & amore se liberaret, eunuchis suis non modò pudenda, sed etiam nares & brachia amputari iussit, ut author est Bodinus lib. 5. de Repub. c. 1. faniore quodammodo consilio, quàm Eudubienfis ille zelotypus in Italia, nomine Johannes, qui, excogitato astu zelotypis digno, seipsum castravit; ut, si uxor postmodum concepisset, in adulterio fuisse convinceretur, ut Poggius refert in facetiis. Quàm perniciofa quoque & tetra zelotypiæ sit pestis, intelligi item potest ex historiâ Ludovici Bavari, cognomento Severi, Electoris Palatini, apud Aventinum lib. 7. annal. Bojorum. Fœdere hic inito cum civitatibus ad Rhenum

fitis contra eos, qui distractione Principum Germaniam vastabant; cum in armis esset conjux Maria Brabantina, Verdæ habitans, binas literas uno quidē annulo, diversâ tamen cerâ, atrâ - rubrâ obsignatas, illas marito, alteras Henrico Ruchoni, Decurioni equestri miserat. ex quibus rubrâ cerâ cōplicas, is qui epistolas detulit, errore seductus, Ludovico tradidit, qui lectis literis, amatoria suspicatus, dissimulatâ re, relicto exercitu, quàm maximis potuit itineribus ad uxorem diu noctuque contendit, & indictâ causâ adulterii condemnatam, securi percuti jussit. Dehinc quoque veluti conscias, Henricam virginem Brennebergensem cultello confodit, & aliâ foeminam nobilem, quam gynæceo præfecerat, de turri præcipitavit, ob quod facinus mirandam habuit & horrendam nocturnam visionem, quâ unâ nocte totus factus est canus.

Inprimis verò pestilentissimus iste zelotypiæ morbus in mulierib. & præsertim, teste Galeno, de definitionibus medicis, in prægnantibus debacchari solet, quæ idcirco viros insomnes, nunc blanditiis, nunc querelis fictisq; criminibus excitare per noctem solent, seu licentiùs, illi oculos deflexerint, seu ridenti licentiùs arriserint, seu vicinam salutaverint, seu formam alterius laudaverint, seu domum seriùs redierint, seu denique aliquid fecerint aut dixerint, quo suspecti læsiq; rei sint amoris, ut ista zelotypiæ fomenta, vim & effica-

efficaciam describit Petrarcha lib. i. de remedio utriusq; fortunæ, Dial. 65 unde rectè Eccles. Siracidis c. 27. cordis dolorem luctumq; ait esse zelotypam mulierem, & flagellum linguæ omnibus communicans, cum quâ certè si quis cohabitare cogitur, satius huic fuerit mori, quàm vivere. Patet hoc exemplo Philippi primi, regis Hispaniæ, erga quē (ut Gomezius scribit lib. 3. de reb. gestis Francisci Ximenii) uxor Johanna Regina, incredibili zelotypiâ exstimulata, pacerba ipsi & molesta fuit. Unde cū ille vel conjugis tædio affectus, vel aliis de causis, relictâ Hispaniâ, Belgas suos reviseret, illa supra modū de marito absente sollicita, tantisper obdurare non potuit, donec à partu esset libera, sed ad eū vel invitâ matre Isabellâ, insalubriq; cælo, in Belgium navigavit. Ibi cū puellæ ejusdā, quam secum ipsa Johanna Regina adduxerat, amorib. animus Philippi esset implicatus; mox ipsa zelotypiæ stimulis acriter exagitata, criminationibus, jurgiis & tragædiis totam Philippi regiam implevit. Etenim cū ad eam per pellicis æmulos esset delatū, flavā puellæ cæsarie Philippum inprimis captum fuisse, rabie correpta, cæsariem ilicò abrasit, puellæq; miserabiliter insultans, pulchram faciē vibicibus fœdavit. Quam ob rem Philippus indignatus, jam non ampliùs dissimulatâ irā, apertis cōtumeliis, atrocibusq; verbis mulctasse dicitur uxoris pervicaciam, ab ejusq; congressu dies non paucos abstinuisse.

Hæc immoderata Johanne Reginæ zelotypia, paulò post reverso in Hispanias Philippo Regi ægritudinem, accedentibus aliis tam lati regni molestiis atq; curis, procul dubio mirificè auxit, ut medicus ejus Martianus eum in suo cubiculo secretiori ad hunc modum ante suum decessum conquerentem audierit; Quis me, proh dolor, in has conjecit miserias, & specioso magni nomine Regis gravatum, in hanc rerum inopiam pertraxit!

Fuit quoque his zelotypiæ morbus non postrema causa, quòd Johanna Regina, mortuo marito, sese in latebras abdiderit, & in mœrore animique ægritudine, atrabile exagitata, tempus vitæ suæ miserè consumpserit. Non rarò quoq; mulieres deterrimo zelotypiæ malo laborantes, adeò furore vesanienti extimulantur, ut ad vindictam conversæ atrociam diraque facinora conficiant, neq; aliis, nec viris ipsis, nec filiis, nec sibi denique suoq; pudori parcant. Sic nimirum Thessalicæ quædam mulieres Eadem formosam meretriculam, quæ sui desiderio Græciam incenderat, quòd à Pausaniâ quodam Thessalo amaretur, ex invidiâ & zelotypiâ in fano Veneris ligneis scabellis trucidaverunt, ut ex Timei lib. 3. histor. refert Athenæus lib. 13. c. 20. Scribit Pausanias in Laconicis, Helenâ post Menelai mortem à Melapenthe & Nicostrato filiis Orestis fugatam, in Rhodum pervenisse; ubi cum Poly-

xena

xenę Tlepolemi uxori, ad quam jure veteris amicitiae diverterat, suspecta esset, ab hujus ancillis mandato ejus arbore suspensa perierit. Medea à Jasone repudiata, cum ille nuptias celebraret cum Glaucâ Creantis, Corinthiorum regis filiâ, proprios liberos, ex Jasone quos susceperat, obtruncavit; sponsæ verò coronam nephthâ illitam misit, quam illa imprudens cum capiti imposuisset, & propius ad ignes sacros, pro more sacrificatura, accessisset; à flammâ correpta se simul & regiâ totam, in quam confugerat, combussit. Virg Eclog. 8.

*Servus amor docuit natorum sanguine matrem
Commaculasse manus.*

Sic & Teutertia Romana, Piterræ domina, vidua, Theodeberto Austrasię & Mediomatricum Regi nupta, filiam formosissimam ex primo viro susceptam, suspicata, Theodebertum hujus amore captum, Veroduni submergi curavit, sicq; levissimæ suspicioni maternus amor cessit, teste Fulgoso lib. 5. c. 8.

Xerxes, rex Persarum, ab uxore Amestri donatus amiculo, quod ipsa texuerat, eo indutus ad Artaxatam, Masytis fratris sui filiam, & nurum suam concesserat; cum qua ubi se oblectavit, jussit à se petere, quodcunque vellet. Hoc amictu vix tandem multis precibus à Rege impetrato, Amestris non in puellam concepit odium, sed in illius matrem, quam hujus rei authorem falsò

credebat. Observato itaque tempore in regali convivio, in quo nefas erat, orantem nō exorare, à Xerxe fratris uxorem impetravit, quam accersitis carnificibus excarnificans, mammillas præcidit, easque canibus abjecit; naribus item, auribus, labris & linguâ mutilatam domum remisit, ut author est Herod. lib. 9.

Sic & Ludovici Malani, Flandriæ Comitis, uxor Margareta, Brabantia Ducissa, puellæ ex marito gravide, dolis ad se accersitæ, & inopinanti nares abscidit; quæ tertio post die præmature partu gemellos masculos enixa statim cum infantibus expiravit, ut author est Jacob. Marchantius de rebus Flandriæ. Zelotypa Fulvii uxor, cum ad eam Fulvius, à Triumviris proscriptus, tanquam ad conjugem, furiq; , regebatur, amantem & fidelem, (servam enim liberaverat, & conjugio dignatus erat,) ut aliquo modo occultaretur, se recepisset; illa suspicata, alterius eum foeminæ amore captum, Triumviris impiè prodidit, miserumque in modum perdidit, ut Fulgositus scribit lib. 5. c. 3. Usque adeo, ut Sen. ait;

Prona est timori semper in pejus fides.

Galsonta sive Glosinda, Thanagildi, Gothorum Regis in Hispania, filia, uxor Chilperici, Regis Sueffionum & Boruffiorum in Gallia, cum Fredegundium pellicem ferre non posset, hujus suasu à marito rege noctu strangulata est, teste Emilio lib. 2.

Sic

Sic & Malduinus, Scotorum rex, ob pellicatus
suspicionem noctu uxoris operâ strangulatus
est, teste Hectore Boëtio libr.9. Simile fatum
subiit Andreas Hungarus, qui uxoris zelotypæ,
Johannis Neapolis Reginae, impulsu, in palatio
noctu strangulatus est, ut scribit Crantzius
lib.10. Metropol. c.16.

Pari modo Francisca Bentivola gravi morbo
se correptam simulans, Gariothum Manfredum,
Ducem Faventinum, suum conjugem, in abditâ
cubiculi parte ficariis collocatis, ad se invisendi
causâ advenientem, interficiendum curavit,
quod nobilium foeminarum consuetudine libe-
ralius ille uteretur, teste Bruto libr.8. histor. Flo-
rentinae, & Bembo lib.1. hist. Venetae. Quibus
omnibus ex historiis patet,

Quod neq; fulv' aper mediâ tã savus in irâ est.

Fulmineo rapidos dum rotat ore canes.

Nec lea, cum catulis lactentibus ubera prebet,

Nec brevis ignaro vipera lesa pede.

Fœmina quàm socii deprensâ pellice lecti

Ardet, & in vultu pignora mentis habet.

In ferrum flammâq; ruit, positoq; decore

Fertur, ut Aonii cornibus icta Dei.

Ovid. lib.2. de art. Et Sen. in Herc. O Eth.

O quàm cruentus fœminas stimulat dolor,

Cum patuit una pellici & nupta domus!

Scylla & Charybdis Sicula contorquens freta

Minus est timenda, nullâ non melior fera est.

Hanc igitur tam furiosam ægritudinem, cœu pestem deterrimam & exitiosissimam, ut conjuges fugiant, caveant, qui in ordine sunt maritorum, ne exterarū sectentur concubitum; quippe quo & Deus gravissimè offenditur, & amor conjugalis in internecinum vertitur odium. Etenim ut Seneca scribit ep. 95. *Gravissimum est in uxorem injuria genus, habere pellicem.* Econtra secundum Aristotelem libr. 2. OEc. c. 3. Maximus honor est sobriæ mulieri, si cernat virum suum observantem sibi castitatem, nec de ullâ muliere magis cogitantem, sed præ cæteris omnibus hanc & suam, & fidelem sibi existimantem. Tantò enim magis studebit mulier se talem præstare, quantò magis se cognoverit fideliter & justè à viro diligi. Quemadmodum autem viros decet, nihil magis præstare suis uxoribus, quàm sanctam & intemeratam societatem; ita vicissim uxores studeant, suos maritos ab exterarum mulierum amore atque concubitu suâ revocare modestiâ, obsequio, pudicitiâ, patientiâ. Nec zelotypiâ adversus illos ullâ ratione contendant, sed honestatum potiùs matronarum, in quibus virtus inest, æmulentur pietatem erga Deum, conjuges, liberos, benevolentiam in necessarios, studium erga rem familiarem; morum denique integritatem, & solius probitatis meritum, suum ducant honorem.

Cæterum contra truculentissimam zelotypiæ per-

perturbationem Deus olim populo suo Israël-
tico peculiaribus prospexit legib. Num.c.5. ubi
si quis uxorem de adulterio habebat suspectam,
ad ostium tabernaculi eam adducebat, & tunc
sacerdos solennibus aquis, & dirâ execratione
pudicitiam ejus explorabat. Quibus legibus,
utpote ceremonialibus, abolitis, curiositas hu-
mana, alia remedia contra zelotypiam excogita-
vit; cujusmodi præter cætera fuit purgatio per
candens ferrum, quod suspecta nudis manibus
gestare, vel pedibus calcare cogebatur; itemque
probatio aquæ oleivæ ferventis, additâ prius su-
perstitiosâ quâdam consecratione. Quæ nunc
tanquam illicita, partim expressè sunt abrogata,
partim etiam tacitè in desuetudinem abierunt.
De his innocentia purgationibus apud veteres,
vide Camerarium Tom. 2. medit. histor. cap. 18.
& 19.

F L O S V.

Parentibus anima sunt liberi: *Eurip. in
Andromache.*

Natura provida, rerum omnium parens, seu
potius ipse Deus Opt. Max. præcipuum
quendam amorem, quem M. Cicero in epist. ad
Atticum *τοῦ γὰρ φρονεῖν* appellat, hominum a-
nimis implantavit atque insculpsit, qui ex san-

guinis conjunctione proficiscitur, & ab ipsâ naturæ lege præcipitur. Hinc fit, ut parentes suos liberos, quos de suâ esse norunt substantiâ, & quasi viva ipsorû simulacra, in quibus ipsi vivere videntur, & per quos continuatâ generis propagatione & successione sperant, se fore immortales, ardentè ament, impensè foveant, tenerrimè nuttiant, & nulla non pericula, labores, dolores, ipsamque mortem defugere non recusent, quò vitam & salutem illorum conservent. *Quid enim dulcius hominum generi à naturâ datum, quàm sui cuiq; liberi?* ait Cic. in Orat. post reditum ad Quirites. Maximam hanc in parentibus innatam σοφία Psammenitus, rex Ægypti, à Cambyse regno exutus, declarat apud Herodot. libr. 3: quando amicorum infortuniis illacrymavit, sed liberorum cædes demissis & siccis aspexit oculis, quòd domestica mala graviora esse putabat, quàm quæ lachrymas exhaustire possent.

Timanthes, cùm in Iphigeniæ immolatione pinxisset tristem Calchantem, tristiorè Ulyssè Menelao addidisset, quàm summum ars poterat efficere mœrorem; non reperiens, quânam tristitiæ imagine patris Agamemnonis vultum exprimere posset, velavit ejus caput, & suo cujusq; animo affectum ejus paternum dedit æstimandum, ut author est Plin. lib. 35. cap. 10. & Quintil. libr. 2. Instit. cap. 12. Adumbrare nempe voluit
nobilis

nobilis iste pictor *σοφίας*, quas natura parentibus erga liberos, imò & avis erga nepotes suos inſe- vit; quos magis amant, quàm ipſi parentes ſuos liberos, utpote qui, dum ceu novelli rami cre- ſcunt, latiùs extenduntur, & familię nomen lon- giùs producunt. Hinc vulgò rectè dicitur, *amo- rem non ascendere, ſed descendere*; non ſecus ac virtus naturalis à cæleſtibus & ſuperioribus de- ſcendit corporibus in ſublunaria & inferiora, non autem viciffim ab his aſcendit. Magis au- tem *σοφία* iſta erga liberos matribus eſt im- preſſa, quàm patribus; quippe quæ illos decem menſes in utero, non ſine magnis laboribus atq; moleſtiis, portârunt, & ex proprio ſanguine, à je- cere materno per venam umbilicalem in jecur ſobolis derivato, nutrierunt. Hinc non ſine gra- viſſimo dolore atq; labore in lucem editos con- feſtim à partu ppriis mammillis aluerunt, aliâq; illis nutritionis & protectionis officia plura, quàm patres pſtiterunt. Luculentiffimũ maternę *σοφίας* exemplum nobis ſuppeditat ſacra pagina, 3. Regum 3. in ſapientiffimo illo Salomonis ju- dicio, qui controverſiam dirempturus duarum muliercularum (*anno Mundi 2933.*) quarum altera filium ſuum dormiens oppreſſerat, & ſociæ ſuæ filium ſuffurata vivum, mortuum in illius locum repoſuerat, gladio diſſecari ſu- perſtitem juſſit, & partes matribus distribuì. Quâ ſententiâ latâ, maternam *σοφίαν* effodit,

matrique necem suæ sobolis deprecanti, puerum vivum adjudicavit. Non multum ab simile maternæ pietatis exemplum refertur 2. Reg. 21. de Rizpâ Sauli regis concubinâ. Etenim cum ad expiandum Sauli contra Gibeonitas facinus, septem ejus filii superstites ab his ad supplicium Davidis permissu raperentur; Rizpa duorum suorum mortuorum filiorum cadavera, ne ab alitibus interdium, à bestiis noctu læderentur, vigilans centone texit, nec ab eis avelli potuit. Quâ sedulâ ejus pietate delectatus David, cadavera omnia, Sauli & filiorû, permisit cumulari in sepulchris suorum majorum. Aliud exemplum maternæ *σφοδρῆς* extat apud Appianum lib. 4.

Marcus Brutus bellis civilibus Patarâ potitus, Patarensisbus edixerat, ut omnes omnino cives, quicquid in urbe auri argenti que facti aut infecti possiderent, ad se afferrent; statuto in eos ultimo supplicio, qui celassent; præmio contrâ iis, qui derulissent. Itaque à servo suo dominus quidam proditus, & cum totâ familiâ in judicium tractus, sententiamque dicere jussus, cum, quia negare hoc non posset, nihil responderet; mater seipsam accusans, identidem clamabat, se pecuniam abscondisse, filium innocentem esse; ac proinde, ut filio parceretur, orare. Cumque nihilominus feryus, etiam non rogatus, civile hoc crimen non ad matrem, sed ad filium pertinere contenderet, Brutus cum filii taciturnitate,
tum

tum matris pietate motus, utrumq; & libertate & pecuniâ donavit, servum verò laqueo suspendit.

Sic & olim Paryfidis mater Cyro filio, suo ob infidias fratri Artaxerxi structas interficiendo, multis lamentis atq; obtestationibus vitam servavit, ulnis eum complexa, & capillo suo circumjiciens, colligansque illius collum cum suo, teste Plut. in Artaxerxe.

Paternæ *σφοδρῆς* exemplum memorabile habet Val. Max. lib. 5. c. 7. de Octavio Balbo, à Triumviris proscripto, qui, cum domo per posticū clām esset egressus, jamque fugæ expeditum initium haberet; postquam filium intus trucidari, falsus clamore è viciniâ, accepit, ei se neci, quam evaserat, obtulit, occidendūque militibus tradidit; pluris nimirum illud momentum, quo illi præter spem videre filium incolumem contigerat, quàm salutem suam æstimans.

Sic & in ea pugna, quâ Helvetii suscepto Maximiliani Sfortiæ, à Ludovico XII. Galliarum Rege, toto ferme Mediolanensi Imperio exuti, patrocinio, ad Novariam, Gallicum exercitum profligarunt, cum reliquorum nulla virtus aut laus emicaret, solus Robertus Martianus (Jovius Robertum Sedanium vocat, Eburonum Principem) paterno ardore impulsus, ut Floranchium & Danesium (Jovius Florantium & Gemesium vocat) filios suos Germanicorum peritos in Gal-

lico exercitu Duces, qui, multis acceptis vulneribus, humi jacebant, servaret, cum equitum turmâ sese in Helvetios immisit, tantâq; ferocitate pugnans, ut Helvetiis, nedum aliis, permirum videretur, vivos tanto periculo eripuit, ut Guicciardinus scribit lib. II.

Paterna istiusmodi *σπρην* patet quoque ex illâ historiâ, quæ Gandavi adhuc in ære incisa conspicitur. Cum enim ibi pater unâ cum filio propter enormia scelera morti adjudicati essent, Comes Flandriæ pernoscere cupiens, in quo esset ardentior *σπρην*, vitam dicitur cōcessisse alterutri, qui alteri caput præscinderet; patrem tandem multis argumentis ægrè persuasisse filio diu renuente, ut carnificis officio in genitore fungeretur. Unde leges quoque Imperatoriæ (I. isti quidem. ff. de eo, qui metus causâ. & §. fin. Inst. de noxalib. actionib.) statuunt; in quæstionibus habendis prius filium, quàm patrem, eo tamen vel præsentem, vel scientem, torture subijciendum, quòd naturale sit, patrem gravius ferre cruciatus filii, quàm proprii sui corporis; ideoque durius filii, quàm sui ipsius poenâ affectum, facilius ad veritatis confessionem compelli. Neque verò solis hominibus *σπρην* ista *φυσικὴ* divinitus insita est, sed & cæteris animantibus rationis expertibus, quæ, paucis admodum exceptis, pullos suos tantâ curâ educant & tutantur, ut se non foveant accuratiùs.

Palum-

Palumbes, teste Plinio lib. 10. naturalis histor. c. 35. post hybernū solstitium, sæviente frigore nidificans, partumque emittens, sibi metipsum plūmas non gravatur avellere, ut parvuli mollius incumbēt; quo fit, ut ipsa sæpe mater gelu contabescat. Ursa, quā nullum deformius aut morosius est animal, informēs artubusque carentes catulos ubi peperit, linguā ceu instrumento membra format, ut non solum parere, sed & fabricari videatur foetum, ut Plutarchus scribit lib. περὶ φιλοσοφίας.

Gallinæ quomodo pullos suos foveant, nemini ignotum; utpote quæ alios passas sub alas recipiunt, aliis tergum conscendendum, & undique aditum præbent, simulque blandam & gaudii indicem vocem edunt; quæ item canes & angues fugiunt, cum sibi metuunt; cum verò pullis timent, hos defendentes, ultra quàm vires patiuntur, iis propulsandis certant. Sic & cæteræ bestiae pro suo partu ita pugnant, ut vulnera excipiant, nullos impetus, nullos casus reformident, ut est apud Cic. Tusc. 5. Quod si ergo bestiae foetus suos tam impensè foveant, proque illorum defensione & salute in manifesta se pericula conjicere non recusant; quis non ferreas illas, & ab omni humanitate abhorrentes mares execrabitur, quæ foetus suos enecant, aut etiā incuriā perire sinunt? aut quibus diris quis non devoteat ejusmodi flagitium, non dicam parentum,

sed carnificum impiissimorum, qui naturæ ju-
honestiq; repagulum præcipuum dissolventes
filios suos, qui quasi corporis sui membra sunt
& expressissima simulacra, & quibus vel offen-
dentibus summus benevolentiae gradus debeba-
tur, immuni sævitia trucidant, beluarum fero-
ciam longè excedentes, quæ, licet exasperatæ,
nunquam in fœtus suos rabiem effundere solent.
Hujusmodi impiissimorum parentum, carnifi-
cinam in liberos suos exercentium, exempla
plurima omnis suppeditat historia. Athalia, a-
via crudelissima, omnes suos ex Ochozia filio,
Judæorum Rege, nepotes interfecit, ut stirpem
Davidis radicitus extirparet, solo Joâ, infante,
cædi isti erepto, 4. Reg. 11.

Herodes, Judæorum rex, filios duos præstan-
tissimos, Aristobulum & Alexandrum, falsis infi-
diarum criminationibus circumventos, in con-
fessu 150. virorū Perydi damnatos, Sebastæ stran-
gulari curavit, teste Josepho lib. 16. Antiq. Judaic.
cap. 17. Itaque non immeritò Augustum Cæsa-
rem dixisse refert Macrobius lib. 2. *Malle se He-
rodis esse porcum, quàm filium.* Nam propter Ju-
dæorum legem sue non vescēbatur, filios autem
crudeliter occiderat.

Ptolomæus Phiscon, Ægypti Rex, Memphi-
tem filium, quem ex Cleopatrá sorore & uxore
fustulerat, in conspectu suo occidi jussit, indeq;
pedes ejus præcisos, unà cum capite & manibus,
in cista

in cista chlamyde opertos, pro munere natalitio matri misit, teste Val. Max. lib. 9. c. 2.

Dejotaro, Galatarum regi, plures fuisse filios ait Plutarchus in lib. de Stoicorum pugnis; quorum cum ipse uni Imperium relinquere cuperet, cæteros omnes manibus suis trucidavit; vinitorum exemplo, qui, cum vitis aliqua complures emiserit surculos, unum modò ex eis relinquere, alios amputare consueverunt, ut is, qui relinquitur, major & robustior fiat. Sic & Solimannus, Turcarum Sultanus, teste Jovio, Selymo minimo natu filiorum, ad spem Imperii designato, Mustapham primogenitum, qui ignominie dolore ad Persas hostes transfugerat, è Perfide datâ fide reversum, lætissimâq; totius exercitus acclamatione exceptum, suâ ipsius manu, elisis chordâ arcus cervicibus, interemit, corpusque exangue coram exercitu projici jussit, & per præconem altâ voce promulgari; unum in calce Deum, in terris unum Solimannum Imperatorem esse oportere.

Biduo post Chameria quoq; ejus filia veneno est necata, quòd de Mustaphæ interitu ingemuisse. Fratrîs fatû perpendens Palliacetus, Solimanni tertius filius, metu patris ad Thamasum, Persarum regem, profugerat, ubi ejusdem instinctu cum quatuor suis filiis strangulatus periit. Hinc rectè Busbequius in suo itinere Constantinopolitano scribit, nihil omnino miserius.

aspiciam Turcicorum Imperatorum filiis esse, & quibus si quis patri successit, inevitabilis reliquos mortis necessitas manet. Plura exempla istiusmodi parentū carnificum, & ἀσέβων erga liberos, require apud Fulg. lib. 5. c. 8.

Ceterum, quod tam in historiis, quàm cottidianâ vitâ, plura exempla reperiuntur matrum, quæ liberos suos interfecerunt, quàm patrum, ideo fieri existimatur, quod metu futuræ infamiæ magis iudicium mulierum perturbetur ac corrumpatur, & quod ob sexus infirmitatem citius Diaboli succumbant insidiis & tentationibus.

F L O S VI.

Liberi parentes suos honoranto opere, sermone, & patientiâ.

SIrac. c. 3. procul dubio præceptum hoc de liberorum officiis erga parentes ex Platone exscripsit, qui & ipse lib. 4. de ll. post deos immortales vult honorari parentes, ipso opere, verbis, & omni patientiâ, tanquam deos quosdam visibiles & terrenos. Sunt enim parentes vivæ quædam veræque imagines communis omnium parentis Dei, teste Proclo, quem nemo rectè colere & observare potest, qui in parentes fuerit impius. Planè enim, ut Siracides ibidem monet; *Qui timet Dominum, honorat parentes, & quasi dominis serviet*

serviet his, qui se genuerunt. Sunt autem tres præcipuæ virtutes, in quibus honor iste & pietas liberorum erga parentes consistit, amor, obedientia, & gratitudo filialis.

Primum itaque liberi parentes seriò & ex animo, ceu deos quosdam tutelares, & *dieu pères* suos revereri & amare velint; utpote à quibus secundùm Deum usuram vitæ communis acceperunt, quique in lucem ipsos editos, nudos atque infirmos, omnique auxilio destitutos, impensè foverunt, tenerrimè nutrierunt, liberaliter educarunt, nec ullas subterfugerunt curas atq; molestias; non rarò quoque suum defraudarunt genium, quò illis necessaria vitæ bene degendæ acquirerent subsidia. Quod & Cic. monet in Orat. post reditum ad senatum; Parentes, inquit, charissimos habere debemus, quòd ab his vitæ patrimonium, libertas, civitas tradita est. Nec enim minorem amoris reciprocationem liberi parentibus debent, ut purissimum hunc & tenerrimum amoris radium etiam oculis lædi posse, monstrique instar putandum sit, si quis omni humanitate exutus, eundem extinguere ausit. Verùm ita plerunq; comparatum est, ut, sicut humor de radicibus in herbam ascendens, non revertitur in radices, sed sursum transmittitur in semen; sic & charitas atque amor de parentibus ascendat in filios, de filiis autem non revertatur ad parentes. Ideo parentes quidem diligunt fi-

lios, sed non sic diliguntur à filiis: quia, sicut herba non deorsum, sed sursum ad semen transmittit humorem, sic & homo non ad parentes, sed ad procreandos filios transmittit affectum, ut eleganter Chrysostomus scribit in cap. 9. Matth. homil. 32. Ista autem amoris vis potissimum se honore & reverentiâ erga parentes, tam divinis & humanis legibus, (Exod. 20. & 21. Lev. 20. Deuteron. c. 5. Prov. 20. & Eph. 6.) quàm jure naturæ debitâ, exerit, illis occurrendo, assurgendo, sedis & sermonis primatû cedendo, suam gloriâ participando, dignitatem conferendo, optima quæq; cupiendo & precando; nec ullo modo eos contemnendo, imò & infirmitates illorum atq; nævos patienter tolerando. *Charitas enim, ut Apostolus scribit in I. ad Cor. 13 magnanima est in perfe-
rendo, benigna & lenis in condonando, inconstanti
levitate non fluctuat, contumaci superbiâ non in-
tumesceat, non incitatur ad iram, neq; deniq; quic-
quam mali cogitat.*

Sic nimirum Salomon Rex (ut ad exempla filialis reverentiæ & honoris erga parentes accedamus) Bethsabæ matri assurrexit, eamque adoravit: dehinc thronum illi poni, sibi que assidere à dextris jussit. *Namq; in publicis locis atq; actionibus patrum jura cum filiorum, qui in magistratu sunt, potestate collata, interquiescere quidem paululum debere; sed cum extra Remp. in vita domestica conversantur, inter filium magistratum, & patrem*

patrem privatum, publicos honores cessare, naturales & genuinos exoriri, Taurus philosophus, etiam Ethnicus, rectè censuit, ut author est Gellius libr. 1. Noct. Attic. c. 2. Sic & Marcus Antoninus Philosophus, in aulicâ adoptatus domum, parentibus suis tantam reverentiam, quantam privatus, exhibuit, licet pluribus occuparetur honoribus, in summis obsequiis erga patrem.

Pari modo Carolus I V. Bonnz prope Coloniâ consalutatus Imperator, cum patre Johanne in Bohemiam reversus, non aliter sese gessit, quàm privatus, omnia officia exhibuit, ad nutumque ipsius semper ei præstò fuit, ut DUBRAVIUS scribit lib. 21.

Alphonsus, rex Arragonum, cùm peregrè advenienti Ferdinando patri obviam progressus animadvertisset illum lecticâ vectari, valetudine affectum, statim equo desiliit, ut patrem pedibus comitaretur, & si opus esset, humeris aut cervice etiam sustolleret. Cùmque è lecticâ pater identidem cohortaretur, ut exemplo multorū procerum juxta adequitantium & ipse equum conscenderet; *Alii, inquit, ô pater, quid ad se attineat, ipsi viderint; ego quidem adduci neutiquam poterò, quin Regem, quin patrem, & eundem agrotum pedibus sequar*, teste PANORMITÂ libr. 2. de rebus ejus gestis.

V. Sertorius, teste Plut. in ejus vita, Româ exul, dicitur patriæ cupiditate flagrasse, potissimum

matris causâ, à quâ educatus orbus fuerat, cui toto animo erat addictus. A necessariis suis in Hispania ad Imperium vocatus, ad nuncium mortis matris, profudit penè ex mœrore vitam.

Divus Augustinus matrem suam Monicam, tum aliâs tum in eo quoque morbo, quo Ostiæ periit, eâ observantiâ complexus est, ut illa eum Pii cognomine dignaretur, & cum voluptate commemoraret, *nunquam se audisse ex ore ejus verbum in se durum, aut contumeliosum*, ut ipse met testatur lib. 9. conf. c. 12.

Sic & Carolus Magnus Imperator matrem Bertam religiosissimè observavit, neq; eam, nisi in divortio filiae Desiderii, Regis Longobardorum, uxoris suæ, ad iram commovit, aliâs semper veneratus, ut Cuspinianus scribit in Cæsaribus.

Pari modo Pomponius Atticus, eques Romanus nobilissimus, & familiaris Ciceronis, tam pius in matrem fuit, ut juraverit, cum matre nagenariâ se nunquam in gratiam rediisse, ut author est Cornelius Nepos apud Volaterranum lib. 18. ἀνθρωπολογία.

Galenus Pergamenus medicus, cùm alibi sæpe, tum imprimis in commentario de cognoscendis curandisque animæ affectibus, patrem suum Niconem non sine magno honoris titulo appellare solet, ut appareat, nunquam suaviorem sibi vocem edere visum fuisse, quàm quæ parentis sui laudes decantaret.

Cajus Martius, Coriolanus postea dictus, (teste Plut. in ejus vita) cū sæpius pugnatum eā tempestate à Romanis esset, compluraq; gesta bella, ex nullo sine coronâ, vel donis regressus, cū mater eum Volumnia (Livius Veluriâ vocat) præ lætitiâ lachrymans complecteretur, summo id sibi honori felicitatiq; duxit. *Virtutis nimirum gloria aliis finis erat, huic gloria, matris gaudium.* Sic & Epaminondâ dixisse perhibent, *nihil sibi accidisse jucundius, quàm quòd genitores sui palmâ se duce viri conspexissent Leuctricam.* ut Plutarchus scribit in libello contra Epicuri sententiam.

Antigonus, Macedoniæ rex, cū ingenti prælio superasset hostem, præmium belli ad patrem transtulit, & Cypri Imperium illi tradidit.

Sic & Leo II. Imperator Constantinopolitanus, Imperium à Leone primo, avo materno, per manus acceptum, cū pacatè regeret, otioq; & opibus floureret; Zenoni Isaurico, vitrico suo, sponte tradidit habendum; *indignum (opinor) ducens atq; nefarium, imperare, ubi pater privatus ageret,* ait Sabellicus lib. 3. c. 6.

Sem & Japhet, duo Nohæ filii, cū patrem ebrium detectis pudendis invenissent, indice Chamo fratre, retrogradientes avertis oculis, pallium ei injecerunt: quam ob causam à patre benedictionem, Chamus verò maledictionem retulêre.

Teleucus Spartanus cuidam nuncianti, patrem de ipso malè loqui, Non faceret, respondit, n. faciendum hoc illi esset. *Maluit nimirum in se transferre culpam, quàm patrem mendacii aut i. meritis arguere, teste Plut. in Lacon. Neut. quam enim gloriandū in contumelia patris, ut po. quæ in ignominiam & dedecus, non in honorem cedit filio, teste Siracide Eccles. cap. 3. & Cic. pr. Cluentio, non modò reticere homines parentum injurias, sed etiam a quo animo ferre oportet.* Hinc rectè Publius Mimus:

Ames parentem, si a quibus est;

Si aliter, feras.

Imò & senectæ maternæ ferenda, non cu. panda morositas, quod Salomō Prov. 23. mone.

Obedientia filialis, quæ altera species est pi. tatis liberorum, piis parentum monitis & cons. liis, tanquam ab ipso Deo profectis, morem ge. rit, jussa alacriter expedit, reprehensionibus et. sese emendari patitur; idque exemplo Christi qui, ut nobis obedientiæ præberet documen. tum, parentum obsequio subdi voluit, Luc. c. Exemplo item Isâaci, Abrahamo patri usque a. mortem morigeri, Gen. 22. Jacobi, matris cor. filio Esavo fratri jus primogenituræ, & patris be. nedictionem præripientis; ejusdem item jussu i. Mesopotamiam ad Labanum avunculum pro. fecti, unde 20. anno post, uxoribus, liberis, & op. bus auctus domum rediit: Josephi ad fratre. quamv.

quamvis sibi propter delationem infensos, ablegati, Gen. 27. Davidis jam in Regem uncti, 1. Regum 17. Tobiae junioris, qui, auditis paternis exhortationibus, in omnibus promptè obediit, Tob. c. 5. Rechabitarum, qui cum metu Nabuchodonosoris Hierosolymam confugissent, à Jeremiâ prophetâ in templum, jubente Domino, introducti, vinum bibere renuerunt, quòd à patre Jonadabo, Rechabi filio, prohibiti fuissent bibere vinum, domum construere, sementem facere, vineam plantare, sed in tabernaculis degere per omnem vitam, ut diu viverent in terra: Septem denique fratrum martyrum pro patriâ, lege, impavidè matre ipsos identidem stimulante, occumbentium, 2. Mac. 7. Sic & Coriolanus, vir de Rep. Rom. optimè meritis, iniquissimæ damnationis ruinâ prostratus, apud Volscos, ad quos exul confugerat, brevi summum adeptus imperium, cum, frequenter fuis Romanorum exercitibus, victoriarum suarum gradibus aditum juxta urbis mœnia Volco militi struxisset, (*anno Mundi 3485.*) matris tandem precibus cedens, urbis Romę obsidionem solvit, teste Livio dec. 1. lib. 2. & Val. Max. lib. 5. c. 4.

Childebertus & Clotharius, Francorum Reges, cum de regni possessione inter se armis disceptarent, jamque acie essent dimicaturi, Crotochildis matris interventu primò ferrum inhibere, maternis precibus & lachrymis moti; inde

sed carnificum impiissimorum, qui naturæ jus honestiq; repagulum præcipuum dissolventes, filios suos, qui quasi corporis sui membra sunt, & expressissima simulacra, & quibus vel offendentibus summus benevolentiae gradus debebatur, immuni sævitiâ trucidant, beluarum ferociam longè excedentes, quæ, licet exasperatæ, nunquam in foetus suos rabiem effundere solent. Hujusmodi impiissimorum parentum, carnificinam in liberos suos exercentium, exempla plurima omnis suppeditat historia. Athalia, avia crudelissima, omnes suos ex Ochoziâ filio, Judæorum Rege, nepotes interfecit, ut stirpem Davidis radicitus extirparet, solo Joâ, infante, cædi isti erepto, 4. Reg. 11.

Herodes, Judæorum rex, filios duos præstantissimos, Aristobulum & Alexandrum, falsis insidiarum criminationibus circumventos, in confessu 150. virorû Perydi damnatos, Sebastæ strangulari curavit, teste Josepho lib. 16. Antiq. Judaic. cap. 17. Itaque non immeritò Augustum Cæsarem dixisse refert Macrobius lib. 2. *Malle se Herodis esse porcum, quàm filium.* Nam propter Judæorum legem sue non vescēbatur, filios autem crudeliter occiderat.

Ptolomæus Phiscon, Ægypti Rex, Memphitem filium, quem ex Cleopatrá sorore & uxore fustulerat, in conspectu suo occidi jussit, indeq; pedes ejus præcisos, unâ cum capite & manibus, in cista

in cista chlamyde opertos, pro munere natalitio matri misit, teste Val. Max. lib. 9. c. 2.

Dejorato, Galatarum regi, plures fuisse filios ait Plutarchus in lib. de Stoicorum pugnis; quorum cum ipse uni Imperium relinquere cuperet, cæteros omnes manibus suis trucidavit; vinitorum exemplo, qui, cum vitis aliqua complures emisit furculos, unum modò ex eis relinquere, alios amputare consueverunt, ut is, qui relinquitur, major & robustior fiat. Sic & Solimannus, Turcarum Sultanus, teste Jovio, Selymo minimo natu filiorum, ad spem Imperii designato, Mustapham primogenitum, qui ignominie dolore ad Persas hostes transfugerat, è Perfide datâ fide reversum, lætissimâq; totius exercitus acclamatione exceptum, suâ ipsius manu, elisis chordâ arcus cervicibus, interemit, corpusque exangue coram exercitu projici jussit, & per præconem altâ voce promulgari; unum in celo Deum, in terris unum Solimannum Imperatorem esse oportere.

Biduo post Chameria quoq; ejus filia veneno est necata, quòd de Mustaphæ interitu ingemuisse. Fratrìs fatum perpendens Palliacetus, Solimanni tertius filius, metu patris ad Thamasum, Persarum regem, profugerat, ubi ejusdem instinctu cum quatuor suis filiis strangulatus perit. Hinc rectè Busbequius in suo itinere Constantinopolitano scribit, nihil omnino miserius.

aspiciam Turcicorum Imperatorum filiis esse, è quibus si quis patri successit, inevitabilis reliquos mortis necessitas manet. Plura exempla istiusmodi parentū carnificum, & ἀσέβων erga liberos, require apud Fulgos lib. 5. c. 8.

Ceterum, quod tam in historiis, quàm cottidianâ vitâ, plura exempla reperiuntur matrum, quæ liberos suos interfecerunt, quàm patrum, ideo fieri existimatur, quod metu futuræ infamiæ magis iudicium mulierum perturbetur ac corrumpatur, & quod ob sexus infirmitatem citius Diaboli succumbant insidiis & tentationibus.

F L O S VI.

Liberi parentes suos honoranto opere, sermone, & patientiâ.

SIrac. c. 3. procul dubio præceptum hoc de liberorum officiis erga parentes ex Platone exscripsit, qui & ipse lib. 4. de ll. post deos immortales vult honorari parentes, ipso opere, verbis, & omni patientiâ, tanquam deos quosdam visibiles & terrenos. Sunt enim parentes vivæ quædam veræque imagines communis omnium parentis Dei, teste Proclo, quem nemo rectè colere & observare potest, qui in parentes fuerit impius. Planè enim, ut Siracides ibidem monet; *Qui timet Dominum, honorat parentes, & quasi dominis serviet*

serviet his, qui se genuerunt. Sunt autem tres praeipuae virtutes, in quibus honor iste & pietas liberorum erga parentes consistit, amor, obedientia, & gratitudo filialis.

Primum itaque liberi parentes serio & ex animo, ceu deos quosdam tutelares, & *οὐκ ἐξ ἑκείνων* suos revereri & amare velint; utpote à quibus secundum Deum usuram vitae communis acceperunt, qui que in lucem ipsos editos, nudos atque infirmos, omni que auxilio destitutos, impense foverunt, tenerrime nutrierunt, liberaliter educarunt, nec ullas subterfugerunt curas atq; molestias; non raro quoque suum defraudarunt genium, quò illis necessaria vitae bene degendae acquirerent subsidia. Quod & Cic. monet in Orat. post reditum ad senatum; Parentes, inquit, charissimos habere debemus, quòd ab his vita, patrimonium, libertas, civitas tradita est. Nec enim minorem amoris reciprocationem liberi parentibus debent, ut purissimum hunc & tenerrimum amoris radium etiam oculis laedi posse, monstrique instar putandum sit, si quis omni humanitate exutus, eundem extinguere ausit. Verum ita plerunq; comparatum est, ut, sicut humor de radicibus in herbam ascendens, non revertitur in radices, sed sursum transmittitur in semen; sic & charitas atque amor de parentibus ascendat in filios, de filiis autem non revertatur ad parentes. Ideo parentes quidem diligunt fi-

lios, sed non sic diliguntur à filiis : quia, sicut herba non deorsum, sed sursum ad semen transmittit humorem, sic & homo non ad parentes, sed ad procreandos filios transmittit affectum, ut eleganter Chrysostomus scribit in cap. 9. Matth. homil. 32. Ista autem amoris vis potissimum sibi honore & reverentiâ erga parentes, tam divinis & humanis legibus, (Exod. 20. & 21. Lev. 20. Deuter. 5. Prov. 20. & Eph. 6.) quàm jure naturæ debitâ, exerit, illis occurrendo, assurgendo, sed & sermonis primatû cedendo, suam gloriâ participando, dignitatem conferendo, optima quæ cupiendo & precando; nec ullo modo eos contemnendo, imò & infirmitates illorum atq; nævo patienter tolerando. *Charitas enim*, ut Apostolus scribit in 1. ad Cor. 13. *magnanima est in peccando, benigna & lenis in condonando, inconstans in levitate non fluctuat, contumaci superbiâ non intumescit, non incitatur ad iram, neq; deniq; quicquam mali cogitat.*

Sic nimirum Salomon Rex (ut ad exemplum filialis reverentiæ & honoris erga parentes adducamus) Bethsabæ matri assurrexit, eamq; adoravit: dehinc thronum illi poni, sibiq; assidere à dextris jussit. *Namq; in publicis locis atq; actionibus patrum jura cum filiorum, qui in magistratibus sunt, potestate collata, interquiescere quidem paululum debere; sed cùm extra Remp. in vita domestica conversantur, inter filium magistratum, &*
patrem

patrem privatum, publicos honores cessare, naturales & genuinos exoriri, Taurus philosophus, etiam Ethnicus, rectè censuit, ut author est Gellius libr. 1. Noct. Attic. c. 2. Sic & Marcus Antoninus Philosophus, in aulicâ adoptatus domum, parentibus suis tantam reverentiam, quantam privatus, exhibuit, licet pluribus occuparetur honoribus, in summis obsequiis erga patrem.

Pari modo Carolus IV. Bonnz prope Coloniâ consalutatus Imperator, cum patre Johanne in Bohemiam reversus, non aliter sese gessit, quàm privatus, omnia officia exhibuit, ad nutumque ipsius semper ei præstò fuit, ut DUBRAVIUS scribit lib. 21.

Alphonsus, rex Arragonum, cùm peregrè advenienti Ferdinando patri obviam progressus animadvertisset illum lecticâ vectari, valetudine affectum, statim equo desiliit, ut patrem pedibus comitaretur, & si opus esset, humeris aut cervice etiam sustolleret. Cùmque è lecticâ pater identidem cohortaretur, ut exemplo multorū procerum juxta adequitantium & ipse equum conscenderet; *Alii, inquit, ô pater, quid ad se attineat, ipsi viderint; ego quidem adduci neutiquam poterò, quin Regem, quin patrem, & eundem egrotum pedibus sequar*, teste PANORMITÂ libr. 2. de rebus ejus gestis.

V. Sertorius, teste Plut. in ejus vita, Româ exul, dicitur patriæ cupiditate flagrasse, potissimùm

matris causâ, à quâ educatus orbus fuerat, et toto animo erat addictus. A necessariis suis Hispania ad Imperium vocatus, ad nuntium mortis matris, profudit penè ex mœrore vitæ.

Divus Augustinus matrem suam Monicam tum aliâs tum in eo quoque morbo, quo Ostiti periiit, eâ observantiâ complexus est, ut illa eius Pii cognomine dignaretur, & cum voluptate commemoraret, *nunquam se audisse ex ore eius verbum in se durum, aut contumeliosum*, ut ipse met testatur lib. 9. conf. c. 12.

Sic & Carolus Magnus Imperator matrem Bertam religiosissimè observavit, neq; eam, ne in divertio filiæ Desiderii, Regis Longobardorum, uxoris suæ, ad iram commovit, aliâs semper veneratus, ut Cuspinianus scribit in Cæsaribus.

Pari modo Pomponius Atticus, eques Romanus nobilissimus, & familiaris Ciceronis, tantopius in matrem fuit, ut iuraverit, cum matrem nagenatiâ se nunquam in gratiam rediisse, author est Cornelius Nepos apud Volaterranum lib. 18. ἀνθραπολογίας.

Galenus Pergamenus medicus, cùm alibi de pietate, tum in primis in commentario de cognoscendis curandisque animæ affectibus, patrem suum Niconem non sine magno honoris titulo appellare solet, ut appareat, nunquam suaviorem vocem edere visum fuisse, quàm quæ parentis laudes decantaret.

Cajus Martius, Coriolanus postea dictus, (teste Plut. in ejus vita) cū sæpius pugnatum eā tempestate à Romanis esset, compluraq; gesta bella, ex nullo sine coronâ, vel donis regressus, cū mater eum Volumnia (Livius Veluriâ vocat) præ lætitiâ lachrymans complecteretur, summo id sibi honori felicitatiq; duxit. *Virtutis nimirum gloria aliis finis erat, huic gloria, matris gaudium.* Sic & Epaminondâ dixisse perhibent, *nihil sibi accidisse jucundius, quàm quòd genitores sui palmâ se duce vivi conspexissent Leuctricam.* ut Plutarchus scribit in libello contra Epicuri sententiam.

Antigonus, Macedoniæ rex, cū ingenti prælio superasset hostem, præmium belli ad patrem transtulit, & Cypri Imperium illi tradidit.

Sic & Leo II. Imperator Constantinopolitanus, Imperium à Leone primo, avo materno, per manus acceptum, cū pacatè regeret, otioq; & opibus floureret; Zenoni Isaurico, vitrico suo, sponte tradidit habendum; *indignum (opinor) ducens atq; nefarium, imperare, ubi pater privatus ageret,* ait Sabellicus lib. 3. c. 6.

Sem & Japhet, duo Nohæ filii, cū patrem ebrium detectis pudendis invenissent, indice Chamo fratre, retrogradientes averfis oculis, pallium ei iniecerunt: quam ob causam à patre benedictionem, Chamus verò maledictionem retulêre.

Teleucus Spartanus cuidam nuncianti, patrem de ipso malè loqui, Non faceret, respondit, nisi faciendum hoc illi esset. *Maluit nimirum in se transferre culpam, quàm patrem mendacii aut temeritatis arguere, teste Plut. in Lacon. Neutiquam enim gloriandū in contumelia patris, utpote quæ in ignominiam & dedecus, non in honorem, cedit filio, teste Siracide Eccles. cap. 3. & Cic. pro Cluentio, non modò reticere homines parentum injurias, sed etiam æquo animo ferre oportet.* Hinc rectè Publius Mimus :

Ames parentem, si aquus est;

Si aliter, feras.

Imò & senectæ maternæ ferenda, non culpanda morositas, quod Salomō Prov. 23. monet.

Obedientia filialis, quæ altera species est pietatis liberorum, piis parentum monitis & consiliis, tanquam ab ipso Deo profectis, morem gerit, jussa alacriter expedit, reprehensionibus etiā sese emendari patitur; idque exemplo Christi, qui, ut nobis obedientiæ præberet documentum, parentum obsequio subdi voluit, Luc. c. 1. Exemplo item Isāaci, Abrahamo patri usque ad mortem morigeri, Gen 22. Jacobi, matris consilio Esavo fratri jus primogenituræ, & patris benedictionem præripientis; ejusdem item jussu in Mesopotamiam ad Labanum avunculum profecti, unde 20. anno post, uxoribus, liberis, & opibus auctus domum rediit: Josephi ad fratres,

quamvis

quamvis sibi propter delationem infensos, ablegati, Gen. 27. Davidis jam in Regem uncti, 1. Regum 17. Tobiae junioris, qui, auditis paternis exhortationibus, in omnibus promptè obediit, Tob. c. 5. Rechabitarum, qui cum metu Nabuchodonosoris Hierosolymam confugissent, à Jeremiâ prophetâ in templum, jubente Domino, introducti, vinum bibere renuerunt, quòd à patre Jonadabo, Rechabi filio, prohibiti fuissent bibere vinum, domum construere, sementem facere, vineam plantare, sed in tabernaculis degere per omnem vitam, ut diu viverent in terra: Septem denique fratrum martyriū pro patriâ, lege, impavidè matre ipsos identidem stimulante, occumbentium, 2. Mac. 7. Sic & Coriolanus, vir de Rep. Rom. optimè meritis, iniquissimæ damnationis ruinâ prostratus, apud Volscos, ad quos exul confugerat, brevi summum adeptus imperium, cum, frequenter fuis Romanorum exercitibus, victoriarum suarū gradibus aditum juxta urbis mœnia Volco militi struxisset, (*anno Mundi 3485.*) matris tandem precibus cedens, urbis Romę obsidionem solvit, teste Livio dec. 1. lib. 2. & Val. Max. lib. 5. c. 4.

Childebertus & Clotharius, Francorum Reges, cum de regni possessione inter se armis disceptarent, jamque acie essent dimicaturi, Crotochildis matris interventu primò ferrum inhibere, maternis precibus & lachrymis moti; inde

non solum praelio abstinerunt, sed concordēs facti, mutuò se complexi sunt, ut author est Sabellicus lib. 3. c. 6. & Egnatius lib. 5. c. 4.

Ferdinandum, Regem Neapolitanorum, dicere solitum scribit Pontanus lib. 2. c. 3. de obed. Nullam se, patre vivo, neque maiorem, neque parem illis cepisse voluptatibus, quas ipse caperet, cum patris consilium cogitatione praevisum, operâ anticipasset: Contrà nil sibi neque gravius, neque existimatione suâ indignius solitū accidere, quàm cum maiorum rerum occupationibus impeditus, patri adesse non possit. Obtemperare autem liberi parentibus triplici tenentur obligatione: 1. propter conscientiam, quia Domini Dei edictum est; *Honora patrem tuum, & matrem tuā*, Deut. c. 5. Deinde propter promissiones vitæ longævæ & felicitis in terra; hoc nempe præceptum primum est, inquit Apostolus ad Eph. 6. quod habet promissionem, *ut bene sit tibi, & sis longavus super terram*. Denique ob interminationem mortis superventuræ contumacibus, utpote quibus divinam maledictionē ex ore Dei denunciat Moses Deut. c. 27. Non tamen in omnibus liberos decet obsecundare parentibus, sed tantum in iis, quæ verbum Dei & publica honestas permittit; non si turpia & noxia præcipiant, aut honesta & salutaria prohibeant. Semper enim legi divinæ, & rectæ rationi magis, quàm parentibus obtemperandum; & ut Augustinus in quodam sermone

sermone loquitur, *amandus quidem est genitor, sed preponendus est creator.* Hinc rectè Acrotatus apud Plut. in Lacon. postulantibus ab eo parentibus, ut quadam in re iniqua efficienda ipsis esset prestò, cum aliquamdiu verbis repugnasset, graviùs urgentibus respondit: *Quamdiu vobiscum vixi, nullam habui justitiæ notitiæ, sed postquam me patriæ ejusq; legibus tradidistis, & ad justitiæ honestatemq; pro viribus facultatibusq; vestris erudistis, conabor his potiùs, quàm vobis obsequi.* Ac quoniam vultis me optima agere; optimum autè est cum privato, tum multò magis Principi, id quod est justum, agam quæ vultis, quæ verò dicitis, detrectabo. Verùm si pater quod jubet, mater prohibeat; hujusne interdicto, an illius mandato parebit filius? respondeo: maritus caput est uxoris, ac proinde in tali casu potior conditio & dignitas, ampliorque potestas patris, si, quod Dei verbo adversetur, imperet mater, qui in præcepto isto, *honora patrem & matrem,* præcedit, ac superior est prærogativâ quâdam; mater verò tanquam inferior & succenturiata sequitur. Ubi autem nulla voluntatum patris & matris discrepantia est, & uterq; Deo placentia præcipit, æqua utriq; deferri debet à liberis reverentia.

Gratitudo denique filialis parentibus senio vel morbo confectis, aut quoties usus & necessitas postulant, vicem beneficentiæ reddere, & tam facto,

facto, quàm animo demonstrare satagit, subministrando eis alimenta, calamitosos non deferendo, subveniendo, juvando, defendendo, liberando; imò & morte suâ vitam illorû redimendo. *Quod genus debitorum* Plato lib. 4. & II. de legibus esse primum, antiquissimum & augustissimum affirmat, quo liberi parentibus sunt obligati, nec vitium ullum esse turpius, quàm parentes negligere. Solonis legibus liberi, nisi infamiâ notari vellent, parentes inopes alere, & ἀντιπαργεῖν cogebantur; quod & jure Romano cautum est. Quem in modum & Cicero scribit de responsis Aruspicum; Parentibus nos primum natura conciliat, quos non alere, nefarium est. Et Salomon Prov. 28. *Qui diripiens patrem suum, & matrem suam, dicit, non est defectio; socius est viro interfectorio*, h. e. qui filius patri seni invalido, quē alere ex lege naturæ, à ciconiis sumptâ, tenetur (ut testatur Ambros. lib. 5. Exa. c. 6.) non solum nō suggerit cibum, sed etiâ, quem habet, adimit; & insuper, nullum pati patrem suum defectum, profiteri audet, is dignus est, qui moriatur.

Species enim est parricidii, juxta illud, *Occidisti, si non parvisti, aut pastum subtraxisti*. Merito igitur Cimonis filia laudatur, quod patrem fame necandum propriis mammillis aluerit, ut narrat Plinius lib. 7. c. 37. & Val. Max. lib. 5. c. 4.

Et rectè Menander; *Alas parentes, si senes; vi-
ves diu. Quoniam ergo in parentes collata be-
neficium*

neſicia nunquam oblivioni tradit Deus, teſte Si-
racide c.3. ideo liberi nō tantū ſint γηροβόσκοι,
parentum in ſenectute nutritores, ſed etiam eo-
rundem cuſtodes, deſenſores & adjuutores, præ-
fertim ubi effœti & debiles facti fuerint, aliaque
eis *ὁρεπλήσια*, hoc eſt, debita nutritionis præmia
ſummā cum benevolentia & alacritate perſol-
vant. Sic nimirum David, fugiens conſpectum
Sauli in maximā afflictione, ſuorum tamen pa-
rentum curam ſemper habuit, & diligenter eos
Regi Moabitarum recommendavit, 1. Reg. 22.

Macrobius lib.1. Saturn. c.6. author eſt; Cor-
neliū Scipionis cognomen apud Romanos me-
ruiſſe, quōd patrem decrepitum & cæcum pro
baculo regere fuerit ſolitus. Hujus exemplo ſu-
periori quoque ſeculo baculi, in ducendo ac ſus-
tinendo patre decrepito, vicem obiit Caſimirus,
Marchio Brandeburgicus.

Antonius Grimanus, Turcico bello Venetæ
claiſſis Imperator creatus, abrogato imperio,
Venetias revocatus, carceri eſt mancipatus (*an.*
Chriſti 1502.) Cardinalis hujus filius illi juxta
carcerem occurrens; Ego, inquit, pater, pro te
tuāque ſalute in publica vincula me conjiciam,
nec priùs inde diſcedam, quā audiero, te publi-
co abſolutum judicio. Cæterū à patre publi-
corum miniſtrorum operā divuſus, petebat ab
illis, ut ſe filium patri in carcere adjungerent, cui
ipſe inſervire poſſet. Sed cū non multò poſt

majoris consilii judicio in exilium relegatus esset, Romæ à filio sic exceptus fuit, ut beatum ac felicem esse patrem dicerent, qui talem filium haberet. Mox in patriam restitutus, procuratorq; divi Marci iterum creatus, quod nulli unquam antè contigerat, tandem quoque in Lauretani locum Dux est electus, ut Egnatius scribit lib. 5. c. 4.

Sic & olim Cimon Atheniensis, ut Miltiadem patrem publicè damnatum vinculis eximeret, ultrò se carceribus obtulit, mortem lubens optetiturus, modò patrem à periculo servaret, ut Sabellicus refert lib. 3. c. 6. ex Justinii lib. 2. Probo & Plutarcho.

Cùm Demetrius Polyorctes, Asiæ & Macedoniæ Rex, à Seleuco, Syriæ Rege, esset captus, per amicum filio Antigono Jonadi mandavit, ne curaret, si quid scriberet à Seleuco compulsus, neque civitates illi cederet. At filius ultrò scripsit ad Seleucum, cedens illi totā ditionem, seq; obsidem offerens, si Demetrius pater liberaretur, teste Plut. in Reg. apoph. *Hic* (inquit Sabellicus lib. 8. Ennead. 4) *pietas cum pietate certabat.* Pater sui negligens volebat parci filio, filiiq; regno; filius contrà patris libertatem & regno & seipso potiorē habuit. Ad hujusmodi pietatis certamen Seneca lib. 3. de beneficiis cap. 36. & 37. liberos cohortatur exemplo Æneæ, patrem Anchisen ex excidio Trojano humeris suis effe-

rentis,

rentis, de quâ historiâ lege Virgilium *Æneidos* 2. *Quintum Calabrum* lib. 13. Xenoph. in *Cynogetico*; exemplo item fratrum duorum *Amphidonii & Anapiæ*, qui, cùm *Cattanen*, *Siciliæ* urbem, ex proximâ *Ætnâ* flamma corripuisset, nullâ vel argenti vel auri habitâ ratione fugientes, matrem hic, patrem ille humeris sustulerunt, de quo vide *Pausaniam Phocicis*, *Virg. in Ætna*, *Plutarch. in orat. ad Apollonium*. *Ælianus* lib. 3. *variæ historiæ*. His autem liberos verbis *Seneca* ad referendâ parentibus gratiam extimulat: Hoc agite, optimi juvenes, proposita est inter parentes & liberos honesta contentio; *dederint majora, an receperint*. Non ideo vicunt, quia occupaverunt; sumite modò animum, qualem decet, & deficere nolite, ut vincatis optantes; nec desunt tam pulchro certamini *Duces*, qui ad similia vos cohortentur, ac per vestigia sua ire, ad victoriam sæpe jam partam ex parentibus, jubeant. Vicit *Æneas* patrem ipse, cujus infantia, leve tutumq; gestamen, gravem senio, per media hostium agmina, & per cadentis circa se urbis ruinas, ferens, cùm complexus sacra ac penates deos, religiosus senex nō simplici vadentem sarcina premeret, tulit illum per ignes; & quid non pietas potest? pertulit, colendumq; inter conditores *Romani Imperii* posuit. Vicere *Siculi* juvenes, cùm *Ætna* majore vi peragitata, in urbes, in agros, in magnam insulæ par-

tem effudisset incendiū, vexerunt parentes suos discedisse creditum est ignes, & utrique flammā recedente limitem ad apertum, per quem transcurrerent iuvenes dignissimi, qui magna tutē auderent. Alia ex aliis exempla subeunt eorum, qui parentes suos periculis eripuerunt. Atys Cræsi, Lydorum Regis filius, mutus à primâ ætate, cū Cyrus, Persarū Rex (*an. M. 3425.*) Sardas, Asiæ oppidum, intrasset, ut omnes, quot quot adessent, interficeret; altâ voce (pietate in patrem unicè motus) acclamasse dicitur; *Pa·ce patri meo, Cyre, & te hominem esse, vel casibus nostris disce.* Vide Solinum c. 7. Gellium lib. 5. cap. 9. Herod. lib. 1. Justinum lib. 1. & Val. Max. lib. 5. c. 4. ubi inter alia exemplum quoq; Publii Scipionis Africani superioris allegans, hanc ipsam in parentes pietatē viribus suis Africanum, vix tum annos puerilitatis egressum, ad opem patri in acie ferendam, virili robore armasse scribit; quippe quem consulem, apud Ticinum Fluvium adversus auspiciis cum Hannibale pugnantem, graviter saucium intercessu suo servavit, neq; illum aut ætatis infirmitas, aut militiæ tyrocinium, aut infelicitis prælii etiam veterano bellatori pertimescendus exitus inter bella revocavit, quò minùs duplici gloriâ conspicuam coronam, Imperatore simul & patre ex ipsâ morte rapto, mereretur. Hoc exemplum quodam modo imitatus Titus Cæsar, Vespasianum patrem, in Britannia à Bar-

à Barbaris obsessum, itidem incredibili audaciâ obsidione istâ liberavit, hostibus fuis cæsisque, ut author est Xiphilinus in Claudio.

Sic &, cùm Aitanus, Scotorum rex, à Pyttis & Saxonibus in acie circumventus esset, ad Deglastonem Britannix urbem, Dongardus patrem in ultimo periculo constitutum cernens, se pro eo trucidandum objecit, teste Hectore Boëtio lib. 9.

Pari modo Antonius Maria, Roberti, qui Venetorum exercitum contra Maximilianum primum duxit, filius, ubi patrem à Germanis circumventum vidit, in confertissimam hostium aciem se iniecit, fortissimèque pugnans, aciemq; submovens, patri se recipiendi facultatem præbuit; ipse in hostium potestatem venit, reliqui fugati, paucis captis atque interfectis, se in castra receperunt, teste Bembo lib. 1. hist. Venetæ.

Et profectò par est, eò lubentiùs & alacriùs naturæ nos reddere, quod accepimus; nimirum vitam eorum conservare tutariq; , qui nobis auctores vitæ fuerunt, & quò nobilior est nostra conditio, eò paratior debet esse affectus ad humana vitæ officia obeunda, & pietatem omnem exercendam.

Prima siquidem & optima rerum natura, ut Val. Max. loquitur lib. 5. c. 4. pietatis est magistra, quæ nullo vocis ministerio, nullo usu literarum indigens, propriis ac tacitis viribus charitatem

parentum pectoribus liberorum infundit. Huiusmodi pietatis in progenitores, & gratitudinis simulacra, in avibus quoque nonnullis eadem natura implantavit, & nonnulla quoque bruta animantia gratitudinis parentibus debitæ sensu ducuntur. Ciconiæ nimirum parentes effætos humeris ad pastum subvehunt & alunt. Sic & upupa parentes senio confectos, volandiq; inertes sedulo curat, pennas vetustate languidas evellit, & cæcutientes oculos herbâ quâdâ illinit; unde viribus resumptis quasi rejuvenescunt. Merops quoque, postquam sedulo pullos suos enutrit, in specu sex pedum defossâ altitudine nidificare consuevit, ipsâ ob corporis gravitatem sublimia petere prohibetur, mutuû autem nutritionis officium à pullis recipit, qui genitori reconditos, magnâ curâ pascunt, teste Plinio lib. 20. c. 33. Horum itaq; omnium exemplo liberi, quanquâ beneficia à parentibus accepta nunquam perfectè compensare ac retaliare possint, ἀντιπαραγὰν discant, suisq; progenitoribus beneficium rependere, norintq; nihil esse justius, quàm generationis & disciplina authores mutuis beneficiis demereri, quod Anaximedes olim dixit, citante Stobæo sermone 77. utpote quibus non solum hominum amorem & favorem, verum etiam gratiâ & benedictionem divinam sibi conciliabit. Namq; ut rectè Euripides ait in Heraclit.

Quisquis

*Quisquis parentes in vita colit suos,
Hic charus est diis vivus atq; mortuus.*

Econtrà, qui hujusmodi officia negligunt, & aut parentum vultus torvo visu despicientes, elatis oculis pietatem lædunt, aut alimenta eis denegant, aut etiam vitæ illorum struunt insidias, aut deniq; vim illis inferunt, eos certè & summè scelestos & furiis agitados, omniumque odio & execratione esse dignos, æstimare licet, nec maledictionem & ultionem divinam unquam effugiunt. Sic nimirum Darius, vitæ patris Artaxerxis, Persarum Regis, insidiatus, pœnas inauspicatissimi hujus patricidii cum complicibus numini paternæ majestatis ultori dedit. Revocatis quoque ad supplicium infelicibus liberis & uxoribus, ne tam abominandi sceleris ullū prorsus vestigium extaret, teste Justino libr. 10. & Plut. in Artax. Absolon Davidem patrem regno expulerat, fugientemque armatâ manu diligentius, quàm vel infensissimum hostem persecutus, non conquievit, quoad omnia indicia & argumenta hominis, omnis pietatis & humanitatis expertis, palàm ederet. Et hunc Deus, paternæ majestatis ultor, mirandum in modum ad suppliciū traxit; splendidâ & superbâ ejus cæsarie usus pro funibus, catenis, compedibus & vinculis, quibus perduellionis reum constringeret, & ramis arboris densissimæ, quibus capilli ejus implicabantur, pro carcere & lictoribus suis; cumque in populo

Israëlitico nullus inveniretur carnifex, regium sanguinem fusurus; excitavit Deus Joabum, hujus amitinum, qui Dei manus factus, tribus lanceis impium illius cor trajecit, 2. Reg. 15. & 18.

Absolonis exemplo Chranus Clotarii Francorum Regis filius, in patrem cum Velisario, Aquitaniae Duce, & Conabo, Britannorum Comite, socero suo, conspirans, praelio ab ipso captus, cumque uxore, & quatuor filiabus in tugurio quodam inclusus, igne est consumptus, teste Gregorio Turonensi lib. 4. c. 16. & 20.

Sed nec silentio prætereunda execranda ista *αἰσχρογία*, & miserabilis interitus Adolphi Egmondani, Ducis Geldriae, qui patris Arnoldi longævam vitam ægerrimè ferens, pertractis in suas partes Neomagensibus, aliisque Geldriae civitatibus ac nobilibus, in caput ejus conjuravit; tandemque noctu cum quieti se daturus esset, acerrimè hyeme Gravæ captum, perque quinque milliaria seminudum absque calceis deductum, Neomagi in deterrimum obscurissimumque detrussit carcerem, ex quo post 6. demum annum operâ Caroli Burgundi liberatus, cum moriens heredem instituit ob filii ingratitude, qui tum captivus tenebatur Namurti à Carolo Burgundo, quo in obsidione Nanzæi Castri ab Helvetiis trucidato, à Gandavensibus ex carcere liberatus, copiisque bellicis, quas contra Ludovicum X I. Galliæ Regem Flandri conscripserant, præfectus paulò

paulò pòst ad Tornacum cum paucis speculatum egressus, levi in pugnâ cecidit, inq; minutas partes est dissectus, ultore & vindice Deo, qui scelus nullum finit impunitû, ut author est Cominæus lib. 5. de rebus gestis Ludovici XI. Regis Gallia.

Plura exempla *ἀσπρίας* & ingratitude liberos erga parentes divinitus punitæ, require in axiomatico Richteri œconomico 37. Quàm verò ultrice poenâ, per omne tēpus persecutus sit Deus parricidas, notû est exemplis; Servia Tullia, quæ super parentis cadaver carpentum egit; Neronis, qui Agrippinæ matris, suo jussu confossæ, singula membra impudenter contrectavit; Vitellii, qui matrem Sextiliam sustulit; Theodati, Athalarici filii, qui matrem in balneo suffocavit; Manfredi, Friderici II. Imperatoris spurii, qui pulvino senem ægrumque patrem oppressit, ut Neapolitanum regnû occuparet; Actii, Marchionis Esthensis, qui similiter Opizum patrem in lecto jacentem oppressit, ut paternas opes & principatus occuparet; Johannis Mariae, Vice-comitis Mediolanensis, qui Catharinam matrem viduam, facta sua acerbiùs objurgantem, in turri conclusit, ibidemque emori fecit; Jacobi IV. Regis Scotorum, qui suis & quorundam seditiosorum procerum armis patrem oppugnatum vitâ & regno exuit; Selimi, Tur-

carum tyranni, qui Bajazetem, ex podagrâ decumbentem, veneno per medicum Judæum clanculûm porrecto, perfidè sustulit; & aliorum complarium scelestissimorum monstrorum, in quos nullum supplicium satis acre reperiri unquam potest; quandoquidem nullum scelus patricidio comparandum venit, quia nemo est, cui plus honoris debeamus, quàm parentibus, pro quibus mori filios, res si postularet, jura divina atque humana flagitant.

F L O S VII.

Parentum diræ liberorum sunt furia.

Quemadmodum bona parentum vota atque omnia liberis salutaria sunt, magnumq; iis pondus inest, ut in Isaaco, Jacobo, ejusque filiis, itemque in Tobia videre est: ita quoque eorundem diræ atque execrationes raro solent esse irritæ, sed plerunque tristes liberis calamitates accersunt. Quod Siracides quoq; in suo docet Ecclesiastico cap. 3. *Benedictio paterna domos liberorum aedificat, at maledictio materna funditus eas evertit.* Quo aphorismo monet, diras atq; execrationes parentum magnopere esse metuendas, utpote quæ furia sint ultrices inobedientiæ & petulantia contumacium liberorum, exigentes ab iis pœnas. Quem in modum & Plato in lib. de ll.

de Il. attendi jubet parentum execrationes atque vota, quòd à Deo facilè exaudiantur; quemadmodum in Germanico quoque proverbio dici solet; *Der Eltern fluch beëleibet selten.* Exemplo est Camus, à Noâ patre diris devotus ob pudenda ipsius denudata & irrita. Nam & Deus ipse apud Ezech. cap. 12. inter cætera scelera, quæ excidio & ferro se ulturum minatur, parentibus illatam contumeliam recenset; Patrem, inquit, & matrem contumeliâ affecerunt, pudenda patris discooperuerunt. Efficaciam irarum paternarum senserunt quoque filii Jacobi. Etenim Rubeni stirps numero semper exigua, viribusq; minùs potens fuit cæteris. Simeonis verò stirps exiguam sortem in tribu Juda excepit; Levi denique stirps dispersa est inter omnes tribus; quòd ille incestu torum patris inquinaverat, hi verò suâ confederatione horrendum scelus in Siche- mitarum internecione designaverant. Parentum in liberos devotiones nō esse irritas, docet quoq; Timoleontis historia apud Plut. in ejus vita, & Diodor. Sicul. lib. 16. Hic cū fratrem suum Timophanem, Corinthiorum tyrannum, sicariis subornatis trucidandum curasset, mater devovere ipsius caput, dirasque imprecari cœpit, nec in conspectum suum deinceps admisit: unde ille dolore oppressus, seipsum inediâ conficere instituit.

Cū Alphonsus, cognomento Astrologus,

Rex Castulonensis, Ferdinando majori filio, ejusque liberis, excluso fratre minore Sanctio, successionem regni destinasset, isq; superstitibus duob. ex se filiis, paulò post decessisset; Sanctius, ne morte quidē patris expectatā, regnū invaserit, turbasq; excitavit. Alphonsus furiali eū carmine devovens, & jure paterno maledicens, hac execratione non solum apud subditos effecit, ut adversus filiū socia arma sumerent, sed & breviorē vitā à Deo punitus est, utpote qui patri tantum octo annis superstes fuit, teste Æmilio libr. 7. Plura exempla dirarum paternarum in filios, requirere in meditationum historicarum Cameraarii tom. 1. c. 86. & tom. 3. c. 36. Quibus addere placeat execrationis illam formulam Popieli primi, Polonorum Principis; *Nisi hoc sit, à muribus devorer.* Cujus filius homonymus, in regno successor, ob crudelitatem in proceres, à muribus cum uxore & liberis devoratus traditur, teste Alexandro Gaguino in vitis Regum Polonię. Quo exemplo monemur, etiam sui ipsius imprecationes esse vitandas; quemadmodum & oppressorum, & sacerdotum, aliorumque piorum hominum imprecationes non esse irritas, notum exemplo Jothami, Gideonis filiorū natu minimi, qui solus è 70. fratribus Abimelechi, fratris Isurii, sceleratas evasit manus, Judic. c. 9. itemq; Davidis regis, Joabo polemarcho suo, ejusque domul., dira imprecantis, 1. Reg. 3. Josuz, Hierichuntis

chuntis instauratori imprecantis, ut nece primogeniti sui jaciat fundamenta, & morte minimi natu filii ejus portas, Jos. c. 9. Cujus execrationis virtutem declaravit eventus post annos ferme 536. in Hiele, cive Bethelensi, 1. Reg. 16.

F L O S V I I I.

Heroum filii, noxæ.

Permultum quidem refert, cum ad virtutem, tum ad dignitatem comparandam, quo quis genere, quibus parentibus & majoribus sit prognatus; utpote in quorum virtute vis quædam admirabilis & occulta inest propagandæ, & inspicimur quasi derivandæ virtutis. Hinc Plato Charmidam laudaturus, felicissimo eum cōjugio, virtute, decoreq; præcellenti prognatum prædicat. Quem in modū & Horatius lib. 4. Carm. Od. 4. *Fortes creantur fortibus & bonis.* Sed communis testatur experientia, quàm sæpe parentum virtus in liberis aut degeneret, aut segnescat, aut languescat, aut prorsus intereat; & quàm stupidi & fatui, aut etiam scelerati & perdit non rarè evadant virosum, virtute, eruditione & sapientiâ præstantissimorum, filii, qui ad extremum ab omni re & spe deserti, vitam producunt miseram, omnium odiis expositam, omniumque injuriis obnoxiam; adeò ut in proverbium abierit, *Heroum filii, noxæ.* Notum hoc ex sacrâ historiâ,

exemplis, Adami, qui Cainum parricidam, patriæque religionis desertorem genuit; Noæ, qui Camum ad suæ nuditatis ignominiam suscepit; Isaaci, qui Esau parentum carnificem, fratrisque juratum hostem protulit; Jacobi, qui Rubenem incestuosum, Simeonem & Levi homicidas, & hos ipsos cum cæteris ferè omnibus fratribus plagarios habuit: Moïsi, qui filios obscuros & inertes profeminavit: Heli, qui pessimos filios in bello Philistino amisit: Samuelis, qui filiorum injuriis & avaritiâ propè coactus est, Israëlitis, aliarum gentium more, Regem dare: Davidis, cujus ædes Amnon incestâ sororis consuetudine polluit: Absolon fraterno sanguine resperfit, ipsumque patrem parricidiali bello peritum, regno exuit, & novercas constupravit; Adonias denique stultâ regnandi cupiditate coronam fratri præripere, per seditionem conatus est: Salomonis, qui Roboamum stolidissimum & arrogantissimum regni successorem reliquit: Josaphati, qui Joramum fratricidam: Ezechiaë, qui Manasse, omnis barbarorum populorum impietatis æmulatorem: Josiæ denique, qui tres filios idololatrias turpissimos & infelicissimos habuit. Pater hoc quoque ex profanis historiis, è quibus paucula exempla in scenam producere, operæ pretium videtur. Cyrus Persicæ Monarchiæ conditor, Ecclesiæ populi Judaici in sedes patrias restitutor, nulli propè Regum vel pietate, vel cle-

vel clementiâ, vel potentiâ secundus, Cambysem habuit filium scelestissimum, qui se & incestis cum sorore nuptiis, ejusdemque ut & fratris patricidio polluit. In Atheniensium Rep. Pericles eloquentiâ & magnanimitate, Aristides justitiâ & moderatione, Themistocles prudentiâ & fortitudine inter alios principem tenuere locum; ex his primus Paralum & Xantippum, stupidos & fatuos; medius Lysimachum inertem & obscurum; postremus Cleophantum, bonum quidem equitem, at cætera inertem & degenerem reliquit. Geloni Syracusano, singulari virtute atq; bellicis artibus claro, & magnâ apud Siculos gratiâ & autoritate florenti, in regno successit Hiero filiorum natu major, avarus, ferox, ad vim paratus, & à puritate & honesto penitus alienus, teste Diod. Sicul. lib. II. Quomodo à paternis avitisque virtutibus degenerarint Cneus Scipio, Africani majoris, & Q. Fabius Allobrogici, filii; iteq; P. Clodius, & M. Hortensius Cordius, lege Val. Max. lib. 3. c. 5. Consimilis mutatio in domo Curionum exitit, inquit idem lib. 9. c. 1. Siquidem forum Romanum, & patris Curionis gravissimum supercilium, & filii sexcenties sesterium æris alieni aspexit contractum, famosâ injuriâ nobilium juvenum; itaq; eodem tempore, & in iisdem penetibus diversa secula habitarunt, frugalissimum alterum, alterum nequissimum.

De M. Cicerone, Tullij, eloquentiæ parentis.

Romanæ filio, refert Plinius lib. 14. c. 22. quod ita fuerit bibulus, ut uno haustu potuerit evacuare duos congos, & remulentus M. Agrippæ, viro gravissimo, cyathum impegerit, unde dictus fuit *bicongius*, & *κντεδόμαχ*, cum tamen pater ipsius fuerit abstinentissimus. Augustum Cæsarem, qui civilium bellorum incendia feliciter restinxit, pacemque toti Imperio Romano restituit, domestica in liberis fortuna planè destituit, utpote qui sobolem masculam omnino nullam procreavit: Julias duas, filiam & neptem, projectissimæ pudicitie mulierculas, & nepotem Agrippam, adolescentem ingenio sordido & intrastabili, non modò relegavit, sed & *tria carcino-mata sua*, & *tres vomicas* appellare non erubuit, & ad horum mentionem cum gemitu & fremitu versum proferre Homericum; *O utinam aut ca-lebs mansissem, aut probe carerem!*

Drusi, viri prudentissimi, Ducis fortissimi, Germanorum debellatoris fortunatissimi, filius, Claudius Cæsar, hebes fuit & stolidus, iners & ignavus, invisus subditis, odiosus exteris, despectus universis, in quo Imperatoria dignitas planè concidit.

Germanicus, Claudii Cæsaris frater, quantum animi vigore, prudentiâ, atq; morum honestate præstitit, tantum Caligula filius animi ignaviâ, libidinibus atque stultitiâ ab eo degeneravit. Defunctum Germanicum, non Romanus tantum populus,

populus, amicæque gentes, sed Barbari quoque lachrymis, ceu communem parentem, persecuti sunt. At filius Caligula ob scelera ne publicâ quidē sepulturâ dignus est iudicatus, ut ex Suetonio memorat Fulgosus lib. 3. c. 5.

Domitianus, Vespasiani Cæsaris filius, frater Titî, à paternâ virtute ita degeneravit, ut Caligulæ & Neroni similiior esset, quàm patri aut fratri. Quid Marco Antonino philosopho Imperatore beatius? quid Septimio Severo illustrius? si non ille Commodum omnibus incommodum, hic Bassianum Caracallam, fratris parricidam, Papiniani homicidam, novercæ maritum, filios suos hæredes reliquissent? Carus Imperator, qui, animo ingenti finibus auctis, singulari sanctitate populos rexerat, Carinum filium Imperii successorem habuit, moribus adeò patri dissimilem, ut pater eum & Imperio & vitâ privaturus fuisset, nisi iniqua nimis Romani Imperii fortuna hæc animo agitantem Carum repentinâ morte interceptisset.

Constantini Magni filii tantùm à paternâ indole in omni genere laudis atque officii recesserunt, quàm ille superiores Principes omnes pietate animique magnitudine superavit. Neque enim Constantino filio quisquam ad vitam incautior; Constante, ad indecoras voluptates proclivior; Constantio aut levior, aut ad arrogantiam intolerabilior fuit.

Theodosius Magnus, Imperator felicissimus & fortissimus, filios duos habuit admodum ignavos, Honorium Occidentis, & Arcadium Orientis, Imperatores, quorum desidia simul & hinc Ruffini, illinc Stiliconis ducum perfidia, Imperium à Gothis, Hunnis, Vandalis foedè dilaceratum est.

Alexander Imperator, filius Basilii, frater Leonis Quinti, cui in Imperio successit, utrique tamen moribus dissimilis, totus deliciis deditus, venationibus, potationibus, petulantiae, impudicitiae indulgit; nihil regium meditans, regni curam in adulatores, praestigiatores, & eos, quos ex arivio sibi delegerat, scelerum comites, rejecit.

Ferquardus, Eugenii I V. Sotorum Regis filius, à paternâ aequitate multum diversus, cum factiones inter procures suae securitatis causam foveret; tandem in vincula conjectus, & morbis variis divexatus, ne tantis calamitatibus diutius superesset in contumeliam, mortem sibi intulit, *ut, qui seditionibus civiumque cadibus vivens impie fuerat delectatus, neque sibi ipsi in vita exitu parceret*, ut scribit Hector Boëtius lib. 9.

Wenceslaus V. Bohemorum Rex, nomine patris similis, moribus dissimilimus, luxuriae & luxus mancipium; Olomutii in Moravia, in privatis aedibus, incerto authore confossus interiit, teste Aeneâ Sylvio c. 29. hist. Bohem.

Casimiro, ex Monacho Regi Poloniae, Boleslaus

Iaus filius successit, à patris virtute degenerans, religionis contemptor, justitiæ negligens, sancti Stanislai, Archiepiscopi Cracoviensi homicida nefarius, in exilio tandem periit, ut Cranizius scribit lib.3. Vandal.c.12.

Johannes Galeacius, qui Mediolanensis ducatus titulum primus adeptus est, suis charus, hostibus formidolosus, magnam Italiæ partem possedit, quam ingenti virtute & gloriâ comparaverat, inter filios, quos reliquit, Johannes Maria in Ducatu ipsi succedens, Phalaride ipso crudelior, à suis est occisus. Gabriel spurius haud a mentîâ dispar, amissis Pis, quas possidebat, Genuæ securi palàm est percussus, teste Fulgoso lib.3. c.5.

Sic & Franciscus Sfortia, Mediolanensis Dux, omni virtutis genere inter Christianos Principes excelluit; at inter filios natu major Galeacius ambitiosus, mulierosus, indignus tanto patre: in Philippo, qui secundus fuit, si corpulentia, quam in juventâ præ se tulit, par ingenium fuisset, de ejus vecordia concitati rumores dicendi minorem materiam præbuisent. Ludovicus deniq; religionis simulator egregius, superbus, avarus, libidinosus, partum armis à patre Imperium à Ludovico duodecimo, Gallorum Rege, licet ipse numero militum superior esset, victus, amisit; eodem teste Fulgoso, & Egnatio lib.3. cap.5.

Porro ἀνομελίας hujus causæ, quæ nimirum fiat, quod parentes optimi pessimos, sapientissimi stultissimos, felicissimi miserrimos suscipiant, & relinquant liberos, referri possunt partim ad Dei Opt. Max. providentiâ & justitiâ, quarum illa ad ea omnia pertinet, quæ ambitu & circuitu mundi continentur; hæc ab hominibus rectè facta præmiis ornat, secus acta, pœnis gravissimis vindicat: partim ad Diaboli insidias, partim denique ad hominum negligentem & præposteram educationem, pravorum consortium, & insolentiam in rebus secundis.

Primum nempe Deus, qui in hoc amplissimo mundi theatro præter seipsum nihil esse vult perpetuum, firmum, stabile, immutabile, ejusmodi semper dare solet ludos, ut, quæ vix edita sunt, subito intereant; quæ jam surrexere, corruant; quæ paululum floruerint, marcescant & tabescant. Hinc videmus, totum hunc mundum, quem pulcherrimum Dei opus esse, gentiles quoque profitentur, situm contrahere & senescere, suas quoque regionibus, gentibus, imperiis mutationes incumbere, omniaque in hunc fatalem nascendi pereundi que gyrum abire. Quid igitur mirum, si singulæ quoque familiæ in hanc labem trahantur, si familiæ nobiles occidant, ignobiliores oriantur; si potentes concidant, tenuiores extollantur? Utrumque tum demum fieri certum est, quando boni improbos, & improbi bonos sortiuntur liberos;

beros; quem sanè ludum in rebus humanis ludit Deus, & ex hac argillâ varias subinde fingit & diffingit formas, neque tamen injuriæ aut culpæ ullius à quoquam insimulari potest. Agit enim vigilantem hortulanum Deus, & alias plantas ferit, inferit, transfert, alit, auget; alias decerpit, evellit, exscindit: agit idem peritum medicum, qui assiduò mel absynthio, & absynthiū melle temperat, ne vel illius dulcedo noxam, vel hujus amaror nauseam sumentibus afferat; agit deniq; circumspectum Imperatorem, qui non eosdem semper duces, tribunos, centuriones suis in castris esse finit; sed quos olim evexerat, nunc deprimat; quos depressoerat, extollit. Documento sit è multis Moses, qui olim pastor, Hebræum populum durâ cervice seditionibusque infamem rexit, magnisq; contentionibus perpetuum fratri ejusque posteritati reliquit sacerdotium; & tamen Eleazarem & Gerson filios, juxta legem ex se ortos, in suæ dignitatis successione præterit; utpote in quibus nec ingenium, nec ullum intuitus est virtutis genus, quod tantò posset oneri sufficere. Hinc rectè Demosthenes, veluti numine quodam afflatus, dixit; magnorum virorum liberos evadere ignavos, perinde quasi fato quodam id accidar.

Deinde idem Deus, etsi bonus & beneficus, longanimis & mansuetus est, simul tamen dolet læsus, & vindicem habens oculum, justè paren-

tum iniquitates visitat in tertiā usq; & quartam liberorum generationem. Et quamvis interdum aliquid moræ inter delicta pœnasq; interveniat, hæc ipsa tamen mora non tam intervallum est pœnæ, quàm augmentum. *Nec enim dormit Dei oculus, sed connivet, non aufert pœnas, sed differt;* atq; ita lento quidē gradu pedibusq; laneis ad impiorū *πανελευθέρων* procedit, sed interim gravitate supplicii tarditatem abundè pensat; idque multò gravius in magnis viris & potentibus, quàm in tenuioris conditionis & fortunæ hominibus; utpote in quibus & plures & commodiores & violentiores ad peccandum se offerunt occasiones, quàm in his. Etenim in secundis illi reb. modum plerunq; tenere nesciunt, suæ industriæ accepta ferunt omnia, nec ullum Deo felicitatis reddunt hostimentū, odiis fascinati bonos evertunt, inferiores superciliosè despiciunt, misere plebeculæ clamores non exaudiunt, munerum escā, veluti hamo capiuntur; fumos sæpe vendunt, pauperes expilant, opes alienas variis ad se raptant artib. imò & gravissimis sæpe flagitiis ne sentientes quidem se implicant; unde delictorum suorū pœnas vel ipsi viventes luunt, vel mortui posthumas ad infelicem posteritatē transmittunt, ut tam sacra, quàm profana testatur historia. Impius in parentem erat Cam⁹, sed in filii Canaan caput Noë imprecatio recidit, Gen. c. 9. Achanus, qui in direptione Hierichuntis de anathemate pallium purpu-

purpureum auro intertextum, & argenti prædam placitam surripuerat, cum omni familiâ lapidibus obruitur, Jos. c. 7.

Gyges pastor regi⁹, annuli cujusdâ ministerio, Candaulem, Lydiæ regē interfecerat, & Reginâ in uxorem ductâ, regnum occuparat, quod ipse quidem impunè administravit, quietè filius, pacatè nepos, tranquillè pronepos, sed Cræsus abnepos, qui & pietate & virtute malorū omnium luminib. obstruebat, bello à Persis victus regno exuitur, rogo imponitur, & ægrè, partim Solonis inclamatione, partim cadente subitâ pluvîâ servatus, indignam apud Persas ad exitum usq; vitæ servitutem servire cogitur. *Dei nempe judicia arcana & ignota sunt, non iniqua, injusta, tyrannica; quæ mirari, non rimari, venerari, non scrutari; vereri, non insectari nos oportet.*

Porrò, quòd Heroum liberi nō rarò à paternâ pietate degenerent, causa hujus anómaliæ à Diabolo dependere videtur; hoste humani generis infensissimo, audaciâ promptissimo, viribus robustissimo, artibus callidissimo, mendaciis impudentissimo, machinis omnibus refertissimo, & in omnes formas Protheo magis variabili, qui piis inprimis & sanctis insidiatur parentibus, ut in iis contristet Spiritum sanctum, ut ex sanctorum patrum & Regum videre est historiâ, quorum pectora, quoniam munita vidit armaturâ Spiritus S. tela sua venenata in horum

potissimum contorsit liberos, in varia eos illiciens crimina, prout uniuscujusq; propensionem perspexit. Quos enim heroicus spiritus animavit, eos irarum stimulis inflammavit, ut Cainum, Esau, Simeonem & Levi; quos vidit paulò lætiores, eos ad insanæ libidinis fervorem incitavit, ut Camum, Rubenem, Amnonem; quos in dignitatibus vidit constitutos, ambitionis percelluit fa-cibus, ut Absolonem, Adoniam; quos parsimoniâ vidit delectari, inexplebilis cupiditatis compedibus illigavit, ut Samuelis filios; quos vidit ferventes in religione, eos vanâ implicare superstitione non puduit, ut Salomonem, & fortasse Manassem, & Josia filios. Eademque hæc fabula adhuc in mundo agitur, mutatis tantum personis, ita ut in omnibus omnino Diaboli cavendæ sint insidiæ, & contra eas spiritualium armorum quærendæ suppetiæ, de quibus Apostolus monet ad Ephes. c. 6.

Superest, ut ostendamus, quomodo præstantium virorum liberi, modò ex educationis negligentia, modò ex sodalium malitiâ, modò deniq; ex insolentiâ in rebus secundis, veluti Circeis quibusdâ poculis, ex hominibus evadant noxæ, furia, bestia.

Primum igitur ad educationis negligentiam quod attinet, non levis certè culpa, cur Heroum & Magnatum filii à paternâ virtute degenerent, in ipsis hæret matribus nimis delicatis, quæ ipsas
nutri-

nutritionis curam partui adungere nolunt, sed infantes nutricibus lactandos tradunt, quæ, quia plerunque sunt degeneres, pueris unâ cum lacte instillant petulantiam & improbitatem. Quoniam enim temperamentum corporis in infantibus nondum est confirmatum, sed instar ceræ mollis omnium impressionum adhuc capax; ipsum verò nutrimentum in substantiam rei nutriendæ convertitur: hinc fit, ut usu lactis alieni à nutrice suppeditato non rarò totum temperamentum immutetur, & simul cum eo naturales mores & virtutes à parentibus in liberos per semina, tanquam canalem, derivatæ extinguantur; & econtrà mores nutricum per alimoniam lactis infundantur; utpote quod maximam habet vim ad immutandum temperamentum & mores, qui temperamentum sequuntur. Hinc de Tiberio scribitur, quòd per nutricem ebriosam factus sit & ipse ebriosus; itemque de Caligula, quòd non ex parentibus, sed ex nutrice suâ tyrannidem hauserit.

Altera præposteræ educationis causa itidem in ipsis hæret parentibus naturæ generosioris, & plus nimio φιλοπαιδείας καὶ φιλοτέχνους, qui tenerissimo amore liberos suos parvulos cōplexi, non tantùm delicatè eos enutriunt, exquisitissimisque epulis differciunt, sed & sæpe eis dant, largiuntur & permittunt omnia; imò amentia adeo cæcutiunt, ut illorum vitia non videant, aut si vi-

dent, laudent etiam aut excusent; denique ex Therfite Ulyffem, ex Dolone Diomedem, ex Paride Achillem quempiam efficiunt; haud ab-
 similes fimis, quæ catulos suos, quasi pulcher-
 rimi sint omnium, in Jovis etiam conspectum
 producere, & glabras ac depiles ostentare nates
 non verentur, eosque sæpe nimis complexibus
 enecant; teste Plin. lib. 8. c. 54.

Documento fit Heli, summus Judæorum
 pontifex, cujus blandâ indulgentiâ filii evaserunt
 avari, libidinosi, vecordes, impii, de quorum fla-
 gitis cum multa audiret quotidie, vix verbulo
 castigare eos satis habuit. Unde divinâ Nemese
 factum, ut lenitatis hujus suæ & indulgentiæ,
 unâ cum filiis ipse inopinatas pœnas lueret,
 1. Reg. 4.

Sæpe tamen non tam voluntate, quàm neces-
 sitate quâdam parentes educationi liberorum
 minùs vacare possunt, utpote qui publicis occu-
 pationibus distinentur, dum vel in Ecclesiâ ser-
 monem veritatis rectè secare, puram Evangelii
 doctrinam è sùu & tenebris educere, contradi-
 centes refellere, vel in Rep. jus dicere, lites diri-
 mere, obire legationes, pro aris & focis excuba-
 re, ad sagum ire, & sub pellibus degere necesse
 habent; quo interim tempore bonam ætatis par-
 tem liberi in gynæceis inter ancillulas & aniculas
 apud matres educantur muliebriter, molliter,
 laurè, perditè. Sic nimirum Telemachus absente
 patre

patre Ulyſſe ad Trojam, ſub matris Penelopes
tutelâ molliter educatus, per quorum etiam
converſationem corruptus, ſtolidus & imperi-
tus, & prorsus patri diſſimilis evaſit. Et quamvis
magni viri magnis ſæpe impendiis præceptores
alunt, qui filios ſuos ad pietatem & eruditio-
nem inſtituant, ita tamen comparatum eſt, ut
magiſtrorum plurimi Heroinarum gratiam au-
cupentur, & diſcipulorû captent benevolentiam,
à quibus præmia ſperent, mercedemque paci-
ſcantur olim, ſi adoleverint, ſolvendam; quibus
ut potiantur, nihil non permittunt alumnis, ſter-
tere, aleâ ludere, potare, amori operam dare, ni-
hili pietatem, nihili ſtudia literarum facere. Ta-
lis olim fuit Leonidas, præceptor Alexandri Ma-
gni, cûm Lyſimacho, quorum negligentia
multi temulentiam Alexandri aſcribunt, quòd
adulari magis, quàm inſtituere Regem viderentur,
teſte Plut. in ejus vita. Alii & melioris notæ præ-
ceptores, quæ non probanda, vident quidem, &
dolent atque corrigere avert, ſed emendare non
audent, dum nolunt ſibi cum urſis feroculis eſſe
negotium, qui irritati dentibus & unguibus ſuis
in magiſtros ruunt. Hujusmodi nempe *Ἰδαυτερος*
ab Hercule retulit Linus, quē ruſticis canentem,
cûm acerbius reprehenderet, hic reprehentionis
impatiens, plectro capiti præceptoris impacto,
miſerum interemit, ut *Ælianus ſcribit libr. 3.*
variar. hiſt.

Sic & Seneca ob plagas, quas Neroni puero inflixerat, postquam iste luporum catulus adolevit, in labro aquæ calidæ venas secare iussus interiit, teste Sueton. in vita Neronis.

Pari modo Arcadius Imperator, ab Arsenio virgis cæsus, percussorem in præceptorem subornavit, ut author est Nicephorus lib. 12. c. 23.

Sic & Galeacius Maria Sfortia, Dux Mediolanensis, cum à Colâ sive Nicolao Montano pædagogogo puer vapulasset, postquam ad Imperium evectus est, totidem plagas, nudis natibus, ei re-
pendi, se inspectante, iussit, quæ injuria effecit, ut is tres ex suis discipulis, præsertim verò Hieronymum Olgiatum ad tyranni cædem inflammaret, teste Jovio in Galeacii elogio.

Neq; verò probamus plagosos illos Orbilius, nimis asperos in cædendo & reprehendendo, cujusmodi fuit Petrus iste Novæ civitatis antistes, sub quo magistro Maximilianus I. Imperator, cum nobilium quorundam filiis contubernali-
bus, aliquot annis Latinas didicit literas. Huic cum Petrus sophismata inculcare vellet, ad quæ capessenda aptus non erat, verberibus tandem effecit, ut literas magis odio haberet, quàm diligeret. Itaque jam Romanorum Rex factus, dixisse fertur; *Si hodie præceptor meus Petrus viveret, quanquam multa præceptoribus debeamus, efficerem, ut imperita institutionis illum pæniteret,* teste Cuspiniano. *Etenim ingenia liberalia hu-*
manitate

manitate & gloria stimulis accenduntur, plagis & verberibus corrumpuntur & indurescunt. Et quis verò non illorum parentum detestetur amentiam, qui filios suos Reip. destinatos, deliciis tantum ab incunabulis imbuunt, nullâque præterea institutione adhibitâ stupefcere & obbrutescere sinunt; quorum alterum Dionysii junioris, alterum Neronis constat exemplo. Non erat Dionysius minor, Syracusanorum tyrannus, naturâ malus, sed veritus pater ejus, ne, si animi ei crevissent, & consuetudine uteretur hominum cordatorum, insidiaretur sibi, & dominatu spoliaret, inclusum asservavit in conclavi, ubi usu destitutus alio, parva plaustra, sedes ligneas, & mensas, itemq; candelabra fabricabat, teste Plut. in Dione.

Nero Imperator, apud amitam Lepidam nutritus, quia trimus patrem Domitium Ænobarbum amisit, sub saltatore atque tonsore educatus, undecimo demum ætatis anno à Claudio Cæsare adoptatus, Senecæ philosopho in disciplinam est traditus; sed quem à philosophia Agrippina mater avertit, *imperaturo contrariam esse dictitans.* Qui postmodo portentosum libidinis monstrum, & rabiosus lupo, imò fex totius orbis, impuraque scelerum omnium sentina evasit. Nimirum juxta Siracidæ illud c. 30. *Filius indulgentiâ corruptus, fit ferox, instar equi indomiti.* Et ut ex Plut. libello *περὶ παιδείας* &c. scribit

Orosius lib. i. de Regis institutione; *quemadmodum solum bonum cessante culturâ sterilescit, & arbores per incuriam fiunt tortuosæ & infrugiferae; novæ deniq; plantulae facilius à tempestate laeduntur, quàm adultæ & grandiores; ita adolescentes institutione neglectâ pestes fiunt familiarum.* Imò, quemadmodum bonus ager, nisi accuratè colatur, inter bonos fructus etiam multum veprium & spinarum gignit: sic animus juvenilis, ubi bonarum artium exercitatione destituitur, tantò vehementiores scelerum vitiorumque impetus sentit, quantò majoribus antea rebus per bonas disciplinas par erat. Hujus rei illustre exhibent testimonium Alcibiades, Coriolanus, M. Antonius & alii, in quibus etsi robur animi & constantia ad res præclarè gerendas efficaces fuere, ob disciplinæ tamen inopiam contracta illorum vitia invisa suspectaq; omnibus fuere.

Ludovicus XI Galliaë Rex, teste Æmilio lib. 10. filium Carolum VIII. Ambasię educatum, literis erudiri noluit, duplici de causâ: Unâ, ne dum literarum sectaretur otium, regni negotia negligeret; Alterâ, ne historiarum cognitione ad res agendas timidus redderetur, aliorum exempla potiùs intuens, quàm suo ingenio obsequens. Egregium verò de filio patris iudicium, dignus certè, qui metamorphosi Nabuchodonosorianâ in feram mutaretur, ut rationis adminiculo nec præsentia declinare, nec futura prospicere

cere posset pericula. Et verò expeditio Neapolitana à Carolo temere suscepta, præclaræ istius institutionis primus fœtus, stultum Ludovici iudicium satis redarguit, ut quod de Atheniensibus olim, tunc quoq; de Galliâ jaçtatum fuerit; *imprudentiali illorum divinâ providentiâ corrigi solum*, ut eleganter scribit Ægidius Corrozetus de dictis & factis memorabilibus. Sed nec silentio prætereunda Carneadis illa vox, qui magnorum & opulentiorum filios nihil probè discere dixit, præter unam equitandi artem, quòd eis cæteri omnes adulentur; solus autem equus sessorem, Princeps sit, an privatus, nihil moretur, sed tergo eum excutiat, quicumque equitare nesciat, teste Plut. de dignoscendis adulatoribus.

Porrò, quamvis multo præceptorum labore, multoque sudore nonnunquam Heroum filii è voluptatum cœno eruti, ad virtutis arcem sint perducti, & ad summum honoris fastigium evecti; non pauci tamen in beluas degenerare turpissimas reperiuntur, & ad turpissimorum scelerum præcipitia sensim abducuntur; pravorum hominum, & imprimis adulatorum consortio, qui omnis impietatis magistros, præceptores libidinum, flagitiorum doctores eis se præbentes, *nihil minus convenire homini forti, quam humaniores disciplinas clamitant*; literas ajunt esse nugas; pietatem, persuasionem ridiculam; Dei verbum, inanes fabellas; preces, odiosam battologiam; poenarum metum, commenticia *μεγέληνεια* in-

terpretantur; parentes denique circumvenire, argento senes emungere, omnia abligurire, heluari, scortari, tumultuari, in omni voluptatum cœno volutati eos docent. Sic verè, ut Cic. docet lib. 1. de ll. *Corruptelâ mala consuetudinis igniculi extinguuntur à naturâ dati, exoriunturq; & confirmantur vitia contraria.* Et ut ex Menandro divus Apostolus scribit 1. ad Cor. 5. *Bonos corrumpunt mores cōmercia prava.* Etenim quemadmodum scabiosæ oves, si confriantur cæteris, morbo tentantur; ita & hi homines nequam, si simplicioribus quibusque conversentur, veneno eos suæ malignitatis inficiunt, ut Chrysost. loquitur homil. 17. in 1. epist. ad Timoth.

Sic Marcus Antonius Triumvir, Curionis familiaritate vitia ea, quibus postea obnoxius fuit, contraxit, teste Plut. in ejus vita.

Galba Imperator fertur initio bonæ naturæ fuisse, sed consuetudine perniciosorum quorundam perditus, in deterrimâ degeneravit beluam, ut Tacitus scribit lib. 17.

Sic Boleslaus, Polonorum Rex, Casimiri ex Monacho Regis filius, commixtus gentilibus, didicit opera eorum, intermissoque virtutum studio factus est sentina omnium vitiorum, ut Crantzius scribit lib. 3. Vandalizæ c. 12.

Sic & de Johanne Mariâ Galeacio Vicecomite scribit Jovius, insanę feritatis morbum concepisse illum usque adeò horrendum, ut, iracundiâ in

diâ in rabiem versâ, damnatos aut sibi invisos, voracissimis canibus laniandos objiceret, eoque spectaculo magnopere letaretur, quod in deliciis haberet Squartiam Giramû, inhumanæ sævitiae ministrum, qui ad eam carnificinam ingentes molossos humanâ carne alendos susceperat. Tantam nimirum vim habet assidua consuetudo, ut imprudentes etiam imitemur eorum vitia, quibuscum vivimus, ut author est Plut. in libello de dignoscendis adulatoribus.

Postremò, quod Heroum liberi à parentum integritate & virtute degenerant, culpa ipsismet liberis imputatur, qui è parentum autoritate, potentiâ, gloriâ, divitiis tantos capiunt spiritus, ut fas & nefas indiscriminatim sibi concessum putent, & nullis à piaculis animum abducant, oculos avertant, manus abstineant; ac proinde probum inferre castis, labem integris, infamiam bonis, injuriam omnibus non verentur. A quâ arrogantia & in rebus secundis insolentia, divina tandem à deo debitas, & non rarò admodum funestas atque luctuosas sumit poenas. Exemplo sint Johel & Abias, Samuelis filii, qui à patre ætate confecto, Principes & Sacrifici declarati, à paternâ integritate & sanctimoniâ penitus degeneraverunt, cõtumaces, avari, injusti, utpote qui disciplinam domesticam turbaverunt, pecuniæ cupiditate flagrarunt; venales habuerunt linguas & sententias, legum & judiciorum corruptelam in-

duxerunt. Quocirca cum neque domi, neque foris essent verendi, populus traditum ipsis honorem indignatione ademit, Regemq; sibi aliarum gentium more creati postulavit; à quo tempore vixerunt planè ignobiles & contempti. Sic & Davidis Regis filios, Amnonem, Absolonem, Adoniam, dum fortuna nimiùm favit, stultos fecit, h.e. immemores suæ sortis & conditionis, qui Dei obliti, promiserunt sibi licentiam faciendi quodlibet, inque omne genus flagitiorum ruentes, in acerbis calamitates semetipsos præcipitarunt. Ita semper, juxta Pythagoricum illud, *ἡθροὺς* excipit *πρὸς φη*, cui succedit *ὑβρις*, donec ipsa tandem sequatur *πανολιθεΐα*.

F L O S I X.

Fratrum & consanguineorum odia
Cainica.

SANCTISSIMUM pariter atque arctissimum sanguinis & cognationis vinculum à fratribus & consanguineis exigit, ut sese mutuò ex animo diligant, & inter se pacificè & concorditer vivant.

Hanc *φιλαδελφίαν* regius propheta Psal. 133. mirificè commendans, nihil eâ suavius, nihil utilius, nihil fortius esse astruit, utpote quâ animi fratrum arctissimè colligantur & constringuntur, ipsique inter se prompti & validi redduntur,

NON

non tantum ad mutua benevolentiae officia sibi invicem praestanda, sed etiam ad mutuum auxilium & defensionem adversus externos atq; injuriosos aliorum insultus. Hinc & Salomon Prov. 18. *Frater, inquit, à fratre adjutus, est tanquam civitas munita & excelsa, & aequipollet fundato palatio.* Notum illud est ex memorabili facto Canchii Chami, primi Tartarorum Regis, qui morti jam proximus, duodecim sagittas uno fasce comprehensas, singulis suis filiis, quos duodecim habebat, frangendas dedit; quod cum nemo illorum posset, fascem solvit, minimoq; natu praecipit, ut sagittas singulas confringeret. Hoc cum ille nullo praestitisset negotio, conversus ad omnes: *Neq; vos, ait, filii charissimi, si concordēs fueritis, à quoquam superari poteritis, discordes facile cōvincemini,* ut author est Haitom. Armenus in lib. de Tartaris. Simile factum de Sciluro Scythâ, octuaginta filiorum patre, qui simili imagine hastilium fasciculi docere voluit, concordiam invitam esse, refert Plut. in apoph. Reg. & Imp. Hæc *φιλαδελφία* ubicunque locorum viget, non tantum maximam parentibus affert voluptatem & lætitiā, sed etiam ipsis liberis laudem parit, & commendationem honorificam, omniaque ibi commoda perpetuò mansura divinitus redundant. Sed quò præstantior virtus est, mutua fratrum benevolentia atque concordia, cò rarior esse solet, præsertim inter

Reges & Principes, qui suspicionibus, quæ plerunque cognatorum insident animis, & sinistris rumusculis, qui malis à geniis passim feruntur, non minimum relinquunt locum. Unde acerbissimæ iræ & simultates, si præsertim convitia & probra accedant, existere solent; quæ difficilius tardiùsque expugnari possunt, quam urbs repagulis æneis munita. Cainum sanè æmulatio armavit in perniciem Abelis, orta que est nefaria cædes ex invidiâ. Esavus ob præreptam sibi benedictionem tanto erga fratrem Jacobum intumuit odio, ut de eo interficiendo consilia iniret, quem ipse Jacobus, vitæ suæ insidiantem, maluit fugere etiam in longinquas regiones, quàm vicem odii compensare; hinc post multos annos ex Mesopotamiâ domum repetens, præmisit, qui Esavum fratrem donis & muneribus delinirent, si qua forte veteris in eo injuriæ ira adhuc insideret, Gen. 27. & 32. Cæteroquin rarò aut nunquam penitus, vel absque cicatrice coalescunt ejusmodi vulnera, tantum abest, ut benignitate aut beneficio vincantur. Sic & Jacobi filii Josephum fratrem summo persecuti sunt odio, eò quòd turpitudinem illorum ad patrem deferret, & à patre præ cæteris amaretur; quem rus ad ipsos ablegatum clàm in puteum abjecerunt, indeque extractum Ismaëlitis vendiderunt, Genes. 37. Absolon Davidis filius, Amnonem fratrem, qui Thamarem sororem suam uterinam per vim

con-

constuprarat, tanto persecutus est odio, ut per integrum biennium cum ipso abstineret; quem tandem cum cæteris filiis Regis ad convivium invitatum inter vina obtruncavit, 2. Reg. 13.

Eteocles & Polynices, OEdipi filii, de regno Thebanorum hac lege pacti erant, ut Imperium alternis vicibus administrarent. Cum autem Eteocles, cui sorte primus obtigerat annus, tempore exacto, recusaret fratri regni vices tradere, Polynices, Argos profugus, (urbs ea Græciæ) & ab Adrasto (Rex Argivorum) in generum ascitus, parricidiale Thebanis bellum intulit, in quo, mutuis cum fratre vulneribus, cecidit, ut author est Diodorus Sic. lib. 4. c. 6. & Pausanias in Boëtiæ. Extat de iis hoc epigramma Aufonii;

Nec Stygiis lucis inveniunt sua fœdera fratres

OEdipodionida, de misero ah miseri.

Namq; etiam ex uno surgentes aggere flamma,

In diversa sui disiliunt cineris.

Infandos juvenes, quos nec discordia cassos

Luce, nec in semet linquit atrox animus.

Atq; utinam in Thebas quisssem partirier ipsas

Regnorum & metas, ut cinerum nebulas.

Abimelech, Gideonis spurius, 70. fratres ex legitimis illius uxoribus, in domo patris Ephrem interfecit in uno saxo, excepto Jothamo natu minimo, qui latuerat, & imperium in Sichemitas occupavit, Jud. 9. Sic & Joram, à Josaphato patre Judæorū Rex constitutus, sex fratres suos

interfecit, & Israëlitarum Principes aliquot, Ataliae uxoris suae consiliis, 2. Paral. 21. Quid multa? hujusmodi odiorum inter fratres ceterosq; consanguineos ex merâ ambitione, Imperiique usurpatione ortorum, exemplis omnes refertae sunt historiae. Nec eorum pauca recenset Camerarius tom. 1. meditat. hist. c. 92. Sed & aliis ex causis odia & simultates inter fratres & consanguineos exortas esse legimus. Menelaus, Oniae Pontificis filius, sacra vasa depeculatus, cum ab Oniâ Pontifice justè reprehenderetur, donis Andronicum Antiochi Epiphanis procuratorem corrupit, ut Oniam, qui in suburbium Antiochiae Daphnim, tanquam in asylum se receperat, blandis promissis evocatum, interficeret, 2. Maccab. 4.

Sic & Richardus II. Anglorum Rex, Thomam fratrem, Ducem Glocestriae, ignaviam sibi exprobrantem, in venatione seductum, ex insidiis interfici curavit, & alterius sui fratris Johannis, Ducis Lancastri, filium Henticum paternâ hereditate spoliatum, in exilium egit, teste Polydoro lib. 20. Saxo lib. 3. Feragonem Danorum Regem memorat insidiis positis fratrem trucidasse, ejusque uxore abusum, incestuosam libidinem, parricidio adjecisse.

Inprimis verò odia acerbiora & immortalia inter eos existere solent, qui in fide & religione
con-

conjunctissimis antea fuere animis, & inter se postea disfidere coeperunt, transitione factâ ad hostes. Nihil enim magis conjungit aut disjungit mentes hominum, quàm vel similis, vel dispar religio. Exemplo est Maximianus Imperator, qui Artemiam sororem gladio percussit, quòd relictâ idololatriâ Christiana facta esset.

Alphonfus Diazus J Ctus, Româ in Germaniam profectus, Johannem Diazium fratrem, virum doctissimum, cum frustra à religione Lutheranâ avertere studuisset, Neuburgi per sicarium, qui oblati ex composito literis, securim capiti attentè legentis inflixerat, sustulit, ut auctor est Sleidanus lib. 17.

Ex his exemplis liquet, quòd, sicut mel in amarissimam bilem convertitur, sic amor fratrum, quò major, in majus odium degenerare soleat, cujus rei sanè causa esse videtur, quòd, à quibus sibi deberi beneficium existimet, ab iisdem non solum privari se beneficio, sed lædi insuper, contra naturæ jus atq; æquitatem putent. Quod quia contra omnem spem illis nonnunquam accidit, (*improvisa autem magis in animos hominum descendunt, quàm expectata,*) fit, ut longè ægriùs ferant, si quam injuriam à fratribus aut consanguineis contra opinionem suam acceperunt. Interdum etiam parentes ipsi istiusmodi discordiis & simulatibus

occasiones præbent, & semina jaciunt, cum conditis testamentis filiorum naturâ parium suo judicio alterum alteri præferunt, & in majore parte hæredem volunt esse unum, alterum in minore.

Sic nimirum Franciscus & Ludovicus Gonzagæ, Ugolinum fratrem simulatâ amicitia ad carnâ invitatum interfecerunt, solâ invidia moti, quòd Guido Gonzaga pater, Mantuanorum Dux, huic soli principatum testamento reliquisset. Nec rarò quoq; , intestatò defunctis parentibus, bona sic relicta ex æqualibus partibus nesciunt noluntve dividere filii, aut cæteri agnati, relictæ hæredes. Ut igitur mutua inter liberos conservetur dilectio atq; concordia, cavendum non modò parentibus, ne inæqualitatem in amandis & curandis liberis adhibeant, sed etiam ipsis liberis, ne suspicioni & invidiæ locum concedant. Ista enim omnia ad malevolentiam, dissidium, odiumq; mutuum liberorum, fenestram aperiunt, quæ parentum senectutem malè alunt, ipsosque liberos apud cives criminibus objiciunt, utpote quos existimant ex tantâ necessitudine, convictu & familiaritate delabi ad inimicitias nunquâ potuisse, nisi atrocium sibi invicem essent flagitiorum conscii. *Utique enim magnas oportet esse causas, quæ magnam benevolentiam amicitiamq; dissipent;* unde fit, ut non facilè locus sit reconciliationi. Nam sicut, quæ comparata sunt,

sunt, & glutino soluto rursus colligari ac coire possunt. Corpus autem, quod natura univit, si rumpatur aut scindatur, difficulter glutinari aut coalescere potest; ita, quas usus contraxit amicitias, eę disfidie, interveniente parvo negotio, redintegrantur. Fratres verò, ubi naturali amore exciderunt, neq; in gratiam facilè redeunt, & reconciliatio semper cicatricem sordidam, & latente malo infectam, retinet.



F L O R U M

H O R T U L I H I S T O R I -
C O - P O L I T I C I

Corona sexta, scil. Martia.

De bellorum auspiciis, progressu & successu, &c.

F L O S I.

Preces piæ, & Dei potentia in bellis
omnia efficiunt.

PRinceps bellum justum suscepturus, ante & in ipso bello divinum auxilium ardentibus fideique plenis precibus indefinenter ut imploret, imprimis necessariū sibi ducat. *Oratio nimirum,*

B-b 5

teste Siracide cap. 35. *si fidelis & humilis & fervens fuerit, nubes calumq; penetrans, vacua non redit, sed tanquam fidelis nuncia peragens mandata à Deo, aut quod petitur, aut quod nobis utilius est, impetrat; idq; eò magis, si causa orandi cum oratione ipsâ respondeat. Bonus enim & benignus est Deus, qui in auxilium justa petentibus semper adesse solet, & ut Polybius loquitur lib. 13. hist. virtutem impertit non illis, qui injuriarum sunt authores, sed iis, qui se contra injustam invasionem defendunt.*

Documento sit bellum Jerobeami, regis Israëliti, Judaicum, qui non contentus regno decem tribuum, ut residuas duas tribus regno suo adjiceret, commodissimam rei gerendæ occasionem arbitratus, Abiæ regis Judæ adolescentiam, & in rebus bellicis imperitiam, exercitum contra hunc (*an. M. 2988.*) eduxit numerosissimum, ut, quos non potuit jure, multitudine vinceret. His Abia manū opposuit duplo minorem, quæ illius insidiis circumventa, in extremo periculo, cum preces ad Deū funderet, tantus hostib. divinitus injectus est terror, ut ad illorū, quos circumvallaverant, conspectum trepidarent, seq; in fugam effusè conjicerent: in qua perierunt quinquiescentena hominum millia, 2. Paral. 13. Hanc autem victoriam retulit Abia non suâ pietate, (erat enim Roboamo patre non minùs temerarius atque impius,) sed populi precibus, quæ nubes
cælumq;

cælumq; penetrantes ultionis hunc gladium ex Dei manibus extorserunt. Deus nempe unius pii voce flectitur, cum mille cohortiũ manu non trahatur, habetq; oratio ipsa quandam omnipotentiam, non ex spiritu nostro, sed ex spiritu, qui est in spiritu nostro. Quemadmodum autem in bello Israëlitarum cum Amalekitis, Exod. 17. in quo Moses plus effecit orando, quàm Josua pugnando, graves & lassas Mosis manus fulciunt Aaron & Hur; ita quoq; fides nostra fatigata sustentanda è verbo Dei & promissione; quibus mediis fulcit & roborat manus nostras Spiritus sanctus; *lapis autem est Christus*, Psal. 118. in cujus nomine & invocamus, & exaudimur.

Pari modo Asa, rex Judæ, à decies cētenis milib. Æthiopum arctissimè obsessus, cum majorē à Deo ipso, quàm in exercitu suo, fiduciā collocaret, ad internecionē hostes suos cecidit, nō quidē armis suis, sed precib. & divino terrore, *in quo, ut Pindarus ait, etiā deorũ liberi fugiunt*, 2. Par. 14.

Sic & bello Ammonitico & Moabitico pressus Josaphatus rex, in tanto periculo ad preces & jejunia conversus, in templo coram maximâ hominum frequentiâ, à Jahaziele prophetâ in hostes sine formidine, & ex solâ in Deum fiduciâ pugnare jussus erat. Cantoribus ergo in primâ acie collocatis, qui Psal. 136. canerent; ecce, ubi aër divinis clangeret laudibus, hostes divinitus immisso terrore atque errore in semetipsos

conversi, tanto furore invicem debacchantur, ut de tot millibus ne unus quidē superstes remaneret; tantā post se relictā prædā, totq; spoliis, ut milites in colligendo totos tres dies consumpserint, 2. Paral. 20. In huiusmodi nempe divino sive Panico pavore, ut Esaias c. 13. loquitur, hominum manus dissolvuntur, omne cor virile liquefit, consternatos angustiae, & dolores quasi parturientis, apprehendunt, & unusquisque proximum suum reformidat, præque nimio timore facies rubent. flammarum instar. Sic & in pugna Marathonia, quā Miltiades Atheniensis (A. M. 3480.) civium suorum decem millibus profligavit Persarum sexies centena millia, teste Herod. lib. 6. itemque cū Galli, Duce Brenno, numerosissimo cum exercitu in Græciam irumpentes, in direptione templi Delphici à parvā Phocensium manu ad internecionem cæsi sunt, scribitur Panicus quidam terror hostibus omnem animum ademisse, eosq; perterrituisse; ut, quaecunq; saltem aspexerint vel audierint, terrorem & metum illis incusserint, ut Pausanias hæc prolixè commemorat lib. 10. itemque Justinus lib. 25. ubi præterea addit, terræmotu portionem montis abruptam Gallorum stravisse exercitum, & confertissimos cuneos, non sine vulneribus hostiū, dissipatos ruisse, insecutam deinde tempestatem, quæ grandine & frigore saucios ex vulneribus absumpsit.

Sic &

Sic & in divinâ illâ Josuæ de quinque Amor-
ræorum Regibus victoriâ, super hostes fugien-
tes tam validam Deus immisit grandinem, ut
multò plures grandinis lapidibus prostrati sint,
quàm Israëlitarum gladiis cæsi, Jos. c. 10.

Samuele pro Israëlitis suis, durâ Philistinorum
servitute & bello pressis, orante, (*anno M. 2870.*)
Deus crebris fulminum ictibus, horrendoque
tonitru, numerosum acervum hostiû, ingentem
ferociam spirantium, prostravit & dissipavit ex-
ercitum, 1. Reg. 7.

Pari modo fulgure cælitus demisso, sternun-
tur Quadi & Marcomanni, sub Marco Antoni-
no Imperatore, itemq; Attila Hunnus, ad urbem
Aureliam. Sic & Theodosio Augusto satis parvâ
manu cum Arbogasto & Eugenio tyrannis con-
fligenti, tempestas repentè cælo immisso opitu-
lata est, tantâ ventorum mole à tergo suo in ho-
stium oculos atque acies, ut tela ab iis ipsis im-
missa retorqueret, ictusq; hostium frustraretur,
retroversumque terga ut daret, cogeret.

Bello Sauli Philistino primo (*a. M. 2883.*) cùm
Jonathan, uno comitatus armigero suo, in hostes
impetum faceret, non unus cum decem, sicut ad
Marathonem, nec unus cum tribus millibus, ut
ad Thermopylas (ubi Leonidas Spartanus, post-
quam 20. millia Persarû trucidasset (*a. M. 3492.*)
cum trecentis suis Lacedæmoniis gloriosè occu-
buit, ut author est Herodotus lib. 7.) congre-

batur, sed Philistinorum copiarum tantum non
arenarum æquabant numerum, utpote quæ con-
stabant sex millibus equitum, & 30. millibus
curruum falcatorum, (hoc est, hastis, gladiis &
falcibus ita armatorum, ut proxima quæque
demeterent atque conciderent, & vastam inter
hostes ederent stragem, quemadmodum à Dio-
doro, Xenophonte & Curtio describuntur.)
Has tantas & tam numerosas copias Jona-
thas, solus divino auxilio confusus, eo successum
aggressus est, ut hostes omnes in effusissimam
conjicerentur fugam, adeo ut ipsa tellus sub
pedibus balantium hostium tremere, 1. Re-
gum 14.

Huc quoque referenda miraculosa Abrahami
victoria de quinque Assyriorum Regibus, quos
cum paucis 318. servorum manu, in Phoeniciam
usque insecutus, noctu diviso exercitu, oppressit,
captivis unam cum prædâ receptis omnibus; itemque
Judæ Maccabæi creberrimæ & celeberrimæ vi-
ctoriæ de Antiochis & Demetrio, Syriæ regibus,
eorundemque legatis, quorum numerosissimas co-
pias ipse, solo divino fretus auxilio & causæ boni-
tate, cum parvâ suorum manu multoties profliga-
vit, nec raro ex his plurimos trucidavit, ne ullo
quidem milite suo aut amisso aut vulnerato. Divi-
nâ certè manû præstò ipsi fuisse, manifestò indi-
cant, eques albâ veste aureâ visus in prælio con-
tra Ly-

tra Lyfiam procedere, Judæos & arma quaterere; & quinque illi viri in prælio contra Timotheum etiam ab ipsis hostibus vifi, insigniter aureis armis conspicui, quorum duo Maccabæum stipabant, & telis hostes profligabant, 1. Maccab. 4. & 5.

Nec dubitandum, ipsummet Dei filium Judæ adjuviffe exercitum in recuperando templo Hierosolymitano, in evertendâ Jovis Olympii statuâ, in abolendis Bacchanalibus, & aliis abominandis ritibus.

Sic & Zonaras scribit Tom. 3. Constantinum Magnum in præliis cum Maxentio & Licinio commissis, vidisse armatum equitem, signum crucis pro vexillo ante aciem suam præferentem; ac rursus Adrianopoli duos ei visos adolescentes, qui hostium phalanges cæderent, item circa Bizantium, noctu omnibus dormientibus, conspectum ab eo ignem, qui micantis fulguris instar vallum exercitus sui lumine suo colustraret.

De Michaële, qui in trajectu Bosphori in somnis apparuit Constantino Magno, eumque his verbis allocutus fuit: *Ego sum Michaël Archidux Domini, Christianorum fidei tutor, qui tibi contra impios tyrannos belligeranti, auxilio arma contuli, vide Nicephorum lib. 7. histor. Ecclesiast. cap. 50.*

Sic & cùm Tigranes, Armeniæ Rex, soceri sui Mithridatis, Ponti Regis, calamitate permotus, contra Romanos exercitum bis centenorum quinquaginta millium educeret, immensæ istæ copiæ, quibus superbus Rex magis confidebat, quàm divino auxilio, Romanorū imperum non sustinentes, profligatæ sunt, antequam certamen iniretur. Et narrat Plut. in Lucullo, eâ in fugâ ex tanto exercitu cecidisse ultra centena millia perditum; ex equitibus verò quorum quinquaginta millia fuerant, evasisse admodum paucos, ex Romanis verò cæsos esse tantum quinque, & centum vulneratos.

Quæ omnes aliorumq; omnium temporum historiæ abundè testantur; *equum quidem*, juxta Salomonis illud Prov. 21. *aptari ad diem praelii, sed à Deo dari victoriam, qui aequè in paucis, atq; per multos juvare & vincere potest*; utpote qui auferre solet spiritum Principibus, nec raro vehementiori ventorum sono, aut nudo etiam adventantis exercitus strepitu, tantum numerosissimis copiis incutere terrorem, ut consternatæ mox in effusam se dent fugam, & tantum non præ metu moriantur. Non quidem omnino à victoriâ in bello excludimus Ducum belli, militumque peritiam & industriam, aliæque præsidia humana: quia tamen hæc omnia, si cum defensione divinâ comparentur, nihil sunt aliud, nisi somnium, umbra & superbia; fumi, & si quid
vanius

vanius nominari potest, ideo nec quicquam in brachio humano fidere nos oportet, sed ardentibus inprimis gemitibus defensionem à Deo petere & expectare, firmâ fide statuentes, Deum omnibus seculis suam Ecclesiam, velut in rubro mari stantem, inter fluctus & hostes potenti manu servasse, & adhuc ad finem usque mundi servaturum: Et licet hæc arcis instar obsidione undique cincta, acerrimè innumeris ab hostibus oppugnetur; tamen hanc ipsam præsidio divino tutam, majoribus præsidiis atq; copiis defendi, quàm oppugnari, victoriamque ex solius Dei voluntate & potestate, non ex hominum consiliis proficisci.

Cæterùm quanta vis sit sanctarum precum, & quàm necessarium in bellis divinū auxilium, fusiùs disseruimus in strategematog. nostra, c. 17. & lib. 2. c. 2.

F L O S II.

Belli æquitas bono, iniquitas malo plerunque litat eventui.

PPrinceps bellum suscepturus secundùm pias preces, maturâ deliberatione cum suis institutâ, belli causam apprimè attendat, de qua in strategematographiâ nostrâ lib. 1. c. 8. 9. 10. 11. & 13. multa monuimus. Hæc si bona fuerit, pugnae

exitus malus esse non potest; sicut nec bonus judicabitur finis, si causa non bona, & intentio non recta præcesserit, ut Bernhardus scribit lib. de novâ militiâ.

Non ergo sibi quisquam persuadeat, Deum, qui ipsissima est justitia, injustæ suæ causæ fore patronum, licet vel mille precibus ejus imploret auxilium. *Deus enim est scelerum osor & ultor, nec ullum maleficium sinit inultum.* Deum autem victoriam inde largiri, unde jus est, vel, ut Livius loquitur lib. 3. dec. 1. *eventum belli, velut æquum judicem, unde jus stat, ei victoriam dare solere,* tam sacræ, quàm profanæ omnium seculorum testantur historiæ.

Ac primùm quidem, defensionē contra vim injustam, sibi suisque, & præcipuè patriæ arque Ecclesiæ illatam, omni jure licitam esse; imò & sociorum periculum justa & pia Principibus induere arma, & felicem plerunque sortiri exitum, congruentem ad normam justitiæ, satis liquet ex celeberrimis, quæ sequuntur, victoriis; Abrahami nimirum, de quinque Assyriorum Regibus, qui Sodomæ Regulo acie victo & profligato, unâ cum ingenti prædâ, magnoq; captivorum numero, Lothum quoq; abduxerant, Genes. 14; Davidis exulis, de Amalekitis, qui oppido Ziklag incenso, cum reliquâ multitudine duas ejus uxores abduxerant, 1. Reg. 30; Asæ Regis Judæ, de Zarâ Æthiopum, & Baësâ Israëlítico, Regibus,

gibus , quorum ille validissimâ manu irruptionem in Judæam fecerat; hic insuper urbem Ramam occuparat, 2. Paral. 14. & 16; Josaphati, de Ammonitis & Moabitibus, qui & ipsi, tractis in suas partes Idumæis, latrocinandi animo in regnū ipsius irruerant, 2. Par. 10. Non enim modò jus naturæ apertam vim vi repellendam dicitur, sed & approbat jus gentium, quo distincta sunt dominia, fixi limites, constituti fines, quos unusquisque adversus quoslibet defendere tenetur.

Hinc & Plateenses apud Thucyd. lib. 3. *hanc communem omnium mortalium esse legem asserunt, ulcisci eos, qui nostra depredantur.* Huc etiam pertinent varia illa Romanorum bella, non solum pro suorum finium, sed & pro sociorum suorum defensione contra varios populos justè suscepta, & feliciter confecta. Unde rectè Siracides cap. 4. v. 9. *eum cui fit injuria, de manu injurii eximere jubet.* Et divus Ambrosius lib. 1. de officiis c. 27. *fortitudinem, quæ domi defendit infirmos, vel à latronibus socios, plenam vocat justitiam.*

Deinde justa quoque sunt, felicemque plerunque sortiuntur exitum bella ad vindicandam injuriam Reip. illatam suscepta, cujusmodi fuerunt bella Davidis, Romanorum, & aliorum populorum adversus violatores legatorum, quorum nomen, teste Cæsare lib. 3. de bello Gallico

apud omnes nationes sanctum inviolatumque semper fuit, ut fusiùs probavimus suprà in Coronæ tertiæ flosculo 12. cujusmodi item fuerunt. bella Israëlitarum, post Josuæ mortem, à Judicibus contra Syros, Moabitas, Cananæos, Midianitas, Ammonitas, & Philistæos, à quibus diversis temporibus armis vexati & subacti durissimâ servitute premebantur, feliciter confecta, Judic. 3. 4. 6. 7. 11. 12. 15. & 1. Reg. 7.

Huc etiam pertinent Romanorum bella pro libertate, cum Porcennâ, Hetruscorum Rege, & cum Æmilio Octavo, cum quo Latini populi omnes in urbis Romanæ perniciem conspirarant, feliciter gesta, quorum omnium exitus consensaneus est justitiæ. Etenim jus naturæ vitam & libertatem, sine quâ vix vita vitalis est, adversus omnem vim & injuriam esse defendendam dictitat; ac proinde, quia servitus misera est, & quovis malo atque damno intolerabilior, imò postremum omnium malorum, ideo non modò bello, sed & ipsâ morte est repellenda, ut in suis Philippicis graviter disputat M. Cicero. *Sunt enim homines ad decus & libertatem nati, nec ulla voluptas viris ingenuis suavior est libertate, quæ secundùm J. C. cum Paulum l. 106. de reg. jur. res est inestimabilis, & nō modò ære quovis preciosior, potiorque metallis, sed & ipsâ vitâ charior viris sapientibus. Unde rectè Senec. ep. 105. Non potest parvo*

parvo constare libertas; quam si magno estimas, omnia parvo estimanda sunt.

Porro justissima quoque bella sunt ab ipso Deo, scelerum justissimo vindice, Israëlitis contra Hethæos, Gergesæos, Amoræos, Cananæos, Pheresæos, Hevæos & Jebusæos mandata, Exod. 34. & Deut. 7.

Etsi enim Aradus, rex Cananaus, justè videtur repulisse Israëlitas, se suaque contra eos defendens; unde quoque initio aliquam reportavit victoriam, & secum aliquot captivos abduxit: justior tamen erat causa Israëlitarum, qui voce Dei bellum hoc Cananæis intulerant, quibus devictis supplicium quoque de Arado sumpserunt, & tandem totum regnum Cananæorum exciderunt, Num. 21. & Deut. 2.

Ubi & illud notandum, Moſen, quamvis justissimam haberet causam, jussu nempe Dei, nihilominus tamen, ut probabilem quoque belli causam haberet, per nuncios ab Amoræis pacificum petiſſe transitum. Quo denegato, ad internecionem omnium primi ex Cananæorum gente cum liberis & uxoribus sunt deleti. Innoxius nimirum transitus jure humanæ societatis æquissimo cuivis patere debet, qui rem non tentat illicitam. Huc quoque pertinent variæ Davidis Regis victoriæ partiæ de Jebusæis, Cananæarum gentium reliquiis, Hierosolymâ ejectis & exterminatis, itemque de Philistinis, Moa-

bitis, Syris, & Idumæis, quibus in bellis David non tam illorum author, quàm minister judicandus est, 2. Reg. 5. & 2. Paral. 19.

Postremò subditos quoque sine justâ causâ rebellantes & seditiosos, ceu perfidos erga suum magistratum, bello licet coercere, quod præter alia exempla in flore penult. Coronæ 4. adducta, patet ex bello Jorami, regis Israëliti, Moabitico, à quo cùm post Achabi mortem deficeret Mesa, Moabitarum Rex, Regum Israëliticorum tributarius, ipse rebelles armis denuò subjugaturus, in belli consortium tracto Josaphato, in castris Elisæum prophetam audit, ad cantum citharæ de prospero belli eventu vaticinantem, utpote cui ipsa quoque causæ æquitas favebat, 4. Reg. 3.

E diverso, quemadmodum *causa jubet superos melior sperare secundos*, ita bella ex cæcâ vindictæ cupiditate atque irâ, aut etiam ex ambitione vel avaritiâ suscepta, plerunque succedunt & desinunt infelicitè, ut omnium seculorum testantur historiæ.

Jeroboamus, Rex Israëliticus, non contentus regno decem tribuum, residuas quoque duas tribus regno suo adjicere satagens, rei perficiendæ idoneum ratus tempus, Abiæ Regis Judaici adolescentiâ, & in reb. bellicis imperitiâ, exercitum contra hunc eduxit numerosissimum, ut, quos non potuit jure, eos multitudine vinceret; sed

sed quo, divinit⁹ immisso terrore, dissipato, cruentissimâ istâ clade adeò fractus est ejus animus, ut perpetuò deinceps dum viveret, bello & armis abstineret, 2. Paral. 13.

Cùm regno Israëlitico inhians Benhadad, Syriæ Rex, innumerabili coacto exercitu, secumque eductis 32. Regibus confœderatis, Samariam obsideret, ut, quos æquitate causæ non posset, eos similiter copiarum multitudine debellaret, & sub durissimū servitutis jugum redigeret. Achab, Israëlitarum Rex impius, prophete⁹ cujusdam instinctu 232. prætorum calones, & præterea septem millia virorum contra eum eduxit; quâ exiguâ manu numerosissimum Benhadadi exercitum, qui se in manibus habere victoriam credebat, fudit & profligavit, 3. Regum 20.

Sennacherib, Assyriorum Rex, inhians regno Judaico (*anno Mundi 3240.*) stultâ patris Salmanasseris, qui decem tribus abduxerat, *κατα-ζηλία*, validissimâ manu Hierosolymam obsidens, unicâ nocte ex suo exercitu cæsis ab Angelo 185. millibus, tantâ clade territus, re infectâ, & cum maximo dedecore Ninevem ad mactationis suæ locum properè contendit, 4. Reg. 18. & 2. Paral. 32.

Cyrus junior non contentus florentissimis Asiæ minoris, Ioniæ, Lydiæ, cæterisque vicinis,

quibus à patre Dario Notho profectus erat, provinciis, ambitioni suæ frenos laxans, Parysatidis matris instinctu (*a. M. 3570.*) bellum patriciale intulit fratri Artaxerxi, Regi Persarum, in quo post biennium victus, vitam cum regnis amisit, ut author est Justinus lib. 5.

Darius, Persarum Rex, ab Hippia Atheniensium tyranno exule, magnâ potiundæ Atticæ cupiditate accensus, ut in sua provincia natas fides Atticas redderet, h. e. Atticam in suam ditionem redigeret; ardens præterea odio contra Athenienses, quod Iones, ab ipso qui defecerant, adjuvissent, infelici in eos expeditione susceptâ, in campo Marathonio magnâ suorum clade (*a. M. 3480.*) ab his est profligatus, teste Herodot. lib. 6. Quam maculam ut deleter, multò majoribus copiis Græciam invadere constituerat. Verùm in ipso belli apparatu (*a. M. 3487.*) morte præventus, odium hoc suum, & bellum in filium Xerxen transtulit; qui, ut ultionem de Atheniensibus exigeret, & præterea ut gloriam amplam, & regionem uberem, adeoque Europam universam Persico Imperio adjiceret, numerosissimum contra eos tricies ter centenorum septendecim millium nongentorum viginti hominum eduxit exercitum (*a. M. 3492.*) ac infelicissimo fato, utpote ex quo viginti millia ad Thermopylas cæsa sunt à Leonidâ & parvâ Spartanorum manu; ad Artemisium verò Eubœæ promontoriū, vi tempestatis

pestatis multas triremes perdidit; ad Salaminem exinde maximâ clade acceptâ profligatus, parvo navigio trepidus in Asiam repedavit; relictis Mardonio petenti copiis terrestribus, qui insequenti anno ad Plateas, amissis peditum centum millibus, equitum 20. millibus, profligatis tercentum millibus à Pausaniâ Spartano, Atheniensium Duce, cæsus occubuit. Quo eodem die, alio prælio ad Mycalem, Asiæ minoris promontorium, Persarum 40. millia terrâ mariq; itidem à Græcis cæsa sunt, teste eodem Herodoto lib. 7. 8. 9. Quâ historiâ docemur, quàm facile sit Deo magnam delere potentiam, & quàm infeliciter cedant bella non necessaria, suscepta gloriæ & regnandi cupiditate, aut odio, aut etiam fiduciâ humanæ potentiæ; quòd denique ad extremum deleantur penè, & evertantur ipsi bellorum auctores, juxta illud Esaïæ c. 33. *Va qui spoliās, quia spoliar veris.*

Antiochus Magnus, Syriæ Rex, prosperis successibus elatus, Ætolorum insuper adulatione, & promissorum vanorum confidentiâ dementatus; Hannibalis denique, qui patriâ profugus apud ipsum exulabat, crebris cohortationibus stimulatus, non contentus regno Asiæ amplissimo, in Europam quoq; Imperii sui proferre terminos, & Romanorum, quos solos impedimento sibi fore metuebat, potentiam retundere conabatur (*a. M. 3781.*) sed is eodem anno è Thermopylis,

quas infederat, non solùm naturâ loci tutis, sed
 & præsidio atque muro obseptis, M. Acilii
 Glabionis consulis virtute deturbatus, Ephe-
 sumq; in Asiam ex Europâ expulsus, ibi à Lucio
 Æmilio Regillo prætore maximâ clade victus
 fususque, amissis navibus longis 62. cum omni-
 bus sociis, iterum anno vertente, ad Magnesium
 (a. M. 3782.) à Lucilio Cornelio Scipione acerrimo
 prælio, quo peditum circiter 50. millia, equi-
 rum quatuor millia perdidit, victus fractusque
 durissimas pacis conditiones accipere est co-
 actus, ut testantur Florus lib. 2. c. 8. Justinus lib. 31.
 & Appianus in Syriaca. Sic verè *desipit, incertum*
qui captans certa relinquit. Eadem insatiabilis
 dominandi cupiditas Jugurtham quoque ad an-
 guinam mercedem Micipsæ patruo suo & nutri-
 tio rependendam, ejusq; filios duos, quos regni
 consortes habebat, è medio tollendos, compulit,
 & M. Antoniū Triumvirum, qui non contentus
 Orientalibus Imperii Romani provinciis, ab
 Euphrate usq; ad Hellespontum contra federa
 & pacta in Augustum Cæsarem (a. M. 3941.) ar-
 mavit: è quibus ille à Romanis debellatus, & à
 Mario Romam in triumphū ductus (a. M. 3870.)
 in carcere tandem illic fame & frigore necatus
 est; hic ab Augusto in pugna Actiaca victus, &
 in Ægyptum cum suâ Cleopatrá fugatus (anno
 Mundi 3942.) cùm ab irato victore vitam impe-
 trare non posset, ipse sibi necem conscivit.

Sic &

Sic & M. Crassus, Romanorum ditissimus, licet in censu haberet millies septingenties quater settertium, h. e. quadragies bis centena sexaginta millia aureorum, insuperque tantum haberet agri, quantum nec milvus oberret; Luculli tamen prædam & manubias ex Asiâ cernens, & provinciæ cupiditate incensus, populum Romanum verbis expugnavit, ut Parthicum bellum sibi decerneret. Ergo quæstus in primis gratiâ, & propriarum virium fiduciâ contra Parthos, quos ceu imbelles & infirmos contemnebat, expeditionem parans, in Judæam ubi pervenit, famam divitiarum templi Hierosolymitani permotus, duo millia talentorum, pecunias nempe pupillorum & viduarum, quas Pompejus intactas reliquerat, inde abstulit, totoque reliquo auro ad octo talentorum millia templum spoliavit. His ita gestis, Mesopotamiam & Parthiam ingressus, à Parthis acie victus, & cum toto exercitu occisus, φιλωνίας profundæque suæ avaritiæ, & nefarii simul sacrilegii justas luit poenas, Parthis, auro in demortui os fuso, his ipsi verbis insultantibus: *Bibe fortiter, bibe aurum quod sitisti.* Quod idem Cyro quoque olim (an. M. 3451.) accidisse memorat Herodotus lib. 1. Cui itidem mortuo, Thomyris, Scytarum Regina in os infudit aurum, ut quo vivus non potuisset, mortuus satiaretur. Non multo dissimilem fortunam expertus est Nicephorus Imperator Bizantinus (anno C. 811.)

cujus calvam argento inductam Chrunghus, Bulgarorum Rex, proceribus suis propinavit, addito hoc sarcasmo: *Sic fore, ut auri cupidissimus Cæsar meropost fata expletus, alienam sitim eluat sedetq;*, ut author est Cuspinianus in Cæsaribus.

Constantinus Constantini Magni filius natus maximus, divisione orbis Romani sortitò ex patris testamento factâ, acceperat Galliam, Hispaniam, Alpes Cottias, Britanniam, Orcades, Hyberniam, Thulem; quâ sorte non contentus, paricidiali bello contra fratrem Constantem motus, vitam cum omnibus regnis perdidit (anno Christi 340.)

Albertus primus Austriacus Cæsar, in Thuringia ad Lucam oppidum prope Pegas, ingentem passus cladem, à Friderico & Dicemanno Marchionibus Misniæ, quibus ex amico & defensore factus hostis, cupiditate opulentæ ac cultæ regionis Myforû, & ad Bohemiæ regnum tum acquirendum, tum retinendum opportunè, contra jus & fidem datam, bellum fecerat. Ad hanc cladem vindicandâ, & repetendam à Carinthio Bohemiam, dum bellum utrinque reparat, à Johanne fratris filio, cui tanquam prodigo administrationem Sueviæ ademerat, juxta Brucam Helvetiorum oppidum, inter Rissam Adu-lamque fluvios jugulatur.

Sic & Carolus Burgundus, Princeps ambitiosus, fervidus ac præceps, cujus immensum ani-

mm

num cum ejus regionis, quam tenebat amplissimā angustia non caperet, immodicā bellorum proferendiq; Imperii cupiditate nimium deflagrans, ab Helvetiis semel iterumq; victus, in obsidione tandē Nanzæi castri, ab iisdem circumventus & trucidatus interiit. Hæc exēpla probè inspiciant omnes, qui sorte suā non contenti, regnandi nunquā satiandā libidine laborant, qui, ut Plut. ait in Pyrrho, *pravos majora habendi impulsus sequentes, non modò id assequuntur, ut anxii semper vivant; verum etiam, ut in gravissimas calamitates, & in ipsam mortem absq; ullius remedii spe cum populorum summā perturbatione, incurrant.* Atque hinc ambitiosas curas magis frenare, sibiq; terrarumq; orbi ad quietioris vitæ cursum rectius consulere discant.

Metum quoque alienæ potentiae crescentis, causam nonnunquam præbuisse infelicibus bellis, testis est Cræsus, Lydorum Rex, qui Cyro bellum movit, cujus potentiam metuebat, ne totam opprimeret Asiam, in quo captus parum abfuit, quin unā cum regno vitam amisisset, teste Herod. lib. i.

Testes sunt Galli Cisaipini, qui Senonū casu perpulsi, cum rebus suis timerent, initā cum Insubribus societate, eos quoque Gallos, qui trans Alpes ad Rhodanum habitabant, advocarunt; atque ita maximis contractis copiis in Hetruriam irruerunt, ubi à Romanis ad Telamonem,

Cc 3

Hetrurię urbem maritimam maximâ clade sunt victi, occisis eo in prælio quadringentis millibus, captis cum Congolithano Rege decem millibus.

Testes denique sunt Philippus & Perseus, Reges Macedonici, arma Romana lacescentes, metu Romanę potentię, quam cupiebant everſam, sed qui & ipsi eo in conatu à Romanis sunt oppressi.

Denique infidelitatem quoq; non esse justam belli causam, ac proinde bellare religionis propagandę ergo suscepta, ut plurimum cadere in perniciem, docemur exemplo Alexandri, Ducis Litvanorum, Vitoldi primùm dicti, qui Christianus factus, propagandę religionis causâ in Tartaros equitum peditumque supra centum millia eduxit. Primâ quidem & alterâ pugnâ ter centies millia Tartarorum cęsa, tertîâ tandem fusus Alexandri exercitus, cęsiq; ad interpeccionem penę omnes, vix ipse cum 7. comitibus evasit, ut scribit Crantzius lib. 9. Vandalicę c. 39.

Cæterum & hoc quoque notandum, non à solo eventu prospero aut infelici judicandum, utrũ justę an injustę susceptum sit bellum. Solet enim Deus plerunque vel hominum peccata, quorum poenę sunt bella, ita ulcisci, vel suos eò usque experiri, ut ipsorum consiliis, quamvis per se bonis atq; justis, longè alium tribuat exitum, quàm ipsi cogitarunt; & tamen interim nihilominus

minus manet justus, quocunq; instrumento sua judicia exequatur.

Priorem rationem confirmat Troja à Græcis everfa, decennali bello raptū Helenæ vindicantibus, in quo utrinque corruisse memorantur quindecies centena sexaginta millia hominum, ex Græcis (fi Dareti Phrygio credimus) octies centena octoginta sex millia, ex Trojanis verò usq; ad proditam urbem, sexies centena septuaginta sex millia. Hinc Herod. lib. 1. *Troja favillas & cineres, ait, oculis hominum esse propositas, ut sint exemplum regula, atrociam delicta atrocibus puniri poenis à Deo.*

Posteriorem rationem confirmat bellum Israëlitarum Benjamiticum, Deo ipso approbante susceptum, in quo bis quidē maximā cum clade à Benjamitis profligatus fuit exercitus Israëliticus; (occubuerunt enim priori in prælio 22. millia, in altero 18. millia,) tertio tamen in prælio ex Benjamitis ceciderunt 25. millia virorum fortissimorum. Atq; ita paucorū scelus publico exitio punitum est, cujus defensionem Benjamitæ publicè susceperant, impiisque armis propugnabant, Judic. 20. Eandem quoque rationem confirmat infelix Israëlitarum pugna cum Aitis, clandestinum Achanis furtū & sacrilegium justo Dei judicio, cujus vindicta acutè omnia perspicit, etiam quæ in telluris recessibus aguntur, lucentium, Josuæ c. 8. Quò populi quoque accessit

securitas ex felici Jordanis trajectu, & prospero
successu in Hierichuntis eversione nata. Quam
felicitatem perpetuò duraturā sibi persuaderi
ingentes conceperat spiritus, ac proinde omni
timoris Dei expers, hostesque contemnens, cum
paucā suorum manu expeditionem hanc suscep-
erat. Unde, quia extratellorum jactum se esse
opinabatur, ab hostibus foedam in fugam ef-
fectus. Huc etiam pertinet pugna Maxenti
tyranni ad Mursam Pannoniæ, cum Cōstantino
Imperatore, omnium gravissima, ubi multis u-
trinque cadentibus, prælium libenter Constan-
tinus diremisset, ne viribus Romanorum debili-
tatis, Imperium incursionibus Barbarorum pa-
teret. Tanto verò ex utrâque parte studio atque
ardore ibi pugnarunt, ut non solum usque ad ve-
speram, sed etiam ad summā noctem dimicando
pervenerint, ne tenebris quidem laxationem ul-
lam contentioni præbentibus. Ad extremum ta-
men pars Constantii superior evasit, hostibus in
fugam versis, atque triginta millibus interfectis
ut author est Sigonius lib. 5. Imperii Occiden-
talis.

Hinc patet, omnium horum bellorum exitum
fuisse secundum justitiam, etiam si
magnæ & multæ calamitates
utrinque interve-
nerint.

F L O S III.

Ne provoces bella, nec timeas: *Plinius*
in Panegyrico.

NEque verò solùm injusta, verùm etiam non necessaria bella ex temeritate, aut superbâ virium propriarum confidentiâ suscepta, infelices sortiri solent exitus. Etenim, secundùm Val. Max. libr. 9. c. 8. *temeritatis subiti & vehementes sunt impulsus, quorum ictibus hominũ mentes concussa, nec sua pericula dispicere, nec aliena facta justâ estimatione prosequi valent.* Nec minùs superbia omnis immoderatos parit impetus, qui ad inferendam aliis injuriam homines incitant, adeò ut etiam Dei ipsius obliti, possibilia pariter atque impossibilia, seu magno, seu parvo apparatu, etiam sine Deo (ut Ajax ille Sophocleus) se confecturos confidant, & dum majora viribus audent, iis tandem evertantur. Hinc rectè à Ludovico XI. Gallorum Rege dictum; *dedecus & detrimentum esse comites ac veluti pedisequas superbia & temeritatis.*

Notum hoc ex infelici filiorum Ephraimi in Palæstinam expeditione, qui gloriâ famâq; majorum elati, & impatientes servitutis Ægyptiæ, patre adhuc vivo, suis excutere virib. jugum tentarunt, terramque sibi promissam vi invase-

runt, sed Deo adverso præliantes, clade magnâ sternuntur, omnisq; illis pecorum hominumque præda adimitur, 1. Paralip. 8.

Similem fortunam cæteri quoque Israëlitarum postmodò sunt experti, qui, cum eos antea promissionibus divinis nimis incredulos poenituisset, egressus ex Ægypto, in quam reditum quoq; multi parabant, intellectâ Dei severitate præ nimiam audaciâ extemplo conati sunt omnes hostes opprimere, ut in terram promissam ingrederentur. Meritò igitur à Cananæis cæsi, sanguinolenti domum redeunt, Num. 14. *quia non minus ac diffidentiam & incredulitatem, audacem temeritatem abominatur Deus; severe præcipiens, ne quis declinet vel ad dextram, vel ad sinistram, & ne quid è dictis suis addat vel minuatur.*

Quàm infelix & calamitosa fuerit Xerxi, Persarum regi, expeditio in Græciâ, utpote qui cum multâ numerosissimi exercitus sui cæde & fugâ, à paucissimis cæsus & profligatus, inconsulti certaminis & temerariæ expeditionis insignes poenas dederit, ipseque tanti exercitus Imperator magnificus, tantâ clade oppressus, inermi nave per stragem corporum armorumq; vix evaserit, dictum in præcedenti flore.

Virtutis, Arvernorum Rex, virorū numero fictus, jactare erat solitus, fore, ut Romani ob insignem paucitatē ad escam canibus, quos Galli in exercitu alerent, haud satis futuri essent. Habebat

bebat enim sub signis ad centū octuaginta mil-
lia. Cæterū victus est Gallus, centum quin-
quaginta millibus bellatorum partim cæsis, par-
tim Rhodano submersis; præda ingens ex Gallo-
rum torquibus sublata; Virtutisque vivus venit
in Romanorum potestatem, de quo Cajus Cas-
sius Longinus, & Domitius Calvinus, consules
Romam reversi, celebrem triumphum egere, ut
ex Livianæ Epitomes libr. 61. refert Sabellicus
lib. 1. Ennead. 6.

Zopyrion Ponticæ regioni præfectus, ab Ale-
xandro Magno otiosū se haberi ratus, nisi aliquid
suo ductu eā quoq; parte gereretur, cum 20. mil-
libus hominum, Scytis, qui supra Pontum inco-
lunt, bellum intulit (a. M. 3699.) cæsusque cum
toto exercitu, pœnas luit innoxia gentis temere
laceffite, ut author est Sabellicus lib. 5. Ennead. 4.

Anno Christi 955. Hungari, Conradi Lotha-
ringiæ Ducis ductu tantā multitudine in Bava-
riam descenderunt, ut, nisi à terrā absorberentur,
aut à calo obruerentur, vinci se posse negarent.
Verū occurrente eis cum expedito exercitu ad
Lycum amnem Ottone Magno Imperatore, a-
missō Conrado, tantā strage pugnarunt, ut pa-
rem se de Barbaris victoriam Germani retulisse
non meminissent, ut ex Sigeberto author est Si-
gonius lib. 6. regni Italici.

Haraldus, Danorum Rex, contra Ringonem
Suconum Regem, suum ex sorore nepotem, levit

de causâ bello moto septennium integrum in ejus apparatu consumpsit; mare, quod est inter Sialandiam & Scaniam, navibus ita constravit, ut pedestri itinere ultrò citroque commeari posset; Ringo bis mille ducentas naves habuit, prælio in campis Pravellanis inter Wick & Werundiam collato; Sueones amissis procerum duodecim millibus Danorum Regem Haraldum cum 30. millibus procerum occidere, ut Saxo scribit lib. 8.

Ottocarus Bohemiæ Rex, indignè ferens à Rudolpho primo Cæsare sibi in præstando obedientiæ sacramento illusum, quin etiam uxoris Cunegundæ furiis stimulatus, cum in suos consiliarios, quorum suasu Imperium sibi à Germanis oblatum respuerat, & in Rudolphi sibi deinceps substituti verba juraverat, mulctis & proscriptione sæviret, & ad arma contra Cæsarem rediret; ab hoc ad fluvium Marum victus, in acie pugnans occubuit, teste Dubravio lib. 17.

Sic & Carolus Octavus, Galliæ Rex, tamen neque manu, neque consilio multum valeret, tamen amplissimis maximi atque opulenti regni viribus innixus, 23. annorū adolescens, & pacem in Italia evertit, & rem Gallicam armis atque ausu plurimum illustravit, ut Jovius scribit lib. 1. historiarum.

Sic & Pontificis autoritate ruptis à Juliano Cardinale federibus, cum Turcâ in decennium à Vla-

à Vladislao, Rege Ungariæ, pactis, cùm in prælio ad Nicopolim sive Varnam Johannes Corvinus, & Michaël niger, exercitus Vladislai præfecti, duos Amurathis, Turcarum Imperatoris, Bassas fudissent; Rex gloriæ cupidus, ut veluti Duces cum Ducibus, ita Rex cum Rege congredetur, moræ impatiens, quadrato in Amurathē agmine contendit, intra munitiones ac vallum cum Janizaris se continentem, & Corvini monitorum immemor, vix cū 70. equitibus per aditum intra castra rumpens, à Janizaris equo suffosso captus & interfectus, caputque hastæ præfixum, vallo impositum fuit.

Pari fato oppetierunt, quicunq; cum eo castra invaserunt, reliqui in fugâ, partim fame, partim voragine paludum absumpti supra 30. millia; ipse Amurathes victor è suis 40. millia desideravit, ut testantur Jovius in vita Amurathis, Crom. libr. 21. Bonfin. lib. 6. dec. 3.

Anno salutis 1514. Selimus, Turcarum Imperator in Armeniam irrumpens, cum centū quinquaginta millibus armatorum, in Calderanis campis ad Chom, quæ olim Artaxata fuit, contra 30. millia equitum Persarum cruento prælio confligit, 30. millibus suorum, flore exercitus, desideratis, ita ut, licet victor, fugâ maturâ sibi consuluerit, relictis bellicis tormentis, quibus victoriam dubiam assecutus fuerat, ut ex Jovio refert Sabellici supplementator lib. 4. Hinc patet, quo-

modo Deus eminentissima quæque deprimere soleat, nec Adraſtea insolentiam ſinat abire impunitam; quomodo item temeritas homines ad infaniam, & ad nihilū adducat, & quā infelices ſint eorum conatus, qui res non neceſſarias movent, utpote quæ ſemper conjunctam habent aliquam injuſtitie cauſam, licet quandam juſtitie imaginem illa repræſenter.

Probatuꝛ hoc bello Amaſie, regis Jude, Iſraëlitico; hic nimirum cum Idumæis congreſſurus, 100. millia militum ex regno Iſraëlitico 100. talentis conduxerat, ſed quos ilicò propheta ſuaſu dimittebat, utpote qui obſuturi eſſent ipſius laudi & victorie, eò quòd Deum iratū haberent. Hi ergo dimiſſi civitates Jude, cæſis tribus millibus, vaſtarunt atq; diripuerunt. Hanc injuriam Amaſias armis vindicaturus, ex voto partā de Idumæis victoriā, Joam regem Iſraëliticum bello petulanter laceſſit & provocavit, 4. Reg. 14. Hoc bellum etſi primā quidē ſpecie juſtum videtur, minimè tamen neceſſarium fuit & juſtum, quia ipſe Amaſias primam injurie huic præbuit occaſionem, vocando impios Iſraëlitas in auxilium; deinde eum decuiſſet antè tentare prædæ reſtitutionem abſq; armis; inſuper bellum hoc movit ex merā victorie de Idumæis partæ inſolentiā, nec conſulto, imò irato Deo ob Idumæorum idola in Judæam adducta, & minas intentatas propheta, iſtam ejus impietatem arguenti. Denique

inique nec par erat Joæ Regi potentiâ, quòd hic cum facetè admonuit, ficto apologo de carduo, cedri filias ambiente, & à bestiis istius salus præ contemptu conculcato. Quo innuere voluit, ne ipse victoriâ semel partâ clatus, periculosâ istâ & infelici πολυπραγμοσύνη, stultâque temeritate & ambitione malum sibi crearet. Sed admonitione repudiâtâ, Amasias ad prælium egressus, expertus est fortunam hominum sine Deo pugnantiû, & alios temere provocantium. Desertus enim à suis, in manus venit hostis, qui parte mœnium urbis Hierosolymæ dirutâ, thesauris tam sacris, quàm regiis direptis, & acceptis obsidibus, Amasiam graviter mulctatum, ægrè dimisit incolumem.

Rectè igitur Pindarus in Olympiis: Ἐὰ πόλεμον, ἔα μὲν χὼν πρὸς Θεῶ. *Omitte bellum, omitte pugnam sine Deo.*

Hinc meritò in Augusti laudem prædicatur, quòd nulli genti sine justis & necessariis causis bellum intulerit, *jaçtantis ingenii esse affirmans, ob triumphalis pompæ superbiam & lauream corellâ, civium vitas ac securitatē periclitari.* Quid? quòd etiâ *justa causa nō semper prospero gaudet successu?* testatur hoc præter alia exempla sub finē præcedentis floris adducta, clades Ludovici II. Regis Hungariæ, in campis Mohacensibus, quâ Buda quoq; est amissa, qui omniû Principû Christianorû aliis bellis, tû impeditorû, destituitur auxilio,

(præterquam Clementis VII. Papæ, qui Bohemis & Germanis peditibus nonnullis è suo stipendia exhibebat;) Solimanno, Turcarum regi, qui bellū ipsi indixerat, obviam profectus, quādam potius fatali necessitate, quā aut belli ratione, aut spe victoriæ ductus, cum exercitu miserè periit, de quā clade vide Sleidanum lib. 6.

Nemo igitur justitiæ causæ suæ nimis confidat, multoque minùs suis viribus. Nec enim illa ad perpetuum successum & eventum sufficit, sed modus agendi; ac proinde satius est, alia remedia experiri, de quibus prolixè monuimus in strategematographia nostra. Quibus omissis bona causa malè agendo corrumpitur. Liquet hoc ex bello Flandrensi apud Æmiliū lib. 8. quo per quinquennium ter centum millia, & amplius nobilissimorum & fortissimorum Francorum occubuere. Desciverant nimirū à Philippo Pulchro, Francorum Rege, Flandri: contra eos Robertus, Atrebatum Comes, missus, qui cum odio gentis excæcatus fureret, & frustra reclamante Reginaldo, magistro equitū, castra hostium situ loci munitissima oppugnare aggrederetur, maximæ cladis ad Curtracum acceptæ author fuit, qua 12. millia Francorum cum nobilissimis Ducibus periēre, in quibus Reginaldus; in corpus etiam Roberti Atrebatis exanime sævitum. Non igitur satis est, laceffitū aliquem justè armare capere ad injuriam depellendam, sed modum quoque

quoque agendi oportet observare, juxta illud, Deut. 17. *Quod justum est, justè persequaris.*

Ceterùm quare & quomodo temerarii & in-tempestivi cum hostibus conflictus cohiberi debeant, exposuimus in strategem. lib. 2. c. 23.

Quemadmodum autem bellum temere non est suscipiendum, ita nec timide detrectandum. Nec enim minùs ad temeraria consilia timidus ex desperatione, quàm temerarius ex suâ temeritate convertitur. Cùm Perseus in maria insulamq; Samotiã fugeret, fretus celebri religione, meritò ridetur à Floro lib. 2. c. 12. *quasi templum & ara possint defendere, quem nec montes sui, nec arma potuissent.*

Cùm Isaacius Angelus, Imperator Constantinopolitanus, à Branâ obsessus, an. Christi 1195. abjectis armis tantùm ad Minoritarum confugeret preces, reprehensus fuit à Conrado Marchione Montisferratensi, *non quòd precibus nihil esset fidendum, sed quòd non iis solùm, sed & thorace & gladiis pugnandum*, teste Nicetâ libr. 1. Annal.

Sua quidem tueri, prius est atq; praestantius, quàm aliena appetere; sed tamen oportet eos, qui citra periculũ velint vivere, occurrere malis impendentibus; & si in praesentiã crescentis plantæ radicem facile prascindere possis, nō est cunctandum, neq; expectandum, ut acceptam injuriam ulciscaris, cùm adversarii malè cogitantis conatus, oppri-

mere liceat, ut Nicephorus Gregoras monet hist. lib. 5.

Gravium quidem hominū est, inquit Thucydides lib. 1. si non laceffantur injuriā, quiescere; fortium a. si laceffiti fuerint, pacem bello mutare, eosdemq; re bene gestā rursus in concordia redigere, neq; bellorum prosperitate extolli, neq; ex otio pacis voluptate captos pati injuriam. Nullo igitur modo prudētes sapientēsve illi habendi sunt, qui futura suprà, quàm par est, timent. Hoc nomen, hæc laus multò meliùs fortibus, magnoq; animo viris convenit, qui pericula quidem cognoscunt, eaq; expendunt, (in quo à temerariis, qui nec ea cognoscunt nec ponderant, differunt;) sed tamē, quàm sæpe homines nunc casu, nunc virtute è multis difficultatib. sese explicent, etiā animadvertunt. Verùm ita ferè fit, ut pauci admodū expedire se possint; à periculis, eaq; tēpestivè vitare; alii qui experiētiā nullam habeant, neq; similia exēpla observarint; alii studio & amore liberorū, uxorum, familiæ & possessionum cavere sibi non possint; & tametsi præmoneantur, tamē his vinculis impediti, in maximas sæpe calamitates incidunt; imò timor mentes oculosq; hominū ita obrundit, ut anxiiis suspensisq; frequenter vanæ atq; inanes remotissimarū rerum imagines deceptis sensibus offerantur.

Exemplo est Maxētijs tyrannus, qui audiens, Constantinū Magnū adductā in potestate omni circum-

circum-Padanâ Italiâ, Româ versus pergere, non solum urbe, sed etiâ parietibus se tenuit, aut prodigiis, aut infaustis fortunę suę præfagiis territus; non in campû ire, non exerceri armis, nō pulverē pati studuit; tantum in palatio ambulabat, aut in hortos Salustianos se cōferebat, & his deliciis turpissimâ suam formidinē contegebat. Ac ne tū quidem, cū adversa suorum prælia ad Taurinum, Brixia & Veronam audiit, obviam ire contendit, sed literas cladium suarū indices supprimebat; interdū etiam palam, ut usq; ad portas veniretur, optabat. Cōstantino tandē exercitum ad Tiberim adducente, ibiq; castra figente, ab obsidione tamē urbis abhorrente, ne Romanos, quorū incolumitati consulebat, graviore aliquâ calamitate afficeret, Maxenti⁹ ē palatio migrans cū uxore & filio in privatâ domū, quasi se abdicaret Imperio, spōte abiit, biduoq; post magicis p̄stigiis & fallaciis suis fretus cū 170. millib. peditū, & 18. millib. equitū, Tiberim trajecit; ubi prælio factō, per pontē fugiens, in Tiberim præcipitatus periiit, author Sigon. libr. 12. Imperii Occidentalis.

Sic & cū Carolus V. Cæsar 3. bello Gallico Imperii & Angli viribus subnixus, Galliam invaderet; Franciscus rex, quōd Helvetii nondum advenérant, prælium declinabat, ita ut Cæsar promotis castris, nemine resistente, Castrotercum usque ab urbe Lutetiâ non bidui viâ positum oppidum, progredereur, cūque inde, posthabitis Regis legatis de pace missis, Lutetiam usq; per-

venisset; tantâ in urbe exorta est trepidatio, ut fugerent omnes, qui paulò lautiori essent fortunâ, nec Regis edictis, fugam prohibentis, contineri possent; & fœx tantum hominum maneret, à quibus, ne urbs quidem inprimis opulenta diriperetur, periculum erat, ut Sleidanus scribit lib. 15.

Unde perspicitur, verum esse Thucydidis illud lib. 2. *Sine animi præsentia artem contra periculum nihil prodesse. Timor enim memoriam excutit, & ars amittitur animo languefacto.*

Incredibilis quoque timoris & pavoris exemplum est Neclan, Bohemiæ Princeps, qui à Vladislao Lucensi Principe, suo agnato, regni causâ bello petitus, cum per legatos pacem petens, nihil proficeret; nihilominus tamen instar foricis, in conspectu felis apparere non audentis, in tabernaculo deliruit, nec in aciem protrudi potuit. Omnibus tandem urgentibus, misit Siderium à Chaynovo, equitem strenuum, qui personam & nomen Principis gerens, in eadem quâ Vladislao pugna victor occubuit, teste Dubravio lib. 3.

Non desunt quoque eorum exempla, qui iustas suæ timiditatis pœnas dederunt. Marcum Claudium senatus Coris, qui turpem cum his pacem fecerat, dedidit, quem ab hostibus non acceptum, in publicâ custodiâ necari iussit, ut author est Valer. Max. lib. 6. c. 3.

Sic & Pisaurinus, Venetæ classis præfectus, Gabrieli

Gabrieli Rippæo Veronensi, ad Obratium Dalmatiæ oppidulum oppugnandum missò, quòd conspectis paucis Turcis equitibus, auxilio oppido venientibus, turpiter in fugam se coniecisset, in ipsa Prætorix prora cervices abscidit, teste Jovio lib. 36.

Veneri, cùm Mahometus Eubœam insulam oppugnaret (A.C. 1470.) Nicolaum Canalẽ, Venetæ classis Ducem, quòd præ ignaviâ obsessis opem non tulisset, perpetuo exilio damnarunt; *inutilem eum civem ducentes, qui pluris vitam, quàm Christi religionem, patriæ honorem, & tam multorum civium salutem fecisset*, teste Fulgoso lib. 2. c. 2.

Ferdinandus IV. Castellæ Rex, Alphonsum filium, heredem & successorem instituit, Jacobo primogenito abdicato, quòd contra Sardos rebellantes in Sardiniam à patre missus, expeditionem istam simul & regnorum successionem recusasset, ut author est Tarapha de Regibus Hispaniæ.

Meritò ergo nimia in Rep. timiditas viri, ad omnem strepitum expavescantis, nihil audentis, pessimisque se submittentis, gravissimas meretur reprehensiones, ut Plut. in
 comparatione Nitix &
 Crassi.

F L O S I V.

Belli alea dubia.

PLurima in bellis gesta experientiam rerum, rursusq; imperitiam generant. Magnum quidem est, eum, qui victorię principium nactus est, illud in consequentiam extendere. Multo autem majus est, eum, cui priores conatus non successerunt, apud se manere, & considerare infelicium vecordiā, illorumq; errata diligenter observare. *Est enim sæpenumero videre, eos, qui primas consecuti videntur, paulo post omnib. in universum frustrari. Rursus, qui initio prolapsi videbantur, vice versa cuncta sibi propriā restituisse industriā, ut eleganter hæc disserit Polybius lib. II. hist. Regem quoq; vel civitatem quampiam suscepto bello, malè rem gerere fortunæ vitio, sæpius contigit, inquit Pausanias lib. 7. Et, ut Thucydides lib. 5. interdum communis est belli fortuna magis, quam pro eximio partium disidentium robore, & copiarum numero. Errant igitur, quicunque in bello omnes secundos expectant eventus, ut est apud Cæsarem de bello Gallico lib. 7. Nec enim Duces belli Deum aliquem sponsores habent vitæ eorum omnium, qui sunt pugnaturi, nec certis conditionibus verbisq; conceptis Imperia accipimus, ut omnes hostes evincamus, & nullos de nostris*

nostris amittamus, (quis enim mortaliū omnes tam consilii, quàm fortunæ eventus in seipsum recipere auderet?) *sed semper magna facinora magnis emimus periculis*, inquit apud Dionysiu Halicarnass. lib. 9. Spurius Servilis. Sæpe etiam ad victos redire victoriam, & calamitosos plerunq; à fortunâ juvari, multis compertum est historiis.

Cyrus Rex, cū Massagetæ ingenti clade affecisset, cæso etiam unico Regis filio, Thomyris Regina dissimulans ægritudinem, parvâ manu hostium ingentes copias fudit (*an. M. 3458.*) & ducenta millia Persarum unâ acie trucidavit; tantâ cæde, ut ne nuncius quidem luctuosæ cladis superesset, teste Justino libr. 1. & Herodoto libr. 1. Idem Herodotus libr. 4. author est, Amazones, Græcos omnes, à quibus superatæ erant, somno oppressos in mari interfecisse, & se in libertatem vendicasse.

Leonidas, Spartanorum Rex, cum trecentis sociis ad Thermopylas Xerxis, Persarum Regis, exercitū sustinuit, ut, quamvis omnes cæsi fuerint, victores tamē eo ipso censeri debeant, quòd Xerxem paulò majoribus copiis vinci potuisse ostenderunt, ut Sabellicus scribit libr. 6. c. 7. & Volaterran. libr. 16. Ἀθηναῖοι.

Conon, Atheniensium Dux, navali prælio victus à Lysandro, Lacedæmoniorum Duce, eundem post terrestri prælio vicit, & Atheniensibus libertatem restituit.

Secundo bello Punico, fortuna rem Romanam ad Ticinum perculit, ad Trebiam fregit, prostravit ad Thrasymenum, ad Cannas afflixit, jacentem & proculcatam ad Nolam suscitavit, in Hispania erexit, ad Metaurum restituit, ad Ramam victricem declaravit. Accidit sanè, ut nullo unquam bello ita propiores fuerint periculo Romani, qui Deum vicere, scribit Sabellius lib. 7. c. 8.

Festus Pompejus, teste Erasmo, & Cælio Rhodigino, indicat, Osculanam pugnam proverbio dici solitam, quoties victi vincerent, idque inde natum, quod Valerius Levinus Imperator, primò à Pyrrho Epirotarum Rege, à Tarentinis in auxilium accersito, victus, paulò pòst eundem Regem vicerit.

Lucius Æmilius Paulus junior, proconsul, in Hispania primùm cum Vaccetanis & Lusitanis adverso Marte pugnavit apud Lyconem oppidum, ubi 6. millia de ipsius exercitu ceciderunt: insequenti anno eosdem Lusitanos fudit, caesis 18. millibus, captis verò 3. millibus & trecentis, ob quam rem supplicatio ei decreta, ut ex Livio annotat Volaterranus lib. 13. c. 3.

Apolloniæ in Epiro, cùm opposita haberent castra Cneus Pompejus, & Julius Cæsar, ferebantur quotidie intra vallum Pompeji tumultariæ pugnae, in quibus Cæsar omnibus superior extra unam fuit, in qua, cùm foedè fugerent sui,
castra

castra penè amisit, adeoq; res deploratæ Cæsaris erant, ut, cùm Pompejus sine suspitione aliquâ, sine fortunâ non esset actum tam eximium prosecutus, sed compulsis intra vallum iis, qui fugiebant, receptui cecinisset; Cæsar discedens, diceret ad amicos: Hodie penes hostes victoria fuisset, si habuissent vincentem. Ergo mutato cōsilio instituit in Macedoniam contra Scipionem inducere, ut Pompejum quàm longissimè à mari traheret, ne à classe subsidium habere posset. Sic tandem in campis Pharsalicis victor bello finem imposuit, ut in ejus vita scribit Plut.

Contra Narsei, Persarum Regis, immensum exercitum juvenili ardore progressus Galerius à Diocletiano adoptatus, haud longè à Carris victus, omnem penè amisit exercitum. Acerrimè itaque à Diocletiano castigatus, hac contumeliâ quasi cote usus est ad virtutem. Nam refecto supplemento, ex lectissimis militibus Daciæ, Illyriæ ac Mœsiæ, contra Persas feliciore auspicio profectus, ut ignominiam aboleret, omnia priùs diligentius exploravit, quàm manus consereret. Itaque in majori Armenia castra noctu hostilia ex improvviso 20. millibus equitum adortus, Persarum multitudinem felici victoriâ stravit, & fines Romani Imperii longiùs produxit: fugatus vulneratusque Narseus ad invios Parthorum montes recessit, teste Cuspiniano in Cæsaribus.

Constantius Chlorus, quem Maximilianus

adoptaverat, Galliis præfectus, apud Lingones uno die utramque fortunam est expertus, ut ibidem tradit Cuspinianus. Cum enim Alemanni magno irrumperent impetu, Constantium in fugam verterunt: is portis metu hostili occlusis, demisso fune per murum in urbem receptus, milites simul & cives adhortatus, ut fugæ ignominiam virtute delerent, eruptione factâ prope 60. millia hostium cæcidit. Quâ victoriâ liberatæ Galliæ, attritæ Germaniæ vires suas amisere.

Parma civitas, in schismate illo gravissimo inter Fridericum II. Imperatorem, & Innocentium IV. Papam, ab Imperatore biennio integro fuit obsessa; tandem eruptione factâ, obsessi exercitum hostium securum fudere, castraque, sub Victoriæ urbis nomine cepere, ut Crantzius scribit lib. 8. Saxon. c. 13. & 14.

Sic & ad Morthlacum, Marreæ vicum, Malcolmus secundus, Scotorum Rex, Enetum Suenonis, Regis Daniæ, & Angliæ Regis Ducem, victorem ipse victus adortus, equo dejectum interfecit, ut author est Hector Boëtius lib. II.

Huc quoque referendæ victoriæ & clades Alexandri, Ducis Litvaniæ, & Ludovici Comitis Flandriæ, paulò antè adductæ, flore 3. & 4.

Ex quibus omnibus liquet, Martem esse *ἀντιστοιχόν*, ipsumque bellum rem dubiam & incerti eventus, & quod momenta recipiat in utramque

tramque partem repentina, alternasque vices, & quòd omnium maximè pendeat à divinâ quâdam & supernâ necessitate, ut Agathias loquitur lib. 3.

F L O S V.

Bellis civilibus nihil pejus, nihil miserius.

Bellò tertio Punico, cùm in senatu Romano de excindendâ Carthagine diversis sententiis certaretur, etsi tunc vincebat Marci Catonis sententia, suadentis omnino hoc bellum & excidium Carthaginis, quæ quietura non videbatur, sed potius metuebatur, ne gravis illa adversaria immineret Romæ, subindeque fidem frangeret; sanius tamen, salubriusque populo Romano fuit Scipionis Nasicæ consilium, si ab eventu futurorum seculorum id ponderamus, qui belli hujus tam acerrimus fuit dissuasor, quòd justa ejus inferendi abesset causa, quàm excidii ipsius Carthaginis: *severitatem istam à Romanâ clementiâ alienam esse dictitans, & sublatâ istâ urbe fore, ut simul tolleretur eos Romana rubiginis.* Norat nimirum vir optimus & sap. externum timorem maximum concordie civium esse vinculum, & pacem sæpe periculosiorem esse bello; & quòd multis noceat, adversario caruisse, dum quorun-

dam virtus in otio lateat, aliorum prorsus emarcescat, locum submoti hostis occupante luxuriâ, utpote quæ primam aperit fenestram ruinæ, regnorum & Rerump. *Utiq; enim nulla homini pertinacior lis est, quam cum animo moribûsque suis, & nunquam minus induciarum, quam cum intra murum pugna conferitur; quod genus hostium bello languidum, pace fervidum experimur, & sub toga plus ausurum, quam sub galea.*

Quod Romanorû exemplo satis liquet, quos bello indomitos, & omnium gentium victores, pax tranquilla perdomuit, & ut quidam illius evi scriptor eleganter conqueritur, *victum orbem victorum victrix ulta est luxuria.* Hinc & Augustinus lib. 3. de civitate Dei c. 21. Ultimo bello Punico, inquit, uno impetu alterius Scipionis æmula Imperii Romani urbs à stirpe deleta est, ac deinde tantis malorum aggeribus oppressa Romana Respub. ut prosperitate & securitate rerum; (unde nimium corruptis moribus mala ista cõgesta sunt,) plus nocuisse mōstretur eversa, quam priûs nocuerit tamdiu adversa Carthago. Nimirum ita ferè accidit, ut ciyes foris securi, domi ex nimio otio in luxuriam, superbiam & ambitionem ruentes, simultatibus primùm, dehinc factionibus, postremò magnis & perniciosis tumultibus Remp. perturbent, & in propria patriæ viscera nefarias manus stringant, quæ Ro-
mano-

manorum bellis civilibus Tacitus lib. 2. hist. illustrat: Vetus ac jam pridem insita mortalibus potentia cupido, inquit, cum Imperii magnitudine adolevit erupitque. Nam rebus modicis æqualitas facile habebatur; sed ubi subacto orbe, & æmulis urbibus, Regibusque excisis securas opes concupiscere, vacuum fuit; prima inter patres plebemque certamina exarsere, modò turbulenti tribuni, modò consules prævalidi, & in urbe ac foro tentamenta civiliū bellorum; mox ex plebe infimâ Cajus Marius, & nobilium sævissimus Lucius Sylla victam armis libertatem in dominationem verterunt, post quos Cneus Pompejus occultior, non melior; & nunquam postea, nisi de principatu quæsitum. Non discessere ab armis in Pharsalia ac Philippis civium legiones, nedum Ottonis ac Vitellii exercitus sponte positura bellum fuerint; eadem scelerum ira, eadem hominum rabies, eadem scelerum causæ in discordiam egere. Et Orosius lib. 6. hist. c. 17: Medeam illam fabulæ ferunt dentes quosdam occisi serpentis sevisse, è quibus quasi competens semini seges, armati homines terrâ emerferint, seseque mox invicem pugnando prostraverint. Roma autem, Cæsare occiso, quanta de cinerib ejus agmina armata patturiit, quanta bella in testimonium miseræ fecunditatis non legenda pueris, sed spectanda populis, excitavit. Et tamen horum omnium malorum initium su.

perbia est, inde exarserunt bella civilia, inde iterum pullularunt.

Calamitatem horum bellorum civilium luculentius persequitur Sabellicus libr. 1. Enneadis 6. his verbis: Romana civitas excisâ Carthagine, Numantiâ eversâ, velut nullum amplius superesset certamen suis viribus dignum, quàm validae illæ essent, in seipsam experiri adorta est, sed tanto quidem id scelus est cum pudore ab initio tentatum, ut Tiberius Gracchus, & qui cum comprimâ civili discordiâ perierunt (a. M. 3839.) subfelliolum fragmentis, quando in civem ferrum stringere, impium crederetur, interfecti sint. Secuta est Caii Gracchi cædes (a. M. 3851.) Ac tunc primum civili sanguine Romanum ferrum imbutum, in eo tamen temperatum, quod in paucorum capita cædes est ista pervagata. Sed ut feræ quædam, quæ, humano cruore semel gustato, in apertam rabiem exeunt, ita civitas, suorum civium sanguine semel atque iterum infecta, in tantam domestici cruoris sitim exiit, ut justâ acie sit nonnunquam inter cives, in parentum & natuum conspectu, mediâ urbe dimicatum. Hinc nefarium illud Caii Marii & Lucii Syllæ certamen (a. M. 3884.) quod tot millia civium patriæ abstulit, triste ac durum futuris malis rudimentum. Gesta sunt inde alia civilia bella, quorum velut non satis capax esset Roma, nō satis Italia, nefasque putaretur, civem in eo solo cadere, in quo &

quò & natus esset & educatus, civilis furor in Macedoniam primò translatus (*a. M. 3923.*) est; ad Meridiem mox se vertit, & inde ad Occidentem, ut omnibus diffunderetur terris victoris populi cruor. Senferunt & maria id nefas, Lybicum, Siculum, Ambracium; at postremùm terræ rursus, Philippi, Gallia, Germania; ne qua mundi plaga esset, non Romani sceleris conscia; donec civitas, omnium alioqui, gentium victrix, in suum concidit vulnus. Ex quibus omnibus, quæ huc usque de Romanorum bellis civilibus dicta sunt, videre est, *civilib. bellis nihil esse pejus, nihil miserius, nihil humanâ societate indignius, utpote in quibus secundùm Tacitum lib. 3. hist. non ætas, non dignitas quemquam protegit, quò minus supra cædibus & cædes stupris misceantur, & in quibus, ut Dionysius Halicarnass. scribit lib. 6. victos sequitur miseria, victores injustè faciunt, & accidit illis quidem, ut ab amicissimis perdantur, istos verò, ut amicissimos perdant: quod ex lugubri isto apparet prælio, quo apud Janiculum adversus Cinnam pugnatum est (a. M. 3885.) ubi ignorantes duo concurrerunt fratres, alter ex Pompeji, alter ex Cinnae exercitu. Pompejanus victor, cum occisum à se hostem spoliaret, agnito fratre, ingenti lamentatione editâ, rogo ipsi exstructo, ipse super rogam se transfodit, atque ita eodem igne est consumptus. Miserius autem in bellis civilibus nihil est, (inquit Cic. pro Marco*

Marcello) *quàm ipsa victoria*; *quàm foedum in* modum Marium & Syllam invicem in alterius amicos exercuisse hoc ipsum testatur bellum; & *quamvis hæc ad meliores venit, tamen eos ipsos* ferociiores & impotentiores reddit, ut, etiam si tales naturâ non sint, necessitate tamen esse cogantur; id quod in civili bello Cæsaris cum Pompejo videre est, quod ab his accensum (*a. Mundi 3923.*) à Triumviris mox est continuatum (*a. M. 3929.*) qui in proscriptione inimicorum suorum ipsos quoque amicos prodere, atque ita alter alterius sævitæ & odio gratificari coacti sunt.

Quantis verò odiis, & *quàm fortunâ variâ* bello Peloponnesiaco per 27. annos Athenienses & Lacedæmonii inter se ob Græciæ dominatum concertarint, & suis discordiis omnem reliquam Græciâ implicuerint, prolixè describitur à Thucydide lib. 8. & Diodoro Siculo lib. 11. & 13. Hoc in bello multæ urbes funditus sunt deletæ, multi cives interfecti, & extinctâ naturali *σπυγὴ* sævitiam exercuerunt cognati in cognatos; ipsa Attica urbs in tristē incidit servitutem, ejusq; muris ad tiliarum cantum dirutis, à Lacedæmoniis victoribus impositi 30. tyranni (*a. M. 3568.*) qui in præcipuæ nobilitatis viros crudeliter sævierunt; Lacedæmoniorum exinde vires in pugna Leuctrica fregerunt Thebani, de quo vide Pausaniâ lib. 9. & Diodor. Sicul. lib. 15. Exortum tandem bellum sacrum, sive Phocicum (*an. M. 3616.*) in quo

quo cùm Græciæ civitates attraxissent Philippum Macedonē, exhaustæ viribus, oppressæ sunt tristi servitute, ut videre est apud Pausaniam lib. 10. & Diodor. Sicul. libr. 16. Sic ergo Græciæ civitates, dum imperare singulæ cupiunt, imperium omnes perdiderunt, & dum in mutuum exitium sine modo ruunt, omnibus perire contigit, & quod singulæ amitterent, oppressæ demum servientesq; senserunt, quarum insanas concursationes dum Philippus veluti è speculo observaret, auxili-umque semper inferioribus suggerendo, contention-ones, bellorum fomites, callidus belli artifex foveret, victos sibi pariter victoresq; subjecit, ut eleganter scribit Orosius lib. 3. hist. c. 12.

Porro, quomodo *bellorum civilium insaniam omne sanctum ac sacrum profanetur*, ut Seneca scribit libr. 1. de beneficiis c. 10. patet quoque ex Monstreleti lib. 1. rerum Gallicarum c. 79. & seqq. ubi describitur, quomodo inter duas regias in Gallia familias, Aurelianensem & Burgundicam, totos 60. annos perpetuis bellis fuerit certatum, in quibus similiter nihil sævitiæ omissum, præsertim à Parisiensibus, qui Burgundi partes fovebant. Illi Connestabilem, illi cancellarium Gallie obtruncarunt, & utriusque corpus plurimis ludibriis vexatum passim per vicos raptarunt, illi multos præterea proceres & Episcopos, & tria millia ferme illustrium virorum custodiis extracta, crudeliter mactarunt. Dux sævienti turbæ

Capiluchius sese obtulit, Parisiensis carnifex, sed earum partium quoq; fautores, crudelitate nondum expletâ, Anglos in Galliâ vocarunt, qui ea propè potiti sunt; Carolum VI. Regem, adversus filiû, Gallorû alteros in alteros armarunt; imò, ne quid inausum relinqueret, supplicia in defunctos cõposuere. Nã extortis à Papâ bullis, Aurelianensis domus cliētes excommunicationib. atq; interditiis mortuos juxta ac vivos persequebantur. Et enim si cuj⁹ Aureliani, sive is morbo, sive in p̃lio, sive in vinculis mortu⁹ esset, corpore potirentur Burgundici, sepulturâ p̃hibebant; itaq; in exquiliis insepulta cadavera lupis & feris abjiciebātur.

In Anglia quàm cruentis lanienis & parricidiis mutuis ultra centum annos perduravit regiae familiae, Eboracensis & Lancastriensis, proxime Polydorus describit 6. libris posterioribus.

Hi illi sunt praeclari fructus bellorû civilium, quæ, ubi semel efferatis odio animis in morem vertere, in scelera, quamvis immania & nefanda, prorumpunt, dum non jure, sed utilitate suos amicos atque inimicos, ii, qui rerum potiuntur, æstimant, ac pro opportunitate temporis & hostes & necessarios suos judicant. Cæterum quòd *regna externis bellis qua steterunt, domesticis nullo impellente ruant*, Sen. 92. planum fecimus in flore 21. Coronæ 1. exemplo 3. Monarchiæ & Romani Imperii tã in Oriente, quàm in Occidente. Quocirca non immeritò quis *bella civilia mare calamitatum* dicet, & cum Nestore eum, civile

Bellū qui inferre parat patriæ, nō secus ac viscera sua lacerantē, detestabitur apud Homer. Iliad. 9.

Flagitiosus is est, sceleratus, inutilis, excors,

Quisquis amat patria bella intestina movere.

Cujus mentem explicuit & diffudit magis Cicero Philippicā 12. *Nec privatos, inquiens, fo-*
cos, nec publicas leges, nec libertatis jura chara ha-
bere potest; quē discordia, quem cades civiū, quem
bellū civile deletat, cuiq; ex numero hominū ejici-
endū, & finib. humana natura exterminandū puto.

Quamobrē sapiens Princeps nulli rei, nulliq; labori parcat, ut dissidia intestina maturē sopiat; memineritq; Liviniani illius dec. 1. lib. 7. *condi-*
tionibus iniquis potius esse standum, quā impias
inter cives conferere manus.

Documento sit Carolus VII. rex Gallia, quo adhuc Delphino, Joh. Burgundiæ Dux, Ludovico hujus patruo per insidias interfecto, regnū armis peregrinis & civilib. impleverat, ipsumq; Regem Carolū VI. cum Reginā in suam potestatē redegerat, ut Delphino bellū inferret. Hæ satis justæ & idoneę visæ sunt causæ Delphini familiarib. ut adversus Ducē audax aliquod facin⁹ moliretur; idq; adolescenti facile ab illis est persuasum. Carolus itaque simulans, pacem se optare, misso ad Ducem nuncio, locum & tempus mutui congressus deligi petiit. Locus igitur designatur, Monstreolum oppidum situm ad Vonnæ & Sequanæ confluentem. Quā fide à Carolo acceptā;

eniens Dux, cum Delphinum salutaret, ab ejus
 omnitibus circumventus, cum nonnullis clientibus
 trucidatur. Hujus filius Philippus foedam
 patris necem adeo indignè tulit, ut ex eo tem-
 ore omnia moliri cœperit, quibus eam ulcisceretur.
 Itaque jam antè cœpta bella civilia in lon-
 gum trahebantur, Angli per speciem alienæ per-
 sequendæ injuriæ in Gallia res suas agebant,
 Normanniam, Lutetiam, Picardiæ magnam par-
 tem sibi adjungebant, Aureliam jam quoque
 obsidebant. Inter has rerum moles Ca-
 rolus VI. moritur; Carolus itaque VII. regni
 paterni hæreditatē adiens, sed magnâ ejus parte
 exutus, regulus Biturigum per ludibrium voca-
 batur. Hic sapienter cogitans, fore, ut brevi, si
 longius bella serperent, cætera quoque amitte-
 ret; totus in pacis studium versus, omni opere
 contempsit, ut cum Philippo Burgundo in concor-
 diam rediret. Missis igitur ad eum legatis, Con-
 stabile, Cancellario, & amicorum præcipuis,
 nunciari juber, se ultrò ab ipso pacem petere, a-
 gnoscere, ab se pravo consilio patrem ipsius Jo-
 annem per scelus interemptum, si eâ tum pru-
 dentiâ fuisset, quâ nunc polleret, aut si id infe-
 tum reddi posset, nunquam se tantum nefas
 admitturum, aut permissurum fuisse; ceterum se,
 quacumque ratione vellet, satisfacturum illi, mul-
 tamque, quam is diceret, sibi met irrogaturum;
 non petiturum ab ipso veniam gratiamque tanti
 sceleris

sceleris per legatos, qui vicem ejus obirent; præterea se dono illi dare comitatus, Matisconensem, Altisiodorensensem & Boloniensem, oppida S. Jangonii & Parii ad Sequanam, multasq; alias ditio- nes. Deniq; ipsi ac subditis, quâdiu viveret, se re- mittere officiû & obsequiû personale, quod sibi tanquã vasalli & clientes regni Galliæ deberent. Præterea Duci datum, ut in eos animadvertere- tur, qui patrem ipsius interfecissent, aut quorum consilio Rex tum Delphinus ad id facinus im- pulsus esset. Ad hunc ergo modum Carolus VII. tempestivè submittendo animos, & culpam agnoscendo, domestica bella sustulit. Ex quo tempore omnia ei prosperè evenerunt, ut exter- nis quoque adversum Anglos finem imponeret: vide Monstreletum libr. 2. c. 175. 176. 180. & seqq. Exemplo quoque sit Almus Colomanni Regis Ungariæ frater, qui à Vladislao heres regni scri- ptus, Colomanno fratri natu majori sponte ces- sit; intercedentibus autem ultrò citroque suspi- cionibus, quas utrinque adulatores suscitabant, in Poloniam aufugit, ibique accitis Sarmatarum & Ungarorum, qui suas partes sectabantur, auxi- liis, in Pannoniam reversus, de regno cum fratre decertaturus, oppidum Castrum ferreum occu- pavit. Quod cùm Rex oppugnare vellet, Almus humanitate potiùs, quàm vi fratrem vincere cu- piens, solus in castra regia properavit, & ad fra- tris pedes procidens, suam inconstantiam & cre-

dulitatem inculcat, veniam & misericordiam precatur, Ungaris & Polonis ignosci postulat. Rex fraternâ pietate motus, veniam omnibus concessit, fratremq; in Regiam revocavit, ut author est Bonfinius lib. 5. decad. 2.

Sic & civili bello inter Duces Saxonie, Fredericum II. Electorē, & Wilhelmum, fratres germanos, exorto ob iniquam hæreditatis paternæ divisionem; Apollonio, Vicethumio, aliisque proceribus, quibus ea discordia quæstui erat, tubam belli instantibus, cum vastatis jam agris tota provincia pessum iret; Apollonio peregrinè absente, utpote qui post cladem Gerenfis illatam, ad declinandam Wilhelmi Ducis iram, Romam abierat, Elector fratrem Lipsiam ad Bacchanalia invitavit, cum illo de pace acturus; quæ unico quoq; colloquio feliciter ibi est confecta, ut prolixè hoc describit lib. 7. Orig. Saxonicarum.

Pari modo Steno, Sueonum Rex, non parvum exercitum ad debellandum Jacobum Vesaliensem Archiepiscopum, quod Danis favere videretur, coegerat, & jam ad locum deventum erat, in quo non minores copie pro Archiepiscopo pugnaturæ convenerant. Ergo clam insciis proceribus ad Archiepiscopū, in propinqua villa Nees apud arcem Stechâ commorantē, accessit, & sine arbitris cum eo in gratiam reversus, admirabili lætitiâ omnes, qui in mutuam cædem parati stabant, affecit, ut author est Joh. Magn^{us} lib. 23. c. 15.

F L O S VI.

Belli Dux bonus victoriæ non parum commodat.

Q Uamvis omnis victoriâ à solius Dei pender bonitate & potentiâ, piisque & è verâ scaturigine cordis promanantibus impetratur precibus; tamen præter causæ justitiâ, quæ Deum patronum habet, ad victoriâ quoque obtinendam non parum conducit Dux bonus, rei militaris scientiâ, virtutibusque tam imperatoriis, quàm moralibus ornatus, & auctoritate divinitus armatus, quemque sua fortuna non destituit. Hæc enim illa sunt boni Ducis *αρεταινματα*, de quibus in strategematographia nostra lib. I. c. 23. prolixè disseruimus. Demonstrare hoc multis Regum & Principum victoriis supervacaneum duemus, siquidē omnis historia ejusmodi belli Ducum referta est exemplis, qui bello res prosperè gessere, partim audaci celeritate, partim cauto consilio, tum alacri amicorum ministerio, & confidentiâ in periculis, opportunorumque consiliorum usu. Hi omnes documento esse possunt, egregii esse Imperatoris, non solum presentia rectè agere, sed & futura prospicere, vel, ut Sertorius ait apud Plutarchum, à tergo magis, quàm à fronte prospicere; id præterea esse viri & Ducis, non

desse fortuna prabenti se, & oblata casu flectere ad consilium, ut Livius monet decad. 3. lib. 8. Imò huic cauta potius cum ratione, quàm prospera ex casu placere, satis citò victoriam incipi rato, ubi provisum est, ne vincatur, ut est apud Tacitum lib. 2. hist. Etenim si, ut Iphicrates distinxit, teste Plutarcho in Pelopida, manibus levis armatura, pedibus equites, ipse autem phalanx pectori & thoraci, capiti denique dux responderet, sanè hic, si temere pericula adeat, nō sui ipsius, sed omnium eorum, quorum sātus ab ipso pender, curam abjecisse censebitur. Si quis verò Dux pro se cautus est, & captatā occasione hostem opportunè invadit, is plerunq; fit voti compos, ut Thucydides scribit lib. 3. Hinc in militaribus Imperiis eo potissimū nomine Pericles est laudatus, teste Plutarcho in ejus vita; quòd securitati studeret, neque pugnam confereret, incerto eventu & periculis multis propositis, neque imitaretur eos Duces, qui, cum temere in discrimen pugne rem adduxissent, prospero usi successu magni habebantur; solitus etiam crebrò ad cives suos dicere, quantum in se possum, ipsos nunquam morituros. Bono nempe Imperatori (inquit Livius dec 3. lib. 2.) *haud magni fortuna momenti est, mens ratioq; dominatur*; is sævo tempore, & sine ignominia servasse exercitum, quàm multa millia hominum occidisse, majorem esse gloriam ducit. Ea igitur satis decora sunt Ducis consilia, quæ dubiis

dubiis rebus securitatem promittunt; illa verò longè turpissima atque miserrima, quæ ab ipsâ temeritate, dum inanem animi vigorem ostentamus, omnes summæ rei conceptæque demum victoriæ rationes conturbare consueverunt. Liviana testatur historia anno belli Punici secundi altero, gavisum Hannibalem, cum Sempronium & Flaminium, prompti & rapidi ingenii Imperatores, adversus se misissent Romani (4. M. 3755.) & cum ferociùs, quàm consultiùs rem sciret gesturos; eorum temeritati inescandæ levibus aliquot præliis passum se vinci, idq; damnum haud ægrè tulisse, ut causam justæ certaminis cum illis contraheret; eos deinde, quò proniores in sua vitia essent, sociorum cædibus atque incendiis irritasse, qui suum dedecus rati, per mediam Italiam, verum impune, vagati, pugnandi consiliū ceperint; ac proinde, dum ita præproperè universo periculo summam rerum committunt, insignibus præliis duobus ab Hannibale victi sint. Sed Dictator Fabius longè aliâ ratione id bellum gessit. Nam consilio magis, quàm fortunæ confidens, itineribus diligentissimè exploratis, ad hostem ducebat, neque quoties Pœnus in aciem educeret, faciebat pugnandi copiam. Ea solers Fabii cunctatio Hannibalem nō mediocri curâ sollicitum reddebat, quòd cum Duce, Flaminii aut Sempronii haudquaquam simili, res sibi esset; cerneretque, Romanos cum tandem

delegisse militiæ ministrum, qui bellum ratione, non fortunâ gereret. Dictatoris igitur prudentiâ, non vim, exemplo metuit, constantiamque ejus haud dum expertus agitare & tentare animum, movendo crebrò castra, populandoq; in ejus oculis sociorum agros cœpit, & modò citato agmine è cōspectu abibat, modò repenti in aliquo flexu viæ, si excipere digressum in equum posset, subsistebat. Fabius per loca alta agmen ducens, modico ab hoste intervallo, ut neque omitteret eum, neque congredereetur, carpens agmen, palantesque excipiens, in casum universæ dimicationis, quam omnibus artibus petebat hostis, non veniebat; satius esse ducens cunctando, sensimque progrediendo Hannibalem distingere, quàm ut subito universus exercitus fortunæ periculum subiret. Hanc ejus cunctationem populus infamem ducens, cum potestatem faceret Minutio magistro equitum, contra Dictatoris imperium dimicandi; huic insidiis circumvento, ac penè cum exercitu oppresso, succurrens Fabius, ubi hanc hosti victoriam extorsit, Hannibalem ex acie redeuntem palàm dixisse ferunt: *tandem illam nubem, quæ sederet in jugis montium, solutam in procellam imbrem dedisse.* Quo Annibalis testimonio patet, Duces cautos atque prudentes, qualis fuit Fabius, multò vehementius esse metuendos, quàm feroces atque fervidos, eumque, qui sanis consiliis parer, apud
hostes

hostes formidinem concitare, nec inimicis ex se
crescendi potestatem facere. Ipse verò Fabius
sedendo & cunctando magis, quàm ullis viribus
Hannibalem frangens, eumq; tutis & lentis suis
consiliis sensim, veluti amnis sine strepitu alla-
bens, continenterque lambens, subruens atque
absumens, exemplum exhibet verè prudentis
viri, non modò fines ipsos, sed etiam principia
rerum expendentis, qui mavult esse tutus, quàm
temerarius Imperator, & occasione potius ca-
ptatâ, hostem suis copiis adoriri, quàm vires suas
temere ostentare. *Temeritas siquidem in se a-*
liquid recipientis prapropera, ut Dion scribit
lib. 36. *in rebus agendis multoties damnum affert;*
accurata verò consideratio ab initio adhibita, in
actionibus perdurat, omnibusq; emolumento cedit.
Idem Fabius, cùm semel constituisset, ferocem
Hannibalis exercitum morâ comminuere, non
passus se à salutari suo absterre re proposito,
quamvis cunctator primùm, deinde patrie quoq;
proditor audiret, *pro patriâ haud turpe esse ducens*
timere; at expavescere ad hominum opinionem, ca-
lumnias & opprobria non esse viri tanto Imperio
digni, sed illis servientis, quib. ipsum decet impe-
zare, & malè cōsultos reprimere; documento est,
nullum majus indicium excelsi & constantis animi
in Principe haberi, quàm fidei & ppositi constan-
tiam, nec facilè reperiri virtutem, quæ majorem
vim habeat animos hominū conciliandi, com-

parandique auctoritatem. Et certè eventus declaravit, quanto ipse fuerit animo, quâ prudentiâ, quo amore in patriam & cives, ut non solum ab exercitu Minutiano deinceps audiret pater & patronus, sed & scutum populi Romani; & confessione omnium de ipso celebrarentur versiculi, vetusti illi quidem & rudes, sed magnifici communis elogii;

Unus homo nobis cunctando restituit rem;

Non ponebat enim rumores ante salutem:

hoc est, non prætulit vulgi rumores publicæ salutis, sed maluit Dux utilis esse, quàm vanâ & stultâ prædicatione nobilitari.

Sic &, cùm Gallorum exercitus incommodis bellicis pressus Mediolano, quod antea obsederat, retrocedere cogeretur (A.C. 1523.) non modò milites & populus, verùm etiam tribuni militum, qui Mediolani erant, & summæ auctoritatis viri, Prosperum Columnam Cæsarianum præfectum, se in Gallos duci vehementer postulabant; victoriæ facilitatem ei ostendentes, quod viribus haudquaquâ se hostibus inferiores, animo verò ac virtute longè superiores esse viderentur: quod fieri non posset, quin is receptus maximæ illius exercitus parti haud levem timorem iniecisset, quod & multi Itali milites eadem horâ ab illorum castris profecti confirmabant. Præterea infinitam illi gloriam, nominisque ipsius immortalitatē proponebant, si tot jam partas victorias

hac

hac postremâ laude ac triumpho confirmaret. At in Prosperi animo semper, ut, quantum posset, ne se fortunæ arbitrio subjiceret, fixum erat; adeoq; in sententiâ suâ haud secus ac firmissima turris contra ventorum impetum immotus permanebat, & minimè sapientis Imperatoris esse, populi vocibus moveri, vel milites suos in eos hostes ducere, quibus nulla alia præterquam defensionis suæ spes reliqua esset, respondebat; satis magnam victoriam, & satis amplam gloriæ partem esse in eo, quòd hostes sine suo periculo & sanguine discedere coëgissent, neque hominum cupiditatem infinitam esse debere; posse unumquemvis per se facillè videre, longè majus, si res improsperè cederet, fore detrimentum, quàm emolumentum, si prosperè eveniret; se res suas semper his artibus ad honoratum finem perduxisse, semperque plus Ducibus temeritatis infamiam obfuisse, quàm victoriæ gloriâ profuisse, experienciâ didicisse; propterea quòd in ejus partem nemo veniret, tota & integra Imperatori tribueretur; rerum verò in præliis feliciter gestarum laudem hominum saltem opinione cum multis communicarit; nolle se, cùm jam morti proximus esset, nova consilia sequi, eaque deserrere, quibus in tota vita retentis, gloriâ, utilitatem, amplitudinemque esset adeptus, ut Guicciardinus scribit lib. 15. hist. suæ.

Verè itaque Vellejus Paterculus lib. 2. Nihil,

inquit, in bello videre majus, aut mirari magis potui, quàm quòd Imperatori nunquã adeò ulla opportuna visã est victoriæ occasio, quam damno amissi pensaret militis, semperq; visum est gloriosum, quod esset tutissimum, & antè conscientiæ, quàm famæ consultum; nec unquã Ducis consilia judicio exercitus, sed exercitus providentiã Ducis rectus est. Ex his igitur manifestum est, vix quoquam ad felicem victoriã æquè opus esse, atque bono Duce, qui optimus eorum, quæ agit, judex, utilia speciosis præferens, nō quæ utiq; probantur, sed quæ phanda sunt, sequitur; quæq; ad summam belli respicere, omniq; industriã præsentibus malis occurrere novit; nec solum vincendi, sed & cedendi tempora perspicit: quo salvo, etiamsi aliquando reliqua cadant, multas tamen occasiones fortuna subministrat, quibus detrimenta ex calamitosis eventib. accepta, sarciri possunt. Si a. ille perinde, ut in navi gubernator, ceciderit, etiamsi reliquæ multitudini fortuna victoriã adversus hostes largiatur, nihil tamen cōmodi inde provenit, ppter ea quòd omnis omniũ spes pendeat à Ducibus, ut Polyb. scribit lib. 10. hist. Econtrà omnium seculorum testatur experiëntia, numerosissimas quoq; copias, si nactæ fuerint Duces, imperandi minimè gnaros, nullũ nō modò præclarũ facinus perpetrare, sed & sæpenumero ipsasmet suarũ cladum existere aucthores, & tantò magis conflictari, quantò major est earum numerus.

F L O S VII.

Ducum belli multitudo ficulneum præsidium : discordia præsentissimum exercitus venenum.

Quemadmodum, teste Tacito libr. 1. Annal. ut unius imperii corpus unius regatur animo, ipsa suadet natura & ratio; ita quoque in bellis uni alicui principi viro, quàm plurimis Ducibus, summa rerum rectiùs & feliciùs commendatur. *Neq; enim diu validum, aut unquam concors aliquid esse potest, quod non ex unius voluntate, sed multorum pendet arbitrio.* Hinc rectè & prudenter existimat Cominæus lib. 2. de rebus gestis Ludovici & Caroli, eum, qui solus in potestate habet decem hominum millia, magis esse metuendum, quàm decem confederatos, qui singuli senis millibus præsunt, quòd, quia nullius hic est præcipua vel singularis autoritas, multa quotidie in disceputationem incidant, & antequam aliquid constituatur, prætereant ferè occasionēs. Atq; hoc ipso argumento Carolum V. Cæsarem despondisse sibi ferunt victoriam in bello Germanico de confederatis Schmalcaldicis, postquam ad Ingolstadium primus fervor atque ardor animorum deflagravit, ubi in collectans, inspecto Germanorum exercitu; (senten-

tiam n. dicebant non solum Principes, sed etiam civitatum legati, qui bellum nunquam adeo viderant,) paulò post defuturâ eis dixit sapientiam & pecuniam. Quod idem de Peloponnesiis olim inculcavit suis civibus Pericles, cum diversæ copiae simul essent. Difficillimum præterea est, ut, qui æquali sunt potentiâ Principes, in belli societate diuturnam amicitiam colant, nisi majori alienjus autoritate cohibeantur. Ducibus autem dissentientibus, quid, quæso, firmitatis aut roboris in militibus esse potest? *in dissensione certè nulla salus conspicitur*, scribit Cæsar lib. 5. de bello Gallico; imò secundum Polybium libr. 3. si primarii Duces dissimiles discordesq; sunt, nihil in exercitu perniciosius accidere potest. Notum hoc ex ignominiosâ istâ Romanorum clade, quarto Vejentini belli anno castris exutorum ab hostibus, malitiâ Servii & Virginii tribunorum militum, quorum ille non prius auxilium à collegâ & socio petiit, quàm amisso exercitu in fugam esset coniectus; hic exercitum cum patriæ dedecore fractum videre maluit, quàm socio, qui non supplex petiisset, auxiliari, Liv. dec. 1. lib. 5.

De hujusmodi belli Ducibus rectè Procopius lib. 2. de bello Gothico; *Proditores*, ait, *jure non solum sunt nuncupandi, qui portas hostibus patefecerint, sed longè magis, qui obsessis & amicitiam conjunctissimis, ferre dum auxilium queunt, id tamen vel periculum veriti, vel quia otium potius, quàm negotium*

negotium malint, cum metuunt, in hostium ditionem eos tradunt. De alterâ Romanorum clade itidem ob tribunorum discordiam à Vejentibus acceptâ, diximus in strategem. nostrâ lib. i. c. 23.

Froscardus quoq; refert, quendam belli Ducem Anglum, virum & animo & consilio præstantem atque fortunatum, voluisse quodam die oblatâ occasione commodissimâ ferire hostem, utque negotium rectiùs conficeret, orasse Comitem quendâ Anglum, certo numero equitum sibi ut ferret suppetias, alteri verò à suis hoc dissuasi; quòd ille, si feliciter caderet, omnem rei gestæ laudem solus esset habiturus, ageret negotium ipse suum, & aliquid moliretur, unde solidam obtinere posset gloriam; & hac ratione alterum impeditum, quod maximè optabat, perficere nequivisse. *Nimirum ubiq; dominatur invidia & ambitio*, maximè verò in bellis, in quibus Duces pleraque vera, aut vero proxima suadendo æmulatorum authoritatem comminuere & obscurare nituntur. Et sæpenumero fit, ut, dum alter in alterius gratiam nihil vult suscipere molestiæ, omittantur præclarissimæ rerum gerendarum occasiones, & adversarii hoc ipsum deinde in suum convertant usum. Atque hoc magis accidit, ubi inimicitia inter Duces existunt, quas facile illi suscipiunt, non respicientes ad eum, qui ferè comitari solet, tristem & luctuosum exitum. Omnino enim, ubi consimili Imperio concordia

E c

non ineſt major aliena opera interpellādi, quā
ſua edendi cupiditas naſcitur; ubi verò pertinax
intercedit odium, alter alteri quā uterque con-
trariis caſtris certior hoſtis proficiſcitur. Sic &
Græcis Trojam obſidentibus nihil æquè obfuit,
ac Regum Agamemnonis & Achillis discordia,
quæ multò ſevior Danaïs incubuit, quā aut fa-
mes, aut peſtilentia. Fuit enim hæc brevis, &
paucorum dierum, ſed cædes, quæ ob Achillis
ſeceſſionem eſt ipſi genti ab hoſtibus illata, fuit
omni calamitate calamitoſior, ut ex Dyctæ Cre-
tenſi refert Sabellicus lib. 3. c. 3. Hinc Horat. lib. 1.
epiſt. 2.

Quicquid delirant reges, plectuntur Achivi.

Nec Periclis & Cimonis æmulatio Atticæ
profuit civitati. Hinc ſævientis populi fœdæ illæ
tempeſtates Pericli viro ſummo, medio belli ar-
dore, alienis ſtimulis cōcitatæ; ut, quæ vel utiliter
fierent, eſſent ipſi Duci invidiæ. Eo bello, quo
Hierofolyma, Orientis olim clariffima, exciſa
eſt (Æ. C. 71.) nihil magis funeſtum civitati fuit
atque exitiale, quā Eleazari & cæterorum Du-
cum discordia. Horum diſſidium non minùs
obſeſſam multitudinē intus afflixit, quā foris
Romanus hoſtis, qui mœnibus hærebat. Ceſ-
ſiſſet Gallis, Syriam Gothofredi Bullionii ductu
& auſpiciis invadentibus, poſt Antiochiam ca-
ptam, multò diuturnior de Hierofolymis, cæte-
risque ejus terræ urbibus, victoria, niſi Ducum
discordia

Discordia intercessisset, quæ in causa fuit, ut, si qua lætitia orta est ex iis, quæ postea feliciter gesta sunt, plus nimio fuerit Christianis hominibus brevis, & victoria ad postremum irrita, ut Sabellicus scribit lib. 7. c. 2. Varnam quoq; in ora Pontici maris nobilitavit Christianus cruor, fuitque nostris hominibus pugna illa funesta & calamitosa, non magis hostium virtute, quàm Christianorum Ducum discordiâ. Nam dum quisque per se properat vincere, omnes unâ victi sunt, atq; obsidione occisi. *Adeò disfidium perniciores est, ut divisi corruant, qui adunati viribus terribant,* inquit Jornandes lib. de rebus Geticis.

F L O S VIII.

Ducis improbitas, & regnorum & exercitus est perditio.

INter cæteras virtutes in belli Duce summa omnino justitiæ, quæ fidei tanquã firmo fundamento innititur, habenda est ratio, cum qua, teste Dione lib. 41. etiã de armorum potentiã spes bona proposita est; sine eâ verò nihil perpetuum extat, ut maximè in præsentiarũ quis victoriam obtineat. Justitia autem ubicunque inter mortales fovetur, felicem procul dubio Remp. reddit, stabilemque diuq; mansuram efficit, nec facile injuriæ opportunam, ut capi ab hostibus queat, ut Agathias scribit lib. 1. hist.

Econtrà verò præsentaneum regnorum & exercitus est venenum, Ducum improbitas, qui vel turpi desertione & fugâ, vel consilio hosti dato, vel aliâ ratione suos produnt. *Occultum nimirum & insidiosum malum est proditio, tantum incommodi humanogenere afferens, quantum salutis bonæ fides,* ait Val. Max. libr. 9. c. 6. Et, ut Xenoph. libr. 2. de rebus gestis Græc. proditor occultus & clandestinus tantò perniciosior est hoste aperto, quantò difficilius est à re latere, quàm manifestâ sibi cavere; imò proditor uno tempore perdit, quâ longo parta servataq; extitère, ut de Ruffino scribit Claudianus libr. 2. in Ruffinum.

*Heu, heu, quàm brevib. pereunt ingentia causis,
Imperium tanto quæsitum sanguine, tanto
Servatum, quod mille Ducum peperere labores,
Quod tantis Romana manus contextuit annis,
Proditor unus iners angusto tempore vertit.*

Documento quoque est Hierosolyma, ambitione & proditione Raimundi Tripolitani Comitæ, non sine multâ Christianorum cæde in Saracenorū manus redacta, 80. anno, postquam iis fuerat adempta, teste Vincentio libr. 29. c. 43. & Blondo libr. 6. dec. 2. Hic nimirum, cùm Guido Lusinianus morte Balduini quinti, privigni sui, ad regnum Hierosolymitanū pervenisset, æmulatione accensus, Saladini Ægyptii opem implorabat. Cùm verò apertâ vi se imparem esse vidit, dolo rem aggressus, Regi reconciliatur. Contra
eum

eum ob desertum fœdus movit Saladinus, & Tiberiadem obsedit, ubi commissò prælio, Raymundi prodicione & turpi fugâ ex acie, Christiani miserè sunt cæsi; & Guido Rex, cujus auxilium Raymundus implorarat, vivus, ut & ipsa Hierosolyma, regni caput, in hostis venit potestatem. Sic & Friderico bellicoso, primo ex Marchionibus Misniæ, Duce Saxoniz Electore, in Norimbergensi conventu absente, (a. C. 1426.) Hussitarum incursiones metuens ejus uxor, collecto undiquaq; exercitu, ei præfecerat Bussionem Vincthumium, qui, ut se de Principe vindicaret, à quo nuper fratrem suum germanum prodicionis reum capite damnatum meminerat; hostibus ad pugnam provocatis, ab initio statim turpi fugæ semandans, cæsis suorum 12. millibus victoriam illis reliquit; teste Crantzio libr. 11. Vandal. c. 7. & Fabricio lib. 7. Orig. Saxon. Sic & in eo prælio, quo Johannes Balliothus, Scotorum Rex, ab Eduardo I. Angliæ Rege victus est (a. C. 1296) tradunt quidam, Robertum Brusium, Johannis in regno olim competitorem, ab Anglo astute persuasum, secessionem necessariis suis, qui cū Scotis erant, imperitasse; quâ re territi reliqui Scoti, videntes se à suis proditos, fugæ initium fecere, ubi veluti pecora, omnes, abjectis armis, mandandos se jugulandosq; præbuere, ut author est Boëtius lib 14.

Johannes Corvinus, anno suæ gubernationis

E c 3

regni Ungarici quarto, cōpensaturus cladem, in pugna Varnensi à Turcis acceptam, bellum inferre Amurathi cogitabat, & coacto exercitu, Istrum jam trajecerat ad Severinum oppidum. Postquam ergo in adversa Danubii ripa constitere, Corvinus Georgium Despotem Serviæ per legatos hortatur & orat, ad sacrâ expeditionem ut veniat, beneficiorumque, quæ ab Ungaris acceperat, memor, ingratitude infamiâ caveat, quâ nihil magis boni viri dignitatē debonestat. Despotes, qui clandestinis cum Turcâ internunciis, recuperato Mysiæ regno, pacem servare nitentur, ægrè ferens, Corvinum hominem novū, sibi ex regiâ stirpe oriundo in gubernatione regni Ungarici esse prælatum, multa causatus, non solum auxilia recusabat, verum etiam abeunte Corvino ad perfidiam ilico conversus, celeribus internunciis Amurathem, & de Ungarorum adventu, & copiarum quantitate, & quotidianis eorundem itineribus edocuit, consilioq; insuper instruxit, ne hosti occurrat, sed ultro progredi permittat, mox à tergo iter obstruat. Quod Despotis consilium Amurathes nequaquam aspernatus, duorum triumve dierū itinere Corvinum subsecutus, à tergo tandem, ne retrò pedem referre posset, iter obstruxit, moxque ejus exercitum in angustias redactum, non sine suorum hostiumque sanguine, fugâ Corvino sibi consulente, oppressit, ut author est Bonfin. lib. 7. dec. 3.

Aded

Adde nihil proditoribus, aut iis, qui res novas moluntur, tutum est, ut verè scribit Polyb. lib. 2.

F L O S I X.

Auxiliatores plerunq; sunt devoratores.

Principes, quibus omnino belli necessitas incumbit, Livianum illud decad. 3. lib. 5. probè memoriâ teneant; Id (inquit) cavendum semper Ducibus, exempla què verè pro documentis habenda, nè ita externis credant auxiliis, ut nò plus sui roboris, suarum què propriè virium in castris habeant. Omnino enim solent subditi acriores & fideliores esse externo milite, cum quòd pro patriâ, pro aris & focis, pro conjugib. & liberis sibi depugnandum intelligunt, tum quòd iussa potestatem què sui magistratus magis reverentur atq; colunt, teste Polybio lib. 2.

Econtrà auxiliares milites, quoniam ab illo Principe aut Repub. à quo auxilio missi sunt, plerunq; stipendia accipiunt, fasces alienos atq; imperium parum curant, insuper què confecto bello, prædæ dant operam, eam què non ex hostibus solum, verum etiâ ab iis colligunt, quibus auxilio missi sunt, sive id facere soleant propriâ libidine, sive dolo sui Principis, à quo missi sunt. Atq; hinc inferre licet, longè fatius esse Principi,

qui se non nisi hujusmodi auxiliis defendere va-
let, cum hoste pacisci, quocunq; tandem mode-
quàm ut hujusmodi refugia quærat. Ideoque
prudenter Aratus apud Polyb. libr. 2. cùm Achæi
contra Lacedæmonios viderentur sibi præfecturi
Antigonum, tutorem Philippi Macedonis, in
medium procedens, consiliū illorū redarguit;
fore enim, ut devictis Lacedæmoniis etiam A-
chæos sibi subjiceret. Et legatus Acarnorum in
concilio Lacedæmoniorum, cùm Ætoli vellent
Romanos contra Philippū accersere, dixit; Vos
nebulam ex Hesperia contra Philippum excita-
bitis, sed quæ mox totam Græciam inumbrabit,
ut idem scribit Polyb. lib. 9. Hanc in sententiam
quoque apud Thucydidem lib. 4. Hermocrates
Syracusanus graviter suos monet cives, ut mu-
tuam tueantur concordiam, & in pristinam red-
cant gratiam, nec temere arbitros aut socios ac-
cerfant Athenienses, qui, cùm ceteris Græcis an-
tecellant potentiâ, intenti sunt in ipsorum errata,
& honesto societatis prætextu hostilem animum
à naturâ insitum continuè regentes hoc agunt, ut
ipsis mutuis cladibus fractis atq; oppressis, sibi
in Sicilia quærant & stabiliant Imperium. Solent
nimirum in bellis, & imprimis in publicis dissi-
diis, quando odii & iræ vehementiâ abrepti, ut-
trinque ad externa auxilia confugiunt, peregrini
ad bellorum societatem defensionis ergo, aut ad
controversiarum disceptationem, tanquam ar-
bitri

bitri invitati, plerunque utrisque fieri hostes, & vel iis, ad quos debellandos accersuntur, deletis aut repressis, socios devorare, vel partitione factâ, controversias sic dirimere, ut ad se trahant potiora, ut omnium gentium testantur historiæ.

Achas impius Rex Judaicus, ex justâ Dei Nemesis, Rezini Syrorum, & Pekè Israëlitarum, Regum bello petitus, maximâq; clade affectus, Idumæorum insuper & Philistinorum atrocibus vexatus incursionibus, in tantis difficultatibus. Thiglat-Pilneserem Assyrium maximis muneribus atq; promissis evocavit, qui, Rezine qui in interfecto, Damascum vi expugnavit, & colonos Syros in Samariam transtulit, totâque Galilzâ subactâ tribum Naphthali in Assyriam traduxit, sed quem defensorem quoq; ipse mox expertus est hostem regno perniciosum, utpote à quo ad tributa annua solvenda est coactus, nec multò post à Salmanassare, toto regno Israëlítico deletò, ab hujus successoribus regnum quoq; Judaicum est destructum, ipseque populus in exilium Babylonicum transportatus, 4. Reg. 15. 17. 24. 25. & 2. Paral. 28. & 36.

Cyrus, ad componendum bellum civile inter Caros exortum, exoratus, bellum quidem illud composuit, sed Cariam libertate exutam sibi subjugavit, teste Xenoph. lib. 7. Cyropæd.

Quomodo Philippus Macedo à Thebanis in auxilium contra Phocenses accersitus, Græciz

civitates mutuis disidiis sese atterentes, tandem oppresserit, suæq; ditionis fecerit, dictum paulatim in flore quinto.

Cum inter duos fratres, Hircanum & Aristobulum, de regno & sacerdotio lis exorta in bellum civile exarsisset, & utrinq; ad externa auxilia concurreretur, Hircanum quidem à fratre ejectum, Aretas, Arabia Rex, in regnum reducere est conatus; sed qui Romanorum potentiâ, quorum defensionem implorarat Aristobulus (*anno Urbis 688.*) re infectâ ad sua repedavit. Non multo post, cum Pompejus Magnus à debellato Tigriane Damascum venisset (*a. Urbis 689.*) Aristobulus à pactis non staret, ille Hierosolymâ expugnatâ, Hircano quidem pontificatum concessit, sed coronâ uti prohibuit, ipsamq; Judæam tributariam populo Romano fecit. A quo tempore, sceptrum à Judæis ablato, regnum sibi in illos vendicarunt Romani.

Inter causas, quibus crevit Romanorum Imperium, & illa recensetur, quod ad societatem belli non admiserint eos, quorum non essent domini, nec conduxerint externos stipendiis, sed quicquid pepererunt, suo sanguine pepererint. Aucto Imperio, constituerunt Reges socios, quibus tamen ipsi dominati sunt. Hinc Cic. in lib. de Rep. *Noster, inquit, populus sociis defendendis terrarum jam omnium potitus est.* Postea verò bellis civilibus ita fuerunt labefactæ vires Romani Imperii.

perii, ut, quoties hostes fuerunt reprimendi, Imperatores coacti fuerint, peregrinos conducere exercitus, à quibus postmodò provinciæ Imperii Romani sunt vastatæ. Etenim maximo Galliæ præfide Gratiano interfecto, tyrannidem in Britannia affectante (*anno C. 383.*) deinde Eugenio quoq; auxilio Arbogasti Imperium Occidentis invadente, validamque Gallorum manum ad Alpes adducente, ut Italiam occuparet, Theodosius Magnus contra utrumq; hostem Gothos stipendiis suis conduxerat, quæ cùm eis pendere nollent Arcadius & Honorius, bellum contra eos moverunt, Ruffino Arcadii tutore, spe Imperii potiundi incitato, tutelæ jus, perfidiâ & scelere violante, utpote qui Alaricum Gothorum Regem (*a. C. 395.*) clàm missis muneribus, ad invadendam Italiam invitarat, ut ejus adminiculo voti compos fieret, sed proditione compertâ, medio in conatu à militibus Italicis est trucidatus. Haud diu pòst Cajanus, Gothorum auxilio fretus (*an. C. 398.*) Arcadium pari fraude oppugnare aggressus, navali prælio inter Hellepontum & Chersonesum victus, & in fuga captus, simile fatum subiit.

Anno Christi 405. Rhadagisus Scythæ, Gothorum Rex, repentino impetu cum validissimâ ducentorum millium manu Italiam invasit, quæ tanta multitudo partim fame & siti confecta, partim à Stilicone consule oppressa & deleta est.

Non diu pōst Alarico, qui antea apud Theodosium Māgnum Ductor exercitus contra Eugenium fuerat, Italiam cum exercitu ingressō, ab Honorio sedem expetenti Galliæ concessæ sunt (a. C. 407.) ad quas hostiliter invadendas Stilico, ut ad filium suum Eucherium transferre posset Imperiū, Vandalos, Suevos, Alanos non ita pridem magnis pollicitationibus occultè sollicitarat, ad quas dum Alaricus populis istis restitutus pergit, Stilico per Ducem quendam suum ex insidiis Gothos, nihil tale suspicantes, ipso die Paschatos oppressit, sed qui viribus recollectis victorem exercitum potiori prostravere virtute. Hinc in rabiem furoris acti, & ulciscendæ perfidiæ cupiditate incensi, cœptum iter deserentes, Romam contenderunt, cuncta, per quæ irent, igne ferroque vastantes, ipsamque urbem (a. C. 410.) post biennalem obsidionem ceperunt & diripuerunt. Hinc per Campaniam & Lucaniam in Brutios penetrantes, omnia ferro & igne vastarunt, in Siciliam inde transfretare conati, naufragio multos suorum amiserunt. Alarico extincto surrogatus Ataulfus Rex (an. C. 411.) ad urbem Romam funditus evertendam cum exercitu regressus, uxoris Placidiae ingenio & moribus delinitus, cœpit cum Honorio de pace sanciendâ (an. C. 412.) agere, & cum eo, percusso fœdere, mox ad Gallias tetendit, quas unâ cum Hispaniâ Vandali, Suevi & Alani rapinis & incendiis va-

diis vastabant, Burgundis & Francis in belli societatem attractis: nec multò post domitis Gallis & Hispaniis, dolo militum, apud quos invidia laborabat, quòd Italiâ cessisset, sublatus est.

Theodoricus exinde, Veronensis Alarici ex fratre Theodomiro nepos, cùm Sarmatas, qui Gothorum & Romanorum terras fuerant depopulati, fortiter repulisset, à Zenone Imperatore (anno C. 488.) è Pannoniâ evocatus, & contra Odoacrum Herulum, qui novū in Italia regnum erat exorsus, missus, aliquoties quidem eum vicit, & tandem quoq; ex insidiis interfecit, verū Italia Græcis Imperatoribus non restituit, sed sibi suisque eam retinuit, federibus & affinitatibus vicinarum gentium se muniens, à cujus successoribus, & præsertim à Vitige & Totilâ, Italia miserum in modum vastata (a. C. 538.) Mediolanum funditus eversum (a. C. 545.) triginta millib. civium ibi interfectis, Placentia fame expugnata, ipsaq; Roma bis est capta (a. C. 546. & 550.) Thejâ tandem, ultimo Gothorū in Italia Rege, magno ad Nuceriam prælio à Narsete eunuchō victo atque occiso, Gothi omnes Longobardorum adminiculo ex Italiâ sunt ejecti, postquam 77. annos eam tenuerunt.

Et si autem Longobardi, Gothis ex Italiâ ejectis, ad suos in Pannoniam sunt reversi, tamen paulò post vel ultrò propter ubertatem & amœnitatem Italiæ, vel à Narsete, cùm Sophia Im-

peratrix per probrum eum ad pensâ muliebriâ ingynæceum revocasset, iterum invitati, magno numero effusi sunt in Italiam, Duce Algoino, quam annis 206. ad annum usq; Christi 774. obtinuerunt, quo Carolus Magnus, Desiderio in exilium ejecto, Italiæ regnum ad Franciæ Reges transtulit.

Pari modo, cùm Bonifacius, Africæ gubernator, quem Aëtius, Galliæ præfectus, in odium ac suspicionem apud Placidiam, Valentiniani III. Imperatoris mætræ, adduxerat, à Felice, Romanorum Duce, in Africa oppugnaretur (*an. C. 427.*) ex Hispaniâ accivit Vandalos, qui cum Genserico Rege in Africam trajicientes (*anno C. 429.*) ferro, flammâ, rapinis crudeliter eam devastarunt. Bonifacius exinde, detectis Aëtii insidiis, & falsâ criminatione, Placidie reconciliatus, cùm Vandalos, magnâ pecuniâ oblatâ, excludere amplius non posset, manu cum illis confertâ, bis victus Romam rediit. Cum Vandalis itaque Valentinianus III. Imperator pacem fecit magis necessariam, quàm utilem, parte Africæ illis concessâ, quâ non contentus Gensericus Rex, Hipponem, Carthaginem, & alias urbes fraude atque armis cepit, multaq; in eis crudeliter egit. Ab hoc tempore Romani sæpiùs, at frustra, conati sunt Vandalos ex Africâ ejicere, donec à Belisario, Justiniani Imperatoris Duce, Carthago rursus

rursus illis est erepra (a. C. 534.) postquam in illorum fuit potestate annis 95. Ejectis Vandalis, Africa iterum Romano Imperio paruit usque ad Heraclii tempora, cui contra Persas, Romanas provincias depopulantes, Saraceni militarunt; quibus devictis, cum his Heraclii questores dare stipendia recusarent, dictitantes, *non tantum sibi esse pecunia, ut huic canum turba satisfacerent;* Saraceni ab Imperio Romano deficientes (anno Christi 630.) Ægyptum, Hierosolymam, Syriam, Mesopotamiam, Persidem, totamque Asiam, & tandem Africam quoque invaserunt, sibi que subjugarunt; & quanquam sæpe à Romanis illorum audacia repressa est, ad extremum tamen, dilacerato civilibus discordiis odiisque intestinis Romano Imperio, Saraceni has provincias, pulsus undique Imperatoris præsidii, retinuerunt; unde postea crebras in Hispaniam, Galliam, Siciliam & Italiam irruptiones fecerunt. Bello intestino inter Muramedum & Haptallam fratres exorto, Saracenorum res ut plurimum sunt labefactæ, & in plura dominia distractæ, ita ut unus Hispaniam, alter Africam, tertius Ægyptum, quartus Syriam & Palæstinam obtineret. Elapsis aliquot annis, exardescente inter Persas & Saracenos bello, Mahometes Persiæ Soldanus, Bissasyrio, Syriæ & Babylonæ Caliphâ, viribus inferior, Turcas vicinos adversus illum excitavit, eorumque fide ac

robore victoriam adeptus, cum stipendia illis promissa solvere recusaret, ab illis ipsis suis auxiliariis bello petitus, victus, regnoque est privatus.

Turci igitur Persidis regno potiti, cum Saracenorum potentiam bellis intestinis languentem cernerent, paulatim plures in Asia regiones & provincias subegerunt, donec tandem proprio Principe sive Imperatore electo, Tangrolipezo Mucaleto (Haithonus Zadocum nominat) excusso Saracenorum jugo, iisque oppressis primum dominari in Persia, & reliquis Asiae provinciis usque ad pontum Euxinum coeperunt. Tribus abhinc elapsis seculis, cum Johannes Palæologus, Imperator Constantinopolitanus, bellis Bulgaricis & Servianis nimium urgeretur, turpe fedus cum Amurathe Turcâ iniit, adeo ut & se & Imperium in fidem ejus traderet, promisso tributo, quod ille constituerat, & Theodorum filium natu minimum obsidem daret, qui castra illius sequeretur. Callipolim tunc Amurathes repulsis hostibus, ex Palæologi consensu retinuit, & Adrianopolim, quam vi occuparat, regiam suam transtulit. Atque hæc fuerunt initia tristissimæ servitutis, quæ Constantinopolitanis Imperatoribus præter inane nomen reliquit nihil. Ita enim in Turcorum fuerunt potestate, ut militare ipsis cogerentur per se & filios, contra quoscunque vellent, & ad imperata præstare esse, quotiescunque vocarentur, nec capessere aut usur-

usurpare auderent Imperium, nisi potestatem precario à Turcis obtinuissent. Hinc & Andronicus Palæologus (quem pater majestatis accusatum, quòd cum Amurathis filio in ipsius eadem conspirasset, visu privarat, fervido aceto in oculos infuso,) Bajazetis ope regnum patri eripuit, ipsumq; unà cum fratre Immanuele carceri mancipavit, à quo, tertio pòst anno è vinculis elapso, iisdem artibus rursus est excussus, ingenti Bajazeti promisso tributo, & Philadelphîâ traditâ. Sed quæ & ipsa invidi tyranni benevolentia erga Immanuelem Imperatorem non fuit diuturna, utpote qui non multò pòst Constantinopolim satis durâ pressit obsidione. Quam licet improvisâ Tamerlanis Scythæ irruptione solvere fuit coactus, annis ramen insequentibus Mahometes, hujus pronepos, eam vi & armis expugnavit. Tandem Ludovico Rege in fuga submerso, in Ungariam quoq; , in quam aliquoties jam irruperant, evocati Turcæ, contra Ferdinandum Austriacū, à Hieronymo Lasco Polono, ad quem Johannes Cæpufius, Transylvaniæ regulus, copiis suis ad Toccajum à Ferdinando profligatis, profugerat, nō solū Budam nostris eripuerunt, sed & nunquam ex Ungariâ repelli potuerunt.

Sic & (ut ad superiora secula revertamur) Princeps militiæ Noradini, Regis Damascenorum, Sarraco vocatus, in Ægyptum à Calipha

Belhadechæ contra Almericum Hierosolymitanū Regem, illo victo, & Christianis totā Ægypto exactis, captus amœnitate regionis, ubertate terre, & regni opulentiâ, & imprimis infirmis Caliphæ Belhadechæ viribus, ad spem regni invitatus, hunc, nihil tale metuentem, carceri mancipavit, regnumque sibi & posteris confirmavit. Nec multò post Saradinus, Ægypti Soldanus, à Guidone Rege Solymitano contra Raimundū, Comitem Tripolitanum, evocatus, cæsis Christianorum 20. millib. & quingentis, hunc quoque principatu exiit, totamque Palæstinam Christianis eripuit. Beda presbyter Scotos-Anglos prodidit inter Titros & Saxones sedisse, & invitatos à Virigerno, Britannorū Rege, his contra Scotos & Titros, insulam perpetuis depopulationibus infestantes, subsidio venisse; sed tandē potentiā auctos utrosque, partitāque insulā & Imperio, ac limitibus ad Caledoniam sylvam interjectis, Britannorum nomine regnoque abolito, Anglos Australi insulæ parti, Scotos Boreali imperasse.

Sic & Gallici Reges, qui nunc rerum potiuntur, conducti stipendiis contra Normannos, oppressis Regibus antiquæ stirpis Caroli Magni, invaserunt regnum, idque in stirpem suam longâ serie ad hæc usque tempora propagarunt.

Sic & Arragonii contra Gallos, Siculos omni tyrannidis genere opprimentes, evocati, oppressis

pressis incolis, Siciliam & Sardiniam sui juris fecerunt, & tandem quoque Gallis exclusis, Neapolitanum regnum sibi subjecerunt.

Ita plurimi ad defensionem vel invitati, vel conducti, rebus confectis, socios oppresserunt. Neque enim ullam commodiorem occasionem habere potest ambitiosus Princeps, aut avara aliqua Resp. aliquē opprimendi, quàm si iis supplex fiat, auxiliaque ab iis postulet. Quæ omnia, etsi ita se habeant, tanta tamen esse solet ambitio hominum, ut id, quod ante oculos est, solum intueantur, de futuris nihil cogitent, præsentique cupiditati satisfacere contentur, minimè verò de futuris malis præcavendis sint solliciti. His igitur exemplis commoveri oportet Principes, & observare liberalitatem, quam externi, aut etiam vicini, præsertim potentiores, tam magnificè illis declarant, non nisi irritamentum esse, quo ipsos in suos casses pelliciant.

F L O S X.

Federa licita, sunt quidem ahenea, sed iis confidere, valde lubricum est.

Princesps sanè plerunque id dant operam, ut muniant se federibus; quæ, si sunt licita, & ad

bonum finem directa, cujusmodi sunt vel securitatis, vel auxilii contra hostes ferendi, vel deniq; tyrannum opprimendi causâ inita; si præterea ea fideliter & constanter servantur, sunt quasi arietes, quibus pravæ actiones, consilia callida, & conatus nefarii hominum improborum destruuntur, evertuntur, & in nihilum rediguntur; & quibus venenum, regnis & Rebuspub. paratum, extinguuntur.

Confederatio siquidem cum istiusmodi sociis, qui animo, opibus, milite, & scientiâ militari valent, & in proximo habitant; (hec enim omnia in federibus sancendis esse observanda, prolixè docuimus in lib. 3. strategematog. nostræ cap. 3.) ejus est potentia, ut Reipublicæ vitæ prorogationem tribuat, & ex duobus unum faciat, ad mutuam defensionem contra hostes, atque ita duo corpora, quasi uno spiritu conjungat.

Tale fuit fœdus Abrahami & Isaaci cum Abimelech, Gen 26.

Tale tribus Judæ, quæ post Josuæ mortem, consulto Domino, jussu, prima Cananæis inferre bella, in sortem suam ascivit Simeoneos fratres, sese illorum forti adfuturam vicissim pollicita, Judic. 1.

Tale quoq; Principum & civitatum præstantium, Schmalcaldicum, de quo vide Sleidanum lib. 6. 7. 8. 9.

Sic & Scotorum Rex Achajus, omni laude cumula-

mulatus, Anglorum-Saxonum opes, quæ majorem in modum in dies singulos crescebant, pertimescens, cum Catolo Magno fedus iniit, iis conditionibus, ut se mutuò juvarent. Nec sine Dei numine id factū prædicant, quandoquidem etiamnum amicitia inter Scotum & Gallum inviolata manet, ita ut alter cum altero in perpetuum consentiat; id quod etiam ferunt assignandum odio inter vicinos, suis semper timentes finibus, orto; & idcirco illud utrisque in Anglum, & Anglo vicissim in utrosque commune esse, ut Polydor. scribit lib. 4.

Hinc & Philippus Valesius, Gallorum Rex, eodem teste Polyd. lib. 19. cùm videret, Edovardum III. Anglum, repetendo hæreditariæ Franciæ regni, futurum in perpetuum hostem, putavit peropportunos habere Scotum, qui illis propinquus esset, amicum, ut sibi instar sagittæ foret, quam, cùm vellet, in Anglum emitteret. Itaque fedus cum Davide, Rege Scotiæ, junxit, opibusque enixè juvit. Atq; ita vetus amicitia, jam inde ab Achajo Rege, cùm se cum Carolo Magno fœdere perpetuo conjunxerat, renovata est.

Quando verò Principes federum fiduciâ, ut plerunque fit, moliuntur non mandata, imò prohibita; siquidem fiduciâ multitudinis sociorum facile patiuntur se ad consilia impelli non necessaria, aut violenta, non rarò quoque, qui se ar-

Atius federibus implicant, inviti rapiuntur ad negotia injusta & pernicioſa; nec eſt quodd ſperant, ejusmodi federa fore diuturna aut felicia.

Etenim propriarum vitium fiducia inſolens eſt atq; infelix; inſolentiã autem, ut & injuſtitiã omnem, nõ ſinit impunitam abire Deus, vindex juſtiſſimus, imò eum maledictum quoque pronunciat apud Jerem. prophetam c. 17. qui confidit in homine, & ponit carnem brachium ſuum. *Et profeſſo caduca hæc & fragilia*, inquit Valer. Max. lib. 6. c. ult. *puerilibusq; conſentanea ſunt crepundiis, quæ vires atq; opes humana vocantur; affluunt ſubito, repente dilabuntur, nullo in loco, nulla in perſona ſtabilibus nixa radicibus conſiſtunt, ſed incertiſſimo ſtatu fortuna huc atq; illuc acta, quos in ſublime extulerunt, improvifo de curſu deſtitutos profundo cladium miſerabiliter immergunt.* Documento ſunt Iſraëlitæ, qui federe inito contra tribum Benjamin, cùm fiderent ſuis viribus, bis infeliciter dimicarunt, Judic. c. ult.

Sic & Cræſus, Lydorum Rex, fiduciã federis Laconici bellum contra Cyrum ſuſciciens non neceſſarium, in eo victus captuſque, vix vitam retinuit, teſte Herodoto lib. 2.

Sic & Athenienſium & Corcyreorum fedus utriſque fuit exitiale, cùm Athenienſes, propter conjunctionem cum Corcyreis, quam in cauſa dubia fecerant, moviſſent bellum Peloponneſiacum; de quo vide Thucyd.

Quam

Quàm infelicitè verò iisdem postea cesserit fedus cum sediciosi Phocensibus, utpote quo in Graciâ attraxerunt Philippum Macedonē, prolixè describit Diodor. Sicul. lib. 46. & Justin. lib. 8.

Imò in bonis quoque causis periculosas plerunq; esse symmachias & confederationes, notū ex historiâ federis Schmalcaldici, ejus fiducia Principes quosdam ad arma capessenda postea impulit, & ad infelicis belli fortunam experiendā, quod multis fuit exitiale. Jacobus Sturmius, vir verè sapiēs, tunc solitus fuit dicere, *Quò magis crescit noster numerus, eò imbecilliores efficimur.* Et rectè judicavit. In principio enim major erat consensus & conjunctio voluntatū de doctrinā, quàm deinceps, sociorū numero aucto, ubi cū fiduciā hujus federis multa moverentur non necessaria, mox secutę sunt dilacerationes maxime, & qui sanctissimè ac religiosissimè hoc fedus coluerunt, hi maximè decepti gravissimam rerum suarum fecerunt jacturam, quanquam & ceteri, qui secessionem fecerant, aliquam accepere cladem; adeò verum est tritum illud, *in caducum parietem non esse inclinandum.*

Præterea ubi plures Principes, qui se pares existimant, conjunguntur, facilè inter ipsos suspensiones controversiæque oriuntur. *Disidentibus autem opinionibus & voluntatibus*, inquit Thucyd. libr. 3. *sunt opera diversa*, nec ulla esse potest amicitia aut fida libertas, in qua præter animi voluntatem federati suspiciosè aliū alios

observant. Patet hoc ex federe Maximiliani I. Imperatoris, cum Papâ, Gallo, & Hispano, contra Venetos, de quo vide Jovium lib. 9. & Guicciardinum lib. 8. & Polyd. lib. 27.

Maximilianus I. Imperator victus à Venetis, & Tergesto amisso, cōcitante Julio secundo Pontifice, cum cæteris Europæ Regibus conjuravit adversus Venetos. Quâ conjuratione Italia supremam prope adiit cladem. Aegrè ferebat Pontifex, quòd Ariminum atq; Faventia urbes Pontificio imperio ereptæ, minimè redderentur. Non ferebat Ludovicus XII. Gallus Cremonam ditioni suæ detractam, & Ferdinandus I. Hispanus Rex, nequaquam sibi integrè partum Neapolitanum regnum existimabat, cùm maritimæ Apulorum urbes oppignoratæ jam pridem, à Venetis præfidiis tenerentur. Coivère itaq; legati Principum ad urbem Cameracum in Belgio, decretumq; est omnibus virib. in Venetos bellum, tanto silentio, ut, cùm majus suscepti consilii suspensiones emanarent, Venetiis nequaquam maturè crederetur. Eo modo Ludovicus in Italiam cum ingentibus copiis transgressus, ad Abduam, Venetos castra cōferre, atq; aciem tētare ausos, cum magnâ cede p̄fligavit, capto Liviano Duce, Pergamum, Cremonam, Cremam & Brixiam sine vulnere recepit; Veronam, Vincentiam atq; Patavium Cæsari capienda præbuit; quòd deleto exercitu, cum paucis Livianus desperatis rebus ad Me-

ad Mestrium extremum continentis oppidum
refugisset.

Pari modo Julius II. Pontifex non Ariminum
modò atque Faventiam, sed Cerviam quoque
& Ravennam recepit, ulroque senatus Vene-
tus Apuliæ urbes Hispano Regi dedendas cura-
vit, sic ut tantummodo Veneti Imperii fortuna
Italiæ hominibus planè miserabilis, externis ve-
rò ridenda videretur. Receptum haud multò
post à Venetis Patavium, & contra Cæsaris ex-
ercitum egregiè defensum; pax à Julio impe-
trata. Ab illo tempore inter socios ipsos orta
est discordia. Etenim Gallus totius Italiæ im-
perium affectans Venetos propè jacentes in-
primis delendos putabat, quos solos suis deside-
riis impedimento fore rebatur. Itaque Alphon-
so, Duce Ferrariæ, in amicitiam suam accepto,
quamprimùm contra Venetos iturus erat, cùm
Julius Pontifex & Ferdinandus Hispanus ejus
consilium intellexerunt, qui per istud factum
jam aperte fœdus violatum arbitrantur, neces-
sariò cum Venetis pacem fecerunt, atque simul
uno momento arma in ipsum Gallum conver-
terunt. Ex quo deinde variè inter ipsos usque
eò pugnatum est, donec ad extremum fortuna
belli controversiam diremit. Julio inde mor-
tuo, Veneti cum Ludovico Gallo contra Ferdi-
nandum, Maximilianum, & Leonem X. Ponti-
ficem, fœdus inierunt. Cujus rei fama ubi di-

vulgari cœpit, permulti mortales admiratione stupefacti, illud jam tritum sermone proverbium in utrosque, multis paulò antè factis atque receptis utrinque injuriis, ab omni concordiae spe distractos jactabat: *Amici facti sunt Pilatus & Herodes*. In quo illud inprimis memorabile videtur, quòd Veneti ab initio oppughati à cunctis prope Europæ Regibus, omnibusque præliis victi, universo tamen bello victores evaserunt.

Sic & superiori seculo cum Cæsare & Papa contra Turcas fedus inierunt Veneti & Genuenses, inter quos quia naturale est dissidium, ideo Veneti prodiderunt & impedierunt Andream Doriæ, Ducem Genuensem, & hic vicissim non fidelem navabat operam, à quo deserti Veneti coacti sunt, duabus præstantissimis urbibus, Naucleâ & Epidauro, & præterea trecentis millibus coronatis pacem à Turca redimere; teste Sleidano lib. 10. & 12.

Denique federa cum impiis juncta inprimis invisa sunt Deo, & noxia atque pernicio-
sa hominibus, quia plerumque oriuntur ex diffidentia recedente à Deo, sequæ ad hominum, imò Dei ipsius hostium auxilium convertente, aut trahunt homines ad impietatis alienæ, malarumque actionum societatem, ut & ipsi fiducia præsidiorum humanorum reddantur insolentiores, & stultâ πολυπραγμοσύνη extra voca-
tionem

tionem multa tentent. Notum hoc ex federe Regum Judaicorum, Aſæ cum Benhadado, Rege Syriæ, 2. Paral. 16. Joſaphati cum Achabo, Ochoziâ & Joramo, impiis Regibus Iſraëliticis, 3. Reg. 22. 2. Paral. 18. & 20. & 4. Reg. 1. & Maccabæorum fratrum cum Lacedæmoniis, Romanis & Syris, 1. Maccab. 8. 12. 14. & 15.

Neque verò obſtat, quòd quis dicat, federa politica etiam cum impiis eſſe licita & pacem cum vicinis conducere ad felicem & durabilem regni ſtatum. Hæc enim omnia federa etſi erant politica, belli tamen ſocietatem continebant, quæ minimè ineunda cum impiis & idololatriſ. *Quemadmodum enim principes pro hoſtibus habent eos, qui ſe cum ipſorum conjungunt hoſtibus: ita quoque conjunctio & familiaritas non neceſſaria cum Dei hoſtibus, Deo eſt exoſa, nec felicem fortitur ſucceſſum.*

Nunquam feliciter Chriſtianis ceſſerunt federa cum infidelibus Saracenis & Turcis iſta, ut ex præcedenti flore ſatis apparet. Et quamvis Godofredo, primo Hieroſolymæ Regi, pax cum Aſcalonitis & Damafcenis quodammodo fuit utilis, ut Joppe reparatâ portum haberet Hieroſolymis propinquum, unde auxiliis & comitatibus ex Europa ſubvectis poſſet juvari, non tamen diu lætatus eſt hac pace. Nam ipſa Hieroſolyma 88. anno, poſtquam à Chriſtianis fuit occupata, in Saracenorum poteſtatem rediit.

Adeo periculosum est, fidere federibus, praesertim cum potentioribus sancitis, qui tantisper tantum fidem servant, dum sua *πλεονεξ-
τήματα* privatumque commodum augeant, tum quod, juxta praeceptum divinum, Deut. c. 22. *cum bove simul & asino non sit arandum. Quae enim communicatio lucis cum tenebris? quis consensus Christo cum Belial?* Quemadmodum ergo justius est mori, quam vesci *ειδωλοθύτοις* ita satius est & sanctius, injuriâ opprimi, quam ope infidelium adversus hostem uti.

F L O S X I.

In munitionibus vana hominum fiducia.

Ipsa quidem natura munitiones variè docuit. Nam & bestiae sua habent lustra & loca tutiora, & aves in securioribus locis nidos construunt, & ipsi homines sua corpora contra hostiles injurias clypeis & armis tegunt; imò & urbes nonnullas paludibus, montibus & fluminibus natura munit; unde non modò illicitum, sed potiùs consultum humano generi putaverunt omnibus temporibus viri prudentes, adversus hostium impetus in bene constituta re-

ta regione extruere castella, arces & urbes, val-
lis, fossis, mœnibus aliisque propugnaculis
munitas. Utiq̃ue enim, quando urbes muris
sunt septæ, parci quodammodo potest sanguini
civium, dum hostium illæ excursionibus minùs
sunt expositæ, & ad vim sustinendam obsidio-
nemq̃ue tolerandam maximum sæpenumero
momentum afferunt, donec eis subveniatur, ut
prolixè de his & aliis munitionum utilitatibus
ac defensione monuimus in lib. 2. strategema-
togr. nostræ, cap. 28. Sed tamen quàm vana,
imò & impia sit hominum fiducia, quæ in hu-
jusmodi substructionibus ac munitionibus col-
locatur, in sacra historia multis Prophetarum
concionibus docemur; & nos in eodem lib. 2.
cap. 40 pluribus urbium & propugnaculorum,
variis modis expugnatorum, exemplis planum
fecimus. Frustra igitur apud Danielem cap.
4. gloriatur Nabuchodonosor, se Babylonem
ædificasse in domum regni, in robore fortitu-
dinis. Hanc siquidem ejus superbiam ita re-
trussit Deus, ut autoritate & ratione privatus,
septennium integrum instar pecudis in sylvis
vagari cogeretur. Et Plutarchus in vita Solonis
scribit, Epimenidem de portu Attico, quem
Munygiam vocabant, ita vaticinatum: Si sci-
rent Athenienses, quantum mali hæc ipsis mu-
ninitio aliquando esset allatura, vel dentibus
eam panis instar discerperent. Nec aliter eve-

nit. Nam post Alexandri Magni mortem Antipater, Macedoniae Rex, praesidium suum illi imposuit, indeque Athenas oppugnavit. Quocirca Totilas Rex nono belli Gothici anno Beneventum vi captum mœnibus nudavit, ne locus, alioqui naturâ munitus, sedes belli fieret hostibus, teste Blondolib. 6. dec. i.

Ex quibus patet, non rarò quoque ejusmodi munitiones esse non tantùm inutiles, sed & detrimentosas. *Solius autem Domini nomen*, teste Salomone Proverb. 18. *turris est fortissima*, ad quam quotiescunque pii se recipiunt, non quidem currentes Pegasi pedibus, non volantes alis Dædaleis, non Argo nave velificantes, sed supplice voce devoti, in fide & spiritu à Deo petentes & exposcentes auxilium in tuto collocantur, utpote quò pertingere nec telâ, nec insidiâ hostiles possunt. Minimè igitur spes nostra fundanda aut in præaltis montibus, in quibus plerunque arces positas habemus, aut in Principum confederationibus, aut in amicorum subsidiis, aut in exercitato milite, quem invitum esse nobis ipsi persuademus, aut in auri argentiq̃ue talentis; nec innitendum denique nostræ prudentiæ, aut corporis robori. Hæc enim omnia si conjuncta forent, vanissima sunt vanitas, & instar Ægyptiæ arundinis, quæ innitentis volam perforat, se habent, si adversantem habeamus Deum & iratum: sed *ὁ ἀπὸ τοῦ κυρίου* nostra
stra

stra nosterque clypeus, praesidium & propugnaculum solus esto Jehova.

F L O S XII.

Discordias inter hostes ferere, magnae quidem est prudentiae & utilitatis; verum civitatem aliquam disidiis intestinis laborantem invadere, non caret periculo.

CAdmus, Agenoris filius, occiso Rege, cui nomen erat Draconi, fertur occupasse Regnum Boeotiae, adversus quem cum amici & filii Draconis bellum conjunctis viribus suscepissent, ipse inter eos discordiae jecit semina, quae tandem distracti sunt atque consumti, teste Pausania in Boeoticis. Hinc nata est fabula de serpente & ejus dentibus in terram seminatis, ex quibus subito extiterint duae acies, galeis & hastis armatae, quae mutuis vulneribus sese confecerint. Fingitur autem Cadmus sementem illam fecisse jussu Palladis, h. e. divino consilio. Est n. singularis prudentiae, ita divellere hostium consensum, nec quicquam majus praestare potest fortuna Principi aut Reip. quam hostium discordiam, cujus auxilio etiam invicta eorum potentia & manus facile

enervatur. Quemadmodum econtrà, quamvis minima natio, ab hostibus deleri non potest nisi propriis factionibus & simulatibus ipsa sese primùm fregerit. Diaconus lib. 4. historiarum memorat, quòd Numantiâ eversâ Scipio Tyresium quendam, Celticum Principem, consuluerit, cur Numantia priùs invicta durasset, & pòst eversa fuisset? Tyresius huic responderit: Concordia victoriam, discordia excidium præbet. Quod, cùm ita sit, discordiarum causas inter hostes serere, in belli duce sapientiam dicendam esse censet Vegetius lib. 3. cap. 10. de re militari. Hoc autem ita consequitur, si vel sibi invicem eos reddat suspectos, vel seditionem inter eos excitet, vel denique ad proditionem & defectionem eos sollicitet atque alliciat.

Sic & Andronicus Comnenus, tyrannus Constantinopolitanus, ut Andronicum Lapardam, qui ab ipso defecerat, suis suspectum redderet, cùm sciret, quantum ille vir autoritate posset, callido consilio epistolas dedit ad primarios Orientalium provinciarum præsides, quibus desertoris fidem prædicabat, atque ut à se in Asiam missum suscipi jubebat, & quicquid ille acturus esset, pro stabiliendo ipsius Imperio acturum asseverabat. Quæ omnia eò pertinebant, ut vulgi impetum reprimeret, suspicantis subesse dolum, quòd Lampardas se pro

pro Andronici adversario gerens, manum faceret, ut author est Nicetas lib.1.

Sic & Petrus Fulgosus, Genuensium Dux, cum eodem tempore premerent externæ vires Alphonsi, Regis Siciliae & Neapolis, & civium Genuensium pars adversa, cumque ea conjuncta gens Falisca, ipse verò solus tantam hostium molem sustinere non posset, arbitratus hostes, dum extra urbem manerent, concordēs fore, eosdemque, ubi devictum esse Petrum conspexissent, quòd unusquisque urbis principatum sibi vindicare niteretur, arma in se ipsos conversuros, in Genuensi arce uxorem cum liberis, fratremque cum 30. peditibus ac 20. equitibus præsidio reliquit, & Genuâ apertis portis profectus est. Hostes, qui præ timore fugisse Petrum arbitrabantur, cum ad privati commodi spem studia convertissent, statim ortâ inter ipsos discordiâ, decertare armis inter se cœperunt; Petrus die tertio, postquam Genuâ abierat, ad urbem regressus, ac suis, qui in arce erant, conjunctus, hostes qui circiter 10. millium numerum excedere dicebantur, fudit, ut Fulgosus memorat lib.7.c.4.

Cæterum Rempublicam aliquam sive urbem, intestinis disidiis laborantem, solâ discordiæ fiduciâ velle invadere, prorsus anceps & periculosum est consilium. Tantum enim abest, ut quis ob intestina civium disidia urbem il-

tam opprimi speret, ut infensos potiùs civium
 animos reconciliet. Nec immeritò; quia ple-
 runque otium civilibus discordiis occasionem
 præbere soleat, belli verò metus concordēs ci-
 vium animos efficiat. *Nec enim ullum majus con-*
cordia vinculum, teste Livio lib. 1. dec. 2. *quàm ti-*
mor externus. Quod ibidē probat exemplo Ve-
 jentum, Hetruriæ populorum, à Romanis ali-
 quoties jam debellatorum, sed qui semper rebel-
 les, cū intestinis Romanos laborare disfidis cer-
 nerēt, ob patrum cum plebe contentiones oblata
 sibi occasionē rati eos opprimendi, collectis quā-
 tis maximis copiis, non solum illorū agros ex-
 sionibus vastarunt, sed probra insuper ingesse-
 runt, civiles ipsi discordias exprobrantes, quibus
 ita inflammariūt Romanum militem, ut, qui pu-
 gnam prius detrectarat, contumeliis laceffitius,
 vel ipsis Ducibus nolentibus, dimicare voluerit.
 Contra eos itaque delecti Imperatores, Gneus
 Manlius, & Marcus Fabius, gravi commisso
 prælio eos debellarunt & fregerunt. Idem hoc
 Prænestinorum quoque, à Titio Quinto Cin-
 cinnato dictatore ad Alliam (*anno Mundi 3594.*)
 debellatorum exemplo, probatur apud eun-
 dem Livium dec. 1. l. 6. Sic & Philippus Viceco-
 mes, Mediolani Dux, Florentinorum Rempu-
 blicam, intestinis disfidis laborantem, sæpè
 bello petiit, sperans, iisdem hisce civium discor-
 diis posse eam à se opprimi: sed nunquam illi res-
 exani-

ex animi sententia cessit. Qua de causa sæpe cum amicis conquestus, eò se ineptiis Florentinorum adductum dictitabat, ut vicies centena millia aureorum nummum frustra expenderet.

Prudenter itaque Scorio, Dacorum Rex, cum sciret, dissociatum quidem armis civilibus populum Romanum, non tamen occasione inde arreptâ laceffendum extimulandumve arbitrabatur, quanquam imperita vulgi temeritas non deesset, multa subinde & præclara minantis, quoniam veluti ex celsa quadam specula prospectabat, posse obtingere, ut, bello externo ingruente, domestica restingerentur incendia, & voluntatum coalitu, in idem tendentium, funestior peregrinis infligeretur clades. Popularium verò animos lepide reprimens, canes duos feroces in ipsorum conspectu inter se commisit, quibus mordicus & acerrimè pugnantibus, lupum objecit, quem canes ilico, omisso interim mutuo inter se certamine, invadentes, moribus confecerunt. Hinc Scorio sermonem exorsus ostendit, nihil uspiam esse, quod faciliùs citiusque Romanorum acerrimas dirimere possit contentiones, quàm si sese Dacorum bello intricari atque peti sensissent, & econtra fieri posse, si nonnullis externis armis impedirentur, ut inter se civilibus armis consumantur. Vide Fulgolum lib. 8. c. 10. & Frontinum lib. 1. strategematographiæ nostræ, cap. 10..

Sic quoque Cretenses, in crebris secessionibus & bellis civilibus, si quando ingruerent, aut incursionem minarentur hostes externi, juncta inter se pace arma ad defensionem suam concordibus animis sociasse, refert Plutarchus libr. *ωεί φιλαδέλφ.*

F L O S XIII.

Civitati liberæ bellum inferre, arduum nimis est & periculosum.

O *Mnes homines naturâ libertati student, & conditionem servitutis oderunt*; scribit Cæsar lib. 3. de bello Gall. Libertas nimirum tantum habet dulcedinis, tamque preciosa res est, ut nullum vitæ periculum defugiant homines, si spes affulgeat minimè frivola, post se eam aliquâ saltem ex parte tueri.

Videmus hoc perspicuè in brutis animantibus, prudentiæ & rationis usu penitus destitutis, quæ carceribus aut alio loco inclusæ tristantur, emissæ autem ac liberè pro lubitu hinc inde vagantes lætantur.

Quod inprimis videre est in liberis civitatibus, quæ sævissimis bellorum tempestatibus jactatæ,

jaçtatae, extrema subire pericula, & gravissimas tolerare obsidiones maluerunt, quàm libertate privari.

Testantur hoc Athenæ, nequicquam bis à Xerxe & Mardonio captæ atque incensæ, teste Herodoto lib. 7. & 8. itemque bello Peloponnesiaco à Lysandro Lacedæmonio muris nudatæ; (*anno Mundi 3492.*) teste Xenophonte lib. 2. rerum Græcar. Roma in ipsa adolescentia à Gallis Senonibus, duce Brenno, direpta & incensa, indeque omnium gentium victrix, diuque rerum potita, quinquies à barbaris nationibus, Gothis, Vandalis, Herulis, capta, cædibusque, direptione & incendiis deformata, ut Sabellicus scribit lib. 4. Enn. 8. Hamburgum, Aquilonarium regionum metropolis, ob Christi nomen septies ab impiis, Vandalis præsertim, cladem passa, teste Cranzio lib. 3. Metropol. cap. 2. & 3. Mediolanum, à Friderico I. Imperatore fame ad deditionem coacta; ut author est Sigonius lib. 13. regni Ital. Byzantium, à Saracenis integro biennio terrâ marique obsessa, sed frustra. Rhodus insula, à Machomete, Turcarum Imperatore, terribili armorum apparatu terrâ marique per tres ferè menses incassum oppugnata, ac mille & trecentum bombardarum ictibus vehementer concussa; ut Sabellici supplementator scribit

libr. 9. ex Jovio : Et aliæ urbes quàm plurimæ.

Quæ omnes evidenter probant, quantæ difficultatis res sit, liberæ civitati, etiam mediocriter potenti, bellum inferre, nisi fortè aut seditione plebeiâ, aut optimatum factionibus, aut alio intestino malo ea laboret.

Sic nimirum Aristobulo & Hircano, fratribus germanis, intestinâ seditione manus inter se confligentibus, & gentem Judæorum in diversa studia trahentibus, supervenit Cneus Pompeius, Dux Romani exercitus, & Hierosolymâ captâ, Judæorum gentem tributariam fecit & Romanorum potestati subjecit. Sic & Græciæ urbes florentissimas sub Macedonum servitutem discordia redegit, & validissimæ nationi imposuit regnum Macedonicum ignobile. Sic & Florentini, bello à Pontifice Julio II. Maximiliano I. Imperatore, & Arragoniæ Rege Ferdinando, qui undecies Florentiam reducere conabantur, vexatis, libertas (verè aureum istud donum, quo nihil in mortali hac vitâ jucundius aut preciosius, nihil amabilius aut præstantius,) erepta est, intestinis civium suorum disidiis præcipuè ad hunc miserabilem ac deplorandum statum reductis, ut Guicciardinus scribit lib. II.

Sed tamen hoc ipsum periculo ingenti non caret, ut in præcedenti flore planum fecimus.

No-

Notum quoque hoc ex clade illa Henrici Julii Ducis Brunsvvicensis, impressionem facientis in urbem Brunsvvigam, irrito tamen successu, pro urbis defensione non solum civibus ipsis strenuè fortiterque pugnantibus, atque dimicantibus, sed foeminis quoque & ancillis, ad murum urbis Scalas erigentibus, atque hostium ingruentium phalanges summâ alacritate reprimantibus.

Tantus enim libertatis amor & studium est, ut ejus propugnatores facilius sit civitate, quam imperio, vitâ quam libertate privari. Ut proinde haud absurdè Pyrrhus dixerit, planè Herculis fidere procreatum se esse, cui quasi ab angue Lernaio tot caesa hostium capita de sanguine suo renascerentur. Quinimò ut maxime lethiferi esse solent morientium bestiarum morsus: sic plus negotii est etiam cum semidiruta Reipub. libertate, quam cum praevalidis integrisque viribus Regum & populorum, servituti assuetorum. Hoc utinam, ut olim, ita & nunc prudenter secum atque seriò considerarent ac probè perpenderent Reges & Principes, non ita temere & animo indeliberato bella adeò difficilia & periculosa adversus potentissimas civitates & Respublicas susciperent, quæ deinceps nullo cum effectû, magnâ insuper cum ignominia & gravissimâ propriarum rerum jacturâ relinquere coguntur. Nescio enim

quo naturæ instinctu omnes ad aureæ libertatis studium trahimur, adeo, ut vitam porius & sanguinem postponendo illi inhiemus, turpemque ac detrimentosam servitutem cane pejus & angue fugiamus atque execremur.

F r o s X I V.

Convitiis hostem ad vindictam inflammare, stultum est.

MEmnon Rhodius, pugnans contra Alexandrum Magnum pro Dario Rege Persarum, quendam ex suis militibus, qui multa petulanter in Alexandrum malediceque fuerat locutus, lanceâ percussit; *Ego te, inquit, alo, ut pugnes, non ut maledicas.* Teste Plut. in Imperat. apophtheg. Et rectè. Est enim hoc vel in primis observandum prudenti belli Duci, ne vel ipse, vel sui, opprobria aut convicia in hostem ingerant, aut eum contemnant, quòd hac ratione eum non lædant, aut debiliorem efficiant, sed ad vindicandum magis magisque inflamment infensoremque multò & ferociorem animum ejus reddant. *Videntur enim contumelia esse tela, quæ maximè authores suos feriant.*

Constat

Constat hoc exemplo Vejentum apud Livium dec. 1. lib. 2. Romanis civiles discordias exprobrantium: quibus convitiis militum tantum animos contra seipsos concitarunt, ut paulò antè diximus flore 12. Sic & Gabades Persa, Midam in Asia oppugnans, cum jam re infectâ ab urbis obsidione discedere decreverat, oppidanorum contumeliis & opprobriis irritatus, urbem gravius, quàm unquam antea, oppugnatam tandem expugnavit. Sic & Henricus Leo, Saxoniae Ducatu à Friderico I. Imper. exutus, arma in Bernhardum successorem suum movens, Bardovicum obsessum sibi dedipostulans, cum cives præter sannas & ludibria, pudenda quoque ex mœnibus denudarent, irâ percitus, urbem vi expugnatam direptioni militum permisit, adeoque in ea gladius & ignis hostilis desæviit, ut ex illo die non resurgereturbs præclara & antiqua, teste Cranzio lib. 7. Saxon. c. 2.

Sic & Fridericus III. cognomento Gravis, Landgravius Thuringiae, Salzam oppugnans, cum milites Archiepiscopi Moguntini eum cum contumeliâ verborum lascivè irriderent, dicentes, *nimis serò eum advenisse, sed tamen licere ipsi, cras iterum fores pulsare*; missilibus primùm eos de mœnium pinnis pepulit; verùm cum nullum finem facerent, & pudenda insuper nudarent, Princeps ignem in oppi-

dum conjici mandavit, quo pluribus in locis tectis incensis, in tanto tumultu & consternatione, incendio & ædificiorum ruinis, homines nongenti septuaginta octo perierunt, qui partim semiustulati in vicis jacentes, partim & subterraneis cellis sunt extracti, multi quoque per portas à militibus egredi prohibiti, de moenibus se præcipitarunt; aliqui in aquarum castella & fontes, ut flammæ ardorem lenirent, insilierunt. Tanta omnis ætatis atque sexus calamitas miserandum etiam crudelissimis hostibus præbebat spectaculum, ut Fabricius scribit lib. 6. Orig. Saxon. & Spangeberg. in Chron. Mansfeld. p. 335.

Sic & olim Sylla bello Mithridatico Athenis, quæ ad Mithridatem defecerant, vi expugnatis, ob dicteria sibi dicta, victoriâ itâ satis duriter usus, stragibus illic & sanguine implevit omnia. Nec immeritò. *Non enim milites decent convicia*, inquit Justinus lib. 14. *quæ ipsâ morte acerbiora esse*, testatur Salomon Proverb. 26. Sed nec quicquam tam servilis ingenii est indicium, quàm vel apud hostem infestissimum feritate sermonis, & dicendi petulantia abstinere non posse; ut ita convicianti Ottomanno Turcæ respondit Scanderbegus, ipsæque contumeliæ homini illatæ solent irritare indignationem, teste Herodoto lib. 7. Hinc & Plutarchus in Timoleonte; Adeò plerique, inquit,

inquit, maledictis, quàm malefactis, graviùs læduntur, difficiliusque contumeliam perferunt, quàm damnum: quòd facto se defendere ab hostibus propter necessitatem concessum videatur; in conviciis verò nimium quiddam inesse odii vel malitiæ credatur.

Hinc & inter præcipuas belli Germanici superioris causas referuntur velitationes scriptorum, conviciis, quæ omnino indigna erant Principibus, refertorum, quæ si edita non fuissent, faciliùs certamina ista sanari potuissent. *Conviciorum siquidem vulnera plerumque sunt insanabilia, quia graviùs feriunt, & citiùs penetrant, & obduci cicatrice difficiliùs possunt.* Cæterùm graves & sapientes viri conviciis quoque non delectantur, utpote quæ naturæ ignavæ, timidæ abjectæque infallibiles sunt indices.

Hinc rectè Syracusanus ille apud Herodot. ad Legatum Spartanum; *Non perficies, inquit, scurrilitate conviciorum, ut mutua reddam convicia.* Et apud Homerum Iliad. v. ad Achillem inquit Æneas: Ne cerтемus mutuis rixis & conviciis, sicut mulieres iratæ, sed experiamur, uter possit alterius superare virtutem.

Pari modo Carolus V. Cæsar, cùm Franciscus Galliarum Rex sæpissimè in eum esset investus, nominando eum *primogenitum Satana*, nunquàm

tamen respondit conviciis, quanquam objicere longè tetriora ipsi potuisset, (æquum enim est, ab alio ut quis expectet, alteri quod fecerit, ut scitè monet Comicus) sed provocavit eum ad singulare certamen. Convenit nimirum viris magnis, ut placidi sint & tranquilli, nec proclives in verborum conviciorumque certamen descendant, sed injurias atque offensas supernè & heroicâ quâdam mente despiciant, & leonis, animantium fortissimi & generosissimi, indolem imitentur, qui rabiosos canum allatratus flocci facit, &, quasi minimè ad se pertineant, contemnit, cùm præsertim, ex sententiâ Alexandri Magni, *regium sit malè audire*.

F L O S X V.

Hostem præ nimia victoriæ confidentia contemnere, stultum est.

Nihil turò in hoste despicitur, quem si spreveris, valentiorẽ negligentia facies; inquit Curtius lib. 6. Et Livius dec. 3. lib. 1. Sape contemptus hostis cruentum certamen edidit, & populi inclyti Regesque perlevi momento victi sunt.

Testatur

Testatur hoc pugna Marathonica, in qua Miltiades Atheniensis civium suorum decem millibus, & mille Plataënsibus auxiliariis profligavit Persarum sexcentena millia, fortunâ honestis & magnis Atheniensium conatibus aspirante, ipsoque Deo ita puniente fastum barbaricæ gentis, quæ exiguam manum, quæ nec sagittis nec equitatu uteretur, & nihilominus in hostem, tanquam in certum exitium, rueret, contemnebat; teste Herodoto lib. 6.

Pausanias in Atticis author est, Persas, cum in Marathonem irrumperent, Parium marmor, ac si hostem jam vicissent, trophæi erigendi causâ Rhamnuntem usque deportandum curasse. Cæterum Nemescos irâ afflictis ad Marathonem Persis, Phidiam ex eo marmore Nemesis signum fecisse.

Sic & non multò post Græcorum undecim myriades cum triginta millibus Persarum ad Plataëas contra Mardonium, Xerxis Ducem, feliciter pugnarunt, teste Herodoto lib. 9.

Sic & Athenienses, inani spe potiundæ totius Siciliæ stultâ & juvenili Alcibiadis ambitione fascinati, & ad bellum Syracusanum incitati, in eo post triennium, paucis elapsis maximâ interneccione sunt cæsi; teste Thucyd. lib. 6. & 7.

Cum Antigonus, Asiæ Rex, ob Cassandri, Ptolemæi, Seleuci, & Lysimachi fedus & so-

cietatem jactaret, se, tanquam avium multarum concursum, lapidis jactu & strepitu, hostes dissipaturum: quanquam aliquot quidem & acerrimis & funestissimis præliis vicerat, veruntamen in acie tandem, multis jaculis ab hostibus superimminentibus confossus, non solum Regnum, & cum hoc fortunam magnificam atque splendidam, verum etiam vitam ipsam amisit, teste Diodoro Siculo lib. ult.

Vitiges, Gothorum Rex, cum universo exercitu, equitum peditumque centum quingenta millibus, iter Romam versus intendit, tantæ urbis potiundæ inque suam potestatem redigendæ fiduciâ inflatus, ut obvios quosque interrogaret, num Belisarium Romæ deprehensurus esset? Neque enim se illum expectaturum putarat. Cæterum frustra in annum integrum ductâ urbis obsidione, cum ad expugnandam illam ne minimum quidem proficeret, majoribus acceptis quàm illatis cladibus, in timorem amittendæ Ravennæ adductus, castris omnibus incensis, abiit, ut Sigonius scribit lib. 18. Imperii Occidentalis.

Constantinus secundus, Scotorum Rex, cum Danos Britanniam, Duce Huppâ, Canuti Regis fratre, Pictorum instinctu, exercitu hostili vastantes, vicisset & occidisset in agro Fisanò; Scoti eo successu elati, duos insequentibus dies choreis & tripudiis consumserunt, tantâ insolent-

insolentiâ atque pervicaciâ, ut inter se palâm de præda dividenda & spoliis distribuendis contenderent, sortibusque anxie disquirerent, an Danorum Duces extemplò post partam victoriam forent internecioni tradendi, an vivi reservandi ad ludibrium. Super his tanta & tam acerba fuit contentio, aliis alia asserentibus, ut juniores cum majoribus natu ad gravissimas contumelias descenderint, his ætatis prærogativam ostendantibus, illis labores & pericula in prælio subeunda prætexentibus. Quinetiam de captivis & pecunia, armis hostium exuviisque dividendis multi ac varii sermones habiti; at de instruenda acie & de hoste superando prorsus nulli. Prælio itaque redintegrato, Dani, Duce Humbro, magnâ strage Scotos vicere, & Constantinum captum securi percussere, ut author est Hector Boëtius lib. 10.

Sic & Eduardus I I. Angliæ Rex, exercitu trecentorum millium, triginta millia Scotorum, Roberto Brusio Duce, ad fluvium Pannocum aggressurus, victoriæ spe tumidus, quasi jam illam certo certiùs, & velut per manum solenniter sibi desponsam, haberet, cum proceribus consultare cœpit, quonam supplicii genere Brusium esset affecturus? Verùm ingenti ipse victus strage vix scaphâ effugit; eodem teste Hectore Boëtio lib. 14.

Ad Vincentiam exercitu Maximiliani I. Imp. Ducibus Rudolpho Anhaltino & Georgio Fronsbergio, in augustissimis montibus obfesso, cum Bartholomæus Livianus, Dux Venetus, ex urbe evocaret senatum, cives & mulieres ad spectandam lanienam Germanorum; copiae Cæsareæ, Germanis fortissimè dimicantibus, exercitum Venetum fuderunt, dissiparunt & submerferunt, non sine magnâ illorum quoque clade, qui spectatum ex urbe egressi fuerant, teste Guicciardino lib. 15.

Sic & in pugna ad Ravennam, cum Hispani, Duce Navarro, Germanos, qui in Gallorum castris militabant, contemnerent, adeoq; certam sibi sponderent victoriam, ut hostes, nullo negotio exhibito, paterentur transire amnem, qui castra dirimebat; conspectâ deinde copiâ hostilium tormentorum, pilas evitandi gratiâ corpora in terram supina sternerent, ut explosis demum tormentis hostes jam defatigatos atq; inermes majore cum securitate minoreque periculo conciderent; cum iam capita abrepta à truncis maximo agmine in campo volitarent, & invicem præ densitate colliderentur; serò tandem consurgens Navarrus, repressurus Germanos, superante equitatu Gallico, iam victore, captus, & primæ acies Hispanorum disjectæ, inque fugam sunt conversæ, ut Curæus scribit in Silesiæ annalibus.

Quibus

Quibus omnibus exemplis docemur, ob nimiam nulloq; metu permixtam spem, & ob plenam victoriæ confidentiam, ejusq; filiam securitatem, quæ mater esse solet negligentia, horrendas sæpenumero inferri clades & strages urbium, regnaque pessundari. Usq; adeò nimia fiducia, secundum Æmiliū Probū in Pelopida, maxima calamitati esse solet; quoniam, ut Heliodorus ait lib. 1. quod spei limites transfiliit, à corde & mente facile relinquitur. Fit enim communi omnium mortaliū imbecillitate, ut ea, quæ cupiunt, avidè etiam sperent, & res futuras, quarum tamen exitus incertus atq; anceps est, certiores melioresq; judicent; quàm quæ certa jam & nostra in manu consistunt: quæ autem non cupiunt, ea etiam minimè futura credant, sed pravi rationis pertinaciâ respuant, quod apud Thucydid. legimus lib. 4. & 5. Cæterum quomodo hostes securi sint opprimendi, docuimus quoque lib. 2. strategem. cap. 34.

Prudenter itaque Carolus Burgundus, postquam ad hostium Leodiorum fines pervenisset, cum nonnulli, qui se viribus & potentiâ longè præstare putabant, illi suaderent, ut partem exercitus dimitteret, partim quòd oppidani turribus & muro essent denudati, & spe omni auxilii carerent, partim quoque, quòd Rex Ludovicus, in quo magnum ponebant præsidium, abesset, temerarium hoc consilium repudiavit, quòd de-

Gg

spectum haberet Regem, minimumq; tunc ab-
fuit ab internecione, ut author est Cominæus
lib.3. de rebus gestis Ludovici & Caroli.

F L O S X V I.

Provocatores rarò felices.

CYgni, ut Aristoteles scribit lib.9. de animal-
bus, nunquam pugnam inchoant, impetiri
autē ab aquilis semper superiores existunt. Idem
in publicis privatisque provocationibus usuve-
nire experientia testatur, plerunq; eos, qui pro-
priae potentiae, aut roboris fiduciā temere & su-
perbè res periculosas & non necessarias movent,
nec oblati quibuscunque pacis conditionibus
placabiles se adversariis exhibent, vinci, atque ita
pœnas luere suæ pertinaciæ, juxta illud Anti-
phontis, oratoris Attici: *Incipienti ubiq; magna
pœna statuta sunt, defendenti verò nulla pœna de-
nunciatur.*

Davide à Saulis interitu à tribu Judæ Hebro-
ne in Regē creato, Isbosetho verò cæteris Israë-
litis imperante, Abner duodecim juvenes Ben-
jaminicos emisit, qui Davidicos totidem pro-
vocarent: eo in prælio commissò Davidici Isbo-
sethanos superarunt, 2. Reg. 2. Et ipse David, re-
gnante Saule, etiamnum puer, superbum Golia-
thum, robori atque armis suis fidentem, & Israë-
litas

litas ad monomachiam provocantem, ipse inermis jactu fundæ prostravit (*a. M. 2884.*) 1. Reg. 17.

Sic & Romulus ab Acrone, Ceninensium Rege, ad dimicandum provocatus, occiso Acrone, fufisque hostibus, opima de eo spolia Jovi Ferretio retulit, teste Val. Max. lib. 3. c. 2. In acri illo conflictu, quo Achæi cum Ætolis & Elæis signa contulerunt ad amnem Larissum, Philopœmonem, Achæorum magistrum equitum, magister equorum Elæorum Damophantus ante signa e-
vectus petiit, cujus ille impressionem excipiens, prævertit eum lanceæ ictu, atque exanimem deturbavit equo, ad cujus lapsum confestim effuderunt se in fugam hostes. Unde ingens nomen acquisivit Philopœmones, ut qui nec manu ulli juvenum, nec ulli senum concederet prudentiâ, sed juxta militis simul & Imperatoris partes optime obiret, ut in ejus vita memorat Plutarchus.

In bello Demetrii, Macedoniæ Regis, cum Pyrrho, Epirotarum Rege, cum Pantauchus, virtute & manu, & vi corporis inter Demetrii Duces facile primus, Pyrrhum ad congregiendum secum provocaret; primum hastis velitati, inde cominus, non solum arte, sed & lacertis gladios tractaverunt; Pyrrhus, uno accepto vulnere, inflictis duobus, altero in femur, altero secundum collum, pepulit prostravitque Pantauchum, nec tamen eum occidit, quod eripuerint eum amici. Epirotæ, Regis victoriâ erecti & virtutem stu-

pentes, impressione factâ, propulerunt phalangem Macedonum, tergisque inhærentes fugientium magnum numerum interfecerunt, ceperuntque quinque millia, ut Plut. refert in Pyrrho.

Quintus Cotius, propter fortitudinem Achilles cognominatus, Quinto Metello proconsule, legatus in Hispaniam profectus, Celtibericum sub eo bellum gerens, postquâ cognovit, à quodam hujus gentis juvene se ad dimicandum provocari, relicta mensâ, quæ illi prandendi gratiâ erat posita, arma sua extra vallum deferre, equumq; clam educi jussit, ne à Metello impederetur, & illum Celtiberum insolentissimè obsequitantem, consectatus interemit, detractasque corpori ejus exuvias ovans lætitiâ in castra retulit, ut Valer. Max. scribit lib. 3. c. 2. Eodem virtutis & pugnæ genere usi sunt Titus Manlius Torquatus, & Marcus Valerius Corvus, qui ultro provocantes hostium Gallorum Duces interemerunt, ut ibidem ex Livii lib. 7. refert Valer. Maximus.

Scipione Africano patris & patrui memoriam gladiatorio munere Carthagine novâ celebrante, duo regii filii nuper patre mortuo in arenam processerunt, pollicitique sunt, ibi de regno se præliaturos, quò spectaculum illud illustrius suâ pugnâ facerent. Eos cum Scipio monuisset, ut verbis, quàm ferro dijudicare mallent, uter regnare deberet, ac jam major natu consilio ejus obtem-

obtemperaret, minor corporis viribus fretus in amentia perstitit, initoq; certamine pertinacior impietas fortunæ judicio morte mulctata est, inquit Val. Max. lib. 9. c. 11. ex Livii dec. 3. lib. 8.

Porus, Indorum Rex, cum nimium viribus suis tribueret, (erat enim staturâ 4. cubitorum & palmæ, authore Plutarcho) Regem Macedoniæ Alexandrum privatum sibi hostem deposcit; nec Alexander moram pugnæ fecit. Porus itaque multis vulneribus obrutus capitur, & victum se adeo doluit, ut neq; cibum sumere voluerit, neq; vulnera curare passus sit, ægréque sit obtentum, ut vivere vellet, inquit Justinus lib. 12.

Phocas Bardas cunuchus, Dux Basilii secundi Imperatoris, cum contra Bardam Sclerum, qui tyrannidē invaserat, esset missus, circa armarium Martejulii pugnarunt. Tandem singulari certamine congredi, & de summâ rerum depugnare statuerunt. Cum itaq; Sclerus prior ense stricto in Phocam irrueret, qui ictum declinabat adeo, ut summo mucrone equi, quo Phocas vehebatur, aurem feriret atque abscinderet, is rursus malleo caput Scleri verberavit, ut vertigine occupatus collo equi incumberet, cruoremq; evomeret. Abducto eo ad puteum, ut refocillaretur, & cruor abstergeretur, equus ipsius, qui Ægyptius vocabatur, & notus erat omnibus, sine scilicet saltabundus pervenit ad exercitum, jubâ sanguine defœdatâ, à militibus suis agnitus, qui

rati victum & casum Sclerum, in fugam vertuntur, quos Phocas insequens partim cepit, partim occidit; multi verò oppressi sunt. Sclerus cum reliquis ad Cosrhoën Babylonem effugit, ut author est Cuspin. ex Zonarâ & Cedreno.

Manuel Comnenus Imperator, Johannis filius, in ea pugna, quâ Servios Bæonum & Juro-
rum auxilio instructos superavit, cum Archizupano Bacchino singulari certamine est congressus, viro heroicâ staturâ & lacertoso: qui cum faciem Imperatoris percussisset, & ferreum ejus velamen è galeâ dejecisset, ipse vicissim, manu ense trajectâ, debilitatus, vivus in Imperatoris venit potestatem, ut scribit Nicetas Choniates lib. 2.

Eo prælio, quo de summâ rerum ad Appenninum in Thuscia pugnatum est inter Narsetem eunuchum, & Totilam, Gothorum Regem, cum aliquot horas ex adverso acies constitissent, neutrâ tamen ex parte cœptum est prælium, utrisque ab hoste id primùm iniri expectantibus. Interim ex parte Gothorum miles, Ducas nomine, magnam bellicæ industriæ famam adeptus, equo in hostem incitato, proximè ad Romanos accessit, & qui viritum secum confingeret, provocavit. Erat autem is ex eorum numero, qui ex Romano exercitu primi ad Totilâ ultrò concesserant. Tum Armenius quidam è Narsetis militibus ei se objecit, quem ut Ducas vidit, prior equum impu-

impulit, ut ventrem illi lanceâ transfoderet, cujus impetum Armenius equo subducto vitavit, atq; in eum conversus, dextrum in ejus latus telum infixit, eumq; moribundû ex equo dejecit, ut author est Sigonius lib. 19. Imperii Occident.

Ladislaus, Ungarorû Rex, initâ cum Chunis in Danubii ripâ pugnâ, eorum Regem Acum singulari certamine aggressus, primò securis ictu rruceidavit. Spectatâ Ducis morte, Chuni animo consternati, instantibus Ungaris, terga dare coacti sunt, ut Bonfinius scribit lib. 4. dec. 2.

Nicolaus, Petri Macedonis filius, Mysiæ præfectus, collecto exiguo exercitu, Inacho, Possene superioris Regulo à Machomere constituto, occurrens copias ejus profligavit, eum singulari certamine occidit, opima spolia ad Sigismundum Imperatorem retulit, eodem teste Bonfinio lib. 3. dec. 3.

Carolus, Burgundiæ Dux potentissimus, cum in universum supplicantium Helvetiorum preces respuisset, tandem ab iisdem parum validis cum toto suo exercitu est oppressus. Ex quibus historiis omnibus patet, eos, qui pacis conditiones respuunt, & qui alios ad bellum aut monomachiam provocant, plerunq; vinci & succumbere, & comprobare veritatem dicti.

Christi, Matthæi 26. *Qui accipit
gladium, gladio per-
ibit.*

G g 4

F L O S XVII.

Insidiæ in hostes licitæ.

EThi cæteris in actionibus meritò fraudis usus est detestabilis, quando parva integritas & exigua fides ab iis, quos opinamur crevill: fraude & artibus, expectatur: in bello tamen gerendo dolo quis summâ cum laude uti poterit. *Nec minus gloriosum est, hostem dolo, quàm viribus & robore superare.* Imò ut longè majora sunt animi, quàm corporis opera, ita longè majorem apud viros prudentes merentur laudem, qui ingenio & calliditate hostes vincunt, quàm qui manu; tum quia frequentiores sunt, qui multitudine aut viribus freti res magnas gerunt, quàm qui consilio & prudentiâ militari; tum vel maximè, quòd hoc modo sine majori periculo, non rarò quoq; sine sanguine ingentes hostium copiæ debellantur. Hinc & Pericles *tutius esse dixit, atq; præstantius, ingenio hostem & ratione, quàm ferro vincere.* Præterea, ut D. Augustinus scribit quæst. 10. super Josuam; cùm justum bellum suscipitur, utrùm apertè quis pugnet, an ex insidiis, nihil ad justitiam interest. Josua enim (cap. 8. Josuæ) ipse mandat, ut civibus Aimiticis insidias struant. Sic & Saulis insidias in opprimendis Amalekitis fortunavit Deus, quos ipse ex improvviso adortus, minimo

minimo suorum periculo debellavit, 1. Reg. 15. Etenim quando ex insidiis improvisus ac repentinus hostis exoritur, seque & à fronte, & à tergo, vel etiam à lateribus ostentat, quamvis ipsi Duci præsens sit animus, ut totus tamen exercitus festinet, concurrat, trepidet, est necesse. Unde non mirum, si, quod & Xenoph. dixit Hipparcho, *plurima & maxima victoria insidiis atq; dolis parentur.*

Sic & Ehud Benjaminita, Israëlitis durissimâ ab Eglone, Moabitarum Rege, servitute pressis, publico Israëlitarum nomine munera Regi cum obtulisset, solus ex itinere in regiam reversus, tanquam rem arcanam Regi, remotis arbitris, nunciaturus, cum hic ad verbum Dei de solio assurgeret, Ehud manu sinistrâ, quam solam expeditâ habebat, Regem transfigens, sicam cum capulo adactâ in hominis obesi abdomine reliquit, & confestim per posticû elapsus, & ad suos reversus, classicum canens, collecto milite ex Ephraimitis, occupatis Jordanis vadis, iter hostibus insequentibus intercludens, decem millia virorum fortissimorû occidit, Judic. 3.

Pari ferè modo Juditha, vidua Bethulienfis, Holofernem Assyrium, Bethuliâ gravissimâ prementem obsidione, suâ pulchritudine dementatum orationis astutiâ evertit. Eundi siquidem redeundiq; potestate specie religionis impetratâ, quodam die ad ipsius concubitum invitata,

Gg 5

subdolè assensit, & in cubiculum adducta, vino & sopore stertenti, proprio acinace caput amputavit; cujus casu milites exanimati, fugâ turpissimâ sunt dispersi, teste ipsius historiâ cap. 8. & seq. Quæ omnia facinora, ut justa sunt, ita & merito à Spiritu sancto commendantur. Si enim licet adversus hostes justis armis pugnare, si præterea vim vi repellere concedunt leges, ubi alia evadendi via non conceditur, utique quoque licet fraude contra fraudem abuti. Sunt enim doli instar armorum, ut, ubi violentiâ nihil geri potest, adhibeatur versutia; & quò leonina pellis nō pertingit, assuatur vulpina; quod Lyfandrum Spartanum olim dixisse, refert Plut. in Lacon. Sed nec Gileaditarum, sive Jabesitarum strategema improbat sacra pagina, quibus ab Ammonitis diuturnâ obsidione pressis, pacemque petentibus, cum non nisi foedissimâ & turpissimâ conditione Nahas Rex pacem promitteret, si nimirum sibi paterentur singuli oculum dextrum erui, ad cujus rei deliberationem 7. dierum inducias illis concedebat, hi de sociorum auxilio certiores facti, callidâ vafrie rem omnem simularunt, hostibusque suis renunciarunt, se suorum sociorum auxilio prorsus destitutos, & perfidè ab ipsis non tam derelictos, quàm proditos esse, ac proinde postero die ad ipsorum castra egressuros inermes, & quod victoribus luberet, facturos atque passuros. Quod sanè hoc consilio à Gileadi-

leaditis factum, ut hostes hujusmodi nuncio, quasi certissimi victores, securi redditi, inopinato incurfu ab Israëlitis opprimerentur. Ammonitæ igitur hoc nuncio læti, dum triumphum ante victoriam canunt, & securissimè noctem ducunt, subito à Saule in matutina vigilia ita opprimuntur, ut priùs se trucidari, quàm hostes adesse sentirent; atque ita non solum suis castris & bonis, sed & vitâ privantur, reliqui verò fugâ ita disperguntur, ut nusquam duos simul fugientes cerneret, 1. Regum II. Quanquam verò non ingenuè egisse videantur Jabeſitaræ, siquidem in contrahendo mentiri hosti non licet; quia tamen in nuncio isto Jabeſitarum repetita non est conditio, si suppetiæ non affuerint, quemadmodum priùs fuerant pacti; negamus hinc ullum esse mendacium, sed licitum & laude dignum strategema, quo hostem, quem legitimè occidere ipsis licuit, securum de victoriâ redditum commodius oppresserunt. Omnino enim quoscunque hostes ex autoritate quoque divinâ occidere licet, eosdem & imposturis fallere, & insidiis atque astu deludere licet.

Federa quidem violare præter causam, impium est; cæterum hostibus imponere, non modò justum est ac laude dignum, sed & jucundum atq; lucrosum, ait apud Plut. in Lacon. Agesilaus.

Sic & Porfennâ, Hetruscorum Rege, ut Tarquinius reduceret, Romam gravissimâ obsidione premente, Cajus Mutius Scævola, castra ejus clam ferro cinctus intravit, immolantemq; ante altaria conatus est occidere. Ceterum inter molitionem pii pariter ac fortis propositi oppressus, nec causam adventus sui texit, & tormēta quantopere contenderet, mirâ patientiâ ostendit, inquit Val. Max. lib. 3. c. 3.

Licet autem injustum hoc Scævolæ facinus videatur, qui hoc in bello, latronis & sicarii instar, Porfennæ Regi est insidiatus; ipsâ etiam naturæ lege posthabitâ, *qua hosti quoq; facere vetat, quod quis sibi ab hoste fieri nolit*; atq; ita, desperatis quodammodo usus rationib. cū alterius cedere, cui uni inhiavit, suam conjunctam voluit; si tamen quis æquâ lance & causam ipsam, & periculum, quod urbi impendebat Romanæ, & Scævolæ simul facinus expendat, nequaquam hoc ipsius forte & petitū decus, ceu temerarium, reputabit, sed nec tanquam injustum damnabit. Primum namque Porfenna, vel solo Romanorum odio, quos ita crescere dolebat, in regnum vi armisque reducere conabatur Tarquinium Superbū, qui, quod animâ haberet ex libidine & crudelitate conflata, nec ullâ fidei datæ aut justitiæ curâ habitâ, patriæ jura labefactaret, merito suo regno erat exactus; dignior pfecto, qui post scelerum & flagitiorum immanitatem morte

quâvis,

quâvis, idque vel in aperto, vel ex insidiis, vel etiam judicio damnatus, afficeretur, quàm ut in regnum reduceretur. Quòd si licitæ sunt insidiæ in tyrannum, ergo & in socium tyranni; quemadmodum nec his solis, qui parentes occiderunt, sed & consociis, & quoquo modo adiutoribus, parricidii pœna constituta legitur lib. 6 & 7. ff. ad legem Pompejã de parricidiis. *Etenim qui agunt, & qui assensum præbent, pari supplicio afficiendi sunt.* Imò & in quovis hoste licitas esse insidias, modò absit perfidia, ac proinde licere, hostem per insidias non tantum capere, sed etiam occidere, aliquot exemplis ex sacrâ historiâ modò planum fecimus. Deinde, *quoniam gravissimi sunt morsus irritata necessitatis*, ut est apud Salust. in fragm. *ideo quoque turpe nihil, quod vi aut necessitate fit, & suprema pericula semper dant veniam culpa*, ut Claudianus canit. Romanis nimirum gravissimâ à Porsennâ & Hetruscis obsidione pressis, nò solum parum abfuit, quin urbs initio caperetur, ad primum hostium impetum Romanis terga vertentibus, sed & cum protraheretur obsidio, annonæ illa difficultatem, & tantum non extremam famem in urbe augebat, adeò ut patres anxii nò possent ullam salutis spem Reip. ostendere, sed alterum futurum prospicerent, ut aut inopiâ adacti, Porsennæ se dedere, aut miserrimâ fame contabescere cogerentur. Ut ergo patriam ab urgentibus malis tandem liberaret

Scaevola, animo interficiendi Regem, impetratâ à senatu veniâ, transfugæ habitu in hostium castra se contulit, cum præsentissimo vitæ suæ discrimine. Utiq; igitur, ut gravis author est Quint. Curtius lib. 3. *in rebus arduis & afflictis, non tam speciosa dictu, quam usu necessaria & utilia sequi debemus.* Etenim etsi optandum est, utrumq; nos posse consequi, tamen si optionem nobis amarissima & truculentissima necessitatis imperia imponant, *honestati salus & utilitas, ut res magis necessaria generi humano, præferenda est,* inquit Dionysius Halicarnass. lib. 6. *Necessitas namque non habet legem, sed ipsa sibi facit legem.* Nam quod in lege non est licitum, necessitas facit licitum, ut J Cui docent.

Porro, etsi in periculum non necessarium sponte se conjicere, magna est dementia; quemadmodum & Cicero monet in officiis: Ne offeramus nos periculis sine causâ; non tamen omne periculum reformidare, aut cavere debet vir fortis & sapiens; vera siquidem fortitudo in doloris perpeffione periculique susceptione potissimum versatur, cui secundum Aristotelem proposita τὰ φοβερά, h. e. ea, quæ maximè terribilia sunt, quæ uno verbo mala sunt, cujuscunque generis ea fuerint, quæ sanè cōtemnere, & pronihilo ducere, patriæ præsertim causâ, magni excelsiq; est animi.

Magna enim res, secundum Herodotum, magnis volunt suscipi periculis. Quò autem majus est pe.

est periculum in suscipiendo aut perficiendo, eò factum ipsum redditur clarius atque illustrius. Et secundùm Comicum in Heaut. *non fit sine periculo facinus magnum & memorabile*. Sic ergo omnino huic periclitandum est, qui periculum effugere cupit. Denique ad Scævola mendacium quod attinet, de trecentis suis conjuratis, licitum & illud fuit, siquidem & hîc nulla inde contracta obligatio, ac proinde citra omnē fuit perfidiam. Et quamnam Scævola rationem habere potuit meriti in se à Porsennâ collati, dū publica staret hostilitas, & patria penè oppressa teneretur? Privata gratia privato debebatur beneficio, quæ nihil de patriæ amore tolleret, nihil quoq; Scævola de isto debito imminueret, quo patriæ tum maximè obstrictus, ejus salutem procurare omnibus ingenii manuumq; viribus necesse habuit. Suam igitur potius facilitatem accuset Porsenna, qui hosti credidit. *Quid enim stultius est, teste Cic. in Lælio, quàm incerta pro certis habere, & falsa pro veris?* Et notū est Sirac. illud c. 19. *Qui facile credit, levis corde est*. Deniq; in insidiis hosti struendis, eoq; opprimendo, in primis quoq; cavendum, ne sub strategematum specie spes data fallatur, & fides frāgatur; quemadmodū à Marco Antonio factū, qui bello Parthico unum ex primatib. Parthorum, Monesem, ad ipsum qui confugerat, à Phraate Rege, spe pacis summisq; pollicitationibus revocatum,

ipse volentem, fraudulento, imò perfido consilio, ad Regem unà cum suis legatis benignè dimisit, ut eum spe pacis, quam verbis ferire jusserat, deceptum imparatiorem invaderet. *Non enim licet hosti in contrahendo mentiri, sed jure cum ipso agendum.* Quid ergo mirum, quòd perfidia ista ipsi Antonio perfido fuit perniciofa? & quòd, qui Partho insidias, sub amicitiae nullius doli suspectae specie struxit, ipsemet Armenii Regis Artuastis, belli societatem insidiosè ipsi offerentis, calliditate in summam calamitatem sit pertractus? Utique juxta Tac. Annal. lib. xi. *nec irrita, nec degeneres sunt insidia adversus violatorè fidei.* Fraudes quoque, quae perfidiam redolent, plerunque infelice evenire, ipsosque autores incassum, quos aliis tendunt, saepius incidere, & artibus suis eludi, non aliter ac vulpes à venatoribus capiuntur, cum retia in contrarium tenduntur. Docemur quoque exemplo Annibalis, qui bello Punico secundo, Marcelli consulis occisi annulo literas ad Salapianos obsignatas miserat, quibus Marcelli nomine eos monebat, se insequenti nocte Salapiam venturum; curarent proinde, ut parati sint milites in praesidio constituti, si forte operà illorum sibi esset opus; sed qui ab his, à Crispino, altero consule, praemonitis, ut literis, nomine Marcelli scriptis, fidem derogarent, suà ipsius fraude captus, & turpiter abire est coactus, teste Liv. dec. 3. lib. 7.

Rectè

Rectè igitur Florus lib. 2. c. 19. Manlii Aquilii consulis Romani, detestatur scelus, quòd Asiatici belli contra Aristelicum reliquias confecerit mixtis veneno fontibus. Nec enim solum hoc contra priscorum Romanorum fuit morem, *sed magnum quoq; est dedecus & flagitium, cum quo virtutis certamen sit, eum scelere velle vincere.* Ceterum de strategematũ usu monuimus quoq; in lib. 2. strategemat. c. 5. Quomodo verò hostes in insidias sint præcipitandi, & quomodo aliter illis illorumq; bonis sit incommodandum, prolixè docuimus in eod. lib. 2. c. 19. & seqq.

F L O S XVIII.

Bella cum desperatis plerunque sunt infelicia.

IN bello civili Davidis Regis cum Sauli præfatis, cum Joab fratris Asahelis interitu exacerbatus, à persequendo Abnere non desisteret, & Benjamitæ jam denuò ad pugnam conglobati essent, fraterno nomine hic illum à persecutione ulteriori dehortatus, ne tanto furore in suos fratres desævire pergat; *An ignoras, inquit, quòd amaritudo sit in novissimo.* 2. Sam. 2. Quemadmodum enim in fundo vini subsidunt fæces amarissimæ, sic quoque secundum Salustium in fragm. *gravissimi sunt morsus irritatae necessitatis.* Et ut

bos lassus fortiùs figit pedem: ita quos ultima necessitas in rabiem vertit, dum penitus de vitâ desperant, ex timidis facit longè fortissimos. *Nam cum spei nihil est, sumit arma fortitudo*, teste Vegetio libr. 3. cap. 1. Rectè igitur Thucydides lib. 7. laudat consilium Syracusanorum, qui comminus cū Atheniensib. profligatis jam pugnare nolebant, tantumq; iter eorū levibus certaminibus morabantur, *quòd inutile periculosumq; sit, cum hominib. de vita sua desperantibus congregi.*

Sic & in bello Xerxis cum Atheniensib. Themistocles, ut animum Aristidis exploraret, simulabat se statuisse in Hellespontum navigare, & pontem ibi à Xerxe factum demoliri, atque ita Asiam cum Europâ capere. Id improbatum graviter Aristidi, dicenti, non quidē pugnatum esse cum Rege, luxu soluto, quem si incluserimus in Græciam, ac virum tantas sub se copias habentem, in metum & necessitatem extremā compulerimus; nō is præterea otiosus subter aureo umbraculo pugnam spectabit, sed periculo motus, omnia tentabit, omnibusq; in rebus aderit, ut ea, quæ neglexit, resarciat, & de totâ re meliora consilia inibit. Quapropter nō is, qui nunc est, pons deijciendus nobis, sed si fieri possit, alio insuper constructo, Barbarus quamprimùm Europâ nobis expellendus est, autore Plut. in utriusq; vita.

Pari modo Artabanus & Megabyzus, Duces Artaxerxis, qui missi erant contra Ægyptios ab
 Artaxer-

Artaxerxe, qui defecerant, pugnare noluerunt cū Atheniensib. quorum classem inutilem reddiderant, cū vidissent eos desertos esse ab Ægyptiis, & in summo rerum discrimine versari. Addit ibi Diodorus Sic. lib. II. illos, cōspectā omniū incredibili audaciā, veritos, ne cum obstinatis, jam salute abjectā ad mortē, pugnando multa nequicquam suorū millia amitterent, fedus cum Atheniensib. certā conditione iniisse, permissumq; , ut absq; periculo incolumes Ægypto excedant. Sic & Agésilas, Spartanorū Rex, instructā acie adversus Bœotios pfectus, postquam ad hostes appropinquasset, primū quidem levis armaturæ milites hostib. objecit, periculū facturū, quā essent ad pugnam hostes instructi. At cū facile Thebani hos è locis superiorib. dejecissent, universum exercitū contra eos duxit. Illic tum Gábrias Atheniensis militib. suis præcepit, ut hostes cū contemptu exciperēt, in acie intrepidè pssisterent, & demissis ad genua clypeis, stantib. lanceis manerent. Quibus jussū facientib. Agésilas admiratus hostiū & constanciam, & contempnū, non tutū existimavit, in iniquū locum niti, & cogere adversarios ad virtutem suā exercendā in plenti periculo, cumq; expertus esset, eos acturos esse, si cogerentur certare pro victoriā, in planitiem eos provocabat. Non descendentibus Thebanis, pedum suorum phalangem adduxit, equitibus verò & levis armaturæ militibus emissis, agrū eorum vastavit, & magnā spoliū copiam potitus est.

At Spartani, qui cum Agesilao erant, partim consiliarii ejus, partim Duces, admirabantur, quòd, cum tanto semper successu esset usus Agesilaus, & exercitum multò majorem potentiorèque haberet, non tamen prælum cum hoste commisisset. Quibus Agesilaus respondit, *non quidem Lacedamonios sine periculo vicisse*. Non enim ausos fuisse Bœotios devastatæ regioni succurrere: si autem, hostibus victoriæ cedentibus, per vim periculum eos sustinere coëgisset, fieri propter fortunæ inconstantiam potuisse, ut Lacedæmonii in periculum caderent. Tunc igitur propter solers illud judicium visus est aptè conjecisse, quid contingere posset. Postea autem propter effectus, qui secuti sunt, visus est non humanam vocem, sed divinum oraculum protulisse. Lacedæmonii enim, cum ingenti exercitu adversus Thebanos præfecti, cum eos certare pro libertate coëgissent, magnam cladem passi sunt; primùm in Leuctris graviter afflicti, postea ad Mantineam navibus delati, prorsus perierunt, & imperio suo, cum minimè putassent, exciderunt, ut Diodorus scribit lib. 15. Probè hoc quoque intellexit Jason Phæreus, quem, cum Thebani post Leuctricam victoriam ad belli societatem hortarentur, respondit; *non esse dimicandum cum desperatis, & reductis ad extremas angustias, quia Deus sæpe imbecilliores extollat, & potèntiores dejiciat*. Quibus monitis Thebani obtemperantes, cum Spartanis pacem fecerunt. Sic

Sic & Vespasianus Imperator, Jotabanis ar-
ctissimâ obsidione clausis, suis imperavit, *ne cum
hominibus mortis avidis manum confererent.*
Restingui autem illorum impetus, si proposito
frustrentur, quasi flammam, si materiam non
inveniat, ut Josephus scribit de bello Judaico lib.
3. c. 8. Idem hoc confirmat Cominæus lib. 3. de
reb. gestis Ludovici & Caroli exemplo Leodien-
sium, qui obsessi à Ludovico Rege, & Carolo
Burgundo, cum carerent omni externo præsidio,
& quos habuerant viros fortes, vel occisi essent,
vel vulneribus confecti, portis etiam & castellis,
& muro, & fossâ, & tormentis prorsus essent de-
nudati, atque ita res ipsorum ad extremum per-
ducta esset casum, desperatâ salute, ingenti eru-
ptione factâ, extremum experti sunt auxilium,
magnamque ediderunt hostium stragem; nec
multum absuit, quin ambos quoque Principes
interemissent, cubantes in lectulis. Sic & ad Vin-
centiam ita erat conclusus à Venetis exercitus
Maximiliani I. Imperatoris, ut aut fame pereun-
dum ei esset, aut Venetorum armis. Ibi Frons-
bergius nullum aliud superesse consilium dixit,
nisi ut arctè claudantur manus, & aperiantur o-
culi. Vicit tunc cum parvis copiis Maximilia-
nus longè majorem Venetorum exercitum, ut-
pote in quo desiderata sunt novem millia. Bello
Ligustico secundo, Genuenses in Corcyrensi
portu à Venetis obsessi, voluerunt naves omnes

Venetis tradere, si incolumes inde viros abire permisissent. Quo negato, metu in desperationem verso, concursus fuit, Ligurq; artem viribus addidit, 15. triremibus in insidiis locatis, quæ medio pugnae ardore in Venetos motæ, haud dubiè suam fecerunt victoriam, ut author est Sabellicus lib. 1. dec. 2. Plura de hoc flore monuimus in lib. 2. strateg. nostræ c. 24.

F L O S XIX.

Hofles potentes aut necandi, aut maximis beneficiis sunt obligandi: *Bodin.*

libr. 4. de Rep. cap. 1.

Herennius Pontius, Samnitum Dux, cum ad Furcas Caudinas duos Romanorum exercitus consulares inclusisset, ad patrem Cajum Pontium misit, sciscitatum, ecquid sibi agendum putaret? respondit senex, *incolumes cum suis Ducibus exercitus dimittendos.* Quod consilium cum vulgo displicuisset, duos misit sciscitatum, quid opus esset facto; tum ille; *Romanos ad unum interficiendos.* Anceps Herennius, patrè in castra plautro advehi curavit, & causam tam diversi consilii explicare jussit. Tum ille; *Per summum beneficium pacem cum populo potentissimo firmandam censeo; id si displicet, per summum maleficium nervos illius amputare præstat, ut ne facile*

facile ad pristinas vires redire queat, mediâ viâ, nec amicos parabit, nec hostes tolletis. Sed hoc patris consilio spreto, dum mediam amplexus viam Herennius, hostes mille contumeliis affectos, sub jugum mittit, hoc dedecus tandem patriæ suæ exitio luit.

Hanc namq; injuriam Romani biennio post tam graviter ulti sunt, ut septem millia Samnitum, unâ cū Duce Pontio juniore, vicissim pari notarent ignominiâ, & abhinc sexennio elapso, 30. millia Samnitum, iterumq; triennio post 20. millia sint cæsa; ipse quoque Pontius tandem in triumpho ductus, securi est percussus, teste Liv. dec. 1. lib. 9. & dec. 2. lib. 1. Sic ergo nimis serò Samnites prudentissimi senis Pontii consiliū cognovêre, *cassis potentibus hostibus, fieri*, ut ingenti clade vis eorū frangatur, eosdē verò libertate & vitâ donatos, fidem deinceps amicitiamq; colere sempiternâ. Idem quoq; in senatu Rom. censuit Lucius Furius Camillus, de Latinis populis debellatis, & planè afflictis, apud Liv. dec. 1. lib. 8. Dii immortales, inquit, ita vos potêtes hujus consilii fecerunt, ut sit Latium, an non sit, in vestrâ manu posuerint; Itaq; pacē nobis, quod ad Latinos attinet, parere in perpetuū, sed vel saviendo, vel ignoscēdo potestis. Vultis crudelius consulere in territos victosq; ? licet cedere omne Latium. Vultis exemplo majorū augere rem Romanam, victos in civitatem accipiēdo? materia crescendi

per summam gloriā suppetit. *Certè id firmissimum Imperium est, quo obedientes gaudent.* Hæc cum consul ita proposuisset, senatus secundum ejus sententiam de singulis Latii populis decrevit, pro cujusque merito, ita tamen, ut nil medio fieret, omnia extrema summaque essent. Quibusdā enim non modò pepercerunt, sed eosdem etiam multis beneficiis affecerunt, civitate donarunt, & multa alia jura & privilegia concesserunt, ut nullam causam haberent vel rebellandi, vel alio quocunque modo res novas moliendi; quibus parcere noluerunt, iis & oppida diruerunt, & omnis generis pœnas suppliciaque imposuerunt. Nam dirutis mœnibus eos agro spoliaverunt, depulerunt, atque dissiparunt, ut bellum amplius parare nullâ ratione possent. Huc etiam pertinet populi Romani judicium de Privernatibus, qui defecerant, per vim sub Imperium rursus redactis, apud eundem Liv. dec. i. lib. 9.

De his nimirum castigandis cum in senatu deliberaretur, & prout cujusque ingenium erat, aliis atrocius, aliis mitius suadentibus; tum ex legatis unus interrogatus à quodam, qui tristioris sententiæ author erat, quam pœnam meritos Privernates censeret: *Eam, inquit, quam merentur, qui se libertate dignos censent.* Ad quod responsum consul, ut mitius ab eo extorqueret aliud; Quid si pœnam, inquit, remittimus vobis, qualem nos pacem vobiscum habituros speremus?

mus? *si bonam dederitis, respondit, & fidam, & perpetuam; si malā, haud diuturnam.* Tum verò, etsi quidam hæc aliter interpretarentur, melior senatus pars ad meliora consilia trahere & dicere: *Viri, & liberi viri, vocem audite.* An credi posset, ullum populū aut hominem diutiūs, quā necesse sit, in ea, cujus cum pœniteat, conditione mansurum? ibi pacem esse fidam, ubi voluntarii pacati sint, neque eo loci, ubi servitutem esse velint, fidem sperandam esse. In hanc sententiam cū & consul & principes sententiarū consulares inclinarent, eos demum, qui nihil praterquam de libertate cogitarent, dignos esse asseriebant, qui *Romani fierent.* Itaq; & in senatu causam obtinere, & ex autoritate patrum latum ad populum est, ut Privernatibus civitas daretur. Vitruvius solus cum conjurationis sociis est necatus. Sic & Augustus Cæsar conjuratos in patrem ac seipsum e medio sustulit, exceptis paucissimis, quibus non solum vitam donavit, sed beneficiorum quoq; cumulo in perpetuum eos sibi obligavit. Extremus fuerat Cinna, quem Augustus perduellionis reum exegerat, non levibus conjecturis, sed argumētis ad assentiendum necessariis; literis, inquam, ab ipsomet scriptis, quibus caput Augusti petebat, & tamen non solum ei ipse pepercit, sed & cum hoste acerrimo sempiternum fedus feriit, maximis in illum collatis beneficiis, quem deinceps amicissimum si-

delissimumq; semper habuit, teste Dione lib. 5.
& Sen. lib. 1. de clem. c. 9.

Sic & Franciscū Gonzagam, Mantuanorum
Principem, qui suas opes & copias cum Ludovi-
co XII. Gallie Rege, ad Venetorum everfionem
conjunxerat, senatus populusq; Venetus, capti-
vū libertate modò, sed & imperatoriā potestati
ornavit, quib. beneficiis auctus, deinceps in sum-
mā fide & amicitia pmanfit. Ceterū quomodo
bella tam vi & armis, quàm absque violentiā sin-
conficiēda, docuimus in lib. 3. strateg. nostræ c.

F L O S XX.

Hoslium reconciliatio, lupina est ami-
citia. *Menand.*

ET si quidem inter prudentes minimèq; ma-
litosos homines, qui prius fuere hostes in-
fensissimi, interdum coalescere solet amicitia
quemadmodum Cinnæ & Gonzagæ in præce-
denti flore testatur exemplum: tamen longè ali-
ter res sese habet in malignis, lividis, fastuq; tu-
mentibus hominibus, qui aliter suam authorita-
tem imaginantur non posse consistere, nisi ex a-
liorum despicientiā & detrectatione. Et hac
veluti obsonio quodam, vel (ut de salamandra
dicitur) igne pasci videntur. Ipsaq; experientia
docet, inter hujuscemodi hostes exacerbatos re-
conciliatæ amicitiae fidem plerunq; lubricam

infi

infirmam esse, ac proinde nunquam his tutò fidendum, aut tanquam amicis utendum, adeò ut plerunq; semel læsum ad internecionem usque prosequantur & perdant. Sic nimirum Dion, qui Syracusanos à Dionysii tyrānide liberavit, à conjuratis, quibus ipse libertatē dederat, trucidatus est, ut in ejus vita testatur Plut. Sic & Julius Cæsar ab illis ipsis, Bruto & Cassio, quos acerrimos antea inimicos non impunitate solùm, sed honoribus etiam & magistratu donaverat, sceleratè est interfectus, ut meritò illud Pacuvii usurpari possit: *Men' servasse, ut essent, qui me perderent?* nimirum *ut gratia & amoris in odium deflexus fucilis, ita odii ad gratiam difficilis est transitus,* raroq; ferox & fastuosus animus, quem semel indignatio subit, sincerâ fide excoluit, aut cum quo vehementes primò inimicitias gessit, affectuosè postmodum in gratiam redit, ut Fazellus scribit de reb. Siculis lib. 3. c. 2.

Hujus rei documento est Marc' Antonius, qui erat accensus cupiditate, Cæsari in monarchia succedēdi; ideo Octaviū magnā hereditatis parte fraudabat: quē tamen, ubi vidit plebē non minùs quàm antè Juliū Cæsarem, magnā benevolentia amplexū, cum eo in gratiā quidē rediit, non quòd ex animo amicitia ejus quæreret, sed ut periculū jam sibi imminens averteret: sed quæ simulata tantūm fuit amicitia, quia, etsi cicatrices obdu- Etq; erant, vulnera tamen intus latebant, ac neuter

alteri cedebat, & multi insuper Gnathones accedebant, qui modò ad hunc, modò ad illum rumsculos deferebant, quibus multò atrociores similitates excitabant, quæ tandem desierunt in bellum civile, quo ad Actium alter pro salute, alter in ruinam terrarum orbis dimicarunt; ubi Antonius victus, cum ab irato victore non posset impetrare vitam, ipse sibi necem conscivit.

Talis quoque *λυσσφιλία* superioribus seculis fuit inter Albertum Austriacum, & Ottonem Ducem Bavarie, qui contra Austriacum Cæsarem electum, suppetias laturus Adolpho, Albertum Comitem Holebergensem & Heiberlochium, Austriaci avunculum, transitum ipsi denegantem, ferro iter aperiens, interemit. Quem etsi Austriaco marito conjux suâ intercessione reconciliavit; hæc tamen amicitia nec stabilis, nec diuturna fuit. Etenim Otto non ita multò post ad regnum Ungariæ evocatus, cum imperum faceret in Stiriam, armatâ manu in Ungariam descensus, in tantum similitates istæ recruderunt, ut Albertus armis eum prohibere conatus, veneno quoque ab Ottone fuerit petitus, quod ipsius vires admodum debilitavit, scedâq; macie corpus deformavit.

Pari modo, etsi Ludovicus XI. Gallie Rex, & Carolus Dux Burgundus, qui antea inimicitias inter se aluerant, post privatam colloquutionem fuerunt reconciliati, quia tamen Carolus Ludovicum

vicum invitum coëgerat ad societatem belli contra Leodienses, semper metuebat, ne Rex vel ad hostem transiret, vel prius, quàm urbs caperetur, profugeret, aut in ea propinquitate contra se moliretur aliquid. In vicino igitur horreo, quod medium erat inter ipsum & Regem, collocavit circiter 30. equites, qui pariete effracto, ut minori periculo, cum opus esset, erumperent, diligenter observabant, quid circa Regem ageretur. Ita semper metuebat Carolus, ne si Rex discederet, bellum aliquod excitaret. Atque hîc videre licet, quàm sit misera conditio summorû Principum, & quàm inter eos nulla queat esse firma voluntas, aut amicitia. Fecerant hi duo pacem ante dies quindecim, eamq; jurejurando sanciverant, & tamen, ut alter alteri fidem haberet, fieri non potuit, inquit Cominæus lib. 3. de utriusq; rebus gestis.

Sic & superioribus annis, Henricus Guisus in offensionem Henrici III. Gallia Regis venerat, cui, etsi apud Carnutes, præsentem Reginâ matrem, multisq; aliis Principibus esset reconciliatus, omniumq; rerum præcedentium à *prinséau* Rex promulgari jussisset, Regi tamen, tanquam amico suo reconciliato, non confidebat, nec ad comitia Blasensia à Rege indicta, accedebat. Nec fefellit eum sua diffidentia. Nam persuasus tandem, ut veniret, ab octo sicariis ad hoc scelus perpetrandum à Rege constitutis, gladiis & pu-

gionibus est confossus. Ita semper reconciliatricem sordidam, & latente malo infectam, retinet. Unde rectè Cicero in oratione pro Milone, *amicitias reconciliatas valde suspectas esse ostendit*, quòd post reditum in gratiam, si quid est commissum, id non neglectum, sed violatum putetur, nec imprudentiæ, sed perfidiæ assignari solear.

F L O S . X X I .

Victoriâ non insolenter utendum.

IN omni bello cruda sunt post victoriam principia, magisque in civili, ubi odia, & acerrimæ factiones; quod Abneri quoq; monet adagium; *An ignoras*, (inquit ad Joabum) *quòd amaritudo sit in novissimo*. Ut enim in fundo vini subsidunt fæces amaræ, sic alta sedent civilis vulnera dextra. Meminisse igitur vult Joabum & Marris ἀλλοτρίων, & ne victoriâ modò partâ crudeliùs utatur. Quâ Abneri cohortatione Joab mitigatus, privatam injuriam fratris sui ab illo occisi publicè condonans salutem, receptui cecinit, 2. Regum 2. Non enim privatæ injuriæ bello sunt persequendæ, & præterea boni Imperatoris est, *parcere subiectis, & debellare superbos*.

Quoniam ergo superbi modò erant debellati, omnino nunc subiectorum vitæ fuit parcendum. Victoriam quidem parare, multis Ducibus est com-

commune; at non, animū vincere, hosti parcere, atque ita victori temperare. Hæ enim sunt virtutes paucissimis cōmunes. Sic nimirum Titus Imperator, Judæorum quibusdā, qui in extremo excidii Hierosolymitani tempore ad se confugerant, veniam dedit, quamvis necessitate, non voluntate eos venisse sciret, *plus fidei, quàm iracundia tribuens*, ut Joseph. scribit lib. 7. c. 9. belli Jud.

Sic & Magnus Consalvus, teste Jovio in ejus vita, ex eā pactione cū Gallis deditā Cajetā initā, & summæ prudentiæ & moderationis eximiæ consecutus est laudem, utpote qui vel in multa spe opulentioris victoriæ militum suorum sanguine abuti noluerit, ratus omnino parcendum esse deditis, qui virtutis & clementiæ suæ testes, Consalvi nomen in provinciis celebrarent; tantam verò, ut inviolati benignèq; habiti dimitterentur, curam diligentiamque adhibuit, ut, cū Helvetio prætereunti Hispanus miles torquem rapaci manu detrahare conaretur, re cognitā, Hispanum vel in mare fugientem persecutus, adacto equo, suā manu gravissimè vulneravit.

Pari modo, cū Galli à Ludovico Sfortiā obsessi, defensionis spe amissā, cū incolumes cum rebus suis abeundi fide acceptā, urbem dedidissent; etsi illorum militum cædes, magni ad victoriam momenti esset, & à multis, (si virorum magnorum authoritate & exemplis Imperii augendi gratiā fidem violare liceret, multò magis

licere, conservandi, aiebant,) ad frangendam fidem impelleretur; fide tamen constanter servatâ, Vercellas usque comitatos incolumes dimisit, ut author est Guicciardinus lib. 4.

Sic quoque multi Regum, partim bello victi, partim dediti, sunt ab Alexandro Magno servati, ut non solum sint in pristina fortuna retenti, sed in multo etiâ ampliore collocati, ut difficile sit judicare, majusne sit belli decus, an liberalitatis & clementiæ nomen vincendo adeptus. *Pulchrum est, Reges vincere; sed multo pulchrius, proprios affectus moderari.* Cùm Græci, qui apud hostes stipendium faciebant, venissent in potestatem Alexandri, Athenienses quidem jussit in compedibus servari, quod, cùm ex publico stipendium haberent, tamen apud hostes meruissent. Similiter & Thessalos, quod regionem optimam nacti, eam non colerent, Thebanos verò dimisit, dicens; *His per nos nihil est reliquum, neq; civitas, neq; arca.* Ita moderatus est pœnam, ut mortem commertis non indiceret, nisi vincula; & culpam eorum, qui necessitatem excusare poterant, in se transtulit; teste Plut. in apoph.

Antigonus, Syriæ Rex, cùm Demetrium, Antigoni, Macedoniæ Regis, filium profligasset atq; cepisset, eum Chæronensi custodiæ tradidit, ac regio sumptu venationibus, omnisq; generis voluptatibus, quibus ille assueverat, uti permisit, eod. teste Plut. in Demetrio.

Sic &

Sic & Justinianus Imperator Vitigen, Gothorum Regem, cum à Belisario captivus Constantinopolim esset missus, non ut hostem captivum, sed ut amicū habuit, teste Paulo Diacono lib. 10.

Victis in Ungaria Gurziensibus, magnum (inquit Frider. III Imperator) actum est opus; nunc majus restat, ut scil. vincamus nosmetipsos, atq; avaritiæ & ulciscendę cupiditati frenos imponamus, teste Æneâ Sylvio lib. 2. com. in Panormitâ.

Sic & Carolus V. Imperator, cum Johannem-Fridericum, Ducem Saxon. Electorē, tanquam rebellem damnasset capitis, recepit illum in gratiam, ejusque simul conjugem Sibyllam Clivensem, Wittebergâ deditâ, pro conjugē suppliciter precatam, perhumaniter accepit, & Saxoni permisit, ut oppidum ingressus, per dies octo cum uxore & liberis commoraretur; & tandem quoq; post quinquennalem custodiam, omnem illi offensam remisit: vide Sleidanum lib. 19. & 24.

Alexander Magnus Datium insequens, ubi cum multis confossum vulneribus reperit, non obscure indoluit huic misero casui, chlamydemque suam solvit, eâq; injectâ corpus involvit, regio tandem cultum more ad matrē misit.

Sic & Lacedæmoniorū Rex Cleomenes, cum Achæorum exercitum exsuperasset, magnumq; hostium numerū interemisset, omnia ad sepulturam petita corpora libenter concessit, teste Plutarcho in utriusque vita.

Hh 5

Sic & Demetrius Polyorcetes, victo Ptolomeo Ægypti Rege, ad Salaminem victoriâ per se nobilem, multo nobiliore reddidit, cæsorû hostiû corporibus sepulture deditis, captivos quoq; sine pretio restituit, ut author est Sabel. lib. 7. Enn. 4.

Sic & Lucius Cornelius consul I. bello Punico, cum Olbiam oppidum cepisset, pro quo fortissime pugnans Hanno, Dux Carthaginensium, occiderat, corpus ejus è tabernaculo suo amplo funere extulit, nec dubitavit, hostis exequias ipse celebrare, ut Val. Max. scribit lib. 5. c. 1. Quod à cæteris quoq; Romanis factum.

Pari modo Renatus, Lotharingæ Dux, à Carolo audace, Burgundiæ Duce, pulsus, postea Helvetiorum federatorû ope adjutus, cum ipsum, à quo tam multa tulerat, prælio vicisset & interemisisset, Caroli corpus in confertâ cæsorum multitudine inventum ad Nanzæum oppidum, in sancti Georgii fanum detulit, cum omni aulâ suâ eum honoris gratiâ atratis vestibibus profecutus, teste Fulgoso lib. 5. c. 1.

Rectè omnino & piè. Etenim cæsorû hostium cadavera sepulturâ prohibere, aut in ea sequire, res est impia atque execranda. Defuncti enim non bellagerunt, & ut est apud Virgil. Æneid. II. *Nulum cum victis certamen, & æthere cassis*; quia hostes esse desierunt, qui homines esse desierunt, & Ovid. canit lib. 3. trist. Eleg. 4.

Pugna suum finem, cum jacet, hostis habet.

De victoriæ usu vide lib. 3. strateg. nostræ c. 6.

F L O S X X I I.

Pax honesta pecuniâ quoq; redimenda;
at turpis & violenta prorsus rescin-
denda.

PAcis amabile nomen, res verò ipsa tum jucunda, tum salutaris, utpote quâ agri, quâ urbes, quâ res privatæ, quâ Resp. quâ deniq; regna constituuntur & conservantur; quæ si aliter obtineri non potest, nullo non ære ab hoste rectè & salutariter redimitur, modò ea sit honesta, ut nimirum bellum tolerabili aliquâ conditione finiatur.

Hinc non abs re à fortissimis prudentissimisq; Belli Ducibus tritum hoc usurpatur: *Hosti, ut fugiat, pontem vel ex argento esse sternendum.*

Etenim multò commodius atq; facilius auro arcentur hostes, quàm ferro & viribus in ipso belli discrimine sustinentur. Et ex rerum usu plerunque accidit, ut qui pecuniæ parcendo, etiam remota pericula negligere & contemnere soleant, incumbenribus demum malis, desperato sæpe remedio, graviora detrimenta sentire consueverint.

Omnino itaque rectè & prudenter factum à Joâ & Ezechiâ, Regibus Judaicis, qui ab Azacle, Syriæ, & Sennacheribo, Assyriorum regibus, pa-

cem etiam templi thesauris redemerunt, 4. Regum 12. & 18.

Sunt enim opes minus bonum, quàm vita & pax quæ ad hunc usum quoque à Deo dantur, & servatâ fide & pace reparari possunt, cùm vita non possit, pax difficulter possit, & sine his opes reparari prorsus non possint. Et quia thesauri sacri erant destinati à Deo cultus divini conservationi; hæc ipsa pacis redemptio eidem serviit, qui certè cessasset & abolitus fuisset, expugnatâ Hierosolymâ. Sed & templi hæc jactura fiebat sine civium jacturâ, quorum res & vita fuissent periclitatæ in bello. Quòd si privati suis se opibus rectè redimunt, quantò rectius publicis opibus se redimit Ecclesia & Respubl. siquidem pace redemptâ poterunt æraria rursus complere.

Sic & Romani bello Gallico Senonico, in Capitolio obsessi, & longâ inediâ confecti (an. M. 3584.) cùm infirma corpora armorum pondere obruerentur, nec aliunde auxilia adesse cernebant, vel redimi, vel dedi se quacunque pactione decreverunt. Quandoquidem & Galli interdum jactabant, fieri posse, ut tolerabili mercede obsidionem solverent, teste Sabellico lib. 1. Ennead. 4. ex Plut. Camillo.

Sic & Carolus Calvus, Francorum Rex, cùm Normanni regno ejus intolerabiles imminerent, quater mille auri talenta depactus est, ut incendiis

cendiis, prædis & cædibus abstinerent, ut author est Crantzius lib. 2. Norvegiæ c. 6.

Sub Carolo Magno iidem duodecim millia argenti pacti, abituros se pollicebantur, datis invicem obsidibus: trans Sealdim profecti, urbes, oppida, castella, monasteria, Ecclesias magnâ calamitate affligerunt. Itaque post pascha, Franci, ut æra promissa solverent, Ecclesias & ecclesiastica mancipia spoliarunt, ut idem ibidem scribit cap. II.

Cùm Henricus IV. Germanorû Imperator Alexium Comnenum, Imperatorem Constantinopolitanum, ob Siciliae regnum bello peteret, tributumque exigeret; Alexius, cùm subditi ac sacerdotes sacrum argentum denegarent, majorum sepulchra omni precioso ornatu ad centenarios argenti & auri septuaginta spoliavit, pacem redempturus.

Pari modo à Toxi, Ungarorum Rege, Albertus Berengarii III. Italiæ Regis filius, & precibus & decem argenteorum nummorum modiis (*an. C. 922.*) Italiæ excidium redemit, teste Bonfinio lib. 10. dec. 1.

Nihil tamen hîc aut faciendum injustè, aut patiendum turpiter, ut pace frui valeamus, inquit Polyb. lib. 4.

Minimè igitur probatur pax nimio precio, & quidem sub annorum aliquot tributo emptâ, utpote quæ non pax, sed pactio est servitutis. Cu-

jusmodi fuit Joviani illa Imperatoris, qui ob eadem Juliani, & exercitus Romani, in Perside conclusi, angustiam & famem, & praesertim ob metum, ne quis alius sibi Imperiū in Occidente eriperet, pacem à Rege Persarum (*an. C. 367.*) redemit in 36. annos, resignato Syriae principatu, & Nisibi & Singarâ cum magnâ Mesopotamiae parte, ut autor est Socrates lib. 3. c. 22. & lib. 4. c. 2. & Paulus Diaconus lib. II. Quod ante eum diem, ex quo Romanum Imperium conditum fuit, nunquam accidisse scribit, ut mutatis finibus, & parte Imperii traditâ, pacem redemerint.

Sic & Nicephorus Imperator ignavus, cum Aaronem, Saracenorum Amyran, cum 30 milibus contra se ascendentem videret (*an. C. 806.*) turpi nefarioq; federe sibi prospexit, pro incolunitate Imperii 30. millia nummūm aureorum, pro capitis sui salute 3. millia pactus. Multò verò minùs probamus pacem ignominiosam, turpem & violentam, cujusmodi fuit Spurii Posthumii cōsulis pax Caudina (*a. M. 3652.* inita fuit ea pax) exercitus nempe Romani, intra saltus Caudinos clausi, sub jugum missio, itemq; Maximini cōsulis, qui suâ timiditate eò venit, ut, cum Numantiam in Hispania obsideret, tanquam obsessus & victus, ignominiosam sibi & populo Romano pacem domum reportavit.

Non enim honestū dixero, quod est crudele, nec pacem non pacem, h. e. vi extortam, & à necessi-

cessitate impositam, quæ fida & diuturna esse non potest. Pacis siquidem ea natura est, ut sit perpetua: hanc autem facit ipsa æquitas, quæ divo Ambrosio lib. 1. de officiis c. 34. justitia est, suum cuique tribuens pro ejus conditione atque merito, & ad communem utilitatem omnia referens.

Quoniam ergo *pax sine justitiâ esse non potest*, utpote quæ, ut Pindarus in Pythiis ait, *filia est justitiæ*, justitiæ autem pars est clementia, clementia verò, teste Senecâ lib. 2. de clem. hostes salvos dimittit, aliquando etiam laudatos, si honestis causis pro fide, pro federe, pro libertate in bellum accincti sunt; eademque hoc præstat, ut, quos dimittit, nihil aliud illos pati debuisse pronunciet: utique iniqua illa & injusta erit pax, ubi victis superbè ac duriter imperitatur.

Quæcirca, quoniam pax ista Caudina pactio- nem aut labem & ignominiam habet servitutis, nequaquam tolerabilis fuit Romanis, populo libero fortique, quem quidvis potius facere, & vel in bello emori oportuit, quàm servire, aut in servitute vivere.

Viro namque forti, teste Thucydide lib. 2. ignominia tristior est morte, quæ cum gloriâ & spe publicæ salutis sine longo cruciatu aditur.


Et, ut Cicero docet Philippicâ 3. mors servituti anteponenda est, quâ nihil est foedius aut miserius, cum ad decus & libertatem nati simus, quàm aut tenere, aut cum libertate mori debemus.


Et in Philippica 2. Pax est tranquilla libertas, servitus postremum malorum omnium, non modò bello, sed morte etiam repellendum.

Et quia populus Romanus nihil quicquam vel Samnitibus victoribus, vel etiam Numantinis promisit; sed cōsules tantum, & tribuni militum: (nec enim consulis jus, nec sui erat arbitrii, pacem spondere,) ideo rescissâ turpissimâ pace, ejus authores captivos hostibus dediderunt; atq; ita pactis istis se liberavit.

Utique enim, quod bellicum est, Duces belli tractare decet, non aliud; aut ipsi suo malo soli obligantur.

Plura de pacis observantiâ require lib. 3. Strategem. nostræ c. 2.





I N D E X
R E R U M M E M O -
R A B I L I U M.

- A** Bimelech's fratricidium. pag. 581
Abigaëlis modestia & prudentia. 495. &
198.
Abia R. J. quomodo vicerit Jeroboamum? 586. cum
seq.
Absolon impietatis in patrem Davidem pœnas
luit. 551. & seqq.
ejusdem Ambitio & vindicta cupiditas. 69. & p.
580. fin. & seq.
Ahitophelis, ob prodicionem & malum consilium,
pœna. 282. & seqq.
Acilii in pralio navali fortitudo. 420
Acrotali responsio ad parentes, iniqua petentes.
543.
Ahabus ob incolumem dimissum Benhadadum,
à Deo punitur. 146
Achazi, Regis Judaici timiditas. 183. idem Regis
Assyrii fit tributarius. 657
Achajus, Rex Scotorum, cum Carolo M. fedus init
contra Anglos-Saxones. 669

INDEX

<i>Achillis virtus Alexandro M. victoriarum causa.</i>	203
<i>Adonibezeci Regis apud Israëlitas supplicium.</i>	226
<i>Adolescentes, institutione neglectâ, pestes sunt familiarum.</i>	374
<i>Adulatio comes magna fortuna. 261. opes Regum poertit, 261. & seqq.</i>	
<i>Adulatores quibus comparandi? 263. eorum consortium corrumpit filios Heroum.</i>	375
<i>Adorandi Reges mos usitatus.</i>	391
<i>Adfinitatis ratione, quibus nuptiis abstinendum? 472. & seqq.</i>	
<i>Adolphi Egmondani, impii in patrem, miserabilis cades.</i>	552
<i>Ægyptiorum iudicium iurjurandum. 356. Idem quomodo iustitiam pinxerint?</i>	377
<i>Ægyptiarum obstetricum laus.</i>	402
<i>Ægyptium regnum quamdiu floruit? 23. & 50</i>	
<i>Æolorum vindicta cupiditas.</i>	73. & seqq.
<i>Ætolorum ambitio.</i>	74
<i>Æquitas in interpretandi LL. adhibenda. 368. & seqq.</i>	
<i>Ætas matrimonio apta quæ?</i>	462
<i>Ætas sponsaliorum.</i>	463
<i>Æduardus II. Angliæ rex, à parlamento abjudicatus in custodia perit.</i>	124
<i>Æmulationes inter Æschynem, Phocionem, Demosthenem & alios, unde?</i>	49
<i>Affecti-</i>	

RERUM MEMORAB.

Affectibus in judicando non indulgendum. 364. & seqq.

Agamemnonis & Achillis discordia, quàm pernicioſa Græcis ad Trojam? 650

Agidis Spartani dictærum. 290

Agidis Lacedæmoniorum Regis authoritas. 234

Albertus I. Imp. à Joanne fratris filio jugulatus. 614

Alexandri Severi Imp. conſilium, in ordinandis rectoribus provinciarum. 339. *juſtitia.* 148

Alexii Angeli proclama, initio Imperii factum. 350

Alexander M. accusatori alteram aurem occluſit. 359. *ab Auguſto Caſare reprehensus.* 17. *ejuſdem beneficentia.* 28. & 29. *reſponſum ad Darii legatos.* 41. *amulatio à Julio Caſare.* 203. *Idem Jovem patrem adſciſcit.* 220. *Quibus ſignis invitatus, Darium aggreſſus ſit?* 68. *Ejuſdem temulentia præceptorum negligentia adſcribitur.* 571. *clementia in victos deditosque.* 728. & 729.

Albertus Dux Megapolenſis, Suecorum rex electus, ab iſſidem incarceratur. 38

Alboinus Longobardorum rex, uxoris inſtinctu obtruncatur. 513

Almi cum Colomanno fratre, Ungaria Rege, reconciliatio. 637. *cum ſeqq.*

Almarici Gothorum Regis ob uxorem contumelioſe habitam, interitus. 519

INDEX

- Alphonſus, Rex Hiſpania, quomodo patrem i-*
gantem filium ad confeſſionem compulerit. 380. & ſeq.
Alphonſi, Regis Arragonii authoritas. 235. & ſeq.
ejus reverentia erga patrem. 3
Alphonſi Petri Guſmanni fides in obſidione D-
riffa. 4
Alphonſi, Regis Portugallia, dua amita, uxore. 472.
Alphonſus, Rex Caſtelle, Imperator electus, quomodo
Imperium amiſerit. ?
Alphonſus, Rex Neapol. ſua injuria vindex eſſe
non vult. 2
Alphonſus, Rex Arrag. & alter Alphonſus, Cal-
bria Dux, lectores librorum avidiſſimi. 204. & ſeq.
Alliana Romanorum clades, unde? 66. & ſeq.
cum ſeq.
Ambitio peſtis Rerumpublicarum.
Ambitioſorum comparatio. 3
Amicorum optima conſilia. 253. & ſeq.
Amoris conjugalis lex. 485. & ſeqq. *ejus exemplum.* 486. & ſeqq.
Amor liberorum erga parentes. 536. & ſeq.
Asopia parentum erga liberos. 532. & ſeq. *liberorum erga parentes.* 551. & ſeq.
Amor omnis, ſocii impatiens. 485. *idem peſtis juveniorum.* 3
Amatus in amante ſe cognoscit. 4
Am...

RERUM MEMORAB.

- Amari si vis, ama.* ibid.
- Amor descendit, nō ascendit. 527. & 535. si. cum seq.*
- Amor parentibus debitus, oculis la di potest.* 535
- Amasia, Regis Juda ambitio & temeritas. 72. &*
pag. 614. cum seqq.
- Amestris, Persarū regina, adversus Artaxastam,*
injustum odium & crudelitas. 521
- Ammon, Rex Jud. propter tyrannidem occisus. 178*
- Amedius Berengarii legatus, quomodo insidias sibi*
structas eluserit? 308. & seq.
- Annibalis litera ficta.* 712
- Antigoni R. S. clementia erga Demetrium M. R. fi-*
lium captum. 728
- Antigoni III. Regis Asia edictum de literis suis,*
legi adversantibus. 147
- Antiphon, Atheniensium legatus, consilii mali pœ-*
nas gravissimas luit. 285. & seq.
- Andronici junioris calamitas ob confidentiam pro-*
prii consilii. 209
- Antistii Labeonis παρρησία.* 257
- Andronicus Palaeologus consiliariorum avaritiā*
perditus. 279. fin. & seq. idem Bajazetis ope
patri regnum eripit. 665
- Antonius Caracalla Imper. noverca sua maritus.*
473.
- Antiochus novercam patris consensu uxorem du-*
cit. 474
- Antiochus M. bis à Romanis victus.* 601. & seq.
- Andromache Hectoris equis manu suā pabulum*
præbet. 499

I N D E X

- Alphonsus, Rex Hispania, quomodo patrem negantem filium ad confessionem compulerit.*
380. & seq.
- Alphonsi, Regis Arragonii authoritas.* 235. & seq.
ejus reverentia erga patrem. 537
- Alphonsi Petri Gusmanni fides in obsidione Darriffæ.* 422
- Alphonsi, Regis Portugallia, duæ amita, uxores.*
472.
- Alphonsus, Rex Castellæ, Imperator electus, quomodo Imperium amiserit?* 9
- Alphonsus, Rex Neapol. suæ injuria vindex esse non vult.* 160
- Alphonsus, Rex Arrag. & alter Alphonsus, Calabria Dux, lectores librorum avidissimi.* 204. fin.
& seq.
- Alliana Romanorum clades, unde?* 66. & 325.
cum seq.
- Ambitio pestis Rerumpublicarum.* 69
- Ambitiosorum comparatio.* 341
- Amicorum optima consilia.* 253. & seqq.
- Amoris conjugalis lex.* 485. & seqq. ejus exempla.
486. & seqq.
- Amor liberorum erga parentes.* 536. & seqq.
- Asopia parentum erga liberos.* 532. & seq. liberorum erga parentes. 551. & seqq.
- Amor omnis, socii impatiens.* 485. idem pestis judiciorum. 366
- Amatus in amante se cognoscit.* 497
- Amari*

RERUM MEMORAB.

- Amari si vis, ama.* ibid.
- Amor descendit, nō ascendit. 527. & 535. fi. cum seq.*
- Amor parentibus debitus, oculis la di potest.* 535
- Amasia, Regis Juda ambitio & temeritas. 72. & pag. 614. cum seqq.*
- Amestris, Persarū regina, adversus Artaxastam, injustum odium & crudelitas.* 528
- Ammon, Rex Jud. propter tyrannidem occisus. 178*
- Amedius Berengarii legatus, quomodo insidias sibi structas eluserit?* 308. & seq.
- Annibalis litera ficta.* 712
- Antigoni R. S. clementia erga Demetrium M. R. filium captum.* 728
- Antigoni III. Regis Asia edictum de literis suis, legi adversantibus.* 147
- Antiphon, Atheniensium legatus, consilii mali poenas gravissimas luit.* 285. & seq.
- Andronici junioris calamitas ob confidentiam proprii consilii.* 209
- Antistii Labeonis παρρησία.* 257
- Andronicus Palaologus consiliariorum avaritiā perditus. 279. fin. & seq. idem Bajazeti opē patri regnum eripit.* 665
- Antonius Caracalla Imper. noverca sua maritus.* 473.
- Antiochus novercam patris consensu uxorem ducit.* 474
- Antiochus M. bis à Romanis victus.* 601. & seq.
- Andromache Hectoris equis manu suā pabulum prabet.* 499

INDEX

- Andreas Hungarus uxoris Zelotypa impulsu strangu-
 latus.* 52.
Antigoni Macedonia Regis pietas erga patrem. 539.
*Antonii Grimani filius pro patre se carceribus ob-
 fert.* 543. & seqq.
*Antonii Maria fortitudo & amor in servando pa-
 tre.* 549.
Antiochus Epiphanes φθισαὶ δὲ interit. 102.
*Andronicus Comnenus Imp. in turba tumultu in-
 terit.* 102. Ejusdem justitia. 149. Epistola fide-
 680.
*Appius Claudius Xvir in carcere mortem sibi
 consciscit.* 284.
*Arabes ob interfectos Judaorum legatos gravissi-
 mè puniti.* 35.
Areopagita quare noctu judicarint? 361.
Arsacis legatorum oratio ad M. Crassum. 314. &
 seq.
*Aratus Sicyonius ob reprehensionis libertatem ne-
 catus.* 260.
*Arcana non sunt omnia, quæ in senatibus tra-
 ctantur.* 267.
*Arcadius Imp. Arsenium præceptorem interim
 curat.* 57.
*Artemia, soror Maximiani Imp. propter Christia-
 nismum ab eodem interfecta.* 58.
*Arragoni quomodo Siciliam, Sardiniam & Nea-
 pol. regnum sibi subjecerint.* 666. fi. cum se-
 quenti.

Arte

RERUM MEMORAB.

<i>Artemisia Caria regina, à Xerxe in consilium adhibita.</i>	13
<i>Arpacis Medorum regis sedes regia.</i>	44
<i>Aristides felicitas Græcorum dictus.</i>	24
<i>Aristocratia ducum populi Israëlitici quamdiu duravit?</i>	56
<i>Ase R. J. contra Regem Æthiopum splendida victoria.</i>	587
<i>Assyriorum Monarchia duratio.</i>	50. & 57
<i>Assyriorum Monarcha ultimus Sardanapalus.</i>	61
<i>Assur virga & baculus furoris divini.</i>	86
<i>Athene, Sparta & alie Respubl. cur tamdiu floruerint? 398. si. cum seq.</i>	
<i>Atheniensium imprudentia divinâ providentiâ corrigi solet. proverb. 575. Eorundem fedus cum Corcyreis & Phocensibus exitiale. 670. si. & seq.</i>	
<i>Athanasius in Ægyptum fugit, ob persecutiones Juliani.</i>	405
<i>Atys Cræsi filius mutus loquitur in periculo patris.</i>	548
<i>Atthalia regina crudelitas. 14. eadem justè à Jojada obtruncatur. 111. & seq.</i>	
<i>Atticum regnum quamdiu steterit?</i>	57
<i>Avaritia sola perdit Spartam. proverb. 360. eadem Darii regnum perdidit.</i>	29
<i>Augustus Cesar iudicibus de falso testamento tertiam tabellam dedit. 376. ejusdem Imperium maximè tranquillum. 25. bis de reddendâ senatui Rep. cogitavit. 32. diligens librorum le-</i>	

I N D E X

<i>Hor. 204. ejus tres vomica quæ? 560. clementia in Cinnam.</i>	721
<i>Augustalis dignitas quamdiu apud Germanos manserit?</i>	51
<i>Augustini pietas erga Monicam matrem.</i>	538
<i>Aureliano Imp. consilium regnandi datum, quodnam?</i>	27
<i>Authoritas Principis quosnam habeat effectus? 231. & seqq. eandem quam concilient? ibid. quomodo retinenda?</i>	175. cum seqq.
<i>Audienda pars utraq.</i>	358. & seq.
<i>A. Vitellius Imp. à senatu damnatus, in Tiberim projicitur.</i>	121. fin. cum seq.
<i>Au' a fœcunda crudelibus consultoribus.</i>	278
<i>Aurum & ferrum nervi principatus.</i>	27
<i>Auxilium divinum in bellis cuncta potest. 585. ejusq. cum modi varii, panicus terror, grando, fulmen, venti, paucorum exercitus. 585. cum seqq. tum manifesta signa.</i>	590. cum seq.
<i>Auxiliatores plerunq. devoratores. 655. cum seqq.</i>	
B <i>Ardevici expugnatio.</i>	689
<i>Barones unde dicti?</i>	183
<i>Bajazetes ob temeritatem consilii à Tamerlane victus</i>	209
<i>Basilienses legatum Apostolicum in Rhenum precipitant.</i>	424
<i>Bellorum contra Henricum IV. Imp. exitus. 453. & seq.</i>	

Bella.

RERUM MEMORAB.

Bellatores strenui cur plerunq; *ῥωμαικοι πολέμοι?*
508. fi. & seq.

Bellum nec temere suscipiendum. 609. cum seqq.
nec timide tractandum. 617. cum seqq. non nisi
coactus Princeps suscipiat. 133

Bellum inferre civitati libera, periculosum. 684.
cum seqq.

Belli alea dubia. 622. cum seqq.

Belli aequitas bono, iniquitas plerunq; *malo litat*
eventui. 593. cum seqq.

Belli causa justa non semper prospero gaudet suc-
cessu. 606. cum seqq. & 615. 616

Bella cum desperatis plerunq; *infelicia.* 713

Bellis civilibus nihil pejus, nihil miserius. 627. cum
seqq. & *quomodo sopienda?* 635. cum seqq.

Bellum non semper fugiendum. 184. fi. & seqq.

in Bellis ipsorum Principum praesentia requiritur.
185. 186.

in Bello occasio amplius juvare solet, quàm vir-
tus. 191

Belli Germanici inter alias causa, scripta convitiis
referta. 691

Bellum inter Fridericum II. Electorem, & Wilhel-
mum, Ducem Saxonia. 256

Bellum Peloponnesiacum. 632. cum seqq.

Bellum Flandrense. 616

Bellum inter Cruciferos & Polonos exarsit legati
asperioribus dictis. 310

Belli sacri inter Phocenses & Thebanos origo. 77

I N D E X

- Bella pro Christianis, & libero religionis cultu suscepta.* 114. & seq.
- Belisarius mendicare cogitur.* 224
- Beatus ante obitum nemo.* 221. & seqq.
- Benevolentia subditorum, regni vinculum firmissimum.* 20
- Benevolentia tributigenus apud Anglos.* 421
- Benjamin tribus quare deleta?* 65
- Bias condemnaturus quendam quare lacrymaverit?* 368
- Bileami consilium de Israëlitis ad impietatem seducendis.* 281. & seq.
- Bochoris, Ægyptiorum Regis austeritas quomodo correcta?* 356
- Boëtius ob libertatem monendi interficitur.* 260
- Boleslaus, Rex Polonia gentiliū conversatione perditissimus evasit.* 576
- Boleslaus II. Polonia Rex, vagus per sylvas, à canibus dilaceratur.* 252
- Bonifacius, Africa gubernator, ex Hispaniâ auxilio accersit Vandalos.* 662
- in Bonis quoq; causis periculosa confederationes.* 671.
- Bonorum natura est, quiescere malle & obedire, quàm aliis imperare.* 341
- Bonos corrumpunt mores commercia prava.* 576
- Brixia urbis fidelitas.* 421
- Brunegildis, Francorum regina, crudelitas. 15. eadem ad caudam equæ religata discerpitur.* 252
- Brun-*

RERUM MEMORAB.

Brunsviga urbis defensio. 687

*Buſſonis Vicethumii, præfecti exercitus, improbitas
in bello Huſſitico.* 613

C *Ajus M. Scauola an juſtè Porſenne Regi ſit
inſiliatus?* 708. cum ſeq.

*Caji Pontii Samnitis conſilium de exercitibus Ro-
manis ad furcas Caudinas incluſis.* 19

*Cadmi fabula de ſerpente & ejus dentibus ſemi-
natis, unde?* 679

*Cæſari reddenda, quæ Cæſaris; & Deo, quæ Dei
ſunt.* 406. & ſeqq.

Cæſaris Borgia ſauitia. 245. cum ſeq.

Caini æmulatio, cadis in Abelem cauſa. 580

in Caducum parietem non inclinandum. pro v. 671

*Calamitatũ publicarum ἀνὰ τὸν οὐρανόν, καὶ ἐν τῇ γῇ
ruina regnorum.* 62

*Cabades, Rex Perſarum, lege latâ, ſcæminas viris
communes eſſe voluit.* 145

Calumnia tyrannidi conjuncta. 136. & ſeqq.

*Calani ſophiſta imago Imperii, Alexandro M. ex-
hibita.* 43. cum ſeq.

Caligula Imp. ſe adorari ut Deum jubet. 102. idem

*Jovi minitatur. 220. turpiſſimos homines ſena-
tores facit. 155. populos Romanos unam cervi-*

cem uno ictu amputandam optat. 161. ſin. & ſeq.

*& 243. arcas venenorũ plenas circumfert. 247.
ſi. & ſeq. publicâ ſepulturâ indignus judicatur.*

561. ex nutrice tyrannidẽ hauſſiſſe dicitur. 569

Calliſtrat⁹ judiciarias exactiones nimis auxit. 361

I N D E X

- Callisthenes** improbans adorationem Alexandri
M. tormentis necatur. 260
- Camilli**, Faliscorum ludimagistri fraus. 172. &
215.
- Cambyſis** ſavitia in agnatos. 243. idem duas ſo-
rores uxores ducit. 470. ejusdem admonitio ad
Cyrum filium. 29. ſin. cum ſeq.
- Camus** quare diris patris devotus? 555
- Canchii Chami** I. Tartarorum Regis admonitio
ad filios. 579
- Canutus**, Rex Dania & Anglia, veneno necatur.
37.
- Cappadocum** Regum ſedes regia. 44
- Cardinalis Baluenſis** per 14. annos carceribus de-
tentus. 285
- Caracalla Baſſiani** Imp. crudelitas. 244
- Caroli M.** pietas erga matrem. 539. & 541. idem à
patriciis Italia in Longobardos accerſitus. 127.
ſi. ſedulus hiftoriarum lector. 204. ejus authori-
tas. 234. idem Italia regnum ad Francia Reges
tranſtulit. 662
- Caroli V.** in armis fortitudo. 186. eidem reſiſtit.
Electoꝝ Sax. & L. Haſſia. 112. & ſeq. idem Lu-
therum incolumem domum dimittit. 169. Impe-
perium Electoꝝibus quare reſignarit? 33. & 104.
amulator Ludovici XI. Regis Gallia. 205. ejus-
dem judicium de confederatis Schmalcaldicis.
647. ſi. cum ſeq. clementia erga Johan. Frideri-
cum, Saxon. Electoꝝem. 729
- Caroli**

RERUM MEMORAB.

<i>Cali IV. Imp. reuerentia erga matrem.</i>	537
<i>Caroli VII. R. G. cum Philippo Burgundo reconciliatio.</i>	636
<i>Caroli Calvi R. G. pactio cum Normannis. 732. fi.</i>	
<i>Carolus VIII. Rex Galliarū, stolidus & indoctus. 190. & seq. Neapolit. regnum quomodo amiserit?</i>	17. 280
<i>Caroli Burgundi inconsulta arrogantia. 189. fin. cum seq. ejusdem cades.</i>	615
<i>Carolus IX. R. G. avidus suppliciorum spectator. 161. ejusdem mors.</i>	103
<i>Carolus I. Rex Neap. judicem suspendi jubet ob homicidam mitius punitum.</i>	374
<i>Casimirus, ex monacho Rex Polonia. 562. fi. & 576</i>	
<i>Castitas prima virtus uxoris.</i>	496
<i>Cassii Scæuæ fortitudo.</i>	420
<i>Catharine Mediceæ, R. G. crudelitas.</i>	25
<i>Catonis taciturnitas insignis. 266. ejusdem constantia ab Augusto Cesare laudata.</i>	443
<i>C. Julius Cæsar in ulciscendo naturâ lenissimus. 158. & seq. idem Alexandri M. amulator. 203</i>	
<i>Candor in dictis & factis pbandus à subditis. 432</i>	
<i>Causâ indictâ nemo condemnandus. 359. cum seq. & 386. cum seqq. (72. & 108. cum seq.</i>	
<i>Cæsus populi à Davide actus magna stragis causa.</i>	
<i>Childebertus & Clotharius, Francorum Reges, maternis precib. concordés facti. 541. fi. cum seq.</i>	
<i>Childericus I. & Childericus III. Francorū Reges, concilii publici auctoritate regno expulsi. 123. fi. cum seq.</i>	

I N D E X

- Christiernus, Dania & Suecia Rex, in carcere 27.**
annis detentus, moritur. 124
- Chrysanthes gladium ab hoste revocat, postquam**
receptui canitur. 397
- Chranus, Regis Francorum filius in patrem con-**
spirans, ab ipso capitur & comburitur. 552
- Christianorū persecutiones catholica 10. sub Imp.**
Rom. 87
- Christianorum gloria summa, quæ?** 439
- Circumstantia in judicādo probè expendenda. 357.**
cum seqq. & 383. si. cum seqq.
- Ciconia pietas.** 559
- Cimon Atheniensis pro patre se vinculis offert.** 546
- Cinna perduellionis reus ab Augusto Imp. in gra-**
tiam recipitur. 721
- Civitatem intestinis dissidiis laborantem, bello pe-**
tere periculosum. 681. si. cum seqq.
- Civitati libera bellum inferre, arduum, nimiumq;**
periculosum. 684. cum seqq.
- Civitates eversa nunquam pristinam recuperant**
dignitatem. 79
- Civium vita beata sit religione sancta, virtute**
honestâ, gloriâ ampla, copiis locuples, opibus fir-
ma. 128. si. & seqq.
- Cyro regnante, Persicum regnum floruit. 26. ejus**
regia sedes. 44. eundem Astyages, Medorū Rex,
quare necare non potuerit? 89. & seq. idē nullum
tributum à Persis exegit. 134. Cariam liber-
tate exiit. 657. Cræsum à rogo liberat. 229
- Com-*

R E R U M M E M O R A E.

<i>Commodi Imp.immanis crudelitas.</i>	244
<i>Comites unde dicti?</i>	183
<i>Comiti Witisbachio ducatus Bavaria ab Imp. concessus.</i>	153.fi.& seq.
<i>Comes Zollerius Marchionatu Brandenburgico ab Imp.donatur.</i>	154
<i>Comprivignorum nuptia inter sese permiffa.</i>	478
<i>Concordia inter cives propaganda.</i>	133
<i>Concordia nullum majus vinculum,quàm timor externus.</i>	682
<i>Concordiam conjugalem confervat uxoris patien- tia.</i>	495
<i>inter Confederatos exorta fufficio & diffenfio in- felix.</i>	667.cum feqq.
<i>Cōfederationes in bonis quoq; caufis periculofa.</i>	671
<i>Conjugium in omnibus honorabile efto.</i>	455.& feqq.
<i>Conjugiorū impiorum fuga & noxa.</i>	456.cū feqq.
<i>Conjugalis amoris lex.</i>	485.fi. cum feqq. ejusdem exempla. 486.& feqq.
<i>Conjugium legitimum quodnam?</i>	461.& feqq.
<i>Conjugia cum alienigenis populo Dei interditta.</i>	456.& feqq.
<i>Conjugium fepinarium Ecclefia & Reip.</i>	455
<i>Conjugia fplendida domos nonnunquam funditus evertunt.</i>	505. & feqq.
<i>Conjugum amor nimius maturè expellendus.</i>	514. & feqq.
<i>Confilium malum confultori peffimū.</i>	281. & feqq.
<i>Confiliū cum re mutare,nō eſt turpe.</i>	286. & feqq.

I N D E X

- Consilia optima optimorum amicorum.* 253. & sequentib.
- Consilia optimorum virorum Princeps haud invitus audiat.* 206. & seqq.
- Consilia callida primâ spe lata, tractatu dura, eventu tristia.* 275. si. cum seqq.
- Consobrinorum & patrueliû nuptia.* 478. & seqq.
- Consiliorum anima, secretum.* 263. & seqq.
- Consilio, quàm armis omnia prius experiri decet prudentem Principem.* 195. & seqq.
- Consiliis senum stat Respublica.* 272. cum seqq.
- Consiliarii principis pars corporis ejus.* 264
- Consiliis juxta metum non est locus.* 271
- Consilia in re arduâ rapienda, non quarenda.* 271. si. & seq.
- Consilia inconsulta etiam nonnunquam feliciter cedunt.* 269. si. & seq.
- in Consiliario constantia requiritur.* 286. & seqq.
- Consiliû de suscipiendâ contra Persas expeditione Xerxi datum, quale?* 278
- Consilium regnandi Aureliano Imp. datum.* 27
- Consiliariorum avaritiâ Andronici Paleologi potentia imminuta.* 279. cum seqq.
- Consiliarii optimi, mortui & muti.* 199. & seqq.
- Consiliarii quales à Principe eligendi, & in quibus rebus illorum consistat officium?* 254. fin. cum seqq. & 257. 263. & seqq.
- Consortii pravorum, & consuetudinis male tyrannis.* 450. & seqq. & 575. cum seqq.
- Con-

R E R U M M E M O R A B.

- Constantia* & παρρησία pii amoris legatorum erga
Principem & patriam index. 309. cum seqq.
- Constantini* Diogenis legati perfidia. 323. & seq.
- Constantinus* M. Maxentium & Licinium propter
sevitiam in Christianos occidit. 114. fi. cū seqq.
idem ex literis maximum fructum cepit. 204
- Constantius* Chlorus uno die utramq; belli fortu-
nam expertus. 625. fi. cum seq.
- Constantinus* II. Scotorum Rex à Danis captus,
& securi percussus. 695
- Constantini* junioris bellum parricidiale, ejusque
eventus. 42. 43
- Constantinus* Copronymus Imp. magicis artibus
deditus. 102. idem propter religionis diversita-
tem cum uxore perpetuò discors. 457
- Consules* quamdiu rexerint Remp. Romanam? 58
- Convitiis* hostem ad vindictam inflammare, stul-
tum. 688. cum seqq.
- Corinthus* quare à Romanis funditus deleta? 66.
& 330. fi. cum seq.
- Coriolani* adfectus erga matrem. 539. & 541
- Cornelii* Scipionis cognomen unde? 545
- Cotys*, Thracia Rex, post concors 24. annorum ma-
trimonium zelotypus. 516
- Croesus* fiducia federis Laconici infelix bellum
contra Cyrum suscipit. 670
- Cræsi* responsum ad Cyrum, contra Tomyrin bel-
lum initurum. 221
- Cremonensium* mulierum astus. 489. fin. & seq.

I N D E X

Cretenses propter hostes externos concordēs facti.
684.

Curiositas pestis Rerump. 69

D*Arius avaritiā regnum suum perdidit. 29.*
idem impietatis in patrem Artaxerxem
pœnas luit. 551. ejus legati ob libidinem interfe-
cti. 333

Darii, ultimi Persarum Regis, cohortatio ad mili-
tes. 223

Danysia maritum proscriptum in arca abscondit.
488.

David, Amalekitam mentitum se Saulem inter-
fecisse, justissimè occidit. 144. fin. cum seq. ab eo-
dem census populi factus, magna stragis causa.
72. & 108. cum seq. eundem è medio tollere
Saulus quare non potuerit. 89, à militibus
extra bellum in urbe remanere cogitur. 416. e-
jusdem mansuetudo. 439. parentes Regi Moabi-
tarum piè commendat. 543. ejus filios nimia
fortuna stultos fecit. 578

Deum time, Regem honora. 389. cum seqq.

Dei est judicium. 372.

Dei timor basis omnis sapientie & virtutis. 390

Deo non paret, qui legitimo magistratui non ob-
temperat. 436

Dei potentia in bellis cuncta efficit. 585. cum seqq.

Dejotari Regis Galatarum, crudelitas in filios.
533.

Debara

RERUM MEMORAB.

<i>Deboræ regina laus.</i>	13
<i>Decii Imp. mors.</i>	7
<i>Deditis in bello parcendum.</i>	727
<i>Defensio contra vim licita.</i>	594 & seq.
<i>Defensores plerunq; sunt devoratores. 655. cū seqq.</i>	
<i>Demetrii filius pro salute patris regno cedit.</i>	546
<i>Demochares parrhesiastes. 311. ejusdem ad Philip- pum Macedonem responsum.</i>	312
<i>Democriti Abderitis legati πύρρνοια.</i>	313
<i>Democratia facile degenerat in Anarchiam.</i>	50
<i>Desperatio acuit fortitudinem.</i>	714. cum seqq.
<i>Diabolum esse negans, Michaël Balbus Imp. phre- nesi periit.</i>	102
<i>Didii Juliani Imperium trimestre. 7. idem se- natus auctoritate abrogato Imperio decollatus.</i>	122.
<i>Didacus Mendoza, legatus, Venetos monendo ex- asperat.</i>	310
<i>Dignitates uxorum à maritis dependent.</i>	500
<i>Diocletianus Imp. quare Imperii administratio- nem deposuerit?</i>	32.33
<i>Dionis ad Dionysium juniorem, Sicilia tyrannum, hortatio. 20. idem à Syracusanis, quos ipse liberaverat, occisus.</i>	723
<i>Dionysius, Sicilia tyrannus, nec uxorum, nec filia- rum fidei credulus. 248. Corinthi ludimagister.</i>	
<i>261. fin. & seq. ejusdem responsio ad legatos Corinthiorum munera recusantes. 316. filius à patre domi asservatus, malus evasit.</i>	573

I N D E X

Dira parentum liberorum sunt furia. 554. & sequentib.

Disciplina contemptus, & discordia domestica, prodromi regnorum ruina. 62

Disjensio inter confederatos infelix. 667. cum sequentib.

Discordia Ducum exercitus venenum. 647. cum seqq.

Discordias inter hostes serere, magna quidem est prudentia, sed civitatem dissidiis laborantem invadere, periculosum. 679. cum seqq.

Δωροφασία fugienda judici. 318. item maxima Rerump. pestis. 360. cum seq.

Dominici Pisani, Veneti oratoris, minitabunda responsio, ejusq; effectus. 211

Dominici Cattalusii amor erga uxorem leprosam. 486.

Domitiani Imp. fraudulentus accessus ad Imperium. 6. & 7. ejusdem servitia. 7

Dongardus pro patre, Scotorum Rege, hosti se trucidandum objicit. 549

Dosithei ab Hircano ad Arabum Regem legati perfidia. 323

Duces unde dicti? 183

Dux belli bonus victoria non parum commodat. 639. & seqq.

Ducis improbitas & proditio, totius exercitus est perditio. 651. cum seqq.

Ducum

RERUM MEMORAB.

Ducum belli multitudo ficulneum praesidium. 647.
cum seqq. discordia exercitus venenum praesentissimum. 648. cum seqq.

Ducum Romanorum temeritas in bello Punico II.
641. & seq.

E Berhardi I. Ducis Wirtemberg. gloriatio. 21. fi.
cum seq.

Eduardi II. A.R. clades. 695

Ecclesiae semen sanguis piorum. 87

Edgari Angliae Regis iustitia. 149

Educationis negligentia. 568. & seq.

Elisabethae Angliae R. laus. 14

Electionis in regno commoda. 11

Electorum Imperii auctoritas. 39

Ephori Regum universum populi coetum representant. 109. iidem quare Lacedaemone instituti?
39

Exemplum Principis quantum valeat? 132. &
178. fi. cum seqq. in religione subditos docenda.
192. cum seq.

Exempla Regum & Principum pro Religione militantium. 114. & seqq.

Exempla Regum & Principum ad extremam miseriam reductorum. 224. fi. & seqq.

Epimenidis vaticinium de portu Attico. 677. cum seq.

Ericus rex Sueciae à fratre carceribus includitur. 125

Equi furtum à Friderico III. Imp. compertum quomodo? 381

I N D E X

<i>Equitandi ars cur à Magnatum filiis probè discatur.</i>	575
<i>Erici Regis Danorum justitia.</i>	149
<i>Error quando vitiet matrimonium?</i>	483
<i>Exercitus venenum, ducum belli discordia.</i>	647
<i>cum seqq. aut etiam perditio.</i>	651. cum seqq.
F <i>Abii Dictatoris prudentia.</i>	641. cum seqq.
<i>Faciens & consentiens pari pœnâ digni.</i>	433
<i>Fabricius Pyrrhum Regem de insidiis medici monet.</i>	172.
<i>idem Faliscorum ludimagistrum cum pueris remittit.</i>	172. & 215
<i>Fatales Monarchiarum termini.</i>	53. & seqq.
<i>Fatalis periodus regnorum & rerum publ.</i>	56. & seqq.
<i>Fabii tres Romanorum legati jus gentium violant.</i>	66. & 325. cum seq.
<i>Fel'cis Judææ praesidis avaritia.</i>	362
<i>Ferdinandi Hispania Regis authoritas.</i>	236
<i>Ferdinandi Regis Neapol. pietas erga patrem.</i>	342
<i>Festina lentè.</i>	268. & seqq.
<i>Ferrum & aurum principatus nervi.</i>	27
<i>Fides obligat fidem.</i>	320
<i>Fides à Principe servanda etiam hosti.</i>	167. & seq.
<i>Fidei conjugalis exempla.</i>	48. & seqq.
<i>Filialis reverentia, obedientia & gratitudo.</i>	535
<i>Filium suum negantem fœminam Claudius Imp. quomodo ad confessionem compulerit?</i>	379
<i>Filius carnificis officio functus in patrem apud Flandros.</i>	530
	<i>Filius</i>

RERUM MEMORAB.

<i>Filiis Turcicorum Impp. nihil miserius.</i>	573
<i>Flandrorum à Philippo Pulcro R. G. defectio.</i>	616
<i>Fortes creantur fortibus.</i>	557
<i>Fortitudo Cassii Scævæ.</i>	420
<i>Fortunam tentare, ubi consilio locus est, temerarium.</i>	270
<i>Fedus Dei cum Regibus. 97. cum populo.</i>	98
<i>Fedus inter Regem & populum.</i>	119
<i>Fedifragorum pœna in populo, non puniente Regum suorum delicta.</i>	107. & seqq.
<i>Federa licita sunt quidem valida, at federibus fidere valde lubricum.</i>	p. 667. cum seqq.
<i>Fedus Juda cum Simeoneis fratribus.</i>	668
<i>Fedus Smalcaldicum.</i>	ibid.
<i>Fedus Maximiliani I. Imp. cum Papa, Gallo & Hispano contra Venetos.</i>	672. cum seqq.
<i>Fedifragorum Regum exempla, & tristes eventus.</i>	169. fi. cum seqq.
<i>Fœmina quare ad regnum non sint idoneæ? 13. & 14</i>	
<i>Fortitudo in armis Principi necessaria. 182. & seqq.</i>	
<i>Fortitudo an prudentia præstantior? 196. & sequentib.</i>	
<i>Formam superbia sequitur.</i>	503. & seq.
<i>Fratrum & consanguineorum odia Cainica. 578. & seqq. concordia ut conservanda?</i>	584
<i>Francisci I. Gall. Reg. post persecutionem Waldensium mors.</i>	103

I N D E X

<i>Francisci Ducis Guisii post Vassegianam stragem mors.</i>	103
<i>Francisci Marchesii legati parabola.</i>	296
<i>Francisci Tandali, Venetorum legati, submissio apud Pontificem.</i>	315. cum seq.
<i>Franciscus Gonzaga, à Venetis captus, ab iisdem imperatoria potestate ornatur.</i>	722
<i>Francisci Zabarella, legati Pontificii, ambitio & perfidia.</i>	324
<i>Friderici III. Imp. constantia in promissis. 166. idem proditoriam Ladislai Regis B. & U. mortem detestatur.</i>	206. si. cum seq.
<i>Fridericus III. Dux Saxonia, Erfordiensium patronus apud Casarem.</i>	217
<i>Friderici II. Elect. & Wilhelmi Ducum Saxonia reconciliatio.</i>	638
<i>Fronsbergii consilium.</i>	717
<i>Fulvius ab uxore Zelotypa impiè proditus.</i>	522
<i>Functioni quemq; sue præsificare, habetur Principis.</i>	336 & seqq.
G <i>Allici regni forma qualis?</i>	53
<i>Gallia Togata & Cisalpina, unde dicta?</i>	77
<i>Gallorum decretum de sua republ. 266. si. & seqq. Idem ferè omnes sub Wilhelmo Sicilia & Neap. Regenecati. 37. eorum pietas in redimendo Rege capto. 420. eorum internecio sub Wilhelmo Rex Sicilia & Neap.</i>	37
<i>Gallici Reges hodierni qui?</i>	666
<i>Galerius Maximinus Imp. Constantinum M. va-</i>	riu

R E R U M M E M O R A B.

- riis periculis obijcit. 139. idem cum nepote suo,
fœdissimè interit ob crudelitatem in Christia-
nos. 101
- Galeacii Sfortia impietas in praeceptorem. 572
- Galba Imp. consuetudine malorum perditus. 576
- Galeothus Forolivi Princeps uxoris instinctu in
cubiculo confossus. 513
- Germanorum sera Venus. 462. eorundem Impe-
rium quamdiu per Electores administratum?
58. 59. eorundem legatorum responsio ad Alex-
andrum M. 314. Idem quamdiu Augustalem
dignitatem tenuerint? 51
- Germania procures, in Turcas fratribus afflictis
auxilium præbent. 128
- Germanicus Cæs. à Tiberio Imp. quo astu sublatu?
139. ejus obitum Barbari quoque lugent. 561
- Glosinda Gothorum Regis filia, à marito noctu
strangulata. 522
- Gordianus Junior septennis adhuc soceri consi-
liis præclarè gubernat. 211
- Gileaditarum stratagema. 706. cum seq.
- Gilimer Vandalorum rex, à Justiniano quomodo
liberatus? 230
- Glotildis propter Arrianismum mariti Regis Go-
thorum domum reducitur. 459
- Gonzagarum fratricidium. 584
- Gratia gratiam parit. 319
- Gratitudo filialis in quib. consistat. 543. & seqq.
- Gradatim conferendi Magistratus. 342. & seqq.

I N D E X

Gratiani Imp. pietas & laus. 192. & seq.
Græcorum Monarchia quamdiu duraverit? 57
Græciæ civitates Persis debellatis seipsas everte-
runt. 67

Guido Flandriæ comes in custodiâ reuertitur. 168

Gygis regnum usq; ad pronepotes tranquillum. 567

Guaiugreæciæ mala; & quomodo ea effugien-
da? 501. & seqq.

H *Annibal quare post Cannensem cladem se-*
gnis? 3. & 4

Habdanci familia nomen unde? 315

Hamanis consilium in authorē redit. 283. fi. & seq.

Hanon à Davide bello petitus, ob ignominiam le-
gatis illatam. 277. & 330

Harpago filius epulandus apponitur ob libertatem
admonitionis. 295. *eiusdem vindicta in Regem*
Astyagem. 347

Hebertus Comes Veromandus, proprio iudicio
damnatus. 430. & seq.

Heduvigis Polonorum R. Jagelloni nubere coacta.
 463

Helena mors tragica. 520. fi. & seq.

Heli à Deo punitus ob nimiam in liberos indulgen-
tiam. 570

Helpidii præfecti Constantinop. magnanimitas.
 356.

Helvetiæ regiminis mutatio unde? 78

Henricus Dux Silesiæ virtute aulici sui divinitus
servatus. 91

Henricus

R E R U M M E M O R A B.

- Henricus Guisus post irruptionem in Comitatu
Mompelgardico confossus.* 103
- Henricus V I. Anglorum Rex injuriarum patiens.*
160
- Heliogabalus initio regni trucidatus. 178. idem fu-
nes sericos & gladios aureos cur paraverit? 248.
vendidit honores & dignitates.* 349
- Henrici Anglorum Regis authoritas.* 235
- Henricus Stuardus, à Maria conjuge R. A. inter-
ficitur.* 505
- Henricus I V. Imp. Spira in summâ paupertate
expiravit.* 223. fi. & seq.
- Heracleonas Imp. I V. Regni anno relegatus.* 7
- Heracii Imp. novum mortis genus.* 101
- Hermannus Dillingus, præceptor filiorum Ortonis
I. Dux Saxonie creatus.* 153
- Herodum, Ascalonita & Agrippa, interitus.* 102
- Herodis satellitum factum improbabile. 402. &
seq. ejusdem porcus quàm filius esse malebat
Augustus Cæs.* 532
- Herodes Antipas, uxoris nimium, in exilium pel-
litur.* 502
- Hercules Linum præceptorem interficit.* 571
- Hereditatum inæqualis divisio à parentibus, dis-
cordiarum inter fratres causa.* 583. fi. & seq.
- Heroici viri dantur divinitus ut regnū floreat.* 45
- Heroum filii noxa quare?* 557. & seqq.
- Heroica virtutes quantum Principi conferant?*
131. & seqq.

I N D E X

- Hiero Princeps Syracusanus*, quare à Pindaro
laudatus? 202. Idem à civibus suis cōfossus. 262
- Hircani & Aristobuli fratrum dissidiis sceptrum
Judæis ablatum.* 658
- Hierosolyma quomodo in Saracenorum potestatem
redacta?* 652. cum seq.
- Historiarum utilitas.* 199. & seqq. & 289. earun-
dem diligens lector Carolus M. 204
- Hominem se non minùs, quàm hominibus præsse,
meminerit Princeps.* 218. & seqq.
- Humanarum opum inconstantia.* 222. & seqq.
- Honestum semper præferendum utili.* 165
- Honores & Magistratus gradatim conferendi.*
342. & seqq.
- Hosti per fraudem non insidiandum.* 171. si. & seqq.
- Hostium legatos an interciperè liceat?* 334. & seqq.
iidem non repudiandi. 307
- Hosti quoq; servanda fides.* 167. & seqq.
- Hosti an mentiri liceat.* 712. cum seqq.
- Hosti non dedenda arces, aut urbes.* 421. & seqq.
- Hostem ad vindictam inflammare, stultum.* 688.
cum seqq. præ nimia victoria confidentia, stul-
tum. 692. cum seqq.
- Hostes patefaciendi principibus.* 432. si. & seqq.
Potentes aut necandi, aut summis beneficiis af-
ficiendi. 718. victi clementer tractandi. 726.
cum seqq.
- Hostium reconciliatio lupina amicitia.* 722. cum
seqq.

Inter

RERUM MEMORAB.

Inter Hostes serere discordias magna prudentia.

679. cum seqq.

Hunericus Vandalorum Rex, ob levem suspicionem uxorem naribus atq; auribus mutilat. 512

Hungari ad Lycum amnem ab Ottone M. Imp. caesi. 611

Hypsicratea regina fidelitas erga Mithridatem conjugem. 493

Jacobus Parisatus Admiralius Venetorum. 344
Idololatria evertit regna. 75

Jacobus I. Scotorum Rex, ex Anglia reversus, plusquam tria millia hominum supplicio adfecit. 150

Jacobus Lusignanum à Genuensibus ex novennali carcere liberatur. 93

Jacobus Marchio Badensis Pontificiam religionem reducturus, dysenteria interiit. 103

Jacobi Carrariensis responsum ad quendam à se mitius condemnatum. 370

Jacobi IV. Scotorum Regis in patrem impietas. 553

Jacobus III. Scotorum Rex monitionum impatientis, interitum sibi accersit. 209

Jarnerici Danorum R. crudelitas in uxorem, falso stupri accusatam. 512

Imperatores unde dicti? 183

Imp. Constantinopolitanorum servitus. 664. cū seq.

Imperare bene, omnium difficilimum. 33

Imperia à Deo divinitus conservantur. 1. & 2.

Imperium facile iis artibus retinetur, quibus initio partum. 18. & 19. vide quoq; Regnum.

I N D E X

- Imperii majestas.* 391. & seqq.
- Imperio majestatem Princeps præstet.* 230. & seqq.
- Imperii Romani status Aristocraticus an Monarchicus?* 51. & 52
- Imperium peregrinum difficile.* 35
- Imperium mariti in uxorem quale esse debet.* 509. & seqq.
- Imperando malè Imperium amittitur.* 177
- Imperium nemini convenit, qui non subditis sit melior.* 178
- Impiorum conjugiorum noxa.* 456. & seqq.
- cum Impiis federa infelicia.* p. 674, cum seq.
- Imperium nihil aliud est, quàm cura salutis alienæ.* 156
- Imp. & Regum clementium exempla* 758. & seqq.
- Imperii administrationem Diocletianus quare deposuerit?* 32. 33
- Imperator Sigismundus ab Ungaris in vincula conjicitur.* 38
- Imperii imago à Calano Sophista, Alexandro M. exhibita.* 43. si. cum seq.
- Imperii Romano-Germanici periodus sesquiuna impleta.* 59
- Imperiorum mutationes, poena publicorum & privatorum peccatorum.* 60. Non sunt sine magnis calamitatibus. 442. & seqq.
- Imperium Romanum mole ruit suâ.* 67
- Imperium Occidentis ex quibus causis corrui.*

R E R U M M E M O R A E.

- Imperatoris Germania juramentum ante coronationem.* 119
- Imbercoti Ambiani sententia in obsides Leodiensium.* 371
- Impietatis erga parentes poena, earumque exempla.* 551 & seqq.
- Imprudencia Atheniensium divinâ providentiâ corrigi solet. proverb.* 575
- Imprecationes tum parentum tum aliorum vitanda.* 556. & seq.
- Injuria regnorum ruinas antecedunt. 62. & 64. 65.*
- Injuria subditorum obliviscenda.* 158. cum seqq.
- Injuriam ab omnibus pati, nemini inferre, Christianorum gloria.* 439
- Institutione neglectâ adollescentes fiunt pestes familiarum.* 574
- Interregnum inter Fridericum II. & Rodolphum Habsburgium. 8. & 11. si. cum seq.*
- Injuria Gallis à tribus Fabiis illata acerrimè vindicatur.* 66. & 325. cum seq.
- Injuriâ adfecto Princeps nunquam rem magnam committat.* 347
- Inobedientia noxa, & poena.* 399. & seqq.
- Insidia in hostes licita.* 704. cum seqq.
- Insidiatores Principum patefaciendi. 432. & sequenti.*
- Insolentia in rebus secundis causa, cur heroum filii degenerent.* 577. cum seq.

I N D E X

Insolentia & superbia nunquam impunita. ibid.
609. cum seqq. & 670. cum seq

Joannes Baliothus R. Scotia quomodo ab Angli-
victus? - 653

Joannes Valesius R. G. captivus, in Britanniam re-
vertitur. 167

Joannes Corvinus perfidia Georgii Despota Servia-
casus. 653. fi. cum seq.

Joannis Dantisci R. Pol. legati, apud Carolum V.
expeditio. 300. & seqq.

Joannes Monluccius per jocum praefectus coenobii
appellatus. 321. & seq.

Joannis Zapoliensis servitia in seditiosos rusticos. 169

Joannis Pataologi cum tutore Joanne Cantacuze-
no Imperii administratio infelix. 43. ejusdem
turpe fedus cum Turcâ. 664

Jobus stultitiam uxoris durioribus verbis casti-
gat. 511. fi. cum seq.

Joannis II. R. Arragoniae oratio ante mortem. 34

Joannes-Fridericus Elect. Sax. & Philippus L. H.
pro religione armis resistunt Imp. 112. cum seq.

Iidem opem ferunt civitatibus sociis federis
Smalcaldici. 116

Joannis Smiristhei fidelitas erga Ladislaum Re-
gem. 419

Joannes Diazius propter religionem à fratre per si-
carium interfectus. 583

Jonathas sicariorum Cyrenensium Princeps, vivus
exustus. 452

Joramus

R E R U M M E M O R A B.

- Joramus**, rex Judaorum, uxoris illecebris, crudelis
& impius. 502. ejusdem fratricidium. 581. fi.
cum sequente.
- Johannis Maria**, Vicecomitis Mediol. impietas in
matrem. 553
- Joh. Friderici D. S. conjunx**, maritum in exilium
comitatur. 492
- Jojadas sacerdos**, Attaliam reginam, justè obtrun-
cat. 111
- Josias R. Jud.** non suum modò regnum, verùm eti-
am Israëliticum, à cultu idolorũ repurgat. 114
- Josaphati R. victoria.** 587. cum seq.
- Jovianus Imp.** quando pacem à Persis redemit?
733. cum seq.
- Judex**, templum esto innocentia, ara justitia, sacra-
rium temperantia, promptuarium prudentia.
353. cum seqq.
- Judices quare sedeant?** 365. iidem ab ira caven-
dum. ibid.
- à Judice expendenda circumstantia.** 337. cum seqq.
& 383. cum seqq.
- Judicum injustorum punitorum exempla.** 373. &
seqq.
- Judicibus licet de re judicanda disputare sibiq;
in vicem contradicere.** 388. & seqq.
- Judicum multitudo noxia.** 350
- Judicum Ægyptiorum jusjurandum.** 356
- Judex, an secundum conscientiam judicare potest?**
356. cum seq.

I N D E X

<i>Judices corrupti repetundarum tenentur.</i>	362
<i>Judicum statua, apud Thebanos, quales?</i>	ibid.
<i>Judicium humanum 4. modis pervertitur.</i>	364
<i>Juda Maccabai miraculosa victoria.</i>	590. & seq.
<i>Juridicialia collegia, ex diversi ordinis viris sint temperata.</i>	352. & seq.
<i>Justitia, regnorum basis.</i>	22. & 24
<i>Justitia, in judicando, quomodo exercenda?</i>	357.
<i>cum seqq.</i>	
<i>ob Justitiam severè cultam, Romanis Orbis Imperium à Deo concessum.</i>	147
<i>Judei seditiosi, ab Imp. Adriano trucidati, 300000.</i>	
<i>425. eorum securitas, ante exilium Babylonicum.</i>	68.
<i>eorundem ἀναγκηλία, ante ultimum excidium Hierosolymitanum.</i>	73
<i>Judaicum regnum, usq; ad exilium Babylonicum, quamdiu steterit?</i>	56
<i>Israëlitici regni duratio.</i>	56. & 57
<i>Israëlitici populi defectio à Roboamo rege improbatur.</i>	436. & seq.
<i>Julii Caesaris regnum fatale. 3. studium demerendi etiam vilissimum quemq;</i>	396.
<i>ejus militum promptitudo.</i>	420
<i>Ira princeps Theodosii M. in Thessalonicenses.</i>	198
<i>Ismaël II. Rex Persarum, à morte patris, è carcere ad regnum exit.</i>	93
<i>Israëlitarum infelix pugna, cum Aitis; ejusq; causa.</i>	607. si. cum seq.
<i>Itali zelotypi, usq; ad insaniam.</i>	515
<i>Justina,</i>	

R E R U M M E M O R A E.

- J**ustina, matrona nobilis, ob formam solum suspecta, misere à novo marito jugulatur. 515. cū seq.
- I**renes, Imperatricis Constantinopolitana, laus. 13
- J**ugurtha fratricidium. 42
- J**uramenti judicium & Magistratum formula. 359. si. cum seq.
- J**ustinianus I. Imp. analphabetus. 213. ejusdem clementia erga Vitigen, Gothorum Regem captum. 728
- J**ustinianus II. Imp. propriis utens consiliis, tristem habuit exitum. 208. cum seq. ejusdem crudelitas in Leontium, ejusq; amicos. 245. idem post mortem haereticus, adulter, tyrannus, proclamatur. 249
- K**αροζήλια, Rerum publ. pestis. 69. & 73
- L**amech, primus violavit conjugii ordinationem divinam. 484
- L**aurentius Medices, lectione historia matronarum Winsbergensium, à morbo gravi convalescit. 489
- L**acedaemonem stare per cives obtemperare doctos. 396
- L**anuvinum, lentā deliberatione, Latinos vincendi occasionem praebeat. 272
- L**acedaemonii à Thebanis ad Leuctras oppressi; quare? 65. cum seq.
- L**aurentii Medicis, legati ad Regem Neap. festivitas. 296. cum seq.

I N D E X

Legatus spectata esto fidei & verax; nec mandatorum fines transiliat. 320. & seqq.

Legati boni requisita. 289. & seqq. *eiusdem constantia & propinqua.* 309. & seqq. *item liberalitas.* 316. & seqq.

Legati, aures sint & oculi Regnorum. 307. & seqq. *iiidem magnanimi, aduersi sint & liberales.* 316. *quomodo tractandi?* 328. & seqq. *justè puniti, qui?* 333. cum seqq.

Legatis auctoritas suorum principum quomodo defendenda? 312. *iiidem, si duriora fuerint mandata, prudenti temperamento mitigent.* 312. *iiidem libera agendi facultas, aliquando permissa.* 326. & seqq. *eorum profusio aliquando excusabilis.* 319. *iiidem munera leviora si recusent, rusticitatis notam incurrunt.* 318

Legati Romani Tarentum missi, injurias sibi illatas dissimulant. 326

Legatorum Darii ab Atheniensibus & Lacedaemoniis violatorum poena. 332

Legati, ad Stephanum Polonia Regem, monstrosa oratio. 293

Legatorum nomen, apud omnes nationes sanctum & inviolatum. 328. cum seqq.

Legatos hostium an intercipere liceat? 334. cum seqq. *ex Legatorum moribus ipsi Principes vulgò aestimantur.* 303

Legatio Romanorum capite, pedibus, & corde carens. ibid.

Legatus

RERUM MEMORAB.

*Legatus Florentinus Regina Neapol. concubitus
postulat.* 306

*Legatus Ferdinandum Imp. ob Grammaticam
reprehendit.* 299

*Legatus, propter munera accepta, ab Atheniensibus
propè occisus.* 316. fi. & seq.

Lex Salica Francorum. 15. & 36

Legibus omnia capi nequeunt. 368. fi. & seqq.

*Legum custodia atq; administratio demandata
Principi.* 243. & seqq.

in Legibus interpretandis, adhibenda equitas.
368. fi. & seqq.

Legibus subjecti esse nolunt tyranni. 150. cum seq.

*Lescus Albus, Polonia regnum repudiare, quàm si-
dum consiliarium deserere maluit.* 255

Lentiscolensis Agricola, factum. 494

*Leo II. Imp. Zenoni Isaurico, vitrico, imperium
sponte tradit.* 539

*Leonis Byzantii parabola, ad populum Athenien-
sem.* 298

*Leo Pontifex, Imp. Valentiniani legatus, Attilam
à vastatione Italia avertit.* 295. cum seq.

Liberi parentibus sunt anima. 525. & seqq. Paren-
tes suos honorant, opere, sermone, & patientiâ.
535. & seqq. quare à parentum virtute & feli-
citate degenerent? 564. cum seqq. eorum amor
& reverentia erga parentes. 535. cum seqq. eo-
rundem à sororia. 551. & seqq. eos apud Hebraeos
vendere licuit.

465

I N D E X

- Liberos quare impensius ament matres quàm patres?* 527. & *quare liberos sapius illa interficiunt quàm patres.* 534. *eorum pietas erga parentes, in quibus consistat.* 535. *cum seqq.*
- Liberalitas Alexandri M. ejusq; effectus.* 28. 29
- Libertas inestimabilis.* 596
- Liberalitas & clementia potissima dos in Principe.* 192. pr.
- Libertas dicendi punita.* 259. & *seqq.*
- Libidinum confusiones regna evertunt.* 75. & 77. *cum seq.*
- Licinii Gallieni Imp. immanis crudelitas.* 244. fi. & *seq. ejusdem ignavia.* 30. *tyrannis occasionem dedit, Imperium invadendi.* 184
- Licinius Occidentis Imp. propter sevitiam in Christianos, à Constantino Magno occiditur.* 114. fi. *cum seq.*
- Lydi cujusdam responsum ad Crœsum.* 42
- Livia erga Cæsarem studium.* 499
- Αυροφιλία inter Albertum Austriacum, & Ottomem ducem Bavariae.* 724
- Lysias senator Atheniensis, lapidibus obrutus.* 285
- Longobardi effusi in Italiam, quamdiu eam tenuerint.* 661. fi. *cum seq.*
- Ludovicus XI. R. G. filium literis erudiri noluit.* 180. & 524. *ejusdem cum Carolo Burgundia Duce reconciliatio.* 724. fi. *cum seq.*
- Ludovicus IX. R. G. fratrem Alphonsum, ad hostes redire coëgit.* 168

L. Cor-

RE RUM MEMORAB.

L. Cornelii consulis clementia erga Hannonem in pugna occisum. 729. fi. cum seq.

L. Lucullus, unde tantus Imperator? 202

Ludovici Sancti R. G. admonitio ad filium successorem. 259

L. Sylla responsum ad Atheniensium legatos, stultie & insolenter perorantes. 292

L. Æmilius consul alterius civis mortem suam servare vitam noluit. 417

L. Furii Camilli consilium, de Latinis populis debellatis. 719. cum seq.

Lucilius miles pro Bruto apud M. Antonium se offert. 420

Ludovicus Bavarus E. P. ob horrendum zelotypia facinus una nocte totus canescit. 517. cum seq.

Ludovici Stortia interitus in carcere decennali. 228. ejusdem fides erga Gallos Alvaria obsessos. 727. fi. cum seq.

Ludovici XII. R. G. scomma in emptores Magistratum. 349

Luxuria pracedit regnorum ruinas. 62. & 63. eadem concitat seditiones & bella civilia. 628. fi. cum seqq.

Magistratus demandandi viris bonis. 339. non divendendi. 349. cum seqq. gradatim sunt conferendi. 340. & seqq.

Magistratus & officia publica recusare, non videtur viri boni. 341

Magistratus plures uni non committendi. 345. cum seq.

I N D E X

<i>Magistratus bonus, Lex vivens.</i>	179
<i>Magni Consalvi erga deditos fides & cura.</i>	727
<i>Magistratum qualem esse oportet. 336. cum seqq. ejus præcipua pars, Religio. 337. ejusdem pro- prium est prudentia.</i>	337. cum seq.
<i>Magistratum vicarii pestes Rerum publ.</i>	346
<i>Magistratum authoritas, quibus septis conclusa?</i> 402. & seqq.	
<i>Majestas Imperii salutis tutela. 231. & seqq. ejus- dem observantia, in quibus consistat. 392. ff. & seq.</i>	
<i>Majestatem integram quomodo princeps conser- vet?</i>	237. & seqq.
<i>Majestati major ex longinquo reverentia.</i>	236
<i>Majestatis crimen in tyrannum non committi- tur.</i>	126
<i>Majores domus in Gallia, Regibus deturbatis, sibi imperium retinuerunt.</i>	236
<i>Malos principes cur gubernare Deus permittat.</i> 86. cum seqq.	
<i>Malduinus, Rex Scotorum, ob pellicatus suspicio- nem per uxorem strangulatus.</i>	523
<i>Manfredi Spurii in patrem Fridericum I. Imp. impietas.</i>	553
<i>Manuel Comnenus Imp. à Venetis & Sicilia Rege oppugnatur.</i>	333
<i>Manlius Aquilius, consul Rom. veneno fontes mi- scet.</i>	713
	<i>Marga-</i>

RERUM MEMORAB.

<i>Margareta Suecia Regina, in deorum numerum relata.</i>	13
<i>Maria Anglia R. post persecutionem Evangelicorum mors.</i>	103
<i>Maria Scotia R. in judicio senatus Anglici, capitis damnatur.</i>	125
<i>Maria A. R. Henricum Stuardum conjugem, clam interficit.</i>	505
<i>Margareta Brabantia Ducissa zelotypum factum.</i>	522
<i>Marathonia pugna.</i>	693
<i>Mariæne Herodi generis humilitatē ex pbrat.</i>	504
<i>M. Antonii Imp. ad Commodum filium, oratio ante mortem.</i>	21
<i>M. Antoninus Imp. Pii cognomen unde meruerit? 177. ejusdem justitia. 148. ejusdem reverentia erga parentes. 537. idem nihil sine amicorum consiliis egit.</i>	207
<i>M. Antonius triumvir, familiaritate Curionis corruptus. 576. ejusdem simulata amicitia cum Octavio.</i>	723
<i>M. Attilius Regulus ad supplicium redit.</i>	167
<i>M. Crassus, ab adulatore Andromacho, Parthis proditus.</i>	262
<i>M. Antonii Caracalla fratricidium. 42. & 244. ejus cades.</i>	603
<i>Matthias Corvinus è carcere ad Ungaria regnum evocatur. 92. si. cum seq. idem à Machometo II. maximè laudatur.</i>	235

I N D E X

<i>Matathias Antiocho impia mandanti justè se op- ponit.</i>	112
<i>M. Ciceronis filius, bicongius dictus.</i>	560
<i>Mariti in uxorem imperium, quale esse debet? & seqq.</i>	509.
<i>Matres, quare libros impensius ament? & quare etiam eos sapius interficiant, quàm patres?</i>	527. & 534
<i>Matrimonium an dirimat religionis diversitas. 459. fi. & seqq.</i>	459. fi. & seqq.
<i>Matrimonii iustirequisita.</i>	461. cum seqq.
<i>Matrimonii in quib. statuere aut relaxare potest magistratus?</i>	480. & seqq.
<i>Matrimonium quando error vitiet? & seqq. idem absq; parentum consensu contractum, irritum.</i>	483. & seqq. 464. & seqq.
<i>Matthias Ung. R. perfidiosam hostis sui necem abominatur.</i>	174. cum seqq.
<i>Mauritius D. S. à Turcis famuli Germani operâ servatus.</i>	419. & 91. cum seqq.
<i>Maxentius à Constantino M. occisus propter savitiam in Christianos. 114. fi. cum seqq. & 127. fi.</i>	114. fi. cum seqq. & 127. fi.
<i>Maximinus, Imperio dejectus à Senatu.</i>	122
<i>Medea à Jasonerepudiata crudelis vindicta.</i>	521
<i>Messalina crudelitas.</i>	502
<i>Menelaus ab Oniâ Pontifice reprehensus, eundem interfici curat.</i>	582
<i>Megacelis Messenii legati ad Agathoclem Sicilia tyrannum oratio.</i>	313
	Metus

RERUM MEMORAB.

<i>Metus à judiciis submovendus.</i>	367
<i>Menanii Agrippa legati ad plebem Roman. oratio.</i>	294
<i>Memnonis Rhodii dictum ad militem maledicum.</i>	688
<i>Michaël Balbus Imp. Diabolum esse negans, phrenesi interit.</i>	102
<i>Militarium virorum premia.</i>	152. & seq.
<i>Michaëlis Imp. Constantinop. largitio in res scurriles.</i>	156
<i>Mithridatis Ponti R. laus.</i>	195
<i>Michaëlis Orscha, Ungaria Palatini dictum.</i>	425
<i>Michal Davidis mariti sui conservatrix.</i>	488
<i>Modinenses Antiocho impia sacra imperanti re- fle. resistunt.</i>	404
<i>Monarchia, cur optima politiarum? 47. cum seqq. eadem Aristocratia temperata, regnorum sta- tus optimus.</i>	52. & 53
<i>Monarchiarum IV. fatalis terminus.</i>	53. & 54
<i>Monarchia I. quare dilacerata & ad Persas translata?</i>	76. 77
<i>Moneta Romana.</i>	409. & seq.
<i>Monogamiae institutio divina.</i>	484. & seq.
<i>Moronius Cardinalis legatus Pontif. quare Maxi- miliano II. Imp. suspectus?</i>	320. cum seq.
<i>Moses plus effecit orando, quàm Josua pugnando.</i>	23. fi. cum seq.
<i>Mōsis filii inutiles.</i>	565
<i>Moscovita legatis redeuntibus munera auferunt.</i>	

INDEX

- Mundis omnia sunt munda.* 460
- Munitionum utilitas; & in Munitionibus vana hominum fiducia.* 676. cum seqq.
- Mutationes Rerum publ. fugienda subditis.* 441. & seqq.
- N** *Arsetes, ab Imperatrice Sophia, ad pensa muliebria vocatur.* 661. fi. cum seqq.
- Natura, pietatis magistra.* 549. & seq.
- Natura reddendum, quod accepimus.* 549. fi.
- Neapolitanum regnum quomodo amisit Carolus VIII. R. G.* 17. & 280
- Nero Imp. sub saltatore & tonsore educatus, fex totius orbis evasit.* 573. *ejus crudelitas in agnatos & alios.* 244. *ejus libidinem plurimi Romæ secuti.* 182. *Idem, Christianos urbis incendio insimulatos trucidavit.* 102. *Uxorem calcis ictu interemit.* 512. *Post matris cadem, furis exagitatus.* 247. *Hostis patria judicatus, supplicium spontaneâ morte prævenit.* 121
- Nerva Imp. clementia.* 159. *Idem nihil de suo arbitrio statuit.* 207
- Nicephorus Imp. pacem à Persis quanti redemerit?* 184. & 734. *Ejusdem cranium argento obductum, poculi loco à Bulgaris circumlatum.* 184. & p. 603. fi. d. conseq.
- Nestoris consilia in bello Trojano.* 273
- Nicolai Usani, Florentinorum legati, ad Venetos oratio.* 297
- Nicolai**

RERUM MEMORAB.

- Nicolai de Boo, legati Brandeburgici, perfidia & supplicium.** 324
- Nobiles, unde dicti?** 183
- Nocuit differre paratis.** 301. fi. & seq.
- Nosce teipsum.** 218
- Norinbergensis senatoris responsum ad Regem Ferdinandum.** 41
- Numa Pompilii authoritas.** 234
- Nuptia, Dei opus, & Dei donum.** 455
- Nuptias justas quanam prohibeāt?** 468. cum seqq.
- O Badja factum laudabile.** 402
- Obediētia, quatenus praestanda magistratibus?** 403. & seqq.
- Obsequii maxima utilitates, privata & publica.** 395. cum seqq.
- Obedientia filiorum erga parentes.** 540. cum seqq.
- Ochozias, Rex Jud. annum regnans, jugulatur.** 177. fi. cum seqq.
- Octavii Balbi pietas, erga filium.** 529
- Occidentis Imperium, ex quibus causis corrui?** 67
- Officiarii Regni, tyrannum quovis modo coërcere debent.** 126
- Officia multa uni non imponenda.** 345. & seqq.
nec divendenda. 349. cum seqq.
- Officiis juridicis non multi praeficiendi.** 350. fi. & seqq.
publicis praeficiendi invitati, non ambientes. 340. & seqq.

I N D E X

- Legatus spectata esto fidei & verax; nec mandatorum fines transiliat.* 320. & seqq.
- Legati boni requisita.* 289. & seqq. *eiusdem constantia & παρρησία.* 309. & seqq. *item liberalitas.* 316. & seqq.
- Legati, aures sint & oculi Regnorum.* 307. & seqq. *iiidem magnanimi, ἀδωγοί sint & liberales.* 316. *quomodo tractandi?* 328. & seqq. *justè puniti, qui?* 333. cum seqq.
- Legatis auctoritas suorum principum quomodo defendenda?* 312. *iiidem, si duriora fuerint mandata, prudenti temperamento mitigent.* 312. *iiidem libera agendi facultas, aliquando permissa.* 326. & seqq. *eorum profusio aliquando excusabilis.* 319. *iiidem munera leviora si recusent, rusticitatis notam incurrunt.* 318
- Legati Romani Tarentum missi, injurias sibi illatas dissimulant.* 326
- Legatorum Darii ab Atheniensibus & Lacedaemoniis violatorum poena.* 332
- Legati, ad Stephanum Polonia Regem, monstrosa oratio.* 293
- Legatorum nomen, apud omnes nationes sanctum & inviolatum.* 328. cum seqq.
- Legatos hostium an intercipere liceat?* 334. cū seqq. *ex Legatorum moribus ipsi Principes vulgò estimantur.* 303
- Legatio Romanorum capite, pedibus, & corde carens.* ibid.
- Legatus*

R E R U M M E M O R A B.

- Legatus Florentinus Regina Neapol. concubitum postulat.* 306
- Legatus Ferdinandum Imp. ob Grammaticam reprehendit.* 299
- Legatus, propter munera accepta, ab Atheniensibus propè occisus.* 316. fi. & seq.
- Lex Salica Francorum.* 15. & 36
- Legibus omnia capi nequeunt.* 368. fi. & seqq.
- Legum custodia atq; administratio demandata Principi.* 243. & seqq.
- in Legibus interpretandis, adhibenda aequitas.* 368. fi. & seqq.
- Legibus subjecti esse nolunt tyranni.* 150. cum seq.
- Lescus Albus, Polonia regnum repudiare, quàm fidum consiliarium deferere maluit.* 255
- Lentiscolensis Agricola, factum.* 494
- Leo II. Imp. Zenoni Isaurico, vitrico, imperium sponte tradit.* 539
- Leonis Byzantii parabola, ad populum Atheniensem.* 298
- Leo Pontifex, Imp. Valentiniani legatus, Attilam à vastatione Italia avertit.* 295. cum seq.
- Liberi parentibus sunt anima.* 525. & seqq. *Parentes suos honorant, opere, sermone, & patientiâ.* 535. & seqq. *quare à parentum virtute & felicitate degenerent?* 564. cum seqq. *eorum amor & reverentia erga parentes.* 535. cum seqq. *eorundem à sororia.* 551. & seqq. *eos apud Hebræos vendere licuit.* 465

I N D E X

- Liberos quare impensius ament matres quàm patres?* 527. & *quare liberos sapius ille interficiunt quàm patres.* 534. *eorum pietas erga parentes, in quibus consistat.* 535. *cum seqq.*
- Liberalitas Alexandri M. ejusq; effectus.* 28. 29
- Libertas inestimabilis.* 596
- Liberalitas & clementia potissima dos in Principe.* 192. *pr.*
- Libertas dicendi punita.* 259. & *seqq.*
- Libidinum confusiones regna evertunt.* 75. & 77. *cum seq.*
- Licinii Gallieni Imp. immanis crudelitas.* 244. *fi.*
& *seq. ejusdem ignavia.* 30. *tyrannis occasionem dedit, Imperium invadendi.* 184.
- Litinius Occidentis Imp. propter sevitiã in Christianos, à Constantino Magno occiditur.* 114. *fi.*
cum seq.
- Lydi cujusdam responsum ad Cræsum.* 42.
- Livia erga Casarem studium.* 499.
- Auxoφιλία inter Albertum Austriacum, & Ottomem ducem Bavariae.* 724.
- Lysias senator Atheniensis, lapidibus obrutus.* 285.
- Longobardi effusi in Italiam, quamdiu eam tenuerint.* 661. *fi. cum seq.*
- Ludovicus XI. R. G. filium literis erudiri noluit.* 180. & 524. *ejusdem cum Carolo Burgundia Duce reconciliatio.* 724. *fi. cum seq.*
- Ludovicus IX. R. G. fratrem Alphonsum, ad hostes redire coëgit.* 168.
- L. Cor-

RERUM MEMORAB.

- L. Cornelii consulis clementia erga Hannonem in pugna occisum. 729. fi. cum seq.
- L. Lucullus, unde tantus Imperator? 202
- Ludovici Sancti R. G. admonitio ad filium successorem. 259
- L. Sylla responsum ad Atheniensem legatos, stultè & insolenter perorantes. 292
- L. Æmilius consul alterius civis mortem suam servare vitam noluit. 417
- L. Furii Camilli consilium, de Latinis populis debellatis. 719. cum seq.
- Lucilius miles pro Bruto apud M. Antonium se offert. 420
- Ludovicus Bavarus E. P. ob horrendum zelotypia facinus una nocte totus canescit. 517. cum seq.
- Ludovici Stortia interitus in carcere decennali. 228. ejusdem fides erga Gallos Alvaria obsesses. 727. fi. cum seq.
- Ludovici XII. R. G. scomma in emptores Magistratum. 349
- Luxuria praeceps regnorum ruinas. 62. & 63. eadem concitat seditiones & bella civilia. 628. fi. cum seqq.
- M**agistratus demandandi viris bonis. 339. non divendendi. 349. cum seqq. gradatim sunt conferendi. 340. & seqq.
- Magistratus & officia publica recusare, non videtur viri boni. 341
- Magistratus plures uni non committendi. 345. cum seq.

I N D E X

- Magistratus bonus, Lex vivens.* 179
- Magni Consalvi erga deditos fides & cura.* 727
- Magistratum qualem esse oportet. 336. cum seqq. ejus
præcipua pars, Religio. 337. ejusdem pro-
prium est prudentia.* 337. cum seqq.
- Magistratum vicarii pestes Rerum publ.* 346
- Magistratum auctoritas, quibus septis conclusa?*
402. & seqq.
- Majestas Imperii salutis tutela. 231. & seqq. ejus-
dem observantia, in quibus consistat. 392. ff.
& seqq.*
- Majestatem integram quomodo princeps conser-
vet?* 237. & seqq.
- Majestati major ex longinquo reverentia.* 236
- Majestatis crimen in tyrannum non committi-
tur.* 126
- Majores domus in Gallia, Regibus deturbatis, sibi
imperium retinuerunt.* 236
- Malos principes cur gubernare Deus permittat.*
86. cum seqq.
- Malduinus, Rex Scotorum, ob pellicatus suspicio-
nem per uxorem strangulatus.* 523
- Manfredi Spurii in patrem Fridericum II. Imp.
impietas.* 553
- Manuel Comnenus Imp. à Venetis & Sicilia Rege
oppugnatur.* 333
- Manlius Aquilius, consul Rom. veneno fontes mi-
scet.* 713
- Marga-*

RERUM MEMORAB.

<i>Margareta Suecia Regina, in deorum numerum relata.</i>	13
<i>Maria Anglia R. post persecutionem Evangelicorum mors.</i>	103
<i>Maria Scotia R. in judicio senatus Anglici, capitis damnatur.</i>	125
<i>Maria A. R. Henricum Stuardum conjugem, clam interficit.</i>	505
<i>Margareta Brabantia Ducissa zelotypum factum.</i>	522
<i>Marathonia pugna.</i>	693
<i>Mariæne Herodi generis humilitatē ex pbrat.</i>	504
<i>M. Antonii Imp. ad Commodum filium, oratio ante mortem.</i>	21
<i>M. Antoninus Imp. Pii cognomen unde meruerit? 177. ejusdem justitia. 148. ejusdem reverentia erga parentes. 537. idem nihil sine amicorum consiliis egit.</i>	207
<i>M. Antonius triumvir, familiaritate Curionis corruptus. 576. ejusdem simulata amicitia cum Octavio.</i>	723
<i>M. Attilius Regulus ad supplicium redit.</i>	167
<i>M. Crassus, ab adulatore Andromacho, Parthis proditus.</i>	262
<i>M. Antonii Caracalla fratricidium. 42. & 244. ejus cades.</i>	603
<i>Matthias Corvinus è carcere ad Ungaria regnum evocatur. 92. si. cum seq. idem à Machometo II. maximè laudatur.</i>	235

I N D E X

- Matathias Antiocho impia mandanti justè se opponit.* 112
- M. Ciceronis filius, bicongius dictus.* 560
- Mariti in uxorem imperium, quale esse debet? 509. & seqq.*
- Matres, quare libros impensius ament? 527. & quare etiam eos saepius interficiant, quàm patres? 534*
- Matrimonium an dirimat religionis diversitas. 459. fi. & seqq.*
- Matrimonii iustirequisita. 461. cum seqq.*
- Matrimonii in quib. statuere aut relaxare potest magistratus? 480. & seqq.*
- Matrimonium quando error vitiet? 483. & seqq. idem absq; parentum consensu contractum, irritum. 464. & seqq.*
- Matthias Ung. R. perfidiosam hostis sui necem abominatur. 174. cum seqq.*
- Mauritius D. S. à Turcis famuli Germani operâ servatus. 419. & 91. cum seqq.*
- Maxentius à Constantino M. occisus propter savitiam in Christianos. 114. fi. cum seqq. & 127. fi.*
- Maximinus, Imperio dejectus à Senatu. 122*
- Medea à Jasone repudiata crudelis vindicta. 521*
- Messalina crudelitas. 502*
- Menelaus ab Oniâ Pontifice reprehensus, eundem interfici curat. 582*
- Megacelis Messenii legati ad Agathoclem Sicilia tyrannum oratio. 313*
- Metus*

RERUM MEMORAB.

- Metus à judiciis submovendus.* 367
- Menanii Agrippa legati ad plebem Roman. oratio.* 294
- Memnonis Rhodii dictum ad militem maledicum.* 688
- Michaël Balbus Imp. Diabolum esse negans, phrenesi interit.* 102
- Militarium virorum pramia.* 152. & seq.
- Michaëlis Imp. Constantinop. largitio in res scurriles.* 156
- Mithridatis Ponti R. laus.* 195
- Michaëlis Orscha, Ungaria Palatini dictum.* 425
- Michal Davidis mariti sui conservatrix.* 488
- Modinenses Antiocho impia sacra imperanti re-
fle. resistunt.* 404
- Monarchia, cur optima politiarum? 47. cum seqq.
eadem Aristocratiâ temperata, regnorum sta-
tus optimus.* 52. & 53
- Monarchiarum I V. fatalis terminus.* 53. & 54
- Monarchia I. quare dilacerata & ad Persas
translata?* 76. 77
- Moneta Romana.* 409. & seq.
- Monogamia institutio divina.* 484. & seq.
- Moronus Cardinalis legatus Pontif. quare Maxi-
miliano I I. Imp. suspectus?* 320. cum seq.
- Moses plus effecit orando, quàm Josua pugnando.*
23. fi. cum seq.
- Mōsis filii inutiles.* 565
- Moscovita legatis redeuntibus munera auferunt.*

I N D E X

- Mundis omnia sunt munda.* 460
- Munitionum utilitas; & in Munitionibus vana hominum fiducia.* 676. cum seqq.
- Mutationes Rerum publ. fugienda subditis.* 441. & seqq.
- N** *Arsetes, ab Imperatrice Sophia, ad pensa muliebria vocatur.* 661. fi. cum seqq.
- Natura, pietatis magistra.* 549. & seqq.
- Natura reddendum, quod accepimus.* 549. fi.
- Neapolitanum regnum quomodo amisit Carolus VIII. R. G.* 17. & 280
- Nero Imp. sub saltatore & tonsore educatus, fex totius orbis evasit.* 573. *ejus crudelitas in agnatos & alios.* 244. *ejus libidinem plurimi Roma secuti.* 182. *Idem, Christianos urbis incendio insimulatos trucidavit.* 102. *Uxorem calcis ictu interemit.* 512. *Post matris cadem, furis exagitatus.* 247. *Hostis patria judicatus, supplicium spontaneâ morte prævenit.* 121
- Nerva Imp. clementia.* 159. *Idem nihil de suo arbitrio statuit.* 207
- Nicephorus Imp. pacem à Persis quanti redemerit?* 184. & 734. *Ejusdem cranium argento obductum, poculi loco à Bulgaris circumlatum.* 184. & p. 603. fid. conseq.
- Nestoris consilia in bello Trojano.* 273
- Nicolai Usani, Florentinorum legati, ad Venetos oratio.* 297
- Nicolai*

RERUM MEMORAB.

Nicolai de Boo, legati Brandeburgici, perfidia & supplicium.	324
Nobiles, unde dicti?	183
Nocuit differre paratis.	301. fi. & seq.
Nosce teipsum.	218
Norinbergensis senatoris responsum ad Regem Ferdinandum.	41
Numa Pompilii authoritas.	234
Nuptia, Dei opus, & Dei donum.	455
Nuptias justas quanam prohibeāt? 468. cum seqq.	
○ Badja factum laudabile.	402
Obediētia, quatenus praestanda magistratibus?	403. & seqq.
Obsequii maxima utilitates, privata & publica.	395. cum seq.
Obedientia filiorum erga parentes. 540. cum seqq.	
Ochozias, Rex Jud. annum regnans, jugulatur.	177. fi. cum seqq.
Octavii Balbi pietas, erga filium.	529
Occidentis Imperium, ex quibus causis corrui?	67
Officiarii Regni, tyrannum quovis modo coërcere debent.	126
Officia multa uni non imponenda. 345. & seqq. nec divendenda.	349. cum seqq.
Officiis juridicis non multi praeficiendi. 350. fi. & seq. publicis praeficiendi inviti, non ambientes.	340. & seq.

I N D E X

- Legatus spectata esto fidei & verax; nec mandatorum fines transiliat.* 320. & seqq.
- Legati boni requisita.* 289. & seqq. *eiusdem constantia & sapientia.* 309. & seqq. *item liberalitas.* 316. & seqq.
- Legati, aures sint & oculi Regnorum.* 307. & seqq. *iiidem magnanimi, aduersi sint & liberales.* 316. *quomodo tractandi?* 328. & seqq. *justè puniti, qui?* 333. cum seqq.
- Legatis auctoritas suorum principum quomodo defendenda?* 312. *iiidem, si duriora fuerint mandata, prudenti temperamento mitigent.* 312. *iiidem libera agendi facultas, aliquando permissa.* 326. & seqq. *eorum profusio aliquando excusabilis.* 319. *iiidem munera leviora si recusent, rusticitatis notam incurrunt.* 318
- Legati Romani Tarentum missi, injurias sibi illatas dissimulant.* 326
- Legatorum Darii ab Atheniensibus & Lacedaemoniis violatorum poena.* 332
- Legati, ad Stephanum Polonia Regem, monstrosa oratio.* 293
- Legatorum nomen, apud omnes nationes sanctum & inviolatum.* 328. cum seqq.
- Legatos hostium an intercipere liceat?* 334. cum seqq. *ex Legatorum moribus ipsi Principes vulgò aestimantur.* 303
- Legatio Romanorum capite, pedibus, & corde carens.* ibid.
- Legatus**

R E R U M M E M O R A B.

*Legatus Florentinus Regina Neapol. concubitus
postulat.* 306

*Legatus Ferdinandum Imp. ob Grammaticam
reprehendit.* 299

*Legatus, propter munera accepta, ab Atheniensibus
propè occisus.* 316. fi. & seq.

Lex Salica Francorum. 15. & 36

Legibus omnia capi nequeunt. 368. fi. & seqq.

*Legum custodia atq; administratio demandata
Principi.* 243. & seqq.

in Legibus interpretandis, adhibenda equitas.
368. fi. & seqq.

Legibus subjecti esse nolunt tyranni. 150. cum seq.

*Lescus Albus, Polonia regnum repudiare, quàm si-
dum consiliarium deserere maluit.* 255

Lentiscolensis Agricola, factum. 494

*Leo II. Imp. Zenoni Isaurico, vitrico, imperium
sponte tradit.* 539

*Leonis Byzantii parabola, ad populum Athenien-
sem.* 298

*Leo Pontifex, Imp. Valentiniani legatus, Attilam
à vastatione Italia avertit.* 295. cum seq.

Liberi parentibus sunt anima. 525. & seqq. Paren-
tes suos honorant, opere, sermone, & patientiâ.
535. & seqq. quare à parentum virtute & feli-
citate degenerent? 564. cum seqq. eorum amor
& reverentia erga parentes. 535. cum seqq. eo-
rundem à sororia. 551. & seqq. eos apud Hebræos
vendere licuit.

465

I N D E X

- Liberos quare impensius ament matres quàm patres?* 527. & *quare liberos sapius illa interficiunt quàm patres.* 534. *eorum pietas erga parentes, in quibus consistat.* 535. *cum seqq.*
- Liberalitas Alexandri M. ejusq; effectus.* 28. 29
- Libertas inestimabilis.* 596
- Liberalitas & clementia potissima dos in Principe.* 192. pr.
- Libertas dicendi punita.* 259. & *seqq.*
- Libidinum confusiones regna evertunt.* 75. & 77. *cum seq.*
- Licinii Gallieni Imp. immanis crudelitas.* 244. fi. & *seq. ejusdem ignavia.* 30. *tyrannis occasionem dedit, Imperium invadendi.* 184.
- Licinius Occidentis Imp. propter sevitiã in Christianos, à Constantino Magno occiditur.* 114. fi. *cum seq.*
- Lydi cujusdam responsum ad Crœsum.* 42.
- Livia erga Cæsarem studium.* 499.
- Aυροφιλία inter Albertum Austriacum, & Ottomem ducem Bavaria.* 724.
- Lysias senator Atheniensis, lapidibus obrutus.* 285.
- Longobardi effusi in Italiam, quamdiu eam tenuerint.* 661. fi. *cum seq.*
- Ludovicus XI. R. G. filium literis erudiri noluit.* 180. & 524. *ejusdem cum Carolo Burgundie Duce reconciliatio.* 724. fi. *cum seq.*
- Ludovicus IX. R. G. fratrem Alphonsum, ad hostes redire coëgit.* 168.
- L. Cor-

RERUM MEMORAB.

- L. Cornelii** consulis clementia erga Hannonem in pugna occisum. 729. fi. cum seq.
- L. Lucullus**, unde tantus Imperator? 202
- Ludovici Sancti R. G.** admonitio ad filium successorem. 259
- L. Sylla** responsum ad Atheniensium legatos, stulit & insolenter perorantes. 292
- L. Æmilius** consul alterius civis mortem suam servare vitam noluit. 417
- L. Furii Camilli** consilium, de Latinis populis debellatis. 719. cum seq.
- Lucilius** miles pro Bruto apud M. Antonium se offert. 420
- Ludovicus Bavarus E. P.** ob horrendum zelotypia facinus una nocte totus canescit. 517. cum seq.
- Ludovici Stortia** interitus in carcere decennali. 228. ejusdem fides erga Gallos Alvaria obsessos. 727. fi. cum seq.
- Ludovici XII. R. G.** scomma in emptores Magistratum. 349
- Luxuria** praeceat regnorum ruinas. 62. & 63. eadem concitat seditiones & bella civilia. 628. fi. cum seqq.
- M**agistratus demandandi viris bonis. 339. non divendendi. 349. cum seqq. gradatim sunt conferendi. 340. & seqq.
- Magistratus** & officia publica recusare, non videtur viri boni. 341
- Magistratus** plures uni non committendi. 345. cum seq.

I N D E X

- Magistratus bonus, Lex vivens.* 179
- Magni Consalvi erga deditos fides & cura.* 727
- Magistratum qualem esse oportet. 336. cum seqq. ejus precipua pars, Religio. 337. ejusdem proprium est prudentia.* 337. cum seqq.
- Magistratum vicarii pestes Rerum publ.* 346
- Magistratum auctoritas, quibus septis conclusa? 402. & seqq.*
- Majestas Imperii salutis tutela. 231. & seqq. ejusdem observantia, in quibus consistat. 392. fi. & seqq.*
- Majestatem integram quomodo princeps conservet?* 237. & seqq.
- Majestati major ex longinquo reverentia.* 236
- Majestatis crimen in tyrannum non committitur.* 126
- Majores domus in Gallia, Regibus deturbatis, sibi imperium retinuerunt.* 236
- Malos principes cur gubernare Deus permittat. 86. cum seqq.*
- Malduinus, Rex Scotorum, ob pellicatus suspicionem per uxorem strangulatus.* 523
- Manfredi Spurii in patrem Fridericum I I. Imp. impietas.* 553
- Manuel Comnenus Imp. à Venetis & Sicilia Rege oppugnatur.* 333
- Manlius Aquilius, consul Rom. veneno fontes miscet.* 713
- Marga-*

RERUM MEMORAB.

<i>Margareta Suecia Regina, in deorum numerum relata.</i>	13
<i>Maria Anglia R. post persecutionem Evangelicorum mors.</i>	103
<i>Maria Scotia R. in judicio senatus Anglici, capitis damnatur.</i>	125
<i>Maria A. R. Henricum Stuardum conjugem, clam interficit.</i>	505
<i>Margareta Brabantia Ducissa zelotypum factum.</i>	522
<i>Marathonia pugna.</i>	693
<i>Mariæne Herodi generis humilitatē ex pbrat.</i>	504
<i>M. Antonii Imp. ad Commodum filium, oratio ante mortem.</i>	21
<i>M. Antoninus Imp. Pii cognomen unde meruerit? 177. ejusdem justitia. 148. ejusdem reverentia erga parentes. 537. idem nihil sine amicorum consiliis egit.</i>	207
<i>M. Antonius triumvir, familiaritate Curionis corruptus. 576. ejusdem simulata amicitia cum Octavio.</i>	723
<i>M. Attilius Regulus ad supplicium redit.</i>	167
<i>M. Crassus, ab adulatore Andromacho, Parthis proditus.</i>	262
<i>M. Antonii Caracalla fratricidium. 42. & 244. ejus cades.</i>	603
<i>Matthias Corvinus è carcere ad Ungaria regnum evocatur. 92. si. cum seq. idem à Machometo II. maximè laudatur.</i>	235

I N D E X

<i>Matathias Antiocho impia mandanti justè se opponit.</i>	112
<i>M. Ciceronis filius, bicongius dictus.</i>	560
<i>Mariti in uxorem imperium, quale esse debet? & seqq.</i>	509.
<i>Matres, quare liberos impensius ament? & quare etiam eos sapius interficiant, quàm patres?</i>	527. & 534
<i>Matrimonium an dirimat religionis diversitas. 459. fi. & seqq.</i>	459. fi. & seqq.
<i>Matrimonii iustirequisita.</i>	461. cum seqq.
<i>Matrimonii in quib. statuere aut relaxare potest magistratus?</i>	480. & seqq.
<i>Matrimonium quando error vitiet? & seqq. idem absq. parentum consensu contractum, irritum.</i>	483. & seqq. 464. & seqq.
<i>Matthias Ung. R. perfidiosam hostis sui necem abominatur.</i>	174. cum seqq.
<i>Mauritius D. S. à Turcis famuli Germani operâ servatus.</i>	419. & 91. cum seqq.
<i>Maxentius à Constantino M. occisus propter savitiam in Christianos. 114. fi. cum seqq. & 127. fi.</i>	114. fi. cum seqq. & 127. fi.
<i>Maximinus, Imperio dejectus à Senatu.</i>	122
<i>Medea à Jasonerepudiata crudelis vindicta.</i>	521
<i>Messalina crudelitas.</i>	502
<i>Menelaus ab Oniâ Pontifice reprehensus, eundem interfici curat.</i>	582
<i>Megacelis Messenii legati ad Agathoclem Sicilia tyrannum oratio.</i>	313
	Metus

RERUM MEMORAB.

- Metus à judiciis submovendus.* 367
- Menanii Agrippa legati ad plebem Roman. oratio.* 294
- Memnonis Rhodii dictum ad militem maledicum.* 688
- Michaël Balbus Imp. Diabolum esse negans, phrenesi interit.* 102
- Militarium virorum pramia.* 152. & seq.
- Michaëlis Imp. Constantinop. largitio in res scurriles.* 156
- Mithridatis Ponti R. laus.* 195
- Michaëlis Orscha, Ungaria Palatini dictum.* 425
- Michal Davidis mariti sui conservatrix.* 488
- Modinenses Antiocho impia sacra imperanti re-
fle. resistunt.* 404
- Monarchia, cur optima politiarum? 47. cum seqq.
eadem Aristocratiâ temperata, regnorum sta-
tus optimus.* 52. & 53
- Monarchiarum IV. fatalis terminus.* 53. & 54
- Monarchia I. quare dilacerata & ad Persas
translata?* 76. 77
- Moneta Romana.* 409. & seq.
- Monogamiae institutio divina.* 484. & seq.
- Moronius Cardinalis legatus Pontif. quare Maxi-
miliano II. Imp. suspectus?* 320. cum seq.
- Moses plus effecit orando, quàm Josua pugnando.*
23. fi. cum seq.
- Mōsis filii inutiles.* 565
- Moscovita legatis redeuntibus munera auferunt.*

I N D E X

- Mundis omnia sunt munda.* 460
- Munitionum utilitas; &, in Munitionibus vana hominum fiducia.* 676. cum seqq.
- Mutationes Rerum publ. fugienda subditis.* 441. & seqq.
- N** *Arctes, ab Imperatrice Sophia, ad pensa muliebria vocatur.* 661. fi. cum seqq.
- Natura, pietatis magistra.* 549. & seqq.
- Natura reddendum, quod accepimus.* 549. fi.
- Neapolitanum regnum quomodo amiserit Carolus VIII. R. G.* 17. & 280
- Nero Imp. sub saltatore & tonsore educatus, fextorius orbis evasit.* 573. *eius crudelitas in agnatos & alios.* 244. *eius libidinem plurimi Romæ secuti.* 182. *Idem, Christianos urbis incendio insimulatos trucidavit.* 102. *Uxorem calcis ictu interemit.* 512. *Post matris cadem, furis exagitatus.* 247. *Hostis patriæ judicatus, supplicium spontaneâ morte prævenit.* 121
- Nerva Imp. clementia.* 159. *Idem nihil de suo arbitrio statuit.* 207
- Nicephorus Imp. pacem à Persis quanti redemerit?* 184. & 734. *Ejusdem cranium argento obductum, poculi loco à Bulgaris circumlatum.* 184. & p. 603. fid. conseq.
- Nestoris consilia in bello Trojano.* 273
- Nicolai Usani, Florentinorum legati, ad Venetos oratio.* 297
- Nicolai*

RERUM MEMORAB.

- Nicolai de Boo, legati Brandeburgici, perfidia & supplicium.* 324
- Nobiles, unde dicti?* 183
- Nocuit differre paratis.* 301. fi. & seq.
- Nosce teipsum.* 218
- Norinbergensis senatoris responsum ad Regem Ferdinandum.* 41
- Numa Pompilii authoritas.* 234
- Nuptia, Dei opus, & Dei donum.* 455
- Nuptias justas quanam prohibeāt?* 468. cum seqq.
- O** *Badja factum laudabile.* 402
- Obediētia, quatenus praestanda magistratibus?* 403. & seqq.
- Obsequii maxima utilitates, privata & publica.* 395. cum seq.
- Obedientia filiorum erga parentes.* 540. cum seqq.
- Ochozias, Rex Jud. annum regnans, jugulatur.* 177. fi. cum seqq.
- Octavii Balbi pietas, erga filium.* 529
- Occidentis Imperium, ex quibus causis corruit?* 67
- Officiarii Regni, tyrannum quovis modo coërcere debent.* 126
- Officia multa uni non imponenda.* 345. & seqq.
- nec divendenda.* 349. cum seqq.
- Officiis juridicis non multi praeficiendi.* 350. fi. & seqq.
- publicis praeficiendi invitati, non ambientes.* 340. & seqq.

I N D E X

Opes subditorum, thesaurus principum. 134. & seq.
& 411.

Opilius Macrinus Imp. Macellinus dictus, propter crudelitatem. 178

Opum humanarum inconstantia. 222. cum seqq.

Oratio, animi index. 299

Orientis à Turcis vastatio, quibus ex causis cōtingerit? 77. si. cum seqq.

Osculana pugna, proverb. unde? 624

Ottocarus R. B. à Rudolpho I. Cesare, in acie casus. 612.

P *Anicus terror quis?* 588

Papa, an potest dispensare in Nuptiis, jure div. & civ. prohibitis? 476. cum seqq.

Papa militantium Regum & Principum interitus lugubres. 102. & seqq.

Parentes honorandi, opere, sermone, patientiâ; quare? 534. & seqq. *Isdem utrum per omnia simpliciter liberi obedire debeant?* 542. cum seqq.

Parentum à sociis detestatio. Et exempla. 531. & seqq. *eorum dira liberorum sunt furia.* 554. cum seqq. *à parentum virtute & felicitate cur liberi degenerent?* 564. & seqq.

Parentibus anima sunt liberi. 525. & seqq.

Parentes sunt viva imagines Dei, communis omnium parentis. 534

Parysatis, Cyro filio quomodo vitam conservavit? 529

Patarensis matris pietas erga filium. 528

Parrici-

RERUM MEMORAB.

- Parricidii species est, patrem non alere.* 344
- Parricidiale bellum, Constantini junioris, ejusq;
eventus.* 42. 43.
- Παῖρνοια* pii legatorum erga principē & patriam
candoris index. 309. & seqq.
- Παῖρνοια* cum audacia & immodestia non con-
fundenda. 257. & seq. quamam licita, qua illicita
& aculeata? 311. & seqq.
- Παραπρεσβεία* nihil perniciosius. 322
- Pars utraq; audienda.* 358. & seq.
- Pausanias, Attalum Regem obtrūcat, ob non vin-
dicatam sibi illatam contumeliam.* 147
- Pax honesta pecuniā quoq; redimenda.* 731
- Pax saepe periculosior bello.* 627. cum seqq.
- Pax turpis & ignominiosa, non emenda. 184. sed
rescindenda.* 731. cum seqq.
- Pax Caudina.* 734. cum seq.
- Pecunia belli nervus.* 29. 30
- Persidia, res omnium miserrima. 425. si. cum seq.
ejus exempla & poena.* 427. cum seqq.
- Perjurii & persidia poena.* 169. & seqq.
- Persona in judicando non respicienda. 362. cum
seq.*
- Persa arcana Regum mirā fide celant.* 265
- Petri Fulgosi G. D. stratagema.* 681
- Persarum lex in condemnandis reis.* 384
- Persa & Paribi zelotypi.* 516. si. cum seq.
- Persica Monarchia quamdiu duravit?* 50
- Persica potentia penē uno momento eversa quare?*

I N D E X

- Periodi regnorum & imperiorum fatales.* 56. cum
seqq.
- Periclis laus.* 640. ejusdem cum Cimone amulatio.
650.
- Φιλαδελφίας utilitas.* 579. & seqq.
- Philotimia Rerump. pestis.* 69. & seqq.
- Philopoemonis Achaorum Ducis auctoritas.* 233.
& seqq.
- Φιλαδελφία rarioꝝ inter Reges & principes qua-
re?* 580. pr.
- Pietatis magistra natura.* 549. fi. & seq.
- Pietate sublata, fides quoq; justitia fundamentum
collitur.* 354
- Pientissimorum Regum & Principum exempla.*
129. fi. cum seq. & 192. 193.
- Plebeji unà cum patritiis ad honores admittendi.*
352
- Philippidis Comici Atheniensis παρρησία apud
Lysimachum R.* 258
- Philippi R. M. penultimi κακότης.* 73. Idem,
Gracia civitates mutui disidiis attritas op-
pressit. 633. & 657. fi.
- Philippi R. M. ad Alexandrum filium exhortatio.*
p. 6.
- Philippi Valesii R. G. fedus cum Davide, Rege
Scotia.* 669
- Pyrrhus Epirotarum Rex, quanto aleatori similis?*
16
- Polygamia origo.* 484. cum seq.
Pompeji

RERUM MEMORAB.

- Pompeji taciturnitas insignis.* 266
- Populus potior Rege.* 118. & seqq.
- Populi nomine qui intelligantur?* 190. & seqq.
- Populi salus, principi suprema lex esto.* 128. & seqq.
- Popilii audax responsum ad Antiochum Syria Regem.* 312
- Polycratis legati responsum ad praefectos regios.* 312
- Poloni Heduvigen Jagelloni elocare nolunt, antequam Christianus fiat.* 458
- Pœna non sit major quàm culpa.* 365. & 375. si cum seqq.
- Potentia nimia, nunquam satis fida.* 237. & seqq.
- Potestatibus sublimioribus omnis anima esto subdita.* 394. & seqq.
- Praeses Hispanicus mulieri decepta maritum interfectum reddit.* 375
- Pramiis afficiendi benemeriti.* 151. & seqq.
- Praes pia in bellis omnia efficiunt.* 585. si. cum seqq.
- Prebislaus, Dux Polon. uxorem sterilem, jugulari curat.* 512
- Principatus nervi, aurum & ferrum.* 27. & seqq.
- Princeps quàm necessarium bonum, & quàm magnū Dei donum.* 83. 84. Idem, νομότης esto justus & acer νομofύλαξ. p. 143. cum seqq.
- Fidei memor esto, tenaxq̃.* 163. si. & seqq.
- Quomodo justius regat subditos?* 176. & seqq.
- & 144. cū seqq. sit piger ad pœnas, ad pramia velox.* 151. cū seqq. non suppliciorum sit specta-

I N D E X

207. 160. si. cum seq. praestet Imperio majestatem.
230. cum seqq. *Authoritatem*, quomodo apud subditos retineat? 176. & seqq. optima consilia haud invitus audiat. 176. & seqq. Non minus se hominem quàm hominibus praesse meminerit. 218. & seqq. exemplo suo, religionem subditos doceat. 129. & seqq.
- Principis exemplum, quantum valeat? 132. & 82.
- Principis in bello praesentia necessaria. 185. cum seqq.
- Principi religionis & justitiae cura habenda. 22. & seqq. Eidem suprema lex esto, populi salus. 128. & seqq. Historia quantum conferant? 199. & seqq. *authoritatem* qua conciliet? 231. & seqq.
- Principem prudentem omnia decet prius, experiri consilio, quàm armis. 195. & seqq.
- Princeps non debet poena gratiam facere. 146. & seq. Plus interdum connivendo, quàm agendo proficiet. 157
- Principibus sacerdotum, Christus ejusq; Apostoli rectè non obtemperant. 403
- Principis simplex verbum valere debet, quantum jusjurandum privatorum. 164
- In Principe domi sit sanctitas, fortitudo in armis, utrobique prudentia. 175. & seqq.
- Principes à Deo & divinitus orti. 82. cum seqq. majestate ornati. 231. & seq. colossis comparati. 219. si. cum seq. Ecclesia Dei tutanda, ex federe obligati. 106. cum seqq. juris & justitiae sint cultu-

RERUM MEMORAB.

- cultores. 144. & seqq. tyrannos vi cohercere
 & opprimere tenentur. 117. cū seqq. variis for-
 tuna casibus agitati. 219. & seqq. ex carcere,
 ad regnum nōnulli euecti. 92. 93. ῥόλοι καὶ δύσ-
 ῥόλοι, patientiā honorandi. 434. & seqq.*
Principum tria genera, pastores, mercenarii, lupi.
84. 85
Principum thesaurus, opes subditorum. 134. & seqq.
Principum stolidorum exempla. 188. cum seqq. &
qui stolidi sua prudentia se & temp. pessum
dederint. 211. cum seqq.
Principibus malis, quare Deus permittat imperiū.
85. & seqq.
In Principe sancto & forti, necessaria quæ? 187.
cum seqq.
Principum tituli, quid eos admonere debeant. 183.
& seqq.
Prisci Helvidii παρρησία. 258
Privernates quomodo à Romanis in civitatem
recepti? 720. cum seqq.
Privato homini non licet insurgere contra tyran-
num. 438
Proditorius hostium interitus detestandus. 172.
cum seqq.
Provocatores rarò felices. 698. cum seqq.
Prosperi. Columna prudentia militaris. 644. cum
seqq.
Prudentia regnorum basis. 24. 25.
Prudentia an fortitudo praestantior? 196. & seqq.

I N D E X

- Prudentes viri à principe in consilium adhibendi.*
206. & seq.
- Psammenius Rex Ægypti, cur liberorum cades
siccis oculis adspexerit?* 526
- Ptolomæus Rex Ægypti, quare fratrum cum sororibus
conjugia permiserit?* 470
- Ptolomæi Phisconis, Regis Ægypti, crudelitas in fi-
lium.* 532. fi. & seq.
- Puna, Regis Indorum, remedium adversus zeloty-
piam.* 517
- P. Clodius, judicum corruptor.* 361
- P. Posthumius, trib. milit. injustè lapidatus à Ro-
manis.* 437. & seq.
- Q***uadi & Marcomanni fulgure cœlitus de-
misso sternuntur.* 589
- In Questionibus habendis, filius prius quàm pa-
ter tortura subjiciendus.* 530
- Qu. Sertorii pietas erga matrem.* 537. fi. & seq.
- Quingentesimus annus, fatalis periodus regno-
rum, & Rerumpub.* 56. & seqq.
- R***atio habenda, non ejus solum, quod licet, sed
etiam, quod expedit.* 438. & 480. fi.
- Reges quomodo dicantur esse à Deo. 82. cum seqq.*
Dei sunt vasalli. 95. cum seqq. infra Deum. 393.
à populis constituti. 118. 119. Vide Principes.
- Rex honorandus, Deus timendus.* 389. & seqq.
- Rex futurus artibus parendi & bene imperandi
instituendus. 12. Eidem virtus sit commenda-
ta. 10. cum preced.*

Regis

RERUM MEMORAB.

Regis à tyranno differentia. 135. cum seqq. & 150.
cum seq.

Regis in tyrannum degeneratio. 117. cum seqq.

Regum perniciēs, assassinatio. 251. & seqq. fedifrag-
gorum pœnæ. 89. & seqq.

Regia edes in regni umbilico figenda. 43. & 44

Regnum splendidi a fructibus. 31. & seqq.

Regnum virtute p. r. r. d. m. quare? 6. & seqq. Idē,
absque virtute a. i. r. r. d. m. a. i. r. p. e. a. m. o. v. e. n. d. u. m. 10.

& 11. Idē, successum non temere admit-
tenda juncione. 12. cum seqq.

Regnum occupare facilius, quàm retinere. 5. & 6.

Idem, ut floreat, arboribus ipsi dantur viri he-
roici. 45. 46. eisdem status optimus, Monar-
chia, Aristocratiā temperata. 47. & 53

Regni vinculum firmissimum, subditorum bene-
volentia. 20. 21

Regnorum mundi origo. 1. & 2. Basis & funda-
mentum, religio, iustitia & prudentia. 22. cum
seq. Fatales limites. 53. & seqq. Casus precipi-
tes. 61. 62. Eorum periodicis circumactis, princi-
pum perit authoritas, & mox sequuntur muta-
tiones. 59. cum seqq. ruina prodromi luxuria,
legum & disciplina contemptus, injuria, &
ἀναισθησία publicarum calamitatum. 62. &
seqq.

Regna omnia evertunt idololatria, tyrannis, &
libidinum confusiones. 75. cum seqq. eadem
eversa, nunquam pristinam recuperat dignita-

I N D E X

tem. 79. cum seqq. non possunt ferre socium. 41. & seqq.	
Regium est, malè audire.	692
Regum veneratio, apud Ægyptios & Gallos.	393
Regis jus quomodo Samuel exponat?	435
Regum ferenda ingenia.	443
Regum & principum pietissimorum, exempla. 129. fi. cum seq.	
Regnum Atticum quamdiu steterit?	57
Regiminis mutatio in Helvetia, unde?	78
Religionis propaganda causâ suscepta bella, ex- tiosa.	606
Religio regnorum fundamentum, ideò ejus cura regi habenda.	22. 23
Religio cogi non potest. 115. ejus diversitas, an diri- mat matrimonium?	459. fi. cum seq.
Religione sublata, tollitur fides & societas generis humani.	23. cum seq. & 354
Respubl. stat senum consiliis.	272. & seqq.
Rerum publ. pestes præcipue, φιλοκμία, πολυπραγ- μοσύνη, κακὸς ζηλία, & vindictæ cupiditas. 69. cum seqq.	
Rerum publ. mutationes novæ, subditis fugienda. 441. & seqq.	
Reverentia filialis nota.	536. & seqq.
Rhadagisus Gothorum Rex invadit Italiam. 659. fi. cum seq.	
Richardus Anglicus, Imp. electus, quomodo Impe- rium amisit?	9
	Ri-

RERUM MEMORAB.

- Richardus III. A.R. uxorem sterilem veneno necat.* 512
- Richardi II. Anglorum Regis fratricidium, ejusq; causa.* 582
- Robur cum prudentia conjunctum. 195. cum seqq.*
- Robertus, Britannia R. uxoris ope sanitati restitutus.* 487
- Roboam puerile consilium. 187. fi. & seq. & 277. fi. cum seqq.*
- Robertus Sedanius, filios in pugna ad Novaram, liberat.* 529
- Romulum Amulius quare necare non potuerit? 89. & seqq.*
- Romanis, ob severam justitiam, imperium orbis terrarum à Deo concessum. 147. eorum provincia à peregrinis exercitibus vastata. 659. cum seqq.*
- Romani Imperii status, an Aristocraticus, an Monarchicus? 51. & 52*
- Romanus Diogenes Imp. à senatu in insulam relegatus.* 122
- Rubeni stirps quare semper exigua? 555*
- Rudolphus Habsburgius, quare electus Imperator? 4. ejusdem stratagema in infeudatione Ottocari R. Bohemia. 239. fi. & seqq.*
- S** *Amuelis filii cur à patre degenerarint? 577*
- Salza oppugnatio. 689*
- Salomon R. quare infantem dissecare jusserit? 377. fi. cum seqq. ejusdem reverentia erga matrē. 536.*

I N D E X

- Sanguis piorum, semen ecclesia.* 87
- Sanctitas in principe, cur necessaria? 176. cum seqq.*
- Sancti Aphonfi R. filii, à patre diris devoti interitus.* 556
- Sara obedientia erga maritum.* 499
- Sardanapalus, ignavia regnum perdidit. 61. & 127*
- Saulis, R. J. simulationes. 140. cum seq. ejusdem posteritas, ob violatam fidem Gibeonitis, in crucem acta.* 169. fi. cum seq.
- in Sarracenos, principum Europæorum expeditiones, quo consilio factæ? 115. & 127*
- Sarraco, in Ægyptum vocatus, sibi & posteris regnum confirmat.* 665. fin. & seqq.
- Saradinus, Ægypti Soldanus, Christianis Palestinam eripit.* 696
- Sapientia viribus melior.* 196. & seq.
- Sapor, R. P. solis ac luna fratrem se scribit.* 226
- Sciluri Scythæ, 80. filiorum patris factum.* 579
- Scorionis, Dacorum R. sententia, de populi Romani disfidis.* 683
- Scotorum gens, præter alias, regum exemplo ducitur.* 181
- Secretum, anima consiliorum.* 263. & seqq.
- Securitas Pompejanorum, ante ultimam cladem. 68. Item, Judæorum ante exilium Babylonicum. ibid.*
- Scotorum regnū quamdiu duravit? 50. fi. cum seq.* SCA-

RERUM MEMORAB.

<i>Scaphismus supplicii genus.</i>	162
<i>Scarbici, Comitum Pol. legati apud Henricum V.</i>	
<i>Imp. jocus.</i>	315
<i>Seditionum concitatrix luxuria. 628. fi. cum seqq.</i>	
<i>flabella.</i>	444. & seqq.
<i>Seditiosorum interitus.</i>	450. fi. & seqq.
<i>Selymus Turcarum Imp. diligens lector historia- rum Alexandri M. & C. Caesaris. 204. idem</i>	
<i>Baiazetempatrem veneno tollit.</i>	554
<i>Semiviri qui?</i>	501
<i>Seneca à Nerone quare interemptus?</i>	72
<i>Senum cum juvenculis matrimonia cavenda.</i>	
<i>506. & seq.</i>	
<i>Senum consiliis stat Respublica.</i>	272. & seqq.
<i>Senatus 70. virorum, quare à Davide institutus?</i>	
<i>39. fi. seq. ejusdem auctoritas. 53, 109. cum</i>	
<i>seq.</i>	
<i>Senatorum Rom. taciturnitas.</i>	265. & seqq.
<i>Sententia à judice non precipitanda. 384. & seqq.</i>	
<i>Servilium bellorum apud Romanos exitus. 452.</i>	
<i>fi. & seq.</i>	
<i>Serv. Sulpitius, quomodo conjurationem reducen- di Tarquinii detexerit?</i>	386. & seqq.
<i>Sesostris Rex Ægypti à Regibus captivis vectus; quomodo eosdem liberavit?</i>	229. fi. cum seq.
<i>Sicula vespera, earumq. occasio.</i>	78
<i>Sigismundi Imp. auctoritas.</i>	236
<i>Sigismundus Augustus R. P. successive duas sorores duxit.</i>	477

I N D E X

- Siclus Templi.* 408. fi. cum seq.
- Sisamnes iudex excoriatus à Cambyse.* 162. & 373
- Socrates quare uxorum convitia modestè tulerit?*
511.
- Sponsaliorum requisita.* 482. cum seq.
- ex Sponsalibus contracta propinquitas unde?* 481
- Spignei Card. Polonorum legati intempestiva ex-
probratio.* 311
- Spadonis ab Alexio Imp. legati perfidia.* 323
- Stephanus Walachia Princeps, quare Tartaro-
rum legatos interfecerit?* 334
- Stauratius Imperio dejectus à senatu Constanti-
nopol.* 122
- Steno junior Suecorum Rex admodum popularis.*
411. & seq.
- Στογνῆ, brutis quoq; insita, nedum hominibus.* 530.
cum seq.
- Subjectionis muliebris origo.* 497. cum seq.
- Subditorum benevolentia regni vinculum firmis-
simum.* 20. & 21. eorundem opes thesaurus
principum. 134. cum seq. & 411
- Subditorum in principes amor esto sincerus &
candidus.* 415. & seqq.
- Subditi cum seditiosis ne commiscantor.* 444. cum
seq. iisdem Rerum publ. mutationes nova fu-
gienda. 441. & seqq. iisdem ad impia sacra co-
actis quid faciendum? 403. fi. cum seqq.
- Subditos rebellantes quando bello coërcere liceat?*
598.

Sulpitia

RERUM MEMORAE.

Sulpitia familiari veste maritum in Siciliam prosequitur. 492

Superbia & insolentia non manent impunita. 577.
cum seqq. & 609. cum seqq. 670. cum seq.

Suspicio inter confœderatos exorta, infelix. 667.
cum seqq.

T *Aciturnitas Rom. Senatorum.* 265. cum seqq.
Talismani apud Turcas ad Sultanum templum ingredientem oratio. 13

Tarentini quare à Romanis debellati? 351

Telemachus sub matris tutela educatus stolidus evasit. 571

Teleti Spartani reverentia erga patrem. 540

Temeritas infelix. 609. cum seqq.

Tempus consiliarius optimus. 268. & seqq.

Teuteria Romana filiam formosissimam, propter levissimam suspicionem submergi curat. 521

Theophili Imp. cum conjuge dissidia super imaginibus. 457

Theodelinda R. Longobardos ad veram fidem reduxit. 460

Theodosii M. Imp. laus. 193. & 195. ejusdem ira princeps contra Thessalonicenses. 386

Theodosii junioris doctrina & pietas. 193. cum seq.
ejusdem clementia. 159. cum seq.

Theodosius II. bellum gerit adversus Persarum Regem pro Christianis. 115

Theodoricus R. Francorum publici concilii auctoritate regno expulsus. 123. fi. & seq.

RERUM MEMORAB.

- Thomas Morus R. A. Cancellarius quare securi percussus?* 260
- Theod.: Medici oratio ad Cajanum Hunnorum Regem, Thraciam infestantem.* 294
- Thercylidis legati ad Pyrrhum responsio.* 314
- Themistoclis reprehensio.* 714
- Theodericus Marchio Brandeburgicus, Magdeburgi eleemosynâ sustentatur.* 227. cum seq.
- Thessalicae mulieres Laiden meretricem scabellis iracundant.* 520
- Tiberius Cas. simulatè principatum recusat.* 142. si. cum seq. idem compertoribus praefecturas urbis concessit. 155. ejusdem timiditas & ignavia. 183. si. cum seq. idem ex nutrice curiosus, ipse quoq. talis factus. 369
- Tib. Gracchus legis Agrariae lator in flumen precipitatus.* 451. si. cum seq.
- Timiditas in belli susceptione fugienda.* 617. cum seqq. ejus poena. 620. cum seq.
- Timiditas exprobrata Principi.* 183. & seq.
- Timor domini basis omnis felicitatis.* 390
- Timanthes pictor qualiter Agamemnonis vultum in Iphigenia immolatione expresserit.* 526. & seqq.
- Timophanes diris matris devotus seipsum inedia conficit.* 555
- Tisela Stephano R. Ung. nubere noluit, nisi Christiano facto.* 458
- Tigranis*

I N D E X

- Tigranis R. A. ejusq; conjugis mutui amor.* 497.
ejus clades. 592.
- Timothei consilium in eligendo Duce Athenien-*
sium. 273
- Tituli principum quid eos admonere debeant?* 183.
& seqq.
- Titus Vespasianus ante moenia Hierosolymæ feriri*
non potuit. 90. *ejusdem factum erga duos con-*
spiratores. ibid. *amor deliciaq; generis humani*
dictus. 177. *patrem incredibili audaciâ ab hoste*
liberat. 549. *Judeis ad se confugientibus ve-*
niam dedit. 727
- Totila R. Gothorum ad milites oratio.* 18. *idem*
quare Beneventum mœnibus nudavit? 678
- Trahomira Bohemia R. crudelitas.* 15
- Trajani Imperatoris ad præfectum prætorio o-*
ratio. 147. *si. cum seq. idem præmiis bonos cives*
fecisse dicitur. 152. *idem optimus appellatus.*
 176.
- Triaria L. Vitellii conjugis fidelitas.* 493
- Tributorum remissio Principi honorifica; eorum-*
dem exactio non rarò necessaria. 411. *& seqq.*
de Tributo questio Christo proposita. 407. *& seq.*
- Triginta tyrannorum Atheniensium immanis se-*
vitia. 242. *& seq.*
- Triumviratus inter Pompejum, Crassum & Cæ-*
sarem. 446. *cum seqq.*
- Tyrannis evertit regna.* 75. *& seqq.*
- Tyranni natura boni principis moribus prorsus*

I N D E X

- contraria ejus q̄ cauda vulpina.* 135. fi. & seqq.
 & 139. cum seqq.
- Tyranni imperium cur instabile?* 177. & seq.
- Tyranni sanguine gaudent, simplici morte non sunt contenti.* 161. & seq. *quomodo coërcendi?* 117. cum seqq.
- Tyrannorum anima sanguinolenta, vita misera, ævum breve, exitus tragicus.* 241. & seqq.
- Tyrannide oppressis vicinis auxiliaris manus porrigenda?* 127. fi. cum seqq.
- Tyranni nolunt subjecti esse LL.* 150. cum seqq. *ii- dem improbos tantum & ignobiles extollunt.* 155.
- Tyresii P. C. responsum de Numantia eversa.* 680.
- Tyris expugnata ob violationem caduceatorum Alexandri M.* 332
- Tullia, Tarquini superbi uxoris, crudelitas.* 14
- Turcarum laus.* 18. fi. cum seqq.
- Turca intra fatales limites subinde revocati.* 56
- in Turcas Germania procures fratribus adflictis auxilium præbent.* 28. pr.
- Turci quomodo Asiam subegerint.* 663. fi. cum seqq. *ii- dem ab Hieronymo Lasco Pol. in Hungariam evocati.* 663
- Turca uxores suas domi inclusas servant.* 517
- Turcicorum Imperatorum filiis nihil miserius.* 534
- V** *Andalorum ex Hispaniâ in Africam traje- ctus.* 664
- Vasities vitanda.* 432
- Valens**

RERUM MEMORAB.

<i>Valens Imp. persuasione uxoris, Arrianus factus.</i>	
457. item in tugurio combustus.	100
<i>Valentiniani II. Imp. pietas.</i>	192
<i>Varnensis clades Christianorum. 170. cum seq. &</i>	
613. 651	
<i>Kasthi R. P. inobedientia erga maritum, justè pu-</i>	
<i>nitur.</i>	409
<i>Vendi non debent magistratus.</i>	349
<i>Ventidius Bassus sordide in adolescentia victum</i>	
<i>quarens, postea fit consul.</i>	344.
<i>Veritas sectanda.</i>	357. cum seqq.
<i>Vespera Sicula earumq; occasio.</i>	78
<i>Vicarii magistratuum, sunt pestes rerum publica-</i>	
<i>rum.</i>	346
<i>Vicinis à tyrannide oppressis auxilium ferendum.</i>	
127.	& seq.
<i>Victi sunt victores.</i>	623. & seqq.
<i>Victoriâ non insolenter utendum.</i>	726. & seqq.
<i>Victoria non parum commodat Dux belli bonus.</i>	
639. cum seqq.	
<i>Vindicta cupiditas rerum publ. pestis.</i>	69. & 70
<i>Vir caput uxoris.</i>	500
<i>Vir & uxor, una caro.</i>	483. & seqq.
<i>Viri bellatores quare plerumq; uxorii?</i>	508. & seq.
<i>Virtus Regi futuro debet esse commendata. 6. &</i>	
<i>seqq.</i>	
<i>Virtutis præstantia, & quomodo ejus compotes</i>	
<i>fiant homines?</i>	130. & seqq.
<i>Vir bonus, olim judex dictus.</i>	354

I N D E X

- Virtutis umbrâ tyrannus decipit.* 143
- Virtutis remuneratio necessaria, ejusq; exempla.*
151. cum seqq.
- Violdus, Lituania D. è carcere liberatur uxoris
dolo. 488. ejusdem clades.* 606
- Vitellium Imp. magis adulatio, quàm ira perdidit.*
262
- Vita beata civium sit religione sancta, virtute
honestâ, copiis locuples, gloria ampla, opibus fir-
ma.* 128. si. & seqq.
- Uxor sub viri sit potestate, hic illi dominetur. 497.*
& seqq.
- Uxoris patientia concordiam conjugalem conser-
vat.* 495
- Uxorum convitia quare Socrates modestè tulerit?*
111
- W**enceslaus R. B. bis Imperio dejectus. 123. idem
pro aliquot plaustris vini, Noribergenses
juramento fidelitatis absolvit. 424. si. cum seqq.
- Witischachius Comes Ducatum Bavaria dono ac-
cepit.* 153. si. cum seqq.
- Winsbergensium matronarum fides conjugalis.*
489
- X**erxes R. P. salutaria consilia spernit suo exi-
tio. 210. idem cum maximo exercitu pro-
gressus contra Athenienses, vix unâ scaphâ
elabatur. 225

RERUM MEMORAB.

Z Elotyria pestis. 515. cum seqq. & quomodo sit fugienda.	524. cum seq.
Z ollerius Comes Marchionatu Brandeburgico do- natur.	154
Z ipora quare Moſen deſeruerit.	457


F I N I S.





Errata, sic corrige.

Pag. 11. lin. 3. leg. suadent. 14. l. 26. Ovidio. 21. l. 2. M. Antoninus Imp. 24. l. 7. expung. particul. & 38. l. 2. domum rediissent. 40. l. 21. non possis. 48. l. 21. archetypo ex sese sumto. 63. lin. antep. vincendū. 70. lin. antep. magnæ cum necessitatis. 73. l. pen. sociati Romanis. 78. l. 19. qui in itinere. l. 21. oblato causam. 85. l. 12. Joram. 91. l. 13. projecerat. 114. l. 9. minimam. 137. l. 25. (a. Christ. 31) 143. videri. 243. l. 23. murus 164. l. 15. cum seq. constantia conventionum. 166. l. 17. speciem habere. 211. l. 19. Childerici secundi. 244. l. antep. Licinius Gallienus. 273. l. 8. a Thebanis & l. 7. Leuctricam. 277. l. 10. Hannonis. 356. l. 3. anima est. 414. l. 4. Asdrubale. 436. l. 1. Comite Veromanduo. 432. lin. 1. suppl. majora. 457. leg. antepenultim. iconomachus. 463. lin. 23. repudiata. 488. lin. 3. Violdus & paulo post, ibid. Jagellone. 503. lin. 21. ejus. 522. lin. 25. Childerici. 529. l. 4. Parysatis. 565. l. 19. Gersonem. 581. l. 2. expung. particul. cum 581. 11. rege Argivorum. 584. l. ult. compacta. 585. l. 1. expung. & 587. l. 17. in Deo. 623. l. 5. Spurius Servilius. 625. l. ult. Maximinus 635. l. pen. Vonæ. 645. l. 24. communicari. 654. l. 24. Corvino. 659. l. 4. Maximo. 696. l. 3. angustissimis. 708. l. 8. contemnerent.



R E R U M M E M O R A B.

- Thomas Morus R. A. Cancellarius quare securi percussus?* 260
- Theodorus Medici oratio ad Cajanum Hunnorum Regem, Thraciam infestantem.* 294
- Thercylidis legati ad Pyrrhum responsio.* 314
- Themistoclis reprehensio.* 714
- Theodoricus Marchio Brandeburgicus, Magdeburgi eleemosynâ sustentatur.* 227. cum seq.
- Thessalicae mulieres Laiden meretricem scabellis iraciunt.* 520
- Tiberius Cas. simulatè principatum recusat.* 142. si. cum seq. idem compotoribus praefecturas urbis concessit. 155. ej. idem timiditas & ignavia. 183. si. cum seq. idem ex nutrice eoriosa, ipse quoq. talis factus. 369
- Tib. Gracchus legis Agraria lator in flumen precipitatus.* 411. si. cum seq.
- Timiditas in belli susceptione fugienda.* 617. cum seqq. ejus poena. 620. cum seq.
- Timiditas exprobrata Principi.* 183. & seq.
- Timor domini basis omnis felicitatis.* 390
- Timanthes pictor qualiter Agamemnonis vultum in Iphigenia immolatione expresserit.* 526. & seqq.
- Timophanes diris matris devotus seipsum inedia conficit.* 555
- Tisela Stephano R. Ung. nubere noluit, nisi Christiano facto.* 458
- Tigranis*

I N D E X

- Tigranis R. A. ejusq; conjugis mutui amor.* 497.
ejus clades. 592.
- Timothei consilium in eligendo Duce Athenien-*
sium. 273
- Tituli principum quid eos admonere debeant?* 183.
& seqq.
- Titus Vespasianus ante mœnia Hierosolymæ feriri*
non potuit. 90. *ejusdem factum erga duos con-*
spiratores. ibid. *amor deliciaq; generis humani*
dictus. 177. *patrem incredibili audaciâ ab hoste*
liberat. 549. *Judeis. ad se confugientibus ve-*
niam dedit. 727
- Totila R. Gothorum ad milites oratio.* 18. *idem*
quare Beneventum mœnibus nudavit? 678
- Trahomira Bohemia R. crudelitas.* 15
- Trajani Imperatoris ad præfectum prætorio o-*
ratio. 147. *si. cum seq. idem premiis bonos cives*
fecisse dicitur. 152. *idem optimus appellatur.*
 176.
- Triaria L. Vitellii conjugis fidelitas.* 493
- Tributorum remissio Principi honorifica; eorum-*
dem exactio non rarò necessaria. 411. *& seqq.*
- de Tributo questio Christo proposita.* 407. *& seq.*
- Triginta tyrannorum Atheniensium immanis se-*
vitia. 242. *& seq.*
- Triumviratus inter Pompejum, Crassum & Cæ-*
sarem. 446. *cum seqq.*
- Tyrannis evertit regna.* 75. *& seqq.*
- Tyranni natura boni principis moribus prorsus*

I N D E X

- contraria ejus q̄ cauda vulpina.* 135. fi. & seqq.
 & 139. cum seqq.
- Tyranni imperium cur instabile?* 177. & seq.
- Tyranni sanguine gaudent, simplici morte non sunt contenti.* 161. & seq. *quomodo coërcendi?* 117. cum seqq.
- Tyrannorum anima sanguinolenta, vita misera, avum breve, exitus tragicus.* 241. & seqq.
- Tyrannide oppressis vicinis auxiliaris manus porrigenda?* 127. fi. cum seqq.
- Tyranni nolunt subjecti esse LL.* 150. cum seqq. *ii- dem improbos tantum & ignobiles extollunt.* 155.
- Tyresii P. C. responsum de Numantia eversa.* 680.
- Tyrus expugnata ob violationem caduceatorum Alexandri M.* 332
- Tullia, Tarquini superbi uxoris, crudelitas.* 14
- Turcarum laus.* 18. fi. cum seqq.
- Turca intra fatales limites subinde revocati.* 56
- in Turcas Germania procures fratribus afflictis auxilium præbent.* 28. pr.
- Turci quomodo Asiam subegerint.* 663. fi. cum seqq.
ii- dem ab Hieronymo Lasco Pol. in Hungariam evocati. 663.
- Turca uxores suas domi inclusas servant.* 517
- Turcicorum Imperatorum filiis nihil miserius.* 534
- V** *Andalorum ex Hispaniâ in Africam traje- ctus.* 664.
- Vasities vitanda.* 432
- Valens**

RERUM MEMORAB.

<i>Valens Imp. persuasione uxoris, Arrianus factus.</i>	
<i>457. item in tugurio combustus.</i>	100
<i>Valentiniani II. Imp. pietas.</i>	192
<i>Varnensis clades Christianorum. 170. cum seq. &</i>	
<i>613. 651</i>	
<i>Vasthi R. P. inobedientia erga maritum, justè pu-</i>	
<i>nitur.</i>	409
<i>Vendi non debent magistratus.</i>	349
<i>Ventidius Bassus sordide in adolescentia victum</i>	
<i>querens, postea fit consul.</i>	344.
<i>Veritas sectanda.</i>	357. cum seqq.
<i>Vespera Sicula earumq; occasio.</i>	78
<i>Vicarii magistratuum, sunt pestes rerum publica-</i>	
<i>rum.</i>	346
<i>Vicinis à tyrannide oppressis auxilium ferendum.</i>	
<i>127.</i>	& seq.
<i>Victi sunt victores.</i>	623. & seqq.
<i>Victoriâ non insolenter utendum.</i>	726. & seqq.
<i>Victoria non parum commodat Dux belli bonus.</i>	
<i>639. cum seqq.</i>	
<i>Vindicta cupiditas rerum publ. pestis.</i>	69. & 70
<i>Vir caput uxoris.</i>	500
<i>Vir & uxor, una caro.</i>	483. & seqq.
<i>Viri bellatores quare plerumq; uxorii?</i>	508. & seq.
<i>Virtus Regi futuro debet esse commendata. 6. &</i>	
<i>seqq.</i>	
<i>Virtutis præstantia, & quomodo ejus compotes</i>	
<i>fiant homines?</i>	130. & seqq.
<i>Vir bonus, olim iudex dictus.</i>	354

I N D E X

Virtutis umbrâ tyrannus decipit. 143

Virtutis remuneratio necessaria, ejusq; exempla.
151. cum seqq.

*Violdus, Lituania D. è carcere liberatur uxoris
dolo. 488. ejusdem clades.* 606

Vitellium Imp. magis adulatio, quàm ira perdidit.
262

*Vita beata civium sit religione sancta, virtute
honestâ, copiis locuples, gloria ampla, opibus fir-
ma.* 128. si. & seqq.

Uxor sub viri sit potestate, hic illi dominetur. 497.
& seqq.

*Uxoris patientia concordiam conjugalem conser-
vat.* 495

Uxorum convitia quare Socrates modeste tulerit?
sic

W*enceslaus R. B. bis Imperio dejectus. 123. idem
pro aliquot plaustris vini. Noribergenses
juramento fidelitatis absolvit. 424. si. cum seqq.*

*Witisbachius Comes Ducatum Bavaria dono ac-
cepit.* 153. si. cum seqq.

Winsbergensium matronarum fides conjugali.
489

X*erxes R. P. salutaria consilia spernit suo exi-
tio. 210. idem cum maximo exercitu pro-
gressus contra Athenienses, vix unâ scaphâ
elabatur.* 225


RERUM MEMORAB.

Z Elotypia pestis. 515. cum seqq. & quomodo sit
fugienda. 524. cum seq.

Zollerius Comes Marchionatu Brandenburgico do-
natur. 154

Zipora quare Moſen deſeruerit. 457

F I N I S.





Errata, sic corrige.

Pag. 11. lin. 3. leg. suadent. 14. l. 26. Ovidio. 21. l. 2. M. Antoninus Imp. 24. l. 7. expung. particul. & 38. l. 2. domum rediissent. 40. l. 21. non possis. 48. l. 21. archetypo ex sese sumto. 63. lin. antep. vincendū. 70. lin. antep. magnæ cum necessitatis. 73. l. pen. sociati Romanis. 78. l. 19. qui in itinere. l. 21. oblato causam. 85. l. 12. Joram. 91. l. 13. projecerat. 114. l. 9. minimam. 137. l. 25. (a. Christ. 31) 143. videri. 243. l. 23. murus 164. l. 15. cum seq. constantia conventionum. 166. l. 17. speciem habere. 211. l. 19. Childerici secundi. 244. l. antep. Licinius Gallienus. 273. l. 8. a Thebanis & l. 7. Leuctricam. 277. l. 10. Hannonis. 356. l. 3. anima est. 414. l. 4. Afrubale. 430. l. 1. Comite Veromanduo. 432. lin. 1. suppl. majora. 457. leg. antepenultim. iconomachus. 463. lin. 23. repudiata. 488. lin. 3. Violdus & paulò post, ibid. Jagellone. 503. lin. 21. ejus. 522. lin. 25. Childerici. 529. l. 4. Paryfatis. 565. l. 19. Gersonem. 581. l. 2. expung. particul. cum. 581. 11. rege Argivorum. 584. l. ult. compacta. 585. l. 1. expung. & 587. l. 17. in Deo. 623. l. 5. Spurius Servilius. 625. l. ult. Maximinus 635. l. pen. Vonæ. 645. l. 24. communicari. 654. l. 24. Corvino. 659. l. 4. Maximo. 696. l. 3. angustissimis. 708. l. 8. contemnerent.



